

Ўзбекистон Республикаси Вазирлар Маҳкамаси
Тошкент ислом университети

Муҳаммаджон ИМОМНАЗАРОВ,
Марямхон ЭШМУҲАМЕДОВА

**МИЛЛИЙ
МАЪНАВИЯТИМИЗ
АСОСЛАРИ**

(Олий ўқув юртлари учун маъруза матнлари)

“Тошкент ислом университети”
Тошкент – 2001

**Ушбу китоб
Мустақил Ўзбекистон Республикасининг
ўн йиллик тўйига бағишиланади**

Taxrur ҳайъати:

**Ҳ. С. Кароматов (раис), Н. Иброҳимов, Н. Комилов,
З. Ҳусниддинов, А. Ҳасанов, Қ. Назаров, М. Қуронов,
Абдуллаев, З. Исломов, А. Мансуров, С. Аъзамхўжаев**

Масъул муҳаррирлар: **Нажмиддин Комилов**, филология
фналари доктори, профессор,
Муҳаммаджон Қуронов, педагогика
фналари доктори, профессор

Тақризчилар: **Зоҳиджон Исломов**, филология фанлари доктори,
Мирсадик Исҳоқов, тарих фанлари доктори

Ушбу китоб муаллифларнинг бир неча йиллик амалий иш тажриби ва жиддий назарий изланишлари маҳсулидир. Уч қисм, 22 маънни матнидан иборат бу китобда миллий маънавиятимизнинг бугун долзарб назарий масалалари ва тарихий-тадрижий такомил йўли ил баён қилинади.

Юртбошимизнинг миллий маънавият масалаларига оид нутқ ва олаларида билдирилган фикрлар ушбу матннинг назарий-услубий алишига асос қилиб олинди.

Китоб, биринчи навбатда, ижтимоий гуманитар йўналишдаги олий ўрта махсус ўкув даргоҳлари ўқитувчилари ва талабалари ҳамда навият соҳаси мутухассислари учун мўлжалланмоқда.

**“Маънавият –
инсоннинг,
халқнинг,
жамиятнинг
куч-қудратидир.**

**У йўқ жойда
ҳеч қачон
бахт-саодат бўлмайди”.**

**“Маънавият ҳақида гап кетар экан,
мен аввало,
инсонни руҳий покланиш
ва юксалишга даъват этадиган,
инсон ички оламини бойитадиган,
унинг иймон-иродасини,
эътиқодини мустаҳкамлайдиган,
виждонини уйғотадиган
қудратли ботиний кучни тасаввур қиласман”**

Ислом КАРИМОВ

I ҚИСМ

МУСТАҚИЛЛИК МАЬНАВИЯТИ

❖❖❖ *Маънавият масъулиятдир* ❖❖❖

1-маъруза. ИСТИҚЛОЛ ВА МАЬНАВИЯТ

ДАРС РЕЖАСИ:

1. Инсон ҳәётининг маъноси (муқаддима ўрнида).
2. Мустақиллик масъулияти. Миллий мустақиллик шароитида маънавият масалаларининг долзарблашуви ва бунинг сабаблари.
3. Инсонлар онгидаги эски мафкура асоратларидан кутулиш муаммоси ва янгича тафаккур зарурати.
4. Ўзбекистон Президенти И. А. Каримовнинг маънавият масалаларига алоҳида эътибори.

1. Фикр юритувчи ҳар бир инсон, албатта, ўз ҳәётининг маъно-мазмуни, моҳияти ҳақида бир кун эмас, бир кун ўйлаб қолади. Бу ёруғ дунёда яшашдан мақсад нима? деган саволни ўзига ўзи беради. Дарҳақиқат, инсон ҳәётининг маъноси борми, у нега яратилган ўзи?

Буюк мутафаккир аллома, шайх Нажмиддин Кубронинг истеъоддли шогирдларидан Нажмиддин Доя (Абу Бакр Абуллоҳ Асадий Розий) ўзининг 1223 йилда ёзилган “Мирсад ул-ибод мин-ал-мабдаъ илал-маод” (“Аллоҳ бандаларининг бошланғичдан тугалланишгача бўлган ҳаёт йўли”) асарида ушбу саволга жавоб сифатида бир рубоий келтиради:

*Мақсуди вужуди инсу жон ойина аст,
Манзури назар дар ду жаҳон ойина аст,
Дил ойинаи жамоли шоҳаншоҳ аст,
Вин ҳар ду жаҳон гилофи он ойина аст.*

(Инсон вужудидан мақсад кўзгудир,
Ҳар икки жаҳонда эътиборга арзигулик нарса кўзгудир,
Қўнгил (Борлик) ҳукмдорининг жамолини акс этти-
рунчни кўзгу бўлиб,
Ҳар икки жаҳон ушбу кўзгунинг гилофидир.)

Аллоҳ инсонни икки жаҳонда азизу мукаррам қилиб яратди. Бутун моддий оламни унга бўйсундирди. Инсон вужудидан мақсад эса унинг кўнгил кўзгусидир. Чунки бу кўзгу Борлиқ ҳақиқатини – Ҳақ жамолини ўзида акс эттириш қобилиятига эга. Бу табаррук гоя турли тарзда, турли кўриниш-ифодаларда кўпчилик улуф алломаларимиз ижодида ўз аксини топган. Улар йўқ жойдан пайдо бўлмаган. Охирги ва бизгача мукаммал етиб келган илоҳий ваҳий бўлмиш Куръони каримнинг “Нур” сураси 35-ояти “Аллоҳ нур ус-самовоти ва-л-арз» (Аллоҳ осмонлар ва ернинг “нуридир”) деб бошланади ва давомида “ Аллоҳ ўзининг (бу) нурига ўзи хоҳлаган кишиларни ҳидоят қилур” (Йаҳди-л-лоҳу ли-нуриҳи ман йашау) деб таъкид этилади.¹

Маълумки, инсон мукаммал мавжудот эмас. Вақти келса, у энг қутурган ҳайвондан бадтар ваҳшийлашиши ёки энг разил маҳлуқдан ҳам баттар тубанлашуви мумкин. Аммо Аллоҳ ҳикмати шундаки, бегуноҳ фаришталар эмас, айни Одам насли ер юзида халифа қилиб яратилган. Аллоҳ таоло Одам Атони яратишни ирова этар экан, фаришталарга “Мен ерда халифа яратмоқчиман,” — дейди (Бақара сураси, 30-оят). Куръони каримда инсоннинг ер юзида халифа қилиб яратилганини ҳақидаги хабар яна қатор сураларда зикр этилади. “У сизларни ерда халифа қилиб қўйган зотдир”, — дейилади “Фотир” сураси 39-оятида. “Анъом” сураси 165-оятида, “Юнус” сураси 14-оятида, “Сод” сураси 26-оятида, “Намл” сураси 62-оятида, “Нур сураси” 55-оятида, “Аъроф” сураси 129-оятида ҳам шу мазмун ифодаланади. Шундай экан, Нажмиддин Доя келтирган фикрлар миллий маънавий меросимиз учун тасодифий эмас, балки етакчи фикрdir. Маънавият ҳақида сўз юритганда биз, аввало, ана шу табаррук ҳақиқатни фаромуш этмаслигимиз керак.

Аждодларимиз меросида сурат ва маъно, мажоз ва ҳақиқат ҳақида сўз боради. “Сурат” ва “мажоз” тушунчалари бу ўринда фоний дунёни, жумладан, инсон вужудини, “маъно” ва “ҳақиқат” эса боқийликни, Борлиқнинг боқий моҳиятини ифодалаш учун ишлатилади. Инсон маънавияти унинг айни шу баҳога дахлдорлигини, ушбу фоний хилқатда акс этиши мумкин бўлган боқий ҳақиқатни, хуллас, фанода бақонинг намоён бўлишини англатади.

Хар қандай ҳодисани назарий ўрганиш деганда унинг

моҳиятини турли нисбатларда кўриб чиқиш назарда тутилади. Маънавият бақонинг фанода зуҳури бўлганлигидан яхлит ва беҳудуддир. Демак, унинг ўзга ҳодисаларга нисбатлари ҳам чексиз бўлиб, инсон илми чексизликни яхлит қамраб олиши мушкул. На илож, шу чексиз нисбатлар аро биз учун энг долзарб ва муҳимларини танлаб олишга тўғри келади.

2. Бугуннинг энг долзарб муаммоси мустақиллик ва маънавият нисбати бўлиб, қолган масалаларнинг барчаси шунга боғлиқ. Мустақиллик маънавиятигининг таянч қоидалари 1992 йилдаёқ Президентимизнинг китобларида аниқ ва равshan ифодалаб берилган эди. Биз ўз ўрнида уларга батафсил тўхтalamиз. Ҳозир Мустақиллик маънавиятигининг бош масаласидан сўз очмасак бўлмайди. Маънавият ҳақида ҳар қанча гапириш, ёзиш мумкин. Аммо маънавият фалсафа эмас, дунёни ҳар қанча изоҳлаб берганингиз билан, қонун-қоидасини аниқлаб, тушунтириб берганингиз билан сиз ақлли, билимдон, мантиқий фикрловчи одам сифатида қадрланингиз мумкин, аммо булар сизни маънавий баркамол эканлигиниздан далолат бермайди. Яна Сиз ўта истеъодли бўлишингиз, Ватан ҳақида, мустақиллик ҳақида ажойиб қасидалар битишингиз мумкин. Албатта, истеъод ҳам маънавият нишонаси, аммо таърифу тавсифлар билан Ватан равнақи таъмин этилмайди, мустақиллик мустаҳкамланмайди. Мустақиллик маънавиятигининг бош мезони, асос-пойдевори масъулият туйғусидир. Шундай экан, сухбатнинг аввалида ҳам шу мавзу турмоги лозим.

Неча минг йиллик тарих давомида не-не хоқонлару хонлар, амирлару шоҳлар ўтди. Уларнинг бирлари миллат довругини дунёга тарқатган бўлсалар, бошқалари юртни аборг қилганлиги ҳам сир эмас. Охирги юз йил давомида юртимизнинг етакчи ўғлонлари фоже тақдирга рўбарў келдилар. Амир Олимхоннинг сиёсатидан норизо бўлган Файзуллахўжа халқим дея қон ютди, аммо орзуси ушалмади. Усмон Юсупов умрини Ўзбекистон халқи учун тикди, аммо халқ асоратда қолаверди. Шароф Рашидов халқ оғирини енгил қиласман деб кўп уринди, аммо охири бориб халқни ҳам, унинг ўзини ҳам ёмонотлиқ қилиш бошланди. Қарамлик касофатидан эди бу фожиалар. Янги даврда ўзбек халқининг баҳти Ислом Каримов номи билан боғланди.

Биз Президентнинг мустақил миллий сиёсат, Ота юрт мавқеини олам узра юксакларга кўтариш, мамлакатда барқарорлик ва ижтимоий үйғунликни таъминлаш, демократик хуқуқий давлат тизимини шакллантириш, ижтимоий кафолатларни мукаммалаштириш йўлидаги ва бошқа қатор хизматларига алоҳида тўхталмаймиз. Зотан, буларнинг ҳар бирни мустақил мавзу.

Собиқ “СССР”нинг хом ашё базаси бўлиб, марказ манфаатларига қатъий бўйсунувчи ягона тизим занжирига кўллоёфи, ҳар бир хужайраси билан чамбарчас боғлаб ташланган республиканинг асли noctor иқтисодий-ишлаб чиқариш биноси, “СССР” парчалангач, буткул харобага айланган эди. Ислом Каримов бозор иқтисодига ўтиш йўлидаги ислоҳотларни шундай мураккаб шароитда, шундай носоз пойдеворга таяниб амалга ошира бошлади. Бугунги кунда Ўзбекистоннинг аҳволи Мустақил давлатлар ҳамдўстлигида барқарорлиги ва ижобий силжишлари билан ажralиб турипти. Аммо биз иқтисодий масалаларга ҳам батафсил тўхталмоқчи эмасмиз.

Бугунги кунда айтиш мумкинки, Ўзбекистон жаҳон миқёсида ўзига хос барқарор сиёсий мавқе касб этиб турипти. Жаҳоннинг энг илфор давлатчилик анъаналарини ўзбекнинг миллий табиати билан, ўз қадим удумлари билан үйғунлаштира олган Конституциямиз – мустақил мамлакатнинг Асосий қонуни – ҳар бир соҳада батафсил ишлаб чиқилаётган қонун ва кодекслар билан амалда қўлланиб, мустаҳкамланиб бормоқда. Бозор иқтисодига ўтиш, мамлакатнинг ички иқтисодий тизимини үйғунлаштириш, илфор технологик жараёнларни ишлаб чиқаришга татбиқ этиш борасида ўтган йиллар ичida улуғ ишлар амалга оширилди ва оширилмоқда. Ижтимоий үйғунлик, барқарор осойишталиқ, халқ бирдамлиги фикрлар, қарашлар хилма-хиллиги билан баҳамжихат ривожланмоқда. Турли сиёсий партиялар ўз мустақил йўналишларини шакллантириб, сиёсий муҳорабанинг маданиятли усууларини, демократик тамойилларни ўзлаштириб бормоқдалар. “Ватан манфаати, мустақиллик манфаатини ҳамма нарсадан устун қўядиган, қалбида ўти ва эрк туйғуси бор, ғайратли, куюнчак”²², айниқса, бугунги кун миллат эҳтиёжи ва жаҳон талабларига жавоб бера оладиган ёш ва талантли авлод аста-секин майдонга кирмоқда. Хуллас, ютуқлар бисёр. Энг муҳими, халқ, миллат ўзлигини англаб бормоқда.

Аммо, барибир, хотиржамликка ўрин йўқ. Чунки муаммолар ҳануз етарли. Жумладан, кишиларимизнинг, айниқса, ёш авлоднинг маънавий тарбияси борасида қийинчиликлар кўнгилдагидек бартараф этилди, дейиш қийин. Инсонлар онгининг эски ақидалар асоратидан покланиши осон савдо эмас экан. Айниқса, юртнинг етакчилари бўлиши лозим бўлган зиёлиларимиз руҳига сингиб кетган кўнилмаларни енгидиб ўтиш мashaққати ҳар қадамда сезилиб қоляпти. Агар катта-кичик раҳбарлар ҳам одатан айни шу зиёлилар тоифаси ичидан етишиб чиқишини инобатга олсак, вазиятнинг жиддийлиги янада ойдинлашади. Уларнинг ҳар бири жамиятда ўзи эгаллаб турган мавқе ва мақомини бутун масъулияти билан, кўлами ва залвори билан ҳис этяптими, ўтмиш ва келажак олдида, халқ ва Аллоҳ олдида ўзининг ҳар бир қадами учун жавоб беришга ҳозирми? Ўзига ишониб топширилган вазифани эплаб, кўнгилдагидек уддалай олишга кудрати, билим ва иқтидори, иромда ва саботи етадими? Нега жамоани бошқариш иқтидори, амалга оширган эзгу ишлари туфайли халқ ўзтиборини қозонган, яхши ном орттирган одамлар баъзан каттароқ лавозимларга муносиб топилса, икки-уч йил ўтмай табиатида ўзгариш пайдо бўлиб қолаяпти?

Иқтисодий ва сиёсий ислоҳотлар халқ онгига теран етиб бориши, амалда жадал ўзгаришлар ҳосил қилиши учун инсонлар онгига туб ўзгаришлар юз бериши зарур. Биз тоталитар давлат мулкига асосланган иқтисодни рад этиб, мулкчилик шаклларининг турли-туманлигига асосланган эркин бозор иқтисодига ўтмоқдамиз. Сиёсатда якка партия, ягона мафкура зўравонлигига барҳам бериб, кўппартиявийлик, фикр ва қарашлар хилма-хиллигига йўл очмоқдамиз. Лекин инсонлар тафаккурини эски андазалар, тор қолиплар тугал тарк этиши қийинчилик билан амалга ошмоқда. Тафаккуризм, қарашларимиздаги янги тамойиллар ҳануз анча юзада, онгимизнинг сиртқи қатламларида қолиб кетмоқда, баъзан янги қадриятларни ҳам эски ўлчовлар билан баҳолашга уринмоқдамиз. Инсонлар онгига туб ўзгаришлар юз бермас экан, Ўзбекистоннинг буюк келажагини қуриш орзуси ширин хаёллигича қола беради. Маънавият ва мафкурага алоҳида эътибор қаратилишининг бош сабаби ҳам шунда.

3. Инсон агар Ҳақ йўлида астойдил уринса, кўп иш қўли-

дан келади. Аммо инсонларда фақат фазилатлар эмас, қусурлар ҳам бор. Масалан, гафлат, шаҳватпарастлик, такаббурлик. Инсоний иллатлар ичида энг қаттоли – худбинлик балоси, нафс балосидир. Бу касаллик жами аҳли башарга бегона эмас. Шунга қарамай, дунёning кўпгина мамлакатларида жамият бу иллатни қандайдир ҳудудларда жиловлашга эришган. Ҳар бир инсон ўз ҳуқуқи ва масъулияти меъёрларини муайян ўлчовларда сақлаб боришга одат ҳосил қилган. Афуски, собиқ тоталитар тузум даврида айни щу меъёрларнинг асос томирлари қирқиб ташланди, туб маънавий негизларига жиддий раҳна солинди. Коммунистик ақидапарастлар диктатураси 70 йил давомида, изчил суръатда миллион-миллион ҳалқларни ялпи манқуртлаштириши сиёсатини олиб борди. Бу тузум турли миллат, турли ўлкаларни мажбурий равишда бир партия измига бўйсундирган, курама мамлакат аҳолисини миллатсиз, маънавиятсиз, мустақил ўй-фикрсиз “коммунизм қурувчилари” аталмиш қиёфасиз мавжудотларга, дунёга ҳукмдорлик орзузида бўлган киҷик бир гуруҳнинг иродасини қулоқ қоқмай ижро этувчи улкан механизмнинг “паррак” ва “винтча”ларига айлантириш ниятида эди. Ва дарҳақиқат, ўз манфур ниятларини анча-мунча амалга ошириб улгурди.”¹

ХХ асрнинг 70-йилларига келиб, айтиш мумкинки, “Совет Иттифоқи” аталмиш улкан бир ҳудудда воқеан “манқуртлар ғалтанати” шаклланди. Кейинчалик Ўзбекистон Республикаси Олий мажлисининг биринчи йигилишида Президент И. А. Каримов бу ҳақда шундай фикр билдиради: “Бу тузум ўз ҳалқининг тарихини, унинг руҳи ва урф-одатларини, ўз авлод-ажходини билмайдиган манқуртларга таянар эди.”² Улар йўқ эмац эди, ҳаётимизда мавжуд эди. Ҳалқ онгини, унинг барча фаолиятини марказ измига бўйсундириш асосан ўшаларга ишониб топширилган эди.

Аллоҳга беадад шукрлар бўлсинки, бизнинг ҳалқимиз аксарияти ушбу макр домига тўлиқ тушиб қолмади. Чунки тузум олға сурган марксистик мафкура бизнинг неча минг йиллик маънавий меросимиз, миллий анъаналаримиз, ҳалқимиз руҳи учун мутлақо бегона бўлиб, фақат сиёсий ва иқтисодий қарамалик шароитида четдан зўравонлик йўли билан киритилган ва шафқатсиз усувлар билан онғимизга сингдиришга уринилган эди. Аммо, таассуф билан қайд этиш

лозимки, тоталитар тузумининг уринишлари баридан майдан “натижада”ларга эришиди. Чингиз оға Айтматов жуда ёрқин гавдалантириб берган “манқуртлик касали” одамларимиз онгида анча-мунча томир отиб улгурди. 70 йиллик истибод мобайнида большевистик мафкуранинг якка ҳукмронлиги, айниқса, 1937—1938 йил қатагонларидан кейинги авлодни ўз миллий қадрияларидан, маънавий меросидан жиддий бегоналашувига сабаб бўлди. Ана шу мажбурий юқтирилган иллат баъзи инсонлар руҳиятида ҳануз қарамлик асорати сифатида намоён бўлмоқда.

“Ўз истиқлол ва тараққиёт йўлини, — деб ёзган эди И. А. Каримов мустақиллигимизнинг дастлабки йилларидаёқ, — бу гул билан қопланган йўл эмас, тоталитаризм меросидан холос бўлиш ва покланиш, мафкуравийлик иллати етказган зиён-заҳматларни бартараф этишнинг қийин, узоқ давом этадиган йўлидир”.⁴

Бугунги кунда ҳам ушбу покланиш жараёни давом этмоқда. Янгича, мустақил тафаккур зарурати ҳануз долзарб, миллий мафкурани шакллантириш, халқ маънавиятини юксалтириш бугуннинг ҳам энг муҳим вазифасидир. Мустақиллик масъулияти айни шу вазифаларни мукаммал ҳал этишини тақозо қилиб турипти.

4. Инсон маънавий дунёси — нозик соҳа. Ундаги вазиятни осонликча, майдан фармон ёки қарор қабул қилиш билан тузатиб бўлмайди. Уни ўнглаш учун йиллар давомида мунтазам ва сабр-тоқат билан мафкуравий, тарбиявий, маърифий иш олиб бориш, амалий чора-тадбирлар, ҳаётий ўзгаришлар жорий этиш тақозо қилинади.

Миллий маънавият миллатнинг ўтмиши, бугуни ва келажагини қамрайди, уларни яхлит тизимда тутиб туради. Ўтмиш аждодларимиз мероси бугунги жаҳон даражаси билан уйғунлаштирилса, мамлакатимиздаги воқе ахволга татбиқ этилса, ундан келажак куртаклари униб чиқади, келажак сиймоси шаклланади.

Шу сабабли ҳам И. А. Каримов Ўзбекистон Президенти лавозимига сайланган дастлабки кунлардан бери халқ маънавиятини юксалтиришга биринчи даражали эътибор қаратиб келмоқда. Ҳали шўролар тузуми мавжуд бўлиб, юртимиз “совет социалистик республикаси” деб аталган даврда — 1990 йил 24 март Олий Кенгаш сессиясида Ўзбекистонда

биринчи марта президент лавозими жорий этилиб, Ислом Абдуганиевич Каримов ушбу лавозимга муносиб топилгач, Ўзбекистон Президентининг биринчи нутқидаёк “халқни маънавий юксалтириш, инсонни ахлоқий ва маънавий юксалтириш” масаласи давлат раҳбарининг энг муҳим вазифаларидан эканлиги алоҳида таъкидлаб ўтилди.⁵ Маънавият деган сўзни юқори доираларда ишлатиш мутлақо урф бўлмаган ўша замонларда бу мутлақо янгича ёндошув, ўша пайтлар республика раҳбари учун катта жасорат эди.

Миллий мустақиллигимизнинг иккинчи йилида Президент “Ўзбекистоннинг ўз истиқолол ва тараққиёт йўли” рисоласини эълон қилди. Ушбу китобнинг алоҳида боби “Мустақил Ўзбекистонни ривожлантиришнинг маънавий-ахлоқий негизлари” деб номланди ва унда илк бор халқ маънавиятини ривожлантириш масалалари батафсил таҳлил этилди.⁶

1995 йил феврал ойида илк бор кўпартиявийлик асосида ўтказилган эркин ва демократик сайловлар ҳосиласи бўлмиш Ўзбекистон республикаси биринчи чақириқ Олий мажлисининг биринчи йиғилиши бўлиб ўтди. Унда Президент И. А. Каримов “Ўзбекистоннинг сиёсий-ижтимоий ва иқтисодий истиқболининг асосий тамойиллари” мавзуида катта маъруза қилиб, мамлакатнинг сиёсий ва иқтисодий ривожига оид муҳим масалалар билан бир қаторда миллатнинг маънавий такомили йўналишида ҳам янгича ёндошувлар, долзарб муаммоларнинг пухта ўйланган ечимларини халқ намояндалари муҳокамасига ҳавола этди. Унда, аввало, 130 йилик мустамлака асоратидан қутулиб, қайта қад ростлаган мустақил давлатчилигимизнинг бетакрор қиёфаси очиб берилди. Унинг халқимиз, миллатимиз “тарихий ва маънавий тараққиётининг” самараси, “ўзига хос, ўзига мос маданияти ривожининг” натижаси эканлиги қайд этилди.⁷ “Социализм” фояларининг халқимиз ҳаётига четдан зўравонлик билан жорий этилгани, улар халқимизни манқурлаштириш учун хизмат қилгани очиқ айтилди.

Тараққиёт тақдирини маънавий жиҳатдан етук одамлар ҳал қиласи. Шундай экан, давлат тузумини, жамият ҳаётини демократлаштириш, иқтисодий ислоҳотларни чукурлаштириш баробарида маънавиятга ҳам доимо алоҳида эътибор ажратиш талаб этилиши воқеий заруратдир. Президент маъ-

рузанинг “Юксак маънавият — келажак пойдевори”⁸ деб номланган фаслида мустақилликнинг дастлабки тўрт йилица бу соҳада эришган ютуқларни тилга олиш баробарида келажак йўналишларни ҳам батафсил таҳлил этиб берди. “Эндиғи асосий вазифа, — деб фикрини изҳор этди юртбoshимиз, — кишиларимизнинг мустақил фикрлашга ўрганиши, ўзига ишончининг орта боришидир”.⁹ Бунинг учун ҳар биримиз “босиб ўтган йўлимизни танқидий баҳолаб”, “буюк маданиятимиз томирларига, қадимий меросимиз илдизларига қайтиб, ўтмишимиздаги бой анъаналарни янги жамият қурилишига татбиқ этмоғимиз керак”.¹⁰

Умуман қайд этиш жоизки, Ўзбекистон Президенти И. А. Каримовнинг деярли ҳар бир маъруzasида маънавият масаласига эътибор қаратилади, ҳар бир китобида алоҳида боб ажратилади. Улар биринчи марта алоҳида йигилиб, 1994 йилда “Истиқлол ва маънавият” номли китоб бўлиб чиқсан бўлса, 1997-98-йилларда янада тўлдирилиб, “Маънавий юксалиш йўлида” (“На пути духовного Возрождения”) номи билан ўзбек ва рус тилларида мукаммал шаклда нашр этилди.¹¹ Айниқса, бу китобдаги “Маънавий мерос қудрати” (Ўзбекистон мустақиллигининг бир йиллиги тантаналарида сўзланган нутқ), “Халқни Ватан манфаатлари бирлаштиради” (Ёзувчилар билан суҳбат), “Юксак малакали мутахассислар — тараққиёт омили” (Ўзбекистон Республикаси Президенти хузуридаги Давлат ва жамият қурилиши академиясининг очилиши маросимида сўзланган нутқ), “Ватан — ҳамма нарсадан мўътабар” (Мустақилликнинг беш йиллигидаги байрам табриги), “Маънавий қадриятлар ва миллӣ ўзликни англашнинг тикланиши” (“Ўзбекистон XXI аср бўсағасида: ҳавфсизликка таҳдид, барқарорлик шартлари ва тараққиёт кафолатлари” китобида), “Жамиятимиз мафкураси халқни халқ, миллатни миллат қилишга хизмат этсин” (“Тафаккур” журнали бош муҳаррири саволларига жавоблар), “Тарихий хотирасиз келажак йўқ” (Тарихчи олимлар билан суҳбат) каби суҳбат ва мақолаларида, ундан кейин алоҳида нашр этилган “Аллоҳ қалбимизда, юрагимизда”, “Миллӣ истиқлол мафкураси — халқ эътиқоди ва буюк келажакка ишончдир” (“Фидокор” газетаси муҳбери билан суҳбат), “Эгали юрт эркини бермас” (2000 йил август Олий мажлис сессиясида сўзланган нутқ) каби қатор асарларида маънави-

ят масалаларига оид муҳим фикрлар, янгича гоялар олға сурилган.

1994 йил баҳорида “Маънавият ва маърифат” республика жамоатчилик марказини тузиш ҳақида Президентнинг Фармони чиқди. 1996 йил сентябрда ушбу марказ фаолиятини янада тақомиллаштириш ва самарадорлигини ошириш тўғрисида яна алоҳида Фармон бўлди ва унинг асосида Вазирлар Маҳкамаси махсус қарор қабул қилди. Ниҳоят, 1999 йилга келиб, бу марказ Республика Маънавият ва маърифат кенгашига айлантирилди.

Ўзбекистон Президентининг миллый маънавият масалаларига бағищланган фикр ва мулоҳазалари алоҳида йирик жиддий тадқиқот мавзусидир. Аммо мазкур тадқиқот якунларини кутмай туриб ҳам, И. А. Каримов асарларини шу йўналишда эътибор билан ўрганиб чиқсан одам Президент қарашлари миллый маънавият назариясини шакллантириш йўлида ўқ томирларини аниқ ва муайян кўрсатиб беришга қодирлигига амин бўлади. Шундан келиб чиқиб, ушбу маърузалар матнини яратиш учун назарий замин сифатида асосан Президент И. А. Каримов асарларида билдирилган фикр ва хуносаларга таянилди.

Юртбоши халқдан айру эмас. Чунки халқнинг, миллатнинг ниҳоний тилаги, истаги бугун Юртбошининг кўнглидаги тилакдир, истақдир. Президентнинг барча нутқ ва рисолаларини маънавият мавзуси нуқтаи назаридан бирма-бир кўздан ўтказиб чиқсан одамни ҳайратга соладиган нарса щуки, аждодларимиз яратган маънавий мерос, халқимизнинг дилида сараланиб келаётган, унинг оғзаки ижоди, ҳикматлари, матал ва мақолларида акс этган эзгу ақидалар ва Ўзбекистон Президентининг маънавият масалаларига муносабати, мулоҳазалари, фикр йўналиши ўзак-ўзагидан ўзаро мувофиқ ва уйғундир. Бошқача бўлиши ҳам мумкин эмас-дек туюлади биринчи қараашда. Аммо дунё сиёсатида бунга зид мисоллар кам эмас-ку. Аллоҳ таолодан баҳт тилагандага тўқис тилаган дуруст. Илоҳи, миллатимизга мустақиллик саодатини насиб этган Парвардигори олам унинг бардавомлигини ҳам, баракатини ҳам тўқис ато этган бўлсин. Иншо-оллоҳ, миллат ва унинг Юртбошиси азму қарорда, саъй-ҳаракатда доимо ҳамдам, ҳамқадам келмокда, келажакда ҳам шундай бўлсин.

Маънавиятсиз буюк келажак йўқ. Чунки уни роботлар эмас, инсонлар яратади. Инсонлар онги қандай бўлса, мамлакат келажаги ҳам шунгача яраша бўлади. Энг катта бойлик — инсонлар руҳиятида яширин. Ана шу сармоя тобора кенгроқ миқёсда муомалага кирган сари, ҳосил унумлироқ бўла беради, Ўзбекистоннинг жаҳон ҳамжамиятидаги мавқеи юксала беради, ўзбеклар ўз аждодларига муносиб улуғворлик касб эта беради.

Таянч иборалар: Кўнгил кўзгуси, инсоннинг ер юзида халифалиги, мустақиллик ва маънавият нисбати, масъулият туйгуси, ўзбек халқининг баҳти, Ватан манфаати, миллат эҳтиёжи, эски ақидалар асорати, худбинлик балоси, ялпи манқуртлаштириш сиёсати, миллий қадриятлар ва маънавий меросдан бегоналашув, янгича тафаккур зарурати, “тотали-тарииз меросидан халос бўлиш ва покланиш”, халқ маънавиятини юксалтиришга биринчи даражали эътибор, Республика “Маънавият ва маърифат” маркази, Республика Маънавият ва маърифат кенгаши, Ўзбекистон Президенти Ислом Каримовнинг миллий маънавият масалаларига бағишланган фикр ва мулоҳазалари, назарий замин, Юртбоши халқдан айру эмас, маънавиятсиз келажак йўқ.

Тавсия этилувчи ва фойдаланилган адабиётлар рўйхати:

Асосий адабиёт :

1. Куръони карим (Абдулазиз Мансур таржимаси). Т., 2001.
2. Каримов И. А. Озод ва обод Ватан, эркин ва фаровон ҳаёт — пировард мақсадимиз. 8-жилд. Т. — “Ўзбекистон” — 2000, с. 330—351.
3. Каримов И. А. Ўзбекистон: миллий истиқбол, иқтисод, сиёsat, мафкура. 1-жилд. Т. — “Ўзбекистон” — 1996, с. 76—85.
4. Каримов И. А. Ватан саждагоҳ каби муқаддасдир. 3-жилд. Т. — “Ўзбекистон” — 1996, с. 33—42.
5. Каримов И. А. Истиқбол ва маънавият. Т., 1994.
6. Каримов И. А. Маънавий юксалиш йўлида. Т., 1998.
7. «Маънавият ва маърифат» жамоатчилик маркази фао-

лиятини янада тақомиллаштириш ва самарадорлигини ошириш тўғрисида. Ўзбекистон Республикаси Президентининг Фармони. Т., сентябрь, 1996.

Кўшимча адабиёт:

8. Комил маънавият — мустақиллик таянчи. Т., 1997.
9. Маънавият — масъуллик. 1-китоб (Маънавият нашрлари. Республика «Маънавият ва маърифат» маркази). Т., 1997.
10. Маънавиятнинг ойдин йўли. 2-китоб (Маънавият нашрлари. Республика «Маънавият ва маърифат» маркази). Т., 1997.
11. Имомназаров М. С. Миллий маънавиятимиз назариясига чизгилар. Т., 1998, I қисм (с. 7-60).
12. Жалолов А. Мустақиллик масъулияти. 1994.

2-маъруза. МИЛЛИЙ ФОЯ, МАФКУРА, МАЪНАВИЯТ

ДАРС РЕЖАСИ:

1. Миллий фоя, мафкура, маънавият. Уларнинг ўзаро нисбати.
2. Миллий маънавият назариясини шакллантиришнинг умумметодологик асослари:
 - а) кўп кутбли дунё;
 - б) инсон — дунё меҳвари;
 - в) иқтисод, сиёsat, маънавият: инсон ва жамият ҳаётида уларнинг ўзаро уйғунлиги зарурати.

1. Миллий фоя — миллатнинг етакчи мақсади, “халқни, миллатни бирлаштирувчи, йўлга бошловчи бамисоли бир байроқ”.¹² Бу мақсаднинг аниқ ифодасини Президент И.А. Каримов 2000 йил 8 июндаги “Фидокор” газетаси мухбири билан суҳбатида шундай баён қиласди:

“Мамлакатимизда амалга оширилаётган янгиланиш ва тараққиёт сиёсатининг стратегик мақсади — хуқуқий демократик давлат ва бозор иқтисодиётига асосланган фуқаролик жамиятини барпо этишдан иборат.

Юртимизда истиқомат қилувчи барча инсонлар учун

миллати, тили ва динидан қатъи назар, муносиб ҳаёт шароити яратиб бериш, ривожланган демократик мамлакатлардаги кафолатланадиган турмуш даражаси ва эркинликларни таъминлаш. Ва шу асосда Ўзбекистоннинг жаҳон ҳамжамиятида муносиб ўрин эгаллашига эришиш”.¹³ Бунинг учун сиёсат соҳасида, иқтисодий ва маънавий йўналишларда нималар қилиш лозим эканлиги тўғрисида ҳам ўша суҳбатда батафсил жавоблар берилган.

Дарҳақиқат, миллий ғоя 130 йиллик асоратдан кутублиб, мустақилликнинг ойдин йўлига чиқиб олган, ҳаётида эркинлик сари туб ўзгаришларни дадил амалга ошираётган миллатнинг бош мақсади, интилиши. Уни Юртбошимиз истиқдолнинг дастлабки йилларида ёқ бир жумлада ёрқин ифодалаб берган эди: “Мустақилликнинг олий мақсади – ўзбек халқининг иззатини жойига қўйиш”¹⁴ Бу – ўз иззати ва қадрини билган миллат ўзини ҳам хўрлатиб қўймайди, ўзгалирнинг ҳам хурматини жойига қўяди, дегани. Ўзбек доим жаҳон саҳнасида ўзининг салмоқли мавқеига эга бўлиб келган халқ. Жаҳон тарихини холис вараглаган одам бунга амин бўлади. Айни шу сабабдан элимиз бағрикенглиги билан машхур. Аму ва Сир оралигига доимо турли элат, турли эътиқод вакиллари иноқ-иттифоқ яшаб келишган. Агар урушган бўлса, сулолалар урушган, aka-укалар тахт талашган, халқлар ёки миллатлар эмас. Аждодларимиз кўшни халқлар маданиятига, турмуш тарзига эътибор билан қараган, ўзларидан мерос қолдирган ўлмас маънавий обидаларни турли тилларда яратишган. “Ўз кучига ишонган халқнинг бағри кенг бўлади”,¹⁵ дейди Президент.

Миллий мафкура миллатнинг фикр майдони, унинг асрый орзулари, келажак режаларининг мунаzzам бир ифодасидир. Маънавиятимиз анъаналаридан келиб чиқиб, тушуниб етишимиз лозимки, биз ишлатадиган “мафкура” сўзи совет даври тарғиботчиларининг тилидан тушмай келган “идеология” тушунчасининг айний таржимаси эмас. Мафкура – фикр майдони, уни хоҳ тор қолип қилиб олинг, хоҳ жаҳон цивилизацияси ва миллий маънавиятимиз қадриятларини уйғунлаштирувчи кенг тафаккур олами сифатида ёндошинг. Албатта, ҳар бир ижтимоий тоифанинг, сиёсий ҳаракатнинг, гуруҳнинг ўз мафкураси бўлиши мумкин. Бу табиий ҳолат. Аммо миллат мафкураси унинг таркибиға ки-

рувчи барча тоифалар ва гуруҳларнинг мақсад йўналиши, тафаккуридаги энг умумий томонларни бирлаштиради. Унинг аҳамияти ҳам шунда. Элни Ватан манфаати бирлаштиради, деган кутлуг ибора бор. Миллий истиқлол мафкураси бизга эл-юртимиз, Ватанимиз олдидағи фуқаролик бурчимизни теран англаб етишимизга ёрдам беради, ёш авлоднинг ҳар бир вакилини ҳақиқий миллат фарзанди бўлиб улғайишига кўмаклашади. Миллий истиқлол мафкураси қонун моддаси кучи билан эмас, маънавий камолот орқали эришиладиган хидоят йўлидир.

Мустақилликнинг иккинчи йилида асосий қонунимиз қабул қилинди. Унинг иккинчи боби 12-моддасида “Ўзбекистон Республикасида ижтимоий ҳаёт сиёсий институтлар, мафкуралар ва фикрларнинг хилма-хиллиги асосида ривожланади. Ҳеч қайси мафкура давлат мафкураси сифатида ўрнатилиши мумкин эмас, “деб ёзиб қўйилган.¹⁶ Етмиш йил тоталитаризм жабрини тортган халқимиз бу қоиданинг қанчалик катта аҳамиятта эга эканligини яхши тушунади. “Ўзок ва яқин тарихдан яхши маълумки, — деб таъкид этади Президент, — бирон мамлакатда, бирон давлатда яккаю ягона фоя ёки мафкура ҳукмронлик қиласр экан, бу жамият, бу давлат, албатта инқирозга юз тутади.”¹⁷ Чунки ҳаёт доимо ўзгаришда, ривожланишда. Инсон тафаккури, унинг интилишлари, олдига қўйган мақсадлари ҳам доимо ўзгариб, тақомиллашиб боради. Шу сабабли унга ҳарқандай фоявий, мафкуравий тазийқ ўтказишга уриниш акс таъсир кўрсатиши, нохуш оқибатларга олиб келиши табиий. Қолаверса, жамиятнинг ривожланиш жараёни ҳам ундаги етакчи таъмойилларнинг вақти-вақти билан янгиланишиб, ўзгача маъно, ўзгача таркиблар ҳосил қилиб туришини тақозо қиласди. Ундаги ижтимоий тоифаларнинг мавқеи ва аҳамияти ҳам турли даврларда турли ҳолатда бўлади. Шунга мувофиқ сиёсий кучлар нисбати ҳам муайян ўзгаришларга учраши мумкин. Шундай экан, ҳеч қайси мафкура, жумладан, хатто миллий мафкура ҳам ҳаётий эҳтиёжлардан узоқлашиб, қотиб қолган ақида ҳолига тушмаслиги учун “давлат мафкураси мақомига кўтарилмаслиги, айланмаслиги керак”.¹⁸

“Миллий истиқлол мафкураси халқимизга ҳос бўлган энг муқаддас туйғу ва тушунчаларнинг мужассам ифодаси бўлиши керак”,¹⁹ — дейди Президент. Миллий мафкурани

ўзлаштириш, бир томондан, тафаккуримизнинг миллий маънавиятимиз илдизларидан мунтазам озиқданиб, қувват олиб туриши билан боғлиқ. Иккинчи томондан, жаҳон маданияти самараларидан баҳраманд бўлмаган, замон руҳини ҳис қилмаган одам ҳеч қачон миллий мафкурунинг моҳиятини яхши англаб ета олмайди. Чунки одам ўз қудратини тўғри белгилаши учун майдонга чиқиб, мардлар билан куч синаши керак. Шу икки жиҳатнинг уйғунлигига эришиш миллий мафкуруни ҳар бир инсон руҳида воқеан шакллантириш бўлади. Асли миллий мафкура йўқ жойдан сунъий ҳосил қилинмайди, аллақандай кабинетларда ўтириб тўқиб чиқарилмайди. Бу ҳақиқатни Президент Ўзбекистон республикаси Фанлар Академияси умумий йиғилишида 1994 йил ёзида сўзлаган нутқидаёқ батафсил тушунтириб берган эди. Унда исломий қадриятлар, маънавий мерос, хусусан, Шарқ фалсафасини теран ўрганиш ҳақида сўзлаб, Юртбошимиз яқин ўтмишдаги қарамлик мафкурасидан халос бўлиш учун “ўзимизнинг асрлар синовидан ўтган, улуғ аждодларимиз бизга қолдирган миллий мафкура ва тафаккуримизни тиклаш, уни замонавий умумбашарий руҳ билан бойитиш вазифамиз” эканлигини таъкидлаган эди.²⁰

Кейинчалик 2000 йил 6 апрелда Оқсанор қароргоҳидаги сұхбат асносида бу ҳақда мукаммал таъриф шаклланди. Президент унда юқоридаги фикрни батафсил ифодалаб айтдики, “миллий мафкурамиз халқимизнинг азалий анъаналярига, удумларига, тилига, динига, руҳиятига, бир сўз билан айтганда, ўз миллий қадриятларимиз, халқимизнинг дунёқараш ва тафаккурига асосланиб, шу билан бирга, замонавий, умумбашарий, умуминсоний ютуқлардан озиқланган, уларни ўзига қамраб олган ҳолда, юрт тинчлиги, Ватан равнақи, халқ манфаати, унинг фаровонлиги йўлида хизмат қилмоғи даркор.”²¹

Миллий мафкурунинг маънавиятга нисбати қандай? Бу нисбатни тўғри аниқлаш учун яна бир нарсани эътиборга олиш лозим бўлади. Мустақиллигимизнинг уч асосий жиҳати мавжуд. Сиёсий мустақиллик, иқтисодий мустақиллик, маънавий мустақиллик. Буларни бир-биридан жудо қилиб бўлмайди. Аммо ҳар бирининг ўзига хос масалалари ҳам бор. Биз уларни кейинроқ яна батафсил кўздан кечирамиз. Ҳозирча таъкидлаш ўринлики, сиёsat, иқтисод ва маънавият соҳала-

рида бизнинг бугунгача эришган ютуқларимиз даражаси барабар эмас. Ундан ташқари ҳар бир соҳанинг моҳиятидан келиб чиқсак, миллийлик унсурининг салмоғида ҳам фарқ бор. Демак, дунё ҳалқлари тажрибасидан биз ўрганишимиз, балки бевосита ўзлаштиришимиз керак бўлган нарсалар турли йўналишда турлича миқёсда бўлиши табиийдир. Шундай экан, миллий мафкурамиз тизимини фақат ёки асосан маънавий меросимизда мавжуд қадриятларга боғлаб қўйиш воқеалик талабларига тўлиқ жавоб бериши қийин. Чунки мафкурамиз, яъни келажак режаларимизни белгиловчи ва аниқлаштирувчи мақсад йўналишларимиз тизимида юқорида санаб ўтилган ҳар уч йўналиш: сиёsat, иқтисод ва маънавият соҳасига оид муаммолар барчаси ўзаро уйғунликда қамраб олиниди. Маънавият шулар ичидаги фақат бир йўналишларидир. Албагта, жуда муҳим йўналиш, асли маънавият масалаларини ечмай туриб, на иқтисодий, на сиёсий вазифаларимизни тутал ҳал қилиб бўлмайди; аммо барибири уч йўналишнинг бири, холос. Иқтисод ёки сиёsat соҳаларидаги долзарб юмушларни ҳам ҳеч қачон, ҳалқ маънавиятини талаб даражасида юксалтириб олиб кейин амалга оширамиз, деб орқага ташлаб бўлмайди. Бу соҳалар бир-бири билан олдин-кейин эмас, бир пайтнинг ўзида, тенг ривожлантирилиб бориладиган соҳалардир.

2. Қарамлик даврида марксизм фалсафаси тоталитар тузум имкониятларидан фойдаланиб, ягона ҳақиқатга даъво қилиши оқибатида унинг методологик асоси қилиб олинган диалектика хусусида ҳам бир тарафлама тасаввурлар шаклланди. Собиқ “СССР” худудида диалектикадан бошқа методлар файри илмий деб эълон қилинди. Файласуфларимиз Форобийдан ҳам “диалектика” топишди, ўша даврларда. Асли бу ерда атамаларни чалкаштириш бор, холос. Қадим Юнон фалсафасидан ислом илмига ўтган нарса – “илми жадал”, шунинг юончаси “диалектика” дейилади. “Илми жадал” – баҳс мантифи, ўзига хос илмий баҳс юритиш методологияси. У барча фанлар учун “ягона” методологик замин бўла олмайди.

Аммо методология муаммоси барибири илмий воқеаликда мавжуд, ундан кутулиб бўлмайди. 1999 йилдан бошлаб Ўзбекистонда демократик жамият куриш назарияси ва амалиётининг иқтисодий, сиёсий-ижтимоий, илмий-фалсафий ва

мънавий асослари бўйича номзодлик ва докторлик илмий даражалари, доцентлик ва профессорлик илмий унвонлари га даъвогарлар учун маҳсус имтиҳонлар киритилди. Бу бе жиз эмас. Маълумки, ушбу фаннинг асосини Президент И.А. Каримов асарлари ташкил этади. Демак, Президент асарлари мамлакатимиз миқёсида бугунги кун ижтимоий фанлар соҳаси учун методологик замин бўлиб хизмат қилиши назарда тутилмоқда. Бу тўғрими? Ниҳоятда тўғри. Чунки Ўзбекистоннинг миллий мустақиллитетини И.А. Каримов эълон қилди. Ўзбекистоннинг ўз истиқдол ва тараққиёт йўли концепсиясини И.А. Каримов ишлаб чиқди.

Президент И.А. Каримов асарларида ўз аксини топган фоялар ва қарашлар бугунгача миллатимиз ва бутун инсоният босиб ўтган тараққиёт йўллари тажрибасини имкон ва зарурат даражасида ҳисобга олган ҳолда ишлаб чиқилган. Демак, унинг асарларида таклиф этилаётган методологик асослар ҳам бугунгача башарият илми эришган ютуқларга бегона эмас. Шу билан бирга бизнинг йўлимиз муайян даражада ўзига хос ички яхлитликка эга ва бирор-бир замон ва маконда ишлаб чиқилган методологик асосларнинг ҳеч бирини ҳеч қандай ўзгаришсиз, тақлидий шаклда бугунги биздаги ижтимоий илмга бевосита пойдевор қилиб, кўчириб олиб келиб, ўрнатиб бўлмайди. Қиёсий таҳлил учун жалб этиш бошқа нарса. Нега шундай? Чунки ҳар бир миллатнинг тарихи, мънавий қиёфаси, устун қадриятлар тизими бетакрордир. Аллоҳ шундай яратган.

Мустақилликнинг дастлабки йилларида Президент Ўзбекистоннинг ўзига хос иқтисодий ривожланиш йўли асосларини ишлаб чиқар экан, биринчи марта “дунёда умумий йўл-йўриқлар, ўхшаш андазалар йўқ”²² эканлигини эътироф этиб, ўзимизнинг миллий “бетакрор яхлит андазамизни ишлаб чиқиши”ни мақсад қилиб қўйди.²³ Бунинг учун миллий тафаккур анъаналаримизни инсонлар онгидა қайта тиклаш зарур эди. “Аждодларимизнинг руҳи поклари ва урфодатлари, бизнинг энг яхши анъаналаримиз қайта тикланганда ислоҳотлар муваффақиятга эришади”, деб таъкидлади Президент.²⁴ Асосий қонунимизни яратиш жараёнида ҳам шу жиҳатга катта эътибор берилди. Шу сабабли мустақил Ўзбекистон Конституцияси “умумий мазмунидан тортиб оддий бир бандига қадар Хўжа Аҳмад Яссавий бобомиз дав-

рида, Амир Темур замонида шаклланган миллий тафаккурни, муқаддас исломий қадриятларни ўзида акс эттиради”.²⁵

Шундай қилиб, мустақил Ўзбекистоннинг XXI асрдаги тараққиёт йўлини белгилаб берувчи умумметодологик асослар Президент И. А. Каримов асарларида ўз аксини топган бўлиб, куйида биз ушбу асосларнинг ўз мавзуимизга бевосита алоқадор бўлган баъзи муҳим жиҳатларини қисқача кўздан кечириб ўтамиз.

а) Ислом Каримовнинг “Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари” китоби мустақиллик даври миллий мафкурасининг умумметодологик асослари шаклланишида муҳим босқич бўлди. Бу асар воқеликка ёндошув ва муаммолар таҳлилида мутлақо янгича фояларни олдинга суради.

“Бу ёруғ оламда биз киммиз ва не бир сир-синоатмиз, қаёққа қараб кетаяпмиз?” деб ўз-ўзига савол беради китоб муаллифи. XXI аср бўсағасида дунё кўзимизга қандай кўринади? Унинг фазилат ва қусурлари нимада? “Биз яшаётган давр қандай хусусиятларга эга?”²⁶ Бу ёруғ жаҳон марксизм талқинига мутлақо мувофиқ эмаслигини Юртбошининг китобидан ёрқин тасаввур қиласиз. Масалан, собиқ “СССР” даврида ташқи сиёsat муаммолари ҳам дунёни қарама-қарши икки қутбга бўлинган ҳолда тасаввур қилиш асосига қурилар эди. Жумладан, ўша даврдаги шўролар тузуми учун энг асосий хавф манбаи “халқаро империалистик кучлар” ҳисобланар эди. Совет жамиятидаги барча ички иллатлар манбаи ҳам “феодал ва буржуа ўтмиш сарқитлари” ҳамда “жаҳон империализмининг найранглари” оқибати деб қараларди. Муаллиф бу тасаввурларнинг ўтмишга айланганини қайд этади: “Икки мафкуравий тузумнинг кураши ва бу курашнинг халқаро ҳаётнинг ҳамма соҳаларига соя ташлаши остида ўтган кучли қарама-қаршилик барҳам топди”.²⁷

Дунё энди икки қутбли эмас, деб таъкидлайди Президент ўз асарида ва ушбу кўп қутбли дунёда ҳар бир миллат, ҳар бир инсон ўз йўлини тўғри топиб юра олиши учун воқеликка қандай назар билан қарашни ўргатади. Насиҳат қилиб, кўрсатма бериб эмас, шахсий намуна кўрсатиб, воқеий ибрат орқали намоён қиласиди. Бу муҳим фоя Президентнинг фалсафий қарашлари учун янгилик эмас. И.А. Каримов 1995 йил 27 октябрда Ўзбекистон телекўрсатувлар мухбири би-

лан суҳбатдаёқ бугунги кунда “кўп қутбли дунё ҳақида фикр юритиш лозим бўлади”,²⁸ деб айтган эди. У Бирлашган миллатлар ташкилотининг вазифалари ҳақидаги ўз мулоҳазалари билан ўртоқлашар экан, яна шу фикрни ривожлантириб шундай деган эди: “Африка қитъаси вакиллари ўзларига хос, осиёликлар — бошқачароқ фикр қилади. . . Америкаликларнинг ўз ёндошувлари, европаликларнинг ўз ёндошувлари бор”.²⁹ Демак, шундай шароитда жаҳоннинг 187 давлати вакилларидан тузилган ташкилотнинг асосий вазифаси — “халқлар ўртасидаги аҳлийкни таъминлаш, турли қарама-қаршиликлар, тўқнашувларга олиб келадиган низоларга йўл кўймасликдан иборат” бўлмоғи табиийдир.³⁰

Президентнинг янги китобида хавфсизликка таҳдид со-лувчи омиллар ҳам, барқарорлик шартлари ва тараққиёт ка-фолатлари ҳам турфа йўналишда, яшаб турган дунёмиз, ат-роф-воқелик каби сержило ва мураккаб эканлигига эътибор қаратилган. Муаллиф уларни бир-бир санаб кўрсатар экан, асло ягона манбага олиб бориб боғламайди, ягона душман ахтармайди. Китобда баён этилган мамлакат хавфсизлигига таҳдид солувчи кучлар турлича ва турли даражада қувватга эга, тараққиётимиз кафолатлари ҳам ранг-баранг ва турли-туман омилларнинг ўзаро уйғунлигига боғлиқ.

Президентнинг бу янгича ёндошуви тўлиғича, ҳам неча минг йиллик миллӣ маънавиятимиз анъаналарига, ҳам бугунги жаҳон фикрий камолотининг энг илгор тамойиллари-га таянади. Унда ҳар бир шахс маънавий хурлиги, бир томондан, ватан ва миллат манфаатларига мувофиқлик билан, иккинчи томондан, умумбашарий қадриятлар муҳофазаси билан уйғунлашган. Зеро, асл маънавият шахс, миллат, башарият манфаатларининг уйғунлигидадир. Бу уйғунлик ягона Олий Ҳақиқатта оғишимай интилишда намоён бўлади.

б) Бу дунё кўп қутбли бўлса, унинг меҳвари, таянчи қаерда, аниқроқ айтадиган бўлсак, дунёга ёндошувда қайси нуқтага таянмоқ керак?

Европа фалсафий тафаккурида инсон ва жамият муно-сабатларига нисбатан олганда икки хил ёндошувни кузата-миз. Улардан биринчиси жамиятни биринчи ўринга қўйиб, ундан алоҳида инсон тақдирини, унинг фазилат ва қусурла-рини келтириб чиқаришга интилади. Бу ёндошувнинг илди-

зи чукур. Маркснинг “инсон ўз моҳиятига кўра барча ижтимоий муносабатлар мажмудидир”, деб берган таърифининг узоқ тарихи аввалида Аристотелнинг “Zoon politikon” (ижтимоий маҳлук) атамаси туради, десак муболага бўлмайди. Гегел фалсафаси ҳам қадим Юнондан бошланган йўналишини давом эттириб “мутлақ фоя”дан кейин моддий борлиқ, яъни табиат, ундан кейин жамиятни ва охирида алоҳида субъектни олиб тадрижий таҳдил этади. Бунга кейинча марксистлар “объектив идеализм” деб тамға босишган. Европа фалсафасининг иккинчи йўналишини файласуфларимиз “субъектив идеализм” деб номлаб ўрганишган бўлиб, бунда биринчи ўринга инсон шахси чиқарилади. Бугун дунёда кенг ёйилган экзистенциализм, фрейдизм каби фалсафий тизимлар, дарҳақиқат, инсон шахси, унинг ўй-кечинмаларини фалсафий таҳдил марказига қўйиши билан ажralиб туради. Бу соҳада XX асрнинг етакчи файласуфларидан ҳисобланган Эрих Фроммнинг жиддий мушоҳдалари қўпчиликнинг эътиборига сазовор бўлиб келмоқда. Аммо бизнинг мақсадимиз буунги кун Европасидаги фалсафий баҳсларни таҳдил қилиш эмас. Бизни биринчи навбатда ўз миллий маънавиятимиз анъаналари қизиқтиради.

Аллоҳ Одам Атони ер юзида халифа қилиб яратганлиги илоҳий калом билан тасдиқланишини муқаддимада келтириб ўтган эдик. Бу мақом инсон зотига нафақат имтиёз, балки жуда оғир масъулият юклайди. Инсон ер юзидаги барча Аллоҳ яратган мавжудотларни тасарруф қиласи, шу билан бирга улар учун масъул ҳамдир. Агар Гегел ўз яхлит фалсафий тизимида назарини “мутлақ фоя”дан моддий борлиқ (табиат), жамият орқали алоҳида субъект (Инсон)га қараб йўналтирган бўлса, бу унинг муайян ички интилишлари, мақсад йўналиши, ва балки, у яшаб ижод этган муайян замон ва маконнинг тақозосидир. Бугун бизнинг муайян шароитимизда Президент И. А. Каримов мутлақо бошқача ёндошувни таклиф этмоқда. Бугун биз — Ўзбекистон халқи бир тану бир жон бўлиб, ўзимиз сайлаб қўйган Президентимиз етакчилигига янги воқелик — мустақил ва мутараққий Ватан, фаровон ва озод жамият яратмоқдамиз. Бунинг учун “ижтимоий маҳлук” эмас, қудратли яратувчи куч эгаси бўлмиш эркин ва собитқадам Инсон шаклланишига эришмоғимиз керак.

“Бизнинг асосий мақсадимиз, — дейди Президент, — бир киши ёки жамоат ташкилотларининг фикри давлат тузилмаларининг фикридан устун бўладиган фуқаролар жамияти қуришдан иборат.”³¹

Дарҳақиқат, ўтмишимиз қанча буюк бўлмасин, келажак гимизниң улуғворлиги миллатнинг ҳар бир аъзоси, Ўзбекистон Республикасининг ҳар бир фуқароси ушбу келажакда Ватан равнақи, халқ фаровонлиги, инсон баҳти тўқис таъминланиши учун қай даражада фаоллик кўрсата билиши ва бу фаоллигининг самаралари, унуми билан белгиланади. Бунинг учун эса имон ва илм, иқтидор ва истеъод, ирова курдати ва мақсад йўлида фидоийлик, кенг дунёқарашиба эркин фикр керак. Агар қайси миллат ўзига мансуб ҳар бир инсоннинг барча ички имкониятлари, истеъоди рӯёбга чиқишига шароит яратмас экан, ҳар бир шахснинг ташаббуси қадр топмас экан, ҳар бир ёш қалбида билимга, тафаккурга, фаол яратувчиликка интилиш иштиёқи аланга олмас экан, миллат камоли, мамлакат қурдатининг юксалиши ҳақидаги гаплар оғизда қолиб кета беради. Ҳар бир фуқароси-нинг баҳти учун қайғурмаган жамият етук жамият бўлмайди. Шу сабабли мустақил юртимиизда ўтказилаётган барча ислоҳотлар, қабул қилинаётган барча қонунлар руҳи шунга йўналмоқда. Жаҳондаги энг олийжаноб ва масъулиятли юмуш — дўстингни, ҳамкорингни, қўшнингни, хуллас, ўзга инсонни “улуг мақсадлар йўлида йўлдошлиқ қилишга кўндириш,” — дейди Юртбошимиз.³²

Тавҳид таълимоти “ваҳдатда касрат, касратда ваҳдат” ғоясига таянади. Ҳар бир инсон Борлиқ ҳақиқатининг бир жиҳатини ифодалайди, бутун инсоният фикри умумий маҳражга келтирилса, ҳақиқатга анча яқин келинади. Бу ғоя миллий маънавиятимиздаги етакчи ғоялардан бўлиб, айниқса, Алишер Навоийнинг “Лисон ут-тайр” достонида ёрқин ифодаланган. И. А. Каримов худди шу ғояни амалиётчи сифатида қуйидагича баён қиласиди: “Ҳар қандай фикрни умумий фикрлар мажмуининг бир бўлаги деб ҳисоблаб, бундан керакли хуносалар чиқариш лозим”.³³

Борлиқда биз билган ва билмаган дунёлар, биз билган ва билмаган шахслар (субъектлар), биз билган ва билмаган муносабатлар мавжуд. Шундай экан, биз Борлиқ ҳақиқати ҳақида умуман фикрламоқчи бўлсак, калаванинг учини топа

олишимиз даргумон. Агар биз ниманидир аниқ тасаввур қилиб, ҳаётимизга бевосита татбиқ қилишни истасак, ўзимиз инсон эканмиз, ўз моҳиятимиздан келиб чиқишимиз, яъни инсон шахсини, унинг воқеъ эҳтиёжларини диққат марказига қўйиб, воқеликнинг аниқ мақсадлар сари йўналган моделини яратишимиз зарур.

Марксизм жамиятни бирламчи қилиб олиб, инсоннинг моҳиятини ундан келтириб чиқармоқчи бўлгани учун қандай усул билан бўлмасин (масалан, инқилоб, яъни сиёсий тўнтариш воситасида) ижтимоий вазиятни ўзгартиришга эришилса, инсон ҳам шунга қараб ўзгаради, деган ақидада бўлди. Албатта, атроф-воқеликнинг инсонга мутлақо таъсири йўқ, деб ҳисоблаш тўғри эмас. Аммо инсон маънавий камолоти таъминланмаса, турли сиёсий тўнтаришлар фақат фожиаларни кўпайтиради, холос. Бунга тарихнинг аччиқ сабоқлари — далил. Инсон мустақил тафаккур эгаси, шу сабабли ҳар бир алоҳида шахс ўз атрофида юз берётган муайян воқеаларга ўзига хос муносабат намоён этади, воқеликни ҳеч қачон ҳамма бир хил қабул қилмайди. Демак, бирор ўзига нисбатан юз берган салбий ҳодисадан ижобий хулоса чиқарса, иккинчи киши, аксинча, ижобий муносабатта салбий акстасир намоён этиши ҳам мумкин.

Инсон моҳиятида асли яратувчилик етакчи ўрин тутади. Дунёнинг ободлиги инсоннинг яратувчилик фаолияти билан боғлиқ. Инсоният яратувчилиги билан барҳаёт, курашлари билан эмас. Демак, ҳар бир замон ва маконда жамият тараққиётини инсонларнинг фаол яратувчилиги белгилайди, аксинча эмас. Мустақиллик шароитида ниҳоят ушбу ўзак муаммо тўғри ҳал қилинди. Ҳаётга ёндошувда диққат маркази “жамиятга” эмас, алоҳида инсонга қаратилди. Иқтисод соҳасида бу нарса айниқса яққол намоён бўлмоқда. “Жамият”га таянган тузум “ижтимоий” мулкнинг якка ҳукмонлигини ўрнатиб, хусусий мулкка эгаликни жиноят даражасида талқин этиб, қонун билан тақиқлаб қўйди. Фақат мустақиллик туфайли ҳар бир инсоннинг мулкни эркин тасарруф қилиш ҳуқуқи Конституциямиз асосида тўлиқ қайта тикланди, жумладан, эндиликда хусусий мулк барча бошқа мулк турларининг пойдевори сифатида қаралмоқда. Бу ўзгариш иқтисод соҳасида алоҳида инсон шахси биринчи ўринга чиқаётганлигини англатади.

Ҳақиқий халқ ҳокимиятчилигини мустаҳкамлаш, қонун устиворлигини таъминлаш, фуқаролар жамиятини шакллантириш йўлида олиб борилаётган ислоҳотлар эса сиёсат соҳасида алоҳида шахс мавқеини биринчи ўринга олиб чиқишига қаратилган. Сиёсат соҳасида эркинлаштиришни кенгайтириш режалари ҳам яна бир марта давлатимиз ва Президентнинг ушбу йўналишга устивор аҳамият қаратаётганлигидан дарак беради.

в) Моддиюнчилар жамиятни биринчи ўринга қўйишларига яна бир сабаб бор. Маълумки, инсон жамоа бўлиб яшайди, шу билан бирга ҳар бир инсон моддий вужуд сифатида нафақат атрофидаги ўзи сингари мавжудотлар билан, балки табиат, аниқроғи моддий борлиқ билан ҳам доимо амалий муносабатда бўлишга мажбур. Шундан келиб чиқиб, моддиюнчилар инсоннинг моҳиятини иқтисодий ва ижтимоий (жумладан, сиёсий) муносабатлар доирасида белгилашга ҳаракат қилишади. Улар динни ҳам, маданиятни ҳам факат ижтимоий ва иқтисодий муносабатлар мажмуидан келтириб чиқармоқчи бўлишади. Бундай ёндошувда инсон моддий, биологик мавжудот сифатида намоён бўлади. Аммо унинг бошқа биологик мавжудотлардан моҳиятан фарқ қилувчи маҳсус муносабатлар доираси мавжудлиги ва бу муносабатлар ўзича мустақил соҳани ташкил этиши тан олинмай, сояда қолиб кетади. Бу соҳа инсоннинг Ҳақ билан, Борлиқнинг моҳияти билан муносабатига оиддир.

СССР даврида хукмон комфирқа ва давлатнинг барча қарорларида иқтисодий, сиёсий, мағкуравий масалаларга катта аҳамият берилган ҳолда маданиятга энг охирида ғаригина бир жой ажратилар, “маънавият” тушунчаси эса ўша пайтларда юқори доираларда умуман ишлатилмас эди. Алоҳида қайд этиб ўтиш жоизки, миллий маънавият назариясининг шаклланишига Ўзбекистон Президентнинг қўшган. Энг муҳим хиссаси маънавиятнинг иқтисод ва сиёсат билан бир қаторда инсон ва жамият ҳаётидаги алоҳида мустақил ўрни ва аҳамиятини ажратиб кўрсатиш бўлди. Бусиз нафақат маънавият назарияси, балки инсоннинг мустақил моҳияти ҳақидаги ғоя ҳам ўз мукаммал изоҳини топмай қолиб келаётган эди.

Президент И. А. Каримов доимо иқтисод, сиёсат ва маънавиятнинг уйғун ривожланиши зарурлигини таъкидлаб ке-

лади: “Давлат қурилиши, иқтисодий ривожланиш жараёнлари маънавий камолот, юксак ахлоқийлик билан тўла уйғун бўлмоғи керак.”³⁴ Чунки мустақиллигимизнинг уч таянчи — мустақил миллий сиёсат, иқтисодий қудрат ва халқ маънавияти бир-бiri билан чамбарчас боғлиқ. Агар сиёсий мустақиллик бўлмаса, миллат аста-секин ўзлигини йўқота боради, иқтисодий мустақиллик бўлмаса, сиёсий мустақилликнинг замини мўрт бўлади. Аммо маънавий мустақиллик бўлмаса, миллатнинг ўзи бўлмайди. Фақат уларнинг ўзаро уйғун ривожи таъмин этилсагина, Ўзбекистон улуғ юрт сифатида жаҳон ҳамжамиятида ўз муносиб ўрнини эгаллай олади.

Иқтисод, сиёсат, маънавият тушунчалари бугунги кунда турли доираларда ҳар қадамда ишлатилмоқда. Бу масалага иқтисодчининг ўз қараши, сиёсатшуноснинг яна мустақил таърифлари бор. Аммо инсон ва жамият ҳаётини уч йўналиш ёки уч соҳага ажратиб ўрганишнинг ўзига хос жиҳатлари мавжуд. Аввало, Ўзбекистон Президентининг ушбу йўналишдаги мулоҳазаларини миллий маънавиятимиз анъаналяри ва жаҳон фалсафий тафаккурининг турли оқимларига хос умумий жиҳатлар билан уйғунлиқда олиб, хулоса қила-диган бўлсак, инсон ҳаётининг бу уч йўналиши воқеликда ўзаро қанчалик мураккаб ва чатишиб кетган бўлмасин, уларни бир-биридан аниқ фарқ қилган маъқул. Чунки иқтисод, сиёсат ва маънавият инсоннинг Борлиқ билан турлича мустақил муносабатларига оид бўлиб, улардан ҳар бирининг манбаси ҳам, мақсади ҳам алоҳидадир

Инсон ҳаётида маънавият соҳасининг мустақил аҳамияди алоҳида таъкидланиши қолган соҳаларнинг ўзаро чегараларини ҳам қайта кўриб чиқишини тақозо қиласди. Улардан, шартли равишда, иқтисод йўналиши деб номлаш мумкин бўлган биринчиси инсон билан атроф табиат орасидаги амалий муносабатлардан иборат. Бунинг асосида инсоннинг моддийлиги ётади. У моддий вужуд сифатида табиат билан доимий модда алмашув ҳолатида бўлади. Бунинг учун инсон ўзгалар билан ҳам мураккаб муносабатларга киришади. Аммо бу йўналиш доирасида инсонларнинг бир-бири билан муносабати бевосита улар орасидаги нисбатга қаратилган эмас, балки табиат билан модда алмашув муносабатларини ташкил этишга йўналгандир.

Инсонларнинг бевосита бир-бири билан муносабати ҳам ўз мустақил асосига эга. Ҳар бир инсоннинг ўзга инсонлар билан бевосита муносабатларига оид бўлмиш бу йўналишни, яна шартли равищда, сиёсат деб аташ маъқул кўринди. Бу муносабатлар нимада кўринади? Иқтисодий, яъни моддий таъминот билан боғлиқ муомалалар бевосита сиёсатга алоқаси йўқ, буни юқорида ҳам эслатдик. Соф сиёсат доирасида инсонлар аро муносабатлар охир-натижада мавқе ва мақом масаласига бориб тақалади. Алишер Навоийнинг “Лисон ут-тайр” достони воқеаларининг бошланғич тугуни айни шу мақом ва мавқе муаммосидан улгу олиши бежиз эмас. Агар инсонлар фақат “қорин тўйдириш” ташвиши билан яшаганда, уларнинг ҳайвонлардан умуман фарқи бўлмас эди. Ва иқтисодий муносабатлар ҳам ўзга жонзотлардаги каби анчайин ибтидоий босқичда қолиб кетиш эҳтимоли бўларди. Айни мавқе ва мақом доирасидаги баҳс холис сиёсий муносабатларни вужудга келтиради. Макиавелли каби машҳур гарб алломаларининг қарашларида ушбу соф ҳолда олинган сиёсат ўз аксини топган дейиш мумкин.

Аммо инсон нафақат табиат ва ўзга инсонлар билан муносабатга киришади, балки у ўзининг Ҳаққа, Борлиқнинг моҳиятига нисбатини ҳам билмоқчи бўлади. Инсон учун бу йўналиш ҳам ўта муҳим. Аввало, инсон бирор нарсага ишонмай яшай олмайди. Имон-эътиқодсиз ҳаёт – бемаъни умргу заронлик, холос. Қолаверса, инсон илмга, яъни Борлиқни англаб етишга ўзида жуда кучли эҳтиёж сезади. Инсон Борлиқнинг моҳияти ҳақида муайян тасаввур ҳосил қилмай яшай олмайди. Яна инсон доимо олдига каттами-кичикми бир мақсад қўйиб, шунга интилиб, шу йўлда қандайдир фаолият кўрсатиб яшайди. Айтиш мумкинки, ҳайvon нуқтаи назаридан қараганда, инсон ўзини кўпинчча бекордан-бекорга қийнайди. Масалан, Тоҳирнинг Зуҳрога ишқи, бу йўлдаги фидойиликлари физиологик эҳтиёжлар нуқтаи назаридан унча тушунарли эмас. Абу Али ибн Синонинг умрини илмга бахш этиши, Алишер Навоийнинг “Хамса” ёзиши ҳам моддионча “жайдари” фалсафа нуқтаи назаридан анчайин ошиқча ўзни қийнашдир. Аммо инсон маънавиятида риёзат, яъни муайян мақсад йўлида барча қийинчилкларни бўйинга олиш ниҳоятда муҳим ўрин тутади. Яна инсонда меҳрга эҳтиёж бор. Ўзгага меҳр кўргазиш ва ўзгадан меҳр кўриш эҳтиёжи.

Бу туйфуни ҳам фақат гаразли мақсадларга боғлаш етарли бўлмайди. Албатта, моддиончилар айтиб ўтилган ҳар қайси маънавий эҳтиёжга ўзларича моддий замин топиб беришга ҳаракат қиласидилар. Ҳозирча, бу масалалар юзасидан жиддий баҳс бошламай туриб, фақат бир нарсани қайд этиб ўтиш жоизки, инсон ҳаётидаги учинчи йўналиш, яъни инсоннинг Ҳаққа, Борлиқнинг моҳиятига бўлган муносабатини тан олмаслик инсоннинг ўзга маҳлуқотлардан аслий фарқини йўққа чиқаради ва охир-натижада инсон ҳаётини маъно-сизлантиради. Чунки инсон моҳиятан маънавий камолот имконига эга бўлган ягона моддий мавжудотdir.

Албатта, таърифлаб ўтилган уч соҳа манфаатлари воқе-ликда ниҳоятда чатишиб кетган, ҳар қандай ҳодисада ҳар уч соҳа унсурлари учрайди. Бундан ташқари умуман мавжуд уч соҳадан бирининг муайян муддат ўзгаларидан орқада қолиши, оқсаши қолганларига ҳам салбий таъсир кўрсатиб, уларни орқага торта бошлиши ҳам табиий қонуният. Бироқ тарих ибрати ва мантиқ хulosаси шундан далолат берадики, иқти-сад, сиёsat, маънавият йўналишларини бир-бирига бўйсун-диришга, бирини-биридан келтириб чиқаришга уриниш ҳам яхши натижаларга олиб келмаслиги аниқ.

Таянч иборалар: Миллий истиқдол гояси, миллатнинг етакчи мақсади, миллий мафкурани шакллантириш, миллатнинг фикр майдони, Элни Ватан манфаати бирлаштира-ди, давлат мафкураси, мафкуравий тазиик, миллий маънавиятимиз илдизлари, жаҳон маданияти самаралари, юрт тинчлиги, Ватан равнақи, халқ фаровонлиги, Ўзбекистон Президенти Ислом Каримовнинг миллий истиқдол гояси ва миллий мафкура масалаларига оид асарлари, миллий маънавият назариясини шакллантиришнинг умумметодологик асослари, кўп қутбли дунё, “ижтимоий муносабатлар мажмуи”, инсон — дунё меҳвари, инсон ҳаётининг уч соҳаси — иқти-сад, сиёsat ва маънавиятнинг — уйғун ривожланиш зарура-ти, инсоннинг моддий воқелик (табиат) билан амалий му-носабатлари, инсоннинг ўзга инсонлар билан муносабати, инсоннинг Ҳақ (Борлиқнинг моҳияти) билан муносабати, шахс, миллат, башарият манфаатларининг уйғунлиги.

Тавсия этилувчи ва фойдаланилган адабиётлар рўйхати:

Асосий адабиёт:

1. Ўзбекистон Конституцияси. Т. — “Ўзбекистон” — 1992
2. Каримов И. А. Озод ва обод Ватан, эркин ва фаровон хаёт — пировард мақсадимиз. 8-жилд. Т. — “Ўзбекистон” — 2000, с. 462—474, 489—508.
3. Каримов И. А. Биз келажагимизни ўз қўлимиз билан қурамиз. 7-жилд. Т. — “Ўзбекистон” — 1999, с. 84—102, 132—154.
4. Каримов И. А. Ўзбекистон: миллий истиқдол, иқтисод, сиёsat, мафкура. 1-жилд. Т. — “Ўзбекистон” — 1996, с. 104—139, 200—218.
5. Каримов И. А. Биздан озод ва обод Ватан қолсин. 2-жилд. Т. — “Ўзбекистон” — 1996, с. 292—313.
6. Каримов И. А. Ватан саждагоҳ каби муқаддасдир. 3-жилд. Т. — “Ўзбекистон” — 1996, с. 74—85.
7. Каримов И. А. Бунёдкорлик йўлидан. 4-жилд. Т. — “Ўзбекистон” — 1996, с. 58—84
8. Каримов И. А. . Хавфсизлик ва барқарор тараққиёт йўлида. 6-жилд. Т. — “Ўзбекистон” — 1998, с. 31—41.
9. Миллий истиқдол гояси: Асосий тушунча ва тамойиллар. Т. — “Ўзбекистон” — 2000

Кўшимча адабиёт:

10. Турон Усмон. Туркий халқлар мафкураси. Т., 1995
11. Маънавият юлдузлари. Т., 1999.
12. Ўзбекистон республикаси “Маънавият ва маърифат-нинг илмий асослари ва ривожлантириш тамойилларини ишлаб чиқиши” давлат илмий-техник дастури. Т., 1999.
13. “Миллий мафкура: дастлабки сабоқлар.” (ж. “Мулоқот” №12, 1991.)
14. Миллий истиқдол гояси: Кўргазмали воситалар. Т. — “Маънавият” — 2001
15. Абилов Ў. Миллий гоя. Маънавий омиллар. Т. — “Маънавият” — 1999

3-маъруза. МАЬНАВИЯТ – БОТИНИЙ ҚУДРАТ

ДАРС РЕЖАСИ:

- 1. Инсон ҳаётида маънавиятнинг ўрни ва аҳамияти. Фано ва бақо.**
- 2. Маънавиятнинг турли таърифлари. Уларнинг бир-бира ги мувофиқлиги.**
- 3. Шахс маънавияти ва миллий маънавият нисбати. Миллий ўзликни англаш.**
- 4. Мустақил Ўзбекистонни ривожлантиришнинг маънавий-аҳлоқий негизлари.**

1. Бугунги кунда “маънавият нима?” деган саволга хилма-хил жавоблар пайдо бўлмоқда. Айниқса, 1997 йилдан бошлаб мамлакатимиздаги барча олий ўқув юртларида “Маънавият асослари” фани ўқитила бошланганлиги муносабати билан бу мавзуга олимларимизнинг эътибори янада кучайди. Қатор рисолалар, ўқув қўлланма ва дастурлар чоп этилди. Матбуотда кун сайин бу мавзуда катта-кичик мақолалар эълон этилмоқда. Ушбу китоб ва мақолаларда ҳар ким ақли етганича маънавият тушунчасига таъриф беришга, ҳеч бўлмаганда, муносабат билдиришга уриниб келмоқда. Баъзан бир кишининг ўзи бир мақоланинг ичидаги турли таърифларни келтирган ҳолатлар ҳам учрайди. Маънавият ниҳоятда кенг қамровли тушунча бўлганлигидан бунга ҳайрон бўлмаса ҳам бўлади. Ундан ташқари келтирилган таърифларнинг барчасини дабдурустдан бекорга чиқариш, буткул нотўғри деб баҳолаш ҳам инсофдан эмас, чунки уларнинг кўпчилигига масаланинг қайсиdir қирраси ўз аксини топган бўлиши мумкин.

Аммо, афсуски, яқин-яқинларгача кўпчилик масалага жиддий ёндошишга, илгари назарий тизим даражасида кўриб чиқилмаган инсон ва жамият ҳаётидаги муҳим йўналиш, ҳассос бир соҳага камоли эътибор билан разм солишга муваффақ бўлмади.

Ушбу қисқа баёнда маънавият хусусида билдирилаётган барча фикр-мулоҳазаларни батафсил таҳлил этиш имкони йўқ. Бир жумла билан уларнинг кўпчилигига учрайдиган умумий камчиликни ифодалайдиган бўлсак, уни янги воқеликка оид тушунчаларни эски андазалар қолипида талқин

этишга уриниш дейиш мумкин. Масалан, шундай китоблардан бирида муаллиф ёзди: “Маънавият моддий ҳётни акс эттиради ва жамиятда мавжуд бўлган маънавий ҳодисалар йифиндиси сифатида кўзга ташланади.”³⁵ Бу қарашнинг эскичалиги шундаки, муаллиф “Маънавият моддий ҳётни акс эттиради” деб, яна моддиятни бирламчи, маънавиятни эса пассив (кўзгу сингари), иккиласи ҳодиса сифатида талқин этади. Шу билан маънавият ҳодисасининг мустақил моҳияти инкор этилиб, у моддиятга тўлиқ тобе қилиб қўйилади. Бунинг оқибатида маънавиятга яратувчилик кувватига эга бўлган алоҳида куч деб қараш имкони кесилади. Қолаверса, “маънавий ҳодисалар йифиндиси” жумласи киритилиши билан таъриф берилаётган ҳодиса умуман яхлит моҳият эмас, деган ҳақиқатга хилоф холосага йўл очилади.

Бугун биз инсонни биринчи ўринга қўйиб, унинг яратувчилик фазилати, ижтимоий фаоллиги, маънавий қудратига урғу бермоқдамиз. Чунки Ўзбекистоннинг буюк келаҷагини шакллантирувчи бош омиллар – шулар. Аммо юқоридаги каби таърифларда инсон моддий борлиқнинг бир унсури сифатидагина эътироф этилиб, бошқа маҳлуқотлардан фарқли мустақил моҳияти сояда қолиб кетмоқда. Инсоннинг моҳияти аслида мураккаб бўлиб, айни моддият ва маънавиятнинг туташуви билан изоҳланади. Уларнинг қайбири иккинчлиси орқали таърифлана бошласа, инсон моҳияти ҳақида бирёқлама тасаввур ҳосил бўла беради.

Бу соҳада йўл қўйилаётган яна бир камчилик маънавиятни маданият, руҳият, ахлоқ, тарбия, дид, дунёқараш каби муайян даражада ўзаро алоқадор, аммо моҳияттан мустақил ҳодисалар билан қориштириб тушунтиришга мойиллик тарзida намоён бўлмоқдаки, бу масалани ўз ўрнида батафсил кўриб чиқиши лозим бўлади. Ҳозирча биз маънавиятнинг инсон ҳаётидаги ўрни масаласига қайтамиз.

Олдинги маърузада таъкидлаб ўтганимиздек, сиёsat жамиятда инсонларни уюштириш, улар ҳаётини бир муайян тартибга келтириш воситасидир. Турли сиёсий уюшмалар, жумладан, давлат ушбу вазифага масъул бўладилар. Иқтисод эса инсоннинг моддий мавжудлигини таъминлаш воситаси бўлиб, у ишлаб чиқариш, фойдали яратувчилик меҳнатига алоқадор.

Маънавият инсоннинг руҳияти билан боғлиқ. Инсон руҳи-

яти, албатта, ташқи таъсирлар натижасида ўзгариб туради. Инсоннинг иқтисодий аҳволи, жамиятда тутган ўрни ва мавқеи унинг маънавиятига таъсир қўймай қолмайди. Аммо, барибир, маънавият ўз мустақил йўналишига эга. Масалан, инсон қанчалик бой, ўзига тўқ бўлса, шунчалик унинг маънавий камолоти юқори ёки, аксинча, паст бўлади, десак, ҳар икки ҳукмда ҳам янглишиб қоламиз. Алишер Навоий, Хожа Аҳорори Валий, Махдуми Аъзам, Хожа Саъд Жўйборий каби алломалар ҳам маънавий баркамол, ҳам ниҳоятда бадавлат бўлишган. Шу билан бирга, дунё молидан юз ўтирган, умрини зоҳидликда ўтказган буюк алломаларимиз ҳам кам эмас. Аксинча, ниҳоятда зиёд мол-давлат соҳиби бўлган ҳолда маънавий камолотдан узоқ кимсалар ёки на дунё молини, на маънавий камолотни қўлга кирита олмаган бечоралар ҳам ҳаётда учраб туришини ҳамма билади.

Сиёsat ва иқтисоднинг манбаси ҳам, мақсади ҳам ушбу фоний дунёдан ташқарида эмас. Инсон зоти бу синов дунёсига кириб келар экан, ундаги моддий вужуд иқтисодий эҳтиёжни туғдиради, ҳар бир тирик зот туғилгандан кейин кун кечириш ташвишига тушади. Сиёsat жамиятга оид тушунча, инсонлар жамияти шаклланган экан, унда турли шахслар, тоифалар манфаатларини қайсиdir бир усулда мувофиқлаштириб туриш эҳтиёжи мавжуд. Ушбу эҳтиёж сиёsatни пайдо қиласди.

Маънавият эса ўз манбасига кўра ҳам, мақсадига кўра ҳам бу фоний дунёдан ташқарига — бақога йўналган. Маънавият асли бақонинг фанода зухур этишидир. Маънавият инсон учун моддий эҳтиёж ҳам, сиёсий зарурат ҳам эмас. Маънавият инсоннинг ўз моҳияти олдидаги масъуллигидир. Унинг моҳияти эса Борлиқ абадиятига дахлдор.

2. “Маънавият — инсоннинг, халқнинг, жамиятнинг, давлатнинг куч-кудратидир. У йўқ жойда ҳеч қачон баҳтсаодат бўлмайди”, — деб ёзган эди Президент мустақилликнинг дастлабки йилларидаёқ.³⁶ Кейинчалик “Ўзбекистон XXI асрга интилмоқда” асарида бу foя янада муайянлик касб этиб, маънавият “инсонни руҳий покланиш ва юксалишга даъват этадиган, инсон ички оламини бойитадиган, унинг иймон-иродасини, эътиқодини мустаҳкамлайдиган, вижданнини уйғотадиган қудратли ботиний куч” сифатида таърифланди.³⁷ Хўщ, бу сеҳрли қудрат, бу ботиний куч қандай бунёдга келади?

Маънавият тушунчасининг таърифи, биз баъзан осонгина ҳал қилиб қўя қолмоқчи бўлганимиздек, оддий лисоний жумбоқ эмас, “маъно”, “маъни” сўзларининг бугунги биз тушунган мазмуни билан ечилмайди. Жалолиддин Румийнинг буюк ирфоний асари беҳудага “Маснавий маънавий” номи билан шуҳрат таратган эмас. Бу ердаги “маъно” тушунчаси олий бир мазмунни англатмоқда, улуғ алломаларимиз уни “Ҳақ асрори” деб атаганлар, зоҳирӣ назарлар учун у “ғайб”, агар бугунги илмий ифодаларга кўчирсан, биз зоҳир кўзимиз билан кўриб турган чексиз замон ва маконда чексиз ва ҳудудсиз шакллар мажмуини тўзғитиб юбормай, тоят бир мураккаб тизимда ушлаб турган ички үйгунлик, инсон онги ҳеч қачон тўлиқ англаб ета олмагувчи яхлит моҳиятдир. Шахс маънавияти айни шу беҳудуд манбадан қувват олади.

Президентнинг таърифлари шу яхлит моҳиятга туташ ботиний қудратга алоқадордир, уни бошқа, иккиламчи ҳодисалардан, моддий воқелик унсурларидан келтириб чиқаришга уриниш муаммони теран илғамасликни билдиради. Бугун мустақил ва фаровон Ўзбекистон аталмиш буюк воқеликни вужудга келтириш учун ҳар бир инсондан, миллатнинг ҳар бир вакилидан алоҳида ички қувват, чексизликка туташувчи ботиний куч талаб этилмоқда. Ана шу куч ҳар бир инсон руҳида яширин, дейди Президент. Ўзини мустақил шахс деб билган ҳар бир инсон уни ўзи учун кашф этиши керак. Бунинг учун, аввало, руҳимиздаги худбин майлларни, ёлғон ҳою-ҳавасларни, рўёларни енгигб ўтиб, чексиз қудрат манбаига қалбимизни очишимиш лозим.

Маънавият — инсон қалбида, кўнгил кўзгусида акс этган Ҳақиқат нуридир, дейилган таъриф биринчи марта ишлатилганда, баъзи файласуфларимиз уни диний-мистик таъриф деб баҳоладилар. Дарҳақиқат, бу таъриф тасаввуфий таълиқинларга суюнган суфиёна, рамзий таърифdir. Зотан бошқича таъриф бу чексиз моҳиятни чеклаб кўйиши мумкин. Суфий уламоларимиз “Ҳақ асрори” ҳақида фақат ишора, рамз, гимсол билан сўзлаганлар, чунки Ҳақ илми биз учун “ғайб илми” дир, инсон мулоҳазалари эса доимо нотугал ва нотўқис. Аммо, барибир, инсон ақли бир нарсаларни аниқроқ, муайянроқ билгиси келади, у яхлит ёғдуни ҳам камалак раингларига ажратмагунича кўнгли жойига тушмайди. Аллоҳ

инсон ақлига шундай бетизгин шиддат бахш этган экан, бизда не ихтиёр. Инсон ақли, аникроф, мантиқий тафаккур, ҳар қандай ҳаётий уйғунликнинг ички таркибини бирма-бир кўздан кечириб чиқиш, унинг қисмларини, буларнинг бир-бирига нисбатини таҳдил ва тадқиқ этмоққа қизиқади, шуни амалга оширмаса, ичи ёниб, юраги оловлана беради.

Маънавият инсон қалбida акс этган илоҳий нур, деган таърифда, мажозий шаклда бўлса ҳам, унинг манбаи муайян маънода инсон жисмидан ташқарида эканлигига ишора бор. Бу бежиз эмас. Аллоҳ бутун маҳлукотлар қатори инсонни ҳам моддий мавжудот сифатида дунёга келтирган. Ўтмишда баъзи файласуфлар шартли равищда “биринчи турткى” назарияси аталмиш қарашларни ҳам олға сурган бўлиб, унга кўра, гўё Аллоҳ оламни бир йўла яратгану сўнг унга муайян ривожланиш қонунлари бахш этиб, ўз ҳолига қўйиб қўйган, бошқа унинг ишларига аралашишни лозим топмаган. Бу назария ҳаёт тажрибасида ўзини оқламади ва шу сабабли кейинчалик дунё илмида рад қилинди. Борлиқ ҳақиқати билан инсон орасидаги муносабат аслида бир марталик эмас, доимийдир. Аллоҳ “нури” деган рамз билан ифодаланувчи илоҳий файз ушбу муносабатнинг намоён бўлиш шаклларидан бири бўлиб, у фақат инсонларга қаратилади. У пайғамбарларга бевосита ваҳий тарзида, авлиёларга илоҳий жазба шаклида, оддий инсонларга истеъдод ва илҳом кўринишида, балки қобилият ва яратувчилик қуррати сифатида йўналтирилиши мумкин. Файбни тан олмай, миллиардлаб инсонлар эътиқодини афюнга teng билган марксистлар илоҳий файзни ҳам афсона деб талқин этдилар ва унинг инсон ҳаётида намоён бўлиш шаклларини турлича усууллар билан “материалистик” изоҳлашга уриндилар. Бу уринишлар ҳеч қачон илмий дунёни қониқтира олган эмас. Аммо атеизм зўрлик билан мафкура асоси сифатида жорий этилган замонда “суюги қотган” собиқ мафкурачилар ҳануз ўша алдовлар тузоғидан кутулиб кетиши қийин кечмоқда. Улар инсон ҳаётининг моҳияти фақат моддий борлиқ билан чегараланмаслигини тасаввурларига сифдиришга қийналмоқдалар.

Шахс маънавияти бехудуд. Чунки у Олий ҳақиқат нури-нинг инсон қалбida акс этиши билан боғлиқ. Асли илоҳий оятга таянувчи бу мажозий таъриф миллий маънавиятимиз

такомил босқичлари давомида мукаммал шаклланиб, турлича тарзда қатор алломаларимиз меросида ифодасини топган. Мажозийлик илмнинг бошланиш нуқтасидир. Биз бугунги кун илмий ифодалари даражасида туриб юқоридаги таърифнинг фалсафий шарҳини топишга ҳам уриниб кўришимиз мумкин. Бунда тушунчаларнинг муқобилини қидириб топиш ва ҳодисанинг моҳиятини шарҳлаш йўлидан борган маъқул. Маълумки, “инсон қалби” бирикмаси одатда “инсоннинг руҳий дунёси” маъносида ишлатилади. Олий ҳақиқатни эса фалсафий тилда “Борлиқ ҳақиқати” деб атасак, ўнғайроқ жаранглайди. Энди “нурнинг кузгуда акс этиши” нимани англатишини аниқласак, кифоя. Бунинг учун ёнг тўғри йўл яна аждодларимиз меросига мурожаат этишлар.

Масалага инсоннинг Борлиқ ҳақиқатини англаб этишга бўлган уринишлари жиҳатидан қарайдиган бўлсақ, бизда бунинг ҳам икки йўли машҳур: уларнинг бири илм йўли бўлса, иккинчиси суфийлар танлаган ирфон йўли. Илм йўли мантиқий тафаккур, маҳсус тажрибалар ва уларнинг таҳлили шаклида амалга оширилади. Ирфоний билимнинг манбаи бевосита Ҳақ нурининг қалб кўзгусида акс этиши билан боғлиқ бўлиб, бу ҳодисани яқин ўтмишда атеистик “ilm” шигина ҳақиқий илм деб ўргангандан кўпчилик олимлар “мистика” деб баҳолаб келишди. Аслида ундан эмас. Материалистлар тан оладиган илм йўли жузъий ҳақиқатларнигина била олади. Ирфон йўли эса бевосита Борлиқ ҳақиқатининг моҳиятини англаб этишга қаратилган бўлиб, бу мақсадга факат мантиқий тафаккур ва маҳсус тажрибалар орқали эришиб бўлмайди.

Маънавиятнинг манбаи илоҳий файз дедик. Шундай экан, ундан баҳраманд бўлишнинг асосий шарти нима? Бунга ҳам аждодларимиз меросида мукаммал жавоблар мавжуд. Аждодларимиз ирфоний мажозларга таяниб, инсон қалбини кўзгуга, Аллоҳ файзини нурга қиёс этишларидан мақсад нима? Қадимда кўзгу тобланган пўлатдан тайёрланган. Демак, темир маъдани қазиб олинниб, уни маҳсус кўраларда эритиб, пўлат ҳосил қилиб, уни тоблаб, сўнгра унга сайқал берилган. Буюк тасаввуф пирлари шогирдларининг маънавий камолотини яйни шу мураккаб жараёнга ўхшатганлар. Илоҳий нур баркамол акс этиши учун кўнгил кўзгусини шундай мashaқ-

қатли риёзат жараёнида поклаш, унга тўқис сайқал бериш лозим. Чунки юксак даражада сайқал топмаган пўлат саҳнида ҳеч қандай нур акс этмайди. Айни шу кўнтил кўзгусини сайқаллаш жараёни тасаввуфда маърифат дейилган. Миллий маънавиятимизда бу жараённинг қандай кечиши, яъни маърифат йўллари масаласи ҳам батафсил ишлаб чиқилган. Улар илм ва имон, риёзат ва меҳр тушунчалари орқали ифодала-нувчи ўзликни англаш жараёни бўлиб, шу мураккаб, ма-шаққатли, аммо ҳеч қандай моддий дунё лаззатларига тенг-лаштириб бўлмайдиган суурорли жараёнда инсон руҳи Борлиқ ҳақиқати билан уйғунлашиб боради. Демак, бугунги илмий тилимизда аждодларимиз шакллантирган мажозий таърифни шарҳлаб берадиган бўлсак, Маънавият — Инсон руҳидаги Борлиқ ҳақиқати билан уйғунлик дейиш мумкин.

Инсон — фоний вужуд, у бу дунёга бир кун келади, тақдирида белгиланган умрини яшаб, яна тупроққа қўшилиб кетади. Борлиқ ҳақиқати эса — боқий, азалий ва абадий. Инсон руҳи Борлиқ ҳақиқати билан уйғунлашган муддатда фанода бақо зухур эта бошлайди, натижада инсон руҳида ҳадсиз-худудсиз құдрат билан ботиний туташув юз беради. Бу ерда фақат бир шарт бор: холислик, поклик. Маънавият аталмиш ботиний құдрат заррағараз, худбинлик, кибрни кўтармайди: ботиний туташув, Борлиқ ҳақиқати билан уйғунлик йўқолади. Аллоҳ таоло ўз китобида “мени поклаб ёд этинг” деб амр этишининг ҳикмати ҳам шунда.

3. Маънавиятни тадқиқ этиш осон иш эмас, бу ҳозирги кунда ушбу илмни ривожлантиришга уринишлар ўта қийинчилик билан самара бераётганида ҳам сезилмоқда. Аммо барibir уни “туғиб бўлмайдиган” ўта мавхум нарса деб қарамаслик керак. Аҳли башар маънавиятсиз бўлмайди, чунки аслида инсон моҳияти моддият ва маънавиятнинг туташувидадир. Ҳар бир шахс, ҳар бир ижтимоий гуруҳ ёки тоифа, ҳар бир элат, миллат ва минтақа халқлари ўз табиати билан яратилган. Демак, ҳар бирининг ўзига хос маънавий олами мавжуд. Ушбу маънавий оламлар доимо бир хил сақланмайди, замон ва маконда ўзгариб, тоғамолот сари юксалиб, тоғ қашшоқлашиб туради. Буларнинг барчасини алоҳида олиб ўрганиш мумкин. Аммо бугун биз учун энг муҳими, тадқиқ ва таҳдил учун энг қулайи — иккита: шахс маънавияти ва миллат маънавияти. Чунки, биринчидан, маънавиятнинг асо-

сий намоён бўлиши шахс маънавияти ва миллат маънавияти шаклидадир. Қолаверса, ижтимоий гуруҳ ва тоифалар миллатнинг узвий таркибига киргани сабабли, миллат маънавиятини яхши тасаввур қилмай туриб, ундаги турли тоифаларнинг алоҳида маънавий қиёфаларини гавдалантиришга уриниш ишончли хulosалар бериши мушкул.

Маънавият — Инсон руҳидаги Борлик ҳақиқати билан уйғунлик дер эканмиз, бу билан бир нарса аниқ бўладики, ушбу ҳодисанинг юз бериш макони ва воқеан мавжуд бўлалиган ягона замини инсон руҳияти экан. Шу сабабли масалага юзакироқ қараган моддиончилар баъзан маънавиятни руҳият билан адаштирадилар. Бунинг сабаби ҳар иккиси ҳам гайри моддий бўлганлигидан ҳодисани унинг содир бўлиш макони билан фарқ қиласлиқдан келиб чиқади. Инсон маънавий камолот имконига эга бўлган биз билган ягона моддий мавжудот. Шахс ўзидағи маънавий камолот имконини юзага чиқара бошлаган инсон. Демак, Шахс маънавияти ушбу соҳани ўрганишда асосий обьект эканлиги ўз-ўзидан равшанилашади.

Шахс маънавиятини ўрганиш икки йўналишда бўлиши мумкин. Биринчиси, муайян шахс маънавиятини ўрганиш, иккинчиси, ушбу ҳодисанинг умумий жиҳатларини тасниф на тадқиқ этиш. Имкон нуқтаи назаридан, биринчи йўналишда фақат айрим ҳодисаларни, масалан, ўтмиш ва бугуннинг умуммиллий аҳамиятга эга бўлган буюк шахслари маънавий дунёсини ўрганиш мумкин бўлиб, моҳиятан бу иш миллат маънавиятининг таркибий қисмларини ўрганиш демакдир. Чунки Миллат маънавияти, том маънода олганда, ушбу миллатга қайсиидир бир тарзда алоқадор ҳисобланувчи ўтмиш, бугун ва келажакдаги барча шахслар маънавиятнинг мажмуидан иборат.

Ҳар бир шахс, ўзи буни чуқур идрок қиласидими, йўқми қатъи назар, бирор элат ё миллатта мансуб бўлмай иложи йўқ, ҳеч бир инсон элдан бутқул ажралиб яшамайди. Президентнинг фоятда ҳикматли ибораси билан айтганда, ҳар бир инсон “ўзини халқининг бир зарраси деб сезгандагина, у ҳиқда ўйлаб, меҳнат қилиб яшагандагина маънавият билан туғашади”.³⁸ Бунинг маъноси, шахс маънавияти воқеликда миллат маънавиятидан айру, ундан ташқарида бўлмайди. Шундай экан, мавжуд аҳволни тўғри идрок этадиган бўлсак,

миллат маънавияти ҳақида муайян тасаввурга эга бўлмай туриб, алоҳида шахс маънавиятини ҳам ўрганиш имкондан ташқари.

Билим — чексиз. Чунки воқелик — чексиз. Инсон руҳи-яти чексиз жилоларга эга, Борлиқ ҳақиқати асли бехудуд. Демакки, ҳар бир шахс маънавияти икки карра бепоён ва чексиздир (агарчи мантиқий жиҳатдан чексизликнинг карраси бўлмаса ҳам). Миллат маънавияти ушбу миллатга қайси-дирир бир тарзда алоқадор ўтмишида яшаб ўтган, бугун яшаб турган ва келажакда яшайдиган худудсиз бир миқдордаги шахслар маънавиятининг мажмуи бўлгани сабабидан З карра чексизлик даражасидаги ҳодиса сифатида тасаввур этилади.

4. “Биз, — дейди Президент, — иқтисодий ўнгланиш, иқтисодий тикланиш, иқтисодий ривожланишни маънавий ўнгланиш, маънавий покланиш, маънавий юксалиш ҳар-катлари билан тамомила уйғун бўлишини истаймиз”.³⁹ Чунки ҳалқ маънавияти ўнгланмагунча, на ижтимоий-сиёсий жараёнларда, на иқтисодий соҳада жиддий янгиланишлар кувватга кириши қийин.

Маънавият жуда мураккаб, серқирра, шу билан бирга ҳалқ дилига ниҳоятда яқин, тушунарли ҳодиса. Уни, бир томондан, сохта “илмий” мураккаб таърифлар билан мав-хумлаштиrmай, шу билан бир пайтда сийقا, одми “тарфи-бот”га айлантиrmай, ҳалқ онгига тиниқ етказмоқ, ёш авлод руҳига эш қўлмоқ лозим. Бунда қандай меъёрларга риоя этиш зарурлигини 1992 йилдаёт ўзбекистон Президенти аниқ тав-сифлаб берган эди:

“Умуминсоний қадриятларга содиқлик;

Халқимизнинг маънавий меросини мустаҳкамлаш ва ри-вожлантириш;

Инсоннинг ўз имкониятларини эркин намоён қилиши; Ватанпарварлик”.⁴⁰

Мустақиллик маънавиятининг асосини ташкил этувчи бу тўрт негиз ўзаро чуқур ички уйғунликка эга. Шу билан бирга бугунги кун учун долзарблиги жиҳатидан алоҳида инсон шахсининг ўз ички имкониятларини эркин намоён қилиши масаласи биринчи ўринга чиқиб турипти. “Эркин фуқаро маънавиятини, озод шахсни шакллантириш масаласи олдимиизда турган энг долзарб вазифадир”,⁴¹ деб таъкидлади И. А. Каримов 1999 йили 14 апрелдаги маъруzasida. Шу сабабли биз ҳам ушбу масалага олдинги мавзу доирасида батафсил тўхталиб ўтдик. Давлатимиз ва Президентимизнинг

милий маънавиятимизни ривожлантиришга эътибори, аслида ва биринчи навбатда, ҳар бир инсоннинг ҳақиқий эркинлигини таъминлашга бўлган асосли эътиборини кўрсатади. Чунки ўзлигини англамаган одам, унга қанча имкон ва шароит яратиб берманг, воқеан ҳур ва озод бўла олмайди. Аммо ўзлигини англаш дегани, ўзининг Ватанга, миллатга, башириятга, Борлиқ ҳақиқатига нисбатини тўғри белгилай билиш дегани, бунга эришиш осонлик билан бўлмайди. “Маънавият асослари” фани айни шу йўналишда билим беришга қўргатилган.

Сұхбатимиз бошида биз, Маънавият инсоннинг Ҳақ билан муносабати, дедик. Кўпчилик беихтиёр: бу диннинг ўзи эмасми, деб хаёлидан ўтказиши мумкин. Шунинг учун бир йўла шу мавзуни ҳам ойдинлаштириб олиб, кейин бошқа масалаларга тўхталайлик.

Таянч иборалар: Инсоннинг, халқнинг, жамиятнинг, давлатнинг куч-қудрати, инсонни руҳий покланиш ва юксалишга даъват этадиган, унинг ички оламини бойитадиган, иймон-иродасини, эътиқодини мустаҳкамлайдиган, вижданини уйғотадиган қудратли ботиний куч, маънавиятнинг диний, тасаввufий-рамзий ва илмий таърифлари, инсоннинг ўз моҳияти олдидағи масъуллиги, Инсон руҳидаги Борлиқ ҳақиқати билан уйғунлик, бақонинг фанода зухури, кўнгил кўзгусида акс этган Ҳақиқат нури, “Ҳақ асрори”, Борлиқнинг боқий моҳияти, илоҳий файз, Шахс маънавияти, Миллий маънавият, миллий ўзликни англаш, кўнгил кўзгусига сайқал бериш, “Мустакил Ўзбекистонни ривожлантиришнинг маънавий-ахлоқий негизлари” — умумисоний қадриятларга содиқлик; халқимизнинг маънавий месросини мустаҳкамлаш ва ривожлантириш; инсоннинг ўз имкониятларини эркин намоён қилиши, ватанпарварлик, ёркин фуқаро маънавияти, озод шахсни шакллантириш.

Тавсия этилувчи ва фойдаланилган адабиётлар рўйхати:

Асосий адабиёт:

1. Куръони карим (Абдулазиз Мансур таржимаси). Т., 2001.
2. И мом Бухорий. Жомеъ ас-саҳиҳ. 1-4 жиллар, Т., 1990-1995.

3. Каримов И. А. Озод ва обод Ватан, эркин ва фаровон ҳаёт – пировард мақсадимиз. 8-жилд. Т. — “Ўзбекистон” — 2000, с. 470 — 471, 489 — 508.
4. Каримов И. А. Биз келажагимизни ўз қўлими билан курамиз. 7-жилд. Т. — “Ўзбекистон” — 1999, с. 84 — 102, 349 — 354, 370 — 404.
5. Каримов И. А. Истиқлол ва маънавият. Т., 1994.
6. Каримов И. А. Маънавий юксалиш йўлида. Т., 1998.
7. Каримов И. А. Ўзбекистон: миллий истиқлол, иқтисод, сиёсат, мафкура. 1-жилд. Т. — “Ўзбекистон” — 1996, с. 76 — 85.
8. Каримов И. А. Биздан озод ва обод Ватан қолсин. 2-жилд. Т. — “Ўзбекистон” — 1996, с. 76 — 82, 249 — 264.
9. Каримов И. А. Ватан саждагоҳ каби муқаддасдир. 3-жилд. Т. — “Ўзбекистон” — 1996, с. 3 — 54.
10. Каримов И. А. Бунёдкорлик йўлидан. 4-жилд. Т. — “Ўзбекистон” — 1996, с. 331 — 339.
11. Каримов И. А. Янгича фикрлаш ва ишлаш — давр талаби. 5-жилд Т. — “Ўзбекистон” — 1997, с. 145 — 150.
12. Каримов И. А. . Хавфсизлик ва барқарор тараққиёт йўлида. 6-жилд. Т. — “Ўзбекистон” — 1998, с. 314 — 317.
13. Маънавият — масъуллик. 1-китоб (Маънавият нашрлари. Республика «Маънавият ва маърифат» маркази). Т., 1997.
14. Маънавиятнинг ойдин йўли. 2-китоб (Маънавият нашрлари. Республика «Маънавият ва маърифат» маркази). Т., 1997.
15. Маънавият ва комиллик. 3-китоб (Маънавият нашрлари. Республика «Маънавият ва маърифат» маркази). Т., 1997.
16. Каримов И. А. Баркамол авлод — Ўзбекистон тараққиётининг пойдевори. Т., 1997.
17. Комилов Н. Тасаввуф. Биринчи китоб. Т., 1996.
18. Содикова Т. Мехр қолур. Т. 1997.
19. Имомназаров М. С. Миллий маънавиятимиз назария-сига чизгилар. Т., 1998
20. Имомназаров М. С. Миллий маънавиятимизнинг та-комил босқичлари. Т., 1996.

Қўшимча адабиёт:

21. Жалолиддин Румий. Маснавийи маънавий. Т., 1999
22. Ал-Фараби. Философские трактаты. Алма-Ата, 1972

23. Алишер Навоий. Лисон ут-тайр. Т., 1991.
24. Алишер Навоий. Асарлар. 15-жилд. Т., 1968.
25. Алишер Навоий. Муқаммал асарлар тўплами. 7-жилд. Т. -“Фан”-1991.
26. Алишер Навоий. Муқаммал асарлар тўплами. 14-жилд. Т. -“Фан”-1998.
27. Азизиддин Насафий. Зубдатул-ҳақойиқ. Т., 1995.
28. Фойиблар хайлидан ёнган чироқлар. Т., 1994.
29. Эркаев А. Маънавият — миллат нишони. Т., 1997.
30. Юсупов Э. Инсон камолотининг маънавий асослари. Т., 1998.

4-маъруза. ДИН ВА МАЪНАВИЯТ

ДАРС РЕЖАСИ:

1. Мустақиллик шароитида динга муносабатнинг тубдан ўзгариши.
2. Диний ақидапарастлик ва экстремизм — диний қадриятларнинг тоталитаризм тафаккури руҳидаги баразли талқини сифатида.
3. Дин ва маънавият. Умумий ва фарқли жиҳатлар.
4. Ёш авлодни миллий маънавиятимиз анъаналари руҳида тарбиялаш — улар онгини турли баразли «оқимлар» таъсиридан ҳимоялашнинг энг самарали йўли.

1. Мустақиллик шарофати билан 1300 йил мобайнида ота-боболаримиз эътиқод қилиб келган ислом динига муносабат ҳам тубдан ўзгара бошлиди. Собиқ “Иттифоқ” даврида бутун Ўзбекистонда бори-йўғи 80 га яқин масжид фаолият кўрсатган бўлса, мустақилликнинг дастлабки йилларидаёқ минглаб янги масжидлар ишга тушди. Илгари биргина Бухорода кичик бир мадраса тор доирада диний билим бериб келган бўлса, бугунги кунда деярли барча вилоятларда мадрасалар ишлаб турипти. Тошкент олий маъҳадининг мавқеи ҳам кундан-кун кўтарилиб бормоқда. 1999 йили Ўзбекистон Президенти И.А.Каримов фармони билан Тошкент ислом университети ташкил қилиниши, барча таълим тизимида дин асосларидан дарслар йўлга қўйилиши бу соҳага эътиборнинг нақадар ошганидан далолатдир. Ўнлаб ўтмиш диний

уламоларимизнинг табаррук номлари, мерослари тикланмоқда. Мақбаралари қадамжойга, зиёратгоҳга айланмоқда. Жумла-дан, Имом Бухорий мақбараси мажмуининг бунёд этилиши, Баҳовуддин Нақшбанд масжиди-мақбарасининг янги-дан таъмирланиб, обод этилиши, имом Мотуридий, Бурҳо-нуддин Марғиноний каби буюк сиймоларнинг хоки поклари қўйилган Самарқанддаги Чокардиза қабристонини тиклаш ва ўрганиш ишларининг жиддий йўлга қўйилиши – барчаси мустақил Ўзбекистон раҳбариятининг муқаддас динимизга, ушбу динни маърифат, маънавий қадрият даражасига қўта-рилишига сабабчи бўлиб, жаҳонга танилган улуғ аждодла-римизга билдирилган юксак ва самимий эҳтиромнинг ёрқин намойишидир.

“Дин одамзодни ҳеч қачон ёмон йўлга бошламайди”,⁴² дейди Президент. Динни ниқоб қилиб низолар чиқаришга уриниш остида эса доимо муайян худбин ният, фаразгўйлик ёки жаҳолат ётади. Шу сабабли И. А. Каримов ҳақиқий имон-эътиқодни сиёсий найранглардан фарқ қилиш зарурлигини таъкидлаш баробарида ўзбекнинг имони хусусида доимо со-бит туради:

“Мен ҳам шу халқнинг бир фарзандиман, шу миллат-нинг бир ўғлиманин. Алҳамдулилоҳ, бир мусулмон фарзанди сифатида халқимга хос исломий тушунча ва туйгулар ме-нинг ҳам қалбимда, юрагимда барқарор ва мен бу дунёю у дунё ўз эътиқодимдан қайтмайман”.⁴³

“Бу эътиқод юртимиздаги миллионлаб ватандошларим қатори менинг ҳам дунёқарашибимга асос бўлиб, бутун бор-лиғим, маънавий олами мазмунини ташкил этади.”⁴⁴

Эътиқод масаласи, албатта, маънавиятга алоқадор. Таъ-бир жойиз бўлса, эътиқод маънавиятнинг умуртқа поғона-сиdir. Имон-эътиқодсиз маънавият ҳақида гапириш ўзи ор-тиқча.

Маънавият ҳар бир инсоннинг Ҳаққа (Аллоҳ ҳақиқати-га, Борлиқ ҳақиқатига) муносабати экан, бу аслида фоний инсоннинг Бақога (абадийликка) муносабатидир. Бундан фарқли ўлароқ инсоннинг инсонга муносабати фақат шу ёруғ дунё ташвишларига оид нарса. Ҳар ким ўзининг Ҳақ олдидағи масъулиятини тўғри англаб масалага ёндошса, ўзи фойда қиласи, бирорвнинг Ҳақ олдидағи масъулияти ҳақида ўзбошимчалик билан ҳукм чиқариш, ёки, айниқса, ўзгани

ўўрлик билан, зугум билан имонли қилишга уриниш маънавият нуқтаи назаридан мутлақо ботил ҳаракатдир, чунки Инсоннинг имонга кириши фақат Аллоҳ иродасига боғлик, банданинг ваколати доирасидан ташқарида.

“Ислом” сўзининг ўзи тинчлик-тотувликни, ҳилм (юмшоқлик)ни, ўзгага яхшилик тилагини билдиради. “Ассалому алейкум” деб мурожаатни бошлаймиз, демак, қаршимиздаги одамга Аллоҳдан тинчлик ва саломатлик, эзгулик истаб муомалага киришамиз. Шундай экан, юрт осойишталиги, инсонлар аро аҳиллик ва муроса, ўзгани тушунишга интилиш, Аллоҳ яратган барча мавжудотга самимий меҳр кўзи билан ёндошув — ҳақиқий исломий қадриятлардандир ва бутун биз мустақиллик маънавиятини ушбу асос нуқталарга таяниб шакллантирмоқдамиз. Тан олиш керак, Юртбошимиз ушбу йўлда ҳар жиҳатдан бизга намуна кўрсатмоқда, фақат биз ушбу самимий уринишларга жиддий эътибор қаратсан, уларни кўнгилда таҳлилдан ўтказиб, амалда ўзимиз учун ибрат қилиб олсан, бас. “Агар биз адолатли давлат, эркин жамият қурмоқчи бўлсан, бу олийжаноб мақсадни амалга ошириш йўллари минг йиллик диний ақидалар билан муштарак эканлигини ёдда тутишимиз лозим”,⁴⁵ дейди Президент.

2. Бизда давлат диндан ажратилган. Чунки давлат бошқариш сиёsat йўналишига, дин, эътиқод масаласи эса маънавиятга оид масаладир. Давлатда қонун бор, зарур ўринда куч ишлатилади, умуман, сиёsat инсонлар аро муомалага оид бўлганлиги сабабли турлича вазият бўлиши мумкин. Аммо маънавият кўнгил иши, инсоннинг ўз шахсига муносабати, асл моҳиятига мувофиқ айтилса, ҳар бир инсоннинг ягона Ҳақ олдидағи масъулияти масаласидир. Шу сабабли давлат на диннинг бир-биридан ажратилганлиги мантиқа мувофиқдир. Жамиятдаги умумий маънавий савия қанча паст бўлса, бу жамиятда одамлар орасидаги муомалада куч ишлатилиш эҳтиёжи ва эҳтимоли шунча юқори бўлади. Маънавий биркамоллик эса сиёsatни ҳам мӯътадиллаштиради, куч ишлатувчи тузилмалар хизмати қисқариб, фуқароларнинг ихтиёрий бирлашуви асосидаги жамоат ташкилотларининг мавқеи ошиб бораверади.

Динни сиёсийлаштиришга уриниш, нафақат инсонлар жамиятига нисбатан, балки Аллоҳ олдида ҳам энг оғир жино-

ятдир. Чунки бунда инсоннинг Ҳаққа эътиқоди бир гурӯҳ кимсаларнинг сиёсий ғаразлари йўлида воситага, хавфли куролга айлантирилади. Сиёсат юқорида ҳам таъкидлаб ўтилганидек, инсонлар аро муносабатларга, яъни фақат шу ёруғ дунёга алоқадор ҳодиса, дин эса Аллоҳ билан унинг бандаси бўлмиш инсон орасидаги муносабатларга доирдир. Бир инсоннинг Аллоҳга бўлган имон-эътиқодини ўзга бирор ўзига бошқаларга қарши амалга оширмоқчи бўлган бирор бир ғаразли нияти йўлида воситага айлантиришга уринса, у икки карра жиноятга қўл урган бўлади. Биринчидан, муайян инсон шахсига қарши жиноятга йўл қўяди, чунки бир инсон иккинчи инсонни ўз ғаразлари йўлида воситага айлантиришга ҳаққи йўқ. Ер юзидаги барча мавжудот инсон учун восита, аммо ҳеч бир инсон ўзга инсонлар учун восита, қурол деб қаралиши мумкин эмас. Иккинчидан, ўзга инсоннинг Аллоҳга бўлган имонини ўз ғарази йўлида воситага айлантиришга уринган зот Аллоҳ олдида ҳам оғир гуноҳга ботади. Бундай одам, исломий нуқтаи назардан, нафақат мўминлар сафидан чиқади, балки у оддий мунофиқ даражасидан ҳам тубанлашади. Чунки оддий мунофиқ ўзи сидқидилдан мўмин бўлмаган ҳолда фақат одамлар кўзига ўзини диндор қилиб кўрсатишга уринади, холос. Ўзгалар эътиқодидан ўз ғарази йўлида фойдаланмоқчи бўлиб, улар орасига диний асосда низо солишга уринган кимса эса Аллоҳ олдида мунофиқдан ҳам, мушрикдан ҳам бадтар куфрга йўл қўяди, дейиш мумкин.

“Таассуфки, баъзан ислом дини ва ислом фундаментализми ҳақида гапирганда бу икки тушунчани бир-бираига аралаштириб юбориш ҳоллари учрамоқда”, деб ёзади Президент.⁴⁶ Ислом дини – Аллоҳнинг дини, “ислом фундаментализми” эса тор бир гурӯҳлар томонидан мусулмонларнинг диний ақидаларини ўзларининг муайян сиёсий мақсадларига бўйсундириб “талқин” этишлари. Бу “талқин”лар асосида сиёсий фаолият бошланса, ислом экстремизми келиб чиқади. Аллоҳнинг китобидаги оявларни муфассирлар турлича тафсир қиласидилар, пайғамбаримиз ҳадислари ҳам турлича талқин этилиши мумкин, чунки инсонларнинг масалаларга ёндошуви турлича. Аммо ўз талқинини энг тўғри деб даъво қилиб, фикрига кўшилмаганларни ислом номидан қоралаш, ҳатто коғирга чиқаришга уриниш, камида ўзга инсонга зулм даражасига кўтарилган такаббурликдир.

Динни экстремистик талқин этувчи гурӯҳлар инсоният тарихида қадимдан маълум, аммо улар доимо озчиликни ташкил этишган. Бир ҳақиқатни очиқ тан олиш керак, XX иш диний экстремизми ижтимоий-сиёсий йўналишдаги ўта экстремистик ҳаракат бўлмиш марксизмдан, айниқса, унинг ижтимоий террор йўлини дастуруламал қилиб олган ленинч-ча-большевикча кўринишидан жуда кўп нарсани ўзлаштириди. Большевикларнинг аввал собиқ Россия империяси худулида, кейинроқ “социалистик система” аталмиш кенгрок ҳудудда вақтингча ҳукмдорликни қўлга киритиши, айтиш мумкинки, «“инқилобий йўл”нинг ёлғон “имкониятлари”-га маҳлиёликни кучайтириб юборди. Бунинг устига foявий жиҳатдан динга душманлик эълон қилган коммунист ақида-парастлар муайян фаразлар билан ўзлари ҳукмрон бўлмаган Ӯлжалардаги “инқилобий ислом” тарафдорларини доимо ҳам шимдан, ҳам очиқ сиёsatда қўллаб келдилар. Бугун ҳам бундай кучлар йўқ эмас.

3. Аллоҳ имонли одамнинг қалбида бўлади. Имонли одам имонини бирорвнинг “бошини уриб ёриш”га восита қилмайди. “Халқимизнинг минг йиллик тарихини, бугунги маънаний ҳаётини, дину диёнатимизни мухтасар ифодалаб айтиш мумкинки, Аллоҳ бизнинг қалбимиизда, юрагимиизда”, дейли И.А. Каримов.⁴⁷ Бу шунчаки гап эмас. Айни шу маъно Аллоҳнинг китобида қатор оятлар мазмунини ташкил этади. Унбу матн бошида эслаб ўтилган “Нур” сурасининг 35-оятида жа бу фоя бевосита ифодаланган. Кейинчалик бу фоя пайтамбар ҳадисларида, буюк тасаввуф шайхлари, пири муршиидларнинг ҳикматларида мукаммал талқинини топди.

Миллий маънавиятимиз анъаналарига таяниб хулоса қиласиган бўлсак, инсоннинг Ҳақ билан боғлануви икки йўналишидадир. Биринчиси, инсоннинг моддий вужуд сифатида Аллоҳ томонидан яратилганлигига оид бўлиб, бунда инсон табиатнинг узвий қисми сифатида намоён бўлади. Биз бу үйни олдинги маърузада ҳам айтиб ўтдик. Аммо инсоннинг Ҳақ билан туташуви фақат “биринчи турткى” масаласига бориб тақалмайди. Иккинчи йўналиш ҳам бор. Маълумки, инсоннинг ҳар бир хатти-ҳаракатида Аллоҳнинг иродаси намоён бўлади. Аллоҳ инсоннинг яратувчиси, унга ризқ атоғувчи бўлиш баробарида уни ҳидоятга йўлловчи ҳамдир. Охиригина масалада бир ўзига хос жиҳат бор. Аллоҳ инсонни

яратади, шу билан бирга моддий дунёнинг турли неъматлари орқали унинг ризқини ҳам сочиб кўяди. Бироқ бу дунё инсон учун синов дунёси. Шундай экан, Аллоҳ ҳидояти мажбурий тарзда эмас, балки ихтиёрий бир шаклда, дъзват, таклиф шаклида намоён бўлади. Яъни, бу дунёда Аллоҳ таоло инсонга тўғри йўлни танлаш имкониятини бермоқда. Инсон ҳаётининг ўзига хослиги, бошқа мавжудоту маҳлуқотлардан фарқи шунда. Чунки Аллоҳ инсонни ер юзида халифа қилиб яратган, шу сабабли унга бу дунёда ирова эркинлигини ҳам берган. “Файзи илоҳий” масаласи ҳам олдинги маърузада ёритилди. Пайғамбарларга Аллоҳ ҳидояти бевосита ваҳий шаклида гайри моддий мавжудотлар бўлмиш фаришталар орқали юборилса, оддий инсонларга “файзи илоҳийни” етказувчи, биз истеъод, илҳом, каромат, башорат каби номлар билан белгиловчи, гайри моддий воситалар ҳам мавжуд. Бу ҳодисаларни моддий асосда турлича изоҳлашга уринишлар фанда ҳеч қачон кўнгилдагидек самара берган эмас, чунки моҳиятан гайри моддий ҳодисаларни моддий дунё қонуниятларига таяниб изоҳлашга уриниш ўзи аслида гайри илмий тамойилларга етакловчи ҳаракатdir. Маънавият инсоннинг Ҳақ билан бевосита боғланишидир. Бу — асос моҳиятига кўра гайри моддий муносабат. Демак, маънавиятни биринчи йўлдан эмас, айни иккинчи йўлдан бориб қидирган мақсадга мувофиқроқ.

“Дин ҳалқ учун афюндири” дегувчилар инсоннинг энг муҳим эҳтиёжларидан бўлмиш имон эҳтиёжини тан олмайдилар ёки назарга илмайдилар. Имон-эътиқод эҳтиёжи, агар у самимий инсон бўлса, ҳатто даҳрийда ҳам бўлади. Факат у ўз ботиний эҳтиёжини кўпчилик эътиқод қилувчи динлардан эмас, турли ”изм”лардан қидиради ёки шахсан ўзи учун алоҳида эътиқод тизими яратишга уринади. Бу, албатта, инсонга хос кибр ва гумроҳликнинг нишонаси, холос. Йўқ, нарсани кашф этишга уринишдан кўра, кўпчилик тан олган нарсани тушуниб, моҳиятан англаб этишга ҳаракат қилиш, бизнинг назаримизда, самаралироқ йўлдир.

Қалбни, кўнгил кўзгусини поклаш аввало имон-эътиқоддан бошланади. “Эзгуликка садоқати бўлмаган, бирор нарсага ихлос кўймаган, ишонмаган одам кўрқинчлидир”, деб огоҳлантиради Президент.⁴⁸ Албатта, маълум бир даврда коммунистик ғояга ҳам самимий ишонгандар бўлган, соғвиждонли даҳрийлар ҳам ҳаётда учраши мумкин. Аммо даҳ-

рийлик инсон тарихида алоҳида ҳолатларда бир-бир намоён бўлувчи ҳодиса. Дин эса асрлар давомида миллион-миллион инсонларнинг эътиқодини шакллантириб келган. Жумладан, ислом дини 14 асрдан бери улуф бир минтақада инсонлар тафаккур йўналишига таъсир ўтказиб келмоқда. Марксизм онгимизда аждодлар салоҳиятига нописандликни тарбиялади. Кимки 5—6 аср илгари ўтган бўлса, унинг мулоҳазалари бизга ноқис кўринадиган бўлди (айни марксизм ақидаларига номувофиқлиги туфайли). Ўз вақтида биз Имоми Аъзам, Имом Бухорий, Имом Мотуридий, Маҳмуд Замахшарий, Аҳмад Яссавий, Нажмиддин Кубро ва ҳоказо юзлаб жаҳоншумул улуф алломаларнинг эътиқодини “афюн” деб эълон қилдик ва асло этимизга ўйлаб кўрмадик-ки, “хўш, улар яратган улкан маънавий меросга ўзимиз бир мисқол қўшиш қурратига этамиزم?” Мустақиллик бизга имонимизни, эътиқодимизни қайтариб берди. “Ислом дини бу ота-боболаримиз дини, — дейди И.А. Каримов, — у биз учун ҳам имон ҳам ахлоқ, ҳам диёнат, ҳам маърифат эканлигини унутмайлик”.⁴⁹

Бугунги кунда диёнат, ахлоқ тушунчалари имон-эътиқоддан ажralмас эканлиги равshan бўлиб қолди. Аммо ислом маърифати масаласида ҳануз жиддий хulosага кела олмай, гумон аралаш турибмиз. Онгимизни марксизм ақидалари тутал тарк этмас экан, бу масалада узил-кесил хulosага келишимиз, албатта, мушкул. Чунки туғилганимиздан бўён марксистик мафкура бизнинг ёшимиздаги авлодга бирдан-бир ҳақиқий илм — фақат ҳаётни материалистик идрок этишига асосланган илмдир деб уқдириб келган. Яқин ўтмишда шундай ялпи тарғибот таъсирида таълим олган кўпчилик ғенѓдошларимиз (устозларимиз ҳам) “илм бошқа, дин бошқа” деган ақидани тарк этишга ботинмай туришипти. Диний илмларни ҳақиқий илм қаторига қўшиш мумкинлигига шубҳалари тўлиқ тарқаган эмас. Туппа-тузук академикларимизнинг китобларида бугун ҳам Пайғамбаримизга “ваҳий” келишини сиёсий мақсадлар билан изоҳлашга интилиш кузатилади. Аслида эса илм фақат ақлга таянмайди. Айниқса, ижтимоий соҳа, маънавиятга алоқадор соҳаларда ақлийни нақлий илмлар мутаносиблиги муҳим ўрин тутади. Бизгача ўтмишдан етиб келган китоблар ҳам икки тоифа — 1) илоҳий матнларга таянувчи, яъни “ваҳий” орқали етиб келган, 2) инсоний матнлар асосидаги, яъни инсонлар ижод

этган китоблар. Булардан биринчиларининг мазмуни азалий ва абадий моҳиятга туташади, иккинчилари эса муайян замон ва маконда яшаб ўтган инсонларга тегишли бўлгани туфайли, айни ўша замон ва маконнинг таъсиридан холи эмас, яъни уларга мутлақ ҳақиқат сифатида ёндошиш нотўгри бўлади. Масалан, Куръон оятлари мазмуни ўзида мутлақ ҳақиқат сирини яширгандир, аммо унинг турли тафсирлари муфассирлар шахси билан, уларнинг турлича талқини билан боғлиқ. Илмларни турларга ажратадиган бўлсак, масалан, мақсад йўналишига кўра фарқлаш мумкин. Шунда дунёвий мақсадларга йўналган ёки ухравий (охиратга, яъни бу дунёдаги фаолиятимизнинг у дунёдаги оқибатига оид) мақсадларга йўналган илмлар ҳақида гапириш мумкин бўлади. Маънавият айни дунёвий ва ухравий мақсадларимизни ўйгунлаштиришга оид соҳадир. Холоса қиласидиган бўлсак, Ҳақ йўлида қилинадиган ҳар қандай илм ҳақиқий илмдир ва у инсон руҳини поклашга хизмат қиласи, илмда ҳақиқатдан ҳар қандай чекиниш эса жаҳолатга олиб келади.

Юқорида санаб ўтилган умумий жиҳатлардан келиб чиқиб, баъзилар дин ва маънавиятни бир нарса деб қарашга мойил бўлишади. Бу унчалик тўғри эмас. Ҳар бир инсоннинг ўз дини бўлмайди. Динлар кўп дунёда, лекин улар муайян. Дин — илоҳий китоблар орқали нозил этилган алоҳида қонун-қоидаларни билдиради. Маънавиятни қатъий қонун-қоидалар тарзида тасаввур қилинмайди. Ҳар бир шахс маънавияти ўзига хос, ҳар бир инсоннинг ўз маънавий олами мавжуд. Дин инсоннинг дилида бўлиши керак, албатта, аммо ҳар бир инсон бир динни қабул қилиб олади ва унинг қонун-қоидаларига умр бўйи риоя қиласи. Маънавият эса инсон қалбидаги нур, у танлаб олинмайди, у Аллоҳнинг инояти, одамни Ҳақ йўлга етакловчи ҳодий, унинг қонун-қоидалари очиқ баён қилинган ҳукмлар билан чегаралаб берилмайди. Маънавият инсон умри давомида, миллатнинг тарихий тараққиётида такомил топиб боради, дин эса илоҳий ваҳий асосида, пайғамбар ҳадисларига таянган ҳолда уламолар томонидан муайян чегараларда қатъий қилиб белгилаб берилади, бу чегараларни ҳар ким ҳам ўзгартира оладиган нарса эмас. Ҳар ҳолда бизнинг тасаввурларимиз шундай. Навоий “Талаб водийсининг сифати”да ёзади:

*Куфр ила имонга ургайсен илик,
Бу тамадинким очилгай бир эшик.*

*Чун эшик очилди не куфру не дин,
Ичкари киргач қутулдинг барчадин.
Куфру имон рохравга кеш эмас,
Асли йўлда банди роҳе, беш эмас.⁵⁰*

Самимий диний эътиқод маънавият эшикларидан бири-дир. Яна бир нозик масала. Кўпроқ оддий эътиқод эгалари динни сунна даражасида идрок этадилар. Яқин ўтмишда, илм ва имон икки қутбга ажратиб ташланган, санъат марксизм ғояларининг тарғиботчисига айлантирилган бир шароитда, ларҳақиқат, Куръон ва пайғамбаримиз ҳадислари дин аҳли учун ягона маънавий паноҳ бўлган эди. Аммо воқелиқда миллий маънавиятимиз майдонлари бехудуддир. Ўз вақтида буюк айломаларимиз ижодида илм ва мантиқ, ирфон ва бадиият оламлари имондан ташқари бўлмаган, балки илм ва имон бир-бираига кувват бағишлаган, тавҳид эътиқодини идрок ўтиш илм ва ирфон орқали теранлик касб этиб борган.

Дин ва маънавиятни бирлаштирувчи фазилат эътиқоддир. Диннинг зоҳирий ва ботиний жиҳатлари бор. Ботиний жиҳати имон бўлиб, қолгани — ибодатлар — зоҳирий жиҳатлар, улар имонни муайян ташқи ҳаракатлар билан тас-лиқлайди. Аммо имон фақат тилда бўлса, исломий ҳаёт қонуни-лири билан ички маънавий уйғунлик ҳосил қилинмаса, унда маънавият нуқтаи назаридан даҳрийнинг ўз ақидасига эъти-қоди мунофиқнинг ташқи диндорлигидан афзал бўлиб чи-қузи. Чунки эътиқодли даҳрий дўзах азоблари хавфи олдида ҳам ўз билганидан қайтмайди. Мунофиқ эса ўз ҳаёт тарзи билан ҳалол инсонларнинг динга ихлосини қайтаради. Диннинг зоҳири сақлаб қолинса-ю, ботинига эътибор етарли бўлмаса, дин хурофотга айланади. Динни хурофот даражаси-да тушунган зоҳирбин ақидапараст нуқтаи назарида дин ва маънавият буткул бир-бираига зид нарсалар бўлиб қолади. Ўзинни ақидапарастлик даражасида тушуниш инсонлар ора-сида арзимаган нарсадан нифоқ чиқишига, балки оғир хун-ре'ликларгача олиб келиши мумкин. Бундай ёндошувда тур-ли дин вакиллари орасидагина эмас, ҳатто бир динга эъти-қод қилувчилар орасида ҳам қонли низолар келиб чиқиши ҳеч гап эмас. Тарихда бундай фожейи воқеалар кўп бўлган. Пайғамбаримизнинг энг яқин саҳобалари, Ҳақ йўлдаги ха-лифалардан (хулафойи рошидин) ҳисобланган ҳазрати Ус-

мон ва Алиларнинг шаҳид этилиши ғайридинлар томонидан эмас, айни ислом ақидапараст оқимларининг вакиллари томонидан амалга оширилганлиги тарихдан маълум. Суннийшия қирғинлари-чи? Айни шу сабаблар туфайли Президент динга маънавий қадрият сифатида ёндошувни изчил қўллаб чиқмоқда. Мустақил Ўзбекистон раҳбарияти диннинг зоҳирний жиҳатларини инкор қилмаган ҳолда, унинг ботиний, маънавий жиҳатига биринчи даражали аҳамият қаратишни мақбул кўрмокда. Чунки жаҳон динларининг ботиний жиҳати ўзаро уйғунликни тақозо этади.

Маънавият учун турли динлар аро фарқлар муҳим эмас, инсон қалбидаги имон нури муҳим. Бундай ёндошув кўпроқ тасаввuf ирфони соҳибларига оидdir.

Ҳар қандай бўлганда ҳам, эътиқод дилда бўлади, у инсоннинг ўзи учундир, ибодатлар ташқи хатти-ҳаракат билан ифодаланади, бунда инсон ҳам шахсий эътиқод туйғусини қондиради, ҳам қайси динда эканлигини ўзгаларга зоҳир этади. Ибодатни адо этмасликнинг ҳам сабаби икки хил бўлиши мумкин. Бири — агар шахс ўзгалар учун бирор-бир савобли ишни бажаришни ўзи учун (ибодат доим инсоннинг ўзи учундир) бажариладиган ибодатдан ортиқ билса (албатта, бунда янглишуви ҳам мумкин). Иккингчиси, ўз шахсий гарази йўлида ибодат ўрнига бошқа бир юмушга чалғиса. Ҳар икки ҳолатда ҳам инсон ўз келажак тақдирини хавфга кўяди. Аллоҳ олдида бунинг жавоби қандай — ёлғиз Яратганга аён. Ҳар ҳолда маънавият уйғунликка интилади, шу жиҳатдан мўмин фақат ибодат билан қониқиб, ўзга амалларини эзгулик билан уйғунлаштиришга эътибор қилмаса, бундай инсонни маънавий баркамол дейиш қийин.

Динда эътиқод, тақво, ҳалол ва ҳаром масалалари асосийлардан бўлиб, булар бевосита инсон маънавиятига алоқадордир. Маънавият муайян маънода диннинг ботиний жиҳати билан туташади. Тақво маънавият белгиси бўлиб, ҳалол ризқ тақвонинг энг ўзак тушунчаси ҳисобланади. Бу масалалар хусусида келгусида яна батафсил сухбатлар бўлади.

4. Эътиқод маънавиятнинг ўзак томири. Эътиқодсиз кишида маънавият бўлмайди, ташқи маданий кўриниш, ҳатто анча-мунча билим ҳам бўлиши мумкин, аммо мағзизда маънавият бўлмайди.

Кишида умуртқа поғонаси шикастланган бўлса, ундан инсон гавдасини тик тутиб тура олмайди. Маънавий олам учун эътиқод ҳам шундай бир нарсадир. Коммунистлар олға

сурган фояларга халқ озми-кўпми ишонган, умид боғлаган даврда Совет давлати анча-мунча ўси, ривожланди. “Коммунизм” фоялари пуч нарса экани маълум бўлиб қолгач, аста-секин бу тузум ич-ичидан емирила бошлади ва охири барбод бўлди. Шунинг учун ёлғон фояларга ишониш, ўйлаб топилган ақидаларнинг этагини тутиш яхшиликка олиб бормайди. Эътиқод масаласи — жиддий масала. Тарихда турли ёлғон пайғамбарлар кўп бўлган. Улар охир-оқибат бебурдликка маҳкум бўлганлар. Башарият, эл, халқ қабул қилган Олий ҳақиқатлар эса асл маъноси билан илоҳий, азалий ва абадий манбага эгадир. Ислом динимиз ана шундай илоҳий ишоят ҳисобланади. Бизни 70 йил бу эътиқоддан қайтаришга уриндилар, жазоладилар, масхараладилар, тақиқладилар. Ўари бефойда бўлди. СССРда мағкуравий тазиёқ кучайган сари, жаҳонда исломнинг нуфузи ошиб борди. Америка, Европа, Австралияга ислом дадил кириб бормоқда. Марксист даҳрийлар исломни араб босқинчилиги билан боғламоқчи бўлдилар. Наҳот 1400 йил аввалги босқинчилик асорати шунча кучли бўлиши ақлга тўғри келса? Александр Македонский, Чингизхон, чор Россияси олиб келган эътиқодлар қани? Ҳақиқат бошқа нарса, босқинчилик бошқа.

Имом Бухорий каби улуғларимиз бирорнинг тазиёқи билан мусулмон бўладиган шахслар эмасди. Улар ҳақиқат фидойилари эди.

“Ла икроҳа фи-д-дин”, яъни “динда зўрлаш йўқ” дейилган. Аввало, исломда тадрижийлик мавжуд, Муҳаммад (С.А.В.)га нозил этилган илоҳий китобда ўзидан аввали китоблар ва барча пайғамбарлар, жумладан, Мусо ва Исо алавийҳис саломлар тўлиқ эътироф этилади ва барча пайғамбарларнинг ҳурмати баробар эканлиги таъкидланади. Қолаисерса, маънавият аҳли учун юзта мусулмонлик дарьносини қилувчи риёкордан битта эътиқодли даҳрий ёки бутпараст инфазл. Аждодларимиз бизга шундай таълим беради. Масалан, Амир Хусрав Дехлавий “Ширин ва Хусрав” достонининг “Лар фазилати ишқ” бобида ёзади:

*Ба ишқ гар бутпарости, дин-т пок аст,
Ва-гар тоат куни би ишқ хок аст.⁵¹*

(Сен ишқда бутпараст бўлсанг — дининг пок,
Агар ишқ бўлмаса, тоат эрур хок.)

Пайғамбаримиз учун ватан ва имон тушунчалари бир-биридан ажралмас эди. Маккадан Ясрибга ҳижрат қилиш ул жанобнинг имонларини янада бақувват қилди. Бугун ҳам хориждаги биродарларимизнинг кўпчилиги учун имон ва Ватан меҳри бир-бирини қувватлаб турибди, зоро Ватанига тош отган кимсалардан имон умиди ҳам бехудадир.

Маърифат йўллари беҳисоб. Биз имон ҳақида гапирдик. Аммо имон даражалари ҳам ҳар хил: тақлидий имон бор, унга ибрат босқичида эришилади, агар уни илм билан мустаҳкамланмаса, оқибати яхши бўлмаслиги мумкин, чунки бундай инсонлар ишонувчан бўладилар, бугунги мураккаб дунёда макр тузофига тушиб қолишлари хавфи бор. Ибрат ва илмдан ташқари, миллий маънавиятимиз анъаналарида риёзат ва меҳр йўллари ҳам маърифатга оид ҳисобланади. Инсон руҳи Борлиқ ҳақиқати билан доимий уйғунлигини сақлаши учун ибрат ва илм, риёзат ва меҳр маърифати уни бир зум тарк этмаслиги талаб этилади, айни шулар кўнгил кўзгусини пок тутиб туради. Ўз навбатида Борлиқ ҳақиқатини англаб етишнинг ҳам ўз даражалари борки, улар улуғ маънавий қадриятлар — Ватан, Шахс, Миллат, Адолат, Ҳақиқат атальмиш силсилада ифодасини топади. Буларнинг ҳар бири ҳақида Ўзбекистон Президенти асарларида келтирилган қимматли фикр ва мулоҳазалар таҳдили алоҳида тадқиқотларга мавзу бўла олади. Биз ҳозирча фақат баъзи энг умумий мавзуларга қисқача тўхталиб ултурдик. Яна кўп масалалар ҳақида баҳс ҳали давом этади. Аммо барибир маънавият хусусидаги баҳс инсон ҳаётини давомида тутамайди. Дин ва маънавият нисбати ҳақидаги суҳбатнинг хulosаси шуки, динни сиёсийлаштиришдан қочиши, унга буюк маънавий қадрият сифатида ёндошиб, ёшларимиздаги эътиқод эҳтиёжини айни шу йўналишда, Президентимиз “жаҳолатга қарши маърифат” деб чиройли ифодалаган маънода ботиний қудратга, маънавий камолот сари етакловчи боқий қувватга айлантириш учун бутун имкониятларни сафарбар қилмоғимиз зарур.

Таянч иборалар: “Аллоҳ қалбимизда, юрагимизда”, Ҳақ олдидағи масъулият, давлат ва диннинг бир-биридан ажратилганлиги, ислом дини ва ислом фундаментализми, диний ақидапараастлик — диний қадриятларнинг тоталитаризм тафаккури руҳидаги гаразли талқини, “жаҳолатга қарши маъри-

фат”, “муқаддас исломий қадриятлар”, имон ва илм, тавҳид таълимоти, “ваҳдатда касрат, касратда ваҳдат”, Аллоҳни поклаб ёд этишнинг ҳикмати, дин ва маънавиятнинг умумий ва фарқли жиҳатлари, имон эҳтиёжи, дунёвий ва ухравий мақсадлар уйғунылиги, “Дин одамзодни ёмон йўлга бошламайди”, маънавиятнинг умуртқа поғонаси, Аллоҳ имонли одамнинг қалбида бўлади, “Ислом дини биз учун ҳам имон, ҳам ахлоқ, ҳам диёнат, ҳам маърифат”, диннинг зоҳирий ва ботиний жиҳатлари, динни хурофот даражасида тушуниш, дин — маънавий қадрият, эътиқод ва ибодат, ҳалол ва ҳаром, тақво — маънавият белгиси, “Ло икроҳа фи-д-дин” (“динда мажбурлаш йўқ”), ёшлар онгини гаразли «оқимлар» таъсиридан ҳимоялашнинг энг самарали йўли.

Тавсия этилувчи ва фойдаланилган адабиётлар рўйхати:

Асосий адабиёт:

1. Куръони карим (Абдулазиз Мансур таржимаси). Т., 2001.
2. Ўзбекистон Конституцияси. Т. -“Ўзбекистон” — 1992
3. Имом ал-Бухорий. Ҳадис (Жомеъ ас-саҳиҳ). 1— 4-жилдлар. Т.,1998.
4. Каримов И. А. Баркамол авлод — Ўзбекистон тараққиётининг пойдевори. Т., 1997.
5. Каримов И. А. Озод ва обод Ватан, эркин ва фаровон ҳаёт — пировард мақсадимиз. 8-жилд. Т. —“Ўзбекистон” — 2000, с. 3 — 31.
6. Каримов И. А. Биз келажагимизни ўз қўлимиз билан қурамиз. 7-жилд. Т. — “Ўзбекистон” — 1999, с. 349 — 354.
7. Каримов И. А. Ўзбекистон: миллий истиқтол, иқтисод, сиёсат, мағкура. 1-жилд. Т. — “Ўзбекистон” — 1996, с. 3 — 35.
8. Каримов И. А. Ватан саждагоҳ каби муқаддасдир. 3-жилд. Т. — “Ўзбекистон” — 1996, с. 3 — 54.
9. Каримов И. А. Бунёдкорлик йўлидан. 4-жилд. Т. — “Ўзбекистон” — 1996, с. 60 — 84.
10. “Виждан эркинлиги ва диний ташкилотлар тўғрисида”ги қонуннинг янги таҳрири. Т., 1998.
11. Соғлом авлод орзуси. Т., 1998.

12. Ҳусниддинов З. Ислом: йўналишлар, мазҳаблар, оқимлар. Т., 2000.
13. Ражабова М. Диний экстремизм ва террорчилик. Т., 2000.

Кўшимча адабиёт:

14. Амир Хусрав Дихлави. Ширин и Хусрав. М. — “Наука” — 1979.
15. Алишер Навоий. Лисон ут-тайр. Т. 1991.
16. Ислом: бағрикенглик ва мутаассиблик (тўплам). Т., 1998.
17. Мунавваров З. И. ва бошқалар. Дунёвий давлат ва дин. Т., 1998.
18. Кўнгилдаги бузилиш. Т., 1997.
19. Маънавият имондан бошланади. // “Гулистон” ж., 1995 №1.
20. Бобомуродов А. Ислом одоби ва маданияти. Т., 1995.
21. Огоҳ бўйайлик (тўплам). Т., 1999.
22. Мень А. История религии. М., 1994.
23. Религия в истории и культуре. М., 1998.
24. Религия и демократия: На пути к свободе совести. М., 1993.
25. Раҳматов О. Огоҳлик — муқаддас бурч. Т. — “Мовароуннаҳр” — 2000.

5-маъруза. УМУМИНСОНИЙ ҚАДРИЯТЛАР ВА МИЛЛИЙ МАЪНАВИЯТИМИЗНИНГ УЙҒУНЛИГИ

ДАРС РЕЖАСИ:

1. Миллий маънавиятимизниң теран томирлари.
2. Мустақиллик даврида аждодларимиз маънавий меросига муносабатниң тубдан янгиланиши.
3. Умуминсоний қадриятлар ва миллий маънавият нисбати.
4. Миллий маънавиятимизниң умуминсоний моҳияти.

1. Маънавиятниң асл манбани билдик. Миллат маънавияти ушбу миллатта алоқадор барча шахслар маънавиятининг мажмуудан иборатлигини ҳам аниқлаштириб олдик.

Аммо бу ҳаммаси энг умумий таърифлар. Амалда миллий маънавият назариясини яратиш учун қайси манбаларга таяниш, унинг асосларини қаерлардан қидириши кераклиги Президент асарларида аввалбошиданоқ аниқ кўрсатиб берилган ва қайта-қайта таъкидлаб келинмоқда. Бу манбалардан энг биринчи ва асосийси буюк аждодларимиз меросидир. Буюк аждодларимиз бизга қолдирган улкан меросда миллий маънавиятимиз назариясини шакллантириш учун бутун керакли унсур ва таркиблар яратиб қўйилипти, фақат уни холис назар билан астойдил қидирсак, кифоя. Мустақилликнинг ластлабки йилларидан бошлаб мунтазам давом этиб келаётган қутлуг анъана — улуф боболаримиз, дунёга донг таратган, жаҳон жамоатчилиги аллақачон ўз муқаддас мулки деб тан олган маънавий мерос соҳибларининг юбилейларини мамлакат ва жаҳон миқёсида нишонлаш ҳақидаги фармонлар ва уларнинг ижроси айни шу масала — миллий маънавиятимиз сарчашмаларига бутун халқимиз ва, биринчи навбатда, ёш авлод эътиборини жалб этиш мақсадини кўзда тутади.

Халқ маънавиятини, миллат маънавиятини сунъий равишда, қандайдир ўйлаб топилган ақидаларга, дормаларга таяниб, юзага келтириб ҳам, кескин ўзгартириб ҳам бўлмайди. Чунки маънавият тушунчасининг мазмуни бир кунда, бир йилда, ҳатто бир асрда шаклланадиган нарса эмас, у ҳар бир халқнинг жуда узоқ тарихи қаъридан озиқ олиб, теранлик касб этиб келади.

Ислом Каримов халқ маънавиятини юксалтириш деганла нимани кўзда тутганлигини ҳали мустақилликка эришмасимиздан — 1990 йили Ўзбекистон Президенти сифатидаги биринчи нутқидаёқ очиқ-ойдин баён этган эди. Президент ушбу маъруzasida инсон руҳиятининг нозик ва мураккаб томонлари билан, “хазиналарга тўла миллий-тарихий анъаналар билан, умуминсоний маънавий бойликлар билан ҳисоблашмаслик” яқин ўтмишимизда жамиятга қанчалар зарар келтирганлигини қайд этиб, янгича вазифаларни олға сурган эди:

“Биринчи навбатда миллий маданиятимиз, халқ маънавий бойлигининг илдизларига эътибор бериш лозим. Бу халина асрлар давомида мисқоллаб тўпланган. Тарихнинг нече синовларидан ўтган. Инсонларга оғир дамда мадад бўлган. Ўзбекнинг вазифамиз — шу хазинани кўз қорачиғимиздек

асраш ва янада бойитиш, сўзда эмас, амалда ҳар бир кишининг виждан эркинлигини, эътиқодининг эркинлигини таъминлашимиз керак”⁵²

1991 йил Алишер Навоий йили деб эълон қилинди ва ўша йил тўкин кузнинг биринчи ойида ўзбек миллий маънавиятининг қўёшига бағишли нағдиган асосий тантана ва тадбирларни ўтказиш белгиланди. Аллоҳнинг иноятини қарангки, худди ушбу тантаналар бошланиши олдидан мамлакатимиз сиёсий мустақилликни қўлга кирилди ва сентябрнинг биринчи куни Мустақиллик байрамига айланди. Президентимиз “миллат байрами” деб атаган Мир Алишер Навоийнинг қутлуғ тўйи, шундай қилиб, “Ўзбекистонимиз ҳаётига алоҳида файз, тароват бахш этди”, “юргимиз, элимиз тарихида қутлуғ келди, унтуилмас сана бўлиб қолди”⁵³

Шу ўринда яна бир масалага қисқа изоҳ бериб кетиши зарурга ўхшайди. Собиқ тоталиттар мафкура таъсирида яқин-яқинларгача биздаги ижтимоий фанлар соҳасида адабиётшуносликка, филолог олимларга маълум даражада менсимай қараш мавжуд эди. Бунга, албатта, яқин ўтмишдаги адабиётшунослигимизнинг қусурлари ҳам анча-мунча сабаб бўлганлиги сир эмас. Чунки марксизм мафкураси хукмрон бўлган совет замонида адабиётшуносларимизнинг аксарияти миллий маънавиятимизга буткул ёт бўлган ва ҳатто дунё цивилизацияси ҳам моҳияттан инкор этган “социалистик реализм” деб номланувчи сохта “назария” домига тушиб, XX асрда яратилган барча адабий меросни ушбу қолипга мослаштириш йўлидан бордилар. Бу ҳақда жилд-жилд “илмий тадқиқотлар” яратилди, одамлар доктор, профессор, ҳатто академикликкача даражада унвонларга сазовор бўлишди. Мумтоз адабиётимиз бўйича ўтказилган тадқиқотларда бу иллат бевосита ва очиқ намоён бўлмаса-да, марксистик мафкура таъсирига берилиш бу соҳада ҳам сезиларли эди. Агар холис ёндошилса, илмий адабиётларга нисбатан бадиий адабиётда Борлиқ ҳақиқатини уйғун ҳис этиш тамойили устун туради. Айниқса, бу ҳолат Навоий шеърияти даражасидаги фалсафий теранлиқда ҳам бикр⁵⁴ бўлган бадиий намуналарида яққол ўзини намоён этиши сир эмас. Шу сабабли ҳам Алишер Навоий бадиий олами миллатимиз маънавияти учун доимо маҳак тоши⁵⁵ вазифасини бажариб келган ва келгусида ҳам шундай бўлиб қолади.

Ҳеч бир халқ дунёда якка яшамайди, ёлғизликда ри-
вожланмайди ҳам. Элат ва миллатлар доимо ўзаро турлича
муносабатда бўладилар ва тарих давомида бир-бирларига тъ-
сири ўтказиб, ўзларини ҳам, ўзгаларни ҳам маънавий бойи-
тиб борадилар. Аммо ҳеч қачон, ҳеч бир халқ ўзлигидан бут-
кул кечиб, бошқа халқ маънавияти ҳисобидан ўзини бойита
олган эмас. Якка бир шахс буткул ўзга бир маънавий му-
хитда тарбия топиб, унга тўлиқ мослашиши мумкин. Бу ин-
сон табиатига хос нарса. Аммо бир халқ тўлигича ўзлигидан
кечиб, ўзга халқ маънавий дунёсини қабул қиласа, демак,
ундай халқ йўқ бўлади, ўз маънавий қиёфасини йўқотган
миллат йўқолган миллатdir. Шу сабабли ҳам миллий муста-
қиллик пойдеворини маънавий мустақиллик ташкил этади,
даймиз. Миллий маънавиятнинг такомили эса ўша миллатга
мансуб ҳар бир шахснинг маънавий камолоти билан бевоси-
та боғлиқ ва ушбу заминга таяниб юксалади.

2. Парижда, ЮНЕСКО ижроия кенгашида сўзлаган
нутқида Президент Ислом Каримов айтганидек: “вата-
нимиз асрлар мобайнида жаҳон цивилизациясининг бешик-
ларидан бири ҳисобланган”.⁵⁶ Аммо юртимизда 70 йил ҳук-
мронлик қилган собиқ тоталитар тузум маккорлик билан ўз
асоратига олган халқларнинг буюк ўтмишини авлодлар хо-
тирасидан ўчирмай туриб манфур мақсадларига ета олмас-
лигини яхши билар эди. Шу сабабли тинимсиз кураш гояси-
ни ҳаёт маъноси деб эълон қилган “доҳийлар”нинг содиқ
шогирд ва издошлари нафақат тирик “душманлар” билан
курашдилар, балки миллатларнинг ўтмиш маънавий мероси
билан ҳам тинимсиз “жанг” қилдилар. “Дин — афюн”, ди-
ний илм пешволари, тасаввуф уламолари “ашаддий реакци-
онер”, барча ўтмишдаги ҳукмдорлар — қонхўр, босқинчи
(фақат айрим рус подшоҳлари бундан истисно этилди), ўтмиш
алломалар — дунёқараши чекланган, шоирлар — маддоҳ ва
ҳоказо даъволар қилинди. Бундай қора тамгалар қарамлик
асоратига тушган барча халқларнинг бой маънавий меросига
босиб чиқилди. Ҳатто уйидан эски араб ёзувида китоб то-
пилган одамлар давлатга қарши жиноятда айбланган даврлар
бўлди. Большевизм мафкурасининг итоаткор қулларига ай-
лантирилган “совет интеллегенцияси”га тирик ва ўлик “до-
ҳийлар”ни мадҳ этиш, “коммунизмнинг биринчи босқичи”
деб эълон қилинган большевистик диктатура тузумининг

жаҳон тарихида барча макон ва замонлардаги ижтимоий тизимлардан “афзаллиги”ни ҳар қандай усул билан исботлаб да далиллаб бериш асосий вазифа қилиб белгиланган эди. Ушбу вазифадан заррача чекиниш халққа ва “нурли келажак”-ка хиёнат деб баҳоланаарди.

Мустақиллик туфайли бизнинг маънавий қадриятларимиз, ўтмиш аждодларимиз қолдирган мерос, ўзининг бутун мукаммаллигига, қайчиланмасдан, “прогрессив-реакцион” аталмиш зўраки қолипларга тиқиширилмасдан тиклана бошлади. Куръони карим, ҳадиси шарифлар биринчи марта ўзбек тилига таржима қилиниб, нашр этилди, Носириддин Рабғузий, Аҳмад Яссавий, Убайдий, Муҳаммад Раҳимхон Фируз, Бурхонуддин Марғиноний, Абу Мансур Мотурий, Беҳбудий, Фитрат, Чўлпон ва бошқа “совет даврида” ҳатто номларини эслаш ман қилинган алломаларимизнинг асарлари бирин-кетин нашр этилиб, чанқоқ китобхонлар қўлига етиб кела бошлади. Давлат тили ҳақида қонун қабул қилинди. Тасаввуф пирлари – Аҳмад Яссавий, Нажмиддин Кубро, Баҳовуддин Нақшбанд юбилейлари миллатимизнинг руҳида покланиш туйгуларини уйғотди. Пойтахтимизнинг қоқ марказида соҳибқирон бобомиз Амир Темурнинг улуғвор мужассамаси ўрнатилиши ўзбек халқининг ҳар бир фарзанди руҳида ҳақли ифтихор ҳисларидан ўчмас ёғду пайдо қилди. XX аср бошларида миллатни маърифат, адолат, хуррият сари етаклаган жадид алломаларимиз халқ дилидан яна муносаб ўрин ола бошлади. “Босмачи” дея ёппа қораланганд миллий озодлик ҳаракати иштирокчилари ўз қадрларига лойиқ баҳоландилар.

Яқин ўтмишда, яъни қарамлик даврида миллий маънавий меросни ўрганишга қандай ёндошилди, деган масалада баъзан баҳс туғилиб қолади. Баъзилар шундай фикрлашади: “Ахир ўша йиллар давомида ҳам ўтмиш мерос озми-кўп ўрганилди-ку! Форобий, Беруний, Абу Али ибн Сино, Алишер Навоий ва бошқа қатор алломаларнинг асарлари рус ва ўзбек тилларида босилиб чиқди, тадқиқ ва тарғиб этилди. Бу улкан ижодий меҳнат бир неча авлод олимларнинг умр мазмунини ташкил этмадими?” Нихоятда тўғри. Устозларимиз бу йўлда чинакам фидойилик намуналарини кўрсатишиди. Бугунги миллий маънавиятимизни тиклаш йўлидаги уришиллар кўп жиҳатдан ўша заҳматкаш устозлар яратган зал-

ворли пойдеворга таяниб турипти. Аммо айрим инсонларнинг миллат маънавияти йўлидаги фидойилиги билан ҳукмрон тузум ва унинг мафкураси кўзлаган асл мақсад, бу соҳада юритган қатъий сиёсати орасида жиддий фарқ бор эканлигини ҳам бугун ўзимизга ойдинлаштириб олишимиз керак. Биз ўтмишни ёппа инкор қилиш йўлидан борсак, яна “большевикча” иш тутган бўламиз. Етмиш йил ичida нималар ютдиқ ва нималарни ютқизди — унинг сарҳисоби алоҳида. Бу ўринда яхши англаб етишимиз керак бўлган масала шуки, собиқ ҳукмрон тузум ўтмиш меросни ўрганишда ҳам ўз сиёсати, етакчи foяси, мафкураси илдизларини мустаҳкамлашни ният қилди. Ўзбекнинг асл миллий маънавияти, аждодларимиз яратган бойлик бевосита уларни ҳеч қачон ва мутлақо қизиқтирган эмас.

Большевиклар диктатураси агар олимларимиз учун ўтмиш аждодлар меросини ўрганишга заррача имкон берган бўлса, бунинг эвазига улар олдига улкан шарт ва талаблар ҳам кўйган ёдилар. Бир сўз билан “коммунистик партияййлик” деб аташ мумкин бўлган талабнинг мазмуни шунда эди-ки, ўтмиш меросимизда марксизм foяларини қувватловчи, бу foяларнинг кенг халқ оммаси онгига пухта ва мустаҳкам ўрнашувига хизмат қилувчи ҳар қандай нарса топилса, барчасини яққол очиб бериш, тарғиб қилиш, аждодларимиз билдириган фикр ва мулоҳазаларни иложи борича “марксистик руҳла” талқин қилиш, аммо агар нимаики “пролетар диктатураси” foяларига зид келиш эҳтимоли бўлса рад этиш, инкор қилиш, қора ёрлиқлар ёпиштириш, зарур ҳолатларда эса кўриб туриб кўрмасликка солиб ўтиб кетиш лозим эди. Меросни ўрганиш ишига марксизм “фалсафа”сини чукур ва жиддий ўзлаштирган, тоталитар сиёсатга содиқлиги тажрибада исбот этилган, мавжуд тузумга чин дилдан тарафдор кишилар дарға қилиб белгиланар, уларга ҳар бир соҳа тадқиқотчиларининг “диалектик ва тарихий материализм”, “ильмий коммунизм” принципларидан заррача ўнг ё сўлга оғишмай бораётганлигини қатъий назорат этиш ва таъминлаш ишониб топширилган эди. Қатағонлар одамларнинг юрагини олиб кўйган, кўплар ҳукмрон “партия” нима деса, “ҳа, шу тўғри экан-да” деб кўя қоладиган бўлиб қолишган эди.

Собиқ тузум даврида аждодларимиз меросини ўрганиш бўйича бажарилган ишларни баҳолашда унутмаслик лозим-

ки, буюк алломаларимизнинг қарашлари уларда асли ҳолидек акс этган эмас, балки бегона қолиплар, ёт андозаларга мослаб сунъий талқин этиб келингган. Бунинг учун турли усууллардан фойдаланилган. Масалан, оммавий нашрларда уларнинг асарларидағи “коммунистик партияиийлик” қолипига тушмай қолган жойлари (кўпинча, энг муҳим қисмлари) қирқиб-кесиб ташланиши шундай “усул”лардан бири эди. Тан олиш керак, собиқ тузум даврида олимларимиз, тадқиқотчиларимиз шахсан қанчалик пок, самимий бўлиш масин, аждодлар меросига холис ёндошув имконига эга бўлган эмаслар. Улар баъзан ўзлари тўғри деб ўйлаган ҳолда, баъзан мажбуриятдан йўқни бор, борни йўқ қилиб кўрсатганлар, аждодларимиз сўзини холис, минтаقا маънавиятигининг амалий ва назарий такомили мантиқига мувофиқ тарзда эмас, марксистик мафкура талабларига мос йўналишда талқин этганлар. Натижада ўтмиш меросимиз намуналари билан асл қўлёзмалардан, тўлиқ матнлардан эмас, оммавий нашрлар асосида таниш бўлган кўпчилик олий маълумотли мутахассислар ҳам ягона хукмрон идеология рухсат берган “ҳақиқатлар”дан ўзга ҳақиқатлар мавжуд эканлигидан деярли бехабар тарбия топганлар. Бугун зиёлиларимизнинг кўпчилиги маънавий меросни тўғри идрок қилишга қийналаётганликларининг сабабларидан бири ҳам шунда. Демак, ўтган 70 йиллик даврда маънавий меросни ўрганиш бўйича қилинган ишларнинг амалий томонлари — нашрлар, маълумотлар — бугун учун хизмат қилишга яроқли бўлса ҳам, ғоявий-назарий йўналишлар, талқин ва хуносалар, андаза ва тушунчалар — барчаси жиддий ва диққат билан қайта кўриб чиқиши талаб қиласди ва бу миллий маънавиятишимиз назариясини тўғри, аслига мувофиқ шакллантиришда ўта муҳим муаммолардан биридир.

3. “Миллий маънавият десак, миллий биқиқликка йўл кўямиз, умуминсоний маънавият ҳақида фикр юритиш керак”, деган гапни на маънавият нималигини, на миллийлик ва умуминсонийлик орасидаги нисбат қандай бўлишини тўғри тасаввур эта олмайдиган, илмий саводи чала одамларгина айтиши мумкин. Бир инсонга ўз миллий маънавиятини тутгал англаб етиш учун ҳам, Аллоҳ юз йил умр берса, камлик қиласди. Ҳиндистон маданиятидан бир чимдим, Европа илмидан икки жумла, ислом дунёси маънавий меросидан икки

чўқим олиб, “жаҳоншумул” маънавият назариясига даъво қилгандан кўра, ўзбек юргида яшаб ўтган буюк алломалар ижодини имкон даражасида изчил ўрганиб, шу билимлар асосида миллий маънавият ҳақида фикр юритган афзал эмасми? Биз “маънавият нима?” деган саволга немис ёхуд инглиз, рус ёки поляк, ҳинд ёки япон қандай жавоб бериши мумкинлигини башорат қила олмаймиз. Умр бўйи миллий маънавиятини, узоқ асрлар давомида ўз миллати мансуб бўлган минтаقا маданияти вакиллари ижодини асл манбалардан ўрганиб келган одам ҳам миллий маънавиятимизни мукаммал англаб етдим, деб даъво қилишга хижолат бўлади. Іу иш аслида кўпчиликнинг иши. Миллат маънавияти учун бугун миллат қайфуриши керак.

Маълумки, ҳар бир миллат, ҳар бир халқ ўз ҳаёт тарзини, келажагини аждодларининг тарихий тажрибаси асосига қуради, ҳеч бир халқ бегона қолиллар, бегона андозалар асосида эмин-эркин яшаб, тараққий эта олмайди. “Одамзод бирорвнинг бўйига қараб ўзига тўн бичмайди”, дейди Юргашимиз.⁵⁷ Ҳар бир хонадоннинг ўз тартиб-қоидалари бўлганидек, ҳар бир юрт ҳаётини ташкил этишининг ҳам ўз андоша-ўлчовлари, қонун-қоидалари бўлади. Улар ўша юртнинг табиий-жуғрофий шарт-шароити, тарихий тажрибаси, миллий феъл-автори билан боғлиқ тарзда шаклланади.

Минг йиллар давомида ер юзидағи турли минтақаларда ишаган халқларнинг ўзаро сиёсий, маданий, ижтимоий алоқалари ҳозирдагидек яқин бўлган эмас. Асрлар мобайнида ер юзида турли маданий минтақалар шаклланган. Европа халқларининг умумминтаقا маданияти, жануби-шарқий Осиё халқлари минтақа маданияти, Ҳинdiston яримороли ва унга қўшини худудларда яратилган умумий маданият ва бошка бир қатор минтақалар маданияти — буларнинг ҳар бири ўзгасидан фарқ қилувчи қатор диний эътиқод, фалсафий мактаблар, санъат ва адабиёт, урф-одат ва анъанааларнинг ўзига хос уйғун бир тизимларини вужудга келтирган-ки, аҳли ғашарнинг бундай бебаҳо мулкини, маънавий хазиналарини бефарқлик билан бир-бирига қориштириб юборишимиз мутлиқо ижобий натижалар бермайди.

Ҳеч қачон бир инсон ҳақиқатнинг тагига етган эмас. Чунки Борлиқ ҳақиқати — чексиз. Уни англаб етиш учун, биринчидан, шу кунгача инсоният эришган барча ютуқларни

ўзлаштириш лозим бўлади Аммо бутун инсоният яратиб қолдирган илмий меросни мукаммал ўзлаштириш бир киши учунгина эмас, ҳатто каттароқ илмий жамоалар учун ҳам оғирлик қиласиди. Иккинчидан, барча инсониятнинг етишган билимлари ҳам Борлиқ ҳақиқати олдида уммондан томчидек эмас. Шундай экан, воқеъ дунё ҳақидаги тасаввурларимизни қандай шакллантирганимиз мақсадга мувофиқроқ?

Умуминсоний қадриятлар ҳар бир миллат маънавиятида ўзига хос ва маҳсус тизим шаклида намоён бўлади. Чунки миллий маънавият тарихий ҳодиса, ўзбекнинг маънавий тақомили немис ёки хитой халқи бошидан кечирган тарихий жараёнлардан буткул фарқ қилувчи сиёсий-маданий макон ва замонда юз берган. Ҳар бир халқ моҳияттан умуминсоний бўлган қадриятларни тамомила ўзига хос шаклу шамойилда ифода этишининг сири шу ерда. Зоҳирбинлар айни шу ташқи фарқларга эътибор қаратиб favfo кўтарадилар, аҳли диллар ботиний уйғунликни муҳим ҳисоблашади.

Турли миллатлар маънавиятининг ўзига хослиги камалакдаги турли ранглар товланишига монанд бўлиб, улар бир-бирини тўлдиради, бойитади, аммо инкор этмайди, бир сўз билан айтганда, маънавият элларни зидлаштирамайди. Умуминсоний қадриятларни бирор-бир алоҳида халқ яратмайди, бу қадриятларни ҳар бир халқ, ҳар бир элат ўз тарихий тажрибаси билан аста-секин шакллантириб боради ва ўзаро турлича муносабатлар жараёнида элатлар, миллатлар бир-бирини тушуниб, ўзаро маънавиятларидаги умумий жиҳатларни тадрижий англаб боради.

4. Айтилганлардан хуроса шуки, ўз миллий маънавиятимизни тиклашга астойдил киришганимиз асло ўзгага файерлик маъносини билдирамайди, балки умумбашарий мувозанатни, уйғунликни, демакки, адолатни тиклашга уринишдир. Зотан, уйғунлик бузилса, башар маънавияти ҳам тўқис бўлмайди. Бутун дунё халқлари бир-бирини тушуниб яшашга интилмоғи лозим. Душманлик, гайр кўзи билан қараш эмас, меҳр башариятни бирлаштиради. Бу улуғ ҳақиқатни бизнинг аждодларимиз аллақачон англаб етганлар. Аммо ўзгани тушуниш учун, ўзгага меҳр кўзи билан боқиш учун, аввало, инсон ўзлигини англаб етмоғи керак. Ўзлигини англамаган зот ҳеч қачон ўзгани тушунмайди, уни холис қабул қиласиди. Асли миллий маънавиятимизга бугунги айрича

иътибор ҳам ушбу ўзлигимизни англаб етишга бўлган кучли иҳтиёж натижасидир.

Маънавият доимо миллий бўлади, шу билан бирга унда умуминсоний қадриятларга зид нарса ҳам бўлмайди, чунки ҳар бир миллатнинг мустақил маънавий дунёси, маънавий қиёфаси бир пайтнинг ўзида ички моҳиятига, ўзак томирларига кўра, ўзга халқлар маънавияти билан умумий жиҳатларга, бутун башариятни бирлаштириб турувчи муштарак унсурларга эга бўлади. Маънавиятнинг юқорида эслаб ўтилган таърифини миллат маънавиятига татбиқ этадиган бўлсак, уни бемалол миллат руҳидаги Борлиқ ҳақиқати билан уйгушилик, деб аташ жоиздир. Шундай экан, айни миллатимизни ўзга миллатлардан ажратиб турувчи моҳиятлар эмас, балки бирлаштирувчи омиллар миллий маънавият замирини ташкил этади. Фақат буни жўн тушуниш ҳам, жўнлаштириб таълиқин этиш ҳам – хато. Маънавиятимиздаги энг умуминсоний ғоялар ҳам ниҳоятда миллий бир тарзда ўзлигини намоён қиласди, улар бошқа миллат маънавияти унсурларидан пусха кўчириш шаклида намоён бўлмайди.

Биз миллий урф-одатларимиз, маросимларимизга баҳо бермоқчи бўлсак, бутун инсоният манфаатлари нуқтаи наърини, алоҳида шахс эркинлиги, Ватан ва миллат манфаатларини, миллий қадриятларимиз мажмuinи яхлит уйғунликда олиб қарамогимиз талаб этилади. Агар шу уйғунликка моҳиятан мувофиқ бўлса, ёхуд лоақал унга зид бўлмаса, демак, мақбул, аммо инсонлараро зиддият туғдирса, нифоқ солса ёки ўзга шахс эркини бўғса, Ватан ва миллат манфаатларига зид бўлса, демак, мақбул эмас. Аммо бир нарсани ёсдан чиқармайлик: биз миллий маънавиятимизни қадрласак, уни ривожлантиришга уринсак, қайсиdir ўзга халқлар, сиёсий кучлар, биздан гумондор бўлиши мумкин, бининг тилимиз, динимиз, кийган кийимимиз ёки урф-одатларимиз уларнинг дидига ўтиришмаслиги, таалаган мустақил йўлимиз улар назарда тутган қолилларга мос келмай қолиши мумкин деб, ошиқча “андиша”ларга берилсак, демак, бу ҳануз онгимиздаги қарамлик асоратидир. Кўнглимида Ҳақ нури билан бир ишга жазм қиласар эканмиз, ўзгаларниг ноўрин шубҳа-гумонлари билан ҳисоблашиш, чумчуқдан кўрқиб тариқ экмаслик билан баробар.

Европа халқлари ижтимоий ва маданий соҳаларда ўз тарии

хий тажрибаларидан келиб чиқиб, аждодлари қолдирган меросга мос қилиб, илмий андоза ва ўлчовлар яратганлар, таъриф ва тизимлар шакллантирганлар. Агар улар яратган мерос таъсирида, унга эргашиб бошқа бир халқ маданий бойлик ҳосил қилган бўлса (масалан, совет даврида СССР халқлари вакиллари яратган кўпчилик асарларни олайлик), албатта, Европа маданияти андоза ва ўлчовларини унга тадбиқ этса бўлар. Аммо ўзбекнинг миллий тафаккури охирги 70 йилда шаклланган деб бўлмаганидек, бугун энди ижтимоёт мавзуларида илмий мулоҳазалар юритиш учун онгимизга кечаги зўраки жойлаштирилган сунъий қолиплардан ўйламай-нетмай фойдаланишга уринишимиш ҳам ўринли эмас.

Мавхум бир шаклдаги умуминсоний маданият, умуминсоний маънавият ҳаётда асли мавжуд эмас, жаҳон маданияти турли ўлка ва минтақаларнинг ўзига хос маданиятлари мажмуидан иборат. Қандай миллат, қандай халқ бўлмасин, барibir, уни муайян инсонлар ташкил этади. Инсонларнинг ҳар бири ўз қиёфаси, ўз феъл-атвори, фикр-андишалари, ўз ҳаёт йўли ва орзу-ниятларига эга. Аммо уларнинг барчаси Аллоҳ яратган маҳлукотнинг бир тоифаси — бани одамга мансуб бўлгани туфайли уларнинг барчаси учун умумий бўлган муайян қадриятлар мажмуи ҳам мавжуддир. Бу қадриятлар ҳар бир миллат, ҳар бир инсон учун алоҳида аҳамиятга эга бўлиб, уларнинг кўр-кўрониа инкор этилиши, тан олинмаслиги бутун башарият учун ҳалокатли бўлиши мумкинлигини жаҳон тарихи тажрибаси кўп марта исботланган. Албатта, бундай қадриятлар барча инсонлар, барча миллатлар томонидан бирданига, азал-ибтидодан англаб етилган, идрок қилинган деб бўлмайди. Умуминсоний қадриятлар ҳар бир миллатнинг маънавий мулкига айланиши учун асрлар, балки минг йиллар керак бўлди. Хатто бугун ҳам барча инсонлар, барча элат ва тоифалар уларни тугал англаб етган, дейиш қийин.

Масалан, энг асосий умуминсоний қадрият — ҳар бир дунё юзига келган инсоннинг яшаш ҳукуқини олайлик. Барча илоҳий китоблар инсоннинг яшаш ҳукуқини ҳимоя қилади, ўзгаларга ноҳақ озор етказмасликка, инсонни нобуд эти масликка чақиради. Аммо инсонлар доимо ушбу даъватга риоя этиб келмоқдами? Қайтага, астағфирулло, ўша китоблар қатидан ўзларига мақбул бўлмаган ўзга инсонларни йўқ қилиш учун фатволар излайдилар, ўзларини “мусулмон”,

Ўнгалиарни “коғир” деб эълон қиласидилар. Ҳолбуки, инсонлар эътиқоди ҳақида ҳукм чиқариш фақат Аллоҳга тегиши мөддицир. Аллоҳ ҳатто ўз пайғамбарларига ҳам ўзгалар устидан ҳукм чиқариш ҳуқуқини берган эмас, Аллоҳнинг расуллари фиқат унинг ҳидоятини бандаларга етказишга масъул этилган, яъни пайғом (хабар) элтувчиidlар. “Ҳукм қилиш фақатт Аллоҳнинг ўзига хосдир”, дейилади Куръони каримнинг “Анъом” сураси 57-оятида. Атроф-муҳит, табиатта бекуда зиён етказмаслик яна бир умуминсоний қадрият бўлиб, афсуски, бу ҳам ҳанузгача кўпчилик инсонлар томонидан ималда риоя этилаётган қоидага айлангани йўқ. Инсонлар, одатда, арзимас ҳою-ҳаваслари йўлида ўз келажаклари иллижига аёвсиз болта урадилар. Яна бир умуминсоний қадрияттада адолат туйғуси бўлиб, ўзбек ҳалқининг “пичоқни аввал ўнингга ур, оғримаса, бировга”, деган ўткир рамзий мақоми бу қадриятни кучли бир тарзда ифодалайди. Инсон коғирга ҳам, мусулмонга ҳам, дўстига ҳам, душманига ҳам адолат юзасидан муомала қилиши зарурлиги илоҳий китобларда ҳам очиқ-ойдин баён этилган. Аллоҳ таолонинг “Раҳмон” исм-сифатида унинг Олий адолати ёрқин ифодасини топган ва бу ҳам инсонга табаррук ибрат бўлмоғи кепрак. Аммо адолат тарозуси паллаларини доимо тенг тутиш куда кам одамларга насиб этиб келмоқда. Яратувчилик меҳнати билан шуғулланиб, ўз моддий эҳтиёжларини таъмин этиши ҳам умуминсоний қадрият ва табиий заруратдир. Бу қутириятни тан олгиси келмай, айланиб ўтишга, ўзгалар меҳнати ҳисобидан ўз бахтини куришга уринган кимсалар ҳам ғунуз керагидан ошиқ учрайди. 130 йиллик асоратдан сўнг ишгидан мустақиллигини қўлга киритган Ўзбекистон жаҳон қўимжамиятида ўз муносаби ўрнини эгаллашга интилар экан, ишқал-бошдан ўз бахтини ўзгалар ҳисобига куришга умид боғламасдан, барча ҳалқлар билан тенг, адолатли, дўстонали самимий муносабатлар ўрнатишга тарафдор бўлиб чиқмоқда, башариятнинг келажаги учун ўзини ҳам бошқалар кетори масъул ҳис этмоқда. Бундай ёндошув ўзбек ҳалқининг минг йиллик маънавий тажрибасига кўп жиҳатдан мунофиқ келади.

Таянч иборалар: Миллий маънавиятимиз манбалари, буюк ижодларимиз мероси, миллат маънавиятини сунъий яратиб бўлмаслиги, ўзбек миллий маънавиятининг қўёши, собиқ

тоталитар мафкура асорати ва сохта “назария”лар, маҳқа тоши, маънавий қиёфасини йўқотган миллат — йўқолган миллат, “жаҳон цивилизациясининг бешикларидан бири”, тоталитар тузумнинг миллатларни маънавий меросидан маҳрум қилиш сиёсати, мустақиллик туфайли маънавий қадриятларимизнинг тикланиши, миллийлик ва умуминсонийлик нисбати, бегона андозалар, “Одамзод бирорвонинг бўйига қараб ўзига тўн бичмайди”, миллат маънавиятида умуминсоний қадриятларнинг ўзига хос тарзда намоён бўлиши, ботиний уйғунлик, камалақдаги турли ранглар товла ниши, умумбашарий мувозанатни таъминловчи, аҳли башарни бирлаштирувчи омил, миллат руҳидаги Борлиқ ҳақиқати билан уйғунлик, мустақил Ўзбекистон жаҳон ҳамжамиятида.

Тавсия этилувчи ва фойдаланилган адабиётлар рўйхати:

Асосий адабиёт:

1. Каримов И. А. Маънавий юксалиш йўлида. Т., 1998.
2. Каримов И. А. Истиқдол ва маънавият. Т., 1994.
3. Каримов И. А. Бунёдкорлик йўлидан. 4-жилд. Т. — “Ўзбекистон” — 1996, с. 331 — 339
4. Каримов И. А. Ўзбекистон: миллий истиқдол, иқтисод, сиёсат, мафкура. 1-жилд. Т. — “Ўзбекистон” — 1996, с. 3 — 35.
5. Шайхова Х., Назаров К. Умуминсоний қадриятлар ва маънавий камолот. Т., 1992.
6. Комил маънавият — мустақиллик таянчи. Т., 1997.
7. Ортиқов Н. Маънавият: миллий ва умуминсоний қадриятлар. Т., 1997.
8. Мусурмонова О. Маънавий қадриятлар ва ёшлар тарбијаси. Т., 1996.

Кўшимча адабиёт:

9. Сулаймонова Ф. Шарқ ва Фарб. Т., 1993.
10. Конрад Н. М. Запад и Восток. М., 1972.
11. Гёте. Западно-восточный диван. М., 1988.
12. Монтгомери Уотт У. Влияние Ислама на Средневековую Европу. М., 1976.

13. Хайруллаев М. М. Мировоззрение Фараби и его значение в истории философии. Т., 1967.
14. Комилов Н. Тафаккур карвонлари. Т., 1999.
15. Туленов Ж. Қадриятлар фалсафаси. Т., 1998.
16. Саттор М. Ўзбек удумлари. Т., 1993.

6-маъзуза. «МИЛЛИЙ МАЪНАВИЯТ АСОСЛАРИ» ФАНИ ИЖТИМОИЙ ВА МАЪНАВИЯТГА АЛОҚАДОР ФАНЛАР ТИЗИМИДА

ДАРС РЕЖАСИ:

1. Ижтимоий фанлар методологияси хусусида.
2. Маънавият ва фалсафа.
3. “Миллий маънавият асослари” фанининг “Рұхшунослик” (Психология), «Ахлоқшунослик» (Этика), «Маданиятшунослик» (Культурология), “Нафосатшунослик” (Эстетика), «Тарбияшунослик» (Педагогика) каби инсон ва жамият ҳаётини ўрганувчи турли фанларга нисбати.
4. «Миллий маънавият асослари» фанини ўрганиш ва ўқитиш услублари.

1. Инсон илми ҳеч қачон Борлик ҳақиқатининг охирига ета олмайди. Шундай экан, ҳар қандай илм бирор-бир аниқ мақсад сари йўналмаса, чексиз-чегарасиз, ибтидо-интиҳосиз бўлиб қолиб, бирор самараға мұяссар бўлиши қийин. “Методология” тушунчаси воқеликни илмий идрок этишнинг айни шу муайян мақсаддага қаратилган мантиқий тизимини англатади. Маълумки, аждодларимиз — буюк тасаввуф пирлари — Ҳаққа этишишнинг ирфоний йўлларини ишлаб чиққанлар ва уларни “тариқат” ёки “сулук” деб атаганлар. “Метод” атамаси ҳам аслида юононча “методос” сўзидан бўлиб, “йўл”, “ҳақиқатни англаб этиш йўли” маъноларини ифодалайди. Араб тилида бу сўзниңг муқобили “тариқ” ёки “тариқа” бўлади. “Тариқат” атамасининг келиб чиқиши шундан. Алишер Навоий XV асрда айни шу анъана-га таянган ҳолда адабиётда “бадиий метод” муаммосини ҳал қилиб берди ва “ҳақиқат тариқи”, “мажоз тариқи” тушунчаларини илмий истеъмолга киритди.

Марксизм-ленинизмга сўнгти ҳақиқат деб қараган пай-

тимизда ижтимоий фанлар соҳаси жуда жўнлашиб кетган эди. Чунки мутлақ ҳақиқатлар аллақачон аниқланган, энди нисбий, иккинчи даражали масалаларни ҳал қилишгина қолгандай тасаввур ҳукмрон эди. Ҳозир ҳам яқин ўтмишда марксистик фалсафани яхши ўзлаштириб олганлар учун эски андаза ва қолиллардан кечиш қийин бўлмоқда. Аммо бугун, кўзимизни каттароқ очиб қарасак, биргина Европа минтақасида шунча кўп бир-биридан кескин фарқ қилувчи фалсафий тизимлар яратилган экан-ки, уларнинг ҳар бирини жиддий англаб етиш учун бир инсоннинг умри ё етади, ёки етмайди. Шундай шароитда собиқ совет даврида кимки марксистик диалектиканинг тарғиботи билан илмий даражаларга эришган бўлса, бугун ҳам кечаги билимларини “илмий фалсафий таълимот” сифатида талабаларга тақдим қилишга уриниши, юмшоқ қилиб айтганда, инсофдан эмас, қолаверса, бундай “ўжарлик”нинг оқибатини ҳам ўйлаш керак. Кечаги биз бошдан кечирган “савдолар”дан бехабар ёшли римиз бундай масъулиятсизлигимиз туфайли яна ёлғон “ҳақиқат”ларни чин деб ўзлаштирадими? Бундай методологик чалкашликлар фақат фалсафа эмас, бошқа қатор ижтимоий фанларга ҳам оид бўлиб, 70 йиллик марксистик мафкура асорати уларнинг барчасига ўз “тамға”сини босиб кетганилиги биз, ўша даврда улгайган авлодга сир эмас.

Президент И. А. Каримов “Фидокор” газетаси муҳбири саволларига жавобларида бу ҳақда шундай дейди:

“Кўп асрлик тарихимиз шуни кўрсатадики, инсон дунё-қарашининг шаклланишида маърифатнинг, хусусан, ижтимоий фанларнинг ўрни бекёёс. Бу жамиятшунослик бўладими, тарих, фалсафа, сиёсатшунослик бўладими, психология ёки иқтисод бўладими – уларнинг барчаси одамнинг интеллектуал камолотта эришувида катта таъсир кучига эга. Лекин бугун ўрга ва олий ўкув даргоҳларидағи таълим-трабия жараёнларида фойдаланилаётган дарсликлар, дастур-кўлланмалар, китоблар қандай мафкурадан озиқланган? Уларда эски тузум давридан қолган гоявий қарашлардан тўлиқ воз кечилганига ким кафолат бера олади? Бу ҳақда қайта-қайта гапиришга тўғри келмоқда. Афсуски, биз мамлакатимизда ижтимоий фанларнинг ривожи замон талабларидан ортда қолаётганини тан олишга мажбурмиз. Бу борадаги хато ва камчиликларни зудлик билан бартараф этиш чораларини кўришимиз лозим”.⁵⁸

Ижтимоий соҳада асл ҳақиқатни англаб етиш табиий ва аниқ (математик) фанларга нисбатан бир неча баробар муш-кулроқдир. Чунки ижтимоий соҳадаги тушунчалар тарихан шаклланади. Уларни англаб етиш учун миллат тарихини, унинг миңганий меросини чуқур ўрганиш керак. Европа мамлакатлари бошидан кечирган давлатчилик тарихини ўрганиш асосида Осиёдаги ушбу соҳа муаммоларини англаб етиш мумкун деб ўйлаган одам қаттиқ янгилишади. Марксчилар бутун инсоният тарихий такомилига татбиқ этмоқчи бўлган фор-мацион назария ҳам айни шу сабабдан ўзини оқламади. Рос-сиядаги крепостнойлик тузуми, Ўрта асрлар Европасидаги феодализм тизими ёки Юнонистондаги кулдорлик айни ўша Үлка ва минтақаларга хос бўлган бетакрор ижтимоий ҳоди-слилар эди. Уларни Хитой ёки Ҳиндистондан қидириш ҳеч Ғарбий қониқарли натижা берган эмас. Шундай экан, бугун-ги кунда яна муайян замон ва маконда туғилаётган долзарб муаммоларга “жаҳоншумул” миқёсда жавоб беришга бехуда уринмасдан, яқин ўтмишдаги илм тарихининг аччиқ сабоқ-чириши бироз инобатга олиб режа тусзак ва ҳаракат қилсан, Ҳинизни ҳам, бошқаларни ҳам чалғитмай иш тутган бўлур инк.

Илм хоҳ жузъий масалага бағишлансин, хоҳ умуммето-логик муаммоларни ҳал қилишга қаратилган бўлсин, агар холис бўлмаса, илм бўлмайди, реал натижага эришилмайди. Қандай мақсадни олдига қўйганлигидан қатъи назар, холис ишнишларга таянмаган илм — илм эмас. Шу нуқтаи назар-чин, бир аччиқ ҳақиқатни ниҳоят тан олишимиз керак: со-бинк СССР шароитидаги ижтимоий фанлар соҳасида ўтка-шларни “тадқиқотлар”нинг аксарият қисми ҳақиқий илм эмас, мифкурабозлик эди, холос. Шундай экан, кечагина ўтмиш мифкурасига содиқ хизмат қилиб, турли “илмий” даража ва инсонларга сазовор бўлганлар, ҳеч бўлмаса, ҳали ҳам адаби-чирини, тарихчи, ва ҳ. к. бошқа фанлар намоёндаларига бепи-шондик билан юқоридан қарашиб уринмасалар, дунё илми-шият ривожига дурустроқ назар солиб, аждодларимиз маъ-ниий меросига жiddийроқ муносабатда бўлишга ҳаракат инсанлар ёмон бўлмас эди. Уларнинг кўпич яхшигина фикр-чири қобилиятига эга одамлар, демак, аниқ мавзулар устида инвойидек тадқиқот ўтказишлари мумкин. Аммо “умуммето-логик асосга” ўтганда бир вақтлар хотирага жойлашти-

рилган эски андаза ва қолиплар яна ўз таъсирини кўрсата бошлаши ишни мураккаблаштиради.

2. Қадим Юнонда барча фанларнинг асоси фалсафа деб қарашган. Чунки авом тафаккури ўша даврда асотир дара-жасида эди, эътиқод ҳам шунга мувофиқ мушриклик эди. Тавҳид тафаккури дастлаб фалсафий тафаккур сифатида шакл ола бошлагани учун қадим юон зиёлисига воқелик ҳақидаги энг тўғри билим фалсафа бўлиб англашилди. Фалсафий тафаккур юонлар учун шу маънода илмий тафаккурнинг ибтидоси бўлди, дейиш мумкин. Асли фалсафий тафаккур Борлиқ ҳақиқатини англаб этишнинг ягона йўли эмаслиги бугунги кунда кўпчиликка маълум.

Маънавиятнинг асоси уйғунликдадир. Янги давр Европа илми қуруқ схоластикага эмас, амалий тажриба (эксперимент, социологик сўров, психологик кузатувлар ва ҳ. к.) хуносаларига таянади. Аммо XVII—XX асрларда Европада эътиқод (дин) ва илм орасидаги зиддиятнинг анча жиддий чуқурлашуви кузатилди, атеизм (даҳрийлик) қудрат касб этди. Ислом минтақа маданиятида эса бундай адашувлар (пайғамбарлик ва илоҳий ваҳийни рационалистик талқин этишга уринишлар) IX—X асрларда ёқ босиб ўтилган ва X—XII асрларга келиб Форобий, Мотуридий, Ибн Сино каби буюк алломаларимиз ижоди тимсолида Борлиқ ҳақиқатини талқин этишдаги ақл ва нақл уйғунлиги асосан ўз ифодасини топган эди.

XIX аср Европасида мантиқий тафаккурнинг юксак чўққиси Ҳегель фалсафаси ҳисобланар эди. Дарҳақиқат, олмон мумтоз фалсафасининг машҳур вакили Георг Вильгельм Фридрих Ҳегелнинг “Мантиқ илми” ва бошқа асарлари ўз даврида Европа фалсафасида катта эътибор қозонди. Унинг Борлиқ, моҳият ва тушунча ҳақидаги таълимоти кўп Европа алломалари фалсафий онгига ҳал қилувчи бурилиш ясади. Аммо Ҳегель ҳақидаги марксистик фалсафа таълимида диалектика қонунларини идеалистик талқинда кашф этган ярим “реакцион”, ярим “прогрессив” фоялар ифодачиси деган тасаввур шакллантирилар эди. Шунинг оқибатида бაъзи файласуфларимиз XX асрнинг охирги йилларида (мустакиллик даврида) тайёрлаб чоп эттирган ўқув қўлланмаларида ҳам талабаларга Ҳегел таълимотини эскича талқинда баён қилиб келишди. Шундай талқинларнинг яқингача нашр этил-

шундай китобларга кириб қолганлигига икки мисол келтирамиз: “Ҳегель тўғрисида сўз борганда унинг фалсафасидаги икки томонни — диалектик усул ва метафизик консерватив системасини фарқ қўймоқ зарур. Агар диалектик усул ўзида “рионал магизни” — тараққиёт тўғрисидаги таълимотни таъминлантирган фалсафа шакли бўлса, унинг доктриналик системаси эса консерватив, яъни тараққиётнинг тўхтаб қўшишини талаб этади ва шунинг натижасида диалектик усулни тубдан зиддир”.⁵⁹ “Ҳегелнинг дунёдаги барча ҳодисалар “мутлақ ғоянинг”, “руҳ“нинг турли кўринишларидан иборат” деган фикри дунёни худо яратган деб ҳисобловчи диний таълимотнинг бошқача баён қилиниши эди”.⁶⁰

Бу талқинлар шундоққина совет даврида босилиб чиқки марксизм-ленинизм фалсафасига доир ўкув қўлланманини ва маълумотномалардан кўчириб қўйилганлигини ўша китоблар асосида “фалсафа”дан “таълим” олган биз — ўша ширarda таълим олган авлод яхши биламиз. Мустақиллик йилларида ҳам алмисоқдан қолган шундай гаплар билан китоб тўлдириши ёшлиар тафаккурига қандай таъсир кўрсатишини ўйлаб қўришимиз керак эмасми?

Ҳегель асарларида соф фалсафий тушунчалар бўлмиш йорлиқ, сифат, миқдор, меъёр, моҳият, ҳодиса, воқелик, тунунча, мутлақ ғоя сингари мантиқий атамаларнинг ўзига ҳос ички уйғунликка бўйсундирилган тизими яратилган бўйиб, марксистлар Ҳегелни мақтаганда ҳам, танқид қилганида ҳам файласуфнинг мураккаб мантиқий муроҳазаларини холис идрок этишни эмас, балки улардан ўзларининг қўришиларига мос келувчи жиҳатларини ажратиб олиб, усташа билан фойдаланишни кўзлаганлар.

Иккинчи бир улуф олмон мутафаккири диншунос ва файласуф Людвиг Фейербах ҳам ҳануз Ҳегел “идеализми” шини фош этувчиси ва янгидан “материализм ғалабаси” ни таъминлаган шахс сифатида эсланади. Ваҳоланки, “Христианникнинг моҳияти” китобида олга сурилган ғоялар фақат шини марксистик материализмга “хизмат қилиш” мақсадига бўйсундирилган эмаслиги ҳар бир жиддий олимга аёндир.

70 Йил давомида жаҳон коммунист файласуфлари томонидан Европа фалсафасининг бутун тарихи худди шу тарзда марксистик ақидалар нуқтаи назаридан “андозалаб” чиқилиши. Тарихда ўтган ҳар бир йирик файласуф меросининг

“ютуқ” ва “камчиликлари” сарҳисоб қилинган, агар унинг мулоҳазалари “диалектик материализм”нинг бирор-бир қиррасини “исботлаш”га хизмат қилса, бу ўша файласуфнинг “прогрессив”, “ҳақиқатга мувофиқ” томони, агар марксизм ақидаларига зид келса, мос тушмаса, бу унинг “реакцион”, “адашган” томони экани таъкидланган. Бу ишларни анчамунча истеъоддли олимлар “қотириб” бажаргани туфайли, совет даври “файласуф”лари улар ёзган нарсаларни ўз вақтида соғи илмий ҳақиқат сифатида қабул қилишган. Бугун энди ўз хоҳишларидан қатъи назар хотирага жойлашиб олган бундай ярим ёлғонлардан ҳолос бўлиш улар учун осон эмас. Марксизмнинг оғир жиноятларидан бири шуки, ўз даврида минглаб қобилиятли ёшларни илмда ана шундай боши берк такаббурлик кўчасига киритиб қўйиб, ҳам уларга Аллоҳ берган табаррук неъматни елга совурди, ҳам жамият ривожига икки томонлама зарар етказди.

Ўша даврда фалсафа факультетларида марксизмдан бошқа яна ниманики ўргатишган бўлса, яна ўша марксизм нуқтаи назаридан ўргатишган. Бугун бизда Кантни аслиятда ўқиган нечта файласуфни топиш мумкин? Ҳегел ёки Фейербахничи? Афлотун ва Арасту асарларини русча таржимада агар астойдил ўқиб чиққанлар бўлса уларга минг раҳмат! Лекин булар бари ҳали Европа фалсафаси, холос. Жаҳонда яна мумтоз ҳинд фалсафасининг турли оқимлари, қадим хитой фалсафаси ва ҳоказолар бор. Агар миллий маънавиятимиз такомилига бевосита алоқадор бўлган ислом минтақаси худудларига назар соладиган бўлсак, улуғ алломаларимиз Форобий, Мотуридий, Ибн Сино, Насриддин Тусий, Ибн Туфайл, Ибн Рушд асарларининг асл матнлари билан жиддий танишиб чиқиши ҳозирга келиб биздаги фалсафа билимдонларидан кимларга насиб этди-ю, уларни тўғри идрок этиш учун яна қанча билим, қанча машаққатли меҳнат керак. Хуллас, миллий маънавиятимиз анъаналарида янги бир фикр айтиш учун ўзидан олдин яратилган маънавий бойликларни чуқур англаб этиш талаб этилади. Албатта, бу 1—2 йилда битадиган иш эмас.

Бизнинг фикри ожизимиизга кўра, собиқ марксизм хукмронлиги ўша даврда фалсафа ва унга ёндош йўналишларни танлаганларнинг кўпчилиги онгига турли йўллар билан ўзи жойлаштирган Борлиқ ҳақидаги тасаввурлар, мето-

лологик андоза ва қолипларни мутлақ ҳақиқат деб ишонтирган. Шу ишонч руҳи ва альтернатив билимларнинг етарли ёмаслиги ҳануз янгилик тасаввурларга қувват берид келмоқда. Масалан, диалектика мутлақ ҳақиқат йўқ деб ўргатали, лейди файласуф дўстимиз. Аммо яқин ўтмишда худди шу диалектика қонунларига мутлақ ҳақиқат деб қарашиб одат тусига кирган эди. Асли уларнинг ўзи ҳам чексиз Борлиқ ғиқиқатини моделлаштиришнинг бир тажрибаси — ўз даври тилаблари натижасида юзага келган бир қолип, андоза эмасмиди?

Яна бир масала — том маънодаги мустақил фалсафий тафраккур эгаси билан, ўзгаларнинг фалсафий қарашларини ўрганингчи фалсафа шуносни фарқ қилиш зарурати. Раҳматли профессор Файбулла ас-Салом бир катта издиҳомда афсус билан айтган эди: “Фалсафа ниҳоятда улуғ нарса, аммо қани буғунги Ўзбекистонда бирорта “мен — файласуфман” деб юрак ютиб даъво қилувчи борми?” Даъвогарлар кўп бўлиши мумкин, аммо Аристотель, Кант, Форобий, Румий каби мустақил фалсафий тизимга асос солиш учун қанча билимни истеъдод керак? Собиқ совет даврида фалсафа факултетида таълим олган ёки собиқ совет марксист “файласуф” ларининг таълимини олиш билан кифояланиб қолган ҳар бир олий маълумотли мутахассисни, ҳатто у илмий даражада эгаси ўлса ҳам, том маънода файласуф ҳисобласак бўлаверадими?

Фарбда муайян илм соҳасида фалсафий умумлашмалар ишта олганларга “фалсафа доктори” илмий даражаси бериши. Бизнинг фалсафа шуносларимиз орасида ниҳоятда тенгни фикрловчи инсонлар бор. Агар улар янги воқеликни эски индозалар билан ўлчашни кўйиб, бирор муайян фан йўналашини билан шуғуллана бошласалар, балки жамият кўпроқ китуқларга эришган бўлармиди?

Хуллас, фалсафа ва мантиқ илми ўта жиддий фанлар бўлиб, жаҳон мумтоз фалсафасини, жумладан, XIX—XX аср Европа файласуфларининг ижодий меросини мустақил ва итрофлича ўрганиш мухим аҳамиятга эга.Faқат бу жиддий машғулот билан алоҳида фалсафий йўналишидаги илм ва ишларни даргоҳларидаги шуғулланиб, асл манбалар асосида таълимни тадқиқот олиб бориш, ҳозирги жаҳон фалсафаси ва файласуф шунослигининг етакчи намояндлари билан яқин

мулоқотда бўлиб, улар билан ҳамкорликни ҳар тарафлама ривожлантириш унумли натижалар бериши мумкин.

ХХ аср Европа фалсафасининг етакчи йўналишлари — Аквиналик Тома издошлари (“янги томизм”), Зигмунд Фрейд, Берtrand Рассел, Людвиг Витгенштейн, Эрих Фромм, Мартин Хайдеггер, Карл Ясперс, рус мутафаккирлари Владимир Соловьев, Павел Флоренский, Николай Бердяев ва жаҳоннинг бошқа таниқли файласуфлари ижодини холис ўрганиш бугунги замондошимизнинг фикрий дунёсини бениҳоя кенгайтиришга хизмат қилади. Бундан ташқари қадим ва ҳозирги замон араб, ҳинд, қўйингки, жаҳон фалсафий тафаккури дурданаларининг барчасини ҳам ҳар томонлама ўрганиш фойдадан холи эмас. Аммо бир нарсани ёддан чиқармаслик лозимки, аввало, фалсафа инсон маънавиятини шакллантирувчи ягона омил эмас, қолаверса, дунёнинг ҳамма илмини ҳар бир киши ўзлаштириб етказа олмайди. Шу сабабли бугунги кунда фалсафа фанини қайси чегараларда ва кимлар ўрганиши лозимлиги ҳақида атрофлича мулоҳаза билан фикрлашиб олиш ва керакли хулосалар чиқариш лозим. Бир шарти шуки, бундай фикр алмашувида қатнашувчилар доираси кенгроқ ва холисроқ бўлмоғи, фақат фалсафашунослар ёки уларга ёндош соҳа вакилларидан иборат бўлиб қолмагани маъқул.

Барча файласуф ҳам Борлиқ ҳақиқатининг асл моҳиятини англаб етишга интилади. Аммо, агар у ҳақиқий истеъоддли аллома бўлган тақдирда ҳам аслида чексиз Борлиқ ҳақиқатининг бир қирраси хусусида муайян хулосалар бера олади, балки муайян янги жиҳатларни ёритиб беради. У яратган тизим барибир охирги ҳақиқатни ифода этмайди. Шу нуқтаи назардан, масалан, Ҳегель таълимоти ҳам воқеликнинг мутлақ ҳақиқатини кашф этган эмас, балки унинг баъзи янги қирраларига эътибор қаратиб, уларни ўз давридаги мавжуд тасаввурларга мувофиқ талқин этган, деб қаралса, тўғрироқ бўлса керак. Орадан бир аср ўтар-ўтмас Ҳегель талқинлари ҳаётни, Борлиқни тўғри англаб етиш учун етарли бўлмай қолди, чунки замон ўзгарди, XIX аср воқелиги кечаги кунга айланди. Шу сабабли XX аср ўрталарига келиб, мутлақо янгича тарихий воқеликда Карл Поппер сингари Европада шуҳрат қозонган файласуфлар Ҳегел фалсафасига нисбатан жiddий раддиялар билдира бошладилар.

Миллий маънавиятимиз анъаналари меъёр қонунига ташниди. Мураккаб воқеликнинг турли жиҳатлари аро мутасобилик, уйғунлик бўлишигина инсоният тараққиёти учун, ҳаёт мукаммаллиги учун асосий шарт эканлигини улуг алломаларимиз ўз давридаёқ англаб етганлар ва ўз исирларида ифодалаб берганлар. Диалектика қонунлари эса бу мураккаб дунёни, бугунги кун нуқтаи назаридан олганди, анчайин жўнлаштириб тушунтиришга уриниш сифатида баҳоланиши мумкин, шу сабабли воқеликни ўта мураккаб структурали тизим деб қараш Farb илмида ҳам аллақачон шаклланган. Унда баъзан “қарама-қаршиликлар бирлиги шу кураши”, баъзан “инкорни инкор” ёки “миқдор ўзгаринилардан сифат ўзгаришларга ўтиш” тарзида тасаввур қиласа бўладиган ҳодисалар учраб туради. Аммо бу қонунларни воқеликни англаб етишнинг асосий восита ва усуслари деб мутлақлаштира бошласак, дарҳол сунъий муаммолар ҳосил қилила бошлаймиз. Биз совет даврида мустабид мафкурага бўйсуниб, марксизм фалсафасини энг олий ҳақиқат деб қўйбул қилиб, барча илм ва тарбия йўналишлари марказига қўйиб келдик. Ваҳоланки, миллий маънавиятимиз тажрибида фалсафа йўналиши, ўзининг бутун кўлами билан, инсоннинг Борлиқ ҳақиқатини излашидаги турли йўналишлардан бири деб қаралган. Дарҳақиқат, фалсафа ўзининг барча оқимларида мантиқий тафаккурга таянади. Ваҳоланки, инсоннинг воқеликка ёндошуви фақат мантиқий тафаккур билан чекланмайди. Ибрат ва ибодат, ирфон ва риёзат, санъат ва нафосат, дид ва фаросат, ва, ниҳоят, ималий яратувчилик фаолиятининг турли йўналишлари — бирчаси инсонга Борлиқ ҳақиқатини англаб етишда кўмаклони бўла олади. Асотир тафаккур, бадиий тафаккур, ирфоний тафаккур, тарихий тафаккур ва ҳоказо инсон тафаккурининг йўналишлари беҳисоб. Маънавият ўзини бир тафаккур тарзи билан боғлаб қўймайди, Борлиқ моҳиятини шу инсоннинг унга нисбатини англаб етишга уринишида фарқи ақлга таяниш билан чекланмайди, балки ақлни ҳам ғашил кўзгусига сайқал бериш учун бир восита деб қарайди.

Конкрет илм йўналишларидан фарқли ўлароқ, файласуф танлаган мавзу ўта мураккабдир. Борлиқ ҳақиқатининг ширралари, жиҳатлари шу қадар чексиз-ки, ҳеч қачон уларни мукаммал қамраб олиб бўлмайди. Шу сабабли файласуф

яратган тизим мантиқий асосланишига кўра илмга ўхшаса ҳам, аслида Борлиқ ҳақиқатини моделлаштиришга навбатдаги уринишидир. Файлусуф мантиқий фикр юритади, аммо у ростмана фалсафий тизим ярат олиши учун воқеликни моделлаштириш истеъодига эга бўлиши лозим. Фалсафий моделин илмий ҳақиқатдан фарқ қилмаслик охир-оқибатда уни мутлақлаштиришга олиб келади. Ваҳоланки, ҳар замоннинг, ҳар маконнинг, балки ҳар йўналишнинг ўз фалсафий модели бўлади. Уларни бир замон ва макондан бошқасига тақлидий кўчиришга уриниш – кўпчиликни чалғитиб қўйиш мумкин. Шу сабабли гап моҳиятган “диалектик материализм”нинг ёлғон ёки ростлигига ҳам эмас, ҳақиқат шундаки, кечаги совет воқелигига идеаллаштирилиб онгимизга сингдирилган фалсафий модел бутунги мустақил Ўзбекистон шароити учун мутлақ ќароқсиздир.

Бугун мустақил Ўзбекистоннинг биринчи Президенти жаҳон тажрибаси ва миллий анъаналаримизга таянган ҳолда мутлақ љонги модел яратмоқда ва у амалий ҳаётга татбиқ этилиб, шу кунгача ўзини оқлаб келмоқда. Унинг асосида мустақил давлатчилигимиз, иқтисодимиз, маънавий қадриятларимиз ривожланиб ва тараққий топиб бормоқда. Демак, бизнинг ижтимоий соҳалардаги изланишларимиз айни шу умумметодологик асосга таянмоғи замон ва макон руҳининг тақозосидир. Биз бугун шу воқе моделни илмий таҳлил қилмоғимиз, уни жаҳон ва тарих тажрибаси билан қиёслаб, туб хусусиятларини кашф этмоғимиз мақсадга мувофиқ.

3. Ўз билимларини муайян тизимга келтириб, тартибга солишга уриниш нафақат ҳар бир инсон, балки ҳар бир миллат, ҳалқ учун ҳам хос нарса. Илмлар таснифи йўналиши ушбу табиий эҳтиёждан келиб чиқади. Турли минтақаларда, турли ҳалқ вакиллари томонидан ишлаб чиқилган илм таснифлари бир-бирига тамомила мос ва мувофиқ кела бермайди: юнонлар фалсафага биринчи даражали эътибор беришган бўлса, араблар филологияни аввалги ўринга қўйишган, форслар тарих фанига алоҳида меҳр билан ёндошган бўлсалар, туркий ҳалқларни ижтимоий ва ахлоқий муаммолар уйғунлиги кўпроқ қизиқтирган. Натижада, турли ҳалқларнинг ўзаро маданий муносабатлари ривожланган сари илм таснифлари ҳам мукаммаллашиб борган.

Илмлар таснифи Борлиқ ҳақиқатини уйғун идрок этиш-

шинг ибтидоси эди, дейиш мумкин. Европада кейинча “илм-шунослик” (науковедение) деб ном олган бу йўналиш ислом минтақасида IX аср ўрталаридан бошланиб то XVII—XVIII якорларгача такомиллашиб борган. Бу соҳада бутун ислом минтақасида қатор қомусий алломалар етишиб чиқди.

Ҳозирги бизга маълум Европа илмида ижтимоий (жамишига оид) ва гуманитар (инсонга оид) деб сифатланувчи ғитор фанлар мавжуд бўлиб, улар инсон ҳётининг уч соҳаси сиёсат, иқтисод ва маънавиятга оид фанларни қамраб олган. Улардан биринчи гуруҳига “Сиёсатшунослик”, “Хукуқшунослик” ёки “Қонуншунослик”, “Жамиятшунослик” каби фанлар киради. Иккинчи туркумга кирувчи асосий фан — “Иқтисод назарияси” бўлса, ундан ташқари бу тунги кунда бизда ҳам кенг урф бўлаётган “Маркетинг” (“Тоғзоршунослик”), “Менежмент” (“Иқтисодий фаолиятни бошқариш илми”) каби иқтисодий муомалага оид фанлар ҳам шу жумлагага киради. Шу билан бир қаторда жуда кўп табиий ва аниқ фанлар, “Зироат илми” (Агрономия), техника ва технологияга оид билимлар инсоннинг бевосита амалий ишлаб чиқариш фаолиятига хизмат қилиши билан маълум даражада иқтисод соҳасига алоқадор бўлиб қолади. Албугта, кейингилар бевосита инсонлар аро муомалага доир ғисслиги сабабли, одатан, ижтимоий ва гуманитар фанлар гуруҳига киритилмайди.

Ва ниҳоят учинчи соҳа ҳисобидан — озми-қўпми маънанига алоқадор бўлган “Руҳшунослик” (Психология), “Ахлоқшунослик” (Этика), “Маданиятшунослик” (Культурология), “Қадриятшунослик” (Аксиология), “Диншунослик”, “Философа”, “Тарбиятшунослик” (Педагогика), “Элшунослик” (История), “Нафосатшунослик” (Эстетика) каби қатор фанларни қайд этиш мумкин.

Булардан ташқари “Адабиётшунослик” (Литературоведение), “Тилшунослик” (Лингвистика), “Манбашунослик ва матншунослик” (Источниковедение и текстология) каби фанларни ўзида бирлаштирувчи “Филология” соҳаси, матнларни таҳлили ва шарҳи билан боғлиқ “Герменевтика” фанлари ҳам маълум даражада маънавиятга алоқадор билимларни таҳлилининига.

Ислом минтақасида “филология” ва “герменевтика” га юнит фанлар жуда қадимдан кенг ривожланган ва муайян

маънода барча инсон ва жамиятга оид фанларнинг аввалига кўйилган. Бунинг асосий сабаби илоҳий китобларга ва маънавий меросга айрича аҳамият билан боғлиқ бўлиб, Янги давр Европа одами илмда ҳам, бадиий ижодда ҳам кўпроқ оригиналликка, бетакрорликка интилса, Ислом минтақасида ҳар бир алоҳида инсон ўз билимларини ягона ва чексиз (файбга уланиб кетувчи) Борлиқ ҳақиқатининг жузвий қисми, хусусий шарҳи деб ёндошган. Европада ҳар бир шахс ўз фикрининг ўзгалар қарашидан фарқ қилиб туришига эътибор қаратса, бизнинг миллий анъаналаримизга кўра ҳар бир улуг аллома ўзи англаб етган ҳақиқатларни илоҳий калом ва ўзидан олдин ўтган салафларга аён бўлган ҳақиқатлар билан уйғун жиҳатларини таъкидлашга уринган. Бунинг натижасида, баъзан Европа кишилари Шарқни оригинал (янгича) фикрлай олмасликда айблаши сингари ҳолатлар ҳам учрайдики, бу ҳаётга ёндошувдаги ўзига хосликларни тушунмасликдан келиб чиқади.

Барча ижтимоий ва инсонга оид илмлар иложсиз инсон ва миллат маънавиятигининг у ёки бу қирралари, жиҳатлари билан бевосита иш олиб боради, уларни муайян нуқтаи на-зардан текширади. Фалсафа дунё моҳиятини, унда инсоннинг ўрнини, вазифасини мантиқий тафаккур асосида аниқлашга ҳаракат қиласи. Социология жамиятни тадқиқ этса, психология инсон руҳиятини ўрганади. Этнография турли элатларнинг урф-одатлари, турмуш тарзларидағи ўзига хосликларни, антропология фани эса алоҳида инсонни ўрганади. Теология динларни, диний эътиқодга оид муаммоларни ўрганишга уринса, теософия ирфоний билимларга эътибор қаратади. Аммо ҳозиргача мавжуд ҳеч бир фан инсон ва миллат маънавиятини яхлит ҳолда олиб ўрганмади, ҳеч қайси фан инсондаги ботиний қудратни, ундаги фазилатлар, ис-теъдод ва қобилиятларнинг келиб чиқиш манбаи, ҳосил бўлиш ҳолатларини етарли ва қониқарли изоҳлаб беришга қаратилмади. Ваҳоланки, айни шу масала ечилмас экан, инсоннинг асл моҳияти очилмай қола беради. Демакки, инсон руҳияти, ахлоқий хусусиятлари, имон-эътиқод, меҳр, бурч, илмга интилиш, яратувчилик қудрати ва ундан келиб чиқувчи маданият, санъат, адабиётнинг пайдо бўлиш ва ривожланиш сабабларига оид кўплаб муаммолар ўз қониқарли ечимига эга бўлмайди.

Албатта, турли фанлар доирасида ушбу масалалар юза-
сидан минглаб мулоҳазалар мавжуд. Аммо уларнинг ҳеч бири
инсонни тугал қониқтирадиган даражада эмас. Масалан, ҳаёт-
ни сақлаб қолиш учун энг зарурий моддий эҳтиёжлар жиҳа-
тидан инсон ва бошқа биологик мавжудотлар, айниқса, су-
ғимизувчи ҳайвонлар орасида моҳиятан фарқ йўқ. Ҳайвон-
лар ҳам ейди, ичади, қовушади, бола кўради, ҳатто ўйнайди
ҳим. Аммо бунинг учун улар юксак ривожланган маданият,
санъат ва адабиётга эҳтиёж сезмайди. Ҳайвонларда имон-
нигиқод эҳтиёжи йўқ. Уларда маълум даражада қизиқувчан-
лик бор, аммо бунинг изчил илмга айланиш имкони йўқ.
Уларда меҳр бор, лекин ўз жуфти, болалари миқёсида бўлиб,
у ҳам инстинкт даражасидадир. Энг асосий масала — ҳай-
вонлар жамоаси, унинг ирсий ривожланиш тарихи бўлиши
мумкин, аммо ижтимоий (сиёсий, маданий) тарихи йўқ.
Іунинг ҳайвон зотига зарурати ҳам йўқ. Материалистик изоҳ-
лардан бири инсондаги имон-эътиқод эҳтиёжини унинг ўз
Улимни билиши (англаб етганлиги) билан тушунтиришга
уринади. Аммо нега ҳайвон шуни тушунмайди, ёки тушуна-
ли, деб фараз қилсак, онги шунга мувофиқ ўзгармайди?
Чунки инсон ақли бошқа мавжудотларга нисбатан ривож-
ланганроқ, дейди моддиянчилар. Хўш, нега инсон ақли ри-
вожланганроқ бўлиб қолди? Нега филнинг, эшакнинг, бо-
ринг ана, маймуннинг ақли ривожланмай қолди-ю, инсон-
ни ривожланиб кетди? Бундай савол-жавоблар интиҳосиз
шамаrasи ҳам ноаниқ бўлиб келмоқда.

Гуноҳ ва савоб масаласи ҳам шундай моддийлик даражасида изоҳлаб бўлмайдиган муаммолардан. Ҳуллас, Инсон
чиқида, инсонлар жамияти ҳақида маънавият нуқтаи наза-
ридан туриб фикр юритадиган алоҳида бир илм йўналиши
шаклланмас экан, кўп соҳаларда муаммолар устига муам-
молар туғила беради, инсон ва жамиятга оид илмларнинг
бони қовушмай тура беради.

Маънавият ҳақидаги фан инсон ва жамият учун хос
буёнган барча муаммоларни бир йўла ечиб бермайди, албатта.
Аммо ушбу йўналишдаги фанлар таснифини мукаммалаш-
тириб, Аллоҳ насиб этса, инсон интилишларида янги уфқ-
ни очишига умид боғлаймиз.

Совет даврида бизда, биринчи навбатда, фалсафа, қола-
штурса, бошқа барча инсон ва жамиятга оид фанлар ҳам Ев-

ропа маданияти анъаналари асосида, унинг ҳам асосан бир йўналиш — марксистик материализм йўналиши билан боғлиқ ҳолда шаклланди. Ҳатто ўз маънавий меросимизни ҳам бегона қолилларга мослаб ўрганишга уриндик. Шундай экан, бугунги кунда миллий маънавиятимизни назарий асосда жиддий ўрганишга киришишимиз бежиз эмас. Ўзбек халқининг маданияти, маънавияти ҳеч қачон жаҳон маданияти, маънавиятидан тамомила айру, алоҳида бир йўлдан ривожланган эмас. Ҳамиша бошқа халқлар маънавий бойлигини ижодий ўзлаштириб, ўзи ҳам жаҳон маданиятини бойитиб борган. Шу билан бирга миллатимизнинг ўз мустақил маънавий қиёфаси мавжуд, у асрлар, балки минг йиллар давомида шаклланган, у умуминсоний қадриятларга ёт эмас, аммо Борлиқнинг олий ҳақиқатига нисбатан ўз талқинлари, ўз ёндошуви, ўз тушунчаларига эга.

Ана шуларга биринчи навбатда эътибор бериш миллий маънавиятимизнинг ўз қадриятлари, ўз андаза ва ёндошувлари, ўз тушунча ва талқинларини илмий асосда ўрганишни изчил ва мунаzzам йўлга қўйиш “Миллий маънавият асослари” фанининг биринчи навбатдаги вазифаси ҳисобланади. Бу фан маънавият соҳасига алоқадор турли фанлар билан яқин алоқада бўлган ҳолда ўз мустақил мавзулар тизимига таянади. У, биринчидан, миллий маънавиятимиз анъаналари, аждодларимиз яратган мерос билан боғлиқ энг умумий муаммоларни тадқиқ этади, уларнинг инсон ва Ҳақ нисбати билан боғлиқ томонларига эътибор қиласди. Бу фан маълум даражада баъзи фанларнинг бош мавзулари билан туташлик ҳосил қилиши, уларнинг ўзаро ички уйғунлигини таъминлашга ҳаракат қилиши мумкин. Аммо маънавиятнинг асоси айни меъёр, уйғунлик бўлгани сабабли ёндош фанларнинг мустақил мавзуларига алоҳида ва батафсил киришиб кетиш унинг вазифаси эмас. Шу билан бирга, айни тилга олинган уйғунликка интилиш боис, инсон моҳиятига эътиборни қаратувчи қай бир соҳа бошқа фанлар мавзу доирасидан четда қолган бўлса, “Миллий маънавият асослари” фани табиий равишда ўша соҳага кенгроқ эътибор қаратади ва балки шу билан келгусида янги фан соҳаси шаклланишига сабаб бўлиши мумкин.

“Миллий маънавиятимиз асослари” фани мавзу доира-сига кирувчи муаммоларга жаҳоннинг турли халқлари ил-

мида ўзига хос бир тарзда ёндошувлар йўқ эмас. Масалан, қадим ҳинд фалсафасининг турли йўналишлари, буддизм, даосизм каби диний таълимотлар, ҳозирги замонда шаклланган антропософия йўналиши ва ҳ. к. Аммо “Миллий маънавиятимиз асослари” фанининг ушбу ёндошувлардан жиддий фарқи, бу фан ўз аждодларимиз меросига, ҳалқимиз қилида, тилида акс этган маънавий қадриятлар тизимига тиянади. Чунки бир ҳалқ маънавиятига таянган ҳолда бошқа ҳалқ маънавиятини тиклаб ҳам, юксалтириб ҳам бўлмайди. Қиёсий таҳдиллар бўлиши мумкин, аммо бу масала фан ривожининг келажақдаги режаларига оидdir.

Энди “Миллий маънавият асослари” фани билан бевосита туташ бўлган баъзи фанларни қисқача қиёслаб кўрамиз. Аввало, “Руҳшунослик” фанига эътибор қаратайлик. “Руҳшунослик” фани, бир томондан, жуда қадим, иккинчи тарафдан, нисбатан ёш фан. Узоқ вақтгача бу фан фалсафий фанлар соҳасига оид ҳисобланган. Аммо ҳозирги замон Farb психология мактабларида руҳиятни инсоннинг моддий борчиги, ундаги физиологик жараёнлар билан боғлиқ равишда (яъни экспериментал — зоҳирий тажрибалар асосида) ўрганишни етакчи ўринга кўтарилиди. Улар ўз тадқиқ мавзуларини инсон жисми, моддий моҳият билан боғлиқ ҳолда ўрганишди. Унинг тиббиёт фанлари билан бевосита боғлиқлиги чим шу сабаблиди. Аммо маънавиятни бундай ўрганиб бўлмайши. Маънавият ботиний ҳодиса бўлгани учун, зоҳирий тажрибалар билан унинг поёнига етиб бўлмайди. Маънавият инсоннинг Ҳақ билан муносабати. Шундай экан, ҳеч қачон бир инсон ўзга инсон маънавияти ҳақидагина эмас, ҳатто ўз маънавий қуррати ҳақида ҳам тўлиқ тасаввурга эга бўла олмайди. Чунки маънавият — бақонинг фанодаги зуҳури сифати даимо чексизликка тувашдир.

Инсон моҳиятида икки жиҳат мавжуд. Бири — моддийлик. Иккинчиси-чи? Баъзилар маънавият, дейди. Бошқалар руҳият. Бундан кимдир шошиб хulosса қиласи: “Демак, маънавият руҳият экан-да. Чунки моддийлик материя (чиқоло) билан боғлиқ, у инсоннинг шаклий вужуди, суврати. Руҳият эса файримоддий, мавхум моҳият”.

Асли ундей эмас. Инсон моддий вужуд сифатида яратилши, шу билан бирга унга маънавий камолот имкони берилши. Руҳият инсоннинг табиатига оидdir. Унда шаҳват бор:

шаҳват инсон жисмига боғлиқ, руҳиятимиздаги кўп ҳолатлар ана шу шаҳватнинг таъсирида юз беради. Инсонда нафс бор, моддий вужудини доимий қайта тиклаб бориши учун у турли озуқа билан таомланиб турмоги керак. Инсонда жаҳл бор, у руҳиятга оид, маънавиятта эмас. Шундай қилиб инсон руҳияти зиддиятли воқеликдир.

Инсон руҳи бевосита унинг моддиятидан келиб чиқади. Ҳис-туйғулар – сезиш аъзоларининг қобилияти билан, ақл ишлатиш, тафаккур юритиш инсон миясининг вазифаси билан боғлиқ, бу нарсаларни бугун ҳеч ким инкор қила олмайди. Биз маънавиятта Инсон руҳидаги Борлик ҳақиқати билан уйғунлик деб таъриф бердик. Демак, маънавият айни шу уйғунлик сифатида инсон руҳида ўзини кўрсатади. Руҳият ақл ва сезгилар билан боғлиқ бўлса, маънавият руҳиятда намоён бўлади. Шундай қилиб, руҳият ва маънавият ҳар бири алоҳида, аммо бир-бири билан муайян маънода туташ ҳодисалар.

Шахс ва миллат руҳияти мураккаб воқелик сифатида ўзида ҳам раҳмоний, ҳам шайтоний хислатларни, ҳам фазилат, ҳам қусурларни, ҳам табиий-ирсий, ҳам атроф мухит таъсиридаги ҳолатларни акс эттираса, маънавият шахснинг, миллатнинг инсоний фазилатларини, унинг қалбидаги илоҳий нур инъикосини намоён қиласди.

Инсон вужуди табиатга алоқадор, аниқроғи унинг бир узви, ажralмас бўлаги. Унинг руҳияти ҳам табиати, моддий борлиғи билан туташ. Маънавият эса инсон руҳини ягона илоҳий моҳият, Ҳақ билан туташтиради. Шу маънода инсон ҳайвон ва фаришта орасида туради. Ҳайвон соғ моддий оламга, фаришта соғ маънавий оламга алоқадор саналса, инсонда ҳайвон зотига хос моддийлик ҳам, фариштага хос маънавият ҳам мавжуд.

“Зубдатул ҳақойиқ” рисоласида Азизуддин Насафий инсон руҳиятига хос мураккабликларни ўз даври тушунчалари асосида шундай баён қиласди:

“Билгилки, баъзиларнинг фикрича, айрим одамларда тўртта руҳ мавжуд, яъни: ўсимлик руҳи, ҳайвон руҳи, жон (қалб) руҳи ва инсон руҳи (нафси нотиқа). Яна бошқа бир хил одамларда бешта руҳ бор дейдилар, яъни: ўсимлик руҳи, ҳайвон руҳи, қалб руҳи, инсон руҳи ва муқаддас руҳ. Ва яна дейдиларки, инсоний руҳ ва муқаддас руҳ юқори оламдан-

дир, яъни гайб оламидандир — осмоний фаришталар жин-сидан. Ўсимлик руҳи, ҳайвон руҳи ва қалб руҳи — қуий оламдан, озуқанинг қиёми ва шарбатидан. Ушбу беш руҳ-нинг ҳар бири бир жавҳардир. Улар бир-биридан ажратилган ва ўзаро фарқланади. Тана гўё шам бўлиб, ўсимлик руҳи мисли шамдон, ҳайвон руҳи гўё пилик, қалб руҳи бамисоли ёф бўлса, инсон руҳини нурга қиёслаш мумкин. Муқаддас руҳ эса — бу “нуран ало нур” — “нур устига аъло нур”дир. Бошқа баъзилар ҳар бир одамда фақат битта руҳ бор дейдилар, аммо бу руҳнинг даражалари бор ва ҳар бир даражанинг номи мавжуд... Руҳ битта ва жисм ҳам биттадир, лекин жисмнинг даражалари бор ва ҳар бир даражанинг қандайдир номи бор. Руҳнинг ҳам даражалари бор ва даражалар қандайдир номларга эга. Жисм руҳга мувофиқдир ва руҳ жисмга мувофиқдир... Жисм ҳам, руҳ ҳам иккаласи бирга ривожланиди ва комилликка эришгунча камолот зинапояларидан кўтарилиб бораверадилар ва даражаларни ёгалрайдилар. Уларнинг зуваласини ҳар қанча кўпроқ пишитса, тарбияланса, улар моҳиятида яширинган сифатлар кўрина бошлайди.”⁶¹

Шундай қилиб, “Руҳшунослик“ инсон вужудидаги мурракаб руҳий жараёнларни ўрганса, “Маънавият асослари” эса бевосита руҳиятни эмас, балки инсон руҳидаги Борлиқ ҳақиқати билан уйғунликни ўрганади.

Руҳшуносликдан кейинги ўринда маънавиятта энг яқин турувчи соҳа “Ахлоқшунослик” (Этика)дир. Ахлоқ — маънавиятнинг амалда намоён бўлиши билан боғлиқ. Инсон илми ва имони, дунёқарashi ва идроки унинг хулқида ўзига хос тарзда акс этиб, маънавияти ахлоқий фазилатлар сифатида зоҳир бўлади. Маънавият — ботиний қурдат бўлса, ахлоқ бевосита ҳар бир шахснинг ўзгаларга нисбатан маънавий муносабатини англатади. Шу сабабли ахлоқ инсоф ва адолат туйғуси, имон ва ҳалоллик каби маънавиятнинг ўзак тушунчаларини инсон амалий фаолиятида юзага чиқарувчи ҳодисадир. Маънавият — ўзликни англаш, деймиз. Ўзлигини англаб етган инсон — маънавий етук шахс ҳисобланади. Унинг бизга зоҳир бўлувчи барча инсоний фазилатлари қалбидаги маънавият нурининг жилоларидир. Ахлоқий қусурлар эса — инсоннинг кўнгил кўзгусидаги занг ва чиркларнинг ўзгалар нигоҳига намоён бўлиши. Бир жумла билан ифодалаганда маънавият шахснинг ўзи учун, ўз қалбига қаратилган, дил

кўзини ёритувчи нур, ахлоқ ушбу маънавиятнинг мазҳари, ўзгалар наздида намоён бўлувчи қирралари мажмуи, десак бўлади.

Ахлоқшунослик фани ўз моҳиятига кўра инсонга ташқаридан баҳо беради, унга мана бу —кусур, мана бу — фазилат деб инсоннинг мавжуд хислатларини таҳлил қилиб кўрсатади. Бу фан мавжуд далилларни қиёсий ўрганиб, уларга жамиятда қабул қилинган меъёрлардан келиб чиқиб баҳо беради. Маънавият баҳо бермайди, у имкониятлардан сўзлайди. “Маънавият асослари” фани инсонга унинг ички имкониятларини кўрсатади, унга ботиний қудрат касб этиш йўлларини ўргатади. Бу фан инсон қусурларини қоралаш билан шуғулланмайди, балки фазилатларнинг манбанини қидиради, уларни қандай ҳосил қилишни ўргатади. Маънавият нуқтаи назаридан қараганда қоралаш ёки оқлаш қозилик, суд иши, илм бу билан шуғулланмагани маъқул. Ахлоқшунослик инсон хислатларини борича олиб таҳлил қиласди, “Маънавият асослари” уларнинг ҳосил бўлиш асосларини қидиради.

Нима бўлганда ҳам, “Руҳшунослик” ва “Ахлоқшунослик” фанлари “Миллий маънавият асослари” фанига энг яқин, у билан кўп ўринларда туташиб кетувчи фанлардир, лекин барибир бу фанларнинг ҳар бири ўз тадқиқот мавзууси, қизиқиш доирасига эга.

“Руҳшунослик” бугунги ривожи даражасида ижтимоий фанлардан кўра табиий фанларга яқинроқ турса, “Ахлоқшунослик” соф ижтимоий фан сифатида шаклланди. Унда тарихий-ижтимоий ёндошув юқори, анъанага кўра унда инсон ахлоқи жамиятда қабул қилинган ахлоқ меъёрларига нисбатан баҳоланади. Бу этикадаги нормативлик хусусияти дейилади. Маънавият эса инсон камолоти учун имкон қидиради, уни нормативлаш, маълум меъёрларга бўйсундириш йўлидан бормайди.

“Маънавият асослари” билан бевосита туташиб ҳосил қилувчи яна бир фан “Маданиятшунослик”дир. Бу фан ўз хусусиятига кўра кўпроқ жаҳон, муайян давр ёки миллат маданияттининг моддий кўринишларини тасвирлаш ва таснифлашга асосий эътиборни қаратади. Фаннинг мавзусидан келиб чиққанда бу ёндошув тўғри ва муҳим. Аммо бундай ёндошув маънавият муаммоларини изчил тадқиқ этишдан тамомила фарқ қиласди.

“Маданият” тушунчасини турлича шарҳлайдилар. Биз уни содда қилиб, “маънавиятнинг моддий воқеликдаги изларидир” деган бўлур эдик. Албатта, бошқача таърифлар ҳам бор. Улардан бирига кўра асл табиатдан фарқли ўлароқ, инсон фаолиятининг барча маҳсулини “маданият” (аникрофи, культура) дейилади. Аммо масаланинг бир нозик жиҳати бор. Афсуски, инсон воқеликни доим ҳам ижобий тарафга ўзgartиради, деб бўлмайди. Ажойиб қасрларни бунёд этган, воҳаларни обод этган ҳам инсон, шаҳарларни тўпга тутиб кулини кўкка совурган, ўрмонларга ўт қўйган ҳам одам боласи (зеро ҳайвоннинг қўлидан бу ишлар келмайди). Дунёни ҳайратга солган кашфиётлар, кўнгилларни забт этувчи ғазаллар, достонлар инсон ақл-заковати, истеъоди маҳсули, аммо китобларни гулхан қилиб ёқтирган, она тупроқни заҳарлаб, зилол сувни оғуга айлантирганлар ҳам жоҳил сарбозу саводсиз дехқон эмас, ўзини табиату жамият устидан хукмфармо билган уламою кубаролардир. Шу сабабли маданиятни инсоннинг фақат яратувчилик фаолияти натижаларига нисбат берсак дуруст, бузгунчилигига эмас. Яратувчилик эса ақлидрок, истеъодод ва маҳорат, билим ва тажриба, риёзат ва меҳр билан амалга ошади, жаҳолат ва қаҳр, худбинлик ва ғафлат билан эмас.

Қисқаси, маънавият маданиятни яратади, маънавият имкон, маданият — ушбу имкондан туғилган мавжудлик. Маънавият ўтмиш, бугун ва келажакни қамраб олади. Маданият эса ўтмиш ва бугунга тааллуқли. Маънавият келажакни белгилайди, маданият бугунги аҳволни кўрсатади.

“Шахс маданияти” деган тушунча мавжуд. Агар муайян миллатта тааллуқли шахслар маънавияти охир натижада миллат маънавиятининг таркибини ҳосил қиласа, миллий маданиятнинг яратувчилари бўлса, бундан фарқли ўлароқ, шахс маданияти кўпроқ миллат маданияти, аникрофи, миллий маданиятнинг ҳосиласи сифатида намоён бўлади.

Албатта, ҳар бир миллат маданиятининг таркиби мураккаб. Аслида инсон тафаккури ва қобилиятининг барча самаралари “Маданиятшунослик” мавзуларидир.Faқат улардан кўпчилиги алоҳида фан тармоғи бўлиб, ажраб чиқиб кетган. Масалан, “Илмшунослик”, “Санъатшунослик”, “Мусиқашунослик” ва ҳ. к. Биз уларнинг ҳар бирига алоҳида тўхтаб ултуришимиз қийин. Faқат яна икки фанни эслаб ўтмасак

бўлмас. Уларнинг бири санъат ҳақидаги фанларнинг умумий назарий асосини ташкил этувчи фалсафий фан “Нафосат-шунослик” (Эстетика)дир. Бу фаннинг асосий мавзуси бадиий тафаккур қонуниятларини, гўзалликнинг моҳиятини ўрганиш. Маълумки, гўзаллик уйғунликдан туғилади. Демак, маънавият ва гўзаллик таърифларида умумий жиҳатлар мавжуд бўлиши табиий. Улар орасидаги жиддий фарқ шундаки, эстетика уйғунликнинг ҳаётда ва санъат асарларида учрайдиган муайян шаклларини ўрганса, “Маънавият асослари” умуман инсон руҳидаги Борлиқ ҳақиқати билан уйғунликни ўрганади. Бу икки фаннинг ҳам туташадиган жойлари кўп, аммо уларнинг мавзулари ва ёндошув услублари, барабир, бошқа-бошқа.

Яна бир “Маънавият асослари”га ёндош фан – “Тарбияшунослик” (Педагогика). Инсоннинг таълим-тарбиясига оид долзарб назарий-услубий муаммоларни тадқиқ этувчи бу фан бугунги кунда турли тармоқларга бўлинниб кетган. Аммо “Умумий педагогика” билан маънавият тарбиясига оид кўплаб туташ масалалар мавжудки, уларни ўрганиш учун икки фан вакиллари яқин ҳамкорликни йўлга қўйсалар, яхши натижаларга эришиш мумкин бўларди.

Хулоса қилиб айтганда, “Маънавият асослари” энди-энди тетапоя қила бошлаган янги фан бўлишига қарамай, унинг режалари — улкан, ниятлари — улуг. Унинг мустаҳкам оёққа туриб олиши, кўп жиҳатдан, илгаридан мавжуд бўлиб келган унга ёндош ва туташ турли фан эгаларининг холислиги ва хайриҳоҳлигига ҳам боғлиқ.

Маънавият инсоннинг Борлиқ ҳақиқати билан нисбатига асос эътиборини қаратади. Маънавият инсонни фанодан бақога элтувчи ягона йўлдир. Асли фалсафа ҳам, барча ўзга фанлар ҳам Борлиқ ҳақиқатини излайди, аммо “Миллий маънавият асослари” фани ўз изланишларини, биринчидан, миллий маънавиятимизнинг теран томирлари билан, аждодларимиз бизга қолдирган бебаҳо маънавий мерос билан боғладиди, яъни муайян инсонлар қўлга киритган тарихий тажрибага таянади, унинг асосида хулосалар қиласди. Иккинчидан, фақат мантиқий, илмий тафаккурга таяниб қолмай, ўзга тафаккур йўналишларга ҳам кенг эътибор қаратади.

Маънавий тарбиянинг воситалари фақат ақл ва билимгина эмас, балки ибрат, ирода, меҳр ҳамдир. Миллий маъ-

и на виятимизда шулар барчаси мужассам ифодасини топган. Уйдан ташқари миллий маънавиятимизни бойитища калом илми, фикҳ, тасаввуф тариқатлари ва ирфони, мумтоз адабиёт каби ўзига хос йўналишларнинг ҳам улкан ҳиссаси борки, Европа илми уларни асрлар мобайнида Шарқдан ўтиштириб келади.

Хуллас, Халлоқи олам икки дунёни инсон учун яратди, мақсад инсон эди, унга бутун маҳлуклардан ўзгача фазилатлар баҳш этди. Инсон кўнглини маърифат хазинаси қилиб, бу сеҳрли тилсим ичига ўзини яширди. Инсон кўнгли маҳфий хазина сифатида Аллоҳ ҳақиқати сиррини ўзида пинҳон этган бўлиб, уни яширган ҳам, асрагувчи ҳам ўзидир. Маънавият ана шу кўнгил тилсимига яширинган Аллоҳ ҳақиқатининг зухуридир.

4. Маънавият кўнгил кўзгусидан тараалган нур, у инсон қилибда яширинган. Демак, “Миллий маънавият асослари” фанининг асосий вазифаси ҳам руҳ тарбияси, кўнгил кўзгусига сайқал беришда ҳар бир шахсга кўмаклашувдир. “Миллий маънавият асослари” фани инсоннинг Олий ҳақиқатга нисбатини ўрганади. Бунинг учун маънавият муалими, файлисуфдан фарқли ўлароқ, ўз мулоҳазаларини соғ мантиқий мулоҳазалар тарзида эмас, балки маънавий меросга, бу соҳида аждодларимиз эришган бекиёс ютуқларга асосланган ҳолда олиб боради, яъни бу фан, маълум маънода, тарихий-назарий фандир. Унинг теранлиги ва кўлами аждодларимизнинг минг йиллар давомида тўплаган яхлит тарихий-маънавий тажрибаси билан белгиланади, шу билан бирга ҳалқ дошишмандлигининг турли суратларда зухур этиши ҳам ундағи назарий хulosаларнинг манбай бўлиб хизмат қиласи.

Миллий маънавият ўтмиш эмас, у ҳам ўтмиш, ҳам бутун, ҳам келажакни ўзида мужассам этади. Бунинг учун унинг манбай сифатида биз фақат аждодларимизнинг ёзма меросига таяниб қолмай, балки ушбу меросдан англаганимизни бир пайтнинг ўзида ҳалқнинг тирик хотираси билан, унинг маънавий қадриятлари билан қиёслаб, уларнинг уйғун жиҳигларига эътибор қаратишимиш лозим бўлади. Шу билан бирга тарих тажрибаси ва синовларидан ўтган қийматларни умумбашарий қадриятлар билан уйғунлаштириб, ҳозир ва ғолажак учун аҳамияти нуқтаи назаридан баҳолаш кўзда тутилади. Хуллас, миллий маънавият назарияси воқеликни фақат

онг билан, ақл билан тушуниб етиш тажрибасига эмас, Ҳақиқатни англаб етишнинг барча воситалари, эътиқод, ибрат, тақво, риёзат, ирфон, меҳр, дид-фаросат, амалий яратувчилик фаолиятининг барча турларига эътибор қаратиб, миллатнинг барча амалий ва назарий тажрибасини ўрганишга интилади, ушбу тажрибани онгли ўзлаштиришда ҳар бир инсонга кўмаклашади, мақсад — битта, кўнгил кўзгу-сига сайқал беришда ҳар бир шахсга иложи борича ёрдам бериш.

Инсон руҳида табиатта нисбатан, ўзгаларга нисбатан меҳр ва адолат туйғулари шаклланишига унинг моддийлиги билан бевосита боғлиқ бўлган нафси аммораси, яъни гафлат, шаҳват ва кибр каби қусурлар доимо ҳалақит бериб туради, шунинг учун ҳар бир киши ҳаётга, ўз фаолиятига сергак боқиши лозим. Ушбу иллатлар ҳар бир инсон фитрати билан боғлиқ бўлгани туфайли инсон моддий мавжудот сифатида тирик экан, улардан буткул қутулиш умиди хом хаёл, факат уларни мувозанатловчи куч керак. Айни шу куч — маънавиятдир.

1999 йил 14 апрель куни очилган Биринчи чақириқ Ўзбекистон Республикаси Олий Мажлисининг XIV сессиясида «Ўзбекистон XXI асрга интилмоқда» деб номланган маъруzasida Президент И. А. Каримов мамлакатимизни янги аср арафаси ва унинг дастлабки йилларидағи ривожланиш стратегиясини белгилаб берар экан, «жамият маънавиятини янада юксалтириш» ни устувор йўналишлардан эканлигини алоҳида таъкидлаб, маънавиятта мукаммал таъриф бериш билан бирга бу соҳада бугунги кунда олдимизда турган энг муҳим масалани ҳам аниқ кўрсатиб ўтди:

“Эркин фуқаро маънавиятини, озод шахсни шакллантириш масаласи олдимизда турган энг долзарб вазифадир. Бошқача айтганда, биз ўз ҳақ-хукуқларини танийдиган, ўз кучи ва имкониятларига таянадиган, атрофида содир бўлаётган воқеа-ҳодисаларга мустақил муносабат билан ёндашадиган, айни замонда шахсий манфаатларини мамлакат ва ҳалқ манфаатлари билан уйғун ҳолда кўрадиган эркин, ҳар жиҳатдан баркамол инсонларни тарбиялашимиз керак”.⁶² Шу маънода ҳар бир инсон руҳида Борлик ҳақиқати билан уйғунлик ҳосил этишга ҳар тарафлама кўмаклашиш “Миллий маънавият асослари” фанининг асосий мақсади бўлиб қолади.

“Миллий маънавият асослари” мустақилликкача маҳсус фан сифатида бирор ўқув юртида ўқитилган эмас ва бу соҳага етарли эътибор ажратилган эмас. “Маънавият” тушунчиши фақат баъзи ҳолларда “маданият” тушунчасининг таркибида “маънавий маданият” (“духовная культура”) сифатида олиб қаралган. Бугунги кунда бу масалага янгича қараш шакланиб келмоқда. Бу қарашга биноан маънавият моддий ҳаётининг асосини ташкил этувчи мустақил уч йўналиш (иқтисод, сиёsat, маънавият)нинг бири сифатида олиб қаралмоқда. Шундай ёндошувдан келиб чиққанимизда, аксинча, “маданият” инсон маънавий фаолиятининг ҳосиласи, бошқа сўз билан айтганда, инсон маънавиятининг моддий воқеликдаги излари сифатида намоён бўлади. “Миллий маънавият асослари” фани дастурий тизимини белгилашда ушбу янгича ёндошувга таянилди.

Ҳар бир мустақил миллат ўз ҳаёт тарзини, келажагини аждодларнинг тарихий тажрибаси ва жаҳондаги илғор таомийлар уйғунлиги асосига курса, янгишмайди. Бундай мустақил ривожланиш йўли истиқболнинг дастлабки йилларидан эътиборан Ўзбекистон Президенти И. А. Каримов томонидан ишлаб чиқилди ва ўтган йиллар мобайнида изчил амалга ошириб келинмоқда.

Маънавият инсондаги яратувчилик қудратидир, инсонда шу қудратни уйғотиш ва ҳаракатга келтиришга муваффақ бўлинса, барча улуғвор режаларни амалга ошириш учун воқеъ имкон вужудга келади. Масалага бугунги жаҳон тараққиётининг илғор тамойиллари даражасида ёндошилса, миллий таълимнинг энг муҳим вазифаси ҳам ана шу имконни шакллантириш, яъни ёш авлод руҳида яратувчилик қудратини уйғотиб, уни башарият тараққиётига хизмат қилувчи муайян ўзанлар сари йўналтира билиш билан бетланади.

Маънавият пойдевори бақувват бўлмаса, ундай инсоннинг бутун файрати, жўшқин фаолияти, охир натижада, халқ шаҳарини учун, башарият келажаги учун, қолаверса, унинг ўз шахси учун қандай хулосага олиб келади, айтиш қийин. Имом Фаззолий ўз даврида бекорга айтмаганлар: “Шуни билсингларки, одамзодни азбаройи ўйин учун яратмамишлар, анинг амали улуғdir ва анинг учун буюк хатар бор-

дир”. Ана шу “улуг амал” ва “буюк хатар” оралиғида йўналишни тўғри белгилаб олмоқ кўп жиҳатдан маънавий огоҳлик ва камолотта боғлиқ. “Миллий маънавият асослари” фанини ўқитиши жараёнида асосий эътибор ушбу “маънавий огоҳлик” масаласига қаратилади, шу бош мақсаддан келиб чиқсан ҳолда, имкон даражасида ёш авлодни миllibий маънавиятимизнинг асосий тамойиллари, унинг минг йиллик илдизлари, такомил босқичлари, бош қадриятлари ва таянч нуқталари, келиб чиқиши манбаларидан огоҳ этилади.

“Миллий маънавият асослари” фанининг асосий обьекти — мустақил Ўзбекистон учун энг долзарб муаммолардан бири бўлган шахс ва миллат маънавиятининг такомили, асосий қадриятлари, шаклланиш йўллари хусусидаги миллий маънавий меросимиз анъаналарига таянувчи назарий хулосалар ва қарашлар тизимидан иборатdir. Маълумки, жаҳон маданиятига бизнинг аждодларимиз қўшган ҳисса озмунча эмас. “Миллий маънавият асослари”нинг маҳсус фан сифатида ўрганилиши, шу маънода, бугунги кунда ҳам жаҳон маданияти ривожига муайян ижобий натижалар келтириш эҳтимолини назардан қочириб бўлмайди. Демак, миллий маънавият доимо умумбашарий миқёсни назарда тутган ҳолда ўрганилади.

Фаннинг ўқитиши услублари 1) унинг мақсад ва вазифаларидан 2) таълим қайси тингловчилар (талабалар, ўқувчилар) учун мўлжалланаётганлигидан келиб чиқиб белгиланади. Маърузалар, суҳбатлар, турли хил амалий машғулотлар тизими ҳар бир ўқув юрти ихтисос йўналишига мувофиқ равишда ишлаб чиқилиб, улар нафақат ушбу ўқув юрти профессор-ўқитувчилари, балки мавзу тақозосига кўра, республиканинг муайян соҳадаги етакчи олимлари ва мутахассисларини таклиф қилинган ҳолда ташкил этилади. Дарслар, айниқса, суҳбатлар фақат дарс хоналарида эмас, мавзуга мувофиқ равишда турли маданият муассасалари, жумладан, музейлар, театрлар, илмий тадқиқот институтлари ва ҳ. к. ларда ҳам ташкил этилиши яхши самара беради.

Талаба ва ўқувчиларнинг фан мавзуларини ўзлаштириш устида мустақил тайёргарлик олиб боришлирага алоҳида аҳамият берилади. Улар ҳосил қилган билим ва кўникмаларни текшириш реферат-такриз, эркин иншо, оғзаки суҳбат-семинар, мўъжаз маъруза, ижодий ишлар тарзида амалга

оширилади ва мустақил тайёргарликни текширишнинг бошқа турли усуллари ҳам кенг истифода этилади.

Амалий машғулотлар, асосан, семинар-сұхбат, реферат-тәкристар ёзиш, баъзи мавзуларни англаб етишдаги муаммоларни ҳал қилишга қаратилған савол-жавоблар тарзida ўтказилади. Бунда четдан чақирилған мутахассислардан ҳам фойдаланилади. Тасвирий-кўргазмали воситаларнинг имкониятларидан кенг фойдаланиш, бир қатор машғулотларни турли маънавият ва маданиятга алоқадор муассасаларда ўтказиш мақсадга мувофиқдир.

Таянч изборалар: Миллий маънавиятимизда методология масаласи, ижтимоий фанлар методологиясининг ўзига хослиги, мамлакатимизда ижтимоий фанларнинг ривожи замон талабларидан ортда қолаётганлигининг сабаблари, “илмий-фалсафий таълимот”, методологик чалкашликлар, илм тарихининг аччиқ сабоқлари, мағкурабозлик, эски андаза ва қолиплар таъсири, ижтимоий соҳадаги тушунчаларнинг тарихан шаклланиши, уларни англаб етишда миллат тарихи ва маънавий мероснинг аҳамияти, қадим Юнонда фалсафа илмий тафаккурининг ибтидоси сифатида, Европа фалсафий тафаккурининг турли оқимлари, Фридрих Хегел ва Карл Поппер, фалсафий модел ва конкрет илм йўналишлари, файласуф ва фалсафашунос, илmlар таснифи, “объектив идеализм” ва “субъектив идеализм”, Борлиқ ҳақиқатини таълқин этишдаги ақл ва нақл уйғунлиги, жаҳон фалсафасининг марксистик ақидалар нуқтаи назаридан “андазалаб” чиқилиши, меъёр қонуни, “Миллий маънавият асослари” фаннининг инсон ва жамият ҳаётини ўрганувчи турли фанларга нисбати, маънавият ва руҳият, инсон руҳияти — зиддиятли воқелик, Азизуддин Насафий руҳият ҳақида, инсон маънавияти ва ахлоқий фазилатлар, ахлоқий мёэрлар ва шахс ва миллат маънавий камолотини таъминловчи омиллар, Маданият — маънавиятнинг моддий воқеликдаги излари сифатида, маънавий тарбия воситалари, зоҳирий ва ботиний уйғунлик, “Миллий маънавият асослари” — тарихий-назарий фили, халқнинг тирик хотираси, аждодларнинг тарихий тажрибаси ва жаҳондаги илфор тамойиллар уйғунлиги, “маънавий огоҳлик”.

Тавсия этилувчи ва фойдаланилган адабиётлар рўйхати:

Асосий адабиёт:

1. Каримов И. А. Озод ва обод Ватан, эркин ва фаровон ҳаёт – пировард мақсадимиз. 8-жилд. Т. – “Ўзбекистон” – 2000, с. 489 – 508.
2. Каримов И. А. Биз келажагимизни ўз қўлимиз билан қурамиз. 7-жилд. Т. – “Ўзбекистон” – 1999, с. 370 – 404.
3. Каримов И. А. Ватан саждагоҳ каби муқаддасдир. 3-жилд. Т. – “Ўзбекистон” – 1996, с. 33 – 42.
4. Мустақил Ўзбекистон: фалсафа ва ҳуқуқ фанларининг долзарб муаммолари. Т., 1994.
5. Азизуддин Насафий. Зубдатул-ул-ҳақойик. Т., 1995.
6. Жумабоев Й. Ўрта Осиё этикаси тарихи очерклари. Т., 1980.
7. Жабборов Ш. Маънавиятнинг фалсафий қирралари. // "Маърифат". 1996.
8. Куранов М. Научно-педагогические основы национального воспитания в общеобразовательных средних школах Узбекистана (Автореферат докт. дисс.) Т., 1998.
9. Тлашев Х. Х. Общепедагогические и дидактические идеи учёных – энциклопедистов Ближнего и Среднего Востока эпохи Средневековья. Т., 1989.
10. “Маънавият ва маърифат” марказлари фаолияти са-марадорлигини ошириш бўйича услубий кўрсатмалар. Самарқанд, 1997.

Кўшимча адабиёт:

11. Философское наследие народов Средней Азии и борьба идей. Т., 1988
12. Асмус В. Ф. Иммануил Кант. М., 1973.
13. Альбер Камю. Избранное. М., 1969.
14. Антонович И. И. Современная философская антропология. Минск. 1970.
15. Бердяев Н. А. Самопознание. М., 1991.
16. Васютинский Н. Золотая пропорция. М. 1990
17. Вдовина И. С. Эстетика французского персонализма. М. 1981

18. Гегель Ф. Наука логики. М., 1970
19. Горский Д. П. . Проблемы общей методологии наук и диалектической логики. М., 1966.
20. Грязнов А. Ф. Эволюция философских взглядов Л. Витгенштейна. М., 1985
21. Жан-Поль Сартр. Слова. М., 1966.
22. Зиёмуҳаммадов Б. Маърифат асослари. Т., 1998.
23. Основы философии. Т., 1999
24. Платонов К. К. Краткий словарь системы психологических понятий. М., 1984.
25. Поппер К. Открытое общество и его враги. М., 1992
26. Педагогика тарихидан хрестоматия. Т., 1993.
27. Поль Фресс, Жан Пиаже. Экспериментальная психология. М., 1966.
28. Туленов Ж., Фофуров З. Фалсафа. Т., 1997.
29. Рашшод Муҳаммад. Фалсафа аз оғози тарих. Душанбе., 1990.
30. Этическая мысль. М., 1988.
31. Гусейнов А. Золотое правило нравственности. М., 1979.
32. Юсупов Э. Инсон камолотининг маънавий асослари. Г., 1998.
33. Усманов М. Яхши фазилат инсонга зийнат. Т., 1992.
34. Фрейд Зигмунд. Я и Оно. М., 1990.
35. Шептулин А. П. Диалектический метод познания. М., 1983.
36. Ярошевский М. Г. История психологии. М., 1985.
37. Словарь по этике. М., 1981.

II ҚИСМ **ШАХС ВА МИЛЛАТ МАЬНАВИЙ КАМОЛОТИ**

↔↔↔ *Маънавият ўзликни англашдир* ↔↔↔

7-маъруза. МИЛЛИЙ МАЬНАВИЯТИМИЗНИНГ ТАКОМИЛ БОСҚИЧЛАРИ. ИСЛОМГАЧА МИЛЛИЙ МАЬНАВИЯТИМИЗ ТАКОМИЛИ

ДАРС РЕЖАСИ:

1. Миллий маънавиятимиз тарихий такомилини даврлаштириш муаммолари. Қадим маънавиятимизни англаб етиш қиинчилклари.
2. Исломгача маънавият. Ўлкамизда ибтидоий жамоалар ва инсон маънавиятининг илк шаклланиш жараёни.
3. Илк шаҳар жамоаси маънавияти. Илм ва имон нисбати.
4. Туркий тошбитиклар маънавияти. Миллат ва миллий давлатнинг шаклланиши, миллатнинг ўз-ўзини англаб етиши.

1. Миллий маънавият, аввало, тарихий ҳодисадир. У бир кунда, бир йилда, балки ҳатто бир асрда ҳам мукаммал шаклланмайди. Ўрта Осиё халқлари тарихининг ибтидоси асрлар қаърига сингиб кетган бўлиб, улар босиб ўтган неча минг йиллик маънавий камолот пиллапояларини аниqlаш бугун учун муҳим муаммодир.

Аммо миллий маънавият тарихи билан сиёсий, ижтимоий, ҳатто маданий ҳаёт тарихи орасида муҳим фарқли жиҳатлар мавжуд. Аввало миллий маънавият тарихи миллатнинг маънавий такомил жараёни билан боғлиқ. Унда баъзан асрлар кунларга, ва аксинча, кунлар асрларга тенг бўлиши мумкин. Миллатнинг маънавий камолоти замонда, яъни унинг бутун тарихи давомида юз беради, аммо у баъзан шиддат билан юксалиб борса, баъзан эса маълум даражада таназзулга юз тутиши ҳам мумкин. Бир нарса аёнки, тарих ҳодисала-

ри, шахслар, воқеалар ўтиб кетади, моддий маданият унсурлари емирилади, маънавият эса юксалиб, бойиб, тобора кенпроқ кўлам ва теранроқ мазмун касб этиб бораверади. Миллатнинг аксарияти маънавий таназзулга юз тутган фоксий шароитларда ҳам миллий маънавият йўқолмайди, кўлам ва мазмунда ўзи етишган камолот босқичини йўқотмайди. Чунки бунинг учун аждодлар яратган барча маънавий меросни маҳв этиш, инсонлар хотирасини, ҳатто ирсий хотиралини ҳам барбод қилиш керак. Ундан Аллоҳ ўзи асрарисин!

Демак, миллий маънавият ҳодисаси ҳам тарихий (ўтмиш тарих жараёнида юз бериб борган), ҳам бугунги кунда мавжудлигини сақлаб турган кўп ўлчамли воқеликдир. Алберт Ўйнштейн кашф этган тўрт ўлчамли (замон ва маконда бир шийтда мавжуд бўлган) воқе олам ушбу маънавий олам бўлса пажаб эмас. Балки маънавий олам ўлчамлари чексиз бўлиб, тўрт ўлчамли қолипга ҳам сифмас.

Миллий маънавиятимизнинг такомил босқичлари ўлкамига халқлари маданий тараққиёт жараёни билан бевосита боғлиқ ва ушбу саҳнда юз берувчи ҳодисадир. Фақат маданий тараққиёт ўта мураккаб тарихий ҳодисалар мажмуунини ташкил этса, маънавий камолот босқичларини белгилашда, биз улардан бугунги кунгача ўз долзарблигини сақлаб келасдан асосий ўзак унсурларни ажратиб олмоғимиз керак бўлади. Аввал бошдан тан олиш лозимки, яхлит тарихий-маънавий жараённинг ҳар қандай таснифи шартли ва нотулиқдир. Аммо бу борада қандайдир ўзак томирлар, асосий бўғинлар ажратиб олинмаса, умуман илмий мулоҳаза юритиб бўлмайди.

Шу сабабли шартли равишда миллий маънавиятимизнинг неча минг йиллик такомилини уч йирик даврга ажратиб кўздан кечиришни мақбул билди:

1. Исломгача миллий маънавиятимиз тараққиёти.
2. Ислом минтақа маданияти доирасида миллий маънавиятимизнинг такомили.
3. Янги даврда жаҳон маданияти ва миллий маънавиятимизга аҳволи.

Бу даврлар ўз ичига олган муддатларига кўра ўзаро асло тенг эмас. Биринчи давр неча минг йилни қамраса, иккинчи давр 8—9 асрни ўз ичига олади, учинчи давр эса бизнинг

ўлкамиз — Туркистон учун 5 аср чамаси давом этиб, охирги 200 йили кўпроқ фожиаларга тўлиқ бўлди.

Ушбу даврлаштиришнинг асосида кўпроқ ташқи белгилар ётади. Уларнинг энг муҳими манбалар аҳволи билан боғлиқ. Исломгача маънавиятимиз такомили ҳақидаги энг муҳим манбалар ўлкамизнинг бугунги миллий худудларидан ташқарида топилган бўлиб, асл матнларнинг яхлит ва нисбатан мукаммаллари “Авесто” китоби ва туркий тошбитиклардир. Иккинчи қисми билвосита маълумотлар бўлиб, қадим Шумер, Бобил ва Ашшур, қадимги Миср ва Юнон, Хинд ва Хитой манбаларида, Эрон шоҳаншоҳларидан қолган тошбитикларда акс этгандир. Учинчи гуруҳ манбалар археологик ёдгорликлар бўлиб, улар бевосита юртимиз худудидан ёки атроф-минтақадан топилган моддий ашёлар ва иншоотлар билан боғлиқ. Тўртинчи гуруҳ манбалар сўнгги давларгача оғзаки анъана ҳолида этиб келган халқ адабиёти, урфодат ва маросимлар, ўйинлар, байрамлар, хурофий иримсиrimлар бўлиб, улар юзасидан узил-кесил хulosалар чиқариш, айниқса, мураккабдир.

Умуман, бундай турли гуруҳ манбалар ўзаро жиддий қиёсий таҳлилни талаб қиласди ва охир-натижада ҳам кўпинча муайян даражада тахминий хulosалар чиқарилади. Исломгача маънавият ҳақидаги тасаввурларимиз, шу сабабларга кўра, барибири узил-кесил бўлиши қийин ва қанча қадим замонларга кириб борсак, шу қадар тарихий ҳақиқат ва афсоналар қоришиб, чатишиб кетади.

Ислом даври манбалари қадим даврга нисбатан бекиёс даражада бой ва ишончлироқдир. Ислом давридан бошлаб, айтиш мумкинки, масалага илмий ёндошув имкони жиддий тарзда ошади ва миллатнинг маънавий камолот босқичлари минтақа маданияти доирасида аниқ тарихийлик касб этади.

Учинчи давр бизга энг яқин бўлгани сабабли уни ўрганиш масалалари тадқиқотчиларнинг анча кенг доирасини қамраб олган, чунки манбалар асосан ўзбек, рус ва қисман бошқа қардош халқлар тилларида сақланганлигидан бу соҳада имкониятлар етарли. Мустақилликкача бальзи архивлар давлат сири ҳисобланиб, тадқиқотчилар назаридан пинҳон тутилган бўлса, бугун уларнинг эшиклари очилди ва табиики, матбуотимиздаги энг кўп нашрлар ушбу Янги давр маънавияти муаммоларига алоқадор бўлмоқда.

Инсоният тарихий такомили ҳозирги Европа илмида 4 мосий даврга ажратилади:

1. Ибтидоий жамоа 2. Қадимги дунё 3. Ўрта асрлар 4. Янги тарих.

Аммо қадимшунослар (археолог ва палеонтологлар) ма-
сулага бироз ўзгача қарайдилар. Улар 1) тош асли, 2) бронза
асри, 3) темир асли, деб ибтидоий жамоа ва қадимги дунё-
ни уч босқичга бўлиб ўрганадилар. Биз яхлит олиб қараётган
исломгача маънавиятимиз тараққиёти даври ушбу уч босқ-
ични қамраб, илк ўрта асрларга ҳам ўтади. Шунга кўра биз
ҳам маънавий такомил нуқтаи назаридан биринчи катта дав-
рини бир қатор босқичларга ажратиб чиқиши маъқул топ-
лик.

Алишер Навоийнинг “Фарҳод ва Ширин” достони би-
ринчи қисмида Чин хоқонининг ўғли Фарҳод тилсимланган
чуни сирини билиш қасдида Юнон юргига сафарга чиқади.
Іу Йўлда у аввал даҳшатли аждаҳони, сўнг зардуштий ди-
нилариги ёвузилик руҳи Ахриманни ва ниҳоят темиртанли тил-
симни енгиги ўтиб, донишманд Сукрот суҳбатига етишади.
Чукроғ энг баланд тоғ бағридаги фордан жой олган эди. На-
шништ шуларни алоҳида таъкидлаб дейди:

*Бу уч манзилдан ўткарғанга маҳмил
Дейилган тоғ эрур тўртминчи манзил.⁶³*

Яъни, Фарҳод Сукротга етишгунча уч манзилни босиб
чунни (Навоийнинг мажозий тасвирида биринчи манзилдаги
аждаҳони — ибтидоий тош асли маънавиятида инсон табиа-
тилаги ёввойилик тимсоли, иккинчи манзилдаги Ахриман-
ни — бронза даври “Авесто” маданиятидаги асотир тафак-
курга хос хурофотлар тимсоли, учинчи манзилдаги темир
шашми — ўз номи билан темир даври — ҳарбий демократи-
яни асосланган улкан империялар даврида олиб борилган аёв-
чи тарзидаги қирғин урушлар ва шафқатсизлик тимсоли деб талқин
корини мумкин). Шаҳзода Фарҳод тимсолида буюк турк элати
пешта-секин ўзининг ичидаги душманлари — ёввойилик, ху-
роифот, шафқатсизлик хислатларини бир-бир енгиги ўтиб,
маънавий камолот босқичларидан донишмандлик сари кўта-
рилиб борди. Булар — бадиий адабиётдаги мажозий тимсол-
чар талқини. Аммо воқе ҳаётда ҳам тарихий такомил деярли

шундай изчилиқда ривож олган деб тасаввур қилсак, ҳақиқатдан узоқ бўлмайди.

Миллий маънавият тарихий ҳодиса бўлиб, миллатнинг маънавий такомил жараёни билан боғлиқ ва аждодларимиз яратган маънавий меросда ўз аксини топгандир. Биз “Миллий маънавият асослари” курсининг ушбу иккинчи қисмida миллий маънавиятимизнинг тарихий такомил жараёнига енгил бир назар ташлаб ўтишга уринамиз. Албатта, барча асосий жиҳатларни қамраб олиш қийин. Масалан, халқ оғзаки ижоди деб аталувчи беҳудуд маънавият уммони ҳақида, кўчманчилик маданиятида акс этган маънавият унсурлари ҳақида маҳсус тўхталиш имконини топмадик. Урф-одатларимиз, маросимларимиз маънавиятининг тарихий такомили ҳақида ҳам маҳсус тадқиқотлар лозим. Биз асосан ёзма меросга таяндиқ, аммо шу ҳам тўлиқ қамровда эмас. Албатта, қўлимиздан келганича, ақлимиз етганича ҳаракат қилдик.

Шундай қилиб, Миллий маънавиятимиз такомилининг энг қадимги даврини З босқичга ажратиб ўрганиш маъкул кўринди.

2. Уларнинг биринчиси ибтидоий жамоа (Ибн Халдун ибораси билан “бадавия жамоаси”) даврида инсон маънавиятининг илк шаклланиш жараёнини ўз ичига олиб, уни энг қадимги маънавият босқичи дейиш ҳам мумкин. Қуръони каримнинг “Тин” сураси 4-оятида айтилади: ”Лақад халақна-л-инсана фи аҳсани тақвим. Сумма рададнаху асфала са-филини. . . ”. (сўзма-сўз таржимаси: ”Дарҳақиқат, биз инсонни энг кўркам шаклу шамойилда яратдик. Сўнгра уни асфала софилинга қайтардик. . . ”. ”Асфала софилин” сўзи “энг тубан ҳолат” деб таржима қилинади). Аллоҳ таоло инсонни яратар экан, унга ниҳоятда улуг рисолат тақдир этди, аммо жаннатдан ерга тушган инсон камолот йўлини энг тубан ҳолатдан аста-секин юксак маънавий уфқларга интилиш билан бошлади.

Инсон маънавий камолотида энг узоқ давом этган босқич тош асли бўлиб, бу даврда инсон ва табиат орасидаги муносабат ниҳоятда яқин бўлган. “Авесто”нинг бизгача сақланиб етиб келган тўрт қисмидан бири “Вендидал” китобининг иккинчи бобида Жамшид (асли Йима вахишта — гўзал Йима) ҳақидаги асотир (миф) баён қилинади. Ушбу асотир мазмуни қуйидагicha:

Бутун оламлар парвардигоридан Зардуштга пайғамбар-
руғбаси иноят бўлгач, у тангрига мурожаат қилиб сўрай-
”Эй, бутун дунёнинг яратувчиси, муқаддас зот Ахура
Мазда (Олий билимлар эгаси)! Сен мендан илгари инсон-
ларни қай бири билан сұҳбат қилгансан, кимга илк бор
Ахура Мазданинг муқаддас динидан таълим бергансан!”

Олий билимлар эгаси бўлмиш ягона тангри унга шундай
итоб қиласди:

”Эй, Ҳақ бандаси Зардушт! Сендан илгари мен илк бор
инсонлардан Йима (Жамшид)га, чорва ва йилқи подалари
 уни ўшал гўзал инсонга хабар йўлладим. Мен унга: “Эй,
уни ҳимоя этишга тайёргарлик кўргин”, дедим. Аммо,
Зардушт, ул гўзал Йима шундай жавоб қилди:”Мен
танидай вазифа учун яратилмаган бўлсам, ўқимаган бўлсам,
мин дин-эътиқодни чукур ўзлаштириш ва ҳимоя қилишга
тотир эмасман”. Шунда, эй, Зардушт, Мен — Ахура Мазда

унга буюрдим: “Агар сен, эй, Йима, менинг динимни
тотишириш ва ҳимоя қилишга тайёр бўлмасант, унда мен
яратган дунёни обод қил, кенгайтири. Сен ушбу ер юзини
ҳимоя қилишга, эҳтиётлашга ва бошқариб туришга масъул
сан!” Ва, эй, Зардушт, ул гўзал Йима менга жавоб қилди:

Мен сен яратган дунёни обод қиласман, уни кенгайтира-
сан, уни ҳимоя қилишга, эҳтиётлашга, бошқариб боришга
тотиширишга тайёрман.”⁶⁴ Шундан сўнг 900 йил давомида Йима
(Жамшид) ер юзини обод қилиб, турли ҳунарларни жорий
қиласди. Бой моддий маданият бунёд этилди. Аммо умрининг
жонида Жамшид ютуқлардан фурурланиб кетиб, кибрга бе-
рилди. Ўзини “яратувчи” эълон қилиб, бутун ҳалқдан ўзига
унда қилиш, сиғинишни талаб қила бошлади. Шунгача,
инсонларни қилишларича, ўлим ҳам, касаллик ҳам, совуқ ҳам,
кунак ҳам бўлмаган экан. Жамшид ўзини “худо” деб эълон
бўлгач, ер юзига ўлат тарқайди, очлик ва қаҳратон совуқ
жонида. Ва шундан кейин даҳшатли ёвуз куч — Ажи Да-
шта яортга бостириб кириб, ўз ҳукмронлигини ўрнатган ва
йил юртни зулмат қонлаган экан.

Куръони карим Ҳақни ботилдан ажратиш учун нозил
жонида китоб бўлиб, шу сабабдан Фурқон (фарқлаб берув-
ши) деб ҳам аталади. Унда ҳақиқатлар баъзан жуда қисқа,
жонида бир ишора билан эслаб ўтилган. “Авесто” китобида

эса инсон ақдий такомилидаги асotир тафаккур босқичи ифодасини топган. Шу сабабли ундаги воқеалар баёни ҳам асotир (миф) шаклида бўлиб, тарихий воқелик ўзига хос талқин этилади. Қандай бўлгандада ҳам Алишер Навоий қаҳрамони Аждаҳо (Ажи Даҳака)ни енгиб ўтган биринчи манзил ёки “Авесто”га кўра Жамшид даври шартли равишда аждодларимиз маънавий камолотининг биринчи босқичи — тош асрига ишора, деб қабул қилиш жоиздир. Бу давр қанча муддат давом этгани ҳақида ҳозир фанда турли баҳслар кетмоқда, лекин бир неча минг йиллар давом этгани шубҳасиз. Бу даврда инсон турли тош қуроллар ясаш ва улардан фойдаланишни ўрганди, камон ва ўқ ёй, ибтидоий сопол идишлар кашф этилди, ибтидоий чорвадорлик ва дехқончилик шаклланди, илк уй ҳайвонлари ва маданий ўсимликлар пайдо бўла бошлади. Бу даврда аждодларимиз аста-секин табиат ва инсон аро уйғунлик мавжудлигини ҳис эта бошлашди, яратувчилик меҳнати завқини туйиши.

Ушбу маънавият унсурлари “Авесто” матнлари таркибида ўз аксини топган. “Авесто” матнлари Фарбий Европа, Сибир ёки Африка, Жанубий Ҳиндистон минтақалари шароитини эмас, бевосита бизнинг минтақа иқлими, оби-ҳавоси, ер-сув шароитида табиат ва атроф-воқеликка нисбатан инсон онгидаги шакланиши мумкин бўлган муносабатларни акс этириади. “Авесто” матнлари мазмунидан биз ота-боболаримизнинг она заминга, ҳалқимиз учун асосий тириклик манбай бўлган оқар сувга, оловга ихлоси, эъзозини аниқ ҳис қиласиз. Яна амалий яратувчилик фаолияти, айниқса, ерга ишлов бериш ва чорва ҳайвонларини парваришиш, аждодларимиз тарафидан ниҳоятда муқаддас бир юмуш, олий ибодат деб қабул қилинганининг ҳам гувоҳи бўламиз.

Дарвоқе, ибодат масаласи. Ушбу масалага келганда илк инсоният кўп адашди, тўғри йўлни идрок этиш жуда қийин бўлди, масалан, даставвал инсон табиатдаги айrim буюмлар ёки ҳодисалар қудратини аниқлай олмай, уларга сифина бошлади, ҳозирги замон Европа фанида “фетицизм” деб ном олган янгилиш эътиқод шакли пайдо бўлди. Жамшид фожиаси биринчи — тош даври маънавиятидаги ноқислик натижасидир, янги маънавий босқичга ўтиш эҳтиёжидан туғилган инсон онгидаги бўхрондир. Инсонни бу бўхрондан кутқариш учун яна ваҳий лозим бўлган. Назаримизда, ибтидоий одам шуурини илк бор илоҳий нур ёритган.

Шундай қилиб, инсоният асосан тош қуролларидан фой-
тинган илк ибтидоий жамоа даври аждодларимиз маъна-
ни тақомилида жуда муҳим босқич бўлиб, Туркистон ўлкаси
худулида камон ва ўқ-ёй ихтиро қилингандан 10—12 минг йил
шагариги ўтмишдан бошлаб, бир неча минг йилларни ўз
инчига олади. Унинг сўнгти 4—5 мингинчи йилларидан суго-
рини асосидаги дәҳқончилик ва уй ҳайвонларини маҳсус пар-
тиципијлашга асосланган чорвадорлик фаолиятининг дастлаб-
ги инаклтаниш жараёнлари ривож олди ва шу билан боғлиқ
рининда бу даврдаги инсон руҳида унинг ҳаёти учун муҳим
буёнин. Она табиатга меҳр, ер, сув, оловни эъзозлаш, яра-
тичилик меҳнатини улуғлаш каби маънавий фазилатлар
ни ўйдо бўлди. Бунинг излари биринчи навбатда минтақамиз-
да илк бора яратилган мукаммал ёзма манба “Авесто” кито-
бина ўз аксини топгандир.

Илова:

“АВЕСТО” КИТОБИ ВА “МАЗДА ЯСНА” ЭЪТИҚОДИ

(*Тарих фанлари доктори Мирсадиқ Исҳоқов ва фалсафа
танлари номзоди Муҳаммаджон Қодировларнинг материалла-
ши асосида талабаларга қўшимча фойдаланиш учун матн*)

Ушбу эътиқоднинг келиб чиқиши, унинг пайғамбари ва
“Авесто” китоби ҳақида турлича фикрлар мавжуд. Китоб-
нинг асли номи “Апастак” бўлиб, парфиёнча “матн”, ёки
оннинг талқинларга кўра “тайин этилган”, “муқаррар қилин-
чи”, “ўрнатилган” маъноларини билдиради. Бу китоб пайғ-
амбар Зардушт (“Авесто”да Заратуштра) номи билан боғла-
шади. Қадим юонон тарихчиси Плутарх Зарадуштра Троя уру-
шидан 6 минг йил илгари туғилган деб таъкидлайди. Агар
Троя уруши милодий эрадан 1200 йил илгари юз берганини
нишарда тутсак, Зардушт яшаган давр бугунги кундан 9 минг
нишондун бўлиб чиқади. Аристотель Зардушт вафотини Пла-
тон (мил. авв. 428-348 й.) вафотидан 6 минг йил илгари
нишондун деб кўрсатади. Гермодор ва Гермини Зороастр (юонон-
и галаффуз) Троя урушидан 5 минг йил илгари яшаган,
нишондун ҳисоблайдилар.

Зардуштийлик дини ва унинг тарихини жиддий ўрганган олим Мэри Бойс бу диннинг шаклланиш даврини ми-лодий эрадан илгариги XIV—XII асрларга тааллуқли деб то-пади. Қатор олимлар Зардушт пайғамбарлик эълон қилган даврни милодий эрадан олдинги VII асрга оид дейдилар.

Ҳар ҳолда ўлкамизга Искандари Мақдуний лашкарлари билан эллинизм таъсири етиб келгунга қадар бўлган энг қадимги мукаммал шаклланган диний эътиқод “Авесто” китобларида акс этган “Маздаясна” эътиқоди бўлиб, уни Янги давр фанида кўпинча пайғамбари номи билан “зардуштийлик” деб келишган. Дунёда кенг тарқалган яна бир янглиш тасаввур зардуштийликни фақат Эрон билан боғлаб, “Авесто” маданиятини шу худудгагина алоқадор деб билишдир. Тўғри, сосонийлар империяси даврида (мелодий 224—651 йиллар) Эронда зардуштийлик давлат дини дара-жасида бўлган. Аммо бу диннинг келиб чиқиши сосонийлардан эмас, ҳатто Искандар Мақдунийдан ҳам илгариги давр-га тўғри келиши назарда тутилса, сосонийлар даври зардуштийлиги мутлақо иккиламчи ҳодиса эканлиги аён бўлади.

Зардуштийликнинг ҳақиқий ватани ҳақида “Авесто” китобининг ўз маълумотларига суюниш, бизнингча, энг мақбул йўлдир. “Авесто”нинг бугунгача сақланиб қолган қисмларидан бири “Вендида” нинг биринчи бобида Ахура Мазда яратган ўлкалар саналади:

1)Арийана Ваэжа, 2)Гава, 3)Моуру (Марғав), 4)Бахди, 5)Нисая, 6)Харойива, 7)Вэкерта, 8)Урва, 9)Хнента, 10)Харахвонти, 11)Хетумант, 12)Рага, 13) Чахра, 14)Варна, 15)Хапта Ҳиндав, 26)Упа Аодшу Рангхайа.

Олимларнинг тадқиқотлари натижасида булар такрибан ҳозирги қўйидаги ўлкаларга тўғри келиши маълум бўлди: 1)Хоразм ёки Аму ва Сир оралиғи, 2)Судиёна, 3)Марғиёна, 4)Бақтрия (Балх), 5)Ниса (Парфия пойтахти — ҳозирги Туркманистоннинг жануби гарбидаги), 6)Ҳирот, 7)Кобул, 8)Тус (ҳозирги Эроннинг Хуросон вилояти), 9) Гўргон (Астрабод), 10)Ҳоругт, 11)Гилманд (ҳозирги Афғонистон шимоли), 12)Рей (Техрон), 13)Чехра (Хуросонда), 14)Варна (Каспий денгизи жануби), 15)Ҳинд дарёси бўйлари, 16)Рангҳа дарёси келиб чиқувчи жой. Албатта, баъзи жой номлари ҳануз баҳсли. Аммо “Авесто” китобида санаб ўтилган ерлар бутун Мовароуннаҳр ва Хуросон (жумладан, ҳозирги Эрон ва Аф-

төнистоннинг шимолий ўлкалари)ни қамраб олганлиги кўриш туребди. “Авесто”да Орол денгизи (Ворукаша ёхуд Вурукаша) ва Амударё (Дойтия) ҳам таъриф этилади. Демак, ани глаубки даврларданоқ зардуштийлик ёки аникрофи, “Мазмисна” эътиқоди, эроний ва туроний халқлар қадимдан аранапшиб яшаган яхлит бир минтақани қамраб олган ва шу қунында тарқалгандир. “Авесто” тили ўша даврларда ёқ жуда қадимий тил ҳисобланар ва Эрон империясининг расмий тили бўлмиш қадим форс тилидан ҳам фарқ қиласар эди. “Авесто” тили шарқий Эрон тиллар гуруҳига киравчى сүғд, хорумий ва бохтарий тиллари билан кўпгина умумий жиҳатнига эга. Бу асар Искандар истилоларидан анча илгари 12 минн бузоқ терисига ёзилганлиги кўп манбаларда ёд этилали “Авесто”нинг энг қадимги ҳисобланган қисмларида темир қурол ҳақида маълумот йўқ, аммо сариқ рангли болта қиришида эслаб ўтилади. Шу каби далиллар асосида “Авесто” китоблар мажмуасида акс этган маданиятга бронза асри мааний қатламидан бизгача етиб келган буюк мерос сифатиши қўришимиз мумкин. Милодий эрадан илгариги V—I минг ияниклар орасида шаклланган бу маданий яхлитлик, алнига, ўз ички такомил босқичларига эга бўлган. Башарият иккомилидаги бу маданий босқичларнинг биринчисини “Листо”нинг ўз мазмунидан келиб чиқсан ҳолда Жамшид (Шима) даври, яъни тош асри маданиятига оид деб ҳисобланак, ундан кейинги босқични шартли равишда бронза асри ишлар шаҳар маданияти босқичига тўғри келади, деб қайд қилиш мумкин. Бу китобда турли қабила асотирлари билан танишади эътиқодидан таълим берувчи қарашлар ўзаро чатишшиб кетгани сезилади. Бу башарият онгидаги мураккаб тафтиқ кур жараёни бир неча минг йилларни ташкил этиши мумкин. Намозгоҳ ва Олтинтепа, Сополли ва Жаркўтон илк шаҳарларида истиқомат қилган аҳоли ушбу мураккаб мааний жараённи бошдан кечирганлиги кўпгина ашёвий давринира кўзга ташланади. Албатта, археологик қазилма националарининг тадқиқ ва талқини, қадим матнлар тадқиқ ва тарқишидан жиддий фарқ қиласади ва уларни қиёсий ўрганишида баъзан деярли ҳал қилиб бўлмайдиган муаммолар ишлар бўлади. Аммо на илож, биз Аллоҳ иноятига умид бинади ўз ўтмишимиизни билиш учун астойдил уринсак, ажаб иман, яширин ҳақиқатлар бироз ойдинлашса.

Биз зардуштийлик деб ўрганган эътиқод тизими асл ман бада “Мазда ясна даэна” (Маздага сифиниш дини) деб атала ган. “Мазда” сўзи “билим”, “билимдонлик”, “донолик”, “донишманд”, “оқил” маъноларига тўғри келади. Бу сўз олдига “Ахура” (“парвардигор”, “бутун борлиқнинг эгаси, хукмрони”) сўзи қўшилса — Ахура Мазда исми ҳосил бўлади. Шундай қилиб, “олий, илоҳий билимлар эгаси” маъноси даги Ахура Мазда “Маздаясна” динида ягона тангри, борлиқни яратувчи қудратли зотнинг номланишидир.

IX асрда тузилган “Авесто” шарҳига оид “Денкарт” китобида баён этилишича, қадим замонда Наврўз байрамига тайёргарлик кунларида муқаддас хаома ичимлиги тайёрлаётган коҳинлардан бири Зардушт саҳар палласида дарё ёқасига сув олиш учун тушади. Шу пайт дарёning ўртасида нурли сиймо — Ахура Мазданинг Воху Маана (Эзгу фикр) исмли малаги пайдо бўлади. Воху Маана Зардуштни етаклаб Ахура Мазда хузурига олиб боради. Борлиғи эзгу нур билан йўғрилган Ахура Мазда замину осмондаги барча эзгу нарсаларнинг яратувчиси эканини Зардуштга билдиради. Одамлар орасида Ахура Маздага сифиниш эътиқодини ёйишга Зардуштни масъул қилиб, уни “пайғамбар”, яъни хабар етказувчи қилиб танлаганини эълон қиласди.

Бу тасвир асосида бир қатор тадқиқотчилар “Мазда ясна” дини ваҳий орқали билдирилган ilk самовий эътиқод бўлса керак, деб тахмин қилмоқдалар.

Зардушт яшаган даврда ажоддларимиз ҳали ёзувга эга эмас эдилар. Зардушт Ахура Мазда пайғамбарлигига мушарраф бўлиб, у ҳақида, унинг дини ҳақида турли қавмларга хабар етказган замонларда ўша даврнинг турли қабила ва уруғ маъбулларига бағишлиланган мадҳия-алқовлар, афсун ва асотирлар кенг тарқалган бўлган. “Авесто” китобини тўлалигича Зардуштга нисбат бериш дуруст эмас. Асли “Авесто” таркибида бевосита Зардушт номи билан боғлиқ матнлар “Ясна” китоби таркибига киритилган 17 қўшиқдан иборат “Гоҳ”лар бўлиб, илмий адабиётларда уларни “Гате” ёки “Госе” ҳам дейишади. “Госе” сўзининг сўнгти ундош товушни ўта юмшоқ тиши оралиги, тил олди сирғалувчи товуш бўлиб, талаффузи инглиз тилидаги th ҳарфлари билан ифодаланувчи товушга яқинидир. Бу товуш тилнинг тарихий ривожида кейинчалик ҳарфи билан ифодаланувчи товушга айланган

Буғунги кундаги “дугоҳ”, “сегоҳ”, “чоргоҳ” атамалари таркибида учровчи “музиқий оҳанг”, “кўшиқ” маъносига мос бўлғанчи “гоҳ” тушунчаси ўша қадимги “госе”дан келиб чиққандир. Зардушт “гоҳ”лари мадхия ва панд йўсинидаги муғуллардан иборат бўлиб, “Авесто” таркибидаги “Ясна” тартибининг 28—34, 43—51 ва 53-бобларини ўз ичига олади. Агар асосан Ахура Мазда динини тарғиб этишга багишланган

“Гоҳ”ларда Ахура Мазда ваҳийси билан тинч-осойишта тутувчиликка қаратилган ҳаёт, оқил ва адолатли ҳукмдор мадхимолиги, ижтимоий ва маънавий уюшиш ғоялари таш-шит, ўтилади. Турли хурофотлар, ёлғон ва талончилик, худати ҳуда ҳайвонлар қонини тўкиб, қурбонликлар ўтказиш қатни, қораланади. Ҳар бир қабила, ҳар бир уруғ ўзи ўйлаб сизиган ёлғон маъбудаларга сифиниб, бефойда қурбонликлар таркириб юрган бир пайтда, Ахура Мазданинг якка-ягона таркиардигор, Борлиқнинг донишманд, одил ва оқил мутакқи яратувчи ва идора этувчи эканини эълон этиш, инсон-ирини ягона тангрига эътиқод этишга чақириш илк бор инсонни қўйини илоҳий нур ёритганлигининг далолати бўлиши тумкин.

Агар Зардушт инсоният тарихидаги минглаб пайғамбар-тариининг биринчиларидан бўлган бўлса, унинг тақдири ҳам шундай қадим даврларда ўтган ўзга набилар ҳаёти сингари муғуллаб ва мashaққатли бўлди. “Гоҳ”ларда Зардушт ўзи бунга ишора этади:

*Бошим олиб қайга кетай, қайдан топай паноҳ,
Ўз қавмимда тан олмаслар, қувлар уруғдошларим...*

Умуман “гоҳ”ларда ҳаётий воқеа — ҳодисаларга ишора-тари жуда кўп. Уларда уй ҳайвонларини, моддий неъматларни таркириш тарғиботи жуда изчил бўлиб, табиат бойликланни нест-нобуд этиш, талончилик, инсон меҳнатига бепишилик ёвузлик сифатида талқин этилади. Ҳамма ёвузлик-тариининг боши ёлғончилик ва бебошвоқ ҳаётдадир.

Бу давр, тарих нуқтаи назаридан, милодий Эрадан бир тақида минг йиллар илгари башарият маданий-маънавий такошида юз бера бошлаган эврилиш билан боғлиқ бўлиб, табиатидой уруғ-жамоалар ўрнига илк суформа дехқончилик

ва хонаки чорвадорлик заминида шакллана бошлаган илк шаҳар маданияти, давлатчилик асосларининг вужудга келиши, яхлит мафкуравий тизимга эҳтиёж туғилиши каби ҳодисалар билан бевосита алоқадордир.

Зардушт таълимотининг ахлоқий қарашлари ниҳоятда ибратлидир. Маздаясна эътиқодига амал қилган ҳар бир инсон ибодат олдидан қуидаги ният сўзларини баралла овозда айтмоғи лозим эди:

“Кувонсин Ахура Мазда, энг лойиқ Ҳақ таолонинг иродаси рӯёбга чиқиб, Ангра Майню даф бўлсин. Эзгу ўй, эзгу сўз ва эзгу амални алқайман. Ўзимни буткул эзгу ўй, эзгу сўз ва эзгу ишларга бағишлайман. Қабиҳ ўй, қабиҳ сўз ва қабиҳ ишлардан юз ўтираман... Ҳақни шарафлаб дейман: “Ҳақиқат олий неъмат, бу неъматдан ул киши баҳраманд ва савоб унга бўлғайки, у агар энг эзгу Ҳақ йўлида савоб ишдан қолмаса”. Маздага сифинаман, Зардушт ёвлари бўлган девларга ёвман. Ахура Мазда сўзига даъват этаман, деб имон келтираман... Нурафшон Ахура Маздага сифинишим туфайли унинг севинчига топинчу ҳамдларим, суюнчу олқишлирим бўлсин. “Эзгуликда беназир эгам... ” дея бошлайман ушбу ибодатимни... ”

Зардушт даврида “Авесто” китоби бирор бир тартибга солиб йиғилганмиди, бунинг аниқ жавоби йўқ. Ҳар ҳолда Зардушт ягона Ахура Мазда номидан пайғамбарлик қилгани, фақат унинг хабарини элга ёйишга урингани эътиборга олинса, дастлабки таълимот кейин шаклланган “Авесто”дан фарқ қилган, унинг таркибидаги муқаддас дуо ва такбирлар ёлғиз Ахура Маздага бағишланган бўлиши керак.

Зардуштдан кейинги асрларда унинг таълимоти ёйилган юртларда маҳаллий элатлар, қабила ва уруслар орасида тарқалган асотир тасаввур асосидаги мушриклик унсурлари, ҳар бир элатта хос ибтидоий маъбудаларга топиниш хурофий анъаналари аста-секин Маздаясна эътиқоди билан муросага келтирилган. Натижада соғ якка худолик тизими қобигига қадим хурофий маросим ва удумлар ҳам жойлаша борган. “Авесто” китобининг такомил йўли ушбу жараённи бутун ички мукаккаблигида акс эттирувчи зиддиятли ва кўп қатламли асотир тасаввурлар ва ягона тангрига эътиқоднини қоришиқ ифодаси сифатида намоён бўлади. Бу ҳақда илмий адабиётда В.А. Лившиц, С.Н. Соколов сингари таникли мутахассис олимлар ҳам фикрларини баён қилишган.

“Авесто” китобида ўз аксини топган ғояларни дуалис-тие талқин қилиш ҳам фанда кенг тарқалган. Бунга маълум парижада “Ясна” китобининг 30-бобидан ўрин олган фанда “хлоқий дуализм” деб номланувчи инсонлар оламига хос ғашлилик ва Ёмонлик орасидаги кураш тасвири ҳам сабаб бўлган, дейиш мумкин. Кейинчалик, милодий III асрда яшади Моний зардуштийликни ушбу руҳдаги талқинига ургу бўриб, ўзининг машҳур монавийлик бидъатини яратди. Унга ғура бу олам икки асос, икки ибтидо, яъни ёруғлик ва зулмат, яхшилик ва ёмонлик орасидаги тўхтовсиз курашдан иборатдир. Моний Ахурамазда (Хурмуз)ни ёруғлик ва яхшилик илоҳи, Анграмайну (Ахриман)ни зулмат ва ёмонлик илоҳи деб талқин қилади ва улар ўртасидаги кураш абадий чном этади, деб ҳисоблайди. Авестонинг баъзи жойларини шоҳий учлик руҳида талқин қилишлар ҳам учраб туради.

“Авесто” китоби дастлаб 12 минг ошланган бузоқ тёри-шия ёзилганларни ҳақида маълумотлар борлигини эслаб ўтдик. Унда қадим китобда 1200 боб (фрагард) мавжуд бўлиб, қадим юнон тарихчилари хабар беришича, 2 миллион мисра (сатр)ни тақиқил этар экан. Бу китобнинг бизгача яхлит етиб келишига Искандари Мақдумий истилолари монелик қилди. Ривоят-шарига кўра, Искандар китобнинг бир нусхасини Юонга ғунатиб, қолганларини ёқиб юборган. Кейинчалик арша-нийлар шоҳи Валаҳш “Авесто” китобининг коҳинлар ёдида ғонган барча қисмларини тўплаб, асл матнни тиклаш ҳақида фурмойиш берган. Сосонийлар сулоласининг асосчиси Ардашер Попокон (227—243) даврида донишманд вазир коҳин Гансур раҳбарлигида “Авесто” матни қонунлаштирилган. Ардашернинг ўғли Шопур (243—273) ушбу китобга кирмай ғонган илми нужум, тиб, риёзиёт, фалсафага оид қисмларни тўплаб, қайта кўчиритирган. Кейинги шоҳлар даврида матнни бир неча марта бойитиб кўчирилган. Ушбу иккинчи қайта ғонги илган матн — “Денкард” китобида берилган маълумот-шарига кўра, 348 бобни ўз ичига олувчи 21 китобдан иборат бўлган. Ҳар бир китоб “наск” деб аталган. “Денкард” китобида ушбу ҳар бир китобнинг мавзуу ва мазмуни қисқача бен ўтилган. Жумладан, 1-наск — саховат, валийлик, савоб ғашлиарнинг мазмун ва моҳияти; 2-наск — диний маросим ғашлиари; 3-наск — Маздаясна эътиқоди моҳияти ва ақида-шариги; 4-наск — оламнинг яралиши, фано ва бақо, руҳлар-

нинг қайта тирилиши, қиёмат; 5-наск — самовот, осмоний жинслар, 6-наск — покланиш қонун-қоидалари; 7-наск коҳинлар ҳаёти тартиб-интизоми; 8-наск — ҳуқуқий маса лалар; 10-наск — Виштаспнинг шоҳлик замони, унинг Зардушт даъватини қабул қилиши; 11-наск — башарият тариҳи; 12-наск — Зардуштнинг эзгу ишлари ва болалик даври; 13-наск — ҳар бир ишда адолат, ўзгалар ҳақидан кўрқини, тош-тарози ўлчовида ҳалоллик, авлиёлар тарихи; 14-наск адлиявий ва ҳарбий қонунлар, никоҳда қондошликка қарши қонунлар, дин аҳкомлари; 15-наск — коҳинлар таълими, мунажжимлик ва фолбинлик; 16-наск — мулк ва оила ҳуқуқи; 17-наск — девлар ва жинларга қарши амаллар, расм русум, таҳорат ва бошқа покланиш қоидалари (ушбу қисм мавжуд “Авесто” матнида “Видевдат” аталувчи бутунгача тўлиқ етиб келган китоблардан бирининг мазмунини ташкил этади); 18-наск — руҳнинг у дунёдаги “саргузаштлари” хусусида бўлиб, 19-наск — Ахура Мазда ва унинг олти улуғ фариштаси — ўлмас муқаддас малоикалар шаънига алқовлардан иборат. Ушбу 21 китобнинг умумий ҳажми олимлар ҳисоблашига кўра 345700 сўздан иборат бўлган.

Араблар босқини натижасида бу кейинги йигилган китоблар ҳам йўқ қилинган. Ҳозирги кунда фақат “Видевдат” (“Девларга қарши амаллар”) наски тўлигича ва яна бир неча китобдан айрим қисмлар сақланиб қолган. Бу мавжуд матн 4 китоб, 140 боб, 83000 сўздан иборат бўлиб, сосонийлар даври матнининг бор-йўғи чорак қисмини ташкил этади. Ушбу асарнинг бизгача етиб келган энг қадимги қўлёзмаси 1278 йилда кўчирилган.

“Вендидад” (Ўрта форс тилида “Видевдат”, “Авесто” тилида “Ви даево датем”) китоби 22 боб (фрагард) бўлиб, унинг биринчи боби юқорида санаб ўтилган ўлкалар таърифидан иборат, яъни ўзига хос Авесто жўрофиясини ташкил этади. Иккинчи бобда афсонавий подшоҳ Жамшид (Йима Хшайта) ҳукмронлигига ўтган башарият тарихи асотир та-саввурларга биноан баён этилади. Учинчи боб деҳқончилик, хонаки чорвадорлик, оила, покиза ҳаёт, оловни улуғлашти бағишланган. Бу боб Ахура Маздага саволлар ва унинг жавоблари асосига қурилган.

Унда, масалан, Зардушт шундай савол беради:

— Эй, моддий оламнинг яратувчиси! Ер юзида қайси ўлка сенга энг мақбулдир?

Ахура Мазданинг жавоби:

Қаерда тақводор инсон ўзига оила курса, унда олов сут, аёл ва фарзандлар, чорва бўлса, ўша ўлка мақбул шир, бундай ўлкада чорва ҳам мўл, аёл ва фарзандлар ҳам ўл, олов ва турли неъматлар ҳам, озуқа ва итлар ҳам мўл, тақвадорлик ҳам ортиқдир. . .

Эй, Зардушт Спитама! Қаерда галла, ўт — ўланлар, емиш туни турли сабзавот ва мевалар кўп етиштирилса, кўриқ орнилар сугорилиб, ботқоқликлар қуритилса, қўй ва моллар ўни боқилса, улар гўнги ерга (тупроққа) солинса, ўша ўлка шиг мақбул ўлкадир. Кимки ерга, эй, Зардушт Спитама, шиг ва чап қўли билан ишлов берса, ўша, дарҳақиқат барака ишади.

Севгувчи эр ўз маҳбубаси-аёлинни юмшоқ ўринда қанганий оркалаб, унга ўғил ё бошқа фарзанд бахш этса, дехқонининг срга ишлов бериши ҳам шунга ўхшашидир.

Шунда ер унга айтади:

Эй, инсон, сен мени ўнг қўлинг ва чап қўлинг билан парвариш этсанг, чап қўлинг ва ўнг қўлинг билан ишлов берсанг, мен сенга мўл ҳосил ва турли неъматлар етказиб бўлмайман.

Ким агар бу ерга ишлов бермаса, эй, Зардушт Спитама, шиг ўнг қўли ва чап қўли билан ерни парвариш этмаса, ер унга айтади:

Эй, инсон, сен менга парвариш бермас экансан, билан агадул-абад ўзгалар эшиги олдида саргайиб, тиланиб туринчилар қаторида бўласан, сенинг олдингдан эртаю кеч тарни таомларни олиб ўтишади (сен эса қараб қола беради). . .

Ким галла экса, у тақводорлик уругини экади, галлани шеб янчишга тайёрлашганда, девларни тер босади, тегиринни ун тортишга ҳозирлашганда, девлар тоқати тоқ бўлали, утидан ҳамир қоришга киришганларида, девлар зор қақшаб фойид чекишидади, ҳамирдан кулча ясад, тандирга ёпишганни, цевлар даҳшатдан уввос тортишади”.

Бу китобнинг қолган боблари покизалик, гуноҳ ва сабоб, ҳалол ва ҳаром масалаларига багишлиланган бўлиб, улар тагорида оловни, сувни, тупроқни уй ҳайвонлари, турли ташрахт ва ўсимликларни улуғлашга багишлиланган дуолар ҳам ташжуд. Маздаясна динида покизалик масаласига алоҳида

эътибор қаратилади. Масалан, “Вендида”нинг 17-боби тўлиғича соч ва тирноқлар парваришига бағишланган. 18-бобли Ахура Мазда хабарчиси Суруш ва унинг қуши ҳисобланмиш хўрзга алоҳида эътибор қаратилган. 19 — бобда ёвузлик даҳоси, девлар ҳукмдори Ангра Майнюнинг ёлғончилик дени Друж (ҳозирги форс тилида “дуруғ”-ёлғон демакдир) ёрда мида Зардуштни йўлдан оздириш ёки ўлдириш учун ури нишлари тасвир этилади. Зардуштга Ахура Мазда мадад бе ради. Чексиз замон тимсоли Зурван (Зрвана акарана)га муножот ҳам ушбу бобдан ўрин эгаллаган. Ушбу бобда вафои этганлар руҳи Чинвад кўпригидан ўтиши жараёни тасвирла нади. Ёвузлар руҳи бу кўприқдан ўта олмай тубсиз зулматни кулайди, тақводор инсонлар руҳи эса Чинвад кўпригидан эсон-омон ўтиб, Хара тогига Гаронмана маконига етишади лар. 20-бобда энг биринчи табиб — Трита ҳақида, 21-бобда эса муқаддас ҳўқиз, булутлар, күёш, ой, юлдузлар, бепоён ёғду ҳақида мадҳиялар, 22-бобда Ахура Мазданинг Ангра Майнюга қарши жангига ва Зардуштнинг бу курашдаги иш тироки ҳақида гап боради. Иккинчи сақланиб қолган китоб “Висперед” (ўрта форс тилида Виспарт, “Авесто” тилида “Висператаво”-“Барча қудрат эгалари”) дейилади. Унда “карде” (“Авесто” тилида “керети”) деб аталувчи 24 боб мавжуд бўлиб, тўлиғича дуолар китобидир. Бу китоб бирмунча кейин “Авесто” таркибига кўшилган деб тахмин қилинади. Учинчи китоб “Авесто”нинг энг катта қисми “Ясна” бўлиб, 72 бобдан иборат. Аввал ҳам айтиб ўтганимиздек, ушбу китоб нинг 28—34,47—51 ва 53-боблари Зардушт “Гоҳ” ларидан иборат бўлиб, илгари улар бошқа китоблар таркибида бўлгани тахмин этилади. Зардушт “Гоҳ”лари “Авесто” таркибидаги энг қадимги қисмлар экани уларнинг тил хусусиятларига кўра ҳам аниқдир. “Авесто” яхлит китоб ҳолига келтирилган пайлардаёқ, ушбу “Гоҳ”лар тилини тушуниш ҳатто “Мазда ясна” дини коҳинларига осон бўлмаган.

Зардушт “Гоҳ” ларидан бирида башарият тарихи уч давр га бўлинади: 1-давр — ибтидоий тузум бўлиб, ер юзида эзгулик ҳукм сурган, инсонлар гуноҳ нима билмаганлар. Аммо Вивахвант ўғли шоҳ Йима (Жамшид) “одамларнинг кўнглини олмоқ учун” уларга гўшт ейишни ўргатган. Шундан сўнг 2-давр — эзгулик ва ёвузлик аро аёвсиз кураш даври бони ланган. 3-давр — келажак бўлиб, эзгулик ёвузлик устидан фалаба қозонгач бошланади.

Зардушт таълимотига кўра инсонлар ўз амаллари билан ишуллик ғалабаси учун хизмат этмоқлари керак, ёлғон-ёвузлик кучларига кескин зарба бермоқлари лозим.

“Ясна” китобининг бошқа боблари асосан курбонлик пайтида ўқилувчи дуолар, турли эзгу зотлар шаънига мадҳиялар, маросим дуолари, муқаддас хаома ичимлиги ва эзгулик хабарчиси Суруш, сув руҳи —Ардвисура Анахита ва олов руҳи Атарни мадҳ этувчи, ёвуз руҳлар-девларни ҳайдовчи дуолардан ташкил топган. “Ясна” боблари “Ҳа” деб ишләди. Улар орасида “Ясна хапта хатай” (етти боб Ясна) деб номланувчи қисм мавжуд бўлиб, бу 7 боб Зардушт “гоҳ“ларига тенг тутилади. Ундан муқаддас ҳўқиз руҳи ва унинг яратувчисига аталган мадҳиялар ҳам жой олган. “Ясна” китобининг баъзи боблари бир-бирини маълум даражада таккорлайди.

Тўртингчи китоб — “Яштлар” деб аталади. Ундаги ҳар бир боб (“яшт”) алоҳида бир маъбуд ёки маъбудага (“йа-шт”, форсча “йазид” сўзи шундан; “ясна” сўзининг ҳам келиб чиқиши “яз” ўзагидан бўлиб, бу ўзак “сажда”, “таълим”, “топинч” маъноларига эга, яъни “йазид” ёки “йазат” нинг асл маъноси “топиниш объекти”, “маъбуд” бўлиб чиқади) бағишлиланган мадҳия — алқовлардан (“яшт” — “алқон”, “мадҳия”) тузилган бўлиб, жами 22 бобдан иборат. Ҳозирги пайтда Эронда, ҳижрий қуёш ийлидаги қатор ой номлари ушбу бобда тилга олинган маъбудлардан баъзиларининг исми билан аталган. Масалан, Мехр (Митра — нур фариштаси), Тир (Тиштрия — Муштарий юлдузи), Обон (Ардвисур Анахита — сув фариштаси), Фарвардин (тақвадорлар руҳи — фравашай сўзидан).

Бу номлар билан аталган маъбудалар 5,8,10,13-“яшт”-ларда мадҳ этилади. Бундан ташқари Хурмуз (Ахура Мазда), қуёш (Хуршид — Хваршет), Ой (Моҳ), Суруш, Баҳром (Варихран—Вертрагна—чақмоқ фариштаси), Хома (муқаддас ичимлик) ва бошқаларга бағишлиланган алқовлар (тимнлар) ҳим ушбу тўпламдан ўрин эгаллаган.

“Авесто” ҳажми катта китоб бўлғанлиги сабабли коҳинлар кундалик фаолиятида фойдаланиш учун кейинчалик унинг иҳчамлаштирилган шакли — “Кичик Авесто” (Хурде Авесто) яратилган.

Хуллас, “Авесто” китобида жамланган билимлар тош ас-

рининг охирги босқичи ва бронза асри даврида, яъни 5 минг йилдан ошиқ давр ичиди Туонзамин ва ҳозирги Эрон, Афғонистон ва Ҳиндистоннинг шимолий ўлкаларида истиқомат қилган турли элат ва халқлар яратган бой ва ранго ранг маънавий меросни ўзига хос бир яхлитлик ва шу билан бирга ички мураккабликда акс эттирган бўлиб, минг афсуски, унинг жуда кўп қисми биззача ўша даврлардаги мукаммалигида етиб келмади. Искандари Мақдуний истилолари, араблар босқини бу ўринда ҳалокатли таъсир қилди. Аммо бу бой мерос ўша қадим даврлардаёқ дунёнинг турли халқлари маданий тараққиётига катта таъсир кўрсатгани бу гунги кун илмiga сир эмас. Айниқса, қадим юнон маданияти (фалсафаси, адабиёти, илми) бу таъсирдан баҳраманд бўлганилигига кўплаб гувоҳликлар мавжуд.

Искандардан кейин Туонзамин халқлари маданияти эллинизм унсурлари (юнон маданияти билан Шарқ маданийтининг синтези), буддизм, христианлик (кўпроқ, насрорнийлик қиёфасида), Ҳиндистон ва Хитойдаги бошқа турли эътиқодлар билан танишди. Маздаясна эътиқоди билан бაъзи бошқа қарашлар таъсири остида милодий аср бошларида монавийлик таълимоти юзага келди ва минтақада кенг шуҳрат қозонди. Сосонийлар даврига келиб зардуштийлик яна янгидан буюк бир империянинг дини сифатида ҳукм сурди, янги муҳитда ривожланди, баъзи жиҳатлари янгиланди. Ҳақиқатни тан олиш керак, бизнинг бугунги қўлимиздаги маълумотлар Сосонийлар даври ёзма ёдгорликлари орқали етиб келгандир. Бу даврда “Авесто”нинг барча сақланиб қолган қисмлари ўрта форс (ёки паҳлавий) тилига таржима қилинди, илмий, диний ва бадиий адабиётда “Авесто” матнлари кенг истифода этилди. Араблар Хуросон ва Мовароуннаҳрни эгаллаганларидан сўнг, кўпчилик ислом эътиқодини қабул қилганда ҳам зардуштийлар Самарқандда, яна бошқа баъзи жойларда яшаб келдилар, ўз эътиқодларидан қайтмадилар. Фақат мӯғул босқини Ўрга Осиё ҳудудидаги зардуштийлик жамоаларига тўлиқ барҳам берди, дейиш мумкин. Ҳозир зардуштийлик эътиқодини маҳкам туттганлар, асосан, Ҳиндистонда “парслар” номи билан жамоа бўлиб яшайдилар. Эроннинг жануби-шарқида ҳам анча-мунча бор, деб ҳисобланади. Уларнинг кўпчилиги “Авесто”ни, албатта, мустақил мутогола қила олмайди. “Авесто” матнларининг талқини тўлиқ

ҳолда коҳинлар тоифаси қўлида. “Авесто”ни ўрганиш ислом шаврининг биринчи босқичида анча кенг йўлга қўйилган ёди. Тарихчи Масъудий, Ибн Балхий, Табарий, Беруний ва бошқалар бу китоб ҳақида тайинли маълумотлар келтиришни.

Янги давр Европасида бу китобни ўрганиш XVIII асрдан (ошибландинг) ва толмас француз тадқиқотчиси Анкетиль Дюперрон (1731-1805) “парслар” орасида неча йил юриб, “Авесто” тилини ўрганиб. “Авесто”нинг мавжуд китобларини француз тилига таржима қилди ва бу таржима 1771 йилда босилиб чиқди. Ўша даврдан бери бу масалани Европа олимларида П. Бартоломе, Родэ, Р.К. Раск, Г. Риттер, Э. Бюрнуф, Весторгород, Ф. Шпигель, Ф. Юсти, С. Дехарле, В. Гейгер, П. Рог, Бенфей, Фр. Виндишман, Х. Бартоломе, М. Хауг, К. Гельднер, И. Дармстетер, Е. Бенвенист, Ф. Альтгейм, И. Гершевич, Н. С. Ниуберг ва бошқалар, парсларнинг ўзларидан шикқан бир қатор олимлар, қатор рус шарқшунослари, жумандан, Вс. Миллер, К. Коссович, К. Залеман, А. О. Погодин, В. А. Рагозина, В. В. Струве, С. П. Толстов, Е. Э. Бертельс, Е. Й. Маковельский, С. Н. Соколов, И. С. Брагинский ва бошқалар ўрганиб келишди. “Авесто” китобининг илмий-тадқиқидий матнлари ва бир қанча Европа тилларига таржималари босилиб чиқди. Аммо бу ҳақдаги баҳслар ҳануз тишинган эмас.

Хуллас, “Авесто” китоблари мажмуи исломгача бўлган миғаниятимиз ва маънавиятимизнинг ҳолатидан бизни анча мукаммал хабардор қилувчи ёзма манба сифатида бекиёс ҳийматга эгадир ва биз уни жиддий тадқиқ ва таҳлил этмошимиз жуда зарур. Фақат ундаги баён ва услубнинг ниҳоятда ўтига хослигини унутмай, бу матнлар дастлаб яратилган давр муҳини тўғри идрок эта билмоғимиз тақозо этилади.

3. Тарихан биринчи зиёлилар — пайғамбарлардир. Чунки улар ўз даври ижтимоий муҳити шароитида муайян устозлар тураббийлигига муайян матнларда битилган мунаzzам бишумлар тизимини ўзлаштириш имконига эга бўлмаганлар. Уларга Олий ҳақиқат сирлари бевосита ваҳий тарзида нузул итди. Минтақамиз анъаналарида Мухаммад (с. а. в.)гача неча минг наби ва расуллар, юзлаб илоҳий китоб ва сухуфлар нозил бўлгани қайд этилади.

“Авесто”да тош асли маънавияти унсурлари акс этгани-

ни кўрдик. Аммо бу китобда улар асотир кўринишида акс этган ўтмиш хотиралари, холос. “Авесто” маънавиятининг асл моҳияти уларда эмас. “Авесто” китобида аждодларимизнинг неча минг йиллик маданий мероси ўз аксини топган. Аммо унинг яхлит тизимга уюшви, бизгача етиб келган асос моҳияти Зардушт номи билан боғлиқ. Зардушт “гоҳ”лари неча минг йиллар давомида уни табаррук тутган инсонлар томонидан илоҳий ваҳий, деб тан олиб келинди. Бугун бу ҳақда аниқ бир нарса дейиш имкондан ташқари. Куръони каримда Зардушт пайғамбар сифатида, “Авесто” ёки унинг узвий бир қисми илоҳий китоб сифатида эсга олинмаган. Аммо шуни ҳам алоҳида қайд этиш лозимки, илоҳий китоб да Зардушт ёлғон пайғамбарлар сифатида фош этилган эмас, “Авесто” ҳақида ҳам маҳсус раддия билдирилмаган. Ушбу сир ёлғиз Аллоҳга аён. Биз эса ақлнимиз етган даражада мулоҳаза юритамиз.

Ҳар қандай бўлганда ҳам Зардушт “гоҳ”лари “Авесто” матнининг умумий руҳидан маълум даражада фарқ қилиши аллақачон ушбу соҳа билимдонларининг дикқатини тортган. “Авесто” матнларининг кўпчилик қисми, юқорида айтиб ўтганимиздек, инсоният онги такомилида асотир тафаккур босқичини акс эттиради. Зардушт “гоҳ”лари эса тавҳид foяла-ри асосига қурилган, яъни олам ва коинотнинг ягона Парвардигоридан хабар беради, уни Олий ва муқаддас (аниқроғи, мутлақ) билим эгаси — Ахура Мазда деб улуғлайди. Щундан келиб чиқиб, иккинч босқич ибтидосида ҳақиқатда ҳам илоҳий калом (илоҳий нур) турган эмасмикан, деган тасаввур пайдо бўлади. Тош асли, ҳатто Бронза асли одами ҳам ўз-ўзидан Коинотни ҳис қилган, Коинот сирини ўша даврда англаб ета олган деб ўйлашга ақл бовар қилмайди. Зардушт “гоҳ”лари эса коинотдан, чексиз борлиқ ва унинг моҳиятидан сўзлайди, бир сўз билан айтганда, “гайб сири”дан огоҳ этади. Зардушт таълимоти қайси замонга, қай тарихий муддатга тўғри келади, деган саволга ҳануз бир хил аниқ жавоб йўқ.

Юқоридаги иловадан ҳам маълум бўладики, Қадим Юнон ва Рим маданияти вакиллари Заратуштрани ҳатто Троя урушидан 5—6 минг йил қадим ўтган деб ҳисоблаганлар. Дарҳақиқат, Зардушт “гоҳ”лари тил жиҳатидан “Авесто”нинг асотир тафаккур акс этган қисмидан қадимийроқдир. Бу

Зардуштнинг тафаккурда ўз замондошларидан бир неча аср тики минг йиллар илгарилаб кетиб қолганини англатадими ски “гоҳ”лар матни ваҳий бўлиб, Зардушт пайғамбарлик рутбасига сазовор этилганми? Бу саволларга жавоб топиш имкондан ташқари. Аммо бизнинг миңтақада милодий эрадан 3—4 минг йил илгари ҳозирги Туркманистон ҳудудида шаҳар жамоалари пайдо бўла бошланини археологларимиз далиллаб беришди. Туркманистон ҳанубида Намозгоҳтепа, Олтинтепа, Ўзбекистонда Сополлистепа, Жарқўтон ёдгорликлари бу илк шаҳар маданиятининг намуналариdir. Металлургиянинг қашф этилиши, тош қуроллар ўрнини мис ва бронза қуроллари эгаллай бошланши, тарихчилар шаҳодатига кўра, илк шаҳар жамоалари пайдо бўла бошлаган даврга тўғри келади. Бу босқичда ўтроқ дехқончилик асосида вужудга келган доимий манзилгоҳлар астасукин илк шаҳарлар даражасига қараб юксалиб борди. Шаҳирда хунармандчилик ривожланиб, турли касбдаги кишишарнинг алоҳида маҳаллаларга бирикуви юзага келди.

Миңтақамиз ҳудудидаги қадимшуносларнинг қашфиёт-шарига таянган ҳолда исломгача аждодларимиз маънавий камолотининг иккинчи босқичи бутунги кундан камида 4—5 минг йил илгари бошланиб, то Искандар Мақдуний замонигача ёки, аниқроғи, Эронда Ҳахоманишийлар (Ахмоний-шар) сулоласи империя тузган VI асргача давом этгани ҳақида ҳаммин қилиш мумкин. Бу босқич дунёни асотир тафаккур лирирасида яхлит тасаввур қила бошлаш даври бўлди. “Авесто” китоби ушбу тасаввурнинг меваси, ҳосиласидир. Бу даврни қадим Дажла ва Фурот дарёлари оралиғида (Месопотамияда) ҳамда Нил дарёси қуи оқимида қудратли ёзма тилданият яратилди, илк давлат тизими шаклланди. Ажлоидларимиз бир пайт ўша йирик давлатлар билан турли муносабатларга киришганлар. Улар яратган “Авесто” маданияти маънавий мазмунига кўра, шумер ва аккад тилларидан Бобил ва Ашшур давлатлари ҳудудида яратилган асотир маданияти ёдгорликларидан асло кам эмас, балки ортиқ бўлиши мумкин. Аммо, афсуски, Искандар Мақдуний босқични туфайли юртимизнинг энг қадимги ёзма ёдгорликлари шафқатсиз йўқ қилинди, бизгача мукаммал етиб келмади. Бизнинг бу давр ҳақида тасаввурларимиз “Авесто” ки-

тобидан бизгача етиб келган жузвлар (қисмлар), ўзга ўлкалар қадим ёзма маданият ёдгорликлари ичидаги маълумотлар ва археологик топилмаларни қиёсий ўрганиш натижасидагина шакл-ланиб бормоқда. Бу даврда илк шаҳарлар маданияти вужудга келди, турли ҳунарманд тоифалари ажралиб чиқа бошлади, яхлит эътиқод юзага кела бошлади, инсон илк бор Коинот нуридан бевосита баҳраманд бўлди. Асотир тафаккурни, қабилачилик хурофотларини енгиб ўтишга илк қадам — иккиланиш, тойишлар билан оғушта биринчи тепоя қадам — қўйила бошланди. “Авесто” китобида акс этган воқелик яхлит олганда кўпроқ шу даврга мос келади. Бу даврнинг энг буюк маънавий ютуғи илк бор, гарчи асотир тафаккур билан қоришиқ бир даражада бўлса ҳам боболаримиз руҳида **илем ва имон уйгунилиги** шакллана бошлагани, дейиш мумкин. Агар “Маздаясна”, “Ахура мазда” сўзларида яширинган маъноларни Куръони карим “Баҳара” сурасининг 255-ояти (“Оят ал-курси”) мазмуни билан маълум даражада мувофиқ келишига эътибор қиласидиган бўлсақ, ўша пайтда ҳам инсоний билимлар манбаи ёлғиз илоҳий боқий билим деб тасаввур қилинганини сезамиз. Аммо у даврлар одамининг аксарияти асотир тафаккур даражасида дунёни тасаввур қилганликлари сабабидан, Зардушт “гоҳ”лари (муножотлари)даги тав-ҳид foяла-ри мушриклик адашувлари билан қоришиб кетди.

“Маздаясна” эътиқодининг ахлоқий тамал тоши — “эзгу ўй, эзгу сўз, эзгу амал” бирлиги қоидаси ҳам шу даврдан келаётган яна бир улуф маънавий қадрият дейиш мумкин.

4. Миллий давлатларнинг шакллана бошлаши миллиатнинг шаклланиши билан бевосита боғлиқ ҳодиса. “Авесто” маданиятининг тугал шаклланиши милоддан илгариги VII—VI асрларда якунланган ва балки шу даврларда ёзма матнга кўчган бўлса эҳтимол. Ҳар ҳолда Искандар Мақдуний ўлкамизга келганда “Авесто”нинг тўлиқ ёзма матни мавжуд бўлганлиги турли қадим китобларда қайд этилади. Бизнинг минтақада илк давлатчиликнинг юзага келиши ҳам ушбу даврларгача бошланган бўлиб, “Авесто” матнларида илк давлатчиликка оид атамалар ва тушунчалар учраши бежиз эмас. Аммо “Авесто” китобининг тўлиқ шаклланиш даври бўлган бронза асли бошларида асосан, юқорида эслаб ўтганимиз, илк шаҳар-давлатлар мавжуд эди. Улар атрофида эса ҳанууз кичик уруф жамоалари, қабилалар алоҳида-алоҳида, гурӯҳ-

Гурух бўлиб истиқомат қиласдилар. Аста-секин ўзаро яқин жойлашган турли ўлкалар аро маданий, иқтисодий, сиёсий шлоқалар вужудга кела бошлиди. “Авесто” китобида Олий ғангри Ахура Мазда яратган ўлкалар Ариана Ваэжа (Хоразм), Гава (Суғдиёна), Моуру (Марғиёна), Баҳди (Боҳтар ёки юпонча шаклида Бақтрия), Нисая (Ниса — Парфия пойтахти), Ҳаройва (Ҳирот) ва бошқаларни санаб ўтилиши “Маздаясна” эътиқоди дастлаб тарқалган ушбу ўлкалар ягона маданий минтақа, кейинча Мовароуннаҳр ва Хурросон деб аталган сарҳадни ташкил этганлиги маълум бўлади. Шимолда Хоразмдан жанубда Шимолий Ҳиндистонгача, ҳозирги Эроннинг шимоли-шарқидан Фарғона водийси, Еттисув ўлкаси гача, ҳозирги Ўзбекистон чегаралари тўлиқ ушбу худуд ичидаги жойлашгандир. Ушбу минтақа миқёсида шакланган маданий-маънавий муҳит аста-секин ўз чегараларини кенгайтириб бориб, бутун Эрон ва Озарбайжонга тарқалди. Эрон худудида зардуштийлик эътиқодига таянган буюк империялар таркиб топди ва улар орқали бу таълимот Месопотамия (яъни Ҷажла ва Фурот дарёлари оралиғи, ҳозирги Ироқ ва Сурия, қадимги Бобил ва Ашшур), Арабистон ярим ороли, Кичик Осиё (ҳозирги Туркия, қадимда Византия), ҳатто қадим Юнон ва Рум (ҳозирги Италия) чегараларига етиб бориб, ўз таъсирини кўрсатди. Аммо Зардушт ғоялари қадим Юнондан илм-фаннынг ривожига хизмат қила бошлаган бир пайтда ғизнинг минтақа халқлари бошига кўп кулфатлар ёғилди. Аввало, Эронда салтанат ўрнатган Ахмонийлар (Ҳахоманишийлар — Куруш, Доро ва бошқалар) қадим Турон юртига кетма-кет босқинлар уюштирилар. Сўнг Юнонистондан Искандар Мақдуний лашкар тортиб келди. Иккинчи томондан, Хитой хоқонлари гоҳ жосус юбориб минтақа халқлари орасида низо чиқарар, гоҳ ўзи қўшин тортиб келиб, Шарқий Туркистон ва Фарғона водийларини босиб олишга уринар эди. Яъжуҷ-маъжуҷ (ёки жуан-жуан)лар шимолдан ҳужум уюштириб турардилар. Энди кичик шаҳар-давлатлар ёки эркин қабила иттифоқлари етарли бўлмай қолди, минтақа халқлари ўз кучли ва бирлашган империясини тузиш тикуратини ҳис қила бошладилар. Минтақадаги кичик давлатлар ўрнида милоддан олдинги III асрдан бошлаб хуннлар ҳирбий демократик иттифоқи, сўнгра Кушонлар империяси луиёга келди. Шарқий хунн ҳукмдорлари Хитойгача етиб

борган бўлсалар, Фарбда улар Баламир (374—400), Юлдуз (400—410), Аттила (434—453) каби номдор лашкарбошилар тимсолида бутун Рим империясини ларзага солдилар. Күшонлар империяси милодий эра бошларида ҳозирги Шимолий Ҳиндистон ва Турон ўлкаларини ягона худудга бирлаштиришга муваффақ бўлдилар. Бу икки йирик давлатчилик тажрибаси туркий халқлар иштироки билан бўлган бўлса, кейинроқ бориб туркий элат ўз мустақил империясини тузишга муваффақ бўлди. Миллатнинг ўз-ўзини англаб етиши шу тариқа амалга ошди. Милодий эранинг V—VI асрларидан бошлаб, гуллаб яшнаган пайтларида Қора денгиз бўйлари ва Дунай соҳилларидан то Жанубий Сибир ва Мўғалистон ерларигача, Волга бўйлари ва Ўрол тоги этакларидан ҳозирги Шимолий Афғонистонгача ҳукмини юритган Буюк турк хоқонлиги (ёки Кўк турк хоқонлиги — “кўк” бу ўринда “осмоний”, “муқаддас” маъноларини англатади) шаклланди. Бу улуг империя гоҳ юксалиш ва гоҳ таназзул даврларини бошдан кечириб, то милодий эранинг VIII асри бошларигача мавжуд бўлди. Ушбу даврда умумтурк адабий тили шаклланди, ҳарбий демократия қонунлари аста-секин барқарор давлатчилик қоидаларига айлана борди, маҳсус туркий ёзув ишлаб чиқилиб, бой адабий ёдгорликлар дунёга келди. Уларнинг жуда кўпчилиги бизгача етиб келмаган бўлиши мумкин, аммо етиб келганларининг ўзини олганда ҳам жиддий маънавий бойлик яратилганлиги ҳар қандай шубҳадан холидир. “Ўгузнома”, “Култегин битиклари”, “Тўнйукуқ битиги”, “Билка қоғон битиги” сингари йирик тарихий-бадиий асарлар ўша давр аждодларимиз тафаккур тарзи, орзуармонлари, маънавий камолот даражасини акс эттиради. Бизнинг назаримизда, ушбу тош битиклардаги энг муҳим мавзу Ватан ва миллат, мустақил давлатчилик гояларидир. Улар битик муаллифлари Йўллиғ тигин, Тўнйукуқ ва бошқалар қалбида юксак эҳтиросларни тудирган ва бу түғён уларни ўқиган бугунги китобхон дилига ҳам бундан 12 аср бурун қандай бўлса, худди шундай таъсир кўрсата олади. Будуннинг (яни, ўша давр тилида — халқнинг) бутунлиги, юртбошининг оқиллиги ва тадбиркорлиги, баҳодирлар шиддати ва шиҷоати бугунги кунимиз учун ҳам ибрат ва намуна бўлгулиkdir.

Ушбу битиклар мазмунидан туркий элат исломдан олди-

поқ яхлит бир халқ сифатида ўзлигини таний бошлаганини ойдин ҳис қиласиз ва ислом давридаги туркий сулолалар юксалишининг маънавий омиллар ва асосларга эга эканлиги аён бўлади. Бу пайтда туркий халқлар ягона Тангрига итиқод қилишган. 716—720 йиллар орасида ёзилган “Киник Култегин битиги” шундай шиддат билан бошланади:

*Тангри тоқ. Тангри инояти билан
Турк Билка қоғон бу ерга ўлтурдим.
Сўзимни тугал эшиштил.*

*Оға-иниларим, ўлоним,
Бирлашган улусим, будуним,
Ўнгдаги ҳоким, катта беглар,
Сўлдаги буйруқ тарқатувчи беглар,
Ўтуз
Тўқуз ўғуз беклари, будуни
Бу сўзимни яхшилаб эшиш,
Қаттиқла тингла.⁶⁵*

Бу сатрларни 716 йилда таҳтга ўтирган Билка қоғон номидан унинг жияни, буюк саркарда Култегиннинг набириси улуғ шоир Йўллуғ тигин (тигин – туркийда “шаҳзода” мінъосини билдиради) ёзмоқда. Бу Ватан ва миллат фидойиси ўз аждодлари, бобоси ва амакисининг шонли курашларига бағишлаб ёзган йирик марсия-достонларида миллат ва ҳизиқ бошини қовуштириш учун ўз ҳаётини тиккан баҳодир ин тадбиркор юрт улуғларини мадҳ этди, улуснинг бош манғлати, миллий давлатнинг етакчи фояси нима эканлигини срқин сатрларда ифодалаб берди:

*Турк будунини бириктириб,
Эл тутунмоғингизни бунда битдим.
Янглишиб парчаланишингизни,
Яна бунда битдим.
Не-не сўзим эса,
Мангу тошга битдим.
Уни кўра билинг,
Эндиғи турк будуни, беклар.⁶⁶*

Истеъдодли саркарда Култегин турли туркий қабилаларни ягона халқ сифатида бирлаштириш учун бутун умрини фидо қилди, Турк хоқонлигининг охирги ҳукмдорларидан бўлмиш акаси Билка қоғон салтанатини боболари бошқарган довруғли юрт ҳудудларида сақлаб қолиш учун тинмай турли бузғунчилик тамойилларига қарши аёвсиз жанглар олиб борди. Йўллуғ тигин буюк боболари тимсолида элни ватанга муҳаббат, миллатпарварлик руҳида тарбия қилишга интилади, юрт тинч, халқ ҳаёти фаровон бўлиши учун давлатни бошқарувчилардан, беклардан ва оддий аҳолидан қандай маънавий фазилатлар талаб этилишини улуғ хоқонлар давридан намуна келтириб кўрсатиб беради:

*Билка қоғон эрмиш,
Али қоғон эрмиш,
Буйруқчилари ҳам билка (бўлғон бўлса) эрмиш,
Али бўлған бўлса эрмиш.
Беклари яна, будуни яна тўғри эрмиш,
Шунинг учун анча қўй тутган бўлса эрмиш.*⁶⁷

Демак, ҳукмдорнинг асосий фазилати билимли, фаросатли, шу билан бир пайтда шижоатли ва мард бўлса, лашкарбошилар, амалдорлар ҳам шундай бўлса, беклар, оддий фуқаролар миллат ва Ватанга содик, тўғрисиз, гапи билан амали бир жойдан чиқадиган бўлса мамлакат юксалар, эл фарофатда яшар экан. Агар ҳукмдорлар элни ўйламаса, халқ тўғри йўлдан тойса, юрт хароб бўлиб, миллат ўзгалар асоратига гирифтор бўлар экан. Бу азалий ва абадий маънавий қадриятлар бугунги кунимиизда ҳам ўз долзарблигини сақлаб келаётгани Ўзбекистон Президентининг қатор асарлари ва маърузаларида ўз акс-садосини топиб келмоқда. Бундан 1300 йил илгари Йўллиғ тигин, Тўнйуқуқ каби миллат учун қайғурган шоирлари бўлган эл ўзлигини ҳеч қачон йўқотмайди, даҳрнинг минг бир балоларидан омон чиқиб яна юксалаверади.

Хуллас, асотир тафаккур босқичида уруғ жамоаси бўлади, қабилалар бўлади, қабилалар иттифоқи шакллана бошлайди. Аммо миллат тушунчаси бу даврдан анча кейин, мишлий давлат шаклланиши билан бир пайтда юзага келади. Масалан, “Авесто” китоби ёзилган тил бирор муайян мил-

латнинг тилига мос келмайди. Эронда Аҳмонийлар сулоласи хукмронлигининг ўрнатилиши минтақа тарихида империялар даврини бошлаб берди. Ўлкамиз халқлари бегона империя даъвогарларининг минг йиллик босқинчилик азобларини кўрди, ушбу курашлар мобайнида мустақил миллат сифатида шаклланиб борди, аввал хуннлар ва Кушонлар таркибида, сўнг мустақил миллат сифатида миллий давлатчиликни —Буюк Турк хоқонлигини вужудга келтирдилар. Бу даврда (V—VII асрларда) туркий адабий тил ҳам шаклланиди ва ушбу умумтуркий адабий тил ёдгорликлари бизгача тошбитиклар ва бошқа матнларда етиб келди. Миллатнинг ўз-ўзини англаб ета бошлагани, турли туркий элатларининг бир бутун халқ (“будун”) сифатида бирлашуви ҳаёт ва мамот масаласи бўлиб, юзага чиққанлиги ушбу матнлар мазмунидаги аниқ ифодалангандир. Туркий миллат ўз мустақиллиги учун, элатлар бирлиги учун курашда, аёвсиз жангларда шаклланиди.

Таянч изборалар: Миллий маънавият тарихий ҳодиса сифатигида, миллатнинг маънавий такомил жараёни, кўп ўлчамли икоёлик, миллий маънавиятимизнинг такомил босқичлари, ёзма манбалар ва археологик ёдгорликлар, халқ ижоди ва маросимлар, тарихий ҳақиқат ва афсоналар, қиёсий таҳдил, Фарҳоднинг Юнонга сафари, инсон маънавиятининг илк шаклланиш жараёни, Жамшид ҳақидаги асотир, инсон рухида Она табиатта меҳр уйғониши, яратувчилик меҳнатини улуғлаш, мулки Туронда илк шаҳар жамоалари, Зардуштнинг Ахурамаздага муножотлари (“гоҳ“лар — “Гате” ёки “Госе”) ва “Авесто” матнлари, Зардушт яшаган давр, Зардуштийликнинг ҳақиқий ватани, “Маздаясна” эътиқоди, ’Эзгу ўй, эзгу сўз, эзгу амал бирлиги, илм ва имон уйғулиги, хурофий анъаналар, Моний бидъати ва “ахлоқий дуализм”, миллатнинг ўз-ўзини англаб етиши, миллий давлатнинг шаклланиши, Буюк турк хоқонлиги (ёки Кўк турк хоқонлиги), турк будуни, умумтуркий адабий тил, Йўллифтигин, туркий битиктошлар, Ватан ва миллат, мустақил давлатчилик гоялари.

Тавсия этилувчи ва фойдаланилган адабиётлар рўйхати:

Асосий адабиёт:

1. Каримов И. А. Озод ва обод Ватан, эркин ва фаровон ҳаёт – пировард мақсадимиз. 8-жилд. Т. – “Ўзбекистон” – 2000, с. 462–474.
2. Каримов И. А. Биз келажагимизни ўз қўлимиз билан қурамиз. 7-жилд. Т. – “Ўзбекистон” – 1999, с. 132–154, 193–208.
3. “Авесто” яратилганининг 2700 йиллигини нишонлаш тўғрисида. (ЎзР Вазирлар Маҳкамасининг қарори.) Т., 29 март, 2000.
4. Абу Райхон Беруний. Танланган асарлар. 1-жилд. Қадимги халқлардан қолган ёдгорликлар. Т. – ”Фан” – 1968.
5. Авесто. Душанбе, 1990.
6. Алишер Навоий. Мукаммал асарлар тўплами. 8-жилд, Т., 1991.
7. Қаюмов А. Қадимият обидалари. Т., 1972.
8. Сулаймонова Ф. Шарқ ва Фарб. Т., 1997.
9. Ўзбекистон ССР тарихи (бир томлик) Т., 1958.
10. Древние обряды верования и культуры народов Средней Азии. М., 1986
11. Бойс М. Зороастрийци. Верования и обычаи. 2-издание. М., 1998.
12. Имомназаров М. С. Миллий маънавиятимизнинг тақомил босқичлари. Т., 1996.

Кўшимча адабиёт:

13. Аҳмедов Б. Тарихдан сабоқлар. Т., 1994.
14. Афросиаб (Вып. 1) Т., 1969.
15. Исҳоқов М. М. Халқ даҳосининг қадимги илдизлари ва илк куртаклари (Зардуштийлик, Зардушт ва “Авесто” ҳақида) //“Тил ва адабиёт таълими” журнали, 1993, №2.
16. Исҳоқов М. Унутилган подшоликдан хатлар. Т., 1994.
17. Басилов В. Н. Шаманство у народов Средней Азии и Казахстана. М., 1992. .
18. Восточный Туркестан в древности и раннем средневековье: этнос, языки, религии. М., 1992

19. Мифология Ближнего Востока. М., 1991.
20. Крамер С. Н. . История начинается в Шумере. М., 1991.
21. Гинзбург В. В., Трофимова Т. А. Палеоантропология Средней Азии. М., 1972.
22. Жирмунский В. М. Тюркский героический эпос. Л., 1974.
23. Каррыев Б. А. Эпические сказания о Кар-оглы у туркоязычных народов. М., 1968.
24. Муҳаммаджонов А. Қадимги Тошкент. Т., 1988.
25. Массон В. М., Сарианиди В. И. Каракумы. Заря цивилизации. Т., 1972.
26. Насимхон Раҳмон. Турк хоқонлиги. Т., 1993.
27. Ҳасан Ато Абуший. Туркий қавмлар тарихи. Т., 1993.
28. Ўлмас обидалар. Т., 1989.
29. Раевский Д. С. Модель мира скифской культуры. М., 1985.
30. Шишкин И. Б. У стен великой Намазги. М., 1977.
31. Дьяконов И. М. Люди города Ура. М., 1990.
32. Фрай Р. Наследие Ирана. М., 1972.
33. Стеблин-Каменский М. И. Миф. Л., 1976.
34. Стеблева И. В. Поэтика древнетюркской литературы. М., 1976.
35. Тайлер Э. Б. Первобытная культура. М., 1989.
36. Фрэзер Дж. Золотая ветвь. М., 1986.
37. Фрейденберг О. М. Миф и литература древности. М., 1978.
38. Эрматов М. Этногенез и формирование предков узбекского народа. Т., 1968.
39. Заблоцка Ю. . История Ближнего Востока в древности. М., 1989.
40. Я. Э. Голосовкер. Теория мифа. М., 1987.
41. Брагинский И. С. Из истории таджикской и персидской литературы. М., 1972.

**8-маъруза. ИСЛОМ МИНТАҚА МАДАНИЯТИ
ДОИРАСИДА МИЛЛИЙ
МАЬНАВИЯТИМИЗНИНГ ТАКОМИЛИ.
ИСЛОМ МИНТАҚА МАЬНАВИЯТИДА СУННА
БОСҚИЧИ**

ДАРС РЕЖАСИ:

1. Янги эра бошларидан жаҳонда ва минтақада маънавий янгиланиш заруратининг кучайиши ва тавҳид эътиқодининг шаклланиши.
2. VIII—IX асрларда ислом минтақа маданиятининг ташкил топиши.
3. Ҳадис илми ва мазҳаблар. Имоми Аъзам ва Имом Бухорий.
4. Шариат ва ислом ахлоқи. Минтақа маънавиятида Расуллулоҳ ибрати.
5. IX асрда илм ва маданият. Туркий тилда исломий шеърият.

1. Исломгача бутун башарият, жумладан, ўлкамиз халқлари жуда узоқ тарихий жараённи бошдан кечирдилар, бу юк маънавий камолот йўлини босиб ўтдилар. Аждодларимиз аввало табиат билан муносабатда маълум уруғ, қабила жамоаси таркибида ўзлигини англаб етган бўлсалар, сўнг минтақа миқёсига чиқдилар. “Авесто” маънавияти Ҳиндистоннинг “Веда” маданияти, қадим Шумер, Бобил ва Ашшур маданиятлари, қадим Юнон ва Рум антик маданиятлари моҳијатига монанд бўлиб, улар сингари тош асиридан бошлаб шаклланиб келган асотир тафаккур асосидаги маънавият эди, унда дунёни, атроф-муҳитни идрок этиш ўзига хос тарзда кечарди. Инсон маънавий камолотининг дастлабки босқичларида бу идрок тарзи анча-мунча ижобий аҳамиятга эга бўлган эса-да, кейинчалик унинг чекланганлиги, ички қусурлари билиниб қола бошлиди. Бу маънавий камолотда бўхрон ҳолатини юзага келтирди, минтақа халқлари тараққиётидан маънавий турғунлик хавфи пайдо бўлди.

Навоий тимсолларидан фойдаланиб таъбир этганда, аждаҳони енгиб ўтган Фарҳод олдида энди Ахриман — девни енгиш зарурати пайдо бўлди. Маздаясна эътиқоди асотир тафаккур қобигидан чиқиб кета олмади. Зардуштийлик Эрон-

да Сосонийлар даврида яна ҳукмрон дин бўлди. Пайғамбарамиз ҳазрати Мұхаммад (С. А. В.)га ваҳий тушган даврда қўим Сосонийлар кўхна ақидаларидан воз кечмадилар. Хусрав II Парвиз Расулуллоҳ даъватини рад қилди ва сулола таназ-иулини бошлаб берди.

Аммо аҳди башар онгида ўзгаришлар, янгиланишлар давном этар эди. Милоддан аввалги XVIII асрда ҳазрати Иброҳим алайхиссалом Зардушт сингари илк бора тавҳид нуридан баҳраманд бўлган бўлсалар, XIV асрга келиб ҳазрати Мусо Калимуллоҳ ягона Тангри инончини яхудий қавмига тарғиб қилди. Милодий эра бошларидан ҳазрати Исойи Масих (Руҳуллоҳ) ва ул зотнинг ҳаворийлари энди тавҳид эътиқодига бутун башариятни даъват эта бошладилар. Исо (а. с.) билан боғланган эътиқод 3 аср халқ орасида ёйилиб бориб, IV аср бошларида Византия императори улуғ Константин томонидан христиан дини сифатида расман тан олинді.

Турон ўлкасида асотир тафаккурнинг мутлақ ҳукмронлиги аслида қай давргача бўлғанлигини ҳозир айтиш қийин, аммо милодий эра бошланишидан анча илгариёқ бу ўлка халқлари тафаккурида янгиланиш бошланган эди. Искандар Мақдуний давридан Шарқ ва Farb маданиятлари ўтигулигининг ёрқин тимсоли — эллинизм йўналиши шакшишган бўлса, кейинроқ Маздаясна эътиқодини қайта ислоҳ қилиш орқали монавийлик бидъати вужудга келди. Кушонпар даврида Ҳиндистондан Будда эътиқоди тарқалиб, Византиядан насронийлар кўчиб кела бошладилар. Сибир ва Мұғалистон туркий халқлари Кўк тангри эътиқодини такомиллаштириб бордилар. Ўлкамизда миллий бирлик тамойини кучайиб бориши эътиқодлар хилма-хиллиги билан бир шайтга тўғри келди. Бундай мураккаб маънавий вазиятнинг қўим ижобий, ҳам маълум даражада салбий оқибатлари ўзини кўрсатмоқда эди. Ижобийлиги шунда эдикি, аждодларимиз онгидан асотир тафаккур унсурлари аста-секин сиқиб чиқарилиб, миллий тафаккур етакчи мавқега кўтарилиб борди. Салбий жиҳати шунда эдики, эътиқодда событлик, дунёни илроқ этишда яхлит тасаввурлар тизими йўқ эди. Эски асотир тафаккурнинг инсон онгидаги мутлақ ҳукмронлиги бой берилгач, фақат миллий бирлик, ягона давлатчиликка интилишгина маънавиятдаги умумийликни маълум даражада

сақлаб турар эди. Тан олиш керакки, бундай бўхронли ҳолат фақат бизнинг минтақага хос бўлиб қолмай, балки бутун аҳли башар қаршисида улуф бир маънавий янгиланиш эҳтиёжи бунёдга келганди.

Инсон дунёни, воқеликни, борлиқ моҳиятини тўлиқ ва тўкис, муайян ва равшан идрок этиши учун яна бир илоҳий иноят лозим бўлди. Инсоният ҳаётидаги бу улуф маънавий янгиланиш Арабистон ярим оролидан дунёга тарқалди. Жоҳилия (яъни исломдан аввалги давр) арабларини баъзан ялпи ибтидоий жамоа тузумида яшагандек талқин этишади. Бу тўғри эмас. Араб тили қадим Бобил ҳалқи аккадлар ва қадим яхудийлар тили билан бир гуруҳдаги қардош тиллардан бўлиб, шунинг ўзи араб ҳалқининг қадимиyllигига ишорадир. Жанубий Арабистондаги Яман ва Ҳадрамавт ўлкаларида миљоддан аввалги минг йиллик бошида ёзма маданият ва давлатчилик анъаналари яхши ривожланганлиги фанга маълум. Кейинги даврларда ҳам Арабистонда турли подшоликлар мавжуд бўлган. Фақат ўзгалар сингари араблар ҳам Куръони карим нозил бўлишидан олдин маънавий ва ижтимоий жиҳатлардан бўхронли ҳолатда эдилар.

Яна бир нарсани қайд этиб ўтмоқ лозимки, арабларда то VII асргача “Авесто” ёки “Ведалар” сингари мукаммал шаклланган асотир дунёқарашиб тизими мавжуд эмас эди, бу ҳолат, айтиш мумкинки, янги яхлит эътиқод тизимини қабул қилишни маълум даражада осонлаштиради. Аксинча, минтақада ва унинг чегараларида тавҳид таълимотига асосланган яхудий ва христиан эътиқодлари кенг тарқалганлиги ҳам бирмунча жараённи осонлаштиради. Ўша даврда араб қабилаларининг ҳолати туркий қавмларнинг Буюк турк хоқонлиги тузилишидан бироз олдинги аҳволига яқин бўлиб, улар олдида ҳам қабилачилик зиддиятларини енгигиб ўтиб, ягона миллий давлат тузиш зарурати рўй-рост кўриниб қолган пайт эди.

Аллоҳнинг охирги китоби Куръони карим 23 йил давомида (610-632) Макка шаҳридаги қурайш қабиласининг ҳошимийлар хонадонига мансуб Амин (ишончли) лақабли Мұҳаммад (салаллоҳу алайхи васаллам)га ваҳий орқали но зил бўлди. Мұҳаммад Расулуллоҳ охирги пайғамбар бўлиб, шу сабабдан бу муҳтарам зотни “Хотимат ун-наби”, яъни “Пайғамбарлар муҳри (ё охиргиси)” деб аташади. Мұҳаммад

(С.А.В.) илк оятлар нозил бўлганда 40 ёшда, уйланган, 3 йи шарини турмушга чиқарган эдилар. Аёллари Хадича (раниндоюху анҳо) ўша пайтда 55 ёшларда бўлиб, аввал бошилмоқ Пайғамбаримизнинг рисолатларига ишонч билан қарашилар ва ул кишини доимо қувватлаб турдилар. Биринчи тардан бўлиб ислом эътиқодига имон келтирганлар Пайғамбаримизнинг яқин дўстлари Абу Бакр, жиянлари Али ибни Абу Толиб, туғинган ўғиллари Зайд ва бошқалар бўлди. Аммо янги эътиқод Пайғамбаримизнинг кўпчилик яқин тариндошлари томонидан ҳам яхши қабул қилинмади. Амалиярининг кўпчилиги аввал қарши чиқишиди, улардан энг меҳрибони бўлмиш Абу Толиб бутун умри давомида жиянини ҳимоя қилган бўлса-да, ўзи ислом эътиқодига имон келтирмади. Абу Толиб ва Хадича онамиз вафотларидан сўнг Макка мусулмонлари анча қийналиб қолишиди ва Расулуллоҳ дўстлари Абу Бакр билан бирга 622 йил ёз охирларида Макка шаҳридан Мадина (ўша даврда Ясрив)га йўл олдилар. Уларнинг издошлари илгарироқ кўчиб ўтишган эди. Ушбу ажиса ҳижрат (кўчиб ўтиш) деб аталади ва ислом тарихида буйук аҳамият касб этади. Мұхаммад (С.А.В.) нинг ўз туғилган шаҳарларини эътиқод йўлида ташлаб чиқишилари бишине ислом эътиқоди ғалабаси бошланади, чунки Мадина шаҳрининг кўпчилик аҳолиси Расулуллоҳ дъаватларини қабул қилиб, ягона Аллоҳга имон келтирган эди. Ушбу воқеа 16 йилдан кейин мусулмон йил ҳисобининг бошланишига асос берилди ва шу сабабли мусулмон йил ҳисоби “ҳижрий эра” деб аталди.

Ислом дини асотир тафаккурга энг кескин ва охирги тарбани берди. Куръони каримда “ильм” сўзи асосидаги “алима” (бўйлмоқ) феъл негизига таянган калималар 750 марта учришилиги илмий тадқиқотларда қайд этилган бўлиб, бу ўзак тарқит “Аллоҳ”, “Рабб” (Парвардигор маъносида), “бўйлмоқ” и “тапирмоқ” каби энг кўп ишлатилган ўзак-сўзлардан кейин тарбаничи ўринда турар экан.

Расулуллоҳга илк нозил бўлган 5 оят ҳозирги Куръони тарбим матни 96-сураси (“Алақ”)нинг биринчи оятлари бўлиб, шунгидай бошланади: “Иқраъ би-исми роббикал-лази халақ!” (Яратган раббининг номи билан ўқи!). Орада бир оят ўтиб, шундай “ўқи!” сўзи қайтарилади: “Иқраъ ва роббикал акрам, шундай аллама бил қалам. Аллама-л-инсона ма лам яълам”.

(“Үқи! Сенинг ўта карамли парвардигоринг қалам воситаси билан таълим берди. Инсонга у билмаган нарсаларни ўргатди”). Шундай қилиб, ислом эътиқоди аввал бошиданоқ инсонни ўқиб-ўрганишга, илм воситаси билан дунёни англаб етишга тарғиб қиласди. Ислом динининг яна бир муҳим хислати аҳли башар маънавий камолотида тарихий тадрижийликни қатъий қоида қилиб белгилаб қўйилганлигидадир. Бу масала Куръони каримнинг кўп суралари жумладан, иккинчи (“Бақара”) ва учинчи (“Оли Имрон”) сураларининг бошланғич оятларида очиқ-равshan таъкидланган бўлиб, ўзбекча таржимада қуидагича ифодаланган: “Алиф. Лом. Мим. Ушбу (илоҳий) Китоб (Куръон) шубҳадан холи ва (у шундай) тақвадорлар учун ҳидоят (манбаи) дирким, улар фойиб (диний хабарлар) га имон келтирадиган, намозни мукаммал ўқийдиган ва Биз ризқ қилиб берган нарсалардан (садақа ва) эҳсон қиласдиганлардир. Яна, улар Сиз (Муҳаммад) га ва Сиздан илгари (ўтган пайғамбарларга) нозил қилинган нарса (илоҳий китоблар)га имон келтирадиган ҳамда охират (қиёмат) га қатъий ишонч ҳосил қиласдиганлардир. Айнан улар Парвардигорлари томонидан (ато этилган) ҳидоят узрадирлар ва айнан улар нажот топувчилардир”. (“Бақара” сураси, 1-5-оятлар). Демак, мўмин бўлмоқнинг асосий шартларидан бири фақат Куръонни эмас, балки ундан олдинги пайғамбарларга нозил этилган китобларни ҳам ягона Аллоҳ томонидан юборилганлигини тан олишда экан.

Кейинги, “Оли Имрон” сурасининг бошланғич оятларида ушбу фоя янада аниқроқ қилиб тушунтирилади: “Алиф. Лом. Мим. Аллоҳ – Ундан ўзга илоҳ йўқдир. У тирик ва абадий турувчиидир. (У) Сизга (эй, Муҳаммад), Китоб (Куръон) ни ҳақиқатан ўзидан олдинги (илоҳий китоблар) ни тасдиқловчи ҳолида нозил қилди. Таврот ва Ињилни олдин нозил қилиши эса, одамларга ҳидоят (манбаи) бўлиши учун эди. (Энди эса) ҳақ билан ноҳақликни ажрим этувчи (Куръон) ни нозил қилди...” (“Оли Имрон” сураси, 1—4-оятлар).

Бу оятларда Куръоннинг Фурқон деб номланиши алоҳида таъкид этилганки, бу ҳам чуқур ҳикматга эга. Тарихий тадрижийлик нафақат Куръонда, балки ундан олдинги илоҳий китобларда ҳам таъкид этилган ва уларда ўзидан кейинги китобларга ишоралар мавжуд эканлиги маълум.

Куръонда қайта-қайта таъкидланишича, ислом динида

Аллоҳ олдидағи энг оғир гуноҳ ширк, яъни ягона Парвар-литорга қайси бир зотни шерик қилишга уринишидир. Барча ишоҳий китобларда олға сурилган Тавҳид (яратувчининг яго-ничиғи ва барча мавжудот манбай эканлиги) фояси исломда үзининг олий даражадаги талқинини топган.

Ислом маънавиятининг қирралари ранго-ранг, моҳияти герин. Санаб ўтганимиз илмийлик ва ёзма маданиятта таяниш, тарихий тадрижийлик ва тавҳид изчилиги шулар жумасидандир. Қуръони карим оятларига биноан инсоннинг ер юнида халифа эканлигининг бир неча қайта таъкидланиши ислом маънавиятининг энг улуғ қадриятларидандир. Қуръони каримнинг жуда кўп оятларида инсоннинг азиз ва муқиғрам қилиб яратилгани, унга ер ва осмондаги барча нарсалар бўйсундириб қўйилганлиги алоҳида уқдириб ўтилган.

2. Ислом маънавиятининг энг олий нуқталаридан бири қўйилачилик хурофотларига узил-кесил барҳам берганлиги, үруғ жамоаси, ягона аждодга бориб тақалувчи ирсий бирорлик ўрнига тавҳид эътиқоди асосидаги инсоний бирорлик жамоаси — “умма” тушунчасининг киритилиши бўлди. Ўу ҳодиса аҳли башар маънавий такомилида энг муҳим бурилиш нуқтасидир, аммо ушбу тоғ яҳануз ҳам мукаммал антаб стилган, деб бўлмайди.

Ислом маънавиятининг миңтаقا маънавиятига айланни осонлик билан бўлгани йўқ, бунинг учун баъзи сиёсий масалалар тўғри ҳал бўлмоғи зарур эди. Пайғамбаримиз умришининг охирларига бориб араб дунёсида “умма” фояси голибликни кўлга киритди, араблар қабилачиликдан ягона миллати даражасига кўтарила бошлади. Бу жараён илк халифалар Абу Бакр ва Умар (разиаллоҳу анхума) давларида ниҳояси-ти етди. Ягона араб давлати шаклланди. Ислом қўшни мамлакатларни ҳам фатҳ эта бошлади. 642 йилда охирги Сосоний Ісмидегерд III Наҳованд яқинидаги жангда енгилиб, Хуросонга қочди. 674 йилда араб қўшини биринчи марта Амуларёни кечиб ўтиб, Бухорога кирди. Кутайба ибн Муслим (705—717) даврида Мовароуннаҳр араблар томонидан асосан ишғол қилинди. Агар тарихий воқеаликни тўғри идрок нациган бўлсак, бу даврга келиб қадим Турон ўлкасида муйян сиёсий пароқандалик ҳолати ҳукм сурар, турли кишик ҳукмдорлар бир-бири билан олишиб ётар, Буюк Турк ҳоқонлиги таназзулга юз тутиб, туркий ва эроний қавмлар-

дан бири арабларга кескин қаршилик кўрсатса, иккинчиси муросасозлик йўлини тутарди. Барибир босқинчилликка қарши миллий-озодлик кураши тўхтамади, Ислом дини ҳам даставвал маҳаллий халқ онгига жуда қийинчиллик билан сингиб борди. Аммо илғор тавҳид эътиқоди эски хурофий ақидалар устидан аста-секин голиб келиши табиий эди. Бир қатор туркий ва эроний қавмлар араблар билан ягона эътиқод асосида иттифоқлашув йўлини тутишга мойил бўлиб борарадилар. Фақат уммавий халифалардан аксарияти маҳаллий Ажам халқларини араблар билан тенг кўрмаслик сиёсатини тутар ва бу билан халқларнинг ихтиёрий равишда имон келтиришларига маънавий жиҳатдан тўсқинлик қиласди. Бу орада Расулulloҳнинг қариндош ва авлодлари, биринчи навбатда, куёвлари ҳазрати Али (разияллоҳу анҳу) ва амакилари ҳазрати Аббос (разияллоҳу анҳу) авлодлари номидан халифалик таҳтига даъвогарлик бошланди. Аббосийлар ўз мақсадларига эришиш учун Хурасон ва Мовароуннаҳрдан ёрдам истадилар. Асли ажамлик Абу Муслимни имом Иброҳим кулликдан озод қилиб, Хурасонга Аббосийлар фойдасига тарғибот олиб боришига жўнатди. Абу Муслим жуда тез вақт ичida ажам халқларидан катта қўшин тўплаб, Уммавийларга қарши кураш бошлади ва 750 йилда Уммавийлар сулоласи йўқ қилиниб, Аббосийлар халифалик таҳтига ўтирилдилар. Абу Муслим қўзғолони галабаси минтақа тарихида ҳал қилувчи ўзгаришларга олиб келди. Аббосийлар ажам халқлари билан ҳамкорликда галабага эришдилар. Голиб қўшин таркибида араблардан кўра ажамликлар, яъни форс ва турклар кўпроқ эди. Хорун ар-Рашид замонидан халифанинг шахсий қўриқчилари туркий халқ вакилларидан, сарой котиблари ва вазирлар кўпроқ эроний халқ намояндадаридан тайинланадиган бўлди.

Шундай қилиб, VIII аср иккинчи ярми — IX аср бошларидан минтақанинг уч буюк халқи — араб, форс ва туркий элатлар аро сиёсий құдратда ўзига хос мувозанат ҳолати вужудга келди. Исломнинг асл ғояси — мусулмон умматининг тенглиги амалда жорий бўлишига воқеъ имкон туғилди. Шу даврдан бошлаб минтақа халқлари орасида ислом динининг нуфузи тез оша бошлади. Ислом минтақа маданиятининг шаклланиш жараёнини шу сабабларга кўра VIII аср ўрталари — Абу Муслимнинг Уммавийлар устидан галабаси

Лаббосийлар халифалиги ўрнатилишидан бошлаш мақбул ўринади. Ушбу минтақа маданияти XIII аср бошларигача шилдат билан юксалди, мўгуллар босқини бир муддат маданий тараққиётга монеълик қилган бўлса ҳам, барибир, XVI ир бошларигача минтақада маънавий юксалиш давом этди. Аммо XVI аср бошларидаги юз берган катта сиёсий ўзгаришлар натижасида буткул ўзгача ҳолат вужудга келди. Кичик Осиёда Усмонийлар, Эронда Сафавийлар, Мовароуннахр ва Чуросонда Шайбонийлар, Афғонистон ва Шимолий Хинҷистондаги Бобурийлар сулоласи бир неча юз йилга мустаҳкам ғришшиб, яхлит ислом маданий минтақаси ўрнига алоҳида шилдатлар худудида миллий-маданий ўзига хослик шакллана ғанимади. Ўзаро таъсир маълум даражада сақланиб қолган бўлса ким, аста-секинлик билан минтақавий умумийликдан кўра миллий ўзига хосликлар қуввати ошиб борди. Бироқ бу ҳолат ширхол билинганий йўқ, балки бир неча юз йилларга чўзилган жараён бўлди. Айтиш мумкинки, XX аср бошларидаги ҳам Шимолий Африкадан Шарқий Туркистонгача, Волга бўйларидан Бенгалиягача ёйилган ислом минтақа маданиятининг Йирик ва нуфузли намояндадарни бир-бирларини билар, ўзанинг изходий-маънавий ҳамкорлик ришталарини узмаган эдилар. Буюк Британия ва Россия империализми ҳам уҳдасидан шикмаган ниятга Шўро ҳукумати эришди — қадим Туронимин халқларининг қўшни халқлар билан неча минг йиллик маданий-маънавий алоқаларини чўрт узиб ташлади, нафакат қўшнилар билан, балки ўз ўтмиш маданияти билан ким бевосита муносабатда бўлиш имконини кескин камайтириб, миллий маънавиятимизни гарифликка маҳкум этди. Миска энди бугунги мустақиллик шароитида биз неча йиллар кўзимииздан яширин бўлган улкан маънавий захираларни янгидан кашф этмоқдамиз.

Ислом минтақа маданиятининг энг юксак қадрияти тавсифи тиққодини бутун қуррати, мазмуни, амалий моҳияти ва тұлами билан англаб етиш минтақанинг илфор зиё эгалари үчүн неча асрлик юмуш бўлди. Бу йўлда минтақа маънавияти камолот йўлининг бир қатор пиллапояларини босиб ўтди. Уннан дастлабки поғонасини сунна босқичи, деб аташ мумин.

3. Пайғамбаримиз ҳаёт вақтларида “менинг сўзларимни сманнинг, фақат Аллоҳ оятларини ёзиб олинглар”, деб буюр-

ган эдилар. Шундай қилинди ҳам. Албатта, кимлардир ўз ташаббуси билан у ҳазратнинг айтган гаплари ва қилган ишлари ҳақида муайян маълумотларни қайд этиб борган бўлиши мумкин. Аммо Аллоҳнинг китоби бут бўлмай, ягона ўзгармас матн ҳолига келтирилмай туриб, унга бошқа сўзлар аралашиб кетиш хавфига йўл қўйиб бўлмас эди. Олдинги илоҳий китоблар тажрибаси ҳам шуни тақозо этарди.

651 йилда, халифа Усмон даврида ушбу юмуш мукаммал бажарилди. Мусҳаф тузилиб, ундан бир неча нусха қўчириб, кўпайтирилди. Ана шундан сўнг VII аср иккинчи ярмидан бошлаб, Абу Хурайра (вафоти 676 йил), Анас ибн Молик (вафоти 710 йил), Абдуллоҳ ибн Аббос (619—686), Абдуллоҳ ибн Умар, Жобир ибн Абдуллоҳ каби илк ровийлардан Расулуллоҳ сўзлари ва амаллари хусусида минглаб ҳадислар ёзил олинди. Абу Саид ал-Худрий, Ибн Шихоб аз-Зухрий сингари илк муҳаддислар етишиб чиқди. VIII аср бошларида Умавий халифаларидан Умар ибн Абдулазиз (717—720) ноибларига Мұхаммад (С.А.В.) ҳадисларини жамлаш ҳақида фармон берди. Абдулмалик ибн Абдулазиз Журайх (вафоти 766), Ар-Рабиъ ибн Субайх каби алломалар ҳадислар жамлаб ёзишга бошладилар. Натижада ҳадис илми ривож олиб, Имом Молик ибн Анас (713—795)нинг “ал-Муватто”, Имом Шофеъий (767—820) ва имом Аҳмад ибн Ханбал (780—855)ларнинг “Муснад” деб ном олган йирик ҳадис тўпламлари яратилди. Ўлкамизда қўйида номлари зикр этилган зотлар биринчи бўлиб ҳадис тўпламларини туздилар: Имом Абдуллоҳ ибн Муборак ал-Марвазий, Исҳоқ ибн Раховайх ал-Марвазий, Имом ал-Хайсам ибн Кулайб аш-Шоший ва бошқалар.

Кейинги IX аср ҳадис илмининг “олтин асли” деб шуҳрат қозонган. Чунки бу асрда ҳадисларни тўплаш даври ўтиб, энди уларни манбашунослик ва матншунослик илми қоидаларига мувофиқ таҳлил ва тадқиқ этиш, маълум мазмун асосида тартиб беришга киришилди. Ҳадисшунослик атальмиш жиддий илм йўналиши мукаммал шаклланди. Ҳадис таълиф этиш соҳасида “Муснад”, “Саҳиҳ” ва “Сунан” деб номланган йўналишлар вужудга келди. Бу даврда кейинги асрлар учун намуна бўлгулик ишончли ҳадис тўпламлари яратилди. Бутун ислом оламида энг нуфузли манба сифатида донг тараттган “Кутуби сittа” (“Олти китоб”) муаллифлари

шу даврда яшаб ижод этдилар. Улар: Абу Абдуллоҳ Исмоил ал-Бухорий (810—870), Имом Мұслим ибн ал-Хажжож (819—874), Абу Исо Мұхаммад ибн Исо ат-Термизий (824—874), Абу Довуд Сулаймон (817—888), Аҳмад ан-Насойи (830—935), Абу Исо Мұхаммад ибн Йазид ибн Можжа (824—886) каби муҳаддислардир. Олти буюк муҳаддиснинг аввалигиси ватандошимиз Абу Абдуллоҳ Мұхаммад ибн Исмоил ибн ал-Муғира ал-Бухорий (810—870) эдилар. Имом Бухорийнинг “ал-Жоме-ас-Саҳиҳ” китоблари бугунги кунда ўзбек тилига таржима қилиниб, 4 жилдда эълон қилинди. Имом ал-Бухорий ўзларии тўплаган 600 минг ҳадисдан 7275 таңг ишонарли “саҳиҳ”ларини мазмунига кўра таснифлаб, бутқул янгича тартибдаги ҳадислар тўпламини яратишга мусассар бўлдилар. Ул муҳтарам зотнинг асарлари кейинги муҳаддислар учун барча жиҳатдан ўrnak ва намуна бўлди. Имом Бухорий яратган “Ал-адаб ул-муфрад” (“Адаб дурдоналари”), “Китоби афъол ил-ибод” (“Аллоҳ бандаларининг хулиқлари”) каби бошқа қатор асарлар ҳам минтақа халқларини ислом ахлоқи руҳида тарбия қилишда алоҳида аҳамиятта эга.

Дастлаб Имоми Аъзам Абу Ҳанифа ан-Нуъмон ибн Собит (699—767) қарашлари асосида сунний йўналишида Ҳанифия мазҳаби шаклланган бўлса, кейин ул зотнинг шогирдлари издошлари томонидан моликия, шофеъия, ханбалия мазҳаблари, шиа йўналишида эса пайғамбаримиз авлодидан олтинчи имом Жаъфар ас-Содиқ (700—765) номи билан боғлиқ жаъфария мазҳаби вужудга келди.

X—XI асрларда ислом минтақа маънавияти такомилида янги поғонага кўтарилиш бошланди. Ушбу янги босқич таъриф ва тавсифига ўтишдан олдин Сунна босқичининг мөҳияти ва унинг миллий маънавиятимиз такомилида тутган ўрини ҳақида икки оғиз сўзлаб ўтсак.

Аввало, бу босқични минтақада манбашунослик ва матнинунослик фанининг юксак ривожи сифатида баҳолаш лошим бўлади, чунки Расулуллоҳ ҳадислари Куръони карим оятларидан кейин мўътабарликда иккинчи ўринда турувчи манба бўлиб, унинг ҳам матни, ҳам исноди (яъни ушбу қўйис ровийлари силсиласининг нақадар ишончли ва эътиборли эканлиги) ниҳоятда нозик ва жiddий муносабат таълаб қилувчи мавзу эди. Бу масалаларда арзимагандек тую-

лувчи янгилишиш қандайдир тор илмий мунозарага эмас, балки ҳар бир мусулмоннинг эътиқод амалида жиддий гумроҳликка олиб келиш хавфи бўлгани учун ҳам бу соҳа ўта зукколик ва дақиқликни тақозо этар, муҳаддисга ниҳоятда қатъий қоидаларга риоя этишини буюрар эди. Ушбу оғир шартларга кўникма ҳосил қилиш ислом илмларининг кейинги ривожи ва камолотига жиддий замин яратди. Илм нақадар жиддий меҳнат эканлиги ушбу босқичда бутун залвони билан ҳис этилди. Афсуски, совет даврининг ягона ҳукмрон мафкурага сўзсиз бўйсуниш шароитида, айниқса, ижтимоий фанлар соҳасида матн ва манбага жиддий муносабат, жиддий илмнинг ушбу тагзамини анча-мунча эътибордан четда қолди ва замонасозлик руҳидаги олди-қочди шиорбозлик кўп ўринда ҳақиқий илм ўрнини эгаллаб ола бошлади. Бугун биз бу соҳада ҳам, янада аникроғи, биринчи навбатда ушбу соҳада, миллий маънавиятимиз эришган ютуқларни қайта тиклашимиз, матн ва манбага ёндашувда ўта жиддий муносабатга қайтмоғимиз, бу борада Имом ал-Бухорий, Муслим ибн ал-Ҳажжож, Абу Исо ат-Термизий сабоқларини дикқат билан ўрганмоғимиз даркор.

4. Сунна босқичининг иккинчи улуг муваффақияти ислом ахлоқининг минтақада пухта шаклланувидир. Пайғамбаримиз ҳадисларининг энг муҳим ва салмоқли қисми кишшиларда юксак инсоний фазилатларни шакллантиришга қаратилган. Ундаги ота-онага муносабат, илмга муносабат, сабр-бардош, шукроналикка даъват, ўзаро меҳр, иноқлик, меҳмондўстлик, етимпарварлик, вафо ва садоқат, меҳнатсеварлик ва ҳалол луқмани шарафлаш, камтарлик, камсукумлик, самимият ва ростгўйлик хислатларининг биринчи ўринга қўйилиши инсоният учун бебаҳо маънавий қадрияtlар силсиласини ташкил этади. Қолаверса, ислом ахлоқи маънавий қадрияtlарнинг тасодифий тўплами эмас, балки муназзам ва мукаммал бир тизим ҳолига келтирилгани бўлиб, албатта, бунда буюк муҳаддислар, биринчи навбатда, юртдошимиз Имом Бухорийнинг хизматлари беқиёсdir. Пайғамбаримиз суннатларининг ибратли ўринлари ниҳоятда кўп. Мисол тариқасида у зотнинг аҳли аёлга муносабатига эътибор берайлик.

Ибн Умар разияллоҳу анҳу ривоят қиласидар: “Биз, жаноб Расулуллоҳ ҳаётлик вақтларида, “Тағин, бирор балога

тирифттор бўлиб қолмайлик!” деб хавотирланганимиздан, пёлларимизга бирор (қаттиқ) сўз айтиб, бемалолроқ муомала қилишдан кўрқар эдик. Жаноб Расулуллоҳ (С.А.В.) вафот қилганларидан сўнг, аёлларимизга (қаттиқ) гапириб, бемалолроқ муомала қиласиган бўлдик”⁶⁸ Ушбу ҳадис мазмунидан кўриниб турибдики, Пайғамбаримиз аёлларига асло қўпол муомала қилмаганлар, натижада бошқа саҳобалар ҳам ўз аҳли аёлларига эҳтиром ва юмшоқлик билан муомала қилишни ўрганиб борганлар. Дарҳақиқат, Муҳаммад (С.А.В.) бирор аёлнинг қўнглига зарра озор берганлари, хафа қилганлари ҳақида ҳеч бир ҳадисда бирор ишора йўқ, аксинча, пёллар Пайғамбаримизга нисбатан баъзан озор берувчи хатти-ҳаракатта йўл қўйсалар ҳам, у зот ниҳоятда ҳалимлик билан жавоб қилганлар. Албатта, у киши ҳар бир инсон сингари аёлларнинг ҳам ўзига яраша камчилиги бор эканини сезганлар, аммо уриш-сўкиш, қаттиқ гапириш, изза қилиш орқали бу камчиликларни асло тузатиб бўлмаслиги, фақат сабр, юмшоқ муомала ва шахсий намуна билан таълим берилса, таъсирли бўлиши мумкинligини яхши билган ва бу одобга изчил амал қилганлар. Демак, суннага амал қилган киши, кўп хотин олиш ҳақида эмас, аҳли аёл қўнглини ранжитмаслик ҳақида қайғуриши ислом ахлоқига муносибдир. Жисмоний ва маънавий покликка интилиш ислом ахлоқининг, Расулуллоҳ ҳадисларининг яна бир муҳим мавзу йўналишидир. Таҳорат, гусл масалалари, мисвокдан фойдаланиш (яъни тишни тоза тутиш) ташқи озодалик талаблари бўлса, ҳаромдан, ёлғон сўз, фийбат, туҳмат, зинокорлик, ўзга ҳақига хиёнат, ноҳақлик ва зулмга йўл қўймаслик, улардан қатъий сақланиш ички, маънавий покликка оид талаблардир. Булар барчаси ҳам Куръони каримда, ҳам Расулуллоҳ суннатларида жуда қатъий қилиб қўйилган.

5. Сунна босқичининг яна бир ютуғи ислом минтақа ҳалқлари маънавий такомилининг ушбу биринчи поғонасида шаклланган исломий мазҳаб, яъни ислом эътиқодига оид қарашлар ва амалларнинг баъзи фарқларга эга бўлган беш йўналиши орасида бир-бирини инкор этмаслик ва ўзаро ҳурмат муносабатлари ўрнатилишидир. Бундай вазият осонликча ва бирваракай шакллангани йўқ, албатта. Лекин охир натижада юзага келган бундай ўзаро муроса ҳолати муайян даражада эътиқод масалаларида таассуб (фанатизм) ва бир

ёқлама ақидапарастлик хавфининг олдини олиб, шу билан бирга кейинги ривожланишга замин ҳозирлаган омиллардан бўлди. Мусулмон ҳуқуқи — шариат ва фикҳ асосларини шакллантириш ҳам шу даврдан бошланди. Имом Аъзам — Абу Ҳанифанинг яқин шогирдлари Имом Абу Юсуф Анзорий (731—804) ва Имоми Мұхаммад аш-Шайбон (749—805) бу соҳада асосчи бўлдилар. Имом Абу Юсуф ислом дунёсининг биринчи қозиулқуззоти (қозилар қозиси — бош қози) қилиб тайинланди. Имом Мұхаммаднинг “Ал-Мабсут” (ёки “Китоб ал-асл фил-фуру” — “Жузъий масалаларнинг асослари”), “Китоб ал-жомеъ-ал-кабир”, “Китоб ал-жомеъ ас-сағир” каби асарлари бу соҳада яратилган кейинги барча ишларга дастуруламал вазифасини ўтади. Сунна даврида пайғамбаримизнинг ҳаёт йўллари ҳақида дастлабки мукаммал асарлар — Ибн Исҳоқ (704—707) ва Ибн Ҳишом (вафоти 834 йиллар) “Сира”лари (“Сират ар-Расулуллоҳ”) вужудга келди. Бу китоблар оддий таржимаи ҳол эмас, балки Аллоҳнинг пайғомини аҳли башарга етказиш вазифаси юклangan шахс — Расулуллоҳ ҳақида бўлиб, диққат марказида рисолат (пайғамбарлик — мессия) масаласи тургани учун асарнинг Муқаддима қисмида Мұхаммад (С.А.В.) дан олдин ўтган пайғамбарлар ҳақида ҳам ахборотлар берилган эди. Ушбу анъана кейинча ривож олиб, ҳазрати Мусо алайҳиссалом ва бошқа пайғамбарлар ҳаёти ва фаолияти ҳақида ҳам батафсил хабар берувчи китоблар яратила бошланди. Бу даврда Мұхаммад (С.А.В.)дан бошланган Қуръон тафсирлари анъанаси ҳам ривож олди, кенг маънодаги адаб илмига асос солинди. Ибн ал-Муқаффанинг (724—759) “Ал-Адаб ас-Сагир”, “Ал-Адаб-ал-Кабир” асарлари ёзилди. Халил ибн Аҳмад (718—792) луғатшунослик асосларига бағишлиланган “Ал-Айн” асари таркибида аruz илмининг назарий асосларини яратиб, ҳам тилшунослик, ҳам адабиётшуносликка замин ҳозирлади. Кейинги аср охирида Ибн ал-Мутazz (861—908) адабиётшуносликнинг яна бир таркибий қисми “илми бадеъ” (шеърий санъатлар ҳақида илм)ни каашф этди. Араб мумтоз шеъриятининг асосчилари Абу Нулас (762—813), Башшар ибн Бурд (714—784), Абул Атахия (718—825) каби улуф шоирлар, Ал-Жоҳиз (775—868) каби адиллар шу даврда яшаб ижод этдилар. Шу забардаст сиймолар орасида ислом даврининг ilk туркий шоири Адид Аҳмад ҳам бор эди. Алишер

Навоий гувоҳлик беришича, ислом туркий шеъриятининг бу тұнгич шоири ҳанафия мазҳабининг асосчиси Абу Ҳаниғи ан-Нұймон бин Собит — Имоми Аъзам (699—767)нинг шигесимли шогирдларидан бўлиб, кўзи ожиз бўлса ҳам, лил кўзи ниҳоятда равшан ва тийрак эди. Юртдошимиз Адид Аҳмаддан бизгача туркий адабий тилда ёзилган “Ҳибатул-қиқойик” (“Ҳақиқатлар туҳфаси”) достонининг XV асрда ғурилган бир неча нусхаси ва Алишер Навоий асарларида солтирилган яна 1—2 парча етиб келган. Адид Аҳмад биринчилардан бўлиб Расулуллоҳ ҳадисларига шеърий шарҳлар башнилаган аллома шоирдир. Унинг илм фазилати, жоҳиллик-нинг касофати ҳақида ўн бир аср илгари айтган ҳикматлари ҷиууз долзарблигини йўқотган эмас.⁶⁹

Шундай қилиб VIII—IX асрларда ислом минтақа маданийти шаклланди ва унинг дастлабки босқичи — Сунна — ғурилган энг олий ютуқларига эришди. Бу ютуқлар, аввало, ислом ахлоқи асосларининг мукаммал тизими вужудга келганилиги, шариат ва фикҳ илми, манбашунослик ва матншунослик назарияси ва амалий тажрибаларининг шаклланиши, адаб илми, дастлабки Куръон тафсирлари, қироат илми, шеърият назарияси, сарфу нахъ (грамматика), лугатшунослик ва бошқа илмларга асос солина бошлаганлиги билан белгиланади. Бундай улуг маънавий бойликнинг вужудга келиши ва ривожида минтақанинг барча халқлари, айниқса, араб, форс, турк элатларининг ҳиссаси катта бўлиб, жумладан, бизнинг ватандошларимиз — Адид Аҳмад Ютнаний, Имом Муҳаммад ал-Бухорий, Абу Исо ат-Термизий каби алломалар қўшган маънавий улуш бутун жаҳон афкор оммаси томонидан тан олингандир.

Инсоният тарихида минглаб пайғамбарлар ўтган. Уларниң охиргиси (“Хотимат-ун-наби”) Муҳаммад (С. А. В.) араб қабилаларининг ягона миллат сифатида шаклланишида стакчи ўрин тутди. Аммо Куръони карим асосида шакллантган Гињид эътиқоди ва “умма” тушунчалари фақат арабларни бирлаштиришгагина қаратилган бўлмай, балки бутун инсониятни, балки бутун табиат, коинот, Борлиқни яхлит бир моҳият сифатида англаб етиш имконини беради. Аммо бу Олий мазмунга халқлар осонликча етишгани йўқ. Дастьлаб, VIII аср иккинчи ярми — IX аср бошларида умуммintaқа ислом маданийти шаклланишига гоявий-сиёсий замин яратилди. Абу

Муслим қўзғолони ва Маъмуннинг (813-833) халифалик таҳтини эгаллаши жараёнида минтақада арабий, эроний, туркий миллатларнинг ўзаро сиёсий-ижтимоий мувозанат ҳолати вужудга келди. Ҳарбийлар кўпроқ туркий ҳалқлар вакиларидан, вазирлар ва сарой амалдорлари эронийлардан, диний нуфуз эгалари арабдан бўлиши анъанага айланди. Кейинроқ шеърият асосан форс тилида, аниқ фанлар араб тилида ёзила бошланди. Ана шундай шароитда IX-XV асрлар мобайнида турли ҳалқ намояндлари иштирокида ягона минтақа маданияти шаклланди. Ва туркий миллат вакиллари ҳам ушбу умумий меросга сезиларли улуш қўшдилар.

Таянч иборалар: Маънавий турғунлик хавфи, асотир тафкур ва мушриклик, Сосонийлар таназзули, ҳазрати Иброҳим алайҳиссаломдан ҳазрати Исойи Масиҳгача, Турон ўлкасида миллий бирлик ва эътиқодлар хилма-хиллиги, қабиличилик зиддиятлари, илоҳий иноят ва маънавий янгилашиб, ислом эътиқоди ғалабаси, “ҳижрий эра”, Куръони каримда илмга эътибор, Ислом динида тарихий тадрижийлик ғояси, “умма” тушунчасининг шаклланиши, Абу Муслим ҳаракати ва Умавийлар сулоласига барҳам берилиши, араб, форс ва туркий элатлар аро сиёсий қудратда мувозанат ҳолати пайдо бўлиши ва Ислом минтақа маданиятининг шаклланиши, сунна босқичи, илк ровийлар, илк муҳаддислар, ҳадис илмининг “олти асли”, “Кутуби ситта” (“Олти китоб”), Абу Абдуллоҳ Муҳаммад ибн Исмоил ал-Бухорийнинг “ал-Жоме-ас-Саҳиҳ” китоби, Имоми Аъзам Абу Ҳанифа ан-Нуъмон ибн Собит ва ҳанафия мазҳаби, моликия, шоғеъия, ханбалия мазҳаблари, Жаъфар ас-Содиқ ва шиа йўналишида жаъфария мазҳаби, манбашунослик ва матншунослик фанининг юксак ривожи, ислом ахлоқининг шаклланишида Пайғамбаримиз ҳадисларининг аҳамияти, шариат ва фикҳ асосларининг шаклланиши, “Сират ар-Расулулюҳ”, Куръон тафсирлари, адаб илми, Адиг Аҳмад ва илк туркий достон, Сунна маънавиятининг ўзак моҳияти.

Тавсия этилувчи ва фойдаланилган адабиётлар рўйхати:

Асосий адабиёт:

1. Куръони карим (Абдулазиз Мансур таржимаси). Т., 2001.

2. Имом ал-Бухорий. Жомеъ ас-саҳиҳ. 1—4-жиллар, Т., 1990—1995.
3. Каримов И. А. Озод ва обод Ватан, эркин ва фаровон ҳиёт — пировард мақсадимиз. 8-жилд. Т. — “Ўзбекистон” — 2000, с. 3—17.
4. Каримов И. А. Биз келажагимизни ўз қўлими билан қурамиз. 7-жилд. Т. — “Ўзбекистон” — 1999, с. 183—192, 349—354.
5. Каримов И. А. Ватан саждагоҳ каби муқаддасдир. 3-жилд. Т. — “Ўзбекистон” — 1996, с. 3—54.
6. Кароматов Ҳ. Хўрланган пайғамбарлар ғалабаси. Т., 1998.
7. Ҳасанов А. А. Макка ва Мадина тарихи. Т., 1992.
8. Большаков О. Г. История халифата. 1—3 части. М., 1989—1998.
9. Имомназаров М. С. Миллий маънавиятимизнинг такомил босқичлари. Т., 1996.

Кўшимча адабиёт:

10. Имом ал-Бухорий. Ал-адаб ал-муфрад. Т., 1990.
11. Васлий Самарқандий. Имом Аъзам тарихи. Т., 1995.
12. Мамадалиев С. Имом Бухорий таърифи. Т., 1996.
13. Усманов М. А. Основные этапы эволюции ислама. М., 1978.
14. Бобомуродов А. Ислом одоби ва маданияти. 1995.
15. Журавский А. В. Христианство и ислам. М., 1990.
16. Ислам. Энциклопедический словарь. М., 1991.
17. Ҳасанов А. А. Мекка, Мадина и верования арабов на-кенуне возникновения ислама. Т., 1994.
18. Усманов М. Ислом ақидалари ва маросимлари. Т., Ўзбекистон, 1975.
19. Религиозные традиции мира. Буддизм, иудаизм, христианство, ислам. Бишкек, 1997.
20. Шамсиев П. Ўзбек матншунослигига оид тадқиқотлар. Г., 1986.
21. Ранович А. Б. Первоисточники по истории раннего христианства. М., 1990.
22. Абу Фараж ал-Исфахани. Книга песен. М., 1980.
23. Библейская энциклопедия. М., 1990.
24. Шидфар Б. Я. Абу Нулас. М., 1978.
25. Майоров Г. Г. Формирование Средневековой философии. Латинская патристика. М., 1979.

26. Из классической арабской поэзии. М., 1979.
27. Петрушевский И. П. Ислам в Иране. Л., 1966.
28. Крывелев И. А. Библия: историко-критический анализ. М., 1982.
29. Ханна ал-Фахури. История арабской литературы. (1—2 книги) М., 1961.
30. Хрестоматия по исламу. М., 1991.
31. Ренан Э. Жизнь Иисуса. Апостолы. М., 1991.

9-маъруза. ИСЛОМ МАЪРИФАТЧИЛИГИ БОСҚИЧИ

ДАРС РЕЖАСИ:

1. Мантиқий тафаккур эҳтиёжи.
2. Борлиқ ҳақиқатини англаб етишнинг турли йўналишлари:
 - а) калом илмининг ривожланиши ва Мотуридий меросининг аҳамияти;
 - б) ботиния таълимоти ва “Ихвон ус-сафо” энциклопедияси;
 - в) фалсафа йўналиши: устози соний Форобийнинг жамият ҳақидаги қарашлари;
 - г) тасаввуфий қарашларнинг шаклланиши.
3. X—XI асрлар ислом минтақасида илм ва маданият ривожининг юксак босқичга кўтарилиши.

1. Аллоҳ таоло Қуръони карим орқали марҳамат этган мукаммал Тавҳид таълимотини аҳли башар томонидан англаб етишнинг илк погонаси бўлмиш Сунна босқичи ўзининг инкор этиб бўлмайдиган фазилат ва ютуқларига эга эканлиги олдинги маърузада қайд этиб ўтилди. Бу босқичда ислом маънавиятининг пойдевори ҳисобланувчи шариат аҳкомлари ва ислом ахлоқи шаклланди. Тавҳид таълимотининг илк талқини бўлмиш ушбу қадриятлар тизими умумминтақа маънавиятининг такомилида нақадар муҳим бўлганлиги ҳар қандай шубҳадан ҳолидир. Бу босқич қадриятларини бироз бўлса-да инобатта олмаслик ёмон оқибатларга олиб келиши мумкинлиги ҳам тарих тажрибасида неча бор синалган ҳақиқат. Аммо Тавҳид таълимотини бутун борлиғи, мөхияти билан англаб олиш учун бўлган ҳаракат бу босқичда

Ўұхтаб қолгани йўқ. Ислом миңтақа маънавиятигининг такомил тарихи яна бир қатор босқичларни босиб ўтди. IX асрдаги бошлаб ушбу маънода янги йўналишлар бўй кўрсата бошлади ва кейинги асрларда улар етакчи мавқега кўтарилиши. Масаланинг моҳияти шундаки, Сунна, биринчى навбатлари, ибрат асосига қурилган, яъни Сунна Аллоҳ ҳидоят этган Ҳақиқат йўлига (ас-Сирот ал-мустақим — тўғри йўл) Расулуллоҳ Мұхаммад (С.А.В.)нинг ҳаёт ва тафаккур тарзига тақдиздид этиш, ундан ибрат олиш орқали эришишни назарда туғади. Пайғамбаримиз ва ул зотнинг яқин кишилари (саҳобалари) ҳаёти давомида мусулмон жамоаси (“умма”)га бирнешниб қандай қадриятларга амал қилган бўлсалар, ушбу ишни тарзи кейингиларга ҳам ўrnak ва намуна бўлмоғи Сунна маънавиятигининг ўзак томиридир. Аммо замон ўзгарувчан, ишсон табиати эса бекусур эмас. Пайғамбаримиз вафотидан сўнг унинг энг яқин саҳобалари, ул зот ишонган, таянган, қўнгил боғлаган инсонлар орасида нафақат ички рақобат, балҳис ва келишмовчиликлар, балки қонли тўқнашувлар, ростмана жанглар содир бўлди. Биргина пайғамбаримиз рисочатига биринчилардан бўлиб имон келтирган ҳазрат Али билди бошқа бир гурӯҳ, яъни Талха, Зубайр каби саҳобалар орасида юз берган жиддий тўқнашув, унда Талха ва Зубайрниң ҳалок бўлиши билан алоқадор ҳодисаларни мисол келтирасак, шунинг ўзиёқ воқеликнинг нақадар мураккаб эканчигига гувоҳлик беради. Бунинг устига Пайғамбаримиз ҳаётчилик даврларига нисбатан кейинги асрларда миңтақа ҳалқлари ижтимоий тақомилида катта ўзгаришлар юз берди, уларни ишкор этиш, Расулуллоҳ давридаги муслимлар уммасининг ҳиёғи тарзига тўлиқ қайтиш, ижтимоий-иқтисодий ўзгаришлар тақозосини тан олмаслик кейинги асрлар миңтақа аҳли ичун имкондан ташқари эди. Бундан ташқари Сунна босқичида Расулуллоҳ ибрати кўпгина саволларга бевосита жавоб топиш имконини берган бўлса, кейинроқ бориб, бирмунча мураккаброқ, жиддий фикр юритишни талаб қиласидиган муаммолар пайдо бўла бошлади. Натижада ақл билан, аниқроғи мантиқий тафаккур билан иш олиб боришга эҳтиёж кучайди. Масаланинг яна бошқа жиҳати ҳам борки, Сунна босқичи — ибрат йўли. Агар илм бўлмаса, ибрат тақлидга ишланиш хавфи бор. Тақлидчилик эса исломда доим қоралашиди. Шундай экан, маърифатчилик давр тақозоси, ҳаётий ҳигиёждир.

Асли бу эҳтиёж пайғамбар ҳадисларини тўплаш жараёнидан уларни мавзулар бўйича таснифлаш жараёнинг ўтишдаёқ, яъни Молик ибн Анас, Имом Мухаммад аш-Шайбон, кейинча Имом ал-Бухорий, Имом ат-Термизий каби муҳаддис уламолар фаолиятида аён бўла бошлаган эди. Аммо муҳаддислар фаолияти барибир уларнинг тафаккур қудрати натижаларини ёрдамчи мавқеда ушлаб турар, мазмун жиҳати асосан ҳадисларнинг ўзида мужассам эди. Шу билан бирга исломда соғ диний мақсадларда ҳам мантиқий тафаккургага таяниш эҳтиёжи аввал бошданоқ мавжуд бўлган. Бунинг сабабларидан яна бирига тўхталиб ўтсак.

Содда бир мушрикни тавҳид имонига келтирмоқ учун, агар Аллоҳ таоло унинг дил кўзини беркитмаган, маънан қулоқларини кар қилмаган бўлса, Қуръон оятларининг Пайғамбаримиз ва саҳобалар тафсири ва талқинидаги баёни, мусулмон жамоаси кўлга киритган сиёсий ва маънавий ютуқлар ибрати балки кифоя қилас. Аммо исломдан илгари шаклланган ўзига хос мукаммал тизимга эга бўлган диний таълимотлар, жумладан, Маздаясна (зардуштийлик), Веда китоблари асосидаги ҳиндавийлик, буддавийлик, масиҳийлик ва ҳоказолар ҳар бири минтақа ҳалқларининг азим бир гуруҳини ўзига жазб этган бўлиб, ушбу эски ақидалар этагини маҳкам тутган шахслар VIII—IX асрларда минтақада кўпчиликни ташкил этарди. Уларни мажбурлаб, қилич билан янги эътиқодга жалб этиш охир-натижада қониқарли бўлмаслиги аён эди. Эътиқод зўрлик билан бўлмайди. Хуллас, Сунна ахлоқи муслимлар жамоасининг ички мувозанати ва интизоми учун зарур бўлса, минтақа ва жаҳондаги ўзга таълимотлар, ўзга ақида тизимларини маънан енгиг ўтиш учун энди мантиқий тафаккур қудрати лозим эди. Дарҳақиқат, IX асрда Эронда, қисман Мовароуннаҳр ва Хурсонда, Маздаясна эътиқоди ҳануз кенг урф бўлибгина қолмай, ҳатто бу таълимот хусусида бугунги кунгача етиб келган муҳим асрлар яратилгани бизга маълум. Худди шу даврда Шарқий Туркистонда монавийлик бидъати ва буддавийлик эътиқоди руҳида туркий тилда бой адабиёт яратилди. Кишилар онтига асрлар мобайнида ўрнашиб келган бу сингари кўҳна ақидалар янги изчил Тавҳид эътиқоди билан алмашиши учун Сунна анъанаси кифоя қилмас эди. Бу курашда холис илмий баҳс куроли бўлмиш мантиқий тафаккур қудрати ўта зарур эди.

Демак, Тавҳид таълимотининг тараққиётида маърифатчилик босқичи ҳар жиҳатдан тарихий зарурат бўлиб, бу йўналишдаги ҳаракат Сунна босқичи ҳали етакчи мавқе эгаллаб тургандаёқ бошлангани сир эмас.

Ислом маърифатчилиги ҳақида гапиришдан олдин яна бир масалага ойдинлик киритиб олиш лозим. Нега ислом минтақа маънавияти ривожининг биринчи даврини Сунна босқичи деймиз ва уни IX аср билан якунлаймиз? Чунки ушбу асрда яшаб, фаолият кўрсатган бу юк муҳаддиснинг бажарган ишлари ниҳоясига етмай туриб, кейинги босқичга ўтиб кетиш маънавий такомил мантиқига тўғри келмас эди. Куръони каримнинг қонунлаштирилган матни тайёр бўлиб, ундан нусхалар қўчирилгач, Расулulloҳ ҳадисларини тўплаш, тартибга келтириб, уларнинг ишончли тўпламларини (“Жомсъ ас-Саҳиҳ”) тузиш имкони пайдо бўлди ва кейинги 2 аср шунга сарф бўлди. Шунга қиёсан айтиш мумкинки, бу юк муҳаддис имомларнинг ишончли ҳадис тўпламлари ҳозирги мавжуд ҳолатида тартиб берилмай туриб, Тавҳид таълимотининг ақлга, мантиқий тафаккурга таянувчи талқинларига уриниш номукаммал хуносаларга олиб келиши мумкин эди. Мўътазила йўналишининг янглишувлари бунга мисол бўла олади. Аммо ҳаёт мураккаб, инсон изланишлари назарий мукаммалликларни кутиб турмайди. Янги босқичдаги етакчи йўналишларнинг деярли барчаси бу юк муҳаддислар фаолияти билан бир замонда, яъни IX асрда пайдо бўла бошлади.

2. Хуллас, иккинчи босқичда ақлга, мантиқий тафаккурга таяниш натижасида ҳақиқатни англаб етишнинг тури мувозий (параллел) йўналишлари шакллана бошлади. Сунна доирасидаги мазҳабларга қараганда энди бу даврда шаклланган фикрий оқим ва йўналишларнинг ўзаро фарқи анча-мунча сезиларли тус олган ва ўзаро мунозара ҳам кучайган эди. Бу даврнинг катта-кичик оқимлари ниҳоятда кўп бўлганилиги сабабли биз фақат энг муҳимларигагина тўхталиб ўтамиз. Уларни танлашда ўз билгимизча иш кўрмаслик учун ушбу даврнинг энг нуфузли намояндаларидан бўлмиш Ином Абу Ҳомид Фаззолий (1058—1111) ҳамда мутафаккир шоир ва олим Умар Хайём (1048—1122) санаб ўтган йўналишларнинг ўзига диққат қаратсак, кифоя қилса керак. Чунки бу давр ислом минтақасининг тафаккур оламини қамраб

олиш учун ўнлаб эмас, балки юзлаб жиллар битиш керак бўлади ва бу гаплар асло муболага эмас.

Энг ажойиби шуки, даврнинг энг муҳим йўналишларини ажратиб олишда буюк мутакаллим Фаззолий ва буюк файласуф ва табиийунчи (табиий фанларни ўрганувчи) Умар Хайём мутглақо бир хил хulosага келганлар. Демак, бу хулоса кўп жиҳатдан ўша даврда мавжуд ҳақиқатни акс эттирган, дейиш мумкин.

Ислом маърифатчилиги даврининг энг буюк алломалиридан бўлмиш Имом Абу Ҳомид Муҳаммад бин Муҳаммад ал-Фаззолий ҳақида унинг муҳлислари “Агар Муҳаммаддан кейин пайғамбар бўлиши мумкин бўлганда, албатта Фаззолий бўлур эди”, деб муболага қилишлари бежиз эмас. Ушбу муҳтарам зот ислом минтақа маънавиятининг ўзидан олдинги 5 асрлик такомилини ўз асарларида теран хulosалаб, янги йўналишларни белгилаб берга олган буюк устоздир. “Ал-Мунқиз мин ад-далал” (“Адашувлардан қутқарувчи”) асарида имом ал-Фаззолий ёзади: “Менда шундай тасаввур шаклландикি, Ҳақиқатни изловчилар тоифаси тўрт гурухга бўлинадилар:

1. Мутакаллимлар...
2. Ботинийлар...
3. Файласуфлар...
4. Суфийлар... ”⁷⁰

Умар Хайём ҳам ўзининг “Дарҳостнома” (“Сўралган нарса ҳақида китоб”) рисоласида ушбу йўналишларни ўзгаришсиз қайтаради, яъни мутакаллимлар, файласуфлар, исмоилийлар (яъни ботинийлар) ва суфийларни у ҳам санаб ўтади.⁷¹ Албатта, ҳар бир йўналишнинг таърифи ҳар икки алломада бир хил эмас, чунки уларнинг дунёқарашида ўзаро жiddий фарқлар мавжуд эди. Ҳар икки олимнинг таснифи ўзаро мос тушганлиги аввало ислом маърифатчилиги даврига хос бир маънавий фазилатни муйян акс эттиради: бу даврга келиб ислом минтақа маънавиятида нафақат шариат аҳкомлари талқинида турлича қарашлар, балки янада кенгроқ маънода, яъни Борлиқнинг олий ҳақиқатини излашда бир-биридан жiddий фарқ ётувчи турлича йўналишлар вужудга келган ва улар зиёли давраларда ўзаро расман тан олинган эди. Ҳозирги замон тилига ўтириб айтганда, Сунна даврида ислом эътиқоди ақидалари мажмуи бўлмиш

шариат доираси билан чекланган талқинлар плорализми (ислом динининг беш мазҳаби) шаклланган бўлса, энди иккинчи босқичда Ҳақиқатни англаб етишда турли оқим ва йўналишлар (Тавҳид таълимоти доирасидаги турлича қарашлар) плорализми вужудга келди. Ушбу ҳодиса ҳурфиксрик анъаналари ислом минтаقا маънавиятида X—XI асрлардан янада кенг ривож ола бошлаганини англатар эди.

а) Асли ислом маърифатчилиги босқичида кенг ривож олган кўпчилик оқимлар Умавийлар даврида ёқ мустақил бўлиб, ажralиб чиққан мўътазила диний фалсафасининг маънавий таъсири остида юзага келди десак, муболага бўлмайди. Ўз даврида Басра қозиси бўлмиш йирик ва машхур дин прроби Ҳасан ал-Басрий (642—728)нинг салоҳиятли шогирди Восил ибн Ато (699—748) бир масалада устози билан баҳсласиб қолиб, тарафдорлари билан унинг суҳбатини тарк ўтади ва янги мустақил йўналишга асос солади. Иътазала (тарк этиш) сўзидан келиб чиққан ҳолда бу оқим мўътазизла деган ном олади. Восил ибн Атога тегишли деб ҳисобланувчи китобларнинг бири “Ат-Тавҳид ва-л-Адл”деб ном олган. Кейинги асрда унинг издошлари Муаммар б. Аббод (вафоти 830 йил), Абу Исҳоқ ан-Наззом (вафоти 845), Абу Ҳузайл ал-Аллоф (749—849) ва бошқалар мўътазиланинг 5 асосий қоидасини ишлаб чиқдилар. Уларнинг биринчиси Ал-Адл (Аллоҳнинг адолати) ва иккинчиси Ат-Тавҳид (Аллоҳнинг ягоналиги) бўлиб, бу икки тушунча ислом минтаقا маънавиятининг кейинги ривожида етакчи foяларга айланди. Мўътазила таълимоти Аллоҳ адолати дегандан мавжуд воқеликнинг муайян қонуниятлар асосида ривожланиши ва инсон иродасининг эркинлиги каби ўта муҳим қоидаларни нағзарда тутарди. Аллоҳнинг мутлақ ягоналиги (Ат-Тавҳид) қоидаси эса, мўътазила талқинида Ягона илоҳий зотни тасвур этишда асотир тафаккурнинг бутун қолдиқ унсурлари, айниқса, Аллоҳ таоло зотига инсонга хос сифатлар (кўз билан кўриш, қулоқ воситасида эшитиш, қўл билан яратиш ёки тутиб туриш, ақл билан билиш кабилар) нисбат бўрилишини (яъни антропоморфизмни) тўлиқ инкор қиласарди. Мўътазила оқимининг бидъат сифатида қораланишига асосий сабаб бўлган “Куръоннинг яратилганлиги” (“Худус ал-Куръон”) ҳақидаги ўзига хос нуқтаи назар ҳам бу йўналишнинг мантиқий тафаккурга таянганлигига ишора қиласади.

ди. Калом йўналишининг дастлабки йирик оқими бўлган мўътазила шаксиз диний фалсафа эди, яъни дин ақидалари ни ақл тарозисида ўлчаб талқин этишга асосланган эди, аммо бу оқим вакиллари ислом маърифатининг энг муҳим икки масаласи — Адолат ва Тавҳид тушунчалари талқинида шу даражада илгари кетдиларки, улар изидан ислом маърифатчилигининг буюк тўлқини келиши давринг мантиқий тақозоси бўлиб қолди. Халифа Маъмун (813—833) даврида исломнинг мўътазила талқини расмий таълимотга айланди ва ҳатто Қуръоннинг яратилганлиги ҳақидаги қараашга қўшилмаган руҳонийлар тазиқ остига олина бошланди. Бу ҳолат чорак аср давом этди. Ниҳоят 849 йилда халифа Мутаваккил (847—866) Қуръоннинг яратилганлиги ҳақидаги баҳсларни тақиқлаш ҳақида фармон чиқарди. Энди мўътазила оқими вакилларининг ўзлари қувғин этилдилар. Аммо фикр тўхтаб қолмади, мўътазила оқими ҳам йўқ бўлиб кетмади. Халифа Маъмун ҳомийлигида Бағдодда шаклланган “Байтул-ҳикма” (Донишмандлик уйи, ҳозирги тил билан — Академия) доирасида табиий фанларни ўрганиш кенг йўлга қўйилди. Бизнинг юртдошларимиз Муҳаммад ибн Мусо Хоразмий (780—850), Аҳмад Фарғоний (вафоти 861 йил) ва бошқалар бу давр ислом минтақа маданиятининг фахри эдилар.

Калом фалсафаси Тавҳид таълимогини минтақадаги барча эски ақидалар мажмуудан ҳар томонлама устунлигини ақл ва мантиқ кудрати билан исботлаб бергач, исломнинг маънавий мавқеи бекиёс юксалиб кетди, шу билан бирга Қуръони карим оятларида таъкидланган тарихий тадрижийлик қоидаси чуқурроқ идрок этила бошланди. Аллоҳнинг охирги китоби келтирган маънавий бойликни теран англаб етиш учун исломгача яратилган бутун маданий меросни чуқур ўрганиш ва тўғри талқинда ўзлаштириш лозимлиги маълум бўлиб қолди. Бу билан ислом маърифатчилиги босқичининг иккинчи муҳим хусусияти — ўтмиш меросни ўрганишга жiddий киришиш ва уни янгича асосларда англаб етиш ҳаракати ҳар тарафлама ривожланди. IX асрдаёқ кенг миқёсда таржимачилик фаолияти бошланиб, Ҳунайн ибн Исҳоқ (810—873), Собит ибн Курра (886—901) каби атоқли ва сермаҳсул таржимонлар, бутун-бутун оилаславий таржимачилик мактаблари етишиб чиқди. Қадим Юнон фалсафий мероси деярли тўлиқ араб тилига таржима қилинди. Қадим

Сурия, Бобил, Эрон, Ҳинд ва бошқа ўлкаларда яралган муҳим манбалар араб тилига ўтирилди. Адабий ва тарихий асарлар, жумладан, Эрон ва Турон тарихига оид манбалар ҳам таржима қилинди. Оғзаки бадиий адабиёт намуналарини ёзид олиш ва тартибга солиб, мавзулар асосида тўпламлар тузиш авж олди. Бу ишларниң қўпи давр зиёлиларининг фидокорона меҳнати ва ташабbusи билан амалга оширилар-ли.

Хорун ар-Рашид, Маъмун каби йирик давлат арбобларидан тортиб турли ўлка ва вилоят ҳокимлари, ноиблари, вазирлар, турли даражадаги зодагон гуруҳларнинг бу борадаги хизматларини ҳам назардан қочирмаслик лозим. Сунна давридаёқ ислом ҳукмдорлари, олий табака вакиллари ўртасида зиё аҳлини саройга жалб қилиш, шоирлар, муаррихлар, мунажжимлар, фақиҳлар, тиб олимлари, ҳатто риёзиёт (математика), ҳандаса (геометрия), адаб илми (филология ва риторика) намояндаларини атрофга тўплаб, уларнинг илмий фаолиятини моддий рағбатлантириш кенг урф бўла бошлаган эди.

Аммо бир ҳақиқатни қайд этиб ўтиш керакки, Сунна ва ҳадис илмининг буюк устозлари доимо саройдан ўзларини четта тортиб келдилар, Абу Ҳанифа ва Имом Бухорий каби ислом оламининг энг ёрқин сиймолари ҳатто қозилик иқзифасини бажаришга розилик бермадилар. Маърифатчилар сарой ҳомийлиги бўлмаса, мақсадларига эриша олмас эдилар. Чунки табиий фанлар ва ўтмиш меросни жиддий ўрганиш учун бутун умрни бағишлиш, бундан ташқари турли моддий харажатларни қоплаш керак бўлар эди. Шу сабабли ислом маърифатчилиги намояндаларининг кўпчилик йирик шакиллари саройда, сарой билан боғлиқ ҳолда ёки саройга яқин доираларда ижод қилишди.

Мўътазила оқими бошлаб берган Калом фалсафасига Хисардан яна икки мустақил йирик оқим келиб қўшилди. Уларнинг биринчиси кўпчиликка маълум бўлган ашъария оқими бўлиб, асосчиси Абул Ҳасан Али бин Исмоил ал-Ашъарий (873—935) номи билан шуҳрат қозонди. Ал-Ашъарий ўзи Іасрада мўътазила оқимининг ўша даврдаги етакчи устозларидан Абу Али ал-Жуббай (вафоти 915 йил) қўлида таълим олган бўлиб, устози бегона эмас, Абулҳасанга ўтай ота бўлар эди. Аммо 912—913 йилларга келиб, ал-Ашъарий мўъта-

зила оқимидан узоқлашиб, Бағдодга кўчиб ўтди ва ўзи янги мустақил таълимотга асос солди. IX асрда мўътазила оқими шакланаётган пайтда ҳали юнон файласуфларининг мероси араб тилига мукаммал ўтирилган эмас эди. Шу сабабли айтиш мумкинки, Тавҳид таълимотининг мўътазила талқини нисбатан мустақил мантиқий тафаккурга таянган эди. Аммо ал-Ашъарий даврига келиб, Афлотун ва Арасту каби улуғ юнон файласуфлари изидан борувчилар пайдо бўлиб, араб тилидаги мустақил ислом фалсафа мактаби шаклана бошлигани ва бу соҳада янгилик яратиш қийинлашган эди.

Ал-Ашъарий ўз таълимотини яратишда Демокритнинг атом ҳақидаги назариясидан фойдалангани ҳақида илмий доираларда мулоҳаза юритилади. Аммо Ал-Ашъарийнинг энг асосий асарлари бевосита бизгача етиб келмагани сабабли бу ҳақда аниқ хуносалар қилиш қийин. Яқин ўтмишда ашъария оқими реакцион ҳисобланиб, аввал фалсафага, кейин мўътазилага ҳам қарши қўйиб келинди. 80-йиллар охиридан бошлаб, бундай ёндошув учча тўғри эмаслиги, мўътазила ва ашъария оқимлари орасида фарқларгина эмас, умумий жиҳатлар ҳам кўп эканлиги кўпчиликка маълум бўлмоқда. Бу оқимнинг кейинти намояндалари ичida Ал-Бақиллоний (вафоти 1013 йил), Абу Исҳоқ ал-Исфароиний (вафоти 1027 йил), Ал-Жувайнний (вафоти 1085 йил), Аш-Шаҳристоний (вафоти 1153), Фахриддин Розий (вафоти 1209 йил) каби улуғ алломалар ижоди жаҳон илмида кўплаб маҳсус тадқиқотлар мавзуи бўлиб келмоқда. Айниқса, охирги икки буюк зот ижоди алоҳида эътиборга сазовор бўлиб, уларда фалсафа ва Калом йўналишларининг яқинлашуви кузатилади.

Абул Ҳасан ал-Ашъарий билан деярли бир вақтда бизнинг яна бир буюк юртдошимиз Абу Мансур Муҳаммад бин Муҳаммад ал-Ҳанафий ас-Самарқандий ал-Мотурийдий (870—944) Калом илмининг учинчи мустақил оқими мотуридияга асос солди. Аллома таваллуд топган Мотурид қишлоғи ҳозирги кунда Самарқанд шаҳрининг бир маҳалласига айланган. Ёш Абу Мансур Муҳаммад Самарқандда ҳанафия мазҳаби фақиҳлари қўлида таълим олди ва кейинча ўша ерда ўзи ҳам мударрислик қилиб, фикҳ ва Калом илмини талабаларга ўргатди. Олимнинг асосий асарларидан “Китоб ут-Тавҳид” ва “Китоб таъвилат ал-Қуръон” асарлари бизгача етиб келган. Мотуридийнинг қабри Самарқанднинг машҳур

зиёрраттоҳларидан, юзлаб улуг алломаларнинг хоки-поклари жой олган Чокардиза мозорида бўлиб, собиқ тоталитаризм замонида (1948 йилдан кейин) атайин бузиб ташланган бу табаррук қабристон мустақиллик шарофати билан қайтадан обод қилинди. Мотуридия оқими ашъариядан баъзи масалаларга муносабати жиҳатидан жиддий фарқ қиласди. Масалан, инсоннинг ирова эркинлиги, яъни ўз ҳаракатларида соҳиби ихтиёр эканлиги мотуридия оқимидаги тан олинади. Мотуридия оқими ҳанафия мазҳаби доирасида, ашъария эса шоғеъийлар орасида ёйилган бўлиб, 1040—1044 йилларда Баглод ва Самарқандда бу таълимотлар расмий ислом ақида ва арконлари сифатида тан олинди ва ҳаётга жорий этилди. Мотуридия оқимининг инсонни соҳиби ихтиёр деб ҳисоблаши ва инсон ақли яхшилик ва ёмонлик (хайру шарр)ни бир-биридан ажратади, дейиши ашъариядан фарқли равишда Мовароуннаҳр ва Хурросонда кейинги (ХII—XV) асрларда илм-фан равнақ топишига йўл очди. XIX аср иккинчи ярми — XX аср бошларидаги мусулмон Шарқида етишиб чиққан ислоҳотчи уламолар (Муҳаммад Абду, Абдураҳмон ғул-Кавқабий кабилар) Имом Мотуридий таълимотига асосланиб, шариатдан чекинмаган ҳолда ислом дунёсини ақлга таяниб, замонавий илм-фан ютуқларидан фойдаланиб ва уларни тараққий эттириб, ислом жамияти олга ривожланиши зарурлигини назарий асослаб берганлар, замон талабига жавоб берувчи фатволар чиқарганлар. Бу йўналиш Шайх Сайд Жамолиддин ал-Афғоний, Исмоилбей Фаспирали, Маҳмудхўжа Беҳбудий каби илғор ислом уламолари фаолиятида янада кенг авж олди.

б) Ислом маърифатчилиги босқичининг иккинчи йирик йўналиши ботиния бўлиб, унинг асосида исмоилия бидъати ётади. Шиа мазҳабидан ажralиб чиққан бу бидъат намояндадари бошқа шиалар каби олтинчи имом Жаъфар ас-Содик (700—765) нинг кичик ўғли Мусо ал-Козим (вафоти 799 йил) ни эмас, катта ўғли Исмоилни имомликдаги вориси деб тан оладилар (Исмоил бин Жаъфар отаси ҳаёт чогида 762 йилда вафот этган). Мисрда Фотимиylар давлат генасига келгач (909 йил), исмоилийларнинг минтақа бўйлаб ғаолияти авж олди ва таъсири ҳам кучайди. Давр ақл ва мантиқий тафаккур даври эди. Шунга муносиб равишда исмоилия бидъати тарғиботчилари ўзларининг мураккаб фал-

сафий тизимини ишлаб чиқдилар. Улар билимни зоҳирий (ташқи) ва ботиний (ички) даражага ажратдилар. Зоҳирий билим авом учун мўлжалланган бўлиб, асосан шиа мазҳаби шариат аҳкомларига мос келарди. Ботиний билим эса фақат танланган тор доира — хослар орасидагина тарқалиши назарда тутилар ва борлиқни идрок этишнинг мураккаб фалсафий тизимидан иборат эди. Ботиний билимлар қомуси сифатида шуҳрат қозонган буюк мерос — X асрда яратилган 52 рисоладан иборат “Расоили ихвон-ус-сафо ва хуллон улвафо” (“Пок биродарлар ва вафодор дўстлар рисолалари”) мажмуаси бўлиб, бу мажмууда 14 рисола риёзиёт (математика)га, 17 рисола табиий фанларга, 11 китоб Олий ҳақиқат сирлари ва яна 10 китоб диний масалаларнинг мантиқий таҳдилита багишланган эди.

Бу мукаммал қомус исломгача ҳосил бўлган илмий-фалсафий меросни чуқур ўзлаштириш асосида юзага келган бўлиб, минтақа илмининг кейинги ривожига катта таъсир кўрсатди. Ботиния йўналиши асосан исмоилия бидъатига боғлаб талқин этилса ҳам, аслида ўша даврларда кўпчилик расмий ақидага муҳолиф қарашлар шу ном остида умумлаштириб талқин қилинганинги ҳам назардан қочирмаслигимиз керак. “Пок биродарлар” гуруҳидан ташқари исмоилиянинг Ан-Насафий (942 йилда ўлдирилган), Ал-Кирмоний (вафти 1021 йил) сингари бошқа машҳур назариётчилари ҳам фанга маълум. Мовароуннаҳрда исмоилия бидъатини тарғиб этган энг буюк шахс шоир ва мутафаккир Носир Хусрав (1004—1088) бўлиб, у Помир тоғлари бағридаги машҳур Бадаҳшон ўлкасидан эди. У исмоилия қарашларини жиддий фалсафий руҳда талқин қилиб, айниқса, ижтимоий адолат масалаларига алоҳида диққатини қаратди.

в) Учинчи, айтиш мумкинки, ақл қудрати ва мантиқий тафаккурга таянган энг йирик ва энг теран йўналиш — ислом фалсафа мактаби бўлиб, бу йўналиш табиий ва аниқ фанларни ўрганиш билан бевосита боғланниб кетади. IX асрда ёқ фалсафа йўналишининг биринчи йирик вакили Ал-Кинди (800—870) ижод этганлиги маълум. X асрга келиб, бу соҳада ҳам энг буюк алломалар яна бизнинг юртимиз ёки, кенгроқ олганда, Мовароуннаҳр ва Хурсоңдан етишиб чиқа бошлиди. Аввало, юртдошимиз Абу Наср Муҳаммад ибн Муҳаммад ибн Узлуг Тархон Форобий (873—950)

ни эсга олиш жоиз. У Форобда туркий элатдан бўлган ҳарбий оиласида туғилди. Шош, Бухоро, Самарқанд шаҳарларида таълим олиб, сўнг Рей, Исфаҳон, Ҳамадон шаҳарларини босиб ўтиб, Бағдодга кириб борди. 70 дан ортиқ тилини, ўз давригача яратилган илмий-фалсафий бойликни чукур ўзлаштириди. Форобий сарой доираларидан иложи борича ўзини узоқ тутган, камтарона ҳаёт кечирган, фақат умрининг охирида Ҳалаб ҳокими Сайфуддавла (943—967) илтифотига сазовор бўлиб, унинг ҳомийлигида бир мунча баракали ижод қилишга муяссар бўлган. Араб дунёсининг Мисрдан тортиб кўп шаҳарларини кезиб чиққан аллома Дамашқ шаҳрида нафот этган ва ўша ерга дағнি этилган.

Форобий 160 дан ошиқ асар ёзган қомусий билим соҳиби эди. У юонон файласуфлари меросини чукур ўрганиб, уларга шарҳлар ёзди. Айниқса, Аристотелнинг мураккаб фалсафий асарларини батафсил шарҳлаб берди. Унинг шарҳлари асосида катта бир гуруҳ алломалар юонон фалсафа мактаби мазмунини янгича талқинда ўзлаштиридилар. Бундан ташқари Форобий илмнинг турли ўйналишлари бўйича (фалсафанинг умумий масалалари, билиш назарияси, фанлар таснифи, математика, астрономия, музика, адабиёт назарияси, нотиқлиқ санъати, физика, кимё, тиббиёт, биология, этика, педагогика, ҳуқуқшунослик, давлатни бошқариш назарияси, сиёsatшунослик ва бошқа турли соҳаларда) мустақил рисолалар яратди.

Инсоннинг баҳт-саодатга эришуви, фозил жамият ва унинг ҳукмдори ҳақидаги Форобий олга сурган фоялар кейинги аср алломалари томонидан янада ривожлантирилиб, инсоният тарихини тўғри тушуниш ва талқин қилишда янгича ёндошуввларга асос солди. Форобий мероси XII—XIII асрлардаёқ лотин, қадимий яхудий ва бошқа тилларга гаржима қилиниб, Европа халқлари маънавиятини бойитишга хизмат қилди.

Форобий ва унинг ижодий фаолияти ҳақида катта монографик рисолалар ўзбек тилида босилиб чиққанлиги учун бу ҳақда ортиқча таъриф шарт бўлмаса керак.Faқат бир нарсага эътибор беришни бугунги кун тақозо қиласи. Алломанинг борлиқ ҳақидаги яхлит тасаввuri ва талқинлари сошет даври ҳукмрон мафкураси талабларидан келиб чиқиб кўп жиҳатлардан чалкаш талқин этилган.

Форобий соф фалсафий Тавҳид таълимотини яратишни ният қилган, десак тўғрироқ бўлар. Унинг мулоҳазалари исломдан ташқарида эмас, балки илоҳий китобда таъкид этилган Тавҳид таълимотини тўғри талқин этишга томон яна бир поғона юқорироқ кўтарилиш, дейиш маъқулроқ кўринади. Шу ўринда Аристотел ва Форобий, кенгроқ олсак, қадим Юнон мумтоз фалсафаси билан ислом маърифатчилиги даврига оид Тавҳид фалсафаси орасидаги нисбат ҳақида баъзи мулоҳазаларга эҳтиёж сезилади. Нега ислом маърифатчилари Ҳомернинг бадиий ижодига ёки Эсхил ва Софокл трагедияларига камроқ эътибор бериб, Афлотун ва Арасту фалсафасига айрича диққат қаратдилар? Аввал мусулмон мутафаккирлари юнон бадиий адабиётидан хабардор бўлмаганлар деб фараз қилинди, аммо бу нотўғри бўлиб чиқди. Бизнинг назаримизда, масаланинг моҳияти бошқачароқ. Маълумки, қадим юнон маданияти асотир тафаккур босқичида (фикрлаш тарзига кўра олганда “Авесто” маданиятининг мантиқий давоми сифатида) шаклланган. Шу сабабли у давр бадиий адабиёти ҳам халиқҳа яхши маълум бўлган асотир тимсолларга таяниб яратилгандир. Фалсафада ҳам то Афлотунга қадар биз шу ҳолатни мушоҳада қиласиз. Афлотун фалсафасида асотир тимсолий қобиқ ёки пўстлоққа айланган. Асл идеализм — бу Афлотун фалсафасидир. Ундаги идеялар олами ҳақидаги тасаввур асотир тафаккур қобигида янги бир дунёқарааш — борлиқнинг фалсафий талқини яралиб келаётганидан дарак беради.

Форобийни ва умуман, X—XI аср мусулмон донишмандларини Аристотел фалсафий меросига жазб этган нарса худди шу ҳолат, яъни асотир тафаккурни соф фалсафий дунёқарааш енгиб ўтганлиги бўлса, ажаб эмас. Шу нуқтаи назардан Аристотел қарашлари Борлик ҳақиқатини очиқ кўз билан, яъни соф ақл кўзи билан идрок этишдаги биринчи қадам бўлиб, Форобий талқинида бу қарашлар соҳиби Биринчи муаллим номини олди. Талқин этувчининг ўзи эса Иккинчи муаллим аталди. Шу ўринда яна Навоий яратган тимсоллар ёдга тушади. Сукрот Фарҳодни минг йил кутганини айтади. Аристотел мероси ҳам турк йигити Абу Наср Муҳаммадни 14 аср кутди. Исломгача аҳли башар фалсафий тафаккури авж нуқтаси билан Тавҳид фалсафасининг соф ақлга таянган ифодаси тугашуви шу тариқа амалга ошиди.

Форобий тимсолида миллий тафаккуримиз умумбашарий миқёсга кўтарилиди, яъни Форобий фалсафаси ўзидан олдинги умумбашарият мантиқий тафаккурининг чўққиси — Аристотелнинг борлиқни идрок этиш даражасига етишиб, ундан илгарилаб кетди. Ислом Тавҳид фалсафасининг Форобийдан кейинги тараққиёти бутун башариятни тафаккур тараққиётида янги пиллапоялардан юқори олиб чиқиб кета бошлади. Абу Абдулоҳ Хоразмий (вафоти 997 йил), Абу Али ибн Сино (980—1037), Абу Райҳон Беруний (973—1048) каби юргдошларимиз мероси ушбу юксалиш пиллапояларининг айрим бўғинларини ташкил этади, деб бемалол айтиш мумкин.

Илмий адабиётда араб тили урф бўлгани учун туркий адабиёт бадиий ижодга ижтимоий ва фалсафий қарашларни олиб кира бошлади. Беҳуда эмаски, Юсуф Ҳос Ҳожибининг “Кутадгу билиг” достони (1069 йилда ёзилган) кўп жиҳатдан замондоши Абу Али ибн Синонинг фалсафий ва ижтимоий тафаккури даражасига уйғун келади.

Форобийдан бошлаб Ибн Синогача барча файласуфларимиз қомусий билим эгаси эдилар. Беруний умумфалсафий мулоҳазалар билан камроқ шуғулланиб, кўпроқ турли музайян илм соҳаларига аҳамият берган бўлса, Ибн Сино ҳам аниқ ва амалий билимлар соҳасида, ҳам соф фалсафий мушиҳадаларда юксак чўққиларни забт этди.

Шу ўринда Форобий ва Ибн Сино фалсафаси орасидаги аниқ кўриниб турган фарқни қайд этиб ўтиш минтақа маънавияти тараққиётидаги ўзгаришларга эътиборимизни жалб ўтиши мумкин. Форобий X аср биринчي ярмида ижод этди. Унинг фалсафий тафаккурига тасаввух таълимотининг жiddий таъсири сезилмайди. Аммо Ибн Сино меросидаги “Ҳайй ибн Яқзон”, “Соломон ва Ибсол”, “Куш рисоласи”, “Ишқ ҳақида рисола” каби қатор асарларда тасаввухфа оид муаммолар кўтарилади ва уларга фалсафий жавоблар изланади. Масаланинг жiddий муҳокамасига киришмаган ҳолда айтиш мумкинки, бу ўзгариш бежиз эмас эди.

г) Тасаввух таълимоти ҳам исломнинг дастлабки асрларида ёк пайдо була бошлаган бўлиб, аввал тақвога ўта қаттиқ риоя қилиш, нафл ибодатларга берилиш билан кўзга ташланган бу йўналиш VIII асрга келиб Робияйи Адавия сиймосида илоҳий ишқни улуғлашни биринчи ўринга чи-

қарди. IX асрдан Зуннун Мисрий (вафоти 859), Хорис Мұхосибий (791—857), Боязид Бистомий (вафоти 875 йил) каби суфий шайхлари тасаввуф назариясига илк пойдевор тошларини күя бошладилар. IX аср охири X аср бошларида Жунайд Бағдодий (вафоти 910 йил), Мансур Халлож (858—922) каби машхур сиймолар етишиб чиқди. X аср охирида тасаввуф бўйича илк умумлаштирувчи китоблар “Китоб аллумаъ фи-т-тасаввуф” (Абу Наср Абдуллоҳ ибн Али Саррож — вафоти 988 йил), “Китоб ат-таарруф ли мазҳаб-ул-тасаввуф” (Муҳаммад ибн Иброҳим Бухорий Калободий — вафоти 995 йил) кабилар ёзилди. Тасаввуф таълимотининг кенг ёйилиши XI асрдан бошланди, дейиш мумкин. Бу аср тасаввуф насрый адабиётининг йирик вакили — Алишер Навоий тарафидан “пири Хирот” деб улуғланган Абдуллоҳ Ансорий (1006—1089), форс тилида ижод этган халқчил тасаввуф шеърияти вакиллари Бобо Тоҳир Урён, Абусаид Абулхайр (967—1049), Абдулҳасан Ҳароқоний (вафоти 1033 йил), Бобо Күхий (вафоти 1050 йил), тасаввуф ҳақида турли рисолалар муаллифлари Кушайрий (987—1073), Ҳужвирий (вафоти 1076 йил), Ас-Суламий (937—1021) ва тасаввуфнинг бошқа машхур амалиётчи ва назариётчилари яшаб ўтган даврdir. Булар ичida бизнинг диёр вакиллари Арслонбоб ота, Боб Фарғоний, Ҳусам ота кабилар ҳам бор. Кенгайиб бораётган бу янги маънавий жараён ақл ва мантиқий тафаккурни маънавият асоси деб билган, инсонийлик моҳиятини аввало ақлий билимларни ўзлаштириш ва уларни ҳаётга татбиқ этишда кўрган ислом маърифатчилиги босқичи намояндларига ўз таъсирини ўтказмай қўймади. Юсуф Ҳожибининг “Қутадғу билиг” достонида зоҳид суфий алоҳида тимсол ўзғурмиш қиёфасида акс эттирилди. Аммо шунга қарамай, XI асрда ҳануз ислом маърифатчилиги — файласуфлар, мутакаллимлар, ботинийлар, табиий ва аниқ фан алломалари, қисқаси, ақл ва билимни биринчи ўринга қўювчилар етакчиликни қўлдан берган эмас эдилар. Бу даврга ўз ижоди билан якун ясаган киши ҳам аслида XI аср охирида мантиқий тафаккурнинг энг забардаст вакили Имом Абу Ҳомид Фаззолий (1058—1111) бўлди. Фаззолий ниҳоятда бақувват мантиқий тафаккур эгаси, файласуфдир. Фарбда уни ҳатто материалистик тамойилдаги донишманд деб билишган. Бунинг сабаби, олимнинг “Мақосид ал-фалосифа” (“Фай-

ласуфларнинг мақсадлари") асари бўлиб, уни ўқиган киши, дарҳақиқат, Фаззолийни ҳам Форобий ва Ибн Сино йўналишидаги одам деб ўйлаши мумкин. Бу китоб 1145 йилдаёқ лотин тилига таржима қилингандан ва араб тилида ёзилган ислом фалсафий меросидан европаликлар биринчи навбатда шу китоб орқали хабар топишган эди. Фаззолий ҳақида Ҳегел ҳам юқори фикрда бўлган.

Аммо Фаззолий кейинги "Тахофт ал-фалосифа" ("Файлласуфларнинг ўз-ўзини инкор қилиши") асарида мантиқий тафаккурнинг ички зиддиятларини, ислом маърифатчилиги даври файлласуф алломаларининг асарларидағи ўзаро зид кепчувчи ўринларни чукур таҳлил қилиб берди. Фаззолий кўпроқ мутакаллим-файлласуф эди, аммо у асарларида мутакаллимларни ҳам аяб ўтиргани йўқ, улар мантиғидаги заиф жойларни ҳам кескин фош этди. Аллома бехудага "Ҳақиқат изловчилар"нинг турли тоифаларини санаб кўрсатган эмас. Мақсад уларниң қарашларини бирма-бир таҳлил қилиб чиқиб, ўзаро ички зиддиятларни аниқлаш, орадаги мўътадил мувозанат ҳолатини топишга уриниш эди. Фаззолий фақат файлласуфлар билан эмас, балки барча йўналиш вакиллари билан баҳсга киришади, христианларнинг, ботинийларнинг (исмоилия бидъати вакилларининг), суфийларнинг қарашларидаги ифротий (яъни умумий меъёрдан чиқиб кетган) жойларини илмий таҳлил асосида очиб беради. Фаззолийнинг тафаккури турли назариялардаги ички зиддиятларни ғеран кўра билиш қурдатига эга эди. Унинг Шарқдаги энг машҳур ва кенг қамровли асари "Эҳёйи улум ад-дин" ("Диний билимларнинг қайта жонланиши") бўлиб, бу асарда ишломуа ўз қарашларини мунтазам бир тарзда баён этган. Фаззолийнинг фалсафий қарашлари ислом минтақа маънавиятининг маълум бир босқичи якунланиб, янги босқич бошланашёттанидан ёрқин бир нишона эди. Фаззолий дунёга келгани даврда Салжуқийлар ислом минтақасининг катта ва муҳим қисмини қамраб олган, мустаҳкам марказлашган ислом давлатини тузишган эди. Минтақада ҳарбий куч ва ҳокимият тўлиқ туркий сулола қўлига ўтган бўлиб, араб халифалари фикрет расмий диний пешволик ҳурматини сақлаб қолган, турли давлат ишларини бошқаришда эса кўпроқ янги форс тилини кўлланилар эди. Шу сабабли улуф вазирларнинг кўпчилиги форс тилида гаплашувчилардан бўлиб, келиб чиқиши

туркий элат вакиллари бўлган амалдорлар ҳам одатий қоидага кўра давлат ишларига оид ёзувларни форс тилида юритар эдилар. Фаззолий Ҳурсонда туркий ва форсий элатлар азалдан аралаш яшайдиган Тус шаҳрида туғилди. У укаси Аҳмад билан эрта етим қолишиди. Фаззолий бошлангич таълимни Тусда олгач, илмини ошириш учун Журжон (Астробод) ва Нишопурга келди ва ашъарий оқимининг атоқли намояндаларидан Имом ал-Ҳарамайн (икки муқаддас даргоҳ имоми) деб шуҳрат топган мутакаллим ал-Жувайнин (вафоти 478—1085) қўлида то унинг вафотигача таълим олди.

Кучли мутакаллим ва фиқҳ олими бўлиб етишган Фаззолий улуг вазир Низомулмулк (1063—1092)нинг диққатини тортида ва Низомия мадрасасида дарс беришга жалб этилди. 1095 (488 ҳижрий) йилда кучли руҳий изтиробга тушган Фаззолий ўзининг бутун мударрислик ва фақиҳлик фаолиятини тўхтатиб, ҳажга йўл олди ва тасаввуф йўлига кириб, 11 йил мобайнида зоҳидлик ва таркидунё билан кун кечирди. Шу давр ичida ўзининг энг машҳур ва мукаммал асари — “Эҳёйи улум ад-дин”ни ёзиб тутатди. 1106 йилда Низомулмулкнинг ўғли Фахрулмулк илтимосига қулоқ осиб, яна Низомияда дарс беришга қайтди ва шу даврда ўз фалсафий қараашларининг такомил босқичларини акс эттирувчи “ал-Мунқиз мин ад-далал” асарини ёзди. Умрининг охирида яна она шаҳри Тусга қайтиб, суфий хонақоҳини ихтиёр этди ва муридларига суфиёна ҳаёт тарзидан сабоқ бера бошлади.

Фаззолийнинг бош китоби “Эҳёйи улум-ад-дин” тўрут қисм (рубъ-чорак)дан иборат бўлиб, ҳар бир қисм 10 китобдан ташкил топган. Биринчи қисм “Ибодатлар” деб аталади ва унда илм ва ақойид ҳақида умумий руҳдаги муқаддимадан сўнг, таҳорат, намоз, закот, рўза, ҳаж, Куръон тиловати, зикр ва Аллоҳга муножот амалларининг ички моҳияти, руҳий мазмуни асосли равишда очиб берилган.

Иккинчи қисм “Одатлар” деб номланган ва “Таом истеъмол қилиш қоидалари”дан тортиб “Пайғамбарлик ахлоқи”гача. инсон ҳаёт тарзига оид барча муаммолар батафсил таҳчилил қилиб чиқилган.

Учинчى қисм — “Муҳлиқот” (“Инсонни залолатта бошловчи ишлар ва хислатлар”) ҳақида бўлиб, унда кўнгил мўъжизалари ва дил тарбиятига оид сұхбат бошланади ва турли заарли ҳою ҳаваслар — очкўзлик ва ҳирс, эзмалик,

ҳасад ва нафрат, баҳиллик ва дунё тўплашга интилиш, кибр ва мунофиқлик кабилар қораланади.

Тўртингчи қисм — “Мунжиёт” (“Нажотга элтувчи хислатлар”) деб унвон олган бўлиб, кўпроқ тасаввуф мақомлари йўналишида — тавба, сабр ва шукроналик, хавфу рижо (ёмон амаллар учун Аллоҳ жазосидан қўрқиш ва яхши амаллар эвазига Аллоҳ иноятига умид боғлаш), зуҳд ва факр, тавҳид ва таваккул, ишқ, ҳижрон, қаноат, ният, самимият ва ҳақгўйлик, ўз-ўзини эҳтиёт ва назорат қилиш, ўз ҳолини мушоҳада қилиш ва ўлимни ёдда тутиш масалаларига маҳсус эътибор қаратилган. Асар муаллифи ҳам файласуф, ҳам муқаддас китоблар билимдони, ҳам ҳуқуқшунос-фақиҳ ҳам тасаввуф сирларидан чуқур хабардор аллома, ҳам ахлоқшунос-носиҳ (насиҳат этувчи) сифатида ўзини намоён тағди. Китобда ахлоқий, диний, ҳуқуқий, ирфоний тушунчаги ва муаммолар бакувват мантиқий далиллар ёрдамида жиддий таҳдил этилади ва ишонарли тарзда тушунтириб берилади. Улуғ алломанинг ушбу асаридағи фоялар ихчамлашган гарзда “Кимёйи саодат” номи билан форс тилида ҳам баён қилинган.

IX асрдан авж ола бошлаган Ислом маърифатчилити X

XI асрлар давомида мінтақа маданиятига исломгача башният яратган бутун маънавий бойликни ўша давр имкони дарражасида олиб кириб, уни чуқур ўзлаштириш ва янгича руҳда қайта талқин қилишга эришди. Аммо бу орада ушбу босқичнинг ноқис жиҳатлари ҳам кўриниб қола бошлади. Інринчидан фоялар хилма-хиллиги ниҳоятда кучайиб, улар орасида баъзан муросасиз кураш ва зиддиятлар авж олиб кетди. Ислом дини ичидаги турли бидъатлар беадад кўпайиб кетган эди. Иккинчидан, кўпроқ ҳукмдорлар саройида ва ҳос зиёлилар орасида юқори даражаларга кўтарилиган илм ва мантиқий тафаккур мевалари ҳануз Сунна ва щариат босқичида қолиб келаётган оддий шаҳар ва қишлоқ аҳолиси (авом) орасига кўп сингиб бормаган ва маълум маънода, кенг халқ оммаси билан ҳос илмий доиралар тафаккур даражаси орасида узилиш вужудга келган эди. Сунна йўналиши намоянлавари жамиятни ушбу узилиш түғдириши мумкин бўлган маънавий номавзунлик ҳолатидан ҳимоя қилиш ниятида мотуридия ва ашъария Каломига таянган ҳолда халифа ал-Қодир (991—1031) фармони билан имон асосларини ишлаб

чиқдилар ва жорий этдилар. Аммо бу билан фикр ривожи тўхтаб қолгани йўқ. Тавҳид таълимоти заминида борлиқни англаб етиш турли йўналишларда давом эта берди ва тафаккур ривожини ҳеч қандай фармон билан ушлаб туриш мумкин эмаслиги борган сари ойдинлашиб борди. Учинчидан, Аббосийлар (750—1055), Сомонийлар (874—999), Фазнавийлар (955—1048), Салжуқийлар (1040—1092) томонидан такомиллаштирилиб, исломгача даврга нисбатан бутунлай янгиланган давлат тизими ва жамият тизими маълум авж палласига кўтарилиб, XI аср охирларига борганда унинг муайян ички зиддиятлари намоён бўла бошлиди. И smoилия бидъатининг яратувчилик фаолияти сусайиб, яширин қотилликлар йўлига ўтиши, улуғ вазир Низомулмulkнинг ўлдирилиши (1092 йил) ва буюк салжуқий ҳукмдори Маликшоҳ (1072—1092) вафотидан сўнг ўғилларининг тож-тахт жанжаллари шу улфайиб келаётган ижтимоий-сиёсий бўхроннинг нишоналари эди.

Тўртингчидан, шаҳар аҳолиси, айниқса, ҳунарманд-косиблар ва ўрта ҳол савдо аҳлиниң маърифати ва ижтимоий мавқеи юксалиб борар, уларнинг маънавий эҳтиёжлари ва билим даражаси кескин ошиб, ижтимоий фаолликлари ҳар соҳада сезила бошлаган эди. Футувва ва ахийлик жамоалари борган сари кенг таркиб топиб, тасаввуф гоялари хонақоҳ ва ҳужралардан чиқиб, халқ ичига ёйилди. Хуллас, XI аср охри — XII аср бошларида жамиятнинг маънавий аҳволи янги бир босқичда уйғунлашув ва мувозанатни тақозо этарди. Фаззолий ижоди ушбу эҳтиёжга энг мукаммал жавоб бўлди. Ўзаро баҳс ва низолар ўрнига эл маънавиятида шундай бир уйғун мувозанат таклиф этилдики, унинг барча тоифа ва йўналишлар, барча ижтимоий гуруҳлар ва фикрий оқимларга ўзаро яқинлашув имконини берувчи қудрати ва мазмун бойлиги яққол сезилди. Фаззолий ўзининг бош асарида Сунна ва тасаввуф қадриятларини ўзаро уйғун эканлигини исботлаб қўяқолмай, имон, илм ва ирфоннинг яхлитлигини мантиқий асослаб берди. Сунна аҳлини илм ва ирфон вакиллари билан яқинлаштириб, ислом оламида янги босқичдаги маънавий уйғуныликни таъминлашга улкан асос яратди. Шу билан бирга Фаззолийнинг илмий-ижодий фаолияти минтақа халқлари маънавий камолотини ислом маърифатчилиги босқичидан тасаввуф ирфони босқичига узил-

ессил олиб ўтиб қўйишда ҳал қилувчи аҳамиятга эга бўлди, неб ҳам бемалол айтиш мумкин.

3. IX асрдаёқ минтақа бўйича шуҳрат таратган қатор юргдошларимиз — олимлар ва давлат арбоблари — Аҳмад ибн Тулун (835—883), Муҳаммад ибн Мусо Хоразмий (780—850), Аҳмад Фарғоний (вафоти 861 йил), Амаюрий Фарғоний, Абу Ҳафс Суғдий (вафоти 832 й.) каби улуғ шахслар стиниб чиқди. Улар сингари ўнлаб улуғ сиймолар минтақа миқёсидагина эмас, балки жаҳон миқёсида ҳам ном қозончилар ва ҳануз аҳли башарга қилган хизматлари унтилган мис.

Милодий X — XI асрларга ўтгач, энди минтақа миқёсида машхур шахсларнинг ҳисобига етиб бўлмай қолди, бу дунёнинг турли қомуслар ва фарҳангларда номи тилга олингани атоқли намояндалар рўйхати ҳар бир аср учун 150—200 исмдан кам эмасдир. Буларнинг кўпчилиги Ҳуросон ва Монгоунахрдан етишиб чиққан сиймолар бўлиб, Балхий, Самарқандий, Марвазий, Бухорий, Фарғоний, Хоразмий писбали алломалар сафига энди Шоший, Форобий, Ўзғаний, Журжоний, Термизий, Тусий каби бошқа шаҳарларнинг вакиллари ҳам қўшила борганининг гувоҳи бўламиз. Бу даврда юргдошларимиз илмнинг деярли барча соҳаларига фиол ҳисса қўшиб бордилар. Шеърият ва унга оид илмлар, илми адаб ва ахлоқшунослик, фикҳ, калом, тиббиёт, риёниёт, ҳандаса, сарфу наҳв (грамматика), илми нужум, тарих шу жуғрофия, тасаввуф ирфони, фалсафа, қиёсий тилшунослик ва оғзаки ижодни ўрганиш, мусиқа илми, китобат илми ва ҳоказо илмларнинг жуда кенг доираси қамраб олинли, хаттотлик, меъморлик, наққошлик каби турли амалий спишатлар урф бўлди.

Бу даврда адабиёт асосан сарой адабиёти сифатида гуллаб яшнади. Ҳар бир ҳукмдор қошида мустақил адабий мактаблар ташкил топди. Шеърият уч тилда — араб, форс ва туркий адабий тилда яратилди. Бағдодда туркий тил билимчилари ижод этган бўлса, Бухоро ва Самарқанд, Хоразм ва Гонкентда араб тилида ижод этувчи адаб ва шоирлар етишиб чиқди. Фирдавсий “Шоҳнома”си, Маҳмуд Кошғарийнинг “Девону луготит-турк” асари, Юсуф Хос Ҳожибининг “Кутадгу билиг” достони каби ўнлаб буюк адабий обидалар

шу давр меваларидир. Бу давр сарой адабиётида ишқий газаллар, май ва мусиқа тараннуми, мадҳия-қасидалар ва ҳижо, яъни алоҳида шахсларни ҳажв этиш кенг ривож олган эди. Насрий асарлар рисола тусида бўлиб, кўпроқ панд-насиҳат, дунёнинг ўзгарувчанлиги ҳақида мулоҳазалардан иборат бўларди.

Аҳли башарнинг исломгача яратган ёзма ва оғзаки меросини жиддий тадқиқ этиш натижасида икки муҳим йўналиш вужудга келди. Биринчиси, қадим Юнон фалсафаси таъсирида шаклланган мустақил ислом фалсафаси бўлса, иккинчиси, Сосонийлар даврида яратилган тарихий йилномалар — “Худойнамак”лар (Хукмдорлар тарихи)ни жиддий ўрганиш ва араб тилига таржима қилиш натижасида ислом минтақасида аввал араб, сўнг форс тилида мустақил фан сифатида шаклланиб, кенг урф бўлган тарихшунослик, яъни дунё тарихига оид кўп жилдлик асарлар ёзиши анъанаси эди.

Бу даврга келиб бутун минтақа бўйлаб туркий қавмлардан улуғ лашкарбошилар ва хукмдорлар етишиб чиқа бошлиди. Улуғ туркий сулолалар — Қораҳонийлар, Фазнавийлар, Салжуқийлар дунё сиёсатини шакллантиришда фаол иштирок эта бошладилар. Волгабўйи булғор (туркий) хукмдорлари расман исломни қабул қилди. Мисрда IX асрда ҳокимиятга келган турк волийлари бу ўлка ҳаётига сезиларли таъсир кўрсатдилар. XI аср (хижрий V аср) туркий хукмдорларнинг минтақа бўйлаб тўлиқ давлат бошқарувига ўтган даври, дейиш мумкин. Қораҳонийлар ва Фазнавийлар бутун Хурросон ва Марказий Осиёни эгаллаган бўлсалар, 1058 йилда Салжуқийлар хукмдори Муҳаммад Туғрулбей (1040—1063) Бағдодга кириб келди. Шу йиллардан Аббосий халифаларнинг дунёвий хукмдорлик фаолиятига расман чек қўйилди. Аммо уларнинг руҳоний етакчи сифатидаги обрўларига тажовуз қилинмади. Бу даврда туркий сулолалар таъсири Волгабўйи, Фарбий Сибир ва Шарқий Туркистон ҳудудларидан то Шимолий Ҳиндистон ерларигача таралди. Кавказорти, Эрон, Шом ва Ироқ туркий ислом сулолалари қўлига ўтди. Уларнинг хукмдорлиги аста-секин Миср ва Кичик Осиёгача ёйилиб борди.

X—XI асрлар бутун Ислом минтақасида илм ва маданиятнинг энг гуллаб-яшнаган даври, айниқса, XI аср унинг авж нуқтасига кўтарилиган палласи бўлди, дейиш мумкин.

Бу даврда илм марказлари, адабий мактаблар энди бир-икки жойда эмас, балки бутун минтақа бўйлаб ёйилиб кетди. Бағдод, Хоразм, Фарғона, Тошкент, Термиз, Насаф, Марв, Кошғар, Баласофун, Талас, Волгабўйи шаҳарлари, Нишопур, Исфаҳон, Ҳирот, Журжон, Тус, Рей, Фазна, Фарбда Испания ва Шимолий Африканинг турли шаҳарлари илм-маърифат ўчоқларига айланди.

Миллий маънавиятимиз ривожида мазкур босқични — Ислом маърифатчилиги деб номлаш мақбул кўринди. Абу Наср Форобий (873—950), Абу Мансур Муҳаммад ал-Мотурий (870—944), Абу Абдулоҳ Хоразмий (вафоти 997 йил), Абу Али ибн Сино (980—1037), Абу Райҳон Беруний (973—1048), Юсуф Хос Ҳожиб (1019 йилда туғилган) каби аждодларимиз ижоди ушбу босқичга тўғри келади. Бу босқичнинг асосий хислати ақлга, мантиқий тафаккурга таяниш, ўтмиш (исломгача) инсоният яратган маънавий бойликни ўзлаштириб, янгича талқин қилиш, аниқ ва табиатга оид фанларга қизиқишининг беҳад кучайиши эди. Бу босқич анъ-аналари кейин ҳам давом этди. Бу босқичда “Ҳақиқат изловчилар” нинг турли йўналишлари: Калом, фалсафа, ботиния ва тасаввuf мукаммал шаклланди. Бу йўналишлар кейинги асрларда ҳам ривожланишда давом этди (масалан, юртдошимиз улуғ тилшунос ва муфассир Маҳмуд аз-Замахшарий (1075—1144) XII асрда адаб илми ва мўътазила оқими-нинг буюк намояндаси бўлиб майдонга чиқди). Шу жиҳатдан Ислом минтақасида илм-фан ривожини фақат X—XI асрлар билан чеклаш, албатта, мумкин эмас, аммо биз ҳар босқичнинг чегараларини белгилашда муайян шартлиликка йўл қўйиб, миллат маънавий камолотининг етакчи тамой-илларини ва ички мантиқий ривожини назарда тутдик.

Таянч иборалар: Ислом маърифатчилиги — давр тақозоси, мантиқий тафаккурга таяниш эҳтиёжи, исломгача ба-шарият яратган илмий меросни жиддий ўрганиш, кенг ми-кёсда таржимачилик фаолияти, Ҳақиқатни англаб етишининг турли мувозий (параллел) йўналишлари шаклланиши, “Ҳақиқатни изловчилар тоифаси”нинг тўрт гуруҳи, “Ат-Тавҳид вал-Адл”, антропоморфизмнинг инкор қилиниши, мўътазила йўналишининг янглишуви, халифа Маъмун, Бағдодда “Байт ул-ҳикма” (Донишмандлик уйи), Муҳаммад ибн

Мусо Хоразмий, Аҳмад Фарғоний, Калом фалсафаси, Абул Ҳасан ал-Ашъарий, Абу Мансур Муҳаммад ал-Мотуридий, мотуридия ва ашъарияда инсоннинг ироди эркинлиги масаласи, “Расоили иҳвон-ус-сафо ва хуллон ул-вафо”, Носир Ҳусрав, ислом фалсафа мактаби, Аристотел ва Форобий, “Фозил шаҳар аҳолисининг қарашлари”, тавҳид фалсафасининг соғ ақдига таянган ифодаси, Абу Али ибн Сино, Абу Райхон Беруний, Юсуф Ҳос Ҳожиб, ilk суфийлар, тасаввуф ирфонининг шаклланиши, Абу Ҳомид Газзолийнинг фалсафа ва ирфонга муносабати, туркий сулолаларнинг дунёсиёсатини шакллантиришдаги иштироки, Низомулмулк, футувва ва ахийлик жамоалари, адабиёт ва тарих фанининг ривожи, юртдошларимиз — буюк алломаларнинг жаҳон миқёсидаги хизматлари.

Тавсия этилувчи ва фойдаланилган адабиётлар рўйхати:

Асосий адабиёт:

1. Каримов И. А. Озод ва обод Ватан, эркин ва фаровон ҳаёт — пировард мақсадимиз. 8-жилд. Т. — “Ўзбекистон” — 2000, с. 341—343, 462—474.
2. Каримов И. А. Биз келажагимизни ўз қўлимиз билан қурамиз. 7-жилд. Т. — “Ўзбекистон” — 1999, с. 183—192.
3. Каримов И. А. Ватан саждагоҳ каби муқаддасдир. 3-жилд. Т. — “Ўзбекистон” — 1996, с. 33—42.
4. Маънавият юлдуzlари. Т., 1999.
5. Имомназаров М. С. Миллий маънавиятимизнинг такомил босқичлари. Т., 1996.
6. Иброҳимов Н. Ибн Баттута ва унинг йўрга Осиёга саёҳати. Т., 1993.
7. Низомулмулк. Сиёсатнома ёки Сияр-ул-мулук. Т., 1997.
8. Абу Ҳамид Газали. Воскрешение наук о вере. М., 1980.
9. Абу Наср Форобий. Фозил одамлар шаҳри. Т., 1993.
10. Мец А. Мусульманский Ренессанс. М., 1973.
11. Уватов У. Имом Мотуридий. Т., 1999.
12. Ульрих Рудольф. Ал-Матуриди и суннитская теология в Самарканде. Алматы. — Фонд “XXI век” — 1999.

Кўшимча адабиёт:

13. Абу Али ибн Сина. Избранные произведения. Т. 1. Душанбе, 1980.
14. Бертельс А. Е. Насири Хосров и исмаилизм. М., 1965.
15. Г. Э. фон Грюнебаум. Классический ислам. М., 1988.
16. Зохидов А. Формирование и особенности развития спбодомислия в Средней Азии в период раннего средневековья. Т., 1979.
17. Монтгомери Уотт У. Влияние Ислама на Средневековую Европу. М., 1976.
18. Хайруллаев М. М. Мировоззрение Фороби и его значение в истории философии. Т., 1967.
19. Комилов Н. Тафаккур карвонлари. Т., 1999.
20. Юсуф Ҳос Ҳожиб. Кутадгу билит. Т., 1971.
21. Ҳасанов Ҳ. Сайёҳ олимлар. Т., 1981.
22. Ал-Мотуридий таълимоти ва унинг Шарқ ҳалқлари мисалини тидағи ўрни. (Маъruzalар тұплами). Т., 2000.
23. Ўрта Осиё ҳалқлари хурфиксиялық тарихидан. Т., 1990.
24. И. П. Петрушевский. Ислам в Иране. Л., 1966.
25. Васильев Л. С. История религий Востока. М., 1998.
26. Восточный Туркестан в древности и раннем средневековье: этнос, языки, религии. М., 1992.
27. Джемс В. Многообразие религиозного опыта. Санкт-Петербург. 1993.
28. Митрохин Л. Н. Философия религии. М., 1993.
29. Ах-Наубахти. Шиитские секты. М., 1973.
30. Религия в истории и культуре. М., 1998.
31. Григорян С. Н. Из истории философии Средней Азии и Ирана. М. 1960.
32. Морочник С. Б., Розенфельд Б. А. . Омар Хайям. Поэт, мыслитель, ученый. Сталинабад, 1957.

10-маъзуза. ТАСАВВУФ ТАРИҚАТЛАРИ ВА ИРФОН БОСҚИЧИ

ДАРС РЕЖАСИ:

1. Зоҳидлик, ошиқлик ва орифлик. Ибн Сино ва Фаззалий “Ишқ” ҳақида.

2. Тасаввуф назарияси ва Ибн ал-Арабий мероси. Тасаввуф тариқатларининг шаклланиши.

3. Туркистонда тасаввуф. Яссавия ва Кубравия. Баҳоуддин Нақшбанд ва тасаввуф ирфонининг камоли.

4. Илм ва ирфон. Нафс тарбияси ва Риёзат маърифати.

1. Сўз бошидан таъкидлаш зарурки, зоҳидлик бу — ирфон эмас, аммо тасаввуф зоҳидликдан айру ҳам эмас. Шу нуқтаи назардан Увайс Қараний (вафоти 644 йил), Молик Динор (вафоти 748 йил) каби машхур сиймолар тасаввуфдан ташқари эмас, аммо асли тасаввуфнинг шаклланишини, бизнинг назаримизда, Ҳасан Басрий (642—728) фаолияти, яъни VIII асрдан, деб белгилагандан кўра, IX аср ўрталаридан, яъни Зуннун Мисрий (796—859), Хорис Мухосибий (791—857), Боязид Бистомий (вафоти 875 йил) ижодларидан бошлиш ўринлироқ бўлса керак. Мулоҳаза шундаки, тасаввуф тариқининг мақомлари тугал бўлмагунича ва муайян тизимга тушиб шаклланмагунича, олдинги салафлар ўрни ҳам муайян бўлмоғи тасаввурдан ташқарири. Фаззолийгача тасаввуф ирфони ислом маърифатчилиги босқичининг йирик йўналишларидан бири сифатида шаклланиб ултурди. Фаззолий ўз асарларида Калом, фалсафа, ва бошқа йўналишларни умумий меъёрга келтириб, ҳосил қилган холосаси ирфон фойдасига эди. Масалан, унинг ишқ турлари ва уларнинг ўзаро нисбати хусусидаги мулоҳазаларини олиб кўрайлик. Ишқ ҳодисаси қадимдан аҳли башарни қизиқтириб келган. Қадим Ҳинд, Хитой, Юнон тафаккур мевалари орасида ёлғиз бани башарга хос бу руҳ, нафс ва жисмни бир нуқтада бирлаштирувчи ҳодисанинг таҳдилига багишлаб ёзилган талай асарлар мавжуд. Ислом минтақасида бу мавзуга оид Поклик биродарлари яратган қомус таркибида ги рисоладан кейин яратилган яхлит фалсафий асар Ибн Синонинг “Рисола фи-л-ишқ” китобидир. Албатта, бу асарнинг ёзилишига тасаввуфнинг таъсири бор, чунки тасаввуф ирфонида етакчи ўрин тутувчи ҳодиса ишқдир. Аммо, табииики, Ибн Сино файласуф ва амалиётчи табиб бўлганлигидан ишқка ҳам мавжуд воқееликнинг илмий тадқиқотчиси ва соғ файласуф сифатида ёндошади. Тиббиётга оид китобларида инсондаги ишқ ҳодисасини руҳий мувозанат бузилишининг бир тури сифатида шарҳлаган олим, ишққа

фалсафий нуқтаи назардан ёндошганда, Поклик биродарлари ва Форобийнинг бу ҳақдаги фалсафий мушоҳадаларини ижодий ривожлантириб, ишқни руҳий ҳодиса мазмуни сифатида тадқиқ этади. Ибн Сино ишқни (бир нарсага мойиллик маъносида) барча табиат унсурларига хос деб билади ва инсон ишқидаги ҳайвоний ва руҳоний жиҳатларни ажратиб кўрсатади.⁷² Олим фикрига кўра, улардан қайси бири ғолиб келишига қараб, инсон ишқи ҳайвоний ҳирсдан илоҳий ишқ сари улуғлашиб боради. Аллоҳ маърифатига интилиш ишқнинг энг олий даражасидир, деб ҳисоблайди Ибн Сино. Аммо унинг асари чуқур фалсафий мушоҳадалар руҳида ёзилганигидан оддий ҳалқ намояндалари учун анча мавхум кўриниши мумкин/⁷³ Фаззолий матни ўзгача. “Эҳёи улум-ад-дин” нинг тўртинчи қисми “Мунжиёт” да алоҳида “Ишқ ҳақида китоб” бўлиб, унда бу инсоний туйғу кимга йўналтирилганига кўра таснифланиб, унинг беш тури саналади:

1. Инсоннинг ўз-ўзига муҳаббати.
2. Унинг ўз ҳомийлари, унга меҳр-шафқат кўрсатувчиларга муҳаббати.
3. Унинг умуман инсонларга яхшилик қилувчиларга муҳаббати.
4. Инсоннинг барча ички ва ташқи гўзаллик эгаларига муҳаббати,
5. Моҳият жиҳатдан ўзига ўхшаган зотга муҳаббати.⁷³

Аммо ушбу барча муҳаббат турлари Фаззолийнинг кейинги мантиқий таҳлили натижасида инсоннинг бутун борлиқ ва мавжудотларнинг яратувчиси ва хожаси Аллоҳга бўлган муҳаббатида ягона олий туйғуга айланади. Алломанинг бу ҳақдаги исбот ва далиллари лўнда ва ёрқин бўлганлигидан тушунарли ва ишонарли чиққан, унинг таъсир кучи ҳам бекиёсдир. Фаззолий мулоҳазалари салафлари фикридан баҳра олади, аммо унинг талқини ва ифода усули мавхум фалсафий таҳлиллардан фарқли ўлароқ, оммабоп ва ҳаётга яқинлаштирилгандир.

Шундай қилиб, Фаззолий тафаккур тарзида салафлари изидан борган ҳолда, биринчидан, мулоҳазаларини оддий инсонларга тушунарли тарзда баён қилишга муваффақ бўлди, иккинчидан, маърифатчиликка маълум даражада яқун ясад, бу босқич алломалари эришган ютуқларни умумлаштириди ва оммалаштириди. Учинчидан, тавҳид моҳиятини англаб ет-

моқ учун ақл ва мантиқнинг ўзи кифоя қилмаслигини тан олиб, қатъяин тасаввуф ирфони қадриятлари ҳимоясига ўтди. Шулар асосида минтақа маънавиятининг ирфон босқичи сари юксалишига фикрий муҳит ҳозирлади. Фаззолийдан кейин тасаввуф тариқатларининг кенг миқёсда шаклланишга ўтиши Тавҳид таълимотини англаб етишнинг янги босқичи минтақада ғалаба қўлганини англатар эди.*

2. Дарҳақиқат, XII асрдан туб ўзгаришлар бошланди. Имом Фаззолийнинг туғишган укаси Абдулфутуҳ Аҳмад Фаззолий (вафоти 1126 йил) акаси изидан бормай, сўфийлик йўлини ихтиёр этди. У шайх Абу Али ал-Фармозий (вафоти 1084 йил) ва шайх Абу Бакр ан-Нассож ат-Тусий (вафоти 1084 йил) сұхбатларига ноил бўлди ва Ибн Синонинг “Қуш рисоласи” асарига тасаввуф руҳида жавобия ёзди. XII аср бошлирида форс мумтоз шеъриятининг энг ёрқин юлдузларидан Абдулмажид Маждуд ибн Одам Саноий (1048—1140) янги бир анъанани бошлаб берди; у биринчилардан бўлиб аср бошида саройни ва мадҳиятгайликни тарк этиб, шеъриятта жиддий фалсафий-ижтимоий ва ахлоқий масалаларни олиб кирди. Шу сабабдан унинг “Сайрул-ибод илал-маод” (“Аллоҳ бандаларининг қайтар маконга сафари”) ва 10 минг байтдан ортиқ ҳажмдаги “Ҳадойиқ-ул-ҳақиқа” (“Ҳақиқат боғлари”) достонлари буюк халафлари (издошлари) томонидан суфиёна руҳда талқин этилди. Аср охирларига бориб бу жараён анча кенг ёйилди — ўша давр сарой шеъриятининг атоқли вакиллари Анварий (вафоти 1191 й.), Ҳоқоний (1120—1199) ва бошқалар бирин-кетин узлатға чекиниб, ўз ҳомийларига мадху сано ўрнига жиддий фалсафий қасидалар ёзишга киришдилар.

XII аср биринчи ярмида Фаззолий қарашлари минтақанинг кўп жойида ҳануз жиддий англаб етилмаган, ҳатто уни қоралаш, рад қилиш ҳаракатлари кўзга ташланар эди. Аммо вақт ўтган сари буюк мутафаккир меросининг қадри ва нуфузи оша борди. Ирфон қадриятлари борган сари кенгроқ инсонлар жамоасини ўзига жалб этиб, турли тасаввуф тариқат ва сулуклари таркиб топа бошлади. XII—XIII асрлар давомида то бизнинг замонамизгача муайян таъсирини сақлаб келган асосий тариқатлар — Сухравардия (асосчилари Зийауддин Абу Нажиб ас-Сухравардий — 1037—1168, Шаҳобиддин Яҳё ас-Сухравардий — 1155—1191, Шаҳобид-

дип Абу Хафс Умар ас-Сухравардий — вафоти 1234), Қодиря (асосчиси — Абдулқодир бин Абу Солиҳ Жилоний — 1077—1166), Рифоия (асосчиси — Аҳмад бин Али ар-Рифоий — 1106—1182), Яссавия (Аҳмад Яссавий, вафоти — 1166 йил), Кубравия (Нажмиддин Кубро — 1145—1221), Шозилия (Абулҳасан Али аш-Шозилий — 1196—1258), Бадавия (Лҳамад ал — Бадавий — 1199—1276), Дасукия (Иброҳим ад-Дасукий — 1246—1288), Чиштия (Муиниддин Муҳаммад Чиштий — вафоти 1236), Мавлавия (Жалолиддин Румий — 1207—1273) шаклланиб улгурди. Кейинчалик нақшбандия цеб шуҳрат топган Ҳожагон сулукининг қатор шайхлари — Юсуф Ҳамадоний (1049—1140), Абдулҳолиқ Фиждувоний (вафоти 1179), Ориф Ревгарий (вафоти 1259 йил), Маҳмуд Анижир Фағнавий (вафоти 1272) кабилар ҳам шу икки аср оралигига яшаб ўтдилар. Абу Майдон Шуайб бин ал-Хусайн (1126—1198), Мажиддин Бағдодий (вафоти 1219 йил), Йунус бин Йусуф аш-Шайбоний (вафоти 1222 йил), Абдулфатҳ ал-Воситий (вафоти 1234), Абу Муҳаммад Али ал-Ҳаркулий (вафоти 1247), Толиб ар-Рифоий (вафоти 1284), Абулаббос Аҳмад Санҳожий (1088—1141), Фарииддин Шакарғанж (1175—1265), Нуриддин Муборак Фазилний (вафоти 1274), Баҳоуддин Закариё (1182—1268) каби минтақада донг таратган бошқа қатор улуф шайхлар ҳам шу ширда яшаб фаолият олиб бордилар.

Бу икки аср мобайнода ирфоний шеърият ва тасаввуф филисафаси ҳам юксак чўққиларга кўтарилди. Агар Саноий постонлари йўналиши ҳақида ҳануз тараддуд мавжуд бўлса, Фарииддин Аттор (1147—1229) ва Жалолиддин Румий (1207—1273) достончилигининг мазмуни соф тасаввуф руҳида эканни ҳар қандай баҳсдан холидир. Араб дунёси ушбу асрларда икки буюк зотни — ирфоний ишқнинг оташин кўйчиси Ибн ал-Фарид (1181—1234) ва назарий тасаввуфнинг чўққиси бўлмиш “Футуҳоти Маккия” асарининг муаллифи Ибн ал-Арабий (1165—1240)ни етказиб берди. Бугунги кунда Ибн ал-Арабий меросини чуқур ўзлаштирмай туриб, тасаввуф ирфони ҳақида салмоқли илмий мулоҳаза юритиш мушкул қанлиги жаҳон афкор оммасига аёндир. Бу мураккаб фалсанфани англаш ва англатиш учун не-не шарҳлар ёзилмади. Ўуллар жумласидан форс тасаввуф шеъриятининг забардаст шикилларидан Фахриддин Ироқий (1213—1289) ёзган “Ла-

маъот” асари бўлиб, унга шарҳ сифатида Алишер Навоий илтимосига биноан Абдураҳмон Жомий (1414—1492) “Ашаъот-ул-ламаъот” рисоласини ёзди ва унинг асосида улуғ вазирни ирфон фалсафасининг мураккаб сирларига ошно қилди.

3. Тасаввуф ҳақида гапирганда, албатта, туркий тасаввувф намояндалари ҳақида тўхталиб ўтиш лозим бўлади. Маълумки, Алишер Навоий ўзининг “Насойим ул-маҳабба мин шамойим ул-футувва” асарида туркий тасаввуф шайхлари ҳақида батафсил маълумотлар берган. Бу ўринда биз фақат жаҳон тасаввуф тариқатларидан энг машҳурларининг асосчилари ҳисобланган Нажмиддин Кубро, Аҳмад Яссавий ва Баҳовуддин Нақшбанд фаолиятларига қисқача тўхталиб ўтамиз, холос.

Шарқнинг машҳур ирфоний муршидларидан бири, Кубравия тариқатининг асосчиси “шайхи валийтарош” деб ном чиқарган Нажмиддин Кубро 1145 йили Хоразмда таваллуд топган бўлиб, 1221 йили мўғул босқинчилари қўлида шаҳид бўлган. Нажмиддин Кубро ҳам ориф, ҳам ошиқ, ҳам шоир сифатида машҳур. У рубоийлар, “Фавоиҳ ал-Жамол ва фавотиҳ ал-Жалол”, “Ал-усул ал-ашара”, “Рисолат ал-Хоиф ал-Хаъим мин лаумон ал-лаъим”, “Рисолат одоб уз-зокирин” каби араб тилидаги асарларнинг ҳамда сўфийлар учун форс тилида алоҳида ёзилган қўлланманинг муаллифи дидир.

У ўз тасаввуф мактабини яратди. Кўплаб муридлар унинг тарбиятида шайхлик мартабасига эришганлар. Нажмиддин Кубро асос солган мактаб бир қанча мустақил шоҳобчалар вужудга келишига сабаб бўлди ва улар мусулмон Шарқида кенг тарқалди. Жумладан, буюк тасаввуф шоири Фарииддин Аттор, Жалолиддин Румийнинг падари бузруквори, Балх шаҳрининг энг нуфузли уламоси Шайх Баҳовуддин Валад, таниқли тасаввуф адилари Азизуддин Насафий ва Нажмиддин Доя каби ўнлаб ислом оламида шуҳрат таратган шахслар кубравия тариқатининг вакиллари ҳисобланади.

Туркий тасаввуфнинг яна бир йирик вакили Хожа Аҳмад Яссавий Сайрамда Иброҳим ота оиласида дунёга келди. Унинг вафоти манбаларда 1166 йил деб кўрсатилган. У Бухорода Абдухолиқ Фиждувоний билан биргаликда Юсуф Ҳамадоний мактабида таҳсил олган деб ривоят қилинади. Сўнгра Туркистонга қайтиб, мустақил Яссавия тариқатига асос солди ва ўз таълимоти бўйича муридлар тарбиялади.

Аҳмад Яссавий ислом аҳкомларининг туркий халқлар орасида ёйилишига катта ҳисса қўшди. Ирфоний адабиётда маҳсус “Ҳикмат” жанрининг яратилиши ҳам унинг номи билан боғлиқ. У ўз ҳикматларида ишқ, поклик, ҳалоллик, ёлғондан сақланиш, киши молига хиёнат қўлмаслик, тўғрилик каби кўпгина инсоний фазилатлар ҳақида кўйлади. У туркий тасаввуф адабиётида ўзига хос мактабга асос қолди. Туркий дунёда бирор суфий шоир йўқки, унга эргашмаган, ундан ўрганмаган бўлсин.

“Мақомоти хожа Баҳовуддин Нақшбанд” китобида шундай ривоят бор: “Бир куни хожамизниң шариф сұхбатларида Султон ул-Орифин (яъни Боязид Бастомий)нинг “Бу йўлда юрувчи қанчалик юрмасин, сўнгги қадами-бизнинг биринчи қадамимиз устида бўлади”, деган сўзлари нақл қилинибди. Хожамиз гайрат юзасидан: “Биринчи қадами Боязидниң охирги қадами устида бўлмаган кишига Ҳақ субҳонахуниң сұхбати ҳаром бўлсин!” деган эдилар. Ва улар: “Биз интиҳони ибтидода тугаллаймиз”, дер эдилар”.⁷⁴

Ушбу нақлда бир ҳақиқат акс этган: тасаввуф ирфонининг такомилида Боязид Бастомий (IX аср охири) йўл бошида, Баҳовуддин Нақшбанд (1318—1383) эса йўл охирда туриптилар. Боязид Бастомийниң охирги қадами, нақшбандия сулуки учун биринчи қадам бўлмоғлиги фарзdir, чунки тадрижийлик шуни тақозо этади.

Дарҳақиқат, IX асрдан онгли равища ривожлана бошлаган тасаввуф ирфони XII—XIII асрларда ўзининг олий босқичига кўтарилиб, нақшбандия тариқатида мукаммал ниҳоя топди. Шу сабабли кейинги асрларнинг энг кенг тарқалган (тарбда Ҳижозу Яман, шимолда Болқону Волгабўйи, жанубда Индонезиягача урф бўлган) тариқати нақшбандия бўлди. Нақшбандия йўли, айтиб ўтганимиздек, Баҳоуддин Нақшбанд ҳазратларидан анча илгари Юсуф Ҳамадоний ва Абдуҳолиқ Фиждувоний (вафоти 1179)лар томонидан “Хожагон” сулуки сифатида асос олган бўлиб, унинг машҳур ўн бир қоидасидан саккизтаси ўша XII асрдаёқ шаклланганлиги маълум.

Нақшбандинг энг машҳур ибораси “Дил ба ёру даст ба кор” (“Дил ёр билан, қўл иш билан банд бўлсин”) эса энди тасаввуф ирфони ўз асосий мақсадига эришганлигини, яъни Ҳақиқат асорори кўнгиллардан муқим ўрин олган-

лиги ва бу ёғи амалий ҳаракат биринчи ўринга чиқа бошлаганини билдирар эди. Энди сўфийнинг “Аналҳақ”, яъни мен Ҳақиқатни топдим, мен Ҳақ асрорини англаб етишга эришдим, деб ҳайратланиши охирги қадам эмас, биринчи қадам бўлиб қолган эди. Беҳуда эмаски, ҳазрати Баҳоуддиндан нақл этадилар: “Талаб айёмларида Мансур Халлож сифати икки марта менда туғён урди. Бир дор бор эди, икки марта ўзими ни дор остига етказдим ва дедим: “Жойинг мана шу дордир! Тангри инояти билан бу мақомдан ўтиб кетолдим.” Ҳазрати Азизон (Хожа Али Рометаний — вафоти 1321 йил) айтган эканлар: “Агар ер юзида Хожа Абдуҳолиқ Фиждувоний қадасаллоҳу сирраҳу-л-азизнинг фарзандлари (яъни, маънавий меросхўрлари — муридлари) дан бир киши бўлганида эди, Мансур ҳаргиз дорга осилмас эди”.⁷⁵ Бу ривоятлар яна бир марта нақшбандия тариқатининг минтақа маънавияти такомилида ирфон босқичи учун якунловчи ва умумлаштирувчи бўлганлигига ишора этади.

4. Тасаввуф ҳақида охирги пайтда кўп ёзилмоқда. Охирги йилларда филология фанлари доктори, профессор Нажмиддин Комилов бу борада жиддий тадқиқотлар олиб бормоқда. Аввало олим форс тилидаги тасаввуфга оид қатор мухим манбаларни ўзбек тилига таржима қилди. Кейинча уларни тўплаб, “Комил инсон ҳақида тўрт рисола” номи билан нашр эттирди. Бундан ташқари тадқиқотчининг икки жилдан иборат “Тасаввуф” асари ҳам босилиб чиқди.

Тасаввуф ҳақида (ва умуман, ҳар қандай мавзу хусусида) ёзганда тарихийлик ва матн масалаларига жиддий эътибор бермоқ лозим. Масалан, X — XI асрларда кўчирилган кўлёзма билан XX аср бошларида нашр этилган тошбосма китобнинг маълумотлари мутлақо тенг қийматга эга эмас. Ирфоний гоялар ривожини фақат тарихий тадрижийликда кўриб чиқишигина ишонарли хулосаларга асос бўла олади. Шу сабабдан ҳозирча фақат баъзи энг умумий жиҳатларга эътибор қаратиш билан чекланишга тўғри келади.

Сунна босқичи — ўғит ва ибрат асосига, ислом маърифатчилиги эса ақл ва мантиқий тафаккур қурдатига таянишини кўриб ўтдик. Ирфон-чи? Илм эгаси олим бўлса, ирфон нима-ю, ориф ким? Ўғит ва ибрат ташқи ҳодиса, ақл ҳам мавзуга ташқаридан туриб ёндошади. Ирфон Тавҳид мөҳиятини англашга инсоннинг бутун руҳий қувватини са-

фарбар этади, бунинг учун эса аввал руҳий қувватни жамлашга ўрганиш керак бўлади. Худди шу амални, яъни руҳий қувватни бир нуқтага жамлай билиш усулларини икки йўналишда ишлаб чиқа бошлаган сўфийлардан Зуннун Мисрий (796—861) ва Хорис Муҳосибий (781—857)ларни эслаш мумкин. Уларнинг биринчиси маърифат йўлининг ҳол ва мақомларини ишлаб чиқсан бўлса, иккинчиси ўз нафсини кузатиш ва назорат қилиш (муроқаба ва мусоҳаба) қоидаларини — “Илм ал-қулуб ва-л-хатарот” (қалб ва унинг маърифати йўлидаги хавф хатарлардан сақланиш илми)ни ишлаб чиқди. Муҳосибийнинг фикрича, асосий нарса ниятда, аммо инсоннинг покланиши йўлида турли хатарлар, масалан, кибр, риё ва бошқалар мавжуд. Уларни енгиб ўтиш учун инсон ҳар бир қадамини Аллоҳ иродасига мувофиқ босмоги ва фақат Аллоҳ ризолигини сидқ ва ихлос билан тиламоги керак. Муҳосибий фикрича, инсон кўнглида илоҳий муҳаббат чироғини ёқувчи ҳам Аллоҳнинг ўзи. Инсоннинг руҳий камолоти тасаввупнинг асосий мақсади бўлиб, бу йўналишда ҳар бир улуф шайх ўз тартиб-қоидаларини ишлаб чиқди ва шу асосда турли тариқат сулуклари шаклланди. Масалан, солик ўз нафсини енгиб ўтиш йўлида қандай мақомларни босиб ўтади, деган саволга турли тариқат пирлари турлича жавоб берадилар. Абу Наср Сарроҳ 7 мақом (тавба, вара, яъни парҳезкорлик, зуҳд, факр, сабр, ризо, яъни Аллоҳ тақдирига ризолик, таваккул, яъни ўзни Ҳаққа топшириш)ни санаб кўрсатган бўлса, баъзи тадқиқотчилар бундан фақат олтитасини, баъзилари хавф варажони кўшиб тўққизта мақомни тилга оладилар, ал-Калободий (вафоти 990 йил) 17 мақомни, Абу Сайд Майхоний (967—1049) 40 мақомни, Абдуллоҳ Ансорий (1006 — 1089) эса 100 мақомни эслайди. Ибн ал-Арабий “Футуҳоти Маккия”да 19 мақом, 360 та манзил ва работни ажратиб кўрсатади. Агар мақомлар сўфийнинг ўз ҳаракати, риёзати билан боғлиқ бўлса (тадбир), “ҳол” тушунчаси Аллоҳ баракати ва марҳаматига алоқадор (тақдир) ҳисобланган. Бундай “файзи илоҳий” соликнинг поклик касб этган дилини бир лаҳзада чақмоқдек ёритиб, яна ғойиб бўлиши мумкин. Баъзан ҳолни ҳам даражаларга ажратадилар. Назаримизда, гап мақомлар сони ва ҳолнинг даражаларида эмас. Асосий масала кўнгилнинг покланишида. “Билғилки, кўнгил сайқалланган кўзгудир”, деб ёзади Ибн

ал-Арабий. Ҳадисда айтиладики: “Қалб темирдек зант босиши мумкин.”

Маънавият ҳақидаги суҳбатларимизнинг ибтидосида Шайх Нажмиддин Кубронинг истеъододли шогирди Нажмиддин Доя ҳақида эслаб ўтган эдик. У ўзиниг 1223 йили Куняда ёзиб тугалланган рисоласида⁷⁶ Инсон ва унинг моҳияти, Олий ҳақиқат (Ҳақ асрори)га ва Борлиққа муносабати ҳақида шундай мулоҳаза юритади:

Мавжудотлар олами, яъни моддий дунёдан мақсад инсон вужудидир. Икки олам инсон вужуди учундир. Инсон вужудидан мақсад эса Аллоҳ таоло зоту сифатларини англаб етишдир. Буни маърифат дейдилар. Фаришта ва жинлар Аллоҳга ибодат этишда инсонга шерик бўлдилар. Аммо маърифат инсондан ўзга ҳеч қандай маҳлуқотга насиб бўлмади. Ҳақ маърифати юкини кўтармоқ фақат инсон зотига вожиб бўлди. Инсоннинг мумтозлиги шу туфайлидир. Аммо Нажмиддин Доянинг фикрига кўра, Инсон вужудида Ҳақ маърифатини акс эттирувчи кўнгил кўзгуси даставвал фақат имкон даражасида мавжуд, холос. Уни воқеликка айлантириш учун узоқ жидду жаҳд лозим. Кўнгил кўзгуси риёзат билан сайқал топади, инсоннинг маънавий тарбияси, ўз интилиши, пир-тарбиячининг иршоди нафс тарбияси билан бўлади. Бунинг учун инсон, биринчи навбатда, ҳам жисмоний, ҳам маънавий покланмоғи керак. Тасаввуф тариқати ушбу покланиш йўли бўлиб, уни темирчининг оловли кўрасига қиёс этиш мумкин. Унда инсон кўнгли аввал мумдек юмшаб, шакл олади, сўнг чиниқтирилади ва сайқал берилади. Охирида кўнгил пўлат кўзгу сингари шундай сайқал топадики, ўзида илоҳий нурни ақслантириб, ой сингари нурланиб, ўзи ҳам атрофга зиё тарата бошлайди. Ана шундай кўнгил эгаси комил инсондир.

Ўзбек тилимиз комил инсон моҳиятини ниҳоятда теран ифодалайди — “зиёли”, яъни ўзидан атрофга зиё, нур таратувчи. Зиёли инсон атроф зулматни ёритади, ўзга инсонлар рухини ҳам маърифатли этади, кўнгилларни нурлантиради. Зиёли, яъни ўзлигини англаб етган инсонда илм, имон ва амал бирлиги вужудга келади. Ҳазрати пайғамбаримиз марҳамат қиладилар: “Ман арафа нафсаҳу, фа қад арафа раббаху” . (“Ким ўз нафсини англаб етипти, демак, Парвардигорини англаб етипти”). Мана шу одам ориф, унинг етишган маърифати — ирфондир. Шоир ёзади:

*Эй нусхаи номаи илоҳий-ки туий,
В-эй ойинаи жамоли шоҳи-ки туий,
Бирун зи ту нист ҳарчи дар олам ҳаст,
Дар худ беталаб, ҳар он чи ҳоҳи-ки туий.*

(Эй илоҳий нома нусхаси — ўзинг,
Ва ҳукмдор жамоли ойинаси — ўзинг,
Оlamда неки мавжуд, сендан ташқарида эмас,
Ҳар неки истасанг, ўзингдан иста, барчаси — ўзинг)

Инсон ер юзида халифа этиб яратилган. Бу жуда жиддий ва оғир масъулият. Очиқ айтиш керак, бундай залворли вазифани ҳар бир шахс алоҳида ўзи асло кўтара олмайди. Зотан, халифалик бир кишининг эмас, бутун аҳли башарнинг масъулиятидаги яхлит юмуздир. Биз ҳассос суфийлар хитоби бўлмиш “Анал ҳақ”ни баъзан жўн талқин этамиз. Асли бу сўзнинг юки бениҳоя вазмин. “Лисон ут-тайр”даги Мансур Халлоҳ ҳақида келтирилган ривоят шу жиҳатдан ибратли. Ривоятнинг қисқача мазмуни шундай-ки, унга кўра улуғ суфий тавҳид мақомига етишиб “Анал ҳақ!” ибораси тилида такрорланиб қолгач, дин аҳли унга насиҳат қилиб, бу даъводан қайтармоқчи бўладилар, жонингга жабр қилма, дейдилар. Аммо шоир ташбеҳига кўра, Мансур ичган қадаҳ ўта маст қилувчи бўлиб, бу йўлдан қайтиш имкони йўқ эди. Атрофдагилар унинг жонини ўйлашар, унинг хаёлини эса буткул бошқа саволлар банд этганди. Мансур ўйлар эди:

Нега Муҳаммад Расулуллоҳ меъроҷ куни Аллоҳнинг чексиз иноятига сазовор бўлиб, тангридан “Эй ҳабиб, не истагинг бўлса, айт!” деган хитоб эшигтанда, фақат ўз умматининг гуноҳларини афв этишни сўради? Шундай бир беҳудуд илоҳий саховат фурсатида Расулуллоҳ дунё яралгандан қиёматгача ўтган барча гуноҳкор бандалар учун Аллоҳнинг раҳматини сўраб олса бўларди-ку, нега ўз қавми билан чекланди экан, деб куюнади. Демак, суфий тавҳид мақомида ўзини бутун башарият, ўтмиш ва келажак учун масъул ҳис қиласди. Мана тавҳид маънавиятининг қудрати!

Алишер Навоий инсонларни “авом” ва “хос” га ажратади. Биз яқин ўтмишда хослар — зодагонлар, олий табақа, авом — қора халқ, меҳнаткашлар, деб талқин этдик. Аммо

Навоийнинг фарқлаши бундай маънода эмас, “авом” — ўзини ҳали англаб етмаганлар, “хос” ўзлигини англаб етган, демак, воқеан Парвардигорини таниган зиё аҳлидир. Бу олий табақанинг фақат битта Олий имтиёзи бор, у ҳам бўлса Аллоҳ олдидаги маъсулияти оғирроқ, вазифаси жиддийроқдир.

Тавҳид асрорини англаб етиш Сунна билан бошланиб, тасаввуф ирфонида юксак камолотта эришди. Аммо бу йўналишлар ибрат, мантикий тафаккур ва руҳий камолот сифатида асосан инсоннинг ички такомилига қаратилган эди. Инсон ўз-ўзини англаб етиш орқали Ҳақ асрорини идрок этишга интилди, аммо инсоннинг яқуний мақсади шунда тугайдими? Инсон Тавҳид асрорини ўзи учун англаб етди, дейлик, энди у нима қилиши керак?

Шу саволга тасаввухнинг охирги тариқати — Нақшбандия жавоб берди: биринчи мақсадга эришилди — “дилда ёр” ҳолати мавжуд, энди ишга киришмоқ лозим — “даст ба кор” га ўтиши керак. “Дилда ёр” ҳолати дилда фараз, яъни худбинлик йўқлигини кўрсатади, энди “даст ба кор” бўлса, яъни ишга кўл урилса, ўз шахсий фаразли мақсадлари учун эмас, холис Аллоҳ учун, Ҳақ учун, ҳақиқат ва адолат тантанаси учун амалий ҳаракатга киришилган бўлади. Шу сабабли ҳар нафас “дилда ёр” бўлиши, “Аллоҳ” исми дилда зикр этилиши, яъни “Хуш дар дам” қоидасига риоя этилиши тақозо қилинади. Чунки Аллоҳ номи бир нафас дилни тарқ этса, дарҳол ўрнини фараз, худбин бир ниyat эгаллаши мумкин. “Назар бар қадам” ҳам шу маънога яқин туради, яъни бехуда бирор қадам қўймаслик, ҳар бир амалий ҳаракатнинг Ҳақ йўлида қўйилаётганини таҳлил этиб, диққат билан кузатиб, назардан қочирмай бориш кераклиги иккинчи қоидадир. Учинчи қоида — “Сафар дар ватан”, яъни вужуд ичиди турган ҳолда руҳнинг моддийлик балчигига булғанмаслиги, Ҳақ иродаси моддий ҳою ҳавасларинг гариздан холи равишда руҳингда ҳукмрон бўлиши лозим. Тўртингчи қоида — “Хилват дар анжуман” Ҳақ асрорини англаб етган орифнинг ҳалқ билан бирга бўлиши лозимлигини, аммо доимо Ҳақни дилда тутган ҳолда ҳалқ билан бирга бўлишни таъкид этади. Тўлиқ “хилват”ни танлаш кибрга, тўлиқ “анжуман”га киришиб кетиш фаразга етаклаши мумкин, “Хилват дар анжуман” эса мувозанатни сақлаб туриш

лемакдир. Нақшбандиянинг ўн бир қоидасини мукаммал шарҳлаш учун алоҳида жиддий тадқиқот лозим, биз фақат ирфон босқичини якунлаб, янги босқичга ўтиш олдидан баъзи мулоҳазаларни қайд этдик, холос.

Шундай қилиб, XII—XIII асрлар Тасаввуф тариқатларининг шаклланиши ва ирфон босқичи, деб аталди. Айтиб ўтганимиздек, тасаввуф ғоялари ва назарияси VIII—IX асрларданоқ шакллана бошлаган бўлса ҳам, фақат Имом Абу Ҳомид Муҳаммад Фаззолий (1058—1111) ижодида ислом маърифатчилиги даври якунлангач, тасаввуф таълимоти ислом минтақасида зафарли “юриш” бошлади ва Борлиқни идрок этишнинг Ирфон йўналиши узил-кесил етакчи ўринга кўтарилиди. Буюк тасаввуф шайхлари — юртдошларимиз Аҳмад Яссавий, Нажмиддин Кубро, Абдуҳолиқ Фиждувоний шу даврда яшадилар. Тасаввуф шеъриятининг энг забардаст вакиллари Фаридиддин Аттор, Жалолиддин Румий, Ибн ал-Фарид ва ирфоний тафаккурнинг энг буюк намояндаси Ибн ал-Арабий ҳам шу муддатда ижод қилдилар. Ирфон йўналиши Борлиқни идрок этишнинг мутлақо ўзига хос йўли бўлиб, Суннадан ҳам, мантиқий тафаккурдан ҳам тагомомила фарқ қиласди. Бу ҳакда ибратли ривоят бор. Маълумки, олов куйдиради. Буни бизга муаллим тушунтиради ва биз унинг гапига ишониб, “олов куйдиради” деймиз. Бу — Сунна босқичи. Иккинчи босқичда биз тажриба ўтказмиз — қофозни шам олови тепасида тутсак, қофоз ёна бошлайди ва биз “олов куйдиради”, деб хулоса қиласмиз. Бу — илм дейилади. Ислом маърифатчилиги даври намояндалари шу йўналишда иш олиб борганлар.

Ирфон босқичи — тасаввуф ўйлидир. Суфийлар оловга ўзлари кирадилар ва риёзат чекиб Ҳақни танийдилар. Суфий Тавҳид моҳиятини англашга бутун руҳий қурдатини сафарбар этади. Бунинг учун ишни нафсни поклашдан бошламоқ керак бўлади. Тасаввуф тариқатлари маънавий поклашиш йўли бўлиб, ўзлигидан (худбинликнинг барча кўришишларидан) пок бўлган инсон кўнгли Ҳақ зиёсини ўзида акслантира бошлайди. Комил инсон — том маънодаги зиётидир. Зиёли, яъни ўзлигини англаб етган инсонда имон, илм ва амал бирлиги вужудга келади. Бундай инсон ўзидан атрофга зиё тарата бошлайди, ўзга инсонлар руҳини ҳам маърифатли этади, кўнгилларни нурлантиради.

Таянч иборалар: Зоҳидлик, тасаввуф тариқининг ҳол ва мақомлари, Зуннун Мисрий, Хорис Муҳосибий, Боязид Бистомий, Ибн Синонинг “Рисола фи-л-ишқ” китоби, “Эҳёи улум-ад-дин”да ишқнинг беш тури, Борлиқ ҳақиқатини англаб етишда илм ва ирфон нисбати, Фаззолий қараашлари — минтақа маънавиятида бурилиш нуқтаси, минтақа миқёсида йирик тасаввуф тариқатлари — сухравардия, қодиря, яссавия, кубравия, чиштия, мавлавия ва бошқаларнинг шаклланиши, нақшбандия-хожагон сулукининг дастлабки шайхлари, ирфоний шеърият ва тасаввуф фалсафаси, Алишер Навоийнинг “Насойим ул-маҳабба мин шамойим ул-футувва” асари, Кубравия тариқатининг асосчиси — Нажмиддин Кубро, туркий тасаввуф адабиёти ва яссавия адабий мактаби, тасаввуф ирфонининг такомилида Ҳожа Баҳовуддин Нақшбанднинг ўрни, “Дил ба ёру даст ба кор”, Ҳақ маърифати, нафс тарбияси ва кўнгилни поклаш, илм, имон ва амал бирлиги, “Ман арафа нафсаҳу, фа қад арафа раббаҳу”. “Лисон ут-тайр”да Мансур Ҳаллож ҳақида ривоят, Алишер Навоийда “авом” ва “хос”, “хуш дар дам”, “на зар бар қадам”, “сафар дар ватан”, “хилват дар анжуман”.

Тавсия этилувчи ва фойдаланилган адабиётлар рўйхати:

Асосий адабиёт:

1. Каримов И. А. Биз келажагимизни ўз қўлимиз билан қурамиз. 7-жилд. Т. — “Ўзбекистон” — 1999, с. 341—343.
2. Каримов И. А. Биз келажагимизни ўз қўлимиз билан қурамиз. 7-жилд. Т. — “Ўзбекистон” — 1999, с. 84—102.
3. Каримов И. А. .Хавфсизлик ва барқарор тараққиёт йўлида. 6-жилд. Т. — “Ўзбекистон”— 1998, с. 125—135.
4. 4. Каримов И. А. Ватан саждагоҳ каби муқаддасдир. 3-жилд. Т. — “Ўзбекистон”— 1996, с. 33—42.
5. Комилов Н. Тасаввуф. 1—2 китоблар. Т., 1996—1998
6. Бертельс Е. Э. Суфизм и суфийская литература. М., 1965.
7. Тримингэм Дж. С. Суфийские ордена в Исламе. М., 1989.
8. Абу Хамид ал-Газали. Воскрешение наук о вере. М., 1980.

9. Суфизм в контексте мусульманской культуры. М., 1989.
10. Абул Мұхсин Мұхаммад Бокир ибн Мұхаммад Али. Бақовуддин Балогардон (Мақомоти Хожа Бақовуддин Нақшбанд), Т., 1993.
11. Имомназаров М. С. Миллий маънавиятимизнинг та-комил босқичлари. Т., 1996.

Кўшимча адабиёт:

12. Аҳмад Яссавий. Ҳикматлар. Т., 1990.
13. Валихўжаев Б. Хожа Ахрор тарихи. Т., 1994.
14. Мұхаммад Сиддиқ Рушдий. Авлиёлар сultonи. Турон-лик валийлар. Т., 1995.
15. Туркияда яссавийшунослик. (Кул Хожа Аҳмад Ясса-вийнинг ҳаёти, ижоди ва тариқати мавзусида турк яссавий-шунослари билан ўтказилған сұхбатлар түплами) /Сұхбат құлувчи ва нашрга тайёрловчы Н. Ҳасан. / Масъул мұхаррир: С. Сайфуллоҳ. – Т. : F. Ғулом номидати Адабиёт ва санъат нашриёти, 1999, 56 6.)
16. Фаридиддин Аттор. Илоҳийнома. Т., 1994.
17. Фаридиддин Аттор. Тазкиратул-авлиё. Т., 1997.
18. Фуад Кўпрулу. Турк адабиётида илк мутасавифлар. Ашқара. 1976.
19. Шайх Нажмиддин Кубро — Қутби Даҳр. Т., 1998.
20. Шайх Нажмиддин Кубро. Т., 1995.
21. Фойиблар хайлидан ёнган чироқлар. Т., 1994.
22. Мухаммадходжаев А. Идеология накшбандизма. Душ., 1991.
23. Мухаммадходжаев А. Гносеология суфизма. Душ., 1980.
24. Эльбрұс А. Поэтика и математика. Баку, 1979.
25. Кулизаде З. Хурифизм и его представители в Азер-байджане.
26. Из истории суфизма: источники и социальная практика. Т., 1991.
27. Олимов К. Хорасанский суфизм. Душ. 1994.
28. Эккартсгаузен Карл. Ключ к тайнствам природы. Т., 1993.
29. Садриддин Салим Бухорий. Дилда ёр. Т., 1993.

11-маъруза. ИСЛОМ МИНТАҚА МАҲНАВИЯТИДА “МАЖОЗ ТАРИҚИ” БОСҚИЧИ

ДАРС РЕЖАСИ:

1. Бадиий адабиётнинг минтақа маданиятида туттган ўрни.
2. Минтақа адабиёти Алишер Навоий талқинида.
3. Бадиий тафаккур тариқлари — дунёни идрок этиш ва уни ижодий акслантиришнинг ўзига хос йўллари сифатида.
4. Алишер Навоий “мажоз ишқи” ҳақида.
5. Ислом минтақа маданияти ривожида аждодларимиз яратган мероснинг ўрни.

1. “Мажоз тариқи” ўзи нима? Нега ислом минтақа маданияти доирасида миллий маънавиятимизнинг такомили ҳақида гапирав эканмиз, алоҳида ва энг мукаммал камолот босқичининг номи сифатида ушбу иборани тилга олмоқдамиз? Бу ибора Алишер Навоий ижодининг сўнгги давридаги қатор асарлари, жумладан, “Холоти Паҳлавон Муҳаммад” ва “Муҳокамат ул-лугатайн”ларда тилга олинади ва “Маҳбуб ул-қулуб”да маҳсус тушунча сифатида таҳдил этилади. Алишер Навоий “Мажоз тариқи” тушунчасини Борлик ҳақиқатини англаб этишнинг бадиий адабиётга хос маҳсус йўналиши сифатида талқин этади. Шу сабабли бу сафар сұхбатни умуман бадиий адабиётнинг минтақа маънавиятида туттган ўрни масаласидан бошлаш ўринли бўлади. Минтақа маданиятининг бошқа соҳалари сингари бадиий адабиётда ҳам тил ҳар хил бўлганига қарамай (биз, асосан, минтақа даражасига кўтарилган уч тил — араб, форс ва умумтуркий адабий тилдаги адабиётни назарда тутамиз), ғоялар, тимсоллар олами, сюжетлар, турли бадиий шакл унсурлари (вазн, қофия, бадиий санъатлар), назарий замин кўп жиҳатдан муштарак эди. Умумминтақа маданиятининг бошқа йўналишлари — Сунна, Калом, фалсафа, тасаввуф каби бадиий адабиёт ҳам асрлар давомида ривожланиб келди. Асли ҳар уч тилдаги бадиий адабиёт ҳам исломдан олдин шаклланган бўлиб, табиийки, исломий йўналиш биринчи даврда араб тилидаги адабиётда ўз аксини топа бошлади. Аммо Үмаййилар даври сарой адабиётида исломий тус кўпроқ ташқи либос даражасида бўлиб, ал-Ахтал (640—710) ҳатто исломни қабул қилмаган ҳолда ислом халифалари саройида ижод

қилар, ал-Фараздак (641—730) ва Жарир (653—733) ижодларида ҳам ҳануз қабилачилик анъаналари устун эди. Араб мумтоз адабиётида “янгиланиш” харакатини бошлаб берганларнинг аксарияти асли келиб чиқишига кўра соф араб эмас өдилар. Башшар ибн Бурд (714—784) форс, Ибн ал-Муқаффа (724—759) ҳам Эронда, зардуштийликка эътиқод этувчи оиласда туғилган, бу даврнинг энг забардаст шоири Абу Нулас (762—713) нинг ҳам онаси форс аёли эди.

Сунна билан бир босқичда араб насрода адаб йўналиши шаклланганини, ислом даври илк туркий шеърият намунаси Адид Аҳмад ижоди шунга яқин турини олдинроқ эс-таб ўтган эдик. Бу йўналиш Абул Атакия (748—825) ижоди билан ҳамоҳанг бўлиб, Абу Нуласда шаккоклик майллари кучлироқ эди. Умуман, араб тилидаги мумтоз адабиёт гуллаб яшинаган давр сунна ва ислом маърифатчилиги босқичларига кўпроқ мос келади ва унда икки йўналиш ёрқин намоён бўлган: бири сарой адабиёти учун хос бўлган мадҳия, май ва гўзаллар васфи билан йўғрилган шеърият бўлса, иккинчиси, панд-насиҳат, ҳаётнинг моҳияти ҳақидаги фалсафий муроҳадаларга багишлиган қасида, қитъя ва насрой рисола (нома)лардан иборат бўлиб, дастлабки даврда бу икки йўналиш ҳатто бир-бирига муайян даражада қовушмай турди. Аммо аста-секин ишқий мавзу теранлик касб этиб, адаб йўналиши билан мазмунан яқинлашиб борди ва Абулаъло ибн-Мааррий (973—1058) ижодида юксак фалсафийлик, Ибн ал-Фарид (1181—1234) шеъриятидаги эса ирфоний ишқнинг инг олий қабатларига кўтарилиди.

IX—XII асрлардаги адабиёт ҳам илм сингари кўпроқ саройда марказлашган бўлиб, мадҳия қасидалар, ишқий ғазалтар, ҳамриёт (май мавзуи), зуҳдиёт (дунё ва унинг ҳою ҳиваслари бебақолиги ва уларга меҳр қўймаслик мавзуи), ҳижо (муайян шахсларга йўналтирилган ҳажв) каби мавзу турлари етакчилик қиласарди, яъни бадиий адабиётнинг вазифаси ҳануз иккинчи даражали, амалийроқ кўринишда эди. Шу даврда “энг ёлғон шеър — энг яхши шеърдир” ва “энг рост шеър — энг яхши шеърдир” деган ибораларда ўз аксими топган шеъриятга икки хил ёндошув шакллангани илмий адабиётларда қайд этилган ва бунга муайян даражада ўша давр адабиётининг мавзу қамрови ва вазифаси, ижтимоий воқеликда туттган мавқеи ҳам сабабчидир. Ҳукмдорни

мадҳ этиш, унинг дилини хушлаш, хукмдорнинг ва ўзининг шахсий рақибларини ҳажв этиш VIII—XI асрлар сарой адабиётида етакчи ўрин тутар ва шоирнинг мавқеи ҳам ушбу соҳалардаги ютуқлари билан белгиланарди. Бу давр араб тилидаги шеърият билан бошланиб, VIII аср иккинчи ярмидан туркий тилидаги дастлабки асарлар (Адіб Аҳмад ва Маҳмуд Кошғарий асарида баъзи намуналар) пайдо бўлган бўлса, X аср бошларидан Сомонийлар саройида Абу Абдуллоҳ Рудакий етакчилигидаги бакувват форс шеърият мактаби шаклланди. IX—X асрлар давомида Мовароуннаҳр ва Хурасонда ҳар уч тилда асарлар яратилган бўлса, XI аср бошларидан араб тили асосан илм тили сифатида сақланиб қолиб, Фазнавийлар саройида асосан форс тилида ва Қорахонийлар саройида туркий ва форсий тилларидаги шеърият ривож топди. Маҳмуд Фазнавий саройида шаклланган нуфузли шеърият мактаби намояндалари Унсурий, Фарруҳий, Манучехрий ва бошқалар мадҳиявий қасиданинг мумтоз намуналарини яратдилар. Шу даврнинг ўзида адабиётда маърифатчилик боқсичига хос яна бир йўналиш — исломдан олдинги меросни янгича талқинда ўзлаштириш ҳам ривожланиб борди. Араб тилидаги адабиёт вакиллари жоҳилия даври адабий меросини тўплаш ва тартибга солишга жиддий киришдилар. Рум, Эрон, Ҳинд адабиётининг машхур намуналари араб тилига ўгирилди. Масалан, “Панчатантра” — “Калила ва Димна” “Худойнамак”лар — “Сияр ул-Мулук” номлари билан арабчалаштирилди. Кейинроқ бориб Рудакий форс тилида шеърий “Калила ва Димна” достонини яратган бўлса, Унсурий Румнинг лотин ва юнон тилидаги ишқий романлар мавзу доирасида бир неча достонлар ёзди. Афсус, бу асарлардан бизгача фақат айрим парчаларгина етиб келган. X асрда Дақиқий ва бошқа баъзилар “Шоҳнома” яратишга уриндилар. Ва ниҳоят X аср охири — XI аср бошларида Фирдавсий Тусий (940—1020) ўзининг улуг эпопеясини ёзib тугатди. Фирдавсийнинг 60 минг байтга яқин улкан “Шоҳнома”си исломгача Эрон ва Туронда яралган бой маънавий мероснинг ўзига хос бадиий қайта ишланган қомусидир. Унинг таркибида юзлаб қаҳрамонлар, ўнлаб алоҳида мураккаб сюжетли достонлар мавжуд. Унда асотир тафаккур мевалари ва Эрон, Турон халқлари тарихи ўз бадиий инъикосини тўлиқ намоён этган.

Фирдавсий асари форс ва туркий тилдаги кейинги неча асрлар бадиий мумтоз адабиётига мавзу ва қаҳрамонлар етказиб берган улуғ хазина бўлди. Форсий тилдаги адабиётда достончилик, яъни ишқий, тарихий, қаҳрамонлик достонлари ёзиш анъанаси минтақа адабиётининг етакчи йўналишларидан бирига айланди. Аммо Фирдавсийга кўр-кўронга эргашганлар, янгича талқин яратадигарлар, ҳеч қайсиси Фирдавсий шуҳратига яқин бора олган эмас. Факат Юсуф Хос Ҳожиб сингари туркий шеърият вакиллари буткул янгича услубда, янгилик яратиш йўлидан борганиклари учун адабиёт тарихида муносиб ўрин эгаллай билдилар.

2. Алишер Навоий Фирдавсий ва унинг “Шоҳнома”сини яхши билади ва чукур эҳтиром билан ёдга олади. Аммо бадиий ижод тариқи ҳақидағи назарий мулоҳазаларига муайян шоирлар ижодини мисол келтирганда, бирор-бир ўринда Фирдавсийни эсламайди, у санаб ўтган устозларнинг тарихан энг биринчиси Санойидир, чунки форс тилидаги адабиётда “Ҳақиқат асрори”ни (яъни Борлиқнинг моҳиятини) бадиий тарзда англаб етиш ва англатишга илк бор жиддий равишда киришган улуғ мутафаккир шоир Саноий эди. Унинг “Сайр ул-ибод илал маод” (“Аллоҳ бандаларининг қайтар маконга сафари”) ва “Ҳадойиқ ул-ҳақойиқ” (“Ҳақиқат боғлари”) асарлари номларининг ўзиёқ шоир мақсадини аниқ англатиб турипти. Эътиборга сазовор яна бир жиҳати шундаки, Навоий Саноий ижодини баҳолашда ўша давр анъана-сига зид бориб, уни “ҳақиқат тариқи” суханварлари қаторида эмас, “Ҳақиқат асрорига мажоз тариқини маҳлут” қилганилар сафида тилга олган. Бунинг сабаби, бизнинг назаримизда, XI аср охирларига бориб Абулмажд Саноий биринчилардан бўлиб сарой мадҳиягўйлигини тарк этган ва ижтимоий-фалсафий йўналишни бадиий адабиётта дадил олиб кирганлигига эди.

XII аср охирги чорагига борганда эса саройни, мадҳияни қасидагуйликни тарк этиб, ижтимоий — фалсафий йўналишга ўтган шоирлар сони кескин кўпайди. XII асрда тасаввуф шеърияти кичик лирик жанрлар (рубойи, газал) билан чекланган бўлса, XII асрдан тасаввуфий руҳдаги достонлар яратила бошланди. Ва ниҳоят, XII аср охирги чорагидан бошлаб, форс тилидаги шеъриятнинг икки ёрқин юлдузи Ниҳомий Ганжавий ва Фаридиддин Аттор сиймолари адабиёт осмонида пайдо бўлди.

“Маҳбуб ул-қулуб” рисоласи “аввалги қисм”ининг 16-фаслини Алишер Навоий “Назм гулистонининг хушнағма күшлари зикрида” деб атайди ва шундай бошлайди:

“Ул неча табақадир: аввалги жамоа нуқуди кунузи маърифати илоҳийдин ғанийлар ва ҳалқ таърифидин мустағннийлардур. Ишлари маоний ҳазоинидин маърифат жавҳарин термак ва эл файзи учун вазн силкида назм бермак. Назм адоси бафоят аржуманд ва бениҳоят шариф ва дилписанд ўлдуғи учун оёти қаломда нозил бор ва ҳадиси мўъжизнозмда тилаган топар, чун маал-қасд эмас, эл ҳурмати жиҳатидин ани шеър демас”⁷⁷ (Насрий баёни: Улар бир неча гуруҳдир. Биринчи гуруҳ маърифати илоҳий ҳазинасининг нақдиналари билан бойиган ва ҳалқ таърифига эҳтиёж сезмаганлардир. Ишлари маънилар ҳазинасидан Маърифат гавҳарини термоқ ва у гавҳарни эл файз топсин учун назм ипига тортмоқ. Назмларининг ифодаси ғоят қутлуғ ва бениҳоят ёқимли ва улуғ бўлганилигидан илоҳий қалом оятлари ва Расулуллоҳнинг мўъжизали ҳадислари мазмунини излаган киши улардан топа олади ва қасддан ёзилмагани сабабли эл уларга эҳтиром билдириб, шеър деб аташга журъат этмаслар”.) Алишер Навоий бу тоифани “ҳақиқат тариқининг суханвари”, деб атайди ва улар жумласидан тасаввуф адабиётининг энг буюк сиймолари Фаридиддин Аттор ва Жалолиддин Румий номларини тилга олади. Олим бу гуруҳ вакилларини “авлиёи огоҳ ва машойих ва аҳлуллоҳ”, деб улуғлайди. Атторга “нозими жавоҳири асрор” (“ҳақиқат сирлари жавоҳирларини назмга солувчи”), Румийга “ғаввоси баҳри яқин” (“яқинлик денгизининг ғаввоси”), деб сифат беради. Навоий таърифларининг қанчалар воқеликка мувоғиқ эканлигига иқрор бўлиш учун Аттор ва Румий асарларининг номларини эслаб ўтиш кифоя: “Илоҳийнома”, “Асрорнома”, “Мантиқ-ут-тайр” (“Күшлар мантиқи”), “Маснавийи маънавий” ва ҳ. к. Бу асарлар ҳақиқида Шарқ ва Фарбда шунчак кўп тадқиқотлар амалга оширилганки, биз улардан ўтказиб сўз айтиш қудратига эга эмасмиз.

Навоий “мажоз тариқи “хусусидаги таърифларга ўтиб, ўзи қашф этган ҳақиқатларни шундай баён қиласи:

“Яна бир жамоатдурким, ҳақиқат асрорига мажоз тариқин маҳлут қилубдурлар ва қаломларин бу услубда марбут этибдурлар. Андоқки, маоний аҳлиниң нуқтапардози Шайх

Муслиҳиддин Саъдий Шерозий ва ишқ аҳли гуруҳининг вобози ва покрави Амир Ҳусрав Дехлавий ва тасаввуф ва лиққат мушкулотининг гириҳқушои Шайх Заҳириддин Саноий ва фариди аҳли яқин Шайх Авҳадиддин ва маоний адосига лофиз Ҳожа Шамсуддин Муҳаммад ал-Ҳофиз.

Яна жамъе бордурларки, мажоз тариқи адоси алар назмига ғолиб ва алар бу щевага кўпроқ роғибдурлар. Андоқим, Камоли Исфаҳоний ва Хоқоний Ширвоний ва Хожуйи Кирмоний ва Мавлоно Жалолиддин ва Ҳожа Камол ва Анварий ва Заҳир ва Абдулвосиъ ва Асир ва Салмон Соважий ва Носир Бухорий ва Котиби Нишопурний ва Шоҳий Сабзаворий”.⁷⁸

(Насрий баёни: “Яна бир гуруҳдурким, Ҳақиқат сирла-рига мажоз йўлинни аралаштирибдурлар ва сўзларини бу усту-нубда боғлабдурлар. Чунончи: маъни аҳлининг нозик сўзлиси Шайх Муслиҳиддин Саъдий Шерозий ва ишқ гуруҳининг ҳалол ошиқи Амир Ҳусрав Дехлавий, тасаввуф ва тафаккур мушкуларининг чигалини ечувчи Шайх Заҳириддин Саноий, ҳақиқат аҳлининг ягонаси Шайх Авҳадиддин ва лафз билан маънони англатишга моҳир Шамсуддин Муҳаммад Ҳофиз.

Яна бир қанчалари бордурларки, мажоз йўли уларнинг шеърларида ғалаба қозонган ва улар бу равишга кўпроқ рағбат этганлар. Чунончи: Камол Исфаҳоний, Хоқоний Ширвоний, Хожуйи Кирмоний, Мавлоно Жалолиддин, Ҳожа Камол, Анварий, Заҳир, Абдулвосиъ, Асир, Салмон Соважий, Носир Бухорий, Котиби Нишопурний ва Шоҳий Сабзаворий”.⁷⁹

Юқорида тасаввуф шеъриятининг энг улуғ устозларига “ҳақиқат тариқи суханварлари” деб ном берилганини қайд этиб ўтган эдик. Кўрдикки, Навоий “мажоз тариқи”га алоқалор деб ҳисоблаган шоирларни ҳам икки қисмга ажратади. Назаримизда, биринчи қисмда улуғ устозлар, ушбу йўналишнинг қудратини белгиловчилар ёдга олинган бўлиб, иккинчи қисмда ижодий қараашлари ушбу тариқقا мос тушувчи минтақа миқёсида номлари маълум бўлган шоирлар санааб ўтилган.

Энди уларни тарихий тадрижийликда кўздан кечирайлик.

“Ҳақиқат асрорига мажоз тариқин маҳлут” этганларнинг

тариҳан биринчиси табиий равишда Саноий (1048—1140) бўлиб чиқмоқда. Ундан кейин XII аср иккинчи ярмида яшаб ижод этган Абдулвосиль Жабалий (вафоти 1160), Анварий (вафоти 1191), Асириддин Ахсикатий (1108—1196), Хоқоний (1120—1199), Заҳир Форёбий (вафоти 1202) ва бошқалар санаб ўтилган бўлиб, бу атоқли форс шоирлари деярли барчаси Саноий сингари умрларининг охирида сарой мадҳиягўйлигини тарқ этиб, ижтимоий-фалсафий руҳда қасидалар ёзишга киришганлар. Улар ичида алоҳида йирик дoston ёзганлар деярли учрамайди. Буларга XII—XIII аср чегарасида яшаган Камол Исфаҳоний (вафоти 1237) ва XIII асрнинг буюк ахлоқ муаллими Саъдий Шерозий (1189—1292)лар ҳам қўшилади. Яна булар қаторида сурат (“мажоз”) ва маъни (“ҳақиқат”) нисбати хусусида фоят муҳим фикрни акс эттирган рубоий муаллифи суфий шайхи Авҳадиддин Кирмоний ҳам тилга олинган.

XIII асрдан фақат икки улуғ шоир (Камол ва Саъдий) ёдга олинган бўлса, XIV асрга бориб Алишер Навоий “мажоз тариқи”га мансуб деб ҳисоблаган машҳур шоирлар рўйхати кескин ошиб кетади. Булар аввало Навоийнинг “хамсанавислик” ва фазалнависликда фоят қадр этган салафи Амир Хусрав Дехлавий (1253—1325), дунёга донғи таралган Ҳўжа Ҳофиз Шерозий (1320—1389) ва ниҳоят фазал ва қасидалар устаси Носир Бухорий (вафоти 1371). XV аср шоирларидан Навоий ўзидан илгари яшаб ўтган Котибий (вафоти 1436) ва ўзи шахсан таниган Шоҳий Сабзаворий (1385—1453) ни тилга олади. “Маҳбуул-кулуб”нинг иккинчи қисми “Ишқ зикрида” бобида “хос ишқ” эгалари қаторида Амир Хусрав ва Ҳожа Ҳофизлар қаторида Фахриддин Ироқий (1207—1289) ёдлаб ўтилса, “Ҳолоти Паҳлавон Муҳаммад” рисоласида XV аср атоқли туркигўй шоирлардан Мавлоно Лутфий эсланади.

Демак, Алишер Навоий “мажоз тариқи” ҳақида гапирганида икки гуруҳ шоирлар тилга олинган, биринчи гуруҳи асосан XII асрда яшаган бўлса, иккинчи гуруҳи XIV—XV асрларга мансуб шоирлардир. Булар орасида айрим фарқлар мавжуд бўлиб, сұхбат давомида яна бунга алоҳида тўхталиб ўтамиш.

3. Бир нарсани афсус билан қайд этиш лозимки, совет даври ўзбек адабиётшунослиги, айниқса, 30-йиллардан бош-

лаб асос эътибори билан нотўғри тамойилга йўналтирилди. Бу тамойилнинг моҳияти — бир минтақа адабий меросини ўрганишда, кўра била туриб, буткул бегона анъаналар асосида шаклланган ўзга минтақа адабиёт назариясига таянишдир. Маълумки, бадиий адабиёт амалиёти билан унинг назарияси орасида узвий боғлиқлик мавжуд бўлади. Аммо адабиёт назарияси одатда бир миллат адабиёти тажрибасига эмас, балки муайян маданий минтақанинг етакчи халқлари бадиий ижоди тажрибаларига суюнади ва шу заминда яратилади. XIX аср ўрталаригача ҳам яхлит жаҳон маданияти эмас, балки минтақа маданиятлари мавжуд бўлганини назарда тутсак, Европа минтақаси халқлари яратган буюк бадиий мерос Европа адабиётшунослигига асос бўлганлигини, аммо қадим даврлардан Узоқ Шарқ (Хитой, Япония, Корея), Ҳиндистон, Яқин ва Ўрта Шарқ минтақаларининг ҳар биррида алоҳида ўзига хос мукаммал ривожланган адабиёт назариялари мавжудлиги, бу назарий тизимлар ушбу минтақалардаги бутун маданий-маънавий муҳит, жумладан, ушбу минтақа халқлари бадиий тафаккури меваларининг бевосита таъсирида шаклланган ва ўз навбатида ушбу минтақа адабиёти намояндалари ижодига асрлар давомида сезиларли таъсир ҳам кўрсатиб келганлиги бугунги кунда аниқ-равшан исбот этилган тарихий воқеликдир. Бу ҳақда яратилган тадқиқотлар мажмуи илгари кўпроқ Узоқ Шарқ ва Жанубий Осиё минтақаларига оид бўлган бўлса, охирги йигирма йилда ислом минтақа адабиётшунослигини ўрганиш бўйича ҳам жаҳон илмида бир қанча ишлар амалга оширилди. Ушбу илмий таҳдил ва кузатишлар натижасини умумлаштириш, уларнинг такомил тарихини адабий жараён билан боғлаб ўрганиш ҳозирги давр адабиётшунослигининг долзарб масалаларидан бўлмоғи, ҳатто дикқат марказига қўйилмоғи жоиз.

Хуллас, ҳар бир минтақа адабиёти ўша минтақада яратилган адабиёт назарияси билан муштарак ҳолда ўша минтақа маънавий қадриятлари муҳитидан ажратиб олинмай ўрганилса, натижалар ҳам асл воқеликка мувофиқ бўлади. Жумладан, ислом минтақа адабиётшунослиги ҳақида қисқача гапириб ўтадиган бўлсак, қуйидагиларни қайд этиш ўринлидир.

VIII—IX асрларданоқ араб тилида ислом минтақа адабиётшунослигининг ўзига хос мактаби вужудга кела бошлади.

Халил ибн Аҳмад (718—786), Ибн Қутайба (828—889), Ибн ал-Мутазз (861—908) ва бошқа иқтидорли назариётчилар қадим юонон поэтикасидан моҳияттан фарқ қилувчи ислом шеърият ва бадиият илмини шакллантиришга киридилар. Кўп ўтмай бу соҳага Мовароуннардан етишиб чиқсан қомусий алломалар ўз ҳиссаларини қўшдилар. Форобий, Ибн Сино, Насриддин Тусий каби забардаст файласуфлар қадим юонон поэтика илмини миңтақа адабий анъаналари билан қиёсий ўрганиб, шеърият илмига оид маҳсус назарий рисолалар яратдилар. X—XV асрларда бу йўналишда ижод этган қатор алломаларимизнинг қомусий асарлари жаҳон маънавият хазинасининг бокий мулкига айланди. Масалан, X асрда яшаб араб тилида ижод қилган ватандошимиз Абу Абдуллоҳ ал-Хоразмийнинг “Мафотиҳ ал-улум” (“Илмларнинг калитлари”) асарида адабиётшуносликка оид илми маъоний ва баён, аruz ва қофия, бадиий санъатларга алоҳида боблар ажратиб, бу илмлардаги ҳар бир атамага таъриф ва тавсиф берилган. XI асрда яшаб ижод этган ўрта осиёлик аллома Абу Ҳафс ан-Насафий ўзининг “Мажмаъ ул-улум матлаъ уннужум” (“Илмларнинг жам бўлиши — юлдузларнинг чиқиши”) қомусий рисолалар тўпламига аruz илмига оид “Мухтасар ал-аруз ала усул ал-маъруз” асарини киритган. XI асрда ватандошимиз Абул Ҳасан Наср ал-Марғилоний бадиият илми бўйича араб тилида “Маҳосин ал-калом” асарини таълиф этди. Шу асрда яшаган Абу Қоҳир ал-Журжоний (вафоти 1078 йил) Куръони карим оятларининг юксак бадиий қудратини илмий таҳлил асосида далиллаб беришга бағишлиган “Далойил ул-эъжоз” ва “Асрор ул-балоға” асарларида мутлақо ўзига хос бадиий тимсол назариясини кашф этди. XI аср охири — XII асрдан бошлаб форс тилида ҳам поэтикага оид маҳсус асарлар яратила бошланди. Уларнинг биринчиси Родуёнийнинг “Таржумон ул-балоға” асари бўлса, иккинчиси хоразмлик улуғ аллома Рашидиддин Ватвотнинг қатор асарлари, айниқса, машҳур “Ҳадойиқ ас-сехр фи дақоқиқ аш-шеър” (“Шеърият теранликларида сехр боғлари”) рисоласидир. XII—XIII асрларда “араб ва ажам фахри” деб донг таратган хоразмлик аллома Маҳмуд аз-Замахшарий “Ал-қустос фил аруз” номли илмий рисоласини ёзди. Унинг кичик замондоши ва юртдоши Юсуф ас-Саккокий ўзининг филологияга оид “Мифтоҳ ул-улум” китобининг катта бир

бобини “Шеър илми”га бағишилади. Кейинги асрларда минтақада туркй тилда ҳам адабиёт назариясига оид асарлар яратилди. Жумладан, Мирзо Улугбек замонида яратилган Тарозийнинг ушбу мавзудаги илгари фанга номаълум бўлган “Фунун ал-балоға” рисоласининг қўлёзмаси бир неча йил олдин АҚШга илмий сафар билан борган тилшунос олим Э. Умаров томонидан топилиб, илмий истеъмолга киритилди. Шундай қилиб, VIII—XV асрларда минтақамиизда араб, форс ва туркй тилларда мукаммал бир адабиётшунослик назарий мактаби шаклланган эди. Алломаларимизнинг тилга олинган асарлари кейинги неча асрлар давомида ислом минтақасининг турли давлатларида қайта-қайта кўчирилиб, илм аҳли томонидан чуқур ўрганилди, олий мадрасаларда унинг асосида шеър илми алоҳида фан сифатида ўргатилди. Аждодларимиз яратган бу илм нафақат Хоразм ёки Мовароуннаҳр, балки бутун ислом минтақасида кенг ўрганилди ва амалда қўлланилди. Ушбу қимматли назарий меросни жиддий таҳлил этиб, алломаларимизнинг хизматларини юзага чиқариш, мумтоз шоирларимиз шеъриятига уни тадбиқ этиш, бадиият илмининг кўз илгамас нозик томонларини ҳозирги замон шоирларига очиб бериш ва уларни ҳам буюкларимиз яратиб кетган улуғ меросдан баҳраманд этиш бутунги кун адабиётшунослигининг кечиктириб бўлмайдиган вазифаларидандир.

Бадиий тафаккурнинг ўз қонун-қоидалари бор. Асотир тафаккур, мантиқий тафаккур, ирфоний тафаккур каби бу ҳам борлиқни идрок этишнинг ўзига хос бир йўли (тариқи, усули)дир. XV аср охирида Алишер Навоий ўзигача 8 аср давомида минтақа миқёсида кенг ривожланиб борган бадиий тафаккур илмини янада юксак назарий умумлашмалар даражасига кўтариб, жаҳон маънавияти такомилига ўзининг мустақил босқич даражасидаги кашфиётини олиб кирди.

Алишер Навоий яратган назария бадиий тафаккур тариқи масаласига оид бўлиб, Европада бу илмий йўналиш Шарқдан анча кейин — XVIII асрдан шакллана бошлиди ва XX асрдагина якуний натижаларга эришди. Европа адабиётида барокко, классицизм, романтизм, реализм номлари билан аталувчи ҳодисалар Янги даврда пайдо бўлди. Рус тадқиқотчилари бундай ҳодисаларни “литературное направление или течение” (адабий йўналиш ва оқим) деб атадилар ва

кейинчалик щунинг асосида ижодий ёки бадиий метод (творческий или художественный метод) назариясини шаклантirdилар. Афсус, 30-йиллар мафкуравий тазиёки билан бу назария асосан Сталин томонидан “социалистик реализм” деб сунъий ном остида тиқиширилган пролетар реализми методининг тоталитар хукмронлигини таъминлаш мақсаддариға бўйсундирилгани сабабли, барчанинг жигига тегиб, асл муаммо бир четга сурилиб қолабошлади. Ваҳоланки, адабиёт назариясининг ўзак томири барибир бадиий тафаккур тариқи сифатида шаклланадиган дунёни идрок этиш ва уни ижодий акслантиришнинг ўзига хос йўлларини аниқлай билиш ва уни ҳар томонлама шарҳлаб кўрсатишдан иборатдир. Алишер Навоий ушбу назарий масалани XV аср охирида биринчи марта очиқ-равшан белгилаб ва шарҳлаб берган эди.

Қадим юонон тилида “методос” нима маънони билдиrsa, IX – XV асрлар ислом минтақа маданиятининг илмий атамалар тили бўлмиш араб тилида “тариқ” сўзи ҳам худди шу маънони, яъни “йўл”, “борлиқни англаб етиш ва акс эттиришнинг ўзига хос йўли” маъносини англатар эди. Алишер Навоий ушбу атамадан фойдаланиб, ислом минтақа адабиётида “ҳақиқат тариқи” ва “мажоз тариқи” деб аталмиш икки адабий йўналишни ажратиб кўрсатди ва уларнинг ҳар бирини қисқача таърифлаб берди. Бу ҳодиса Европа адабиётшунослиги эришган ютуқлардан 5 аср илгари юз берган эди. Бадиий ижодга Борлиқ моҳиятини идрок этиш ва ижодий акслантиришнинг алоҳида бир йўналиши сифатида онгли ёндошув ислом минтақасида Европадан анча илгари, XII–XIII асрларда бошланган эди.

4. Маърузамиз аввалида биз ислом минтақа адабиётининг ривожи ҳақида гапирап эканмиз, дунёни идрок этиш ва уни ижодий акслантириш нуқтаи назаридан ҳам адабиёт тараққий этиб борганига ишонч ҳосил қилдик. Алишер Навоийнинг назарий кузатишлари билан адабий жараёнининг боришини қиёслаб хулоса қилиш мумкинки, бу тараққиёт икки катта даврга бўлинади.

Биринчиси, VII–XI асрлар бўлиб, бу даврнинг энг юксак намунаси Фирдавсий ”Шоҳнома“си дейиши түғри бўлади. Маърузамиз биринчи саволига жавобда бу даврни қисқача тавсифлаб ўтдик. Алишер Навоийнинг бадиий ижод тариқига оид мулоҳазалари бу даврга дахл этмайди.

Иккинчи йирик давр XII—XV асрлар бўлиб, Алишер Навоий юқорида кўриб ўтилган миңтақа адабиётига оид назарий мулоҳазаларида айни шу давр шоирларига эътибор қаратади. Нега?

Маълумки, адабиёт мавзуларининг марказида инсон, унинг руҳият дунёси ётади. Инсоннинг кечинмалари эса, асосан, икки йўналишда кечади: бири — инсоннинг Олий ҳақиқатга, Ҳаққа, Борликнинг моҳиятига, содда қилиб айтсак, маҳлуқнинг Холиққа муносабати, нисбати масаласи; иккинчиси — инсоннинг ўзи сингари маҳлуқларга, яъни ўзга инсонларга, атроф-воқелик, мавжуд жамиятга муносабати.

Биринчи йўналиш Инсонни ўз кўнгли билан суҳбатга чақиради, руҳиятнинг ички теран қатламларига йўналган бўлади. Иккинчи йўналиш ижтимоий муносабатлар тизимида ҳар бир инсоннинг ўрни масаласига кўпроқ эътибор қаратади.

Саноий ижодида ҳар икки йўналиш аралаш тадқиқ этилган, Навоий ибораси билан айтсак: “ҳақиқат асрорига маҷоз тариқи маҳлут” этилган. Бу улуғ мутафаккир шоирнинг миңтақа шеъриятида мавқеи шу қадар баландки, “ҳақиқат тариқининг суханвари” Фаридиддин Аттор ижоди ҳам, хамсанавислик анъанаси бошида турган Низомий Ганжавий дostonчиллиги ҳам унинг “Ҳадиқа”сидан сарчашма олади. Жалолиддин Румий ёзган эди:

*Аттор руҳ буду Саноий ду чашми ў,
Мо аз паш Саноию Аттор омадем.⁸⁰*

(Аттор руҳ эди, Саноий унинг икки кўзи,
Биз Саноий ва Аттор изидан келдик.)

Буюкларнинг бирор сўзи беҳикмат бўлмайди. Нега Мавноно Жалолиддин Атторни “руҳ”га, Саноийни эса “икки кўз”га қиёс этади? “Ҳадойик ул-ҳақиқа” асарини Европа шарқшунослари узоқ вақт “тасаввуф қомуси” деб талқин этдилар. Лекин бу асарни дикқат билан ўргангандай Е.Э. Бертельснинг гувоҳлик беришига кўра, унда на “тариқат” ибораси учрайди, на “Ҳақ васли “ҳақида сўз боради. “Ҳадойик” 10 бобдан иборат бўлиб, уларнинг биринчиси “тавҳид”, иккинчиси “наът” (пайғамбар мадҳи), учинчиси ақл ва тўртин-

чиси илм ҳақида, бешинчиси ишқ ҳақида бўлиб, Саноий Абу Али ибн Синони танқид қилади ва ишқни ақлдан устун қўяди. Олтинчи боб “нафси кулл” ҳақида бўлиб, уни шоир пири муршид қиёфасида тасвирлайди. Еттинчи боб илми нужумга бағишланган. Тўққизинч боб дўстлик ва душманлик ҳақидаги ҳикоятларни ўз ичига олса, охирги ўнинчи бобда Саноий ўз таржимаи ҳолидан сўзлаб, бу дунёга этак силтаб, зоҳидликни ихтиёр этганлиги сабабларини баён қилади. Шоир фахр билан айтади:

*Йек сухан з-ин-у олами дониш,
Ҳамчу Қуръони порси донаш.⁸¹*

(Бунда ҳар сўз — бир олам билим,
Худди форс тилидаги Қуръон деб билгудек)

Шоир бу достонда сўз камолини энг юксак даражага олиб чиққанини таъкидлаб, ўзини ҳазрати Мұҳаммад (С.А.В.) га қиёсан “Шоирлар хотами” (охирги яқунловчи шоир) деб атайди:

*Хотами анбиё Мұҳаммад буд,
Хотами шоирон манам, ҳама суд.*

(Пайғамбарлар охиргиси Мұҳаммад эди,
Шоирларнинг яқунловчиси менман,
Сўзим бошдан оёқ ҳаммаси фойдали.)

Шоирнинг бу фахриялари лоф эмас эди, дарҳақиқат, Саноий минтақа шеъриятининг муайян босқичи учун (аниқроғи, шеъриятдаги сарой маърифатчилиги босқичи учун) ўз ижоди билан якун ясад берди ва Фаззолий сингари ишқнинг ақлдан устунлиги ҳақида холоса чиқарди.

Ундан кейин, юқорида кўриб ўтганимиздек, замонаси-нинг бошқа етакчи шоирлари ҳам аста-секин саройни ва мадҳиягўйликни тарқ эта бошладилар. Навоий кўзда тутган “мажоз тариқи”нинг биринчи босқичи асосан ушбу янги йўналишга ўта бошлаган шоирлар ижодидан, яъни XII аср иккинчи ярмидан бошланади.

Саноий ҳам Фаззолий сингари том маънодаги суфий эмас,

аммо Саноий бошлаб берган янги босқич унинг издошларида икки йўналишда ривож олди: бири Аттор йўналиши, иккинчиси Низомий Ганжавий йўналиши. Бу икки йўналишнинг фарқи нимада?

Кўрдикки, Саноий “икки кўз”га қиёс этилди. Кўз ташқаридаги нарсаларни кўради, ичкаридан ташқарига йўналган бўлади. Аттор эса “руҳ” — унинг назмдан мақсади “асори илоҳий адоси” (“илоҳий сирларни баён этиш”) — инсон руҳиятидаги илоҳий асрор пардаларини бирма-бир очиб кўрсангиш. Жалолиддин Румий ҳам шу йўлдан борди. Асли тасаввух шеъриятининг моҳияти ҳам, бизнинг фикри ожизимизча, шунда.

Ирфон — ўзликни англашdir. Мен кимман? Ягона Аллоҳга менинг нисбатим қандай? Тасаввух шу саволга жавоб қидиради. Унинг жавоби қисқа ва содда қилиб ифодаланганда, қуйидагичадир: Ҳақ — ягона ва мутлақ борлик, Аҳад (яккалик, бирлик). Ҳақ ўз жамолини кўрмоқ истайди ва ўзига кўзгу сифатида моддий борлиқни бунёд этади. Суфийлар Ҳақнинг асл зотини Ҳақиқат ва унинг мазҳари, қиёсан айтганда, кўзгудаги аксини “мажоз”, деб атайдилар. “Ҳақиқат” ва “мажоз” тазоди шундан бошланади. Аммо тасаввух машойихлари ушбу тазодга турли даврда турлича ёндошиб келдилар. Масалан, буюк тасаввух шоири Фаридиддин Аттор энг машҳур асари “Мантиқ ут-тайр”да куштарни Симурғ сари даъват этувчи Ҳудҳуд тилидан шундай хитоб қиласди:

... Эй, гирифтори мажоз,
Аз сифат дуру ба сурат монда боз.⁸²

(... Эй, мажоз тузогига илинган,
(ички) сифатдан узоқлашиб,
(ташқи) суратта маҳлиё бўлиб қолган.)

XIII аср бошида Аттор моҳиятга эътибор беришни талаб қилмоқда, “мажоз”, яъни ташқи моддий дунё ҳою ҳавасларига берилиб кетишдан қайтармоқда. Аммо XIII аср охирларида яшаб ўтган шайх Авҳадиддин Кирмоний (вафоти 1298 йил) ушбу нисбатни бироз бошқачароқ талқин этади:

*З-он минигарам ба чашми сар дар сурат,
Зеро-ки зи маънест асар дар сурат.
Ин олами суратесту мо дар суварем,
Маъни натвон дид магар дар сурат.⁸³*

(Шу сабабдан бошдаги кўз билан суратга тикиламанки,
Суратда маънонинг изи бордир.
Бу олам суратдир, биз суратлар ичидамиз,
Маъни суратдан ташқарида кўриш мумкин эмас.)

Яъни, инсон Олий ҳақиқатни (Борлиқнинг ягона олий моҳиятини) бевосита унинг мазҳаридан (моддий борлиқда ўзлигини кўрсатиши, зуҳур этиши, намоён бўлишидан) ташқарида кўра олмайди, чунки у ўзи ҳам шу мазҳардан ташқарида эмасдир (“сурат” ичидадир). Инсон руҳида Борлиқ ҳақиқати билан уйғунлик ҳосил бўлиши учун, биринчи навбатда, ўзга инсонлар билан ўзаро уйғунликка интилиш, улар дилидан Борлиқ ҳақиқатини қидириши лозим, бошқа йўл билан бу мақсадга эришиб бўлмайди. Мана шайхнинг хуросаси. Аммо бу хуроса Нақшбандиянинг шиори сингари Ирфоннинг ниҳоясидир. Бундан кейинги босқич тасаввуфдан ташқарида, бироқ тасаввуф босқичини тугал ўтмай туриб, олга силжишга уриниш ҳам мукаммал маънавий такомилни таъминламаслиги аниқ.

Адабиётнинг асосий мавзуси инсоннинг руҳий кечинмалари бўлса, булар ичида энг гўзали, энг юксак даражаси, энг таъсирчани ишқ-муҳаббатга оид кечинмалар бўлиб, шу сабабли ишқ мавзуси бутун замон ва маконлар адабиётида етакчи мавзу сифатида кўзга ташланади. Аммо унга ёндошув ҳеч қачон бир хил бўлган эмас.

Ислом маърифатчилиги босқичининг энг юксак намунаси бўлмиш Ибн Сино фалсафий меросида алоҳида “Ишқ ҳақида рисола” учрайди. Олдинги маъruzalardan бирида бу ҳақда батафсил гапирган эдик. Ибн Сино ишқа, бир томондан, тиббиётчи-табиатшунос сифатида ёндошса, иккинчи тарафдан ишқнинг суфиёна талқинларига ҳам эътибор беради. Фаззолий таълимотида бу ёндошув янада изчил шакл олиб, аллома инсоний меҳрнинг барча турларини охир-натижада Аллоҳга муҳаббат, яъни “ишқи илоҳий” ёки тасаввуфий атамада “ишқи ҳақиқий”га боғлайди. Бу қараш XII—

XIII асрлар давомида етакчи йўналиш бўлиб келди. Бу давр шоиrlари икки тоифа бўлиб, биринчилари бутун фикру-шоиrlари билан “ишқи ҳақиқий”га интилдилар, “Ҳақ асрори”ни излаш улар учун ҳар нарсадан муҳим бўлди, яъни шеърият имкониятларини улар тасаввуф foяларини ифодалиш учун сафарбар этдилар. Шу сабабли Навоий уларни “ҳақиқат тариқининг суханварлари” деб таъриф этади ва бу шоиrlанинг энг атоқли вакиллари сифатида Фаридиддин Ахтор ва Жалолиддин Румийларни кўрсатиб ўтади. Улар билиш ҳамзамон яшаган Саноий, Анварий, Хоқоний, Саъдий яъни иккинчи йўналиш вакиллари эса “Ҳақ асрори” мавзусини “мажоз тариқи”га, яъни инсон ҳаётининг дунёвий муаммоларига “махлут қилиб” (аралаштириб) баён этдилар, яъни ирфоний foялар билан ижтимоий муаммоларни уйғунлантиришга интилдилар. Лекин ҳали ирфоний муаммоларнинг ўзи тугал ечимини топмагани учун, бу шоиrlар ижодида ирфоний ва ижтимоий масалалар кўпинча ёнма-ён, аралаш (Навоий тили билан “махлут”) изҳор этилар, ҳануз унтар етарли даражада уйғунлашмаган эди.

Аммо XIV аср бошларидан бу соҳада жиддий ўзгариш рўй берди. Амир Ҳусрав Дехлавий 40 ёшдан ошиб, уч девон маънни бир йирик достон соҳиби бўлгач, Низомий “Хамса” сининг моҳиятига алоҳида эътибор қаратди ва астойдил унга жавоб ёзишга аҳд қилди. Ота-боболари шаҳрисабзлик туркни қавмлардан бўлмиш бу буюк истеъдод эгаси Низомийнинг “Ҳусрав ва Ширин” достонига жавоб сифатида ёзилган асарининг муқаддима қисмида яна “ишқи ҳақиқий” ва “ишқи мажозий”дан гап очади ва ўз ижодида узил-кесил “ишқи мажозий”ни бош мавзу қилиб танлаганини баён этади. Шоир бу фикрларини бевосита “Хамса”дан кейин ёзилган “Дўвалроний ва Хизрхон” достонида ҳам яна бир бор таъкид этади.

Навоий онгли равишда Дехлавий анъанасини давом эттириди ва “Хамса”нинг беш достонида “мажозий ишқ”нинг муқаммал бадиий тасвири ва талқинини яратди. “Хамса” анъанасига биз кейинги маърузада батафсилоқ тўхтalamиз. Ҳозирча қайд этиш зарурки, «Хамса» достонлари «мажозий ишқ» тасвиридаги энг муқаммал тизим даражасига кўтарилиши яхлит бадиийт олами бўлиб, уни Борлиқ ҳақиқатининг бадиий модели дейиш мумкин. Бу модельга жон баҳш этувчи

ички қувват манбай эса — ишқ. Ишқни Навоий инсон учун ўзликни англаш йўли, “Ҳақиқат асрори” ганжинасининг калити деб билади. Шоир “Лайли ва Мажнун” хотимасида ёзади:

*Эй ишқ, фаріб кимиё сен,
Бал ойинаи жаҳоннамо сен.
Ҳам зотингга дарж кимиёлиқ,
Ҳам ойинаи жаҳоннамолиқ. . .
Хуршеди жаҳонкушой сенсен,
Миръоти жаҳоннамой сенсен,
Ким қилди сенга назарни равшан,
Кўрди еру кўқдагин муайян.
Чун боққали ихтиёр топти,
Ҳар сорики боқти ёр топти.⁸⁴*

Кўриниб туриптики, шоир муҳаббатга ғаройиб кимиё, яъни мисни олтинга айлантира олувчи сеҳрли куч, инсонга Борлиқ сирларини ошкор қилувчи кўзгу, деб таъриф бермоқда. Бунинг маъноси шуки, Алишер Навоий, салафлари Низомий ва Деҳлавийлар изидан бориб, бадиий ва илмий-ижтимоий тафаккурида «ишқ» тушунчасига, биринчи навбатда, ижтимоий-ахлоқий муносабатлар нуқтаи назаридан қарайди, шу асосда «мажозий ишқ»ни воқеъ ҳаётдаги инсонлар аро муомалада биринчи ўринга чиқаради, ўзак моҳиятга айлантиради. Инсон маънавий камолоти даражасини ушбу маҳак тошига уриб ўлчайди.

Алишер Навоийнинг “Фарҳод ва Ширин” достонида Низомий ва Деҳлавийлар қаламга олмаган бир мавзуга алоҳида аҳамият берилган ва, айтиш мумкинки, туркий достоннинг мазмун-моҳиятига ушбу мавзу калит вазифасини ўтаган. Бу Фарҳоднинг Юнонистонга сафари ва Суқрот билан учрашувидир. Қадим Юнон фалсафасининг тимсоли этиб танланган Суқрот Фарҳоднинг келажак тақдиридан башорат этар экан, унга насиҳат қилиб, бу дунёнинг ўткинчилиги, инсон ҳаётидан асл мақсад «ишқи“ҳақиқий», яъни Ҳақ васлига интилиш эканлиги, бунинг учун инсон, аввало, ўзлигидан, яъни ўз худбин нафсидан кечмоғи лозимлигини таъкид этади ва дейди:

Бу ўзлукдин қутулмоқ чорасози,
 Нима йўқ, ўйлаким ишқи мажозий. . .
 Мажозий ишқ бўлди субҳи анвар,
 Ҳақиқий ишқ анга хуршеди ховар. . .
 Сенинг олингдадир ишқи мажозий,
 Ки жиссминг ўртабон сўзу гудози —
 Ҳам овозангни оғоқ ичра солғай,
 Ҳам овозинг кўхан тоқ ичра солғай.⁸⁵

Достон мундарижасига кўра, Фарҳод Юнонга Искандар кузусининг сирини ечиш мақсадида борган эди. Сукротнинг “ишқи мажозий” ҳақида гапирганлари айни шу тилсимли кўзгуга алоқадор бўлиб чиқди. Чунки кўзгуда Фарҳод тақдиди акс этган, бу тақдир эса, Сукрот айтганидек, “ишқи мажозий” билан бевосита боғлиқ экан. Шундай қилиб, “мажоз тариқи” шоирлари нуқтаи назарига кўра, Борлиқ сирарини намоён этувчи қудрат — ишқ. Пайғамбаримиз “ал — мажозу қантарат ул — ҳақиқат” (мажоз ҳақиқатнинг кўприги) деганлар. Сукротнинг сўзлари ҳам айни шунга ишора этади. Аммо яна бир масалани аниқлаб олиш эҳтиёжи бор. Гасавуфда “ишқи ҳақиқий” — Ҳақ васлига интилиш, “ишқи мажозий” инсонларнинг бир-бирига, бу дунё ашёларига бўлган ишқи деб талқин этилди ва кўп ҳолларда бири иккинчисига зид қўйиб келинди. Иккинчиси биринчисига ўтиш нули, кўприги бўлиши учун яна қандайдир аниқлик киришини лозим эмасмикин? Алишер Навоий ижодининг учинчи босқичида — “Лисон ут-тайр” ва “Маҳбуб ул-кулуб” асарларини яратиб, ана шу муҳим назарий масалаларни ҳал қилиб керди.

Алишер Навоий “Маҳбуб ул-кулуб” асарининг иккинчи цикли 10 бобини “Ишқ зикрида” деб атади ва унда ишқ гаснифидаги ўша даврларда мавжуд анъянани такомиллашибиро, шунгача ўзи ҳам ишлатиб келган “ишқи ҳақиқий” ва “ишқи мажозий” тушунчалари ўрнига “авом ишқи”, “хос ишқ” ва “сиддиқлар ишқи” деб номланган янги тушунчалари киритди:

“Ишққа маротибдур ва ул уч қисм била мунқасим бўлур.

Аввалғи қисм авом ишқидурки, авомуннос орасида бу маншур ва шоедурким, дерлар: “Фалон фалонга ошиқ бўлуб-тур”. Ва бу навъ киши ҳар навъ кишига бўлса бўлур, шағаб

ва изтиробларича лаззати жисмоний ва шаҳвати нафсоний эмас ва бу қисмнинг бийикрак мартабаси шаръий никоҳдурким, бари халойиққа суннатдур ва мубоҳ. Ва пастроқ мартабасида паришонлиқ ва мушаввашлиқлар ва бесомонлиқ ва нохушлиқлареки зикри тарки адабдур ва баёни беҳижоблиққа сабаб”.⁸⁶

(Қисқартирилган насрый баёни: “Ишқ уч қисмга бўлиниади. Биринчи қисм — оддий одамлар (авом) ишқи бўлиб, халқ орасида машҳур ва кенг тарқалгандир... Бу ишқ жисмоний лаззат ва шаҳвоний нафс билан чегараланадики, олий мартабаси — шаръий никоҳдир... Қуйироқ мартабасида жанжал, ташвишлар, кўнгилсизлик ва шармандаликлар кўринаядики, бу ҳақда сўзлаш — одобсизлик, баён этиш ҳаёсизликдир”).⁸⁷

“Иккинчи қисм хавос ишқидурким, хавос ул ишққа мансубдурлар. Ул пок кўзни пок назар била пок юзга солмоқдур ва пок кўнгил ул пок юз ошубидин қўзғалмоқ ва бу пок мазҳар воситаси била ошиқи покбоз маҳбуби ҳақиқий жамолидин баҳра олмоқ”.⁸⁸ (“Иккинчи қисм — алоҳида фазилат эгаларига хос ишқ бўлиб, бу хос ишққа мансуб шахслар пок кўзни пок ният билан пок юзга соладилар ва пок кўнгил у пок юзнинг шавқ-завқи билан бекарор бўлади. Ва бу пок юз воситаси билан пок ошиқ ҳақиқий маҳбубнинг жамолидан баҳра олади”).⁸⁹

Матн давомида “ишқ аҳлининг покбозлари” қаторида Амир Хусрав Дехлавий, Шайх Ироқий ва Хожа Ҳофиз Шерозийлар таъриф қилинади. Булардан икки устоз шоир ва мутафаккирни Алишер Навоий “ҳақиқат асрорига мажоз тариқин маҳлут қўлган”лар қаторида эслаб ўтганлигини юқорида таъкид этдик. Учинчи зот шайх Фахриддин Ироқий (1217-1289) бўлиб, бу суфий-шоир ва ирфоний файласуф Ҳамадонда туғилиб, 18 ёшида Ҳиндистонга шайх Баҳоуддин Закариё ҳузурига бориб, тасаввуф йўлига киради ва сўнгра Арабистон орқали Кичик Осиёга ўтиб, Кўняда шайх Садриддин Кўнявий суҳбатига эришади. Шу ерда Ибн ал-Арабий ирфонини ўрганиб, унинг руҳида “Ламаъот” китобини ёзади. Алишер Навоий бу китобга қизиқиб, устози Жомийдан унга шарҳ ёзишни илтимос қиласа, Жомий “Ашаъот ул-ламаот” рисоласини ёзиб, ўз шарҳи асосида Навоийга Ироқий ирфонидан таълим беради.⁹⁰ Ироқийнинг

“Ишқнома” деб аталувчи алоҳида маснавийси ҳам мавжуд оўлиб, унда ирфоний ишқ ҳолат ва сифатлари маҳсус шар-ҳангандан.

Навоий тасаввуф шеърияти намояндалари ижодида акс итган “ишқи ҳақиқий”га қуйидагича таъриф беради: «Учинчи қисм — сиддиқлар ишқидурким, Олий ҳақиқатнинг тажаллиси (нурланиши) жамолига унинг (моддий олам мавжудлари қиёфасидаги) кўринишидан ташқари, бевосита мағрут бўлганлар ва ўзларини шу йўлга таслим этганлар ва унбу (олий ҳақиқат жамолини бевосита) кўришга интилиш бехушлигига идрок қилиш қобилияти улардан бегона бўлган. Уларни (Олий ҳақиқатни бевосита) кўриш (истаги) буткул ғарқ этган ва улар ғарқ бўлишдан ўтиб, ҳалок бўлиш дарақасига етганлар»...⁹¹ «Агар ҳодисалар бўрони осмон гулшанинг бир қабатини учирив кетса — улар бехабар ва агар юлдузлар гулбаргини ҳар томонга совурса, буларга таъсир қилимайди. Уларнинг ҳислари Ҳақ жамолини кўриш ташвиши билан ишдан чиқсан, шавқ-завқлари эса, унга бўлган ишқ ҳужумлари остида йўқолиб битган...»⁹²

Хар уч қисм ишқ аҳлига Навоийнинг муносабати улар таърифида сўз танлаш ва қайси жиҳатларини ажратиб кўрсаннидан ҳам билиниб турипти. «Маҳбуб ул-қулуб» — ижтимоий-тарбиявий асар. Унда муаллиф ўз қарашларини ҳам ишчил мантиқий баён орқали, ҳам жумлалардаги таъсирчанлик, бадиий тасвир воситаларининг маҳсус танланиши орнатиб изҳор қилган. Шу жиҳатдан шоирнинг учинчи қисмдағы ошиқлар («сиддиқлар»), яъни тасаввуф аҳлига муносабати улар эътиқодига эҳтиром туйғулари билан бир пайтда ундишнинг моддий дунё, реал инсонлар ташвишидан узоқланниб кетганиклари, «халқ ғамидин ғами» йўқлигига муайян инзоралар ҳам мавжуд.

Аммо асосий гап бунда эмас. Алишер Навоий то охирги ишқлари бўлмиш “Маҳбуб ул-қулуб” ёзилгунга қадар ўзи ҳам салжоқий ишқ» деб ишлатиб келган ҳодисани умри ниҳоясини моҳиятан алоҳида икки турга фарқлаб, бирини “авом ишқи” ва иккинчисини “хавос ишқи” деб номлади. Шу билан Фарҳод ва Ширин, Лайли ва Мажнун каби бошдан-оёқ пок туйғуларга йўғрилган «алоҳида фазилат эгаларига хос ишқ»нинг кўпчилик одатда кўзда тутадиган йигит-қиз орасигати оддий “ошиқ-маъшуқ”ликдан ҳам, Олий ҳақиқат-

нинг мутлақ жамолига ошуфта тасаввуф аҳли интилишларидан ҳам бутунлай фарқ қылувчи мумтоз бир түйғу, алоҳида ҳолат эканлигини маҳсус таъкид этишга эришди. Суқрот тилидан «ҳақиқий ишқ» йўлида бир восита сифатида таъриф этилган «мажозий ишқ» аслида Навоий бадиият оламида мустақил ҳодиса сифатида ўзлигини намоён этди. Бу ҳодисанинг моҳияти шунда эдики, унда инсоннинг Олий ҳақиқатга, Ҳаққа, Борликнинг моҳиятига муносабати унинг ўзга инсонларга, атроф-воқелик, мавжуд жамиятга муносабати билан уйғунлик ҳосил қиласарди. Бадиий ижод мазмунидаги мана шу теранликка эришиш йўли “мажоз тариқи” деб ном олди. Миллий маънавиятимиз такомилидаги ушбу энг юксак босқични алоҳида инсон маънавий камолоти жараёнига татбиқ этсак, уни биз бугунги тилда “мехр маърифати” деб атаганимиз маъқул.

Навоий шеър ишқ ҳақида бўлмаса, бекорчи сўз деб ҳисоблайди: «Сўзким дард чошнисидин ҳарорати бўлмагай ва наэмким, ишқ ҳароратидин ҳирқати бўлмагай, нурсиз шамъ бил ва сарварсиз жамъ гумон қил. Ҳосиликим, сўзга бу таронадур ва мундин ўзга барча афсонадур ва сўз ишқ сўзиidor ва кўнгулда ҳаёт нашъаси ишқ ўзидур». Охирги жумла ниҳоятда гўзал ва маъноли — шоир назарида инсон ҳаётининг мазмуни ва завқи ишқдан ташқари эмас.

Навоий йигитлик чоғларидан Жомийни ўзига пир тутган, кейинча ундан тасаввуф ирфони бўйича таълим олгани юқорида қайд этилди. “Маҳбуб ул-қулуб”да шоир устозини “ҳақиқат ва мажоз тариқида комил ва илми ҳар иккаласи тариқида вофий ва шомил”, деб улуғлайди. Дарҳақиқат, Жомий нафақат ирфоний туйгулар ифодасида, балки мажозий ишқ тасвирида ҳам ниҳоятда юксак маҳорат кўрсата олган. Аммо барибир Жомий тасаввуф шоири эканини унумайди. Юсуф ва Зулайҳо, Лайли ва Мажнун, Соломон ва Ибсолларнинг оташин муҳаббатини эҳтирос билан гавдалантириб бергач, асар охирида барча мажозий тимсолларнинг ирфоний шарҳини беришни унумайди. Яъни Аттор каби Жомий учун ҳам “мажозий ишқ” рамздир, аллегориядир.

Низомий, Деҳлавий, Саъдий, Ҳофиз эса ундей қилмайдилар, улар учун мажозий ишқ мустақил қийматга эга. Навоий ҳатто “Лисон ут-тайр”да ҳам мажозни аллеғория,

рамз маъносида қўлламайди. Мажоз тариқи намояндалари мажозда Ҳақиқат асрорини кўрадилар. Навоий ёзади:

*Кўрмаса ҳусни мажози ичра жуз Ҳақ сунъини,
Ошиқекум бўлса ишқ автори ичра покбоз.
Зоҳидо, бу ишқдин манъ айлама ошиқниким,
Гар сен идрок айласанг, айни Ҳақиқатдир мажоз.*⁹³

Халқимиз айтадики, бир иш қилсанг “холисанлилоҳ” қилгин, яъни холис Аллоҳ таоло йўлида қилинган ҳар бир иш хайрлидир, агар унга худбинлик, фараз аралашса яхши кўринган иш ҳам ёмонликка олиб келади. Навоий ишлатган “покбоз” сифати айни шу холисликни, беғаразликни англа-тади.

Нақшбандия тариқати ирфоний тафаккурнинг олий чўққиси бўлди. Аммо Баҳовуддин Нақшбанд (1318—1383) яшаган даврни биз кейинги “Мажоз тариқи” босқичига та-аллуқли ҳисобладик. Нега? Чунки бу улуғ ирфон муаллимидан бизга ёдгор қолган ҳикматлар — “хилват дар анжуман”, “дил ба ёру даст ба кор” — ўз мазмун-моҳиятига кўра дунёвий ва ухравий мақсадларнинг уйғунлигига эришишга дав-ват қилади, шуниси билан миллат маънавиятини тасаввуф тариқатлари босқичидан “Мажоз тариқи” босқичига олиб ўтади.

Шундай қилиб, XII асрда Саноий (1048—1140), Низомий (1141—1202), Анварий (вафоти 1191 йил), Ҳоқоний (1120—1199) каби улуғ ижодкорлар бадиий адабиётнинг ўз мустақил тафаккур йўлини жиддий қидиришга киришган бўлсалар, XIII аср охири — XIV аср бошида Амир Хусрав Деҳлавий (1253—1325) онгли равишда Низомий “Ҳамса”—сига жавоб ёзиш билан “мажоз ишқи” ни тараннум этишга киришди. Амир Хусрав “Ҳамса”си шу даражада шуҳрат қозондикни, ислом минтақа шеъриятида “мажозий ишқ”ни куйлаш ва “Ҳамса” достонларига татаббу бағишлиш кенг кўламли анъянага айланди. Шу сабабли XIV—XV асрларни “мажоз тариқи”га мансуб, деб ҳисоблаш ўринлидир.

“Ҳақиқат” ва “мажоз” тушунчалари ўша давр Борлиқни идрок этишнинг тасаввуф ирфони намояндалари так-лиф этган ўзига хос ифода воситалари бўлиб, суфийлар наздида Ҳақ — ягона ва мутлоқ Борлиқ, Аҳад (яккалик,

бирлик)дир. Ҳақ ўз жамолини кўриш учун кўзгу сифатида фоний дунёни бунёд этган. Ҳақнинг асл зоти Ҳақиқат ва унинг кўзгудаги акси — мазҳари (зуҳур қилиши) “мажоз” (“иносказание”, метафора), дейилади. Баъзан Ҳақиқат ўрнига “маъно” (маъни) ва “мажоз” ўрнига “сурат” сўзлари ҳам ишлатилади. Ирфон — ўзликни англашдир. Асл суфийлар инсонларни “мажоз”га (суратга) маҳлиё бўлмай, Ҳақиқатни қидиришга, “маъно”га интилишга чақирди. Ҳақقا етишган инсон — Комил инсон, Орифдир. Аммо XIII асрга келиб Авҳадиддин Кирмоний (вафоти 1298 йил), Фахриддин Ироқий (1207—1289) каби суфийлар ижодида муаммонинг идроки теранлашди. Ибн ал-Арабий фоялари таъсирида “Ламаъот” асарини ёзган Ироқий “мажоз” ва “ҳақиқат” нисбатини денгиз ва тузга қиёс этади. Туз денгиз суви таркибида бўлгани учун бу сувнинг ҳар қатрасида ҳам туз таъми бордир. Алишер Навоий ҳам Амир Хусрав ва Ҳофизлар изидан бориб, “ҳақиқат асрори”ни (сирларини) “мажоз”дан излади. Навоий газаллари, таржъебандлари, қитъалари, “Хамса” достонлари ва, айниқса, “Лисон ут-тайр” асарида “мажозий ишқни” Ҳақиқатга етишишнинг асосий йўли деб талқин этган. “Мажоз ишқи” Навоий наздида инсоннинг инсонга бўлган Ҳақ йўлидаги (халқимиз ибораси билан айтганда “холисаниллоҳ”, яъни холис Аллоҳ йўлидаги) ҳар қандай фараздан холи, пок меҳридир. Ана шундай ишқ намояндадарини шоир “ишқ аҳлиниң покбозлари”, деб агади. Ишқни ижтимоий муносабатлар асосида кўришни орзу қилган шоир одамийликни ўзгалар ғамини ўзиникидек билишда деб тушунади:

*Одаме эрсанг демагил одаме —
Оникум йўқ ҳалқ ғамидин ғами.*

Бу машҳур байт “Ҳайратул абров” достонининг 13-маколатидан бўлиб, бу боб тўлиғича инсонларни “нафрасон”, яъни ўзгаларга, халқقا фойдаси тегадиган шахс бўлишга даъват этади. Алишер Навоий инсоннинг бу дунёда яшашдан асл мақсади ўзга инсонларга, эл — юртга фойдаси, нафи тегишда деб билади. “Мажоз тариқи” босқичи ислом минтаقا маънавияти такомилининг энг олий поғонаси бўлиб, Тавҳид таълимотининг энг мукаммал талқини деб, қарашибади:

мумкин. “Ҳақиқат асрори”, яъни Тавҳид мазмунини “мажоз”, яъни ушбу зоҳир бўлиб турган оламдан қидириш, Ҳақ асрорини англаб этиш учун холис ният, пок кўнгил билан “мажоз”ни, “фоний”, ўткинчи дунё, “сурат” ни тадқиқ этиш, биринчи навбатда, инсон қалбига қулоқ тутиш, са-мимий ва бегараз меҳр билан ўзгалар қалбига йўл топиш, Инсонларни, табиатни тушуниш орқали Ҳақ асрорини, Та-вҳид моҳиятини идрок этиш — “Мажоз тариқи”нинг буюк аждодларимиз Ҳусрав Деҳлавий ва Баҳовуддин Нақшбанд, Ҳофиз Шерозий ва Лутфийлардан мерос бўлиб, Алишер Навоий ижодида ўзининг энг мукаммал ифодасини топган ўзига хос дунёқарашиб, тафаккур тарзининг моҳияти, асл ўза-гиdir. Бу босқич ягона ислом минтақа маънавияти такоми-лининг қонуний якуни бўлиб, туркий тилда, ўзбек мумтоз адабиётининг бобоколони ижодида авж нуқтага эришди. Бу дунёқарашибни бутун ички мураккаблиги, кўлами ва теран-лиги билан ўша давр шароитида фақат бадиий адабиётда, бадиий тимсоллар тили билангина ифодалаш мумкин эди. Зоро, “мажоз” тушунчаси ўзи бадиий адабиёт тилининг асо-сий хусусиятига оидdir.

5. Миллий маънавиятимизнинг ислом минтақа маданияти доирасидаги такомилига якун ясаш олдидан бир муҳим масалани аниқлаштириб олишга эҳтиёж бор. Биз ислом маънавияти такомили ва унинг босқичларини бошдан-оёқ минтақа миқёсида қамрашга уриндик. Ушбу ёндошув қанчалик мақбул, ахир, асл мақсад миллий маънавиятимиз тараққиёти эмасмиди? Гап шундаки, VIII аср 2-ярмидан XVI аср бошларигача миллий маънавиятимиз ягона минтақа маданияди худудида ривожланди ва яхлит ислом минтақа маънавиятининг узвий қисми сифатидагина тараққий этди. Бундай тарихий ҳолат Ўрта асрларда нафақат ислом минтақаси, бал-ки Европа, Узоқ Шарқ, Жанубий Осиё минтақалари учун ҳам хос эди.

Бу давр ислом минтақа маънавиятининг шаклланиши ва такомилига бизнинг ватандошларимиз сезиларли ҳисса қўщди-лар. Сунна давридаги 6 буюк муҳаддиснинг 2 таси бугунги Ўзбекистон ҳудудидан, VIII аср охири IX аср бошларида минтақа адаб илмининг иқтидорли намояндаларидан Адид Аҳмаднинг ilk туркий достони шу ҳудуд билан боғланади, Мұхаммад ибн Мусо Хоразмий, Аҳмад Фарғоний, Форо-

бий, Ибн Сино, Беруний каби ислом маърифатчилигининг дунёга номи таралган вакиллари, мўътазила йўналишининг сўнгги забардаст вакили, Қуръони каримнинг энг мўътабар тафсирларидан “Ал-Кашшоф”нинг муаллифи Маҳмуд аз-Замахшарий (1075–1144), Калом илмида алоҳида йўналишга асос солган Ал-Мотуридий, фикҳ илмининг ўнлаб забардаст алломалари, жумладан, бутун ислом дунёси қозиларининг асосий китоби бўлмиш фикҳ илмининг қомусларидан “Ҳидоя фил-фуруъ” ни яратган Бурҳонуддин Марғиноний (вафоти 1197 йил), тасаввуфнинг уч буюк тариқати — яссавия, кубравия, нақшбандия-хожагон асосчилари — Аҳмад Яссавий, Нажмиддин Кубро, Абдуҳолиқ Фиждувоний, Баҳовуддин Нақшбанд ва бошқа юзлаб тасаввуф шайхлари ушбу замин фарзандларидан. Бутун ислом дунёсида IX–XIII асрларда ҳукмронлик қилган туркий сулолалар ҳам ушбу заминдан чиқиб бориб, дунёни забт этганлар. Агар бутун биз Шимолий Африка ва Испания, Арабистон ярим ороли ва Марказий Осиё ҳудудларида IX–XV асрларда яшаб ўтган алломалар меросини бир-биридан алоҳида ўргана бошласак, тарихий-маънавий воқеликни ҳеч қачон тўғри илгай олмаймиз ва кўп нарсани чалкаштириб юборамиз. Асли Маҳмуд Кошгарий туркий адабий тил ва унинг шеваларига бағишланган китобини Бағдодда ёзган бўлса, Маҳмуд Замахшарийнинг асарлари Хоразм воҳасида араб тилида ижод этилган бўлса, ҳатто XV асрда ҳукмронлик қилган Мирзо Улуғбек ўзининг асарларини араб ва форс тилларида ёзган бўлса, бу уч тил (араб, форс, турк) да ёзилган яхлит маданий мероснинг ягона моҳиятини қандай қилиб бир-биридан ажратса оламиз?

Хуллас, 7 асрдан ошиқ вақт давомида катта бир минтақада ягона маданият, ягона маънавий муҳит шаклланди. Ушбу муҳитда араб, форс, туркий миллатларнинг ўзига хос маънавий дунёси бир-бири билан ниҳоятда яқинлашиб, ўзаро умумий жиҳатлар касб этди. Шу билан бирга уларнинг исломдан олдинги тараққиёти муайян дараҷада фарқлангани боис ва бошқа турли омиллар туфайли умумий ривожланишнинг миллий талқинларида фарқ бўлиши ҳам табиийдир. Туркий миллатнинг бош бўғини бўлмиш ўзбек халқи миллий маънавияти тараққиётida Алишер Навоийнинг маънавий олами авж нуқтани ташкил этади.

Таянч иборалар: Бадиий адабиётнинг минтақа маданиятида тутган ўрни, араб, форс, туркий адабий тилларда шеърият мактаблари, минтақа адабиётида мавзулар бўйича икки стакчи йўналиш, Фирдавсий ва “Шоҳнома”, минтақа шеъриятининг мазмуний такомилида Саноий бошлаб берган янги босқич, сарой адабиёти ва тасаввuf адабиёти, адабиётнинг асосий мавзусига икки жиҳатдан ёндошув, ҳаким Низомийнинг бадиий тафаккур қурдати, Европа адабиётшунослиги ва ислом минтақа адабиёти, ислом минтақа адабиётшунослиги ва бадиият илми, Абул Ҳасан Наср ал-Марғилонийнинг “Маҳосин ал-калом”асари, Абу Қоҳир ал-Журжоний асрларида бадиий тимсол назарияси, Юсуф ас-Саккокийнинг “Мифтоҳ ул-улум”асари, Тарозийнинг “Фунун ал-бага” рисоласи, Навоийнинг “Ҳолоти Паҳлавон Муҳаммад”, “Маҳбубул-қулуб” ва бошқа асрларида бадиий тафаккур тариқи масаласи, “методос” — “тариқ”, “ҳақиқат тариқи”, “мажоз тариқи”, “Назм гулистонининг хушнағма қушлари шикрида”, “ҳақиқат тариқининг суханварлари”, “асорори илоҳий адоси”. “Ҳақиқат асрорига мажоз тариқин маҳлут” қилганилар, “мажоз тариқи адоси алар назмига ғолиб”, тасаввufда “ҳақиқат” ва “мажоз” тазоди, шайх Авҳадиддин Кирмоний, туркий шеъриятда “мажоз тариқи”, ирфоний ғоялар билан ижтимоий муаммоларни уйғунлаштириш, Борлик ҳақиқатининг бадиий модели, “Лисон ут-тайр”да шайх Санъон қиссаси, “Маҳбуб ул — қулуб”да ишқнинг мартабалари, “ойинаи жаҳоннамо”, Фахриддин Ироқийнинг “Ламаъот” асари ва унга Жомийнинг шарҳи, “мехр маърифати”, “мажоз” — аллегория ва “мажоз” — метафора, Тавҳид таълимотининг энг мукаммал талқини.

Тавсия этилувчи ва фойдаланилган адабиётлар рўйхати:

Асосий адабиёт:

1. Куръони карим (Абдулазиз Мансур таржимаси). Т., 2001.
2. Каримов И. А. Озод ва обод Ватан, эркин ва фаровон чўёт — пировард мақсадимиз. 8-жилд. Т. — “Ўзбекистон” — 2000, с. 489—508.

3. Каримов И. А. Биз келажагимизни ўз қўлимиз билан қурамиз. 7-жилд. Т. — “Ўзбекистон” — 1999, с. 84—102.
4. Каримов И. А. Ватан саждагоҳ каби муқаддасдир. 3-жилд. Т. — “Ўзбекистон” — 1996, с. 3—54.
5. Каримов И. А. Истиқлол ва маънавият. Т., 1994.
6. Миллий истиқлол тояси: Асосий тушунча ва тамойиллар. Т. — “Ўзбекистон” — 2000
7. Алишер Навоий. Маҳбуб ул-қулуб. М. -Л., 1948.
8. Алишер Навоий. Муқаммал асарлар тўплами. 6, 7, 8, 9, 12, 14-жиллар. Т., 1990—1998.
9. Алишер Навоий. Асарлар. 13,15-жиллар, Т., 1966—1968.
10. Ҳайитметов А. Алишер Навоийнинг адабий-танқидий қарашлари. Т., 1959.

Қўшимча адабиёт:

11. Мирзо Улуғбек. Тўрт улус тарихи. Т., 1994.
12. Абдураҳмон Жомий ва Алишер Навоий. Т., 1989.
13. Жалолиддин Румий. Маснавий маънавий. Техрон, 1371.
14. Алишер Навоий. Маҳбуб ул-қулуб. Т., 1983.
15. Куронбеков А. Ҳофиз ғазалиётида маънолар силсиласи. Т., 1994.
16. Саъдий Шерозий. Куллиёт (дар 2 чилд). Душ., 1988—1989.
17. Фаридиддин Аттор. Илоҳийнома. Т., 1994.
18. Фаттоҳийи Нишопурый. Ҳусн ва Дил. Душ., 1985.
19. Фирдавси. Шоҳнома. (дар 9 чилд) Душ. 1987—1991.
20. Олим С. Нақшбанд ва Навоий. Т., 1996.
30. Бертельс Б. Э. Избранные труды. Низами и Фузули. М., 1962.
22. Абдураҳмони Чоми. Осор. (дар 8 жилд) Душ., 1986—1989
23. Ҳайитметов А. Навоийхонлик сұхбатлари. Т., 1993.
24. Рустамов А. Навоийнинг бадиий маҳорати. Т., 1979.
25. Румий. Поэма о скрытом смысле. М., 1986.
26. Османов М—Н. О. Стиль персидско-таджикской поэзии (9-10 вв.). М., 1974
27. Трактат ибн Сины о любви. Тб. 1976.
28. Хакани. Ветер в руке. М., 1986.

29. Гулшани адаб. Намунаҳои назми форсуз-тожик. (иборат аз 5 чилд) Душ. 1975—1977.
30. Ҳаққул Иброҳим. Тасаввуф ва шеърият. Т., 1991.

12-маъруза. АЛИШЕР НАВОИЙ МАЪНАВИЯТИ

ДАРС РЕЖАСИ:

1. Минтақа маданиятида туркий шеъриятнинг ривожи.
2. “Бадойиъ ул-бидоя”да тавҳид фояси.
3. Хамсачилик анъаналарининг шаклланиши ва туркий “Хамса”нинг моҳияти.
4. Навоий ва Аттор. “Лисон ут-тайр” маънавияти.

1. Алишер Навоий ўз ижодида Низомий ва Амир Ҳусрав, Аттор ва Фахриддин Ироқий яратган бадиий ва ирфоний оламлар ёғудусидан баҳраманд бўлди. Юқорида номлари эсланинг Саъдий, Ҳофиз, Анварий, Ҳоқоний каби ўнлаб форс мумтоз адабиёти вакилларига татаббу — жавоблар ёзди. Ва ўз мустақил бадиий оламини яратди. Бу олам туркий шеърият оламига тааллуқли эди. Туркий адабиёт вакиллари эса азалдан ижтимоий-ахлоқий муаммоларга алоҳида эътибор бериб келадилар. Адиг Аҳмад (VIII—IX асрлар), Юсуф Ҳос Ҳожиб (XI аср), Аҳмад Яссавий ва Сулаймон Боқирғоний (XII аср), Қул Али (XII—XIII асрлар), Юнус Эмро (XIII аср), Рабгуний (XIV аср) каби буюк сиймоларни етиштирган туркий письдаги адабиёт XIV асрдан бошлаб гуркираб ривожлана бошлади. Дастлаб Ҳоразм адабий мактаби шаклланди. Унда “Мұддабатнома” муаллифи Ҳоразмий, Қутб, Сайфи Сароий каби улув ижодкорлар етишиб чиқди.

XIV аср 70-йилларидан минтақа сиёсий ҳаётида мӯғуллар ҳукмронлиги тугаб, Темурийлар даври бошланди. Буюк Соҳибқирон Амир Темур таназзулта юз тутган ва парчалангни Чигатой улусининг ўрнида ислом минтақасининг қалб ёнимини ўз худудига бирлаштирган улуг салтанатни вужудга келтирди. Farбда Ироқ ва Сурия ерлари, Эрон, Афғонистон ва Марказий Осиё ўлкаларини деярли тўлиқ қамраб олган бу мимлакат ислом минтақа ҳалқларининг ягона сиёсий худудга охирги марта бирлашуви бўлиб, Темур минтақа миқёсида туғузга эга бўлган охирги давлат бошлиғи эди. Унинг дав-

латни бошқариш ва улус осойишталигини таъминлаш йўлидаги хизматлари ислом минтақа маданияти давлатчилик соҳасидаги ютуқларининг юқори чўққиси бўлди.

Бу давр минтақа адабий ҳаётида ҳам сезиларли ўзгаришлар бўлди. Низомий ва Амир Хусравлар туркий элат вакили бўла туриб, форс тилида ижод қилган бўлсалар, энди туркий шеърият бутун минтақа ҳудудида ривож ола бошлади. Шерозда Ҳофиз Ҳоразмий шуҳрат қозонди. Ҳирот, Самарқанд, Бухоро, Табриз, Ҳўжанд шаҳарлари, Ироқ, Кичик Осиё, Миср, Волгабўйи, Фарғона, Ҳоразм ўлкаларида туркий тилда ижод қилувчилар етишиб чиқа бошлашди. Сайид Қосимий, Ҳайдар Ҳоразмий, Атоий, Саккокий, Гадоий, Лутфий, Юсуф Амирий, Яқиний, Сайид Аҳмад, Ҳўжандий, Муқимий, Сайид Насимий, Наимий, Камолий, Латифий, Суҳайлӣ, Мирзо Ҳожи Суғдий ва бошқа шоир ва адиблар туркий тилда ғазаллар, рубоийлар, қитъалар, қасида ва маснавий, достон ва насрый асарлар ёза бошладилар. Темурийзодалар, яъни Амир Темурнинг набира-эваралари кўпчилиги туркий назмга майл кўрсатдилар. Алишер Навоий “Мажолис ун-нафоис”да Султон Искандар Шерозий, Халил Султон, Иброҳим Муҳаммад Халил, Абубакр Мирзо, Шоҳ Фарид Мирзо, Бадиuzzамон Мирзо, Абулқосим Бобир, Сайид Аҳмад Мирзо, Султон Аҳмад Мирзо, Фаридун Ҳусайн Мирзо ва бошқа қатор амирзодаларнинг шеърларидан намуналар келтиради. Амир Сайфиддин Барлос, Арслон Ҳўжа Тархон каби нуфузли амирлар ҳам шеъриятга ҳомийлик қиласар, ҳам ўzlари ижод билан шуғулланар эдилар.

Жами XV асрда ўтган 50 га яқин туркий шеърият намояндалари Навоий асарларида тилга олинади ва шеърларидан намуналар берилади. Айниқса, Султон Ҳусайн Бойқаро бу соҳада алоҳида хизмат кўрсатди. Алишер Навоийнинг баракали ижодий фаолиятида ушбу улуф туркий шеърият вакили ҳамда ҳомийсининг кўмаги ва далласи катта аҳамиятга эга бўлди. Бу даврда Кутб ва Ҳайдар Ҳоразмийларнинг “Хамса” анъаналарини туркий шеъриятга ёйиш ҳаракатлари, Сайдий “Гулистон”и, Атторнинг “Илоҳийнома” (Сайид Қосимий) ва “Мантиқ ут-тайр” (Гулшахрий) асарларининг таржима ва татаббулари, Насимиининг юксак ирфоний шеърияти, Атоий, Саккокий, Гадоий, Лутфийларнинг де-

вонлари, Хоразмий, Хўжандий, Амирий ва Сайид Аҳмад “Ишқнома”лари (Муҳаббатнома”, “Латофатнома”, “Таашшукнома”, “Даҳнома”), Амирий ва Яқинийларнинг рамзий мунозаралари ва бошқалар туркий мумтоз шеъриятни минтақа адабиётининг юксак погоналарига кўтарган эди. Бу даврда Қуръоннинг қатор туркий тафсирлари, туркий тилда пайғамбарлар қиссаси, ахлоқий ва тарихий рисолалар, адабиётшуносликка оид асарлар яратилган эди.

Алишер Навоий бадиий ижод тариқи ҳақидаги ўз назариясини қисман туркий адабиёт вакилларига ҳам татбиқ этади. “Ҳолоти Паҳлавон Муҳаммад” асарида унинг ўзига ота қаторида меҳрибонликлар кўрсатган устози, күштигирлар пири билан бир суҳбати келтирилади:

Паҳлавон навқирон шоирдан сўрайдики, туркигўй шоирлар ичида энг яхшиси ким? Навоий жавобида мавлоно Лутфийни тилга олади. Шунда Паҳлавон Муҳаммад ҳайрон бўлиб, сўрайди:

— Нечук Сайид Насимий демадинг?

Фақир дедим:

— Хотирға келмади ва бар тақдир келмоқ, Сайид Насимиининг назми ўзга ранг тушубдур, зоҳир аҳли шуаросидек назм айтмайдур, балки ҳақиқат тариқин адо қилибдур. Бу саволда сенинг фаразинг мажоз тариқида айтур эл эрди”.⁹⁴

Бу суҳбатдан икки нарса аён бўлади. Биринчидан, “мажоз тариқи” ва “ҳақиқат тариқи” йўналишлари фақат Алишер Навоий тахайюлининг меваси бўлмай, унинг ёшлик давридаёқ илм ва санъат аҳлига маълум бўлган. (Бунга ишоралар “Хамсатул-мутаҳаййирин”да ҳам учрайди.) Иккинчидан, Лутфий ва Насимий каби улуғ туркий тилли шоирлар танлаган бадиий ижод тариқларини бир-биридан фарқ қилиш билан Навоий навқиронлик давридаёқ бу масалада ўзининг аниқ-равshan қарашларига эга бўлганлиги ойдинлашади.

Аммо Паҳлавон ёш дўстига эътиroz билдириб: “Сайид Насимиининг назми зоҳир юзидин мажоз тариқига шомилдур ва маъно юзидан ҳақиқат тариқига” дер экан, бу билан Насимий ижоди ҳам Жомийники сингари мураккаб характерга эга эканлиги таъкид этилади.

2. Алишер Навоий минтақа адабиётига шундай бир муҳитда кириб келди. Навоий бадиий олами бениҳоя кенг ва

ранг-баранг. Унинг Борлиқни идрок этиши ижодининг турли даврларида ва турли йўналишларида ўзига хос аксини топган. Биз бир неча намуна келтириш билан чекланамиз. Аввало, шуни айтиб ўтиш жоизки, Навоий ижоди шу пайтгача қўпроқ таркибий жиҳатдан ўрганишга асосан Иzzат Султон (“Навоийнинг қалб дафтари”) ва X. Сулеймонов (“Хазойин ул-маоний” танқидий матни) ишларида ҳаракат қилинди. Ушбу ишларга таяниб хулоса қилганда, шоир бадиий камолотининг биринчи босқичи 1469 йил Султон Ҳусайн Ҳирот тахтини эгаллагандан кейинги бир неча йил орасида шоир ўз қўли билан тартиб берган биринчи девони “Бадойиъ ул-бидоя”да ўз аксини топган, дейиш мумкин. Биз шу мажмуадан икки асарни олиб қиёсий таҳлил қилиб қўрамиз. Буларнинг биринчиси девонни бошлиб берувчи “Ашрақат” ғазали, иккincinnisi ушбу девон таркибидаги “Кетур соқий, ул майки, субҳи аласт. . . ” деб бошланувчи таржиъбанддир: Биз бу икки асар мазмунига диққат қаратмоқчи бўлганимиз сабаби улардаги бош тимсоллар билан боғлиқ. Бу тимсоллар “май”, “жом” ва “синфон сафол” мажозлари бўлиб, улар бу икки шеър мазмунини бир-бирига боғлиб туради.

Биз доимо Навоийнинг бош қаҳрамони — Инсон деймиз. Менимча, шунга аниқлик киритилса, шоирнинг бош қаҳрамони оддий инсон эмас — Ошиқ инсон, деб қаралса, ҳақиқатга мувофикроқ бўлар эди. Аммо бу қандай ошиқлик? Биринчи ғазалнинг илк сатрларини ўқийлик:

*Ашрақат мин акси шамсил каъси анвор-ул-ҳудо,
“Ёр аксин майда кўр” деб жомдин чиқди садо.
Файр нақшидин кўнгил жомида бўлса занги ғам,
Йўқдур, эй соқий, майи ваҳдат масаллик ғамзудо.⁹⁵*

Шеъриятнинг, бадиий адабиётнинг құдрати шундаки, ўз қаъридаги сирларни ўзи очади, тилсим ҳам ўзи, бу тилсимнинг қалити ҳам ўзида, фақат уни холис назар билан, синчковлик билан, меҳр билан ўқиш керак. Юқоридаги парчада ҳам кўриниб турибдики, биринчи сатрдаги тимсоллар иккincinni сатрда изоҳланган. “Файр” — бегона демакдир. “Ғамзудо” — “ғам зангини тозалагувчи” маъносини билдиради. “Май” — “майи ваҳдат” (бирлик, ягоналик шароби), яъни

ирфоний ишқ, “жом” эса “кўнгил жоми” экан. Кўнгил жоми агар бегона акси тушиб занг оладиган бўлса, ушбу замдан фориф этувчи энг мақбул восита ваҳдат майи дейилмоқда. Шеър давомига мурожаат қиласиз:

*Эй, хуш ул майким, анга зарф ўлса бир сингон сафол,
Жом ўлур гетинамо, Жамшид ани ичган гадо.*

“Гети” — жаҳон, коинот; “гетинамо” бутун жаҳонни, коинотни акс эттирувчи кўзгу. Ваҳдат майини ичган кишининг кўнгли бутун коинотни ўзида акс эттириш хислатини касб этади. Ҳеч нарсаси йўқ гадо агар ваҳдат майини ичса, Жамшид, яъни бутун ер юзининг подшоҳига айланади (“жоми Жамшид” тимсолига ишора). Аммо “сингон сафол” тимсоли қандай сирни ўзида яширмоқда? Буни аниқлаш учун энди шоирнинг йигитлик айёмида яратган таржиъбандинга мурожаат қиласиз :

*Кетур, соқий, ул майки, субҳи аласт,
Анинг нашъасидин кўнгил эрди маст.
Майиким, қулур қўйсалар жом аро,
Ўзи маству, кайфияти майпараст...⁹⁶*

Шеър давомида шоир бошидан кечирган бир саргузаштни ҳикоя қиласиди:

*Эшит саргузаштеки, бугун менга
Неча майпараст ўлдилар ҳамнишаст...*

Шоир майхонада бир неча майпараст билан бирга ўтиргач, қўлига яна май солинган сопол кўзани олиб, манзили сари йўлга чиқади. Йўлда бир неча “эҳтисоб аҳли” (яъни, шариат қоидаларига шаҳар аҳли қандай риоя қилаётганини текшириб борувчи муҳтасибнинг одамлари) шоирни майхўрликда айблаб, калтаклайдилар. Шоир баданига етган озорни сезмайди, аммо қўлидаги май тўла кўза синганига қаттиқ куюнади:

*Шикастим менинг онча эрмас эди,
Ки май зарфи тонди ародада шикаст.*

*Чу синди сабу, чорае топмадим,
Мени муфлису, уру, гирёну масти.*

(Навоий қаҳрамони муфлис, яъни бозори касод бўлган, ур, яъни ялангоч, либослари пора, гирён — кўзларида шашқатор ёш ва масти.) Шу ҳолида —

*Харобот аро кирдим ошуфтаҳол,
Май истарга илгимда сингон сафол.*

Харобот — ҳам вайрона, ҳам майхона, ҳам муғ дайри, яъни оташпастлар ибодатхонаси, ҳам бу фоний дунё — асли барчаси бир нарса — харобот.

Шоир май истайди, аммо май тўла кўза чил-чил бўлган, унинг қўлида фақат синган сопол парчалари қолган. Ушбу сопол бўлакларини эҳтиёт билан йигмоқ керак. Қадимги обидаларни тупроқ остидан парча-парча ҳолда топиб, тўплаб, ҳар бирини чанг губордан, чирқдан тозалаб, уларни кошинкор усталар каби бир-бирига мосини аниқлаб, тўғри жойлаштириб, нақшлар яхлитлигини тиклаб, кейин бир асосга тархини чизиб, ўша асосда бир-бирига ёпиштириб, етмаган, топилмаган жойини ўрнига қараб тасаввурда тиклаб, яхлит идиш ҳолига келтирадиган зукко атиқашунос вазифасини адо этмоқ керак. Ана шундан сўнг бу идиш нима вазифа бажарган, унинг мазмунни, шакли, ундан фойдаланиш қонун-қоидаларини аниқлаш мумкин. Биз ҳам устоз адиб ижодига шундай муносабатда бўлсаккина, у яратган ёки ишлатган ҳар бир тимсол, ташbih, атамаларга ғояти эътибор билан ёndoшиб, уларни бир-бирига қиёсан ўрганиб, мағзини чақишга уринсаккина бир натижа чиқиши мумкин. Шеърга қайтамиз. Унинг бир банди тугаб, янгиси бошланади:

*Сафол ичра бир журъа лойе манга,
Эрур жоми гетинамоиye манга,
Кетирмакка худбинлигим ранжини,
Кани бода янглиf давоиye манга.⁹⁷*

Ҳақиқий ошиқ учун май кўзасининг синифи — сопол парча юзида сақланган бир қултум май қуйқаси (лойи) ҳам

бутун жаҳонни (балки коинотни) ўзида акс эттира олувчи ваҳдат майи тӯла қадаҳ (жом) ўрнига ўтаверади, ўша вазифани ижро қиласкеради.

Бу нима дегани? Борлиқ моҳияти воҳид ва ягона. Аммо инсон ушбу ягона моҳиятни кўз билан кўра олмайди, инсон фақат унинг мажозини — кўзгудаги аксини кўришга қодир. Мажозда, яъни табиат, воқелик кўзгусида тасвир парчаланиб кетган, ваҳдат (ягоналик) зоҳиран касрат (кўплик)га айланган, шу сабабли бу воқеий дунё ҳароботдир, вайронадир, бутпарастлар ибодатхонаси дир, уни ошиқ майхона сифатида кўради, ҳар санамда ягона бир санамни кўриб унга ошиқ бўлади.

Инсон кўнгли ваҳдат майи билан тӯла бўлган кўза (сафу)нинг синган бир парчаси, унда бир қултум лойқа аралаш май мавжуд. Ваҳдат майига ташна ошиқ шу май қўйқасини яхшилаб тинитмоғи лозим, шундагина у яхлит кўзгунинг бир парчаси сингари Ҳақиқат нурини ўзида акс эттира бошчайди. Ошиқ унга боқиб маст бўлади, ўзлигини йўқотиб, абадиятга даҳлдор бўлиш имконини пайдо қиласиди. Бундай ошиқлик-мастлик инсон кўнглидан ҳирсу ҳавас зангини, худбинлик (эгоизм) зангини (ранжини, ғамини) ювиб ташчайди. Файр (бегона) шу худбинлиқдир, ширк шу худбинликка дилдан жой беришдир, кўнгил кўзгусини босган занг ҳам ушбу худбинликнинг ўзидир.

Ваҳдат майини ичган ошиққа ҳеч ким жафо қила олмайди, ўзи ҳам бировга жафо қилишдан холи бўлади:

*Чун мен дайр пири вафосида мен,
Фалакдин етишмас жафойе манга.⁹⁸*

Дайр пири — майхона соҳиби, Борлиқ ҳақиқатининг сақловчиси, эгаси. Ошиқ ягона Борлиқ ҳақиқатига, Олий ҳақиқатга хиёнат қилмайди, унинг асрорини англаб етишга шигард етмайди, дайр пирига вафодорлик сақлаган ошиққа фалак жафо етказа олмайди. Чунки у худбинлик ранжини сингиб ўтган, ваҳдат майи ёрдамида унинг кўнгил кўзгуси детона соялардан (файр нақшидан) покланган. Бундай кўнгил кўзгуси фанодан бақоға юзлангандир.

Бу тимсол ва тасвirlар нақшбандия ирфони доирасидан

туриб илгари интилаётган ошиқ-шоир қалбидан туғилиб келәётган мажоз тариқи унсурларидир. Улар келгусида янги пояларга күтарилиш учун қўйилган илк қадамлардир. 15 ёшида кекса Лутфийни ҳайратга солган илоҳий истеъдод шу тариқа янги уфқуларга кўз тикмоқда эди.

3. Маълумки, шайх Низомий “Хамса” ёзишни аввалдан маҳсус режалаштирган эмас. Аммо шеъриятда мутлақо янги бир йўналишга асос солаётганини ўзи сезиб турган. Унинг биринчи достони “Махзан-ул-асрор” (“Сирлар хазинаси”) деб аталади. Асар илк сатрлари қуидагича жаранглайди:

*“Бисмиллоҳир раҳмонир раҳим,
Ҳаст қалиди дари ганжи ҳаким”⁹⁹*

(“Бисмиллоҳир раҳмонир раҳим” калимаси
Ҳикматлар эгаси хазинасига калиддир)

Ушбу сатрлар биринчи — “тавҳид” бобига кириш бўлиб, унинг мазмуни яратганнинг ҳамдидир. Шундан сўнг икки муножот, Пайғамбар наъти, меъроҳ тасвирига бир неча боб бағишланиб, кейин шоир замона подшоҳи Фахриддин Баҳромшоҳни мадҳ этишга киришади.

Маълумки, Саноий ҳам асари охирида ўша давр ҳукмдори Абулхорис Баҳромшоҳга мадҳия битган эди. Низомий шу баҳонада ўз достонини Саноий асарига қиёслаб ўтади:

*Он заре аз кони куҳан рухта,
В-ин дуре аз баҳри нав ангихта.”¹⁰⁰*

(Ул эски маъдандан олтин қўйганди,
Бул янги денгиздан гавҳар чиқарди)

Ушбу қиёсда Саноийнинг шеърият камолида биринчи босқичнинг якунловчиси бўлгани, Низомий эса янги даврни бошлаб бергани таъкид этилмоқда.

Мадҳиялардан сўнг Низомий “кўнгилни англаш” (“шинохтани дил”) ҳақида бир қатор боблар яратади ва уларда инсоннинг руҳият иқлиmlари ажойиб ташбех ва тимсолларда теран таҳдил этилади. Бу ҳолатлар, яъни инсоннинг ўз кўнгил боғида сайр этиши тунда ва хилватда амалга оширилганлиги алоҳида қайд этилади.

Достоннинг асосий қисми йигирма мақолатдан ташкил топган бўлиб, улар Одам Атонинг, яъни Инсоннинг яратилиши, унинг асл моҳияти, бурч ва вазифалари, ҳукмдор адолати, дунёнинг буқаламунлиги, инсонларнинг бир-бирiga ва умуман тирик мавжудотга муносабати, жамиятдаги қабиҳликлар, дўстлик ва вафо масалаларига бағишланган. Ҳар бир мақолат охирида ижтимоий ҳаётдан бир ҳикоят ибрат йўсинида илова қилинади ва ундан ахлоқий-фалсафий холосалар чиқарилади. Бу достонда инсон ва жамият, Инсон ва Олий Борлиқ муносабатлари бир-биридан ажралмаган ҳолда, уйғунликда таҳлил ва тадқиқ этилади. Шу жиҳатдан унинг Саноий асарига мазмун ва мавзу таркибида ҳамоҳанглиги бежиз эмас. Аммо “Ҳадойиқ ул-ҳақиқа” Саноий ижоди учун якуний асар, холоса бўлса, Низомий учун “Махзан-ул-асрор” ижодий режаларининг бошланиши, илк муқаддима эди. Агар Фаридиддин Аттор бутун умр Инсон ва Олий Борлиқ нисбатини таҳлил этишга уринган бўлса, Низомий ўзининг иккинчи достонидан бошлаб ижтимоий муносабатлар, инсонларро муносабатлар таҳдилига киришиб кетади. “Хусрав ва Ширин” шоҳлик ва ошиқлик, адолат ва муҳаббат масалаларини, “Лайли ва Мажнун” ишқ ва оиласиний муносабатлар, ишқ ва инсонийлик, ишқ ва урф-одатлар, бир сўз билан айтганда, инсонлар жамоасида ишқ ва ошиқлик маргабаси масалаларини, “Ҳафт пайкар” ҳукмдор ва раият, адолат ва зулм, худбинлик ва фидоийлик, инсоннинг жамият олдидаги бурч ва маъсулияти, инсон баҳти ва фожиаси масалаларини, “Шарафнома” ва “Иқболнома” достонлари эса афсонага айланган тарихий Искандар ҳаёти ва тақдирли орқали умуман ўша давр ижтимоий ҳаётининг мурakkab ва долғали манзарасини, инсонлар жамиятининг фалсафий ва амалий қиёфасини, моҳиятини очиб беришга қарашилган. Низомий яратган олти достоннинг охирги иккитаси “Искандарнома” сарлавҳаси остида бирлаштирилиб, “Ҳамса” (Бешлик) га айланди. “Ҳамса” бадиий олами эса ислом минтақа маънавияти такомилида буткул янги босқичнинг ибтидоиси эди. Тасаввуф ирфони ислом маърифатчилиги билан деярли бир пайтда (IX асрдан) бошланганидек, бу сафар ҳам Низомий асос солган янги йўналиш “ҳақиқат тарикӣ” (яъни тасаввуф эпик шеърияти) билан деярли бир таирдан бошланди. Аммо “Ҳамса” йўналиши Низомий ижо-

дида бироз “ўз вақтидан илгари” юз кўрсатган бўлиб, давр тасаввуф босқичи камолотини тақозо қилас әди. Шу сабабли XII аср иккинчи ярмида яратилган Низомий мероси 150 йил улуснинг диққат марказидан четда қолиб келди. Ҳатто XIII асрда ижод этган Саъдий Шерозий яна маълум маънода Саноий анъанасини давом эттириб, ўзининг “Бўстон” ва “Гулистон” асарларини “Ҳадиқа” йўналишда, ўша эркин услубда яратди. Фақат Ҳиндистонни Ватан деб билган форсийзабон турк Амир Хусрав Дехлавийгина, XIII аср охирида уч девон ва бир йирик достон яратиб ултургач, 50 ёшга яқинлашганида, яъни XIV аср бўсағасида Низомий “Хамса”сига жавоб ёзишга бел боғлади ва 1302 йилга бориб (4 йил ичидаги) ўзининг жавоб — татаббусини тўлиқ ёзиб туғаллади.

Алишер Навоий “мажоз тариқи” ҳақида ёзар экан, Низомий Ганжавий номини тилга олишга журъат этмайди, бунинг сабаби улуғ шайхнинг тафаккур олами ҳар қандай қолипларга сифмаслигини дилдан ҳис қилганидан бўлса кепрак. Аммо Амир Хусрав Дехлавий исми сўзсиз “ҳақиқат асрорига мажоз тариқин маҳлут қилганлар” қаторида шайх Саъдийдан кейинги фаҳрли ўринни эгаллаган. Бу бежиз эмас, албатта. “Ҳинд сеҳргари” (соҳири ҳинд) нинг ўзига мурожаат этайлик:

*Фидойи ишқ шав, гар худ мажозаст,
Ки давлатро дар-у пўшида розаст,
Ҳақиқат дар мажоз инак падид аст,
Ки фатҳи он хазина з-ин калидаст.¹⁰¹*

(Ўзингни ишққа баҳш эт, агар у мажозий бўлса ҳам,
Чунки унда саодат сирлари яшириндир.
Ҳақиқат мажозда шундай ўзини намоён этадики,
Ул хазинани қўлга киритмоқ имкони ушбу калит орқали бўлади.)

Шоир мажозий ишққа шундай таъриф бериш билан ҳам чекланмайди, у ўз давридаги баъзи “ишқи ҳақиқий”дан лоффурувчиларни фош этишни ҳам лозим топади:

*Ту к-аз “ишқи ҳақиқий” лофиий, эй дўст,
Хароши сўзане бенмой дар пуст,*

*Ту к-аз бонги саге аз дин шави фард,
Надори шарм аз-ин имони бедард.¹⁰²*

(Эй, сен “ишқи ҳақиқий” дан лоф урувчи дўст,
Баданингга бир игна қадалишини тасаввур қилиб кўр.
Ногаҳон ит “вов” деса чўчиб диндан чиқиб кетасану,
Яна бундай “дардсиз имон”ингни кўз-кўз қилгани уял-
майсанми?)

Бундай мулоҳазалар туғилиши учун Фариидиддин Аттор, Жалолиддин Румийларнинг юксак ирфоний шеърияти, Ибн Ат-Арабийнинг мукаммал ирфоний фалсафаси яратилиб, ӯлаштирилиб бўлинган, Абдуҳолиқ Фиждувоний издошли-
ри учун Мансур Халлож ва Боязид Бистомийларнинг тасав-
нуфдаги охирги мақоми биринчи мақомга, охирги қадами
биринчи қадамга айланган бўлиши керак эди. Низомий дав-
ри учун эса “ишқи ҳақиқий” ва “ишқи мажозий”ни бир-
биридан фарқ қилишга ҳали жуда эрта эди. Шу сабабли улуғ
шайх меросида биз бундай тазодни учратмадик. Низомийни
шоирларнинг ҳеч бир гуруҳига қўшмаслиги ҳам шу жиҳат-
дан Алишер Навоийнинг назарий хулосаларда ниҳоятда ил-
мий эҳтиёткорлигига ишорадир. Биз эса “марксистик” таъ-
тиим олганимизданми, анча ўзбошимча бўлиб қолганмиз. Ҳар
ҳолда бу мулоҳазалар дастлабки йўналиш олиш ва тарҳ
(лойиҳа) даражасида бўлиб, кейинги муфассал ва жiddий
тадқиқотлар масалага аниқлик киритади, деб умид қиласиз.

Амир Хусрав Деклавий “Хамса”си онгли равищда мажо-
зий ишқни куйлашга бағишланган. Ажабланарли жойи шун-
даки, Низомий Ганжавий достонларининг бизгача етиб кел-
ган энг қадимги қўлёзмалари XIV аср ўрталарига мансубдир.
Амир Хусрав “Хамса”сининг сақланиб қолган энг биринчи
қўлёзмаси вафотидан 30 йил кейин кўчирилган (баъзилари-
ни Ҳофиз Шерозий кўчирирган деб тахмин қилинади). Низо-
мий Ганжавий “Хамса”сининг ҳозир илмий истеъмолда мав-
кул тўлиқ нусхалари эса бундан ҳам кейинроқ, 1362—1365
шилларда кўчирилгандир. Улардан кўра қадимийроқ, айниқ-
са, XII—XIII аср нусхалари ҳануз топилган эмас. Шу асосда
Амир Хусрав Деклавий фаолияти билан боғлиқ эмасмикан,
леган фараз пайдо бўлади. Чунки Низомийнинг фикрий ду-

нёси жуда мураккаб, уни англаб етиш осон эмас, Дехлавий “Хамса”си эса, маълум маънода, Низомий бадиий олами учун ҳам калит бўла олади. Аниқроқ қилиб айтсак, Низомий маънавиятини тушуниш учун XII асрдан кўра XIV асрда мувофиқроқ фикрий муҳит ҳосил бўлган эди, дейиш мумкин. Амир Хусрав “Хамса”дан сўнг ёзилган тарихий ишқий достони “Дувалроний ва Хизрхон“ қаҳрамонларининг муҳаббати ҳам мажозий эканлигини алоҳида таъкидлаб кўрсатади:

*Чу ишқ андар мажозаш жилвагоҳ дод
Мажозаш бар тули таҳқиқ раҳ дод.* ¹⁰³

(Ишқ ўз мажозида намоён бўлгани сабабли,
Бу мажоз Ҳақиқатни англаб етиш учун кўприк бўлди.)

Амир Хусрав “Хамса” гояларининг кенг ёйилиши учун улуғ хизмат қилди. Ундан кейин “хамсанавислик” ва кенг маънода “мажозий ишқ”ни куйлашга бағишлиланган достончилик анъанаси минтақа миқёсида кўлам касб этди. Навоий эслаган Хожуий Кирмоний ва Салмон Соважий, Котибий ва Шоҳий Сабзаворийлар ушбу достончилик анъанасига мансуб шоирлардир. Ҳофиз Шерозий ва Носир Бухорий фазалларининг мажозий ишқ тавсифига оидлиги яна маҳсус тадқиқотларни талаб этади.

“Мажоз” ва “ҳақиқат” нисбатлари туркий адабиёт доирасида кейинги асрларда Фузулийдан то Нодира шериятига-ча қўлланилиб келганлиги маълум.

Аммо бу масалага айрича аҳамият берган ва минтақа эмас, жаҳон миқёсида дунёни янгича идрок этиш анъанасига ҳам назарий, ҳам амалий (яъни бадиий ижодда) асос солган буюк зот — Алишер Навоий бўлди. Навоийнинг Амир Хусрав Дехлавий ижодига ихлоси ҳам Амир Хусравнинг “мажозий ишқ” қа бўлган муносабатига боғлиқ, деб ўйлаймиз. Чунки Низомий асос солган “Хамса” анъанасининг алоҳида янгича йўналиш, бадиий идрок ва инъикоснинг маҳсус йўли эканлигини англаб етиб, ушбу йўналишга эл ёътиборини тортган Амир Хусрав эди.

Навоий ижодий такомили иккинчи босқичининг таянчустуни — шоирнинг шоҳ асари “Хамса” десак янгишмай-

миз. 888 (1483) йилдан Алишер Навоий ўзининг энг буюк асари “Хамса” туркумини ёзишга киришади ва уни 890 (1485) йилда тугаллади. Беш достонни ўз ичига олган бу улкан бадиий қомус 50 минг мисрадан ошиқ бўлиб, Навоийнинг барча шеърий меросининг деярли ярмини ташкил қиласди. Аммо гап ҳажмда эмас. “Хамса” Алишер Навоий ижодининг қалбидир. Буюк бобоколонимиз ўзи тузган биринчи девони “Бадойиъ ул-бидоя” биланоқ туркий тилдаги шеъриятни араб ва форс мумтоз адабиётининг энг пешқадам намуналари дарajasiga олиб чиқсан эди. Аммо бу ишлар барчаси “Хамса”-нинг дебочаси эди, холос. Агар туркий “Хамса” ёзилмаса, нафақат бизнинг, туркий халқларнинг адабиёти, маънавияти, балки бутун ислом минтаقا маънавияти бугунги яхлитлиги, бугунги тугаллигига эга бўлмас эди, деб бемалол айтиш мумкин. Алишер Навоийдек аслий ошиқнинг дунёга келиши, унга берилган улуғ истеъоднинг моҳияти “Хамса” учундир, бу буюк ижодкор меросининг аввали ҳам, охири ҳам “Хамса” туфайлидир.

Ислом маънавияти намоёндалари ўз ижодларида салафларини инкор этиш, илгари батамом кўрилмаган янгилик яратишга интилиш эмас, балки устозлар яратган маънавий бойликни янада такомиллаштириш, унга янги жило бериш, улар излаган яхлит ва буюк Ҳақиқатнинг янги ва тоза қирраларини кашф этиш, мазмуний бойитиш йўлидан боргандар. Бу том маъноси билан муқаддас анъана бўлиб, ислоннинг илоҳий китоби “Куръони карим”дан сарчашма олади. Лечлавий “Хамса”си Низомийга ажойиб шарҳ ва ундаги мазмунларнинг янгича талқини сифатида ўзининг ҳам, салафининг ҳам шуҳратини оламга ёйди. Кейинги XIV — XV асрлар минтаقا маънавияти “Хамса” анъанаси таъсирида ривож олди, шоирнинг салоҳияти ва иқтидори ҳеч бўлмаганда “Хамса”нинг бир достонига муносиб жавоб ёза билиш билан ўлчанадиган бўлди. Бу жаҳон маънавияти тарихида бетакрор ҳодисадир. Туркий адабиётда Кутб ва Ҳайдар Хоразмийлар бошлаб берган “хамсачилик” анъанаси ўзининг камолини Алишер Навоий ижодида кутаётган эди ва бу қутлуг нинзизорлик бениҳоя эзгу самара берди. Низомий, Амир Хусрав, Алишер Навоий руҳиятлари “Хамса”нинг маънавият майдонида бирлашиб, ягона иқлим, ягона моҳият касб этиллар. Ушбу ягона моҳият бутун ислом минтаقا маънавия-

тининг энг буюк чўққисидир. Низомий ва Амир Хусравсиз Навоийни тасаввур этиб бўлмаганидек, Алишер Навоий ижодий меросисиз Низомий ва Амир Хусрав бадиий олами-ни ҳам бутун кўлами билан идрок этиб бўлмайди. Шоир ўзи достонларини “зоҳир юзидан афсона” деган эди. Афсус, яқин кунларгача мактабларимизда XX аср авлодига “Хамса” достонлари ушбу “афсона” даражасида, юзаки талқин этилиб, тушунтириб келинди. Мустақиликнинг дастлабки йилларида бу эски ёндошувдан қониқмаган баъзи ёш тадқиқотчиларимиз Навоийнинг исломий шоир эканligини, унинг асарларидаги тасаввуф ирфони изларини янгидан “кашф” эта бошладилар. Ваҳоланки, барча жиддий навоийшунослар бу “янгилик”ларни аввал бошданоқ яхши билишган, тўлиқ идрок этишган, фақат “замона зўрлиги” туфайли, коммунистик мафкура тазиикидан навоийшуносликни ҳимоялаш мақсадлари билан баъзи жиҳатларини пардалаб ўтишга, ишоралар билан чекланишга мажбур бўлишган эди. Бугунги мустақилик, ҳурлик замонида энди маънавиятимизнинг асл моҳияти ҳақида очик-ойдин гапириш, фикр юритиш имконияти мавжуд экан, муаммолар моҳиятига чуқурроқ кириб бориш, теран таҳлилга ўзимизни ҳам, ёш авлодни ҳам ўргатиб бориш айни фарздир. Алишер Навоийнинг “Хамса” достонлари ҳар бири алоҳида неча-неча тадқиқотлар мавзуи бўлиб келди, яна бу иш давом этади. Чунки уларнинг мазмун қабатлари бениҳоядир. Бу достонлар шаклан қандай мукаммал бўлса, мазмунан ундан ҳам уйғун, коинот сингари муназам ва ҳад-худудсиздир.

Ислом ақидаларига кўра бир кеча-кундузда ўқиладиган беш вақт намоз “ал-Хамсату” дейилади, динимизнинг беш устуни (рукни) ҳам — тавҳид (имон), намоз, рўза, закот, ҳаж — ўзига хос “хамса” (бешлик)ни ташкил этади. Демак, Низомий достонларининг “Хамса” туркуми сифатида талқин этилиши, унга Амир Хусрав ва Навоий жавоблари бежиз эмас. Алишер Навоий “Садди Искандарий” достонининг муқаддима қисмида бу масалага маҳсус тўхталиб, “Хамса”нинг ҳар бир достони ёзилишини куннинг маълум вақтларида ўқиладиган саҳар (фажр), пешин (зухр), аср, шом ва хуфтон намозлари билан қиёс этади ҳамда “Хамса”ни буюк тоф чўққисига кўтарилиш мобайнида беш ўринда тўхтаб, нафасни ростлаш учун бино этилган беш оромгоҳга

ўұштатади.¹⁰⁴ Бу оромгоҳларни яратиш учун шоир “Билик таҳти узра чиқиб ўлтурмаги”, “Хаёл элчисини” ҳар тарафға ҷоптириши, “жон мулкидан” “маоний сипоҳини” (маънолар лашкарини) гурух-гурӯх (фавж-фавж) етказиб бериб туриши, маъно лашкарлари жам бўлгач, инсонлар дилини забт этишга киришмоги, яъни маънавият оламида жаҳонгирилик санъатини намойиш қилмоғи лозим эди. “Ҳамса” достонлари ижтимоий ҳаётни, турли тоифаларнинг ҳаётдаги ўрни ва вазифаларини уларнинг бутун ички дунёси ва руҳияти билан боғлиқ ҳолда тадқиқ этади, шу билан бирга ундаги барча ботиний ришталар Тавҳид эътиқодига бориб уланади.

“Ҳамса” нинг бадиий олами, маълум мақсадга — инсон маънавий камолотини таъминлаш мақсадига йўналтирилган бўлиб, бу йўлда ислом маънавиятининг Сунна (исломий ибодатлар, ислом ахлоқи), Маърифатчилик (мантиқий тафаккурга таяниш, исломгача яралган меросни ўзлаштириш), Тасаввуф ирфони (тариқат мақом ва ҳоллари, пир иршоди, риёзат билан Ҳақ васлига интилиш, шу йўл билан маънавий покланиш) каби турли босқичларини босиб ўтиб эришилган даражадан кейинги, янги босқични англатар эди. Бу босқич ибрат, илм, ирфон йўналишларидан фарқ қилувчи янги йўналиш — бадиий тафаккур йўналиши доирасида бўлиб, Алишер Навоий ижодий такомилининг учинчи даврида ниҳоят унга алоҳида ном берилди.

“Ҳамса” туркуми алоҳида бир олам. Унинг ҳар бир боби ниҳоятда бой мазмун ва моҳиятларни ичига яширган тилсимиmdir. Айтишларича, меъроҳ тунида Мұҳаммад алайҳисса-чом арши аъло остида қулфлоғлик бир хона кўриб Жабро-илдан: “Бу қандай макон?” деб сўрабдилар. Жавоб бўлибдики: “Эй, расулуллоҳ, бу макон теран маънолар хазинасиdir ва сенинг умматларинг ичидаги шоирлар тили ушбу хазина-нинг калити турур”. Ушбу ривоятдан келиб чиқиб, Низомий ўзининг биринчи достонини “Махzan ул-асрор”, яъни (илюҳий) сирлар хазинаси, деб атаган эди. Навоий “Ҳамса”-сининг биринчи достони “Ҳайрат ул-аброр”:

*Бисмиллоҳир раҳмонир раҳим,
Риштага чекти неча дурри ятим¹⁰⁵—*

теб бошланади. Низомий ушбу сатрларнинг биринчиси билан “Махzan ул-асрор” ни бошлаб, иккинчи сатрда:

(Ҳикматлар эгаси хазинаси эшигининг қалитидир) деган эди. Навоий аввало ушбу сатрни шарҳлаш учун алоҳида бир боб бағишлайди ва уни ажойиб ибратли тазод — “аҳли қабул” ва “аҳли рад” тушунчаларига нисбатан изоҳлаб беради. Комил инсон тарбияси ушбу илк бобдан бошланади. Инсонни “аҳли қабул” бўлишга даъват этиб, Навоий бобга шундай хулоса ясайди:

*Истабон, эй ҳаста Навоий, наво,
Бўйла сафарга қилур эрсанг ҳаво,
Йўл ёмону яхшисидин емағам,
Бисмиллоҳ дегилу қўйғил қадам.*¹⁰⁶

“Ҳайратул аброр”нинг биринчи мақолати Имон ҳақида. Унга шундай батафсил сарлавҳа берилган: “Аввалги мақолат имон шарҳидаким, “Ал-имону ан туъмина биллаҳи ва малоикатиҳи ва кутубиҳи ва русулиҳи ва бил-явмил-охири ва бил-қадари ҳайриҳи ва шарриҳи” демақдан мақсад бу калимот эмас ва агар аҳли зоҳир муни имон деса, аҳли маъни демас ва улуҳият дарёсифа шинолиф ажзин зоҳир қилмоқ, малоика ҳавосида бир неча қанот урмоқ ва кутуб авроқида бир неча ҳарф сурмак ва русул жодасида неча қадам югурмак ва қиёмат қойим бўлурнида қиём кўргузмак ва қадар бобида алоқадри ҳол тараннум тузмак”.¹⁰⁷ Ушбу сарлавҳани шарҳлашнинг ўзи неча саҳифа бўлиши мумкин, чунки унда зоҳирий имон билан ботиний имон, “зоҳир аҳли” (ташқи тақлид билан чекланувчи инсонлар) нинг имон ҳақидаги тасаввuri билан “аҳли маъни” (Борлиқ моҳиятини идрок этишга интилевчи, ўзлигини англаган инсонлар) имонни қандай тушуниши орасидаги фарқ бадиий изоҳланмоқда. Мақолатда тирик (жонли, “ҳайвон”) бўлса-ю, гапиришни билса (“нотиқ “ бўлса) демак, инсон деб ўйлаш ниҳоятда хато эканлигидан суҳбат бошланади:

*Сен доги инсон муни қилсанг гумон,
Билки ҳамон сен-сену ҳайвон ҳамон.
Муники инсон мутафовут эрур,
Тенгри қаломи хабар андин берур.*

*Бас киши жазм айласа инсон ани,
Яхши-ёмон ичра тафовут қани?
Бўлмади бас ноқису комилда фарқ,
Топмагай эл олиму жоҳилда фарқ.¹⁰⁸*

Алишер Навоий достони XV аср ижтимоий-маънавий ҳаётининг турли қирра ва жиҳатларини бутун ички мураккаблиги ва ўзаро қиёслари билан қамраб ола билган. “Ҳайрат ул-аброр”даги муаммолар воқелик сингари мураккабдир. Навоийнинг масалаларга ёндошуви ҳатто устози ва замонодими Абдураҳмон Жомий қарашларидан ҳам маълум даражада фарқ қиласди. Маълумки, Жомий ўз бадиий ижодида диний қидалар ва тасаввуф қидалари таърифига атрофлича ўрин ажратган. Унинг “Ҳафт авранг” (“Етти тахт”) туркумидаги “Тухфат ул-аҳрор” ва “Субҳат ул-аброр” достонларида намоз, рўза, закот, ҳаж, узлат, тавба, зуҳд, факр, ҳавфу рижо, таваккул каби турли исломий ва ирфоний тушунчалар шарҳига алоҳида боблар бағишланган. Навоий ҳам биринчи достонининг асосий қисмини имон ва ислом шарҳидаги мақолатлар билан бошлайди. Аммо унинг бу борадаги мулоҳазалари анъанавий қарашлардан фарқ қиласди.

Намуна сифатида Ислом ҳақидаги боб охирига берилган ҳикоят мазмуни билан танишайлик. Унда машҳур суфий шайхи “Иброҳим Адҳамнинг Каъбага намоз била борғони ва Робияи Адавияга Каъбанинг ниёз билан келгони” ривоят этилади. Зоҳидликни ихтиёр этган шайх ҳар қадамида икки ракаъат намоз ўқиб, 14 йил риёзат чекиб, Макка шаҳрига етиб келиб қараса, Каъба ўз ўрнида йўқ. Шайхнинг “Эй, Аллоҳ,” деб ҳайрат билан қилган нидосига фойибдан Каъба Робияи Адавияни тавооф қилиш учун кетганлиги ҳақида жавоб бўлади.¹⁰⁹ Робия эса тасаввуфда ишқ йўлини танлаган суфий аёл ўди. Навоий ислом ва тасаввуфда зуҳд мақомидан ишқ маргабасини шу даража юксак кўйган. “Ҳамса” достонларининг ҳар бир боби шу каби инсоннинг руҳий, маънавий, ахлоқий ҷунёси, инсонлараро ижтимоий муносабатлар хусусида ўта муҳим, ўта долзарб, ўта мураккаб муаммолар хусусида баҳс итали. Уларда энг воқеъ ҳаёт тасвири юксак мажозий ишора-тар билан ажойиб бир уйғунликда келади. “Ҳамса”нинг барча достонларида шу бадиий қудрат ҳар бир тимсол, ҳар бир қиёфа ва ҳодисанинг ич-ичидан уфуриб туради.

Иккинчи достон “Фарҳод ва Ширин”ни олайлик. Низомий ва Деҳлавий тарихий шахс Хусрав Парвиз атрофида сұхбат юритган бўлсалар, Навоий афсонавий ошиқ шаҳзода Фарҳодни достонига бош тимсол қилиб танлади. Низомий шаҳзода ва шоҳ тимсолида оддий инсонни тасаввур қилиб, унинг тантиқлиги, айбу қусурлари самимий ишқи туфайли аста-секин барҳам топиб, оқила Ширин таъсирида Хусравнинг камолот ва фозиллик касб эта борганилигини ибрат қилиб кўрсатишни ният этган бўлса, Деҳлавий ижтимоий мавқе ва муҳитнинг шахс маънавий қиёфаси ва хатти-ҳаракатига таъсирини очиб берди. Навоий, салафлари тажрибасидан тегишли хуносалар чиқариб, шоҳ Хусравни буткул салбий тимсол сифатида талқин этди ва олдинги достонларда идеал ошиқ, аммо иккинчи даражали қаҳрамон мавқеида турган Фарҳодга асосий диққатни қаратди. Ушбу ўзгаришнинг бош сабаби, Чин шаҳзодасининг маънавиятидаги етакчи фазилат — унинг ўзлиги (шаҳзодалиги ва отаси Хоқон мулкига ворислиги)дан буткул воз кечиб, пок ошиқлик ва элга наф етказиш йўлини туттганлиги (тошкесар ва наққошлик ҳунарини касб қилиб олганлиги) бўлди. Чунки фақат шундай тимсол Навоий фояларини мукаммал ифодалай олиши мумкин эди.

Достон қаҳрамони Шириннинг ҳуснига мафтун бўлган Чин шаҳзодаси эканлигини мактаб дарслеридан яхши биламиз. Аммо зоҳирий (ташқи) афсона билан чекланмаслик кераклигини шоир ўзи алоҳида уқдирган. Навоий инсоннинг, миллатнинг, башариятнинг маънавий камолоти ҳақида қайгуради. Шаҳзоданинг дилда ишқ билан туғилиши, унинг Хоқон мулкини қабул қилиб олишдан илгари сирли сандиқ ва ундаги кўзгу тилсимини ечиш қасдида Юнон сафарига йўл олиши, бу йўлда аввал аждаҳони, сўнг Ахриманни, охири темир танли камон отувчини енгиб, донишманд Суқрот билан учрашувга муваффақ бўлиши — бу афсонавий тасвирлар ортида башариятнинг, инсоннинг, айниқса, туркий элатнинг, ўз моҳиятини англаб етиш йўлидаги камолот босқичларини бир-бир босиб ўтиши бадиий-мажозий тасвир этилган эмасми?

Суқротнинг Фарҳодга пурмаъно насиҳатлари ушбу ботиний ишораларга калит бўла олмайдими? Асли сирли кўзгуда Фарҳод Ширинни эмас, аввало ўз тақдирини кўради. Аж-

даҳо ибтидоий жамоа кишисининг асотир (мифологик) тафқурида жоҳиллик ва ёввойиликни, Ахриман Авесто маънавиятида зулмат, ёлғончи кучлар тимсолини, камон отувчи темир одам эса қабилалар аро, элатлар аро аёвсиз нифоқлар даври — худбин ва бешафқат талончилари ning мажозий қиёфасини эслатмайдими? Аждодларимиз ўз руҳиятларидағи шундай қаттол ёвларни енгиди, Сукрот қиёфасидаги исломгача башарият эришган илм ва ҳикматни эгаллаб, IX—XV аср ислом маънавиятига етиб келмадиларми? “Хамса” достонларида бунингдек ботиний маъно қабатлари ихлос билан, салафлар ижодига қиёс билан изланса, чексиз топилади.

“Лайли ва Мажнун” афсонаси форс ва туркий тилларда ўнлаб достонларга мавзу бўлган. Аммо уларнинг ҳар бири ўзига хос, бетакрор маъно қатламларини ифшо этади. Бу достоннинг энг асосий хислати — Мажнун ҳам, Лайли ҳам тенг ошиқ, тенг маъшуқ. Бу достон икки ошиқ Инсоннинг ҳақиқий ишқни англаб етмаганлар орасидаги фожеъ ҳолати тасвирига бағишланган дейиш мумкин. Аммо бу энг умумий таърифdir, ҳар бир достон талқини эса ўзига хос.

“Сабъай сайёра” Инсоннинг ҳаёт ва хаёл дунёсидаги чексиз адашувларининг мажозий тасвиридан иборат. Бунда яна “аҳли қабул” ва “аҳли рад” орасидаги тазод (зиддият) биринчи ўринга чиқади. Муқбил ва Мудбир, Суҳайл ва Жобир, Жуна ва Жайсур, Маъсуд ва Маллу тимсоллари ушбу икки гурухга мансуб бўлиб, ҳаёт синовларидан қандай ўтишига қараб, “аҳли қабул” саодатга, “аҳли рад” эса қилмишларига яраша жазога эришадилар. Ички қиссаларидаги бу тимсоллар асар бош қаҳрамони Баҳромшоҳ учун ҳам ибрат сифатида келтирилади. Аммо ҳукмдор ўз хирсу ҳавасларини жиловлаб ола билмаганлиги, бегуноҳ жонзотлар қонини аёвсиз тўкканлиги касофатидан ўзи ҳам ер ютиб ҳалок бўлади.

Буюк жаҳонгир тақдири ҳақидағи охирги “Садди Искандарий” (Искандар девори) достони шаклан маълум дарражада “Хамса” нинг биринчи достонини эслатади. Унда ҳам ҳар бобда турли ижтимоий-ахлоқий мавзудаги фалсафий мулоҳазалар, ибратли кичик ҳикоят ва ҳикмат-хулюса берилади. Шундан сўнггина Искандар ҳаётидан бир воқеа ҳикоя қилинади. Искандар тимсоли яқингача ҳам Е. Э. Бертельс талқинига биноан одил шоҳ тимсоли деб қабул қилиб ке-

линди. Фақат Азиз Қаюмов 1975 йилда нашр этилган ушбу мавзудаги маҳсус рисоласида асли Навоий қаҳрамони мураккаб тимсол эканини, достонда Искандар қиёфаси тадрижий ўзгарищда очиб берилганини илмий исбот этди.¹¹⁰ Юнон шаҳзодаси аввал шоҳликка ўзини ноқобил деб билган журъатсиз ва камтар ўсмир бўлса, ҳаёт ва фотиҳлик сиёсати тақозоси билан аста-секин ўзбилармон ва шафқатсиз истилочига айланиб боради ва фақат ўлими яқинлашганини сезгач, жоҳ ва кибр йўлидаги бутун уринишлари сароб эканлигини англаб етиб, кўзи очилади.

“Хамса”да мажозий ишқ тасвиранади, инсоннинг инсонга муносабатидан, яъни ахлоқий муносабатларидан бошлиб, ҳукмдорнинг фуқароларга ва, умуман, ҳукмдорликка, тож-тахтга муносабати, ўз навбатида тож-тахтнинг, ҳукмдорлик мавқеининг инсонга таъсири, яъни инсонлар ҳаётига оид ижтимоий, ахлоқий муносабатлар мажмуи Тавҳид эътиқоди нуқтаи назаридан кўриб чиқилади. “Хамсанавислик” анъанаси ислом минтақа маънавияти такомилининг бадиий тафаккурдаги ўзига хос маҳсули бўлиб, шунга яраша муносабатни талаб қиласди. Бу анъана тадқиқотчидан ҳам, оддий китобхондан ҳам ҳар бир достоннинг шакл ва мазмунига алоҳида эътибор талаб қиласди, чунки бир мавзууда ёзилган ўнлаб достонлар диққат билан ўқилса, асло бир-бирини такрор этмагани, балки ўзаро ижодий баҳсада ёзилгани маълум бўлади. Шу сабабдан ҳар бир достонни ўқиганда ҳам унинг ушбу мавзу силсиласидаги ўрнига, ҳам ҳар бир шоир ижодий меросидаги мавқеига аҳамият қаратиш лозим. Шундагина унинг тамомила ўзига хослиги ва мазмун қамровини англаб етиш мумкин.

4. Ислом минтақа адабиётининг мураккаб хислати, унинг, масалан, Янги давр фарб адабиётидан фарқи XX асрнинг 30-йилларидаёқ Е.Э.Бертельс томонидан Навоий ва Аттор, Низомий ва Деҳлавий ижодини қиёсий ўрганиш асосида илмий исботланган эди. “Хамса” дунёсида ижтимоий ҳаёт маънавиятдан ажralмас, бир бутундир. Аммо “мажоз тарикӣ”нинг ислом даври маънавияти тараққиётида янги алоҳида бир босқич, энг олий ва якуний босқич бўлиши учун очиқ-ойдин назарий яқун лозим эди. Ушбу вазифани ҳам Алишер Навоий мукаммал адо этди. Бу юмуш шоир ижодий такомилининг учинчи босқичида бажарилди. Алишер Наво-

ийнинг ҳаёт йўли ва ижоди ўзаро чамбарчас боғлиқdir. Бу масалада, айниқса, шоир ва ҳукмдор, яъни Навоий ва Султон Ҳусайн Бойқаро муносабатлари диққатта сазовор. Даврнинг бу икки улуғ шахси орасида дўстлик Алишер ва шаҳзода Ҳусайннинг гўдак ёшлиридан бошланган бўлиб, умрлари охирига қадар давом этди. Алишернинг дўстларга садоқати (“Жамолида вафо туғроси пайдо”) ҳар қандай тарьиф ва тасаввурдан ортиқроқ ва бу ҳам унинг Борликда муносабати ва эътиқоди билан белгиланади. Бу чин инсон нафақат дўстлари, яқинларига, балки барча инсониятга, ҳатто бутун атроф-воқеликка садоқат сақлар эдики, унинг эътиқодида бирор жонзотга, ҳатто буюмга хиёнат Аллоҳга хиёнат даражасида эди.

Султон Ҳусайн ҳақиқий дарвеш-шоҳ эди, маърифатли шоир эди. У ҳам дўстига хиёнат қилган эмас, кўнглида гараз сақлаган эмас. Аммо ҳукмдорлик қоидалари баъзан аёвсиздир, Ҳусайн эса инсон.

Хижрий 892 (милодий 1487) йили қишида Навоий Астробод ҳокими этиб тайинланди. Бу шаҳар “дорулфатҳ” (Султон Ҳусайн илк ғалаба қозонган шаҳар) деб улуғланар ва кўпинча валиаҳд шаҳзода ҳукмида бўлар эди. Бошқа бек ва амирлар учун шарафли ҳисобланиши жойиз бўлган мартаба Амир Алишернинг нозик табиати учун муайян даражада озорли бўлди. Аммо шоҳ ҳукми вожиб, Амири Кабир ўлканинг хассос бир ҳудудини муҳофаза ва обод қилиш ниятида жўнаб кетди. Астрободда Навоийнинг икки йил чамаси ҳокимлиги бу шаҳар аҳли учун саодатли, Бойқаро салтанати учун хайрли бўлди. Ўша тарафдан хавф соглан мухолифлар Алишер хурматидан хайриҳоҳлик муносабатлари ўрнатдилар. Аммо шоир учун ўзи ўрганганд мұхитдан ёвуқлик, дўстлар васлига интизорлик дил ранжи эди.

Султон Ҳусайн Шоҳруҳ Мирзо замонидан вазирлар хонадонига мансуб бўлган Мажиддин Муҳаммадни ўзига яна яқинлаштиргани ҳам дўст рашкига сабаб бўларди. Амири Кабирнинг Мажиддин, Низомулмулк, Хожа Афзал ва бошқа аёнлар, Музаффар Барлос каби нуфузли беклар билан ўзаро муносабатларини холис ва дақиқ ўрганиш икки дўст — шоҳ ва шоир муносабатларидаги мураккаб эврилишларни теранроқ англаб етишга яқиндан ёрдам берса керак. Ҳануз даврнинг мұхим ёдгорликлари — Ҳондамир ва Мирхонд асарла-

ри на ўзбек тилида, на асл ҳолида босилиб чиққан эмас. Қизикувчилар фақат Иззат Султон каби баъзи навоийшунослар келтирган парчалар, баъзи тўпламлардаги иқтиборлар билан қаноатланишларига тўғри келади.

Бу орада бирин-кетин Навоийнинг энг яқин устоз ва мусоҳиблари ҳаётдан кўз юма бошладилар. 1488 йили Сайд Ҳасан Ардашер, 1492 йили Абдураҳмон Жомий, 1493 йили Паҳлавон Муҳаммад вафот этди. Навоий анча ёлғизланиб қолди. Устозлар хотирасига бағишлаб “Ҳолоти Сайд Ҳасан Ардашер”, “Ҳолоти Паҳлавон Муҳаммад”, “Ҳамсатул мутахайирин” (Жомий ҳақида) асарларини ёзиб тугаллади. Бу асарларда ўша давр воқелигига оид жуда қимматли маълумотлар билан бирга Навоий яратган янги бадиий оламнинг назарий асосларига оид кўп далил ва мулоҳазалар ҳам баён этилган.

Бундай мулоҳазалар адибнинг 80-йиллар охири 90-йиллар бошларида тасниф этилган “Мажолисун нафоис” (“Нифис мажлислар”), “Насоимул маҳабба мин шамойим ул-футувва” (“Футувва бўйларини эслатувчи муҳаббат шаббодалари”) каби насрый рисолаларида ҳам ўз ифодасини топган. Ундан ташқари шоир умри интиҳосида ёзилган форс тилидаги фалсафий қасидалари (“Ситтайи зарурия”, “Фусули арбаб”) ҳам шоир дунёқарашини равшан англаб этишга ёрдам беради.

Захириддин Муҳаммад Бобир ҳақиқатни очиқ баён этишда ўзини ҳам, бошқаларни ҳам аяган эмас. У Султон Ҳусайн Бойқаро ҳукмдорлигини барча ижобий ва салбий жиҳатлари билан тавсифлаб берди. Султоннинг мард ва шиҷоатли киши бўлганини, табъи назми борлигини қайд этиш билан бирга, айниқса, подшоҳлигининг кейинги йилларида айш-ишрат ва ичкилилка қаттиқ берилиб кетганини ҳам кўрсатиб ўтади. Үмуман, Султон Ҳусайн Бойқародек нозиктаъ одам нега майхўрликка бунча берилиб кетди? Инсон бекорга ўзини ичкилилка урмайди. Биз султон қалбидаги мураккаб руҳий кечинмаларни ҳозир тўлиқ тасаввур қила олмаймиз, аммо темурийлар салтанатининг XV аср охиридан бошланган та-наззули биргина ушбу хонадоннинг ёзмиши эмас, балки Ўрта асрлар давлат бошқариш усувларининг минтақа ҳалқлари маънавий тараққиёт даражасидан анча-мунча орқада қола бошлаганидан нишона эканини эътироф этишга эҳтиёж сезилади.

Султон Ҳусайн ва ўели Бадиуззамон орасидаги ихтилофлар ахийри бориб фожия билан якунланди. 1497 йили Астробод ҳокимлиги жанжали ичиди Мўмин Мирзо (Бадиуззамоннинг ўели, Навоий тарбиясини олган 14 ёшли ўспирин, шоир йигитча) аввал Ихтиёриддин қальясида маҳбусликда сақланиб, кейин шоҳ бобосининг мастилик билан қўл кўйган фармони асосида қатл этилади. Салтанат келажаги учун ёмон фол даракчиси бўлган бу мудҳиш ҳодиса кекса Алишер Навоийни қаттиқ изтиробга солади. Бу ҳодиса асосида чиқарилган аччиқ хulosалар шоирнинг “васиятнома”си ўрнида ҳисобланган охирги уч асари мазмунига ҳам жиддий таъсир кўрсатди.

1498 йилда “Лисон ут-тайр”, 1499 йилда “Муҳокамат ул-лугатайн”, 1500 йили “Маҳбуб ул-қулуб” асарлари ёзилди. Бу уч асар буюк шоир ва мутафаккир ижодининг энг авж нуқталари эди. Адид “Муҳокамат ул-лугатайн”да ўзининг бутун ижодий йўлини сарҳисоб қиласи, туркий тилдаги шеъриятнинг қудратини таъкидлайди. Унда, жумладан, қўйидаги маълумот бор: “Чун “Лисон ут-тайр” илҳоми била тараннум тузупмен, қуш тили ишорати била ҳақиқат асрорини мажоз суратида кўргузупмен”.¹¹¹ Алишер Навоий гўдаклик чоғларидан тасаввуф шеъриятининг устоди Фаридиддин Аттор (1148-1229) яратган “Мантиқ ут-тайр” асарига меҳр кўйгани маълум. Умрининг охирида ушбу асарга татаббу-жавоб ёзар экан, Навоий ўзининг шунгача ёзган барча асарларига фалсафий якун ясади. Аттор асари Борлиқнинг ягона моҳияти ҳақида, Ҳақ асрори ва инсон учун уни англаб етиш имкони қай даражада эканлиги ҳақида эди. Навоий асари ҳам асли шу ҳақда. Навоий устоз ва салафига зид фикр билдирамайди, аммо унинг фикрларини такрорламайди ҳам. Асада Фоний (Навоий)нинг таржима ҳақидаги сўзлари шарҳ, талқин маъносини билдиради. “Лисон ут-тайр”нинг мутлақо мустақил асар эканлигини 1929 йилдаги “Навоий ва Аттор” рисоласида Е.Э.Бертельс қониқарли тарзда исбот этиб берган эди. Ўша рисолада зукко рус шарқшуноси Атторни тасаввуф шеърияти вакили сифатида ёдга олиб, “Лисон ут-тайр” муаллифи ҳақида эса “Навои не был суфием, он представлял собой нечто большее” деб қайд этади¹¹². Навоийнинг дунёни идрок этиш ва бадиий акслантириши юзасидан Е.Э.Бертельс баён этган кўп мулоҳазалар қатори бу

фикри ҳам кейинги тадқиқотчилар диққатини жалб этмади. Албатта, бунинг ўз сабаблари ҳам мавжуд, аммо ҳозир гап у ҳақда эмас.

Атторнинг бошқа достонларида яхши воқеабандлик мавжуд. Аммо қушлар тилидан ёзилган достонида ирфоний эҳтирос ниҳоятда жўшқиндир. Навоий эса босиқ воқеабанд тасвирга ургу беради, қушлар саргузаштида ва ички ҳикоятларда ҳаётийликни кучайтиради. Бу бежиз эмас. Охирги холосада Навоий салафига қараганда олға кетади, масала моҳиятини теранроқ ҳис қиласди ва бадиий тасвирни ҳам шунга муносиб яратади. Симурғ ва қушлар нисбати ҳақида Аттор:

*Сурати мурғони олам сар-басар
Сояйи уст, ин бидон, эй бехабар —*

(Оlamдаги барча қушлар сурати,
Унинг соясидир, буни билгин, эй бехабар)

деб тушунтируса, Навоий:

*Барча олам қушларининг сурати,
Билгил, онинг сояйи пурҳикмати —¹¹³*

деб оддий “соя” ўрнига “ҳикматли соя”ни ишлатади. Агар биз “пурҳикмат” (ички мазмунга бой) сўзи фақат “сурат”га қофия керак бўлгани учун ишлатилган деб шарҳласак, Навоий истеъодига шак келтирган бўлур эдик.

Аттордан илгари “Куш рисоласи”ни яраттан Ибн Сино, Аҳмад Фаззолийлар бош тимсолни “Симурғ” эмас, “Анқо” деб номлаған эдилар. Аттор “Симурғ” тимсоли билан жуда чукур мазмунга ишора қилди. Аммо барibir энг масъул ўринда:

*Чун шумо симурғ инжо омадид,
Си дар ин ойина пайдо омадид.
Гар чеҳел, панжоҳ мурғ ояд боз,
Пардаро аз хеш багушоянд боз.¹¹⁴ —*

(Сизлар ўттиз қуш бу ерга келганларинг сабабли,
Бу кўзгуда ўттизта кўриндиларинг.

Агар яна қирқта ё элликта қуш келса,
Яна ўзларининг юзларидан пардан кўтариадилар) —

теб ўзи топган тимсол қувватини кесиб қўяди. Навоий унгай қилмайди. Навоий 30 қуш (форсча — “си мурғ”) ва Симурғ (жаҳондаги барча қушлар-нинг афсонавий хукмдори) ни бир сўз сифатида бир хил жаранглашига қайта-қайта ўтиборни жалб қиласди. Аммо бу мажозий талқинни яна жўнлаштириб, демак, ўттиз қуш ўзи Симурғ экан, яъни унгай хукмдорини изламаса ҳам бўлар экан, деб тушуниш шонрни тўғри англаб етишимизга ёрдам бермайди. Навоийнинг тимсоллари ҳам, улар орқали англатмоқчи бўлган баний ҳақиқати ҳам бундай жўнлаштиришлардан беҳад юқори туради. Навоийнинг талқинлари тасаввуф адабиётининг ирфонини инкор қилмайди, балки инсон маънавиятини унгандада юксакроқ босқичга етаклайди. Аттор XII аср охири XIII аср бошларидаги тасаввуф адабиётининг намояндаси бўлиб, унинг даврида ҳануз Ибн ал-Арабий (1165—1240) фансафаси яратилмаган эди. Навоий эса Ибн ал-Арабий ирфонини Ироқий талқинида Жомий ёрдами билан чуқур узакшитиргач, кейин қушлар тилида достон ёзишга киришди. Шу сабабли, айтиш мумкинки, Алишер Навоий асари зоҳирлан Аттор асарига таянган бўлса, ботинан, мазмун моҳиятига кўра Ироқий қарашларини ривожлантирган.

Олдинги маъруздан маълумки, бадиий адабиётнинг бош мавзуси инсон, унинг руҳий кечинмалари бўлиб, улар, асосан, икки йўналишда ўзлигини намоён этади: бири-инсоннинг Ҳаққа, Борлиқнинг моҳиятига нисбати доирасида; иккинчиси — инсоннинг ўзи сингари маҳлуқларга, яъни унга инсонларга, атроф-воқелик, мавжуд жамиятга муносабати йўналишида. “Мажоз тариқи”нинг моҳияти, унинг жадон бадиий тафаккур тарихида етишган улуг мартабаси шундаки — унинг асосчилари юқоридаги икки йўналишнинг унро теран уйғулигини сеҳрли бир тарзда таъмин эта билитар.

Навоий Низомий ва Деҳлавий каби забардаст устозлари яратган анъяналарни изчилик билан давом эттириб, “Хамса” достонларида ўз даври ижтимоий муаммоларининг маънавий моҳиятини чуқур бадиий тадқиқ этган бўлса, “Лисон ва гайр” достонида Атторнинг ирфоний мажозларига хиёнат

қилмаган ҳолда уларга бир пайтнинг ўзида ижтимоий жило баҳш этишга мұяссар бўлди. Шу тарзда шоирнинг охирги достони ҳам мазмуний теранлиқда, ҳам шаклий мукаммаликда “мажоз тариқи”нинг энг авж нуқтаси даражасига кўтарили.

Асарнинг минтақадаги бадиий тафаккур тарихи жараёни саҳнида “Мантиқ ут-тайр” билан батафсил қиёсий таҳлили ва орадаги фарқлар моҳиятини шоирнинг бутун ҳаёти ва ижод йўли билан қиёслаш орқали жуда ажойиб кашфиётларга эришиш мумкинлиги шубҳасиз. Бу йўлдаги дастлабки босқич тадқиқотларга таяниб туриб, ҳозирча ушбу ғоят қисқа мулоҳазаларни баён этиш мумкин:

Биринчидан, тасаввуп анъанасидаги соликнинг Олий мутлақ зот моҳиятида ўзликдан буткул фориф бўлиши ғояси Навоийда шахс сифатида мутлақ ўзликни йўқотиш, ҳатто жисман маҳв бўлиш маъносида эмас, шахс маънавий камолотининг муайян даражаси сифатида талқин этилади. Иккинчидан, Навоий талқинида Симурғ тимсоли бир пайтнинг ўзида ҳам соликлар (қушлар) интилган Борлиқнинг Олий моҳияти, ҳам комил инсонлар жамоаси (“си мурғ” — ўттиз қуш) — Форобий тасвиридаги “фозил жамият” орзузи сифатида намоён бўлади. Шу йўл билан Навоий тавҳид ғоясининг Қуръон оятларига мувофиқ энг мукаммал ва тेरан мазмунини бадиий тимсол қудрати билан очиб бера олди. Инсон Ҳаллоқи олам томонидан ер юзида халифа қилиб яратилган. Унинг масъулияти улуғ. Жумладан, ер юзида ижтимоий адолат ўрнатиш масъулияти ҳам ҳар бир инсоннинг зиммасидаги бурч бўлиб, бунинг учун, аввало, у шахс сифатида шаклланмоғи, яъни маънавий камолот касб этмоғи керак. Шу нуқтаи назардан достоннинг ижтимоий мазмуни ҳақида қўйидагича тасаввур ҳосил бўлади:

Кушлар — инсонлар, аниқроғи, бутун инсоният. Уларнинг Симурғ сари машаққатли йўли — баҳтли ва одилюна жамият сари тарихий изланиш жараёни. Йўл бошида бу кўп асрлик орзу “одил шоҳ” излаш тариқасида намоён бўлади. Тарихий жараён давомида инсонлар жамияти олға интилиш билан чиниқиб, камолотда юксалиб борадилар, турли маънавий босқичларни босиб ўтадилар. Ва охири бориб “одил шоҳ” орзузи муаммони асосли ҳал қилиб бера олмаслиги равшан бўлиб қолади. Кушлар мардонавор парвозда давом этиб, “иккинчи фано” босқичига етишадилар:

*Мунда гар яхши тахайюл айласанг
Ёки ишқ сиррин тааммул айласанг,
Муттасиғ бўлсанг сифотиллоҳ ила,
Жазм этарсен хотири огоҳ ила —
Ким сен-ўқ сен, ҳар не ким мақсуд эрур,
Сендин ўзга ўйқ неким мавжуд эрур.
Зотнинг ижмолига тафсилсен,
Ҳам вужуд ишколига таъвилсен.
Ўз вужудингни тафаккур айлагил,
Ҳар не истарсен, ўзингдин истагил.*¹¹⁵

Бунда шоир ҳар бир қушга мурожаат этиб, “агар сен улуғ орзу йўлида шахсан ўзинг фидоийлик кўрсатмас экансан, хаёл хаёллигича қолаберади; ҳар неки истар бўлсанг, ўзингдан иста, ўз кучингга, камолингга таян”, демоқда. Бир сўз билан айтганда, “Олий ҳақиқат мазҳари” сифатида олиб қаралаётган комил ижтимоий тартибни вужудга келтириш ҳам инсониятнинг ўз маънавий камоли ва фаоллик қудратига боғлиқдир:

*Лек Симурғ истаган ул жамъи тайр,
Ким сулук ичра риёзат бирла сайр —
Айлабон чун ўзни қобил қилдилар,
Ул талабдин васл ҳосил қилдилар.
Сенда ҳам билқувва ул мавжуд эрур.
Феълга келса даво мақсуд эрур.*¹¹⁶

Демак, шоир фикрича, ҳар бир инсонда Олий ҳақиқат — уйғун ва баҳтиёр ижтимоий тузумга етиш учун имкон сифатида барча жиҳатлар берилган, фақат бу имкониятни рӯёбга чиқариш учун маънавий баркамоллик ва фидоий фаоллик лозим.

Навоий талқинидаги Симурғ — бутун Инсониятнинг яхлитликда эришуви мумкин бўлган Олий такомил босқичига ҳар бир киши, ҳар бир жамоа ўзича камолот ҳосил қилиб етиша олмайди. Бутун инсоният (жами қушлар) унга биргалиқда интилмоғи, бирга-бирга парвоз қилиб, йўл машиққатларини бирга енгиб ўтиб эришмоқлари мумкин. Симурғ — бир қуш эмас, камолотнинг олий босқичи — Тавҳид босқичига кўтарилиб етган ўттиз қуш («симурғ»)нинг бир-

лиги — маънавий ягоналий ҳосил қила билган уйғун инсонлар жамоаси, яхлит инсоният. Ушбу уйғунликка эришувнинг ягона йўли эса инсонларнинг бир-бирига Ҳақ ризолиги йўлидаги пок ва самимий меҳриди.

Улуг шоир асарлари замонамизгача омон етиб келди. Аммо улардаги мажозий қобиқ кўпинча теран ва эзгу фикрларни ўқувчи кўзидан яшириб келмоқда. Кўп ўринда улар анъанавий талқин қилинмоқда. Шу сабабли бўлса керак, биз — шоир ижодининг тадқиқотчилари — ҳануз унинг сатрлари қатига яширинган улуг асрор ва рамзларни кашф этишга етарли журъят ва камолот топа олмай қолмоқдамиз, иккиланмоқдамиз, жўн таҳлиллар билан буюк ҳикматлар устоди олдида ўзимизни хижолатда қолдирмоқдамиз. Навоий нега ўттиз қушни бизнинг замонамизгача етказиб келди? Чунки бу “ўттиз қуш” — бу “симурғ” инсониятнинг минг йиллик тарихидан бизгача тирик етиб кела олган, бутун инсониятга бўлган юксак меҳрини улкан қалбларига жо эта олган ва шу билан бақога — абадиятта эришган аждодларимиздир. Улар бутун ҳам тирик. Ва биз билан ҳамнафас, янги тараққиёт уфқларига қараб толиқиши билмай парвоз этиб бормоқдалар, ҳали ҳам бизни олға чорламоқдалар. Бугунги кунда уларнинг кўпгина армонлари күшойиш топа бошлади. Аммо биз — камолот сари интилаётган күшлар — бир нафас йўл машиқатларидан толиқсак, бегамлик, тараддул ва ё тушкунликка берилсак, Олий ҳақиқат сари интилишдан бир нафас чекинсак, бутун инсониятнинг минг йиллик орзуларига хиёнат қилган бўламиз, боболаримизнинг табаррук умидига шак келтирган бўламиз. Бунга бизнинг ҳаққимиз борми?

Е. Э. Бертельс 1941 йилда “Навоий дунёқарашига доир” деб номланган мақола ёзиб, унда шоир ижодига Ибн ал-Арабий ва Фахриддин Ироқийлар таъсирини алоҳида таъкид этган¹¹⁷ ва бу масалани жиддий ўрганишга чақирган эди. Аммо ҳанузгача на навоийшунослар, на жомийшунослар ушбу муҳим муаммога эътибор бергани йўқ, Жомий асарларининг Душанбеда нашр этилган 8 жилдлик тўпламига “Ашаъот ул-ламаъот” мутлақо киритилмаганлиги ҳам шундан дарак беради.

Навоийнинг охирги асари “Маҳбуб ул-қулуб”ни шоирнинг бутун ижодий меросига ўзи томонидан ёзилган назарий хулоса ва якун, дейиш мумкин. Бу асар мазмуни ниҳо-

ятда бой. Унда XV асрда мавжуд бўлган барча ижтимоий, ахлоқий ва маънавий ҳодисаларнинг ўзаро боғлиқлиги, яхлитлиги ишонарли таъкидланган. Ушбу китоб саҳифаларида бадиий тафаккурнинг назарий муаммолари, жумладан, олдинроқ эслаб ўтилган бадиий ижод тариқи масалалари бўйича ҳам олдинги рисола ва шеърий асарларда йўл-йўлакай айтиб ўтилган фикрлар умумлаштирилиб, хуласалар чиқарилган. Юқорида қайд этиб ўтилганидек, Саноий, Низомий, Саъдий, Амир Хусрав, Хофиз асарларида муайян даражада ўз аксини топган ва Алишер Навоий ижодида мукаммал даражага етиб, унинг томонидан назарий асосланган мутлақо янги мустақил бадиий тафаккур тарзи “мажоз тариқи” деб ном олди ва унда Ҳақ (Олий ҳақиқат) асrorи “мажоз сувратинда” намоён бўлганлиги алоҳида таъкидланди. Бу Борлиқни ўзига хос идрок этиш тарзи “нақшбандия”нинг “Дил ба ёру даст ба кор” қоидасига мувофиқ бўлиб, унда ибрат, илм, ирфон ва амал бир нуқтада бирлашар ва янги дунёга кўз очарди. Тавҳид таълимоти ва эътиқодини идрок этишнинг энг юқори босқичи бўлган бу дунёқарааш тизими “Хамса” ва “Лисон ут-тайр” асарларида, шоир лирикасида бадиий инъикосини топган бўлса, бир қанча рисолаларда муаммонинг назарий жиҳатларига эътибор берилиди. Биз юқорида уларни ўз идрокимиз етган қадар шарҳлашга уриндик.

Таянч иборалар: Туркий тилдаги адабиёт, Қуръоннинг туркий тафсирлари, Юнус Эмро, Рабгузий, Насимиининг ирфоний шеърияти, Хоразм адабий мактаби, Темурийлар салтанати даври адабиёти, Султон Ҳусайн Бойқаро даврида шеъриятта эътибор, Алишер Навоийнинг “Мажолис ун — нафоис” тазкираси, “Хамса” анъаналари, таржима ва татабулар, Алишер Навоийнинг Борлиқни идрок этиши, Навоий ижодини таркибий ва тадрижий жиҳатлардан ўрганиш, шоир бадиий камолотининг биринчи босқичи, “Бадойиъ ул-бидоя”, “Ашрақат” газали, “Кетур соқий, ул майки, субхи аласт...” деб бошланувчи таржиъбанд, “ваҳдат майи”, “қўнгил жоми”, “синfon сафол” мажозлари, бадиий тафаккур қудрати, “Хамса” — Навоий ижодий такомили иккинчи босқичининг таянч устуни, Низомий, Амир Хусрав, Алишер Навоий руҳиятларининг “Хамса” маънавият майдонида бирлашуви, “зоҳир юзидан афсона”, руҳият иқлиmlари

таҳдили, “кўнгил боғида сайр”, шоҳлик ва ошиқлик, адолат ва муҳаббат масалалари, давр ижтимоий ҳаётининг мурракаб ва долғали манзаралари, “аҳли қабул” ва “аҳли рад” орасидаги тазод (зиддият), буюк жаҳонгири тақдири, воқеъ ҳаёт тасвирининг юксак мажозий ишоралар билан уйғунилиги, “Хамса” бадиий олами – минтақа маънавияти такомилида янги босқич ибтидоси, Алишер Навоий ижодий такомилининг учинчи босқичи, Алишернинг дўстларга садоқати, Султон Ҳусайн руҳиятидаги зиддиятлар манбаи, шоир “васиятнома”си, ҳақиқат асрорини мажоз суратида кўргузупмен”, “Лисон ут-тайр”нинг мустақил моҳияти, Е.Э. Бертельс: “Навои не был суфием”, Навоий талқинида Симурғ тимсоли, ер юзида ижтимоий адолат ўрнатиш масъулияти, “одил шоҳ” орзузи ва Навоийнинг муносабати, “ҳар не истарсан, ўзингдан истагил”.

Тавсия этилувчи ва фойдаланилган адабиётлар рўйхати:

Асосий адабиёт:

1. Куръони карим (Абдулазиз Мансур таржимаси). Т., 2001
2. Имом Бухорий. Жомеъ ас-саҳиҳ. 1-4 жиллар, Т., 1990—1995.
3. Каримов И. А. Биз келажагимизни ўз кўлимиз билан қурамиз. 7-жилд. Т. — “Ўзбекистон” — 1999, с. 183—192.
4. Каримов И. А. Истиқлол ва маънавият. Т., 1994.
5. Алишер Навоий. Хамса. Т., 1960.
6. Алишер Навоий. Муқаммал асарлар тўплами. 1—16 жиллар. Т., 1987—2000.
7. Алишер Навоий. Лисон ут-тайр. Т., 1991
8. Низомий Ганжавий. Куллиёт. (дар 5 жилц) Душ., 1983—1984.
9. Бертельс Е. Э. Избранные труды. Суфизм и суфийская литература. М., 1965.
10. Бертельс Е. Э. Избранные труды. Навои и Джами. М., 1963.
11. Қаюмов А. Садди Искандарий. Т., 1975.
12. Рустамов Э. Узбекская поэзия в 1-ой половине XV века. М., 1963.

13. Имомназаров М. С. **Миллий маънавиятимизнинг та-комил босқичлари.** Т., 1996.
14. Имомназаров М. С. **Миллий маънавиятимиз назария-сига чизгилар.** Т., 1998.

Кўшимча адабиёт:

15. Рабгузий. Қисаси Рабгузий. Т., 1990.
16. Алишер Навоий. Ҳазоин ул-маоний. 1-жилд. Фаройиб ус-сифар. Т., 1959, с. V—XXVIII.
17. Амир Хусрау Дихлави. Ширин и Хусрау. М. —“Наука”—1979.
18. Ўзбек адабиёти тарихи. 2-китоб, Т., 1978.
19. Конрад Н. М. Запад и Восток. М., 1972.
20. Зоҳидов В. Улуғ шоир ижодининг қалби. Т., 1970.
21. Ҳайитметов А. Шарқ адабиётининг ижодий методи тарихидан. Т., 1970
22. Навоий замондошлари хотирасида. Т. 1985
23. Алиев Г. Ю. Темы и сюжеты Низами в литературах народов Востока. М., 1985.
24. Ҳайитметов А. Навоий лирикаси. Т., 1961.
25. Иззат Султон. Навоийнинг қалб дафтари. Т., 1969.
26. Ҳайитметов А. Алишер Навоийнинг ижодий методи масалалари. Т., 1963.
27. Ҳайитметов А. Навоийхонлик сұхбатлари. Т., 1993.
28. Рустамов А. Навоийнинг бадиий маҳорати. Т., 1979
29. Ботирхон Акром. Фасоҳат мулкининг соҳибқирони. Т., 1991.
30. Олим С. Нақшбанд ва Навоий. Т., 1996.

13-мъруза. ЯНГИ ДАВРДА МИЛЛИЙ МАЪНАВИЯТИМИЗ ТАКОМИЛИ

ДАРС РЕЖАСИ:

1. Алишер Навоий ижодида янги давр маънавиятига пой-девор кўйилиши. Янги даврнинг маънавий моҳияти.
2. Ислом миңтақа маънавиятининг Европа маданиятига тасьири.
3. XVI—XX асрлар миллий маънавиятимиз такомилининг икки босқичи.
4. “Миллий изтироб” шеърияти. Турди ва Машраб.

1. Маънавият — ўзликни англашдир. Шу нуқтаи назардан қараганда, миллый маънавият тарихи миллатнинг ўзлигини англаш йўлидаги такомил босқичларидан иборат. Аввало инсон уруғ жамоаси, қабила даражасида, сўнг халқ, миллат даражасида ўзлигини англаш етди. Инсоният такомилидаги неча минг йиллар давом этган бу биринчи катта давр миллатимиз учун VI—VII асрларда Буюк турк хоқонлигининг ташкил топиши билан яқунланди.

Кейинги давр миллатимизнинг ислом минтақа маданияти доирасида босиб ўтган такомил йўли бўлиб, VIII асрдан XVI аср бошларигача давом этди. Илоҳий китобларда аввал бошданоқ бутун инсоният, табиат ва коинотнинг яхлитлиги, бирлиги ҳақида хабар берилган бўлса ҳам, “ер юзидағи халифалар” аталмиш инсонлар умумбашарий миқёсда ўзаро бир-бирига нисбатини мукаммал англаш етиши учун не-не замонлар керак бўлди.

XIV—XV асрларга келиб тавҳид таълимотини тушуниш энг юксак босқичга кўтарилди. Шу асрда Европа христиан дунёси билан бизнинг минтақа орасида ҳам тарихий-сиёсий, ҳам руҳий-маънавий яқинлашув кузатилади. Сиёсий жиҳатдан бу ҳодиса Амир Темур давлатининг халқаро алоқаларида кўзга ташланса, маънавий жиҳатдан Шарқда Алишер Навоий, Фарбда Пико делла Мирандола (1463—1494) каби буюк сиймолар ижодида ёрқин намоён бўлди.

Шу жиҳатдан Алишер Навоий ижодий камолотининг учинчи, энг юксак босқичи ҳақида яна бироз тўхташга тўгри келади. 1497 йилда темурийзода ўсмир, 14 ёшли Мўъмин Мирзо хоинона қатл этилди. Бу ҳодиса VIII—XV асрларда минтақа миқёсида эришилган буюк маънавий камолот билан сиёсий ҳаёт соҳасидаги ҳануз сақланиб келаётган хурофий анъаналар орасида борган сари чуқурлашиб бораётган зиддиятнинг ҳалокатли тус ола бошлаганига яна бир жиддий ишора бўлди.

Мастлик фафлатида ўз севимли набираси қатлига имзо чеккан Султон Ҳусайн дину имон нималигини билмаган жоҳил ва мутакаббир, худбин ва мустабид шахс эмас, балки Форобий ва Юсуф Хос Ҳожиб тавсиф этган маърифатли ҳукмдор, Навоий орзусидаги дарвеш-шоҳ тимсоли эди.

Бу фожия ортидаги теран моҳиятни бутун кўлами билан Алишер Навоий тушуниб етди. Навоийнинг васиятномаси

ҳисобланувчи сўнгти уч асари: “Лисон ут тайр” (1498), “Муҳокамат ул —лугатайн” (1499) ва “Маҳбуб ул-қулуб” (1500) ўз мазмун-моҳияти билан, бир жиҳатдан, VIII—XV асрлар ислом минтақа маънавияти такомилига якун ясаса, иккинчи жиҳатдан, ҳам миллатимиз, ҳам умумбашарият маънавий такомилида учинчى — Янги даврни бошлаб беради. Алоҳида жиддий таҳлил талаб қилувчи бу масалани ҳар томончама ёритишга интилмаган ҳолда бир неча муҳим нуқталарига тўхталиб ўтамиз.

Алишер Навоий бутун ижодида салафлар анъанасига таянди. Аммо ушбу анъаналар чегарасида турган ҳолда уларга ўз ижодида шундай назму тартиб бахш этди, бунинг нағижасида мутлақо янги моҳиятлар кашф этилди. Биринчидан, “Лисон ут-тайр”да “мажоз тариқи” воситасида инсониятнинг яхлитлиги ва буни англаб етиш ҳар бир инсоннинг маънавий камолот сари чексиз интилиши орқали юз бериши мумкин эканлиги яна бир карра таъкидланди. Шу билан бирга башарият миқёсидаги мукаммал ижтимоий тизим шаклланиши ундаги ҳар бир шахснинг маънавий баркамоллиги билан боғлиқ эканлиги, бу баркамоллик башариятнинг ҳар бир аъзосига (узвига) нисбатан беғараз ва самимий меҳр масъулияти билан ўлчаниши ёрқин тимсолларда очилди. Айниқса, Шайх Санъон қиссасида бу foя муҳим ва муайян бир муаммони — ҳар иккиси ҳам “аҳди китоб” бўлмиш ислом ва христиан дунёси кишиларининг ўз ички руҳиятидаги турли хурофотларни енгиги ўтиб, беғараз ва фидойи меҳр асосида ўзаро яқинлашувлари мумкинлигини кўрсатиши билан ифодаланди. Энди инсониятнинг яхлит моҳият сифатида бирлашуви зўрлик ва босқин асосида эмас, ўзаро меҳр ва бир-бирини тушунишга интилиш, ҳар бир шахснинг маънавий камолоти орқали эришиладиган воқе-лик экани — Янги даврнинг бу буюк ҳақиқати — 500 йил илгари шундай бащорат этилди.

Иккинчидан, “Муҳокамат ул-лугатайн”да Алишер Навоий давр тақозоси билан минтақа бўйлаб сочилиб кетган туркий қавм вакилларининг яхлит маънавий қиёфасини туғал сақлаб қолиш йўлидаги баракали фаолиятига назарий якун ясади. Амир Темур яратган сиёсий-худудий яхлитлик охирги уриниш эканлигини дилдан сезган улуф шоир Янги давр шароитида маънавий умумийликка интилиш хайрли эканлигини англаб етди ва шуни аниқ назарий асослади.

Учинчидан, “Маҳбуб ул-кулуб”да ўша давр жамиятидан турили тоифалар ўз салбий ва ижобий хислатлари билан тўлиқ таъриф этилиб, уларнинг ҳар бири жамият тараққиёти ва давлат тизимида қандай ўзига хос вазифа эгаси эканликлари тушунтирилди. Бу жиҳатдан, Алишер Навоий Юсуф Хос Ҳожиб, Низомулмулк ва бошқаларнинг сиёсий-ижтимоий қарашларини ижодий ривожлантириди. Агар “Кутадгу билиг” муаллифи биринчи ўринга “хос аҳли”нинг тўрт етакчи намояндаси —элик (Кунтуғди — адолат тимсоли), вазир (Ойтўлди — баҳт, давлат тимсоли), унинг ўғли ва ўринbosари (Ўѓдулмиш — ақл, билим тимсоли) ва зоҳид (Ўзгурмиш — қаноат тимсоли)ни чиқариб, қолган ижтимоий тоифаларни уларга тобе тарзда тасвирлаган бўлса, Алишер Навоий 40 бобда барча тоифаларга тенг ўрин ажратибгина қолмай, асосий моддий бойлик яратувчи куч — дехқонлар ва маънавият аҳли — зиёлилар тимсоли — дарвешларни алоҳида меҳр билан тасвирлади. Яна алоҳида қисмларда энг муҳим ижтимоий-ахлоқий хислатлар моҳияти ва шахс тарбиясига оид ибратли танбехлар жой олди. “Маҳбуб ул-кулуб” мундарижаси, “Лисон ут-тайр” достонидаги ижтимоий-сиёсий талқин қатлами билан биргаликда, янгича ижтимоий тизим — фуқаролик жамияти маънавий талабларига ишора этувчи илк куртаклардан бўлиб чиқди. Хулоса қилиб айтганда, Алишер Навоий “vasiyatnomasi” Янги давр маънавиятининг ўзак томирларини ўзига хос бадиий ва илмий шаклларда илк бор изчил ифода этиш билан ислом минтаقا маънавияти ва Янги давр ўртасида мустаҳкам кўприк бўлиб хизмат қилди.

Алишер Навоий ижодининг бу “кўприк”лик хусусияти яхлит олганда шоир илмий изоҳлаб берган “мажоз тариқи” тушунчасида мукаммал ифодасини топди. Биринчи навбатда бадиий ижод сифатида мужассамлашган бу тушунча моҳият жиҳатидан бадиий тафаккур доираси билан чекланмас, балки “Ал-мажозу қантарат ул-ҳақиқа” (Мажоз ҳақиқатнинг кўпригидир) ҳадисига таянувчи алоҳида дунёқарааш тизими сифатида инсон ҳаётининг барча жабҳаларига тааллуқли эди. “Мажоз тариқи” намояндалари Ҳақиқат асрорини мажоздан изладилар, “мажоз”да Ҳақиқат изларини кўрдилар ва фано орқали баҳога интилдилар. “Мажоз тариқи”да Тавҳид моҳияти Янги давр қадриятларига мувофиқ келувчи янгича талқин олди. Бу оламшумул кашфиёт эди.

Сунна ибрат орқали эътиқод бўлиб, Борлиқнинг ягона Олий Ҳақиқати мавжудлигини тан олиш ва унга чин дилдан эътиқод қилишни тақозо этган, маърифатчилик — инсоният англаб етган барча мавжуд билимлар моҳиятан Тавҳид эътиқодига мувофиқ эканлигини илм ва мантиқий таҳлил воситасида исбот қилишга қаратилган, Ирфон Ҳақиқат ишқи алангасига тик кириб бориб, нафсни худбинлик зангидан поклаш ва шу орқали шахснинг Олий Ҳақиқатга дахлдорлигини амалда таъминлаш йўли сифатида ўзини кўрсатган бўлса, “Мажоз тариқи” Ҳақиқат изловчиларни яна бақодан фанога юзлантирди. Ўзлигини англаб етганлар энди ўзгаларни англашга интилиб, ўз қалбига сайқал бериб, унда Ҳақиқат нурининг акс этишига эришганлар. Энди ўзгалар қалбига зиё бахш этишни ҳаёт мазмунига айлантиromoқлари асосий мақсад йўналиши қилиб белгиланди. Навоий ақида-сига биноан етакчи қоида “нафърасонлик”, инсон кўнглини англаб етиш ва инсонни меҳр воситасида тарбиялаш эди.

*Кимки бир кўнгли бузуқнинг хотирин шод айлагай,
Онча борким Каъба вайрон бўлса, обод айлагай.¹¹⁸*

Яъни, бу фоний дунёда бир кўнгли ўқсик инсонга шодлик бағиашлаш Аллоҳ Каъбасини, бузилиб кетган бўлса, қайтадан обод қилишга тенгдир. Орифлар кўнгил Каъбасини тошдан тикланган Каъбадан улуғ билдилар. Чунки Иброҳим ва ўғли кўнгилларида нурланган Ҳақ ишқи туфайли Каъба қайта тикланди. Тош Каъба тавҳид эътиқодининг тимсоли бўлса, кўнгил Каъбаси унинг асл макони этиб мўлжалланган. Аммо инсон кўнглини обод этиш осон юмуш эмас. Бунинг учун фоний дунё қонуниятларини янгидан кашф этмоқ керак. Энди фақат Борлиқнинг асл моҳиятини излаш кифоя қилмайди. Фоний дунё унсурларини сурат ва маъни яхлитлигида тадқиқ ва таҳлил этиш талаб этилади. Илоҳий китоблар Борлиқнинг асл моҳияти ва Тавҳид Ҳақиқатидан хабар беришади. Фоний дунё унсурларининг тадқиқи эса инсонларнинг ўз вазифаси доирасидадир. Фақат дилда Ҳақиқат ишқи билан ҳалол ва холис ёндошув лозим. Ҳалоллик ва холислик бўлмаса, ҳақиқат юзага чиқмайди. Инсон йўлдан озади ва ўзгани ҳам ҳалокатга элтиши мумкин. Холислик-нинг асосий шарти кибр балосидан истиғфор этишдир.

Кўнгилда Ҳақиқатдан ўзга зарра губор ҳам бўлмасин. Аммо Ҳақиқат фақат менинг кўнглимда, деб ўйлаган инсон ҳам янглишади. Аҳли башар барчаси Аллоҳнинг халифалариридир. Демак, Ҳақ ягона, аммо унинг турли қирралари турли кўнгилларда қарор топиши мумкин. Агар ушбу асосни сиёсатга табиқ этсан, ер юзида давлат ҳокимиятининг ҳам ягона манбай умумхалқ иродаси бўлиб чиқади.

Янги даврнинг моҳияти ушбу икки асос — дунёни сурат ва маъни яхлитлигига ўрганиш ва баҳамжиҳатликда бошқаришга интилиш билан ўзлигини намоён этади. Бу икки асос бир-бири билан узвий чатишиб кетган. Янги давр маърифатчилиги хос ва авом орасидан чегарани олиб ташлашга қаратилди. Бунинг, албатта, ўзига яраша ҳавфи ҳам йўқ эмас эди. Навоийнинг деҳқонларга берган баҳоси, ижтимоий тоифалар ҳақидаги мулоҳазалари ушбу муаммони тўғри ҳал қилишининг, назаримизда, энг мақбул йўли эди.

Фоний дунёни сурат ва маъни бирлигига тадқиқ этиш ижтимоий воқеелик тадқиқини ҳам тақозо этади. Бу ҳаракат ислом дунёсида Форобийлар давридан бошланган бўлиб, Ибн Халдун ижодида ўз чўққисига эришди. Бу улуғ тарихчи-файласуф тақводор ва художўй киши эди. Унинг ижтимоий-сиёсий тараққиётга оид қарашлари инсониятнинг ибтидоий жамоа тузуми даражасидан шаҳар жамоаси тузуми даражасига қараб юксалиши ва бу икки ижтимоий тузум босқичларининг ўзаро қиёси асосига қурилган эди.

Баҳоуддин Нақшбанднинг “дил ба ёру даст ба кор” қоидаси, Ибн Халдуннинг тарихий тараққиёт ҳақидаги назарияси XIV асрда Амир Хусрав ва Ҳофиз Шерозийлар шеърияти билан бир пайтда шаклланди ва улар жъами ўзаро уйғунлик касб этди. Шу даврда ҳукмронлик қилган Темур ўзини шоҳ ёки султон атамади, ўлгунича бошқа амирлар қатори Амир Темур бўлиб қолди. XV аср маънавият замони, Ҳожа Аҳрор ва Алишер Навоийлар замони бўлди.

Аммо, афсус, на сарбадорлар, на темурий мирзолар Янги давр давлатчилиги асосларини узил-кесил амалга тадбиқ эта билмадилар. Маънавиятда англаб етилган Ҳақиқат сиёсатга тўлиқ жорий этилмади. XV асрда Ҳожа Аҳрор ва Алишер Навоийлар ижтимоий мўътадилликни сақлаб туришга астайдил интилган бўлсалар ҳам, XV аср иккинчи ярмида Шоҳруҳ ва Улугбек мирзолар ҳукмдорлик давридан кейин

бошланган сиёсий парокандалик жараёни борган сари ку-чайиб борди. На Султон Ҳусайн, на Бобур бу жараённи тўхта-тиб қола билмадилар.

2. XV—XVI асрлар жаҳон тарихида Янги даврнинг бошланиши ҳисобланади. Шу даврдан Европа минтақасида маънавий янгиланишлар палласи бошланди. Асли бу янгиланиши ислом минтақа маданиятининг таъсиридан холи эмас эди.

Ислом минтақа маданияти Волгабўйи, Шарқий Туркистон ва Индонезиядан то Шимолий Африка ва Испаниягача ёйилғанлиги маълум. Испанияда араб халифалиги то XIV аср гача давом этди. IX асрдан бошлаб ривож ола бошлаган араб-испан мусулмон маданияти XI—XIV асрларда Европа маданиятига айрича таъсири кўрсатди. Испания ва Шимолий Африка ҳудудларида Ибн Туфайл (вафоти 1185й), Ибн Рўшд (1126—1198) Ибн ал-Арабий (1165—1240), Ибн Халдун (1332—1406) каби ислом оламининг буюк алломалари етишиб чиқдики, уларнинг ижодий меросисиз минтақа маънавиятини мукаммал англаб бўлмайди.

XI асрдан бошлаб Ал-Хоразмий, Ал-Фарғоний, Ибн Сино, Фаззолий ва бошқа улуғ ислом мутафаккирларининг асарлари лотин тилига таржима қилиниб, христиан маданияти ривожига ҳисса қўша бошлади. Шу даврдан эътиборан, ягона ислом минтақа маънавияти доирасида, икки тамойил шаклана борганигини бир қатор ҳозирги замон шарқшунослари қайд этадилар. Бу тамойилларнинг биринчиси Абу Али ибн Сино номи билан боғлиқ бўлиб, Хуресон—Мовароуннаҳр ёки шарқий фалсафа мактаби ҳисобланса, иккинчиси Ибн Рўшд ижодида ёрқин намоён бўлувчи гарбий фалсафа мактабидир. Бу икки тамойил ислом маънавияти доирасида ўзаро чамбарчас боғлиқ ва қатъий чегаралар билан бир-биридан ажралган эмас. Аммо уларнинг кейинги таъсири доираси турлича кечди. Мавжуд воқелик ҳамиша турли нарса ва ҳодисалар, жиҳатлар ва тамойиллардан иборат бўлиб, улар орасида ўзаро зиддият ҳам, уйғунлик ҳам мавжуд. Ибн Сино ва Фаззолийлар кўпроқ тарафларнинг ўзаро уйғунлигига ургу беришса, Ибн Рўшд орадаги фарқларга эътибор қаратди.

Унинг қарашлари XIII—XVI асрларда Европада “аверроизм” номи билан* катта бир фалсафий анъана ҳосил қилди. Ибн Рўшдининг Аристотел асарларига ёзган шарҳлари Фран-

ция, Италия ва бошқа Европа давлатларининг йирик университетларида ўқитилди. Араб тилидаги фалсафий мерос Сигер Брабантский (1235—1282), Пико делла Мирандола (1463—1494), Пьетро Помпонацци (1462—1525), Жордано Бруно (1548—1600) каби Ўрта асрлар ва Уйғониш даврининг йирик файласуфларига сезиларли таъсири кўрсатди. Сигер Брабантский Ибн Рӯшд фояларини Европанинг ўша давр ўзига хос маънавий муҳитига тадбиқ этиб, “икки ҳақиқат назарияси”ни ишлаб чиқди. Шу билан бирга араб фалсафаси таъсирида қадим Юнон-Рим мероси билан бевосита танишишга интилиш кучайди. Бу ҳаракат диний ва фалсафий қарашларнинг ўзаро жиддий тўқнашувига олиб келди ва натижада “аверроизм” намояндалари христиан черкови (Рим папаси) томонидан қаттиқ таъқибга дучор бўлди. Сигер Брабантский ўлдирилди. Жордано Бруно ўтда куйдирилди. Аммо янги кучлар кувват қасб этиб борди. Неоплатонизмнинг араб-ислом маданиятидаги талқини таъсирида христиан диний қарашларида янгича ёндошувлар шаклланиб, XV асрда Реформация зарурати пайдо бўлди. Католик ва православ мазҳаблари қаторига протестантизмнинг турли оқимлари (кальвинизм, лютеранлик, англикан черкови ва бошқалар) кўшилди. Бадиий ва фалсафий тафаккур мустақил ривож олиб, Ренессанс ёки Европа Уйғониши вужудга келди. XVII асрдан адабиётда классицизм йўналиши, XVIII асрдан эса Европа маърифатчилиги шаклланди. Нидерландия ва Буюк Британия буржуа инқилоблари Европадаги ижтимоий-маънавий вазиятни тубдан ўзгартириб юборди. Америка кашф этилди. Шарққа юриш бошлиди.

3. XVI—XX асрлар миллий маънавиятимиз такомилини икки катта босқичга ажратиш мумкин. Улардан биринчиси — XVI—XVIII асрларни қамраб олади. Бу босқичда яхлит ислом минтақа маданияти эришган ютуқлар заминидан маҳаллий ўлкалар кенг халқ оммасининг маънавий савияси ошиб борди. Бу даврда минтақа сиёсий ҳаётида таназзул ва парчаланиш жараёни кундан-кунга, йилдан-йилга кучайди. Шу билан бир пайтда минтақа халқлари ўтган даврда эришилган юксак маънавий қадриятларни сақлаб қолишга ва ривожлантиришга уриндилар. Шу сабабларга кўра бу жараённи Янги давр маънавиятига ўтиш ёки ислом минтақа маданияти даври маънавий ютуқларининг оммалашуви босқичи, деб аташ мумкин.

✓ Иккинчи босқич — миллий маънавиятимизнинг Янги давр Европа маданияти билан бевосита тўқнашувига оид бўлиб, бу жараён бошланишданоқ фожеъ бир тарзда — қадим Турон халқларининг Россия империяси томонидан босиб олиниши ва 150 йиллик мустамлака ҳолатида мураккаб бир тарзда кечди.

Биринчи босқичга қисқача тўхталиб ўтадиган бўлсак, XVI аср бошларида Эронда Сафавийлар сулоласи ҳокимиятга келиши билан шиа мазҳабининг давлат дини даражасига-ча кўтарилиши минтақани бир неча сиёсий-маданий қисмларга бўлиб юборди. Туркияда Усмонлилар сулоласи, Мовароуннахрда Цайбонийлар, Ҳиндистонда Бобурийлар (Буюк мўгуллар) ўз ҳокимиятларини ўрнатдилар. Волгабўйлари Москва Руси томонидан босиб олина бошланди. XVI аср давомида Эрон, Хуросон ва Мовароуннахрнинг кўплаб та-никили ижодкор устоз ва алломалари Шимолий Ҳиндистонга, Бобурийлар саройига кўчиб ўтдилар. Ислом минтақа маданиятининг маркази Шимолий Ҳиндистон бўлиб қолди. Айниқса, шоҳ Акбар, Жаҳонгир, Шоҳ Жаҳон, Аврангзеб давларида (1556—1707) бу ҳудудда ислом минтақа маънавиятининг энг етук анъаналари маҳаллий ҳинд маданияти сарчашмаларидан ижодий озиқланиб, янада юксак чўққи-ларни забт этди. Бу маънавий юксалишнинг энг олий намунаси Мирзо Абдуқодир Бедил (1644—1721) ижоди бўлиб, ота-бобоси Шаҳрисабз ўзбекларидан бўлган бу буюк мутафаккир “Тилсими ҳайрат”, “Тури маърифат”, “Ирфон” каби бадиий-фалсафий асарларида “мажоз тариқи” руҳида акс этган Олий ҳақиқат сирларини янада теранроқ ифода этишга эришди. Шу сабабли бизнинг ўлқада XVIII—XIX асрлар мобайнинда маҳсус “Бедилхонлик” анжуманлари ташкил топди ва улуғ мутафаккир шоирнинг мураккаб бадиий-фалсафий сатрлари атрофлича шарҳланди. Ҳиндистонда Бедил анъаналари Мирзо Асадулло Фолиб (1797—1869) ва Муҳаммад Иқбол (1873—1938) ижодида давом эттирилди. Мирзо Асадуллохоннинг бобоси ҳам 1730 йилда Самарқанддан Ҳиндистонга кўчиб борган эди. Мирзо Фолиб биринчилардан бўлиб инглиз мустамлакачиларининг мақсадларини англаб етди ва ҳинд халқининг озодлик учун курашини ўз асарларида улуғлади. Мирзо Фолиб ва Муҳаммад Иқбол форс ва ўрду тилларида ижод этдилар.

Маънавият аҳлиниң сиёсатга кучли таъсири Мовароуннахрда XVI асрда ҳам давом этди ва бу ҳолат, айниқса, Махдуми Аъзам (Аҳмад Косоний — вафоти 1549 йил) ва жўйбор шайхлари фаолиятида яққол кўзга ташланди. Абдуллахон Соний (1557—1598) ҳукмдорлиги Мовароуннахр ўлкасида сиёсий яхлитликни сақлаб қолишга охирги уриниш бўлди.

Бу орада юксак маънавий қадриятларнинг кенг ҳалқ оммаси орасида ёйилиши тобора кучайиб борди. Мажлисий (XVI аср) ва Пошшохўжа (XVI аср) лар ижоди орқали ҳалқнинг ўрга табақаси онгида ўз қудратига ишонч кучайиб борганлигини сезиш мумкин. Турли ижтимоий тоифалар ўз мақомларини дадил ҳимоя эта бошладилар. Йилда бир фаридни подшоҳ сайлаш одати ҳақидаги Мажлисий көлтирган ҳикоят ҳалқ иродаси асосидаги янгича бошқарув услуги ҳақида ҳалқ шурида яратилган илк ибтидоий тасаввурлардан дарак беради.

Шундай қилиб, XVI асрдан сулолавийлик анъанаси кескин таназзулга юз тутди. Сиёсий жиҳатдан Мовароуннахр учун бу катта ўйқотиш бўлди — мамлакатнинг сиёсий яхлитлиги қўлдан кета бошлади. Бу жараённи маънавият аҳлиниң сиёсатга фаол аралашуви ҳам тўхтатиб қола олмади. Бу жараён натижасида яхлит ўлка аввал иккига (Бухоро ва Хоразм хонликларига), кейинроқ, XVIII аср бошларида уч мустақил давлаттага (Бухоро амирлиги, Қўқон ва Хива хонликларига) бўлинниб кетди. Бу уч давлат ҳукмдорлари тўхтовисиз бир-бирлари билан жанг олиб борардилар. Ушбу ноиттифоқлик балоси XIX аср иккинчи яримида ўлканинг Россия мустамлакасига айланишига олиб келди. Шу палладан Янги давр маънавий жараёнларининг иккинчи босқичи бошланадики, бу ҳақда сұхбат алоҳидадир.

4. Аммо шундай бухронли ҳолатларда ҳам миллат маънавияти юксалиб борди. Турди Фарогий ва Машрабларнинг ҳаёти ва ижодий фаолияти бунга ёрқин мисолдир. Турди ижодида Навоий бадиий тафаккурида олға сурилган foя миллий ва сиёсий foяга айланди. Турди ўз ижодида давр ҳукмдорининг анъанавий хуқуқларини очиқдан-очиқ рад қилиб (“Субҳонқулихон ҳақида ҳажвия”) одил шоҳ мадҳијаси ўрнига золим ва ноқобил султонни кескин фош этишни мақсад қилиб қўйди. Навоий Баҳроми ва Искандари фожъе

шахс эдилар, Турдининг “бош қаҳрамони” жирканч ва тубан маҳлуқ сифатида ҳукм этилди. Турди бекларни ҳам аяб ўтиргани йўқ. (Навоий “Маҳбуб ул-қулуб”да беклар ҳақида ножёя сўз айтмайди).

Турди биргина султонни эмас, балки бутун бир ижтимоий тоифани — ўзи ҳам мансуб бўлган аслзодалар — беклар тоифасини фош этади. Уларни “юзи қаро”лик, кўзи кўр, қулоғи карликда айблайди:

*Едингиз барчангиз итдек фуқаронинг этини,
Фасб ила молин олиб, қўймадингизлар битини,
Қамчилар доги солиб бўюнига, тилиб бетини,
Ёқдингиз заҳрасини (ичидан) олиб ўтини,
Бўлмади кам бу раият бошида ҳеч таёқ.*¹¹⁹

Қаранг, Бобур Мирзо учун табиий кўринган ҳолат энди Турди учун чираб бўлмас адолатсизликдир. Бу Янги давр маънавиятидан дарак эди.

Турди сулолавийлик ўрнига, одил шоҳ орзуси ўрнига янги бир жозибали foя — Ягона Ватан гоясини олға суради. Бу Ватанда ҳали ноҳақлик, зулм хукмрон, ҳануз бу юрт — “кофиристон”дир, аммо энди сулолавийлик, бекларнинг тор худбинлик манфаатларига қарши қўйса арзигулиқ улуғ бир Воқелик шаклланмоқда — “Ўзбекистондир бу мулк”, дейди шоир ҳам чексиз изтироб, ҳам чексиз умид билан.

*Тор кўнгилли беклар, ман-ман деманг, кенглик қилинг,
Тўқсон икки бори ўзбек юртидир тенглик қилинг.
Бирни қипчоқу хитою, бирни юз, найман деманг.
Қирқу юз, минг сон бўлиб, бир жон ойинлик қилинг.*¹²⁰

Турди ҳалқ мақоли — “эл работу тўра қўноқ”ни сиёсий эътиқодга айлантириди. Турди маънавиятида Ўзбекистон ва унинг ҳалқи биринчи мақомга кўтарилилар, ирсий “аслзодалик” ҳуқуқи рад этилди:

Баски бу тийрадарунларда чароғе тилама.

Энди Ҳақиқат йўли саройдан ташқаридаадур:

Тўғри йўлни тиласанг уз бу саройдан пайванд.

Энди шоҳ чўпон эмас, халқ ҳам сурув эмас. Хон фақат ўз майшати ғамидаги маҳлуққа айланган:

*Арк ичин маҳкам этиб айладим ўзимга ётоқ.*¹²¹

Шоир давр ҳукмронининг кайфиятини ниҳоятда аниқ акс эттиради. Энди хон ва амирлар юрт олдидаги масъулиятни мутлақо унугтган эдилар, улар “хос аҳли” эмас, оддий “худонинг маҳлуқи” дарајасида ўз майшати, айш-ишрати ва худбин интилишларининг қулига айланиб, юрт эгаси бўлиш ҳуқуқини бутқул йўқотдилар. Энди янги давр сиёсий қадриялари замон тақозосига айлана бошлаган эди. Афсус, бу қадрияларни тўлиқ ва мукаммал англаб етиш учун Туркистон халқлари яна бир неча аср жабр чекишилари, жумладан, 150 йил миллий асорат хўрлигини бошдан кечиришлага тўғри келди.

Фуқаролик жамиятига ўтишнинг икки жиҳати бор. Биринчидан, агар фуқаро ўзлигини англаб етмаган бўлса, агар у ҳануз ўзини еб-ичиб, “кайфи сафо қилиб” юришдан ортиққа арзитмаса — унинг номи фуқаро (граждан) эмас, оддий бир “худонинг маҳлуқи”дир, бундай инсонлар тўпланса, “халқ” эмас, “оломон” бўлади. Алишер Навоий инсонларни “хос” ва “авом” га ажратар экан, бунда у биз собиқ совет даврида талқин қилганимиздек, “зодагонлар” ва “қора халқ” маъносида эмас, балки ўзлигини англаб етган ва англаб етмаганлар маъносида ишлатган. Араблар исломгача даврни “жоҳилия” деб аташган. Бунда ҳам “жоҳилик” хат-саводи йўқлигини эмас, ягона Аллоҳни танимаганлик, илоҳий каломдан баҳраманд бўлмаганлик маъносида ишлатилган. Халқ ичида “оми одам” деган ибора ишлатилади. “Оми одам”ни — саводсиз, содда одам маъносида талқин қиласиз. Бундай талқин биринчи қарашда “омилик”ни заарсиз қилиб кўрсатади, аслида “оми одам” ғофил бандадир, бундай авомдан иборат жамият ҳеч қачон фуқаролик жамияти, чинакам фуқаролар жамияти бўла олмайди. Фуқаролик жамияти огоҳ одамлардан иборат бўлмоги керак. Огоҳ одам ўз инсонлик бурчини теран идрок этади ва унга асло хиёнат қилмайди.

Иккинчидан, юрт ҳокимлари майдалашиб, ўз ижтимоий масъулиятини унугтиб, “аркни ўзига ётоқ билиб”, атрофига ҳам ўзи сингари қорин қайфусидан, айш-ишратдан

бошқани билмайдиганларни тўплаб, халқ ва миллат эҳтиёжларига буткул беписандлик билан қарашни одат қила бошласалар, Аллоҳ олдидағи юрт эгаси, деган юксак масъулиятни тамомила унугсалар, улар аслзодалик ҳуқуқидан тўлиқ маҳрум бўладилар. Худди шундай ҳолат Европада кучли ижтимоий пўртанааларга, қонли инқилюбларга олиб келди. Барча ҳокимиятнинг ягона манбаи халқ эканлигини Европа миллатлари асрлар давомида фидоийлик билан тинимсиз курашиб, исбот қилдилар.

Аммо ислом дунёсида бундай бўлмади. Таназзул чукурлашиб бора берди. Сиёсий доиралардаги таназзул XVII асрга келиб аста-секин маънавият оламига ҳам ёйила бошлади. Маънавият арбобларининг аралашуви сиёсатда катта ижтимоий ўзгаришлар пайдо қилмади, қайтага маънавият олами нинг ўз ичидаги зиддиятлар чукурлашувига сабаб бўлди. Бобо-раҳим Машраб фаолияти асл маъноси билан маънавият оламида пайдо бўлаётган ана шундай иллатларга қарши тугён бўлиб чиқди. Турди Субҳонқулихонга қарши қўлида қурол кўтариб исён қилган бўлса, Машрабнинг маънавиятдаги исёни Маҳмуд Султоннинг дорига ўз бошини тутиб беришда намоён бўлди. Чунки маънавият олами қиличбозликни тақозо этмайди, ўзгалар руҳидаги иллатни қилич билан, исён билан поклаб бўлмайди. Машраб ўзини қурбон этиб, ўзгаларга ибрат кўрсатди. “Қиссайи шоҳ Машраб”нинг халқ орасида машҳуриги бежиз эмас. Халқ ўзининг асл қаҳрамонларини, фидоий фарзандларини яхши танийди ва қадрини жойига қўяди. Абу Муслим, “Шоҳ Машраб” қиссалари, Бедил ғазалларининг шуҳрати халқнинг ўз маънавияти теранглигини сақлаб қолишга интилишидан даракдир.

Таянч иборалар: Темурийлар даврида Европа билан тарихий-сиёсий, руҳий-маънавий яқинлашув тамойилининг кучайиши, маънавий камолот билан сиёсий ҳаётдаги хурофий анъаналар орасида зиддиятнинг чукурлашуви, Алишер Навоий ва Янги давр маънавияти, башарият миқёсида мукаммал ижтимоий тизим сари интилиш, меҳр масъулияти, туркий қавм вакилларининг яхлит маънавий қиёфасини тугал сақлаб қолиш йўлида, “фозил шаҳар” фояси ва фуқаролар жамияти, “Мажоз тариқи” — оламшумул кашфиёт, “нафърасонлик”, инсонни меҳр воситасида тарбиялаш, кибр

балосидан истиғфор этиш, ислом миңтақа маданиятининг Европага таъсири, араб-испан мусулмон маданияти, Ибн Рӯшд ва Европада “аверроизм” анъанаси, “икки ҳақиқат назарияси”, Реформация ва Ренессанс, Европа маърифатчилиги ва буржуа инқилоблари, Янги давр миллий маънавиятимиз такомилида биринчи босқич, хос ва авом орасидаги маънавий чегаранинг йўқолиб бориши, ислом дунёсида сиёсий парокандалик ва яхлит миңтақа маданиятининг парчалана бошлиши, маънавият аҳдининг сиёсатга аралашиби – Хожа Аҳрор ва Маҳдуми Аъзам, Шимолий Ҳиндистонда миңтақа маданиятининг сўнгги юксалиши – Мирзо Абдуқодир Бедил, “бедилхонлик” анжуманлари, сулоловийлик анъанасининг кескин таназзули – Мовароуннаҳрининг уч мустақил давлатга бўлиниб кетиши, ноиттифоқлик балоси, Турди Фарогий ижодида давр ҳукмдорлари маънавий қиёфасининг фош этилиши, ягона Ватан гояси, юрт олдидаги масъулият, юрт эгасининг масъулиятни унутиши, Машрабнинг маънавий таназзулга қарши исёни.

Тавсия этилувчи ва фойдаланилган адабиётлар рўйхати:

Асосий адабиёт:

1. Каримов И. А. Биз келажагимизни ўз қўлимиз билан қурамиз. 7-жилд. Т. – “Ўзбекистон” – 1999, с. 79–83, 293–312.
2. Каримов И. А. Маънавий юксалиш йўлида. Т., 1998.
3. Каримов И. А. Биздан озод ва обод Ватан қолсин. 2-жилд. Т. – “Ўзбекистон” – 1996, с. 71–75.
4. Мўминов И. М. Таңлаган асарлар. 1-том. Т., 1969.
5. Сураймонова Ф. Шарқ ва Фарб. Т., 1997
6. Монтгомери Уотт У. Влияние Ислама на Средневековую Европу. М., 1976.
7. Комилов Н. Тафаккур карвонлари. Т., 1999.
8. Ўзбек адабиёти тарихи. З-китоб, Т., 1978.
9. Турди Фарогий. Девон. Т., 1978.
10. Алишер Навоий. Лисон ут-тайр. Т., 1991.
11. Навоий. Маҳбуб ул-қулуబ. М., -Л., 1948.
10. Конрад Н. М. Запад и Восток. М., 1972.
11. И момназаров М. С. Миллий маънавиятимизнинг та-комил босқичлари. Т., 1996.

Кўшимча адабиёт:

12. Амирий. Девон. Т., 1972.
13. Бобир. Асарлар. (3 жилд) Т., 1965.
14. Машраб. Девон. Т., 1989.
15. Мулла Паноҳ Вокиф. Танланган шеърлар. Т., 1969.
16. Нодира. Девон. Т., 1968.
17. Сўфи Оллоёр. Саботул-ожизин. Т., 1991.
18. Равшанов П., Ўроқов Р. Аждодларимиз қадри. Т., 1993.
19. Гёте. Западно-восточный диван. М., 1988.
20. Стеблева И. В. Семантика газелей Бабура. М., 1982.
21. Жалилов Тўхтасин. Ўзбек шоирлари. Т., 1970.
22. Комрон Мирзо. Девон. Т., 1993.
23. Молла Непес. Лирика. Ашхабад, 1973.
24. Ҳасанхўжа Нисорий. Музаккири аҳбоб. Т., 1993.

14-маъруза. МИЛЛИЙ УЙГОНИШ ВА БОЛЬШЕВИЗМ ҚАТАГОНЛАРИ

ДАРС РЕЖАСИ:

1. Янги давр зиддиятлари ва сиёсий қарамликнинг маънавий сабаблари.
2. Миллий уйғониш ва Янги давр маърифатчилиги.
3. Большевизм қатағонлари ва миллий зиёлилар тақдири.
4. «Совет даври» ўзбек зиёлилари томонидан яратилган маънавий меросга муносабат.

1. XIX—XX асрлар давомида фан ва маданият тараққиёти жиҳатидан Европа минтақаси бошқалардан узил-кесил илгарилаб кетди ва натижада “жаҳон фани”, “умуминсоний қадриятлар” деганда биринчи навбатда Европа маданияти унсурлари тасаввур этила бошланди. Янги даврдаги бу минтақанинг ютуқлари кўп жиҳатдан маданий интеграция жараёнлари билан боғлиқ. Бу даврда Европа халқлари (инглизлар, немислар, французлар ва ҳ. к.) минтақа миқёсидаги ўзаро маданий ахборот алмашинув доирасидан чиқиб, ўзга минтақаларда яралган бойликларни ўзлаштира бошладилар. Шарқшунослик кенг ривож олди. Турли фан соҳалари шарқшуносларнинг ѹтуқларидан ижодий фойдалана бошладилар.

Ислом минтақасида эса XVI асрдан бошлаб маданий-маънавий яхлитликка раҳна солувчи жараёнлар юз бера бошлади.

Янги давр Европа маънавий муҳитига хос қарама-қаршиликлар кураши кейин ҳам давом этди. XVIII аср француз маърифатчилиги заминида шаклланган атеизм йўналиши Гельвеций (1715—1771), Гольбах (1723—1789), Дидро (1713—1784) қарашларидан немис мумтоз фалсафасига ўтиб, Фейербах (1804—1872) орқали Карл Маркс ва Ф. Энгельснинг муросасиз синфий кураш тарғибига қаратилган коммунистик утопиясига олиб келди.

Ислом минтақа маънавиятида бундай зиддиятли ҳолат юз берган эмас. Алишер Навоий ва Мирзо Бедил талқинларидағи Тавҳид таълимоти маърифатчилик ва ирфон босқичларида баъзан кўзга ташланадиган зиддиятли ўринларни енгигиб ўтиб, Олий уйғунликка эриша билди. Ислом минтақа маънавиятида “икки ҳақиқат” тазоди эмас, “айни ҳақиқатдир мажоз”. “ал-мажозу қантаратул ҳақиқа” (мажоз ҳақиқатнинг кўпригидир), деган жумлаларда ўз ёрқин аксини топган уйғунлик, “қарама-қаршиликлар кураши” эмас, “бирлиги” кўпроқ устунликни сақлади. Аммо бу мулоҳазаларни мутлақ ҳақиқат маъносида тушуниш ноўрин бўларди. Янги даврнинг ўзига хослиги шундаки, ички зиддиятлар баъзан жуда кескин юзага қалқиб чиқа бошлади.

Умархон саройи илму санъат ўчофи эди. Шу билан бирга Махмурнинг “Ҳапалак” ва Гулханийнинг Япалоққуш ва Бойғли ҳақидаги “Зарбулмасал”лари шу даврда яратилди. Увайсийнинг “Анор” чистони ҳам шу давр маҳсули. Биз XIX аср биринчи ярми маънавиятидаги зиддиятларни тўғри англаб етмоғимиз керак. Маъдалихоннинг шоирлиги ва шахсий ҳаётидаги мураккаб жиҳатлар, уламолар билан зиддиятлари барчаси вокеликнинг мураккаблигига ишорадир.

Туркий миллат буюк миллат эди. Тақдир 2 марта бу миллатнинг толеини юқсакларга кўтарди. Бўринчи марта V—VII асрларда Буюк Турк хоқонлигининг вужудга кёлиши билан катта бир минтақада миллий давлат, миллий адабий тил шаклланган бўлса, иккинчи марта деярли 1000 йил давомида бутун минтақада сиёсий хукмронлик туркий элат намояндалари қўлида бўлганлиги бундан дарак беради. Шу билан бирга 2 марта жиддий огоҳлантириш ҳам берилди. Биринчиси, Хоразмшоҳлар даврида мўгуллар босқини орқали, ик-

кинчи марта Россия империясининг асорати, большевизм қатағонлари ва маккор сиёсати кўринишида. Ислом минтақасида туркй сулолалар бир-бири билан жанг олиб бориб, охир-натижада миллатни пароканда қилдилар. Айниқса, Мовароуннаҳрдаги охирги уч хонликнинг ўзаро можаролари аввал Россияга қарамликка, сўнг ягона Ватан — Туркистоннинг узил-кесил парчаланиб кетишига олиб келди. Бугунги воқеликда туркй элатларнинг янги босқичда яқинлашуви ўзбек халқининг барча дунё миллатлари билан дўстона ҳамкорлигига раҳна солмаган ҳолда асос мақсадларимиздан бўлмоғи табиийдир. Араблар ҳам турли давлатлардан ташкил топган. Аммо ўзаро яқинлашувга ҳаракатлари бор. Барча ислом давлатларининг халқаро ташкилотлари ҳам эзгу мақсадларни кўзда тутиб тузилган. Инсоният ўз тарихий тараққиётни давомида эришган ютуқларини кўлдан бермаслиги керак.

XIX—XX асрлар халқимиз тарихида изтиробли давр бўлди. XVII—XVIII асрларда миллий турғунлик, миллий парчаланиш фожиалари элнинг энг жонкуяр фарзандлари дилини қийноқли дард бўлиб куйдирган бўлса, энди бевосита миллий қарамлик маънавий хўрлик келтирди, халқ ҳам маънавий, ҳам иқтисодий камситилди, эзилди, оёқости қилинди. Элни озод қилишни Феруз ва Фурқатлар маърифатда кўрган бўлса, Муҳаммад Али эшон кабилар халқни бевосита жиҳодга чорладилар. Муқимий тасвиридаги “танобчилар”, “московчи бойлар” халқни талашда мустамлакачилар билан “мусобақа” қилишган бўлишса, Бухоро амири жадидларни қатағон қилишда большевикларга ўрнак кўрсатди. XVIII—XIX асрлар ўлкамизда таълим тизими ҳам турғунликка юз тутганлигини инкор этиб бўлмайди. Фитратнинг 1912 йилда Истамбулда нашр этилган “Хинд сайёхининг қиссаси” асари XX аср бошларида ўлкамиз маънавий ҳаётида юзага келган буҳроний ҳолатнинг аччиқ манзарасини Бухоро амирлиги мисолида шафқатсиз очиб ташлаган. Шу сабабли бугунги мустақиллик шарофати билан ўтмишимизни холис ўрганиш имкони яралган экан, ютуқларимиз билан бир қаторда айбларимиз, хатоларимизни ҳам рўйи-рост кўра олайлик.

Беҳбудий, Файзула Хўжаев, Фитрат каби миллат ва Ватан фидоийлари жоҳиллик ва ижтимоий адолатсизликни маърифат воситаси билан енга олмагач, аввал Россия мустабидлари, сўнг советлар билан муроса қилишга мажбур бўлди-

лар ва, охир-оқибатда, нафақат эзгу ниятлари, балки та-баррук бошлари ҳам мунофиқлар жодусида қирқилди. ХХ аср бошларида ярқ этган Миллий уйғониш ҳаракати “коммунистик пролетар утопияси” йўлида мутаассиб ва мунофиқ тузум томонидан аёвсиз маҳв этилди. Туркистон мухторияти ҳарбий куч билан йўқ қилинди. Ягона замин сунъий равишда бир неча алоҳида “республика”ларга бўлиб юборилди. Тураг Рисқулов каби маҳаллий сиёсий араббларнинг далил-исботлари на ўлкага маҳсус юборилган “шовинист-коммунист”лар, на Москвадаги уларнинг доҳийлари томонидан тан олинмади.

2. Туркистон ўлкаси халқларининг миллий мустақиллик учун кураши икки йўналишда кечди. Биринчisi — куролли кураш, қўзғолонлар йўли бўлиб, 1892 йилдаги Тошкентда юз берган “вабо қўзғолони” (ёки “тошотар воқеаси”), 1898 йилда Андижон вилоятидаги Дукчи эшон (Муҳаммадали халфа) жиҳоди, 1916 йил мардикор воқеалари, кейинчалик, ўлкада большевиклар ҳукмронлиги ўрнатилишига қарши “босмачилик” ёки қўрбошилар ҳаракати деб ном олган миллий-озодлик кураши ушбу йўналишдаги машҳур воқеалардандир. Иккинчisi, маданий—маърифий йўналиш бўлиб, бу йўлнинг асосий мақсади халқ маданий—маърифий савиасини ошириш, миллий иқтисодни янги излардан юксалтириш йўли билан, вақти келгандা ниҳоятда қурдатли ҳарбий-сиёсий мавқега эга бўлган Россия ҳукумати билан келишув, муросайи мадора усусларини қўллаб, Европанинг илгор идора усусларини ўзлаштириб, миллатнинг ҳақиқий озодлигини таъминлаш эди. Бу икки йўл баъзан бир-бири билан яқинлашар, баъзан ўзаро зиддиятга киришар, аммо амалда бир-бирини тўлдириб, кувватлаб борувчи йўналишлар эди. Маърифатчилик йўли Аҳмад Доңиш, Фурқат, Феруз каби XIX аср иккинчи ярмида фаолият кўрсатган юргулари ташаббуси билан бошланиб, XX аср бошида жадидлар ҳаракатида ёрқин намоён бўлди. Ҳар икки йўналиш ҳам XIX аср охирида кичикроқ қўламларда бошланган бўлса, XX асрнинг иккинчи ўн йиллигидан бутун минтақада ялпи ривож олиб, Миллий Уйғониш ҳаракати даражасига қўдарилиди. Бир тарафдан Турция, Миср, Эрон, Хитой каби Шарқ мамлакатларидаги янгиланиш тўлқини, иккинчи тарафдан, Россия ва Кавказорти ўлка мусулмонларининг таъсирида Тур-

кистонда Янги давр нафаси шиддат билан уфура бошлади. Маҳаллий ишбилармонлар Европа билан савдо-сотиқни кенг йўлга қўйдилар, янгича тусдаги ишлаб чиқариш корхоналари — пахта тозалаш, ёф заводлари қурила бошланди. Банк тизими жорий этилди. 1884 йилда Боғчасаройда нашр этилаётган “Таржумон” газетасига Туркистондан 200 кици обуна бўлди, ўша йилларда Тошкентда Сайдгани Сайдазимбой, Шарифхўжа қози, Муҳиддинхўжа қози каби илгор фикрли кишилар маҳаллий болалар учун янгича (рус-тузем аталмиш) мактаблар очилишига ҳомийлик қилдилар.

1901 йилдан Кўқон ва Тошкентда, 1903 йилдан Самарқандада Фаспирали Исмоилбек ишлаб чиқсан “усули жадид” (ёки усули савтия, яъни савод чиқаришнинг товуш тизими) асосидаги янгича мактаблар иш бошладилар. Маҳмудхўжа Беҳбудий, Абдуқодир Шакурий, Сиддиқий Ажзий, Ашурали Зоҳидий, Лутфулла Олимий, Абдурауф Фитрат, Мунавварқори Абдурашидхонов каби маърифат фидоийлари майдонга кириб келди. Янгича тизимдаги мактаблар учун Исмоилбекнинг “Хўжайи сибён” (Болалар муаллими) асаридан ибрат олиб, Сайдрасул Сайдазизий “Устоди аввал”, Мунавварқори “Адиби аввал”, Абдулла Авлоний “Биринчи муаллим”, “Иккингчи муаллим” каби ўқув қўлланмаларини яратдилар. Беҳбудий, Фитрат, Ашурали Зоҳидийлар ҳисоб, жуғрофия, адабиёт, тарих фанларидан дарслеридан ёза бошладилар.

1906 йилдан “Тараққий”, “Хуршид”, 1914 йилдан “Садойи Туркистон”, “Садойи Фарғона” ва бошқа қатор газеталар, 1913 йилдан мунтазам равища Беҳбудий муҳаррирлигига “Ойина” журнали нашр этила бошлади. Янги маърифатчилар томонидан Бухорода 1908 йилда “Тарбият ул-атфол”, Тошкентда 1911 йилда “Турон” жамияти тузилди. Шу йили янгича тафаккурли ислом уламоси, муфти Беҳбудий янги давр ўзбек адабиёти тарихида биринчи бўлиб “Падаркуш ёҳуд ўқимаган боланинг ҳоли” миллий фожиасини яратди ва 1914 йилда Самарқанд ва Тошкентда бу ибратли томоша саҳна юзини кўрди. Театр томошаси янги давр маърифатчилари томонидан халқ маърифатини юксалтиришнинг энг самарали усули — ибрат мактаби сифатида ҳаётга кенг жорий этила бошлади. 1914—1916 йиллар орасида ўндан ошиқ драматик асарлар Самарқанд, Төшкент, Кўқон ша-

ҳарларидағи театр труппалари томонидан саҳнага қўйилди ва ҳалқ орасида шуҳрат қозонди. Ҳожи Муин, Абдулла Бадрий, Ҳамза, Фитрат, Чўлпон, Абдулла Қодирий, Абдулла Авлоний каби янги-янги драматурглар бу ишга бош қўшидилар.

Туркистонда Миллий Уйғониш ҳаракатининг улуг етакчиси ва байроқдори бўлган Маҳмудхўжа Беҳбудий фақат биринчи драматург бўлибгина қолмай, миллий театр санъати назариясининг ҳам илк асосчиларидан ҳисобланади. У ўз вақтида Саидаҳмад Васлий, Фазлулваҳҳоб қори каби театр санъатини шаръян ҳаром деб исбот қўлмоқчи бўлган эски уламоларнинг чиқишиларига жавобан исломий манбалар ва мантиқий далилларга таяниб, театр санъатининг “дарсхонаи ибрат” ва шаръян савоб эканлигини исбот қилиб берди.

Россия императори Николай II нинг мустамлака ўлкалар маҳаллий аҳолисини мардикорликка жалб қилиш ҳақидаги 1916 йил 25 июнда чиқарган фармони бутун ўлқада истибдодга қарши умумхалқ қўзғолони бошланиб кетишига сабаб бўлди. Тош, таёқ, кетмон, паншаҳа каби қўлига тушган нарса билан юрт қонини сўриб ётганларга қарши ғалаёнга кўтарилигган аҳоли жуда оғир қурбонлар берди. Подшоҳ амри билан 3 мингдан ошиқ киши судга берилиб, 347 киши осиб ўлдиришга ҳукм қилинди.

Жадидлар ушбу стихияли ҳаракатта бошланишидан қарши бўлдилар, улар ғалаёнларга йўл қўймаслик, қуролсиз аҳолининг қўлида замонавий қурол-яроғ билан юқори ҳарбий тайёргарликка эга бўлган мустамлакачи жазо қўшинларига рўбарў бўлмаслиги учун бутун имкониятларини ишга солиб уриндилар. Чунки уларнинг ақидасига кўра мавжуд шароитда жаҳолат, исён йўли билан миллат ўз мақсадларига эриша олиши мумкин эмас, фақат тинч ислоҳотлар ва маърифат билан ижобий натижаларни кўлга киритиш мумкин эди. Жадидлар душманнинг маккор ўйинларини чуқур тушунар эдилар. Фитрат ёзди: “Зотан қурол кучи билан бир, миллатни йўқ этмак қулай, бор этмак мумкин эмасдир. Қурол кучи билан ҳеч бир жамоатни маданият сари жўнатиб бўлмайди”.¹²²

1916 йилгача асосан маърифатчилик йўналишида фаолият кўрсатган жадидлар, 1916—1922 йилларда замон талабидан келиб чиқиб, сиёсий ҳаётда ҳам етакчи мақомга кўта-

рилдилар. Туркистон мухториятини оёққа қўйиш йўлидаги уринишларда улар олдинги қаторларда бўлдилар. Пролетар диктатурасини зўравонлик билан жорий қилишга уринган “қизил” шовинистларнинг найранглари-ю, фитналарига қарамай, уларнинг барча тазиикларига дош бериб, то 30-йилларгача халқ маърифатини юксалтириш, унинг маънавий дунёсини такомил топтириш учун бутун куч-ғайратларини сарф этдилар. Абдулла Қодирӣ, Фитрат, Чўлпон, Сўфизода, Ҳамза Ҳакимзода ва бошқалар яратган ажойиб асарлар халқимизнинг боқий мулкига айланган бўлса, Мунавварқори, Фози Юнус, Салимхон Тиллахонов, Убайдулла Асадуллаҳўжаев, Заки Валидий Тўғон, Носирхон Тўра, Садриддин Maxsum, Тўракул Жонузоқвларнинг сиёсий-маърифий фаолиятлари Ватан мустақиллиги ва халқ маърифати йўлидаги фидокорлик тимсоли бўлиб қолди.

3. Агар Чор Россияси бизнинг маънавиятимизни турғунликда, қолоқликда тутишга уринган бўлса, большевик-шовинистлар маҳаллий халқларни ўз миллий маънавиятидан буткул бегоналаштириш сиёсатини тутдилар. “Шаклан миллий, мазмунан социалистик” –“совет маданияти” тўлиқ мунофиқлик заминига қурилди. Динни, халқнинг минг йиллик эътиқодини рад этдилар, ўрнига “шахсга сифиниш” ба-лоси рўбарў бўлди. “Пахта мустақиллиги учун” кураш Туркистон халқларини иқтисодий қарамлик ва ночорлик, ўлка табиатининг вайрон бўлиши, сув, ҳаво ва тупроқнинг заҳарланишига олиб келди. “Халқлар дўстлиги”, “интернационализм” байроғлари остида бутун-бутун миллатлар она юртидан бадарга қилинди, миллий ўлкалар аҳолиси таркибини руслаштириш сиёсати қаттиқўллик ва изчиллик билан амалга оширилди. Бугун ҳам ўша қардош халқлар орасига нифоқ солиш мақсадида сунъий равищда юзага келтирилган ҳолат Марказий Осиё халқларининг яқинлашуви йўлида қийинчиликлар туғдирмоқда. Қозоғистон ва Қирғизистоннинг қатор марказий шаҳарларида маҳаллий аҳоли миқдори камчиликни ташкил этиши натижасида юрт эгалири ўз ватанларида ҳайрон. Иттифоқ даврида республикалардаги барча ҳал қилувчи мансабларда маҳаллий бўлмаган миллат намояндлари ҳукм сурар ва сиёсатни Москва кўрсатмасига биноан олиб борар эдилар. Маҳаллий халқ вакилларидан “хўжа кўрсин”га тайинлаб қўйилган раҳбар шахслар барчаси ҳар

қадамда, ҳар сўзда ўзларининг Москва сиёсатига вафодор ва sodik эканликларини исботлаб туришлари ёзилмаган қонун эди. Бу мунофиқона йўналишдан бир баҳя чекинганларга шафқат бўлмасди. Маданият, мафкура соҳасида фақат узоқдаги “марказ”га таъзим, таги пуч коммунизм фоясига далил-исботсиз, шубҳа-гумонсиз сажда қилиш, ёлғон “социализм”га мунофиқона мадху сано асосий хукмрон йўналиш қилиб белгилантган эди.

Тўғри, миллий зиёлиларимиз аждодларимиз меросини ўрганишга анча-мунча ҳаракат қилишиди. Аммо бу соҳада ҳам ёлғон аралаштирумай сўз айтиш мумкин эмас эди. Ўтмиш аждодларимиз меросини ўрганиш асосан ўтмишимишни қоралаш, ўтмишдаги тарихимиз “иллатларини” фош этиш мақсадларига хизмат қўлдириларди. Шунда ҳам миқдорий нисбатларга эътибор берсак, неча минг йиллик исломгача маънавиятимиз тарихини ўрганувчи мутахассислар 70 – 80-йилларгача ўлкамизда деярли мавжуд бўлмаган, 1200 йиллик ислом даврини ўрганувчилар бир неча ўн кишидан ошмас эди, аммо 70 йиллик “советлар” даврининг ҳар сониясини турли жиҳатлардан мадху сано этиш учун тарих, фалсафа, адабиёт ва бошқа ижтимоий-гуманитар йўналишларда минглаб олий маълумотли мутахассисларни ўз ичига олган маҳобатли “мафкуравий кўшин” сафарбар этилган эди. Қанчадан-қанча иктидор эгалари ўз умрларини бехуда оворагарчиликка сарф этганлари бугунга келиб маълум бўлиб турибди. Аччиқ ҳақиқатдан кўз юммаслигимиз керак — бутун юзлаб фан докторлари, минглаб фан номзодлари яна ўша совет даврида рус тилида асосан рус олимлари томонидан яратилган илмий тадқиқотларга таяниб, Европа олимларининг рус тилида босилиб чиққан назарий мулоҳазаларига асосланиб иш юритишларига тўғри келмоқда. Сабаби, улар рус тилидан бошқа тилни, рус ёзувидан бошқа ёзувни ўрганмаганлар, марксизм-ленинизмдан ўзга таълимотни жиддий ўзлаштириш имконлари бўлмаган. Уларнинг кўплари ҳатто ўз она тилларида ўз фикрларини илмий услубда баён қилишга қийналадилар. Бу қарамлик давридан қолган кўргулик эмасми?

Биз асло бирорни айбламоқчи эмасмиз. Аммо ижтимоий фанларимизнинг бугунги аҳволи, маънавиятимиздаги совет тоталитар мафкура хукмронлиги юзага келтирган вазият

“чернобил” ҳодисасини эслатади, шу даражада фалокатли-дир. Кўпчилик зиёлиларимиз онғи ўзлари ҳам яхши тасав-вур этмаган миқёсда мунофиқона совет мафкураси билан заҳарланган, жаҳон маданияти, ўтмиш миллий маънавий меросимиз билан “совет” фильтрисиз бевосита танишиш имкониятидан тил билмаслик, ёзув билмаслик орқасида маҳрум этилган эди. Мана энди мустақиллик туфайли бу соҳада кескин жонланиш, фаол интилиш юзага келмокда, ёшлар турк тили, инглиз тили, бошқа тиллар орқали жаҳон фанига кириб боришга уринишмокда. Аммо улар кўпчилиги ҳали ёш, вақт эса кам, мустақил илмий методология ҳануз ишлаб чиқилмаган. Очиқ тан олиш керак, бугун аниқ фан-лар, табиий-иктисодий билимлар соҳасида ҳам муаммолар кўп, аммо маънавият, миллий мафкура соҳасида аҳвол ўта мураккаб. XX аср миллий маънавиятимиз улкан ютуқларга эришди, бу соҳада, айниқса, 20—30-йиллар миллий зиёлиларимизнинг жонбозлигини асло унутмаслигимиз керак. Ўша даврда етишган рус зиёлилари ҳам бизнинг тарихимиз, ада-биётимизни ўрганишга катта ҳисса қўшдилар, буни ҳам инкор этиш ноинсофлик бўлади. У даврда ҳануз совет тотали-тар мафкура механизми пухта созланиб улгурмаган, “ёрқин келажакка” умид билан интилувчи хаёлпарастлар мафкура соҳасида анча-мунча мавқега эга эдилар. Ўша даврда ҳам миллий маънавият учун очиқча кураш хавфли эди, аммо ҳануз “тешик-туйнуклар” тўлиқ беркитилмаган, хур фикрни “янги мафкура”га бироз мослаб ўтказса бўларди. 30-йил-ларнинг ўрталарига бориб, миллий маънавиятимизни тўлиқ синдириб, янчиб ташлашга қаратилган сиёsat изчил амалга оширила бошланди. Асл зиё эгалари отиб, букиб ташланди. Ёзувимиз уч марта қайта ўзгартирилди. Диний эътиқоднинг энг заиф учқунларигача аёвсиз қатағон қилинди. “Миллатчилик” тамғаси энг даҳшатли айблов бўлиб, “халқ душмани” статусини олди. Ҳозир ҳақли савол туғиладики, қайси миллат манфаатини ўйлаганлар қайси халқнинг душмани сифатида жазо олдилар?

4. 50-йиллар иккинчи ярми, 60-йиллар бошларида Стalin шахси фош қилиниши муносабати билан яна бироз “тешик-туйнуклар” очилиб, зиё аҳлига озгина бўлса ҳам эркинроқ нафас олиш имкони туғилди. Албатта, “совет социалистик гоялари” чегарасида, аммо нисбатан ҳалолроқ,

самими ироқ сўзловчи иқтидорли ёшлар адабиёт соҳасига кириб келдилар, ўтмиш меросимизни ўрганишга ҳам эътибор кучайди. 40 — 50-йилларда Шарқ факултетини битирган кичик, аммо иқтидорли гурӯҳ, эски таълимдан баҳраманд бўлган ва тасодифий сабабларга кўра 30-йиллар қатағон машинаси чангалидан тирик қутулиб қолган саноқли иккинчи қатлам зиё эгаларига таяниб, эътиборга сазовор ишларни имкон доирасида амалга ошира бошладилар. Баъзи раҳбарлик лавозимидағи кишилар, Ҳабиб Муҳамедов каби фидойлар “совет социалистик мафкураси”га самими ишонган ҳолда миллат манфаати учун қайғуриб, миллий маънавият унсурларини имкон доирасида ёш авлод онгига етказишга уриндилар, бунинг учун ҳаракат қилаётган ҳақиқий илм эгалари. зиёлиларга фаолият майдонини эркин қўйиб бердилар. “Ҳамса”нинг тўлиқ матни, “Ҳазойин ул-маоний”, “Бобурнома”, “Қутадғу билиг” матнлари шундай шароитда нашр этилди, Алишер Навоий номидаги Адабиёт музейи шундай имконият доирасида ташкил топди. Аммо барибир, тез-тез кўриб кўрмасликка солишга, билиб билмасликка олишга, Навоийни, Жомийни, Улугбекни, Нодирани яхши дейиш учун тарихий воқеликка хилоф равищда Атторни, Ҳўжа Аҳорни, Амир Темурни, Умархонни ёмонотлиқ қилиб қоралашга мажбур бўлинди. Амирий девонини, “Сафарнома” матнини эълон қилишга журъат этган олимлар дўқ-пўписа эшитдилар. Энг ёмони аждодларимиз мероси асли ҳолича эмас, “кесилган”, “қирқилган”, ҳоким мафкура руҳига мослаб талқин қилинган ҳолда ёш авлодга етказилди. Шу сабабли асл матнни ўқий олмайдиган, эътибор қилишга вақт топмаган, ўша алломалар яшаб ижод этган маънавий муҳитни тўғри идрок этиш имконига эга бўлмаган авлод кўплаб тарихий ҳақиқатга зид “фикр” ва “холосалар”ни ҳануз чиппачин қабул қилиб, шу асосда мулоҳаза юритмокда, ҳатто бу гумроҳлик заминида илмий тадқиқотлар олиб боришга уришишлар мавжуд.

Қисқаси, инсон эркин бўлиши учун, унинг маънавияти мустақил ва эркин шаклланиши учун биринчи шарт миллат ва мамлакат мустақиллигидир.

Биз бу мустақилликка 1991 йил 1 сентябрдан эришдик.

Ажаб ҳодисаки, мустақиллик ёмон одамни ҳам яхшилик сари ундар экан. Сабаби, инсон боласи табиий шароитда

табиийлик сари интилади, табиийлик эса ҳамиша яхшилик, эзгуликдир. Ёмонликни нотабий шароит пайдо қилади, миллий қарамлик вазияти шундай нотабий шароитни вужудга келтирган эди. Шу асосдан келиб чиқиб, биз бугун ҳеч кимни кечаги айблари учун гуноҳкор этмаганимиз маъқул, фақат ниятлар фарқ қилади, турли инсонларнинг имкониятлари бир-биридан ўзгача эканлиги табиий ҳолдир.

Биз яқин ўтмишимиз, аниғи, “совет даври”да юзага келтирилган маънавий меросдан асло воз кечишими, унга менсимай қарашибимиз мумкин эмас. Ҳамза ва Садриддин Айний, Ҳамид Олимжон ваFaфур Фулом, Ойбек ва Абдулла Қаҳҳор адабий мероси ўзбек халқининг маънавият хазинасидан муносиб жой олгандир. Албатта, улар ижодида замонасозлик ҳам, бадиий меъёрга етмаган баъзи асарлар ҳам бўлиши мумкин. Аммо уларнинг бадиий салоҳияти, ўзбек халқи ва Ватанга меҳри, халқ маънавий камолоти учун қўшган ҳиссаси беназир эканини фаҳр билан тан олсан арзиди. “Совет даври” деб аталган 70 йиллик мураккаб тарихий жараён давомида миллий зиёлilarимиз ҳар бири ташқи имкон ва ички салоҳият даражасида халқ кўнглини ўстириб, маънавий оламини бойитиб келдилар, биз буни эътироф этишибимиз ва миннатдорчилик билан улар иззатини жойига қўйиб, асарларини янгича нуқтаи-назар билан янгидан кўриб чиқишибимиз лозим. Умуман, большевиклар одатини такрорлаб, бу — мутараққий, нариги — мутаассиб ёки реакцион деб тамға босиши инсофдан ҳам эмас, илмга ҳам мувофиқ эмас. Ҳар тўқисда бир айб. Биз фазилатни кўра билайлик.

Мустақиллик маънавияти халқимизнинг неча минг йиллик мустақил маънавий камолот йўлига таянади, миллий маънавиятимиз такомил босқичларини энг умумий сатҳда бир қур кўздан кечириб чиқишини лозим топганлигимизнинг боиси ҳам ана шунда.

Таянч иборалар: Иккинчи босқич — миллий маънавиятимизнинг Янги давр Европа маданияти билан бевосита тўқнашуви, қадим Туроннинг Россия империяси мустамласига айланиши, Янги давр Европа маънавий муҳитига хос қарама-қаршиликлар кураши ва коммунистик утопиянинг пайдо бўлиши, воқеликнинг мураккаб жиҳатлари, халқи-

миз тарихида изтиробли давр, миллий қарамлик ва маънавий хўрлик, Феруз ва Фурқатлар маърифатпарварлиги, таълим тизимидағи тургунлик, “Хинд сайёхининг қиссаси”, миллат ва Ватан фидоийларининг фожеий қисмати, Миллий уйғониш ҳаракати, Туркистон ўлкаси халқларининг миллий мустақиллик учун курашида икки йўналиш, жадидчилик ҳаракати, “усули жадид” мактаблари, Маҳмудхўжа Беҳбудий, Абдурауф Фитрат, Мунавварқори Абдурашидхонов, Абдулла Авлоний ва бошқалар яратган янгича ўкув қўлланмалар, янги матбуот, муфтий Беҳбудийнинг “Падаркуш ёхуд ўқимаган боланинг ҳоли” миллий фожиаси ва миллий театрнинг шакланиши, “дарсхонаи ибрат”, жадидларнинг сиёсий фаолияти ва Туркистон мухториятининг фожеали тақдири, жадидлар яратган маънавий мерос — халқимизнинг боқий мулки, большевик-шовинистларнинг миллатлар маънавиятига мунофиқона муносабати, руслаштириш сиёсати, қардош халқлар орасига нифоқ солиш ҳаракатлари, “халқ душманлари”, инсон эркинлигининг биринчи шарти, “совет даври”да яратилган маънавий меросга муносабат, Ҳамза ва Садриддин Айний, Ҳамид Олимжон ва Фафур Ғулом, Ойбек ва Абдулла Қаҳдор адабий мероси — ўзбек халқининг маънавий хазинаси, миллий зиёлиларимизнинг хизматлари.

Тавсия этилувчи ва фойдаланилган адабиётлар рўйхати:

Асосий адабиёт:

1. Каримов И. А. Озод ва обод Ватан, эркин ва фаровон ҳаёт — пировард мақсадимиз. 8-жилд. Т. — “Ўзбекистон” — 2000, с. 59—67, 475—478.
2. Каримов И. А. Биз келажагимизни ўз қўнимиз билан қурамиз. 7-жилд. Т. — “Ўзбекистон” — 1999, с. 132—154, 407—410.
3. Каримов И. А. Истиқдол ва маънавият. Т., 1994, с. 110—112.
4. Каримов И. А. Маънавий юксалиш йўлида. Т., 1998.
5. Каримов И. А. Ўзбекистон: миллий истиқдол, иқтисод, сиёсат, мафкура. 1-жилд. Т. — “Ўзбекистон” — 1996, с. 86—103.
6. Қосимов Б. М. Беҳбудий. Т., 1997.

7. Мустафо Чўқай ўғли. Истиқлол жаллодлари. Т., 1992.
8. Муҳаммад Раҳимхон Феруз. Элга шоҳу ишққа қул. Т., 1994.
9. Иномназаров М. С. Миллий маънавиятимизнинг такомил босқичлари. Т., 1996.
10. Ш. Ризаев. Жадид драмаси. Т., 1997

Кўнимча адабиёт:

11. Маънавият юлдузлари. Т., 1999.
12. Абу Тоҳир Хожа. Самария. Т., 1991.
13. Муҳаммад Раҳимхон Феруз. Не бўлди, ёрим келмади. Т., 1991.
14. Ўзбекистон шарқшунослари. Т., 1996.
15. Ахундов М. Ф. Обманутые звёзды. Избранное. М., 1963.
16. Горький М. Несвоевременные мысли. М., 1990.
17. Муҳаммад Ризо Огаҳий. Таъвизул-ошиқин. Т., 1960.
18. Саттор М. Ўзбек удумлари. Т., 1993.
19. Жумахўжа Н., И. Адизова. Сўздин бақолироқ ёдгор йўқдир. Т., 1995.
20. Содик Санжар. Сўз санъати жозибаси. Т., 1996.

15-маъруза. ШАХС ВА МИЛЛАТ МАЪНАВИЙ КАМОЛОТИНИНГ УЙФУНЛИГИ

ДАРС РЕЖАСИ:

1. Маънавият ва маърифат.
2. Исломгача маънавият – асотир тафаккурдан миллий ўзликни англаш сари.
3. Ислом миңтақа маданияти доирасида миллий маънавиятимиз такомили ва маърифат йўллари:
 - а) Сунна босқичи – Ибрат маърифати;
 - б) Ислом маърифатчилиги босқичи – Илм маърифати;
 - в) Тасаввуф тариқатлари босқичи – Риёзат маърифати;
 - г) “Мажоз тариқи” босқичи – Мехр маърифати.
4. Янги даврда миллий маънавиятимиз такомилининг бош муаммоси – сиёсий ва маънавий тараққиёт уйфунлиги масаласи.

1. XX аср бошларида таниқли рус шарқшуноси Олденбург Европанинг маънавият соҳасида шу кунгача қўлга киритган ютуқлари ўтмишда Шарқ маънавияти кўтарилиган камолот чўққиларига нисбатан гўдак боланинг “чугур-чугури” даражасидадир, деган эди. Нега энди? Бизнинг назаримизда, бу холоса Шарқда кўп асрлик маънавий такомил жараёнида онгли равишда ишлаб чиқилган мукаммал маърифат йўллари, маънавий тарбия восита ва усулларидан ҳайрат заминида шаклланган бўлиши керак.

Аждодларимиз ташбехига кўра, маънавият инсон қалбидা акс этган илоҳий нур, Олий ҳақиқат нури бўлиб, уни ўзида акс эттира олиши учун инсон қалби сайқал топмоғи зарур. Зоро, сайқалланмаган кўнгилни худбинлик занги, гараз чирки эгаллаб олади ва бундай инсон руҳиятида жаҳолат ва зулмат устунлик қила бошлайди. “Кўнгил кўчалари қайларга бошламайди” дейилганда, ана шу зулматда қолган кўнгил кўчаларидағи адашув, гумроҳлик назарда тутилса керак.

Инсон қалбига сайқал бериш жараёни эса маърифат дейилади. Маърифат маънавият сари элгувчи йўллардан иборат бўлиб, Алишер Навоий “маърифат водийси”ни шундай таъриф этади:

*Водиедур юз туман минг онда йўл,
Ул бу бир келмай, онингдекким бу ул.
Ихтилофи жузв ила кулл мундадур,
Ким тараққию таназзул мундадур.
Юз туман раҳрав кўрасен беқарор,
Ҳар бири бир йўлни айлаб ихтиёр.
Ўз борур йўлиға ҳар бир муфтахир,
Йўлни айлаб ўз йўлиға мунхасир.
Бу они тутмай мусаллам, ул муни,
Ҳар бир ўздин ўзга кўрмай, ул буни.¹²³*

(Насрий баёни: Бу шундай бир водийдирки, уни юз туман минг турли йўллар кесиб ўтади, аммо улардан бири иккинчисига сира ўхшамайди. Бутун ва бўлак ўргасидаги қарама-қаршилик ҳам шу ерда мавжуд. Тараққиёт ҳам, таназзул ҳам шу жойдадир. Унда сен юз туман йўловчини беқарор бир тарзда, ҳар бири ўзга бир йўлдан кетиб бораётган ҳолда кўрасан. Уларнинг ҳар бири ўзи кетаётган йўл билан

фаҳрланади, ҳар бири йўлни ўз йўли томонга буради. Бири хуш тутган йўлни иккинчиси хоҳламайди, ҳар бирининг кўзига ўзиники яхши кўринади, бошқасини эса назарга илмайди).

Алишер Навоий ўз мулоҳазалари сўнгидаги бир гурӯҳ сўқиркишиларнинг фил ҳақидаги баҳслари хусусида машҳур ривоятни келтириб, хуоса қиласиди, агарчи маънавият йўллари беҳисоб бўлса-да, мақсад ягона — Ҳақиқатни англаб етиш. Инсонларнинг Ҳақиқат ҳақидаги тасаввурлари турлича бўлса ҳам, уларнинг барчаси бир ерга жамланса, умумий тасаввур асл моҳиятта яқинлашади.

Маънавий камолот жараёни турли ўлчамларда амалга ошади. Бири алоҳида шахс умри давомида, иккинчиси — миллатнинг тарихий тараққиётida, яна минтақа миқёсида, умумбашарий миқёсда ва ҳоказо. Бу жараёнлар, албатта, бирбири билан узвий боғланишда бўлади. Масалан, якка шахс маънавиятининг шаклланиши умуммиллий ва умумбашарий маънавий тараққиёт даражасига кўп жиҳатдан боғлиқ бўлса, миллатнинг маънавий такомили уни ташкил этувчи шахслар маънавий дунёсидаги ўзгаришлар туфайли юз беради. Биз шу пайтгача миллатнинг маънавий такомили ҳақида сўзладик ва уни уч катта даврга бўлиб кўриб чиқдик. Бу уч давр бир-бирининг узвий давоми бўлиш билан бирга, ўзаро туб хусусиятларига кўра фарқ қилишини ҳам алоҳида қайд этиш зарур.

2. Улардан биринчиси — исломгача маънавият даври — жуда узоқ — бир неча минг йиллар давом этди. Уни инсоннинг гўдаклик, болалик, ўсмирлик йилларига қиёс қилиш мумкин. Ёш болада ҳали мантиқий тафаккур яхши ривожланган бўлмайди, у эртаклар, афсоналарга ишонади, бола учун ҳаёт сеҳрли эртакдек туюлади. Айни шу ҳолат ибтидоий жамоа ва илк шаҳарлар давридаги аксарият инсонлар тафаккурига ҳам хосдир. Гўё гўдак инсон зотини ўз оила аязолари — ота-онаси, ака-укалари миқёсида, оламни яшаб турган хонадони миқёсида идрок этганидек, ибтидоий одам ҳам ҳали на инсониятни, на миллатни яхлит тасаввур эта олмайди, оила, уруг, жамоа, қабила, элат даражасида фикрлайди. Мавҳум тушунчаларни идрок этиш бола онги учун оғирлик қиласиди, худди шунингдек ибтидоий одамлар ҳам ҳар қандай мавҳум тушунчаларни бирор муайян нарса-ҳоди-

сага боғлаб тасаввур этадилар. Айни шу хусусият асотир тафаккур (мифологическое мышление) учун хосдир. Ибтидой одам учун инсоният – ўз оила аъзолари, уруғ жамоаси (кatta оила сифатида), кейинча бориб, қабила, элатдан ташқарида эмас. Қабила бир уруғдан тарқалган ирсий биродарлар уюшмаси деб тасаввур этилади. Мушриклиқ, бутпрастликнинг ҳам асл сабаби – айни шу асотир тафаккурдир. Чунки пайғамбарлар доимо ягона Тангри номидан сўзлаганлар, фақат ибтидой инсонлар қадим яхудийлар олтин бузоқса синганидек, ягона Тангри ҳақидаги илоҳий ваҳийни муайян нарса-ҳодиса билан боғлаб тасаввур этганлари натижасида санамларга сигиниш пайдо бўлган. Ҳар бир қабила ўзи эътиқод қилган Парвардигорини бошқа қабиланикidan фарқ қиласи деб тасаввур этиш натижасида, айниқса, шаҳар-давлатдан империялар даврига ўтиш босқичида кўпхудолик тизимлари юзага келади.

Инсон маънавияти такомил топиб борган сари унинг шуури ёришиб, аввал миллат (халқ, “будун”) сўнг минтақа ва, охири, инсоният даражасида ўзлигини англаб борган. Бугун энди коинот даражасида фикрлашга ўтиб, ўзга сайёralардан ўзига teng ақдли мавжудотларни қидирмоқда.

Аммо инсониятнинг болалиги ҳам беҳуда ўтмаган. У биринчи бўлиб, Ватанини, она-заминни таниган, яратувчилик меҳнатини қадрлашни ўрганганд. Эзгулик ҳалолликда, рост сўзда эканини, ёмон ният, ёлғон сўз, қинғир амалнинг оқибативой бўлишини англаб етган. Пайғамбарлар келтирган илоҳий ваҳийга қулоқ тутган, ақдли етганча яхшиларга эргашган. Миллий ўзликни таниш ва ягона Аллоҳни тан олиш бир-бирига яқин ва тулаш даврларда юз бергани биз учун ибратлидир. Бу даврда маънавий камолот асосан ибрат заминида юз беришини ҳам алоҳида қайд этиб ўтиш лозим. Бу ҳам болаликка хос хусусиятдир.

Туркий миллатнинг ўзлигини англаш жараёни турли бегона империялар босқинидан юртни ҳимоя қилиш билан боғлиқ равишда кечганигини унумаслигимиз керакдир. Шу жиҳатдан ҳам миллий ўзликни англаш ўсмирликдан йигитликка томон улғайиш – балоғат даврига ўхшаб кетади. Айни шу даврда ёшларимиз юрт ҳимоясига тайёргарликни ўтайдилар, Ватан нима эканлигини ўzlари учун амалда янгидан каашф қиласидилар.

3. Асотир тафаккур ҳукмронлигидан эътиқодий бағрикенглик аро миллий тафаккурга ўта бошлаган туркий элатлар тавҳид эътиқоди туфайли қўшни халқлар билан ягона маданий минтақага бирлашдилар. Ушбу ягона маданий бирлик доирасида миллий маънавиятимиз янги уфқлар сари юксалиб борди. Биз VIII–XV асрларни ўз ичига олган ушбу кутлуг даврни 4 босқичга ажратиб ўргандик. Аммо бир нарсани, албатта таъкидлаб ўтиш жоиз. Ислом минтақа маданияти ўзидан олдинги даврда инсоният эришган барча ютуқларни чуқур ўзлаштирди, мушриклик эътиқодининг рад этилиши асло қадимги маданият самараларини ёпласига рад этиш деб тушунмаслик керак. Қолаверса, ислом минтақа маданияти доирасидаги миллий маънавиятимиз ривожининг биринчи поғонаси бўлмиш сунна босқичи, биринчи навбатда, ибратга қурилган бўлса ҳам, ҳеч қачон илмни, риёзатни, меҳрни инкор этган эмас. Кейинги босқичларнинг ҳам етакчи тамойилларига биз алоҳида урғу берганлигимиз олдинги босқичдаги тамойиллар йўқ бўлиб кетганини ёки назардан четда қолганини билдирамайди. Миллий маънавиятимиз тараққиётининг ҳар бир даври, ҳар бир босқичи ўта мураккаб мазмунга, турли тамойилларининг ўзаро узвий туташган муайян уйғунликдаги тизимиға эга бўлиб, уларнинг ҳар бирини алоҳида ўрганиш лозим. Аммо биз масалани илк умумий ёндошув даражасида талқин этганимиз сабабли, энг ёрқин тамойилларни ёритишга интилдик ва кўп нозик жиҳатлар сояда қолиб кетганини тан олиб ўтамиз.

Бугунги кунда биз “маърифат” тушунчасини баъзан тор талқин қилиб, илм ўрганиш, турли соҳалардан билим ҳосил қилиш деб ўйлаймиз. Асли ақл билан англаб етиладиган билимларни ўзлаштиришга интилиш “маърифат водийсида”ги бир йўналиш, холос. Форобий сингари файласуфлар, Юсуф Хос Ҳожиб каби аллома шоирлар ақлни, мантиқий тафаккур йўли билан ўзлаштириладиган билимларни инсонни баҳтсаодат сари элтувчи асосий йўл деб тушунганлар. XVIII–XIX аср Европа маданиятида ҳам шу фикр етакчи бўлди. Аммо кейинги даврларда кўп аждодларимиз илм йўлини етарли деб билган эмаслар.

а) Мұхаддислар наздида ҳазрати пайғамбаримиз ибрати инсон маънавий камолоти учун бош маёқдир. Шу сабабли улар умр бўйи риёзат чекиб, ҳадис тўплаганлар, уларни

таҳқиқ этиб “саҳиҳ”, яъни ҳақиқий, ишончлиларини “зиф”ларидан ажратиб таснифлаганлар. Натижада, инсон ҳаёти учун ниҳоятда муҳим муаммоларга жавоб бера оладиган исломий ахлоқ-одоб қоидалар тизими вужудга келган. Ибрат йўли бугун ҳам шахс маънавиятини шаклантирувчи муҳим йўналишларданцdir.

Асли маърифатнинг илк йўли ибратдир. Гўдак ёруғ дунё юзига келиб, яшаш ишқи билан ҳаётга интилар экан, ишни ибратдан бошлайди, она ибрати, ота ибрати, акалар ва опалар, бувилар ва боболар ибрати билан воқеликка ўз муносабатини шакллантира бошлайди. Бу дунё асли инсонга ибрат учун яралган. Дараҳтларнинг қуёш сари бўй чўзмоғи — ибрат, жониворларнинг ўз тақдирига ризолиги — ибрат, тоғлар устиворлиги — ибрат, уммонлар теранлиги ибрат, қуёш ва ой хизмати, кеча ва кундуз навбати — ибрат. Пайғамбарлар сидқи. валийлар қаромати, алломалар илми, зоҳидлар тақвоси. ошиқлар ишқи. эранлар жасорати. ташаббускорлар файрати, оқиллар тадбири, ҳаё эгаларининг андишаси, сиддиқлар ибоси, оналар меҳри, оталар бағрикенглиги, гўдаклар беғуборлиги, кексалар улуғворлиги — барча-барчаси инсон учун ибратдир.

Ў) Ёмондан ёмонликни англаб, ундан қайтмоқ ибрат, яхшидан яхшиликни англаб унга эргашмоқ-ибрат. Ўрининг тақдири — ибрат, фоҳишшанинг фожиаси — ибрат, фотиҳлар умри — ибрат, сотқинлар тубанлити — ибрат. Нима ибрат эмас? Барчаси ибрат.

Ибрат ола билмоқ — маънавият, кўриб — ибрат олмаслик — маънавий сўқирликдир. Аммо ибрат тақлид эмасдир, ибрат ўрнига тақлид — дил қўзининг кўрлигига далолатдир, қачонки, кимдаки, қаерда, қайси замонда ибрат ўрнини тақлид эгалласа, маънавиятнинг ўлгани — ана шу. Масалан, Пайғамбаримизнинг аёлларга муносабати. Ул ҳазратнинг аёлларга бўлган шафқати, меҳри, ҳилми, садоқати, адолати — ибрат. Ул ҳазрат ҳаёти воқелигидан фақат кўп хотин олишга рухсатни кўриш — ҳамоқат, ул ҳазратни кўп хотинликда айблаш — мусулмон учун хиёнат, ўзга учун туҳмат. Ҳар икки охирги ҳукм — моҳиятдан узоқ зоҳирбинлик ва жаҳолат, шайтон васвасасидир. Бир неча аёлга уйланиб, уларга пайғамбар шафқати, меҳри, адолати ва ҳимматини кўрсата оламан деб, ўз-ўзига фириб бериш — тақаббурлик,

шаҳватпарастлик ва фафлатнинг биргалашиб инсоғ ва инсон тафаккури устидан ҳукм ўрнатиши, инсон маънавий ҳалокатининг ибтидосидир.

б) Маърифатнинг яна бир буюк ўчоги илмдир. Илмни Шахс камолотининг иккинчи босқичи деб ҳисоблаш мумкин. Агар боланинг илк тарбияси кўпроқ атрофидаги каттадардан ўрганиш, ўқиган-эшитган эртак қаҳрамонларидан ибрат олиш асосида бўлса, ўсмир ёшига ўтишидан унинг шуурида ҳаёт ҳодисаларига таҳлилий ёндошув уйғонади. Мактабда ҳам шу сабабли алоҳида фан асосларидан таълим бериш 6—7-синфлардан бошланади. Махсус илмларга чуқур кириб бориш эса олий ўқув юртларида амалга оширилади. Демак, илмий тафаккурнинг шаклланиши балоғат ёши билан боғлиқ. Албатта, ҳаётга илм асосида ёндошув барчада бир хил даражада бўлиш қийин. Ҳақиқий илмга қобиллик алоҳида истеъдоддир.

Илм — тафаккур билан бўлади, ахборот йигиш илмга тайёргарлик бўлиши мумкин, ундан ортиқ эмас. Умр бўйи таом пиширмоқ учун сабзи-пиёз арчиб овора бўлган, аммо олов ёқиб, қозон қиздирмаган одам очликдан ўлар, аммо қорни тўймас. Илм — асли аждодлар ибратидир, ўтганлар, биз кўрмаганлар ҳақида хабар орқали ибратдир. Пайғамбаримиз ҳаёти — ибрат, Имом ал-Бухорий ҳаёти ва фаолияти ибрат, “Жомеъ ас-Саҳиҳ“ китоби эса илмдир. Форобийнинг илм йўлидаги фидоийлиги ибрат, “Фозил шаҳар фуқароларининг қараашлари” рисоласи эса илмдир. “Қонун фи-т-тиб” — илм, Ибн Синонинг илмга чанқоқлиги эса ибратдир.

Биз Форобий ва Ибн Сино илмини ўзлаштиришга астайдил бўлмасак, аммо фарзандимизга уларни ибрат қилиб кўрсатсак, “Жомеъ-ас-саҳиҳ“ни ўзлаштирмасдан пайғамбаримизга меҳру садоқатдан лофт урсак, риёдир, мунофиқликдир, бу билан фақат ўзимизни инсонлар ва Аллоҳ олдида шарманда қиласми, гуноҳларимизни кўпайтирамиз, жаҳолатимизни фош этамиз. Аммо жаҳондаги барча илмларни инсон эгаллаб улгура олмаслиги ҳам маълум. Дунёнинг иши илм ва фаросат билан бўлур. Дарвоқе — фаросат ҳам Аллоҳнинг инъоми — маънавият нуридир. Инсон ўзига нима ва қай даражада лозим эканлигини фаросат билан (ва фаросатига яраша) аниқлаб олади. Содда бир мисол: Ибн Синонинг “Қонун-фи-т-тиб” китобини мукаммал ўзлаштирма-

ган кишини айблаб бўлмас, Инсон маънавий камолоти — бу билан белгиланмас. Аммо ҳар бир шахс ўз соғлигининг қадрига етиш даражасида, ҳар бир она ўз фарзандини соғлом вояга етказиш зарурати даражасида тиб илмидан баҳраманд бўлмоғи айни маънавий камолотга ишорадир.

Илм — ҳосил қилинган билимни идрок этмоқдир. Аммо илмни фақат рисолалардан, қоғоз юзидан қидирмоқ ҳам етарли эмас. Саводсиз деҳқоннинг зироат илми баъзи ўқиб-уқмаган ёлғон академикнидан бир неча бор юқори ва му-каммалроқ бўлиши мумкин. Ер илми, табиат илми — ёлғиз китобдан ўзлаштирилмайди, ерга, табиатга, ҳар бир кўкат ва жонли мавжудотга меҳр билан, эътибор ва идрок билан белгиланади.

Саркардалик илми, умуман, раҳбарлик илми — санъат даражасидаги илмдир, ҳарбий маҳорат ҳақида минг бир китобни ўқиган одам лашкарни жабҳада ғалабага еткиза олишига ҳеч ким кафолот бера олмайди. Бир сўз билан айтганда, илм фақат китобда эмас, аммо китоб ўқимай илмга эришаман, дейиш ҳам оқиллиқдан ташқаридир.

Халқимизнинг VIII—XV асрлар ягона ислом минтаقا маданияти доирасида маънавий камолоти миллатимизнинг бугунги маънавий қиёфаси шаклланувида айрича аҳамиятга эга бўлди. Бу давр аждодларимиз меросидан хабардорлик, ушбу маънавий такомил жараёнини тўғри идрок этиш миллий маънавиятимизнинг таркибий жиҳатлари ҳақида салмоқли тасаввур беради. Ислом минтақаси доирасидаги яхлит маънавий такомил жараёни — инсоннинг ўзлигини англаш йўлидир. Бу йўлнинг асл моҳияти Тавҳид эътиқоди бўлиб, уни ибтидода ибрат даражасида, ахлоқий камолот эгаларига эргашув тариқасида қабул этилган бўлса, кейинроқ ақл, мантиқий тафаккурга таяниб, умумбашарият яратган яхлит илмий ва маданий меросни англаб этишга интилиш кучайди. Борлиқнинг ягоналиги ҳақидаги илмий-фалсафий тасаввур шаклланди, ягона борлиқ моҳиятига қарашлар хилма-хиллиги идрок этилди. Эътиқод илм билан мустаҳкамланди. Инсон ўзини ва воқеликни тушунишда асотир тафаккур босқичидаң илмий тафаккур босқичига кўтарилиди.

В) Аммо илм, ақл қудрати инсон ва жамият маънавий такомили учун етарли эмаслиги сезилиб қолди. Ирфоний такомил, риёзат йўли минтақа халқлари маънавиятида тобо-

ра кенг кўлам касб этди. Ҳақиқат ишқи ирода қудратини синай бошлади. Инсон ҳақиқат йўлида ўзликдан кечишни ўрганди. Диллар худбинлик зангидан поклана бошлади. Албатта, орифлик ҳар кимга ҳам насиб этмайди, валийлик рутбаси бугунги бизнинг тасаввурларимиздан беҳад юқоридир. Лекин маънавият ҳақиқат йўлида руҳият сафарбарлиги эканлигини аждодлар бизга англатдилар.

Тасаввуф аҳли, яъни сўфийлар, ибрат ва ақлга, билимга таянишни етарли деб топмай, риёзат йўлини. руҳий сафарбарлик, ирода қудратини намойиш этиб, нафсни поклаш йўлларини ишлаб чиқдилар. Тасаввуф маърифати ўзи бир ҳудудсиз олам. Унинг ўз мақом ва ҳоллари мавжуд. XII—XIII асрларда ўндан ортиқ тасаввуф сулуклари (йўллари) шаклланган. Жумладан, Марказий Осиёнинг ўзида Яссавия, Қодирия, Кубравия каби турли йўналишлар кенг урф бўлган. Буларнинг ҳар бирига батафсил тўхталинса, сўз узаяди. Риёзат чекиб кўнгилни поклаш, уни худбинлик зангидан тозалаш тасаввуф сулукларининг асл мақсадидир. Инсон ўз бошига тушган, ҳаётида рўй берган қийинчиликлар, турли бало-ю кулфатларга чидаши, тоқат қилиши сабр-бардош дейилади. У ҳали риёзат эмас. Ҳақ йўлида онгли равища инсон ўз олдига улуғ бир мақсадни белгилаб, унга етишиш учун ихтиёрий равища барча қийинчиликларни бўйинга олиб, тўсикларни енгиб ўтиб, олға интилишигина риёзат бўлади. Инсон риёзат чекмай умуман бирор нарсага эришиши қийин. Халқимиз шунинг учун, содда қилиб, “жондан кечмасанг, жонона қайда”, дейди. Дарҳақиқат, риёзатсиз на у дунё, на бу дунё саодати инсонга насиб бўлмайди.

Аллоҳнинг инояти билан тасаввуф ирфони бизнинг заминда такомил чўққисига кўтарилди. Ҳазрати Баҳовуддин касб этилган ирфоний қувватни эзгулик йўлида амалий фолиятга татбиқ этишга даъват этди. Хўжа Аҳрор ва Жомий, Алишер Навоий ва Маҳдуми Аъзамдек маънавият даргалари ушбу йўлда юксак намуна кўрсатдилар.

Тасаввуф ирфонида аввал зуҳду тақво етакчи мақом тутган бўлса, кейинроқ илоҳий ишқ тушунчasi юқори ўринга кўтарилди. Бу туйғу охир-натижада инсонни фанодан бақога олиб чиқувчи асосий восита деб топилди.

г) XIV асрга келиб Марказий Осиёда тугал шаклланган нақшбандия сулуки ҳазрати Баҳовуддин Нақшбанд олға сур-

ган машҳур “дил ба ёру, даст ба кор” шиори орқали маънавий камолот эгаларини янги, юқорироқ босқичда амалий фаолликка унади. Айни шу даврдан мумтоз адабиётда янги йўналиш, Навоий таъбири билан айтганда, “мажоз тариқи” шакллана бошлади. Бу йўналишнинг моҳиятида янгича талқин этилган “мажоз ишқи” ётади. Ҳанузгача мумтоз адабиётимизга доир тадқиқотларда Алишер Навоий аниқ фарқлаб берган “ҳақиқат тариқи” ва “мажоз тариқи” йўналишлари мавжудлиги жиддий эътиборга олинмайди, “мажоз ишқи” ибораси жўнгина “дунёвий ишқ” деб талқин этиш билан чегараланади. Дарҳақиқат, ирфоний адабиёт намояндалари “мажоз” тушунчасини шундай тушуниб ва тушунтириб келганлар. Аммо мумтоз адабиётда Амир Хусрав Деҳлавийдан бошлаб “ишқи мажозий” тушунчасининг талқини ўзгара бошлади. Алишер Навоий умрининг охирида ушбу янгича талқин моҳиятига илмий аниқлик киритиш мақсадида “ишқ” ни икки (“ишқи ҳақиқий” ва “ишқ мажозий”) эмас, балки уч қисмга ажратиб: “авом ишқи”, “хос ишқи”, “сиддиқлар ишқи” деб атади. Шундай қилиб, ҳам биз “дунёвий муҳаббат” деб таърифлайдиган “авом ишқи”дан, ҳам “илоҳий муҳаббат” деб ажратадиган “сиддиқлар ишқи” ёки “ишқи ҳақиқий”дан фарқ қилиувчи алоҳида маънавий воқелик – “хос ишқи” мавжудлиги аниқ бўлди. Унинг асл моҳияти поклик, беғаразлик билан боғлиқ. “Хос ишқ” эгалари инсонга, бутун воқеликка “Олий ҳақиқатнинг мазҳари” (инсон кўзига намоён бўлиши) деб қарайдилар ва шунга мувоғиқ муносабатда бўладилар. “Мажоз ҳақиқатнинг кўпригидир”, дейилиши шундан. Улар фанода бақони севадилар, инсонга “ҳақиқат асрорининг ганжинаси” бўлган кўнгил мулки туфайли меҳр қўядилар.

Алишер Навоий бадиий-фалсафий ижодида миллат маънавияти ўзининг энг олий босқичига кўтарилди. Буюк шоир пок инсоний меҳрни маънавиятнинг тургосига айлантириди. Навоий маънавияти тимсолида эътиқод ва илм, иродагудрати ва меҳр, фидоийлик ва донишмандлик ягона моҳият касб этиб, миллат маънавиятини камолотнинг олий босқичига олиб чиқди.

Асл маъносига диққат қилсак, ўзбек тилидаги “меҳр” сўзи Навоийлар даврида “мажоз ишқи”, “хос ишқи” деб таърифланган туйғунинг моҳиятини ифодалайди. Русларнинг

аччиқ мақолларидан бирида “любовь зла” ... дейилган жумла бор. Ўзбекнинг “мехр” тушунчасида ана ўша “зло” йўқ, бараз йўқ. Ота ва она меҳри, фарзанднинг ўз қиблагоҳи ва волидасига бўлган меҳри, оға-ини, опа-сингиллар аро меҳр, Ватан меҳри, табиат ва ундаги турли жонзотларга нисбатан меҳр туйғуси, дўст меҳри — буларнинг барчаси бараздан холи, табиий ва самимий меҳр намуналариридир. Нафақат инсон боласини, балки турли ҳайвонларнинг жажжи болачалирини кўрганда инсон дилида ажиз ширин туйғу қўзғолади. Бегуноҳ гўдакнинг маъсум қиёфаси, жовдираб сиздан меҳр кутиб турган кўзлари инсонни бефарқ қолдирмайди, беихтиёр жилмаясиз, эркалаб сўзлар айттингиз келади. Меҳр туйғуси инсон учун улуғ илоҳий тухфадир. Бу туйғудан инсон ўзини маҳрум қилса, бу дунёнинг ўзида дўзах азоби ўрганишида қолади. Чунки инсон бирорвга меҳр баҳш этмай, бирордан меҳр кўрмай яшай олмайди.

Риёзат йўли ва меҳр туйғуси барча ёш учун хосдир. Аммо инсон оила қургач, унинг ҳаётида ҳалол ризқ билан турмуш ўтказмоқ, фарзанд тарбияси билан шуғулланиш каби жиддий синовлар пайдо бўладики, булар энди ибрат ва илмнинг ўзи билан бўладиган савдолар эмас. Илм йўлида ҳам риёзат чекилади, аммо ҳалол ризқ билан рўзгор тебратиш, солиҳ фарзандлар ўстириб, вояга етказиш бу аслида Борлик ҳақиқатини амалий фаолият жараёніда бутун вужудингиз билан ҳис қилишга олиб келувчи ҳақиқий маърифат мактабидир.

Инсоннинг 30-40 ёшлик даврлари асосан риёзат билан ўтса, ҳақиқий бегараз меҳр туйғуси одатда 50 ёшлиар атрофида шаклланади, дейиш мумкин. Бобо ва бувининг набирага меҳри айни шу бегараз меҳрнинг ёрқин намунасиридир. Ўгил-қиз мени қариганимда боқади, парвариш қиласи деб умид қилиш мумкин. Набиralар деярли бобо-буvиларни боқмайдилар. Чунки уларнинг қўлидан бир иш келгунча катта авлод борми-йўқми? Аммо “набира боладан ширин” дейилиши бежиз эмас. Ҳақиқатан ҳам чол-кампирларнинг набиralарга меҳри инсоннинг янги туғилиб келаётган ҳаётга бегараз муҳаббатидир. Албатта, айтганларимиз оддий бир ҳаётий мисол. Асли меҳр туйғуси ниҳоятда улуғ инсоний ҳиссиятдир. У ҳақда Алишер Навоийдан ўтказиб сўз айтиш қийин.

Хуллас, “маърифат” Ҳақиқатни англаб етиш йўли бўлиб,

ўзлигини англаб етган инсон Ҳақни англаб етади, уни тасаввуф истилоҳида Ориф дейдилар, ҳозирги тилимиздаги “зиёли” тушунчаси асли ушбу даражада бўлмоғи керак, фактат “интеллигент” (яъни ақл соҳиби) эмас. Машнавий баркамоллик ҳам шунинг ўзидир. Ибрат, илм, риёзат, меҳр барчаси маърифат йўллари бўлиб, инсон уларнинг барчасини босиб ўтмай туриб баркамол бўлмайди, мукаммал машнавий қиёфа касб этмайди.

4. Янги даврнинг машнавий моҳияти икки асос : 1) дунёни сурат ва маъно яхлитлигида ўрганиш ва 2) баҳамжиҳатлика бошқаришга интилиш билан ўзлигини намоён этишини айтиб ўтдик. Ислом машнавиятининг асл мазмунига мувофиқ келувчи ушбу ҳақиқатни англаб етиш учун ислом минтақасининг илғор зиё эгалари 7 аср изландилар ва, ниҳоят, Алишер Навоий олға сурган “мажоз тариқи” тафаккур тарзида илк бор ушбу натижага етиб келинди. Шу билан буюк бобоколонимиз ислом минтақа машнавиятининг асл мағзини миллий машнавиятимиз ўзак томирига айлантириб берди ва бизнинг онгимизни, тафаккуrimизни Ўрта асрлардан Янги даврга олиб ўтиб қўйди. Фақат буни англаб етишга биз учун яна 500 йил керак бўлди.

Агар темурий шаҳзодалар лоақал кенжা ўғил Шоҳруҳ даражасида оқил бўлганида, агар фақат шеърият ва санъатгина эмас, сиёсат борасида ҳам Тавҳид идроки ғалаба қилганида биз бугун улуг бир миллат, буюк бир салтанат соҳиблари бўлур эдик. Афсус, Алишер Навоий ва Мирзо Бобурнинг армонлари 500 йил орқага сурилиб кетди. Инсон димогида кибр балоси жойлашган. Зуҳд ва кибр, меҳр ва шаҳват орасидаги чегарани доим ҳам инсон зоти тўғри белгилай билмайди. Темурий шаҳзодалар бари шоир эди, билим ва завқ эгаси эдилар. Аммо уларни жоҳ кибрга, шайдолик шаҳваттга етаклади. Улар дарвеш-шоҳ бўлмоқчи эдилар, аммо кибр ва шаҳват залолатга маҳкум этди.

Балки Соҳибқирон Темур Боязидни армонда қолдириб, Ҳақ иродасини адо этгандир. Ҳар ҳолда Европа XIV — XV асрлардан ўзига ўзи ҳисоб бера бошлади. Ислом минтақа маданияти XI—XVI асрлар давомида Европага катта таъсир кўрсатди. Айниқса, “аверроизм” анъанаси 10 аср фафлат уйқусига чўмган христиан оламини Реформация ва Ренессанс (Европа Уйғониши)га олиб келди. Реформация, яъни хрис-

тиан динидаги ислоҳчилик ҳаракатлари Европанинг ўз хатоларини англаб ета бошлаганидан дарак эди. Афсус, биз мусулмонлар кибрга берилдик. Ўзимизга ошиқча маҳлиё бўлдик. XV—XVI аср чегараси ислом минтақаси учун маънавий такомилнинг авж нуқтаси бўлган бўлса, Европа учун маънавий юксалишнинг авж олиш нуқтаси бўлди. XVI асрдан минтақамизда таназзул, Европада юксалиш бошланди. Бу, аввало, Аллоҳнинг иродаси. Аммо биз баңдалар ҳам ўз айбу хатоларимизни тўғри англаб етишга уринмогимиз фарздор.

Нидерландия ва Буюк Британия буржуа инқилоблари, XVIII аср француз маърифатчилиги ва ниҳоят Буюк француз инқилоби Европадаги ижтимоий-маданий муҳитни буткул ўзгартириб юборди. Америка кашиф этилди, Осиё ва Африка давлатлари сари юриш бошланди. XIX—XX асрлар давомида Европада аниқ ва табиий фанлар, саноат ва техника соҳасида эришилган оламшумул ютуқлар бу минтақани жаҳонда пешқадамликка олиб келди ва натижада бугунги кунда “жаҳон фани”, “умуминсоний қадриятлар” деганда, биринчи навбатда, Европа маданияти унсурлари назарда тутиладиган бўлди.

Европа бутун дунё халқлари эришган маданий-илмий бойликни фаол ўзлаштириди. Ориенталистика (шарқшунослик) кенг ривож олди ва унинг ютуқларини барча соҳалар ижодий ўзлаштириб бордилар.

Ислом дунёси маънавияти IX—XV асрларда юксак камолот босқичларига кўтарилиган бўлишига қарамай, бу минтақада сиёсий структура негизи Тавҳид эътиқодига мувофиқ ўзгармаганлиги жуда оғир оқибатларга олиб келди (Бу ўзгариш Европада амалга ошиди).

Сиёсий тафаккурда қабилачилик даври асотир тафаккур қолдиги бўлмиш сулолавийлик анъанаси ва “фарр” хурофотининг тўлиқ енгигб ўтилмаганлиги ислом минтақасидаги Ўрта асрлар сиёсий маданиятининг катта қусури бўлди. На сарбадорлар, на темурийлар бу қусурни узил-кесил енгигб ўта билмадилар.

Албатта, бу даврда ҳам миллат маънавияти маълум маънода ривожланишда давом этди. XVI—XX асрларни маънавий такомил нуқтai назаридан 2 катта босқичга ажратдик. Биринчи босқичда маънавиятнинг оммалашуви борган сари

кенг миқёс касб этиб, хос ва авом орасидаги фарқ борган сари камайиб борди. Тан олиш керакки, бу жараён икки томонлама намоён бўлар эди, яъни кенг халқ оммаси маънавияти юксалиб бориши билан бирга, зодагон тоифалар маънавияти ҳам муайян даражада авомлашиб борганлигини кузатиш мумкин. Бу жараённи Турди ва Гулханий каби алломалар ўз ижодида ёрқин ифодалаб бердилар. Бу босқични миллатимиз учун Янги давр маънавиятига ўтиш босқичи, деб аташ мумкин.

Бу даврнинг энг катта ютуғи Ватан туйғусининг шаклланиши — “Ўзбекистон” тушунчасининг истеъмолга кириши бўлди.

Ислом минтақасида XVI асрдан бошлаб, дезинтеграция (ягона минтақа маданиятининг турли ўлка маданиятларига парчаланиши) жараёни кучайиб борди. Эронда Сафавийлар, Кичик Осиёда Усмонли турклар, Мовароуннаҳр ва Хурсонда Шайбонийлар салтанати ўрнашди. Темур авлоди Бобурийлар тимсолида Шимолий Ҳиндистонда 300 йил салтанат юритди ва бу қадим ўлкани ислом минтақа маданиятининг энг илғор анъаналари ўчоғига айлантириди. Шарқий Туркистон Хитой империяси, Волгабўйи турклари эса Россия асоратига дуч келдилар. Шундай қилиб, “жоҳ бадмастлиги”-нинг кибри ва ғафлати оқибатида буюк туркий миллат парчаланиб кетди.

Шайбонийлар давлати ҳам 100 йилдан ошиқقا дош бермади. Ягона ўлка икки хонлик ва бир амирлик аро талоща қолди. Бу ноаҳишлиқ балоси охир-оқибат ягона Ватанни босқинчиларга қурбон қилди.

Янги давр Европа маънавий муҳитига хос қарама-қаршиликлар курашининг мантиқий хulosаси бўлмиш коммунистик утопиянинг муваққат сиёсий ғалабаси, асосчилар умид қилганидек, Фарбий Европа мамлакатларида эмас, балки сиёсий қолоқ ўлкаларда юз берди. Натижада Марказий Осиё халқлари икки томонлама жабр кўрдилар. Ҳур ва озод жамият ваъда қилган большевойлар қадим Турон эзатларини сунъий равишда бир-бирига қарши қўйиб, узил-кесил парчалаб ташлашга муваффақ бўлдилар. Туар Рисқулов, Мустафо Чўқай, Заки Валидий Тўғон каби миллат жонкуярларининг уринишлари ўз вақтида бесамар қолди. Орадан 70 йил ўтди, ёлғон ваъдалар заминига қурилган “советлар” тузуми барибир емирилиб кетди. Қадим Туркистоннинг ягона

заминида мустақил давлатлар қад кўтарди. Бугунги сиёсий воқеликда мавжуд имкондан фойдаланиб, ўзаро яқинлашув, қардошлиқ алоқаларини ривожлантириш йўлини тутиш ягона тўғри сиёсат эканлиги аён бўлиб қолди. Бу йўлда маънавий, маданий бирлик сари интилиш, неча минг йиллар давомида вужудга келган яхлит маънавий меросни чукур ўзлаштириш ва уни яхлит сақлаб қолиб, янги босқичда ривожланишини таъминлаш барчамиз учун ҳам фарз, ҳам қарз, келгуси ав-лодлар олдидаги муқаддас бурчимиздир.

Миллатимизга Ҳақ таоло яна бир имконият берди. Агар ўтмиш хатоларни инобатга олсак, маънавий камолот ютуқларини тиклай билсак, иншооллоҳ, бу сафар саодат йўлдо-шимиз бўлгай.

Инсон фитратида уч қусур бор — кибр, шаҳват, гафлат. Бу қусурлар инсон табиатининг зотий ҳусусиятлари билан тулаш. Шу сабабли улардан буткул қутилиб бўлмайди. Фақат ҳушёр бўлиш ва “Беайб парвардигор” эканини асло унту-маслик керак. Маънавиятнинг моҳияти меъёрни сақлай би-лишида.

Ўрта асрлар маънавий ҳаётида “хос” ва “авом” тушунчалари кенг урф бўлди. Яъни “хос аҳли” юксак камолот босқичларига эришди, аммо “авом” кўп жиҳатдан ибрат босқичида қолиб кета берди. Тасаввуфдаги мурид ва муршид муносабатлари ҳам айни шу маънавий тенгсизликка ишора қиласди. Пирнинг кўнглидан кечгани кўпчилик мурилларга қанчалик аён бўлган, ёлғиз Аллоҳга маълум. Албатта, маърифат йўлларида ҳар ким иқтидорига яраша бир даражага эришади, аммо маънавий камолот жамиятда фақат тор доиранинг ўз ”ички ҳолати” миқёсида қолиб кета берса, уму-мижтимоий ўзгаришларга олиб келмаса, ҳаёт уйғулиги бузилиди. Маърифат тарқатиш йўли билан сиёсат ва иқтисод соҳаларида ҳам умумижтимоий ўзгаришлар содир бўлишига эришиш эса маънавият аҳлининг масъулиятидадир.

Фақат хос аҳлига таяниб эркин ва ҳур жамият қуриш қийин. Оддий меҳнаткаш ҳам фақат самимий эътиқод эгаси бўлибгина қолмай, илм ва ирфондан боҳабар бўлмоғи, ўзи яшаётган жамиятнинг баланд-пастини тушуниб (иқтисодий ва ҳуқуқий билимларни эгаллаб), атроф воқеликка онгли ва фаол муносабатда бўлмоғи, ҳозирги тил билан айтганда, фуқаролик жамиятининг, ҳақиқий демократик тузумнинг пойdevоридир.

Аллоҳга минг шуқурлар бўлсин-ки, Мустақиллик шарофати билан миллий маънавиятимиз сарчашмаларидан бевосита қониб-қониб оби ҳаёт шиммоғимиз имкони яралди. Бугун энди эътиқод ва илм, ирода қудрати ва меҳр, Ватан ва ҳалқ, табиат ва башарият, бир сўз билан айтганда, Олий ҳақиқат олдидаги инсоний масъулият бир бугун моҳият сифатида ҳар бир шахснинг, ҳар бир Ўзбекистон фуқароси-нинг маънавиятини ташкил этмоғи керак. Миллий маънавий меросимиз бизга табиат ва миллат, башарият ва коинот олдидаги бурч ва масъулиятимиздан сабоқ беради. Миллат маънавияти ўз тарихий шаклланган қиёфасига эта, шу билан бирга моҳиятан умумбаширий қадрияtlарга асло зид эмас, балки мувофиқдир. Зотан, башарият асли бир ота-онанинг болалари эмас-ми? Маънавиятимизнинг асос қирралари — эътиқод ва ибрат (Сунна), илм ва мантиқий тафаккур (ислом маърифатчилиги), ҳақиқат ишқи йўлида руҳият сафарбарлиги ва ирода қудрати (тасаввух ва ирфон), пок инсоний меҳр ва ижтимоий фаоллик (“мажоз тариқи”) — бир-бирини инкор этмайди, балки буларнинг бири кимда кам бўлса, унда маънавий тўқислик бўлмайди.

Инсон маънавияти минг бир сифат, беҳисоб жиҳат ва қирралар билан жилоланади: ҳаёт ва андиша, вафо ва садоқат, ўқтамлик ва ташаббускорлик, ҳиммат ва саҳоват, журъат ва шижаат, орият ва хокисорлик, босиқлик ва ҳилм, фаросат ва заковат, балоғат ва фасоҳат, мардоналик ва масъулият ва ҳоказо... Хуллас, жами инсоний фазилатлар маънавият даракчиларидир. Уларнинг ҳар бири орқали инсон ботиний дунёси ҳақида муайян тасаввур ҳосил қилиш мумкин. Маънавиятнинг ўзак томири эса Ҳақиқат ишқи, мъеёр ва уйғунликда ифодаланади.

Таянч иборалар: Маънавий такомил ва маърифат йўллари, маърифат — инсон қалбига сайқал бериш жараёни, маънавият сари элтувчи йўл, Алишер Навоийда “маърифат во-дийси”нинг таърифи, мақсад — Ҳақиқатни англаб етиш, маънавий камолот жараёнининг турли ўлчамлари ва уларнинг ўзаро узвий боғлиқлиги, миллатнинг маънавий такомили ва уни ташкил этувчи шахслар маънавий дунёсидаги ўзгаришлар, инсон онгига асотир тафаккур ҳукмронлиги — инсониятнинг болалик даври, шахснинг оила, қабила, миллат (халқ, “будун”), минтақа, инсоният, коинот даражаси-

да ўзлигини англаб бориши, яхшиларга эргашиш — ибрат маърифати, юрт ҳимояси, миллий ўзликни англаш — балофат даври, эътиқодий бафрикенглик, тавҳид эътиқоди ва янги уфқлар, қадимги маданият самараларини чуқур ўзлаштириш, турли тамойиллар ўзаро уйғунлиги, ибрат — маърифатнинг илк йўли, ибрат ва тақлид, илм — маърифатнинг буюк ўчоги, балофат ёши ва илмий тафаккурнинг шаклланиши, Борлиқнинг ягоналиги ҳақиқидаги илмий-фалсафий тасаввур, риёзат йўли, Ҳақиқат ишқида руҳият сафарбарлиги, орифлик — валийлик рутбаси, фанода бақони севиш, ирфоний қувватни ѹнсоний ва ижтимоий камолот йўлида амалий фаолиятга татбиқ этиш, меҳр — маънавият туғроси, ислом минтақа маънавиятигининг асл мағзи, Европа халқларининг оламшумул ютуқлари, ориенталистиканинг ривожи, “фарр” хурофоти, зодагон тоифаларнинг авомлашиши, “жоҳ бадмастлиги”, туркий миллатнинг парчаланиши, муросасиз синфий кураш тарғиботи, ёлғон ваъдалар заминига курилган тузум, Мустақиллик шарофати, инсон маънавиятининг минг бир сифати, меъёр ва уйғунлик.

Тавсия этилувчи ва фойдаланилган адабиётлар рўйхати:

Асосий адабиёт:

1. Куръони карим (Абдулазиз Мансур таржимаси). Т., 2001
2. И мом Бухорий. Жомеъ ас-саҳиҳ. 1—4-жиллар, Т., 1990—1995.
3. Каримов И. А. Озод ва обод Ватан, эркин ва фаровон ҳаёт — пировард мақсадимиз. 8-жилд. Т. — “Ўзбекистон” — 2000, с. 87—99.
4. Каримов И. А. Биз келажагимизни ўз қўлимиз билан қурамиз. 7-жилд. Т. — “Ўзбекистон” — 1999, с. 324—346.
5. Каримов И. А. Маънавий юксалиш йўлида. Т., 1998.
6. Маънавият иймондан бошланади. “Гулистон”, 1995, №1
7. Маънавий камолот омиллари. Т., 1995.
8. Содиқова Т. Меҳр қолур. Т., 1997.
9. Усмонов М. Яхши фазилат инсонга зийнат. Т., 1992.
10. Faфуров И. Миллатнинг билурланиши. Т., 1995.

11. Имомназаров М. С. Миллий маънавиятимизнинг та-
комил босқичлари. Т., 1996.

Кўшимча адабиёт:

1. Маънавият ва комиллик. З-китоб (Маънавият нашрла-
ри. Республика «Маънавият ва маърифат» жамоатчилик мар-
кази). Т., 1997.
2. Роузенталь Ф. Торжество знания. М., 1978.
3. Абу Хамид ал-Газали. Воскрешение наук о вере. М.,
1980.
4. Философия любви. М., 1990
5. Мусурмонова О. Маънавий бир бутунлик ва миллий
истиқлол мағкураси. Т., 1995.
6. Иброҳимов А. Поклик – миллий тикланиш куртаги. //
“Тафаккур”, №6, 1996.,
7. Столович А. М. Жизнь, творчество, человек. М., 1985.
8. Бобомуродов А. Ислом одоби ва маданияти. 1995.
9. Очилов С. Мутсақиллик маънавияти ва тарбия асосла-
ри. 1997.
10. Усмонов Р. Саодатнома. Т., 1995.
11. Файбуллоҳ ас-Салом. Эй умри азиз. Т., 1997.
12. Файбуллоҳ ас-Салом. Эзгуликка чоғлан, одамзод. Т.,
1997.
13. Жумабоев Й. Ҳаёт мазмуни ва комил инсон муаммо-
си. Т., 1997.
14. Митрохин Л. Н. Философия религии. М., 1993.
15. Васютинский Н. Золотая пропорция. . М., 1990.
16. Выготский Л. С. Психология искусства. М., 1987.
17. Карнеги Д. Как завоевать друзей и оказывать влияние
на людей. М., 1992.
18. Рижский М. И. Книга Иова. Новосибирск, 1991.
19. Фролов И. Т., Юдин Б. Г. Этика науки. М., 1986.
20. Имомназаров М. С. Миллий маънавиятимиз назария-
сига чизгилар. Т., 1998.
21. А. Мец. Мусульманский Ренессанс. М., 1973.
22. Ислам. Энциклопедический словарь. М., 1991.
23. Г. Э. фон Грюнебаум. Классический ислам. М., 1988.

III. ҚИСМ

ИНСОН РУҲИНИНГ БОРЛИҚ ҲАҚИҚАТИ БИЛАН УЙҒУНЛАШУВИ ЁКИ ОЛИЙ МАЬ- НАВИЙ ҚАДРИЯТЛАР

16-майзуза. БОРЛИҚ ҲАҚИҚАТИ ВА МАЬНАВИЙ ҚАДРИЯТЛАР. ВАТАН ТУЙГУСИ

ДАРС РЕЖАСИ:

1. Олий маънавий қадриятлар — Ватан, Шахс, Миллат, Адолат, Ҳақиқат — Инсон руҳининг Борлиқ ҳақиқати билан уйғунлашув босқичлари сифатида.
2. Ватан туйгуси — Олий қадрият. Миллий маънавияти-мизда «Ватан» тимсол-тушунчасининг маъно жилолари.
3. Инсоннинг моддий борлиққа маънавий муносабати. Экологик муаммоларнинг ҳал этилишида маънавият омили.
4. Табиатга мулкий муносабат. Унинг маънавий жиҳатлари.

1. Европа илмида аксиология фани бор. Ўзбекчага уни қадриятышунослик деб таржима қилишади. Қадр тушунчаси асли моҳиятига кўра маънавиятта алоқадор. Чунки қадр тушунчаси фақат Борлиқ моҳияти билан уйғунликда шаклланади. Бутун олам ягона Тангрининг маҳлуқидир, у томонидан яратилган. Аллоҳ бир заррани ҳам беҳуда, бемақсад яратмайди, демакки, мавжуд Борлиқдаги ҳар бир ашёнинг, нарса-ҳодисанинг ўз қадри бор. Айни шу ҳақиқатни, яъни Борлиқдаги мавжуд нарса-ҳодисаларнинг беҳуда яратилмаганлиги, ҳар бирининг ўз вазифаси, мавқе ва мақоми бор эканлигини англаб етиш туфайли инсон онгига муайян қадриятлар тизими шаклланади. Табиийки, бу тизим ўта мурракаб ички қурилишга эга, шу сабабли ҳар қандай назарий ёндошув ўз мақсад йўналишига мувофиқ равишда ушбу тизимнинг муайян унсурларига биринчи даражали аҳамият ажратади.

Маънавият — инсоннинг, ҳалқнинг, жамиятнинг куч-қудрати бўлиши учун, инсонга ботиний қувват бағиашлашга қодир манбага айланиши учун Инсон руҳи Борлиқ ҳақиқати билан уйғунлик ҳосил қилиши, яъни боқий моҳият билан туташуви керак бўлади. Лекин шу уйғунлик қандай шаклланади, унинг муайян поғоналари, идрок этиш даражалари ҳақида сўз юритиш мумкинми? Биз ислом минтақа маданияти доирасида миллий маънавиятимизнинг такомил босқичларидан келиб чиқиб, улар билан уйғун равишда Борлиқ ҳақиқатини англаш жараёни бўлмиш Маърифат йўллари ҳақида муайян тасаввур ҳосил қилдик. Улардан — ибрат, илм, риёзат ва меҳрни алоҳида ажратиб кўрсатдик. Аммо булар Борлиқ ҳақиқатини англаш даражалари, Инсон руҳининг Борлиқ ҳақиқати билан тобора уйғунлашувига элтувчи поғоналар эмас. Борлиқ ҳақиқати чексиз, инсон уни ҳеч қачон тугал англаб ета олмайди. Аммо инсониятнинг неча минг йиллик маънавий камолот таржибаси беҳуда кетган, деб тасаввур қилиш ҳам гумроҳлик бўлур эди. Минг йиллар давомида инсон Борлиқ ҳақиқатини англаш сари интилар экан, қандайдир натижаларни қўлга кириттани шубҳадан ҳолидир. Ана шу қўлга киритилган маънавий қадриятлар мажмуини муайян яхлит тизимлар поғонадорлиги сифатида тасаввур қилсақ, Борлиқ ҳақиқатини англаш даражалари, Инсон руҳининг Борлиқ ҳақиқати билан тобора уйғунлашув босқичлари кўз олдимиизда намоён бўлади. Албаттга, бу тизим ҳам ҳар қандай инсон билимлари каби нисбийдир, кўпроқ ўзимизнинг миллий маънавиятимиз анъаналарига таяниб шакллантирилгандир. Балки бошқа миллат, бошқа минтақа вакилларининг тасаввурлари бошқачароқдир. Хатто ўзимизнинг миллий анъаналаримизни ҳам ҳар ким ўзича тасаввур қилиши мумкин. Алишер Навоий ҳазратлари ёзгандаридек, Ҳақиқат йўллари ҳадсиз-худудсиз.

Биз ушбу қисмда Президент асарларида баён этилган мулоҳазаларга таяниб, уларнинг аждодларимиз яратган бой мерос ва ҳалқимиз тилида, дилида, мақол ва маталлари, урф-одат ва анъаналарида тирик сақланиб келаётган миллий маънавиятимизнинг бош тамойилларини теран акс эттиришларидан келиб чиқиб, Шахс ва миллат маънавий камолида беш даража, беш поғона сифатида беш улуғ маънавий қад-

рият, беш маънавият майдонини ажратиб олдик. Булар — Ватан, Шахс, Миллат, Адолат, Ҳақиқат деб аталди. Буларнинг ҳар бири бир пайтнинг ўзида ҳам Миллат маънавиятининг бош таянчлари, ҳам уларнинг ҳар бири алоҳида бир тизим, мураккаб ички мундарижали маънавий тимсол-тушунчалардир.

Маънавият ҳақида баҳс юритилар экан, ўзак тушунча Шахс эканлиги шубҳасиз. Маънавият асли шахсдан ташқарида бўлмайди, чунки у инсон қалбида акс этган илоҳий нур, Олий ҳақиқат нури. Илоҳий оятга таянувчи бу мажозий таъриф миллий маънавиятимиз такомил босқичлари лавомида шаклланган ва турлича тарзда қатор алломаларимиз меросида ўз ифодасини топган. Биз уни ҳозирги замон илмий тилига кўчириб, инсон руҳиятида акс этган Борлик ҳақиқати, янада аникроғи Инсон руҳидаги Борлик ҳақиқати билан уйғунлик деб таърифладик.

Аммо шунга қарамай, тан олиш керакки, ҳар бир шахс муайян маконда туғилади ва ҳаёт кечиради. Унинг руҳияти ушбу маконда шаклланади, шу ўлка унга Ватан саналади, кўнгил дунёсида унга маънавий муносабат юзага келади. Дилида Ватан туйғуси шаклланмаган инсонни ҳали Шахс сифатида тасаввур этиш қишин. Демак, шахс маънавий камолоти аввалида ўз киндик қони тўкилган заминга меҳр, унинг руҳидаги Она-табиат билан уйғунлик ётади.

Миллат маънавиятини ушбу миллатта алоқадор шахслар маънавий дунёси мажмуи ташкил этади, дедик. Аммо улар сони чексиз, чунки миллат маънавияти унинг бутун ўтмиси, бугуни ва келажагини қамраб олади. Ўз навбатида бугун кўз очиб дунёни кўриб турган барча инсон у ёки бу муайян миллат маънавиятидан ташқарида бўла олмайди. Масаланинг мураккаблиги шундаки, ҳеч бир инсон ўзи мансуб миллат маънавиятини ота-онадан қон билан, ирсий қабул қилиб олиши кафолатланмаган. Агар ўзбек тўлигича рус маданияти муҳитида тарбияланса, унинг руҳида ўша миллат маънавияти шаклланади. Чунки ҳар бир шахс маънавияти ушбу инсон тарбия топган маънавий муҳит билан бевосита алоқадордир. Демак, шахс маънавий тўқислигининг иккинчи нишонаси унинг ўз миллий маънавиятига алоқадорлиги, уни қай даражада руҳига сингитиб олганлиги билан боғлиқ экан. Албатта, Ватанг мөхр энди миллий маънавиятнинг ҳам узий қисми эканлиги ўз-ўзидан равшан.

Инсон Ватанни таниди, миллатни сўйди. Бўлдими? Ўз шахсий манфаатидан ўзгани тан олмайдиган, ҳис қилмайдиган одам — соф жаҳолат бандасидир. Аммо миллий худбинлик баъзан шахсий худбинликдан кўра хавфлироқ бўлиши мумкин. Бунга ҳам башарият тарихида истаганча фожеъ ҳодисалар гувоҳ. Айниқса, Янги тарихда. Ўзгани севишга ҳеч кимни мажбурлаб бўлмайди. Аммо инсон руҳида доимо Адолат туйфуси ҳукмрон бўлмоғи керак. Бу — айни маънавият. Буни аслида учинчи ўринга кўйиш ҳам дуруст эмасдир. Аммо адолат юзасидан қайд этиш керакки, дилида Ватан туйфуси бўлмаган, ўз миллатини сўймаган инсон ўзгаларга нисбатан сидқидидан адолатли бўлишига ҳам бовар қилмайди.

Шу билан бирга инсон руҳида табиатга нисбатан, ўзгаларга нисбатан меҳр ва адолат туйгулари шаклланиши учун унинг моддийлиги, ундаги нафс, яъни фафлат, шаҳват ва кибр доимо ҳалақит бериб туришини ҳам инобатга олиб, ҳаётга сергак боқиши лозим. Ушбу иллатлар ҳар бир инсон фитрати билан боғлиқ бўлгани туфайли, инсон моддий мавжудот сифатида тирик экан, улардан буткул қутулиш умиди хомхаёл, фақат уларни мувозанатловчи куч керак, айни шу куч — маънавиятдир. Маънавият — инсон руҳидаги Борлиқ ҳақиқати билан уйғунлик дедик, яъни инсон руҳи Борлиқ ҳақиқатини англаб етсагина, ўзига сингдирсагина, у билан уйғунлик ҳосил қила олади. Демак, энг олий поя — Ҳақиқат. У Борлиқнинг моҳиятидир. Борлиқ ҳақиқати ҳақидағи ҳар кимнинг, ҳар миллатнинг тасаввурлари турлича бўлиши табиий. Бир киши барчанинг кўнглини била олмайди. Аммо бизнинг суҳбатимиз миллий маънавиятта оид бўлгани ва жидан Борлиқ ҳақиқати ҳақидағи тасаввурларни ҳам ушбу худудда қидирганимиз мантиқан ўринли деб ҳисобладик.

Маърифат маънавий камолот йўли сифатида алоҳида шахс руҳига алоқадор жараён, миллат маънавиятида эса ушбу жарайенни таъминловчи усувлар, восита ва имконлар ҳақида сўз юритиш мумкин. Ирода қудрати, ирфон ва риёзат, меҳр бевосита шахснинг фардий (индивидуал) тажрибасига кўпроқ алоқадор бўлгани сабабли, биз асосан илм йўлидан бориб мулоҳаза юритишимиизга тўғри келади. Олдиндан айтиб қўйиш керакки, Ватан ёки Адолат туйфуси ҳақида ушбу китобда ёзилганларни ўқиб чиқсан одам дарҳол Ватаннинг қадрига етадиган, ёки Адолатга хиёнат қилмайдиган бўлиб

қолади деб тасаввур қилиш илм құдратига ошиқча бино күйиш бўлур эди. Ҳар бир инсон Ватан, Миллат, Адолат тимсол-тушунчаларининг ўз руҳида пойдор маънавий қадриятларга айланиши учун ўзгалар ибратида синаши, бу йўлда риёзат чекиши, уларга нисбатан кўнглида меҳр уйғониши зарур. Бунга турли сабаблар, турли воситалар билан эришилади. Биз тузган матнлар эса фақат таълим воситаси холос.

2. Ҳануз хотирамизда, мустақиллигимизнинг иккинчи иили Президент «Ўзбекистоннинг ўз истиқбол ва тараққиёт йўли» рисоласини эълон қилди. Ушбу китобнинг алоҳида боби «Мустақил Ўзбекистонни ривожлантириш-нинг маънавий — ахлоқий негизлари» деб номланган бўлиб, унда санаб ўтилган 4 негизнинг бири «Ватанпарварлик» эди.

Дарҳақиқат, ҳар бир шахс учун ўзликни англашнинг ибтидоси Ватан туйғусидир. Бу муқаддас туйғу ҳақида саноқсиз китоблар ёзилган. Ватан тушунчаси кенг қамровли, кўп маъноли тушунча. Инсон ўз киндик қони тўкилган, туғилиб ўсган диёрини Ватан дейди, аммо ҳар бир инсон бу тушунчага ўз маънавий камолот даражасига кўра қамров беради. “Ўз уйим — ўлан тӯшагим”, дейди бирор, бошқаси туғилган шаҳар ёки қишлоғини Ватаним, юргим, дейди. Аммо қандай талқин этилмасин, муҳими, Ватан тушунчаси маънавий муносабатни билдиради, яъни у маънавий қадриятдир, Ватан туйғуси инсон маънавий камолоти даражасидан хабар бергувчи илк муҳим нишонадир.

Ватан тушунчаси кенг қамровли, дедик, яъни у маънавий қадрият сифатида инсон онгида ҳар хил тажассум топади, вазиятлардан келиб чиқиб, турлича талқин этилади. Агар уларнинг барчаси назарга олинмаса, қиёсий таҳлилдан ўтказилмаса, ёш авлод руҳига сингимайди, оддий бир шиор даражасида қолиб кетаверади. Қани, миллий маънавиятимиз анъаналарида «Ватан» деганда ким нимани тушунади — бир кўздан кечиралийк-чи?

Аввало, тасаввуф шайхлари — нақшбандия пирлари наздида руҳ учун бадан — Ватан. «Сафар дар Ватан» дейди ҳазрати Баҳоуддин устозлар изидан бориб. Яъни инсон руҳи баданни, моддий вужудни тарк этмаган ҳолда Ҳақ билан бирлашуви, кўнгил кўзгусини поклаб, унда Ҳақ жамоли акс этишига эришуви лозим. Бу Тавҳид эътиқодининг бош талабидир. Инсон Аллоҳ томонидан моддий вужуд сифатида

яратилган, уни моддий эҳтиёжларсиз тасаввур этиш мумкин эмас. Фақат инсон ўз вужудини пок сақлаши керак. Шу нуқтаи назардан таҳорат ўнчаки расмиятчилик эмас, балки Покланишнинг ибтидоси, бошланишидир. Инсон ўз вужудини, ундаги ҳар аъзони пок сақлашга, эҳтиёт қилишга Ҳақ олдида масъулдир. Аждодларимиз бу масалага алоҳида эътибор беришган. Нопок вужудда пок руҳни тасаввур қилиб бўладими?

Халқимиз «фалончи ватанли бўлипти, ўзига бир ватан солипти» дейди. Бу энди Ватан сўзининг иккинчи маъноси – турар-жой, обод маскан, ҳар бир инсон аҳли оиласи билан паноҳ топувчи гўша. Модомики, инсон моддий вужуд экан, бир обод гўшага, аҳли хонадон билан истиқомат қилувчи муайян маконга эҳтиёжи бор. Ўзбек доимо бу маънодаги ватанга эътибор ажратиб келган, қаерда кўним топса, ўша ерни обод қилган, болам-чақам деб иморат солган, боғ, чорбоғ яратган. Уйи йўқ одамга Ватан меҳри ҳақида гапириб кўринг. Агар у фидойи бўлса, демак, миллият унинг қадрига етмапти, агар дангаса, укувсиз бўлса, демак, ўз қадрини ўзи ҳали англамапти. Халқ сўққабош одам ҳақида «бедана-нинг уйи йўқ, қайга борса битбийдик» дейди. Шундай экан, уй – жой солиш, биринчи навбатда, инсоннинг ёлғиз ўзини ўйлаши эмас, балки аҳли оиласи, фарзандлари ҳақида қайгуриши, демак, меҳр масъулиятининг дастлабки тетапояла-ридир.

Ватан тушунчасининг янада кенгроқ талқини – ҳар бир инсон учун ўз туғилиб-ўсан диёри, ўлкаси – қишлоғи, шаҳари, қасабасидир. Инсон ўз киндик қони тўкилган юрти – қишлоғи, шаҳарига нисбатан алоҳида меҳр туюди, ундан узоқлашса, интилади, соғинади. Ўзга шаҳарда ҳамқишлоғини кўрса, қариндошини кўргандек бўлади, унга талпинади. Бу – табиий туйғу.

Уруғ-жамоа, илк шаҳар жамоаси даврида, дарҳақиқат, туғилган қишлоғи, униб-ўсан шаҳари инсонга Ватан бўлган. Шахс бўлиб шаклланётган маънавият эгаси, ўз шаҳри, қишлоғи, овулини Ватан деб билган. Аммо бу ҳолат миллий маънавиятимизнинг 5-3 минг йил аввалги камолот даражасидир. Бугунги авлод ўша 3 минг йил илгари ютуқ ҳисобласа бўладиган даражада қолиб кетса нима бўлади? Бугун менинг Ватаним Кўқон ё Самарқанд, Қарши ё Наманган эмас

— балки Ўзбекистон аталмиш мустақил юрт, мустақил мамлакатдир. Ҳар ким ўзи яшаб турган қишлоғи, шаҳарининг ҳар бир кўчасини, ҳар бир гузарини, ариғи-анҳорини, сувиҳавосини пок тутишга интилмоғи, шунга ҳисса қўшмоғи ҳам фарз, ҳам қарз. Аммо Ватан тушунчаси том маъносидаги ўзи фуқаро бўлиб ҳисобланган мамлакатга тааллуқли эканини бир зум унутмаслиги керак. Маҳаллийчилик, оила, қариндош-уруг манфаатларини халқ ва миллат маанфатларидан ортиқ қўйиш, уларни зидлаштириш маънавий ноқислик нишоналаридир.

Нега Ватан тушунчасининг бош маъноси — мамлакат, миллый давлат билан бир келади? Чунки, бунда Она-замин ва миллат тушунчалари бирлашади, уйғуллашади. Миллат туйғуси бўлмаган инсонда ўз оиласи, туғилиб ўстган шаҳар-қишлоғига интилиш бўлиши мумкин, аммо том маънодаги Ватан меҳри бўлмайди, фидоийлик даражасидаги Ватан туйғуси унга ёт бўлади. Миллат туйғуси Ватан туйғуси билан бирлашган жойда ҳақиқий Шахс вужудга келади, маънавий камолот, юксак масъулият ҳисси шаклланади.

Ватан меҳри олий қадриятдир. Бугунги кунда Она-сайёра барча бани башарга ягона Ватан эканлигини, уни пок сақлаш, унинг бойликларини асраб-авайлаш инсоният учун ҳаёт-мамот масаласига айланиб бораётганилигини барчамиз сезиб турибмиз. Аммо, барибир, ўз Ватанини севмаган, миллатининг қадрига етмаган инсон ўзганинг ҳам, башариятнинг ҳам, куррайи замин ободлигининг ҳам қадрига етишига ишониш қийин. Ватанга садоқат ҳақиқатга садоқатнинг, миллатга меҳр аҳли башарга меҳрининг ибтидосидир. Бусиз наadolat ғалаба қилади, на ҳақиқат юзага чиқади, на инсоннинг ўз шахсига эҳтироми шаклланади. Ватан меҳрини йўқотган шахс оёғи остидаги заминни йўқотади, бўшлиқда муаллақ қолади. Ватанга муҳаббат аждодлар меросига қизиқиши, миллый маънавиятдан баҳрамандлик, ўз шахсий салоҳиятига ишонч, умумбашариятга ҳурмат, келажак олдида масъуллик туйғуларини тарбиялайди. Мустақиллик маънавияти Ватанга муҳаббатдан, миллат манфаатларига садоқатдан бошланади, ҳар бир шахснинг ўз ички имкониятларини Ватан манфаати йўлида унумли ривожлантириши билан намоён бўлади. Унда миллый маънавий меросдан мукаммал баҳрамандликка интилиш умумбашарий қадриятлардан оғиш

маслик, ўзга миллатлар маданияти, ўзга минтақа ва ўлкаларда эришилган илфор тажрибаларни ижодий ўзлаштириш иштиёқи билан уйғунликда тұлақонли тажассум топади. Бир сўз билан айтганда, ҳақиқий имон Ватанга меҳрдан, Ватан ва миллат, мамлакат ва халқ олдидағи юксак масъулият ҳиссидан бошланади.

Ватан поклигини сақлаш, Ватанни турли ғаралы кирдикорлардан муҳофаза қилиш, Ватан манфаатлари, миллат манфаатларини теран анграб етиб, келажак авлодга — фарзандларимизга озод ва обод Ватанни мерос қолдириш учун барча истеъдод ва имкониятларимизни ишга солиш — бизнинг Ҳақ олдидағи энг улуғ масъулиятимиз эмасми?

3. Ватан меҳри мавхұм түйғу эмас. У Ватан олдидағи масъулиятдир, унинг келажаги, обод ва фаровонлиги йўлидаги фидойи меҳнатдир, Она-табиатта эъзозли муносабатдир. Зоро, қадам босиб турганимиз Она-тупроқ бўлмаса, қайси Ватан ҳақида сўзлаш мумкин.

Бугунги кунда ҳар бир шахс ўзини инсон сифатида табиатнинг бошқа мавжудотларидан ажратади, муайян миллат вакили сифатида бошқа халқлар ва элатлардан фарқини сезади ва, ниҳоят, аҳли башар сифатида ўзга инсонлар билан умумий жиҳатлари, Она сайёранинг онгли фарзанди сифатидаги ҳукуқ ва масъулиятлари ҳақида бош қотиради. Табиат олдида ҳар бир алоҳида шахс масъулдир, чунки у ер юзидағи халифадир, ҳар бир элат ва миллатнинг ўзи яшаб турган табиий макон — Она Ватани олдида масъуллиги бор, аммо, барибир, биз яшаб турган ер курраси ягона макон ва масканимиз экан, аҳли башарнинг унинг олдидағи масъуллиги ҳам яхлитдир. Бугунги инсон аҳлининг құдрати қаршиисида табиат ожизланиб қолғанлиги — умумбашарий мумаммо ва умумбашарият учун таҳликали вазиятдир. Ақл — маънавиятта дахлдор, аммо маънавият ақыдан иборат эмас. Маънавият мувозанатни сақтай билишдадир ва ақлнинг бугунги құдрати инсон маънавиятининг ўзга жиҳатларига ҳам жиддий эътиборни тақозо қиласы. Зотан, ақл ва худбинликнинг бирлашуви яхшиликка олиб бормайди. Буни инсоннинг табиатта муносабати доирасида кўриб чиқайлик.

Бепоён коинот миқёсида инсон зоти истиқомат қилиб турган ер курраси кичик бир зарра, холос. Шу жиҳатдан қараганда, сайдерамиз аҳли башар учун яхлит Ватандир. Одам

Ато ва Момо Ҳавонинг фарзандлари бугунги кунда тақдир тақозоси билан турли миллат ва элатларга бўлиниб, турли ўлкаларга сочилиб кетмишлар. Жумладан, туркий элатларнинг асл ота юрти Туркистон янги аср бошларида большевизм “доҳий”ларининг гаразли найранглари оқибатида парчалаб ташланди. Бугунги воқелик ушбу ўлкада бир қатор мустақил давлатларнинг шаклланганлиги билан ифодалана-ди. Ўзбекистон Республикаси Марказий Осиё деб аталаётган ушбу минтақанинг қоқ марказидан жой олиб турибди.

“Ўзбекистон” номи бугун ҳам жуғрофий худуд, ҳам жаҳон ҳамжамиятининг teng ҳукуқли аъзоси бўлмиш сиёсий бирлик, ҳам ушбу диёрнинг барча аҳолисини қамраб оловучи яхлит ижтимоий воқеликни англатади. Ана шу Ватан учун борлигини бағишламаган ўзбек — ўзбек эмас. Аммо ҳамма гапни бирдан айтиб бўлмайди. Биз суҳбатни, биринчи на-вбатда, ўзимиз истиқомат қилиб турган атроф-воқелик, табиий муҳит, яъни Она-ерга муносабатдан бошлаганимиз дуруст. Инсон маънавиятининг биринчи ўлчови унинг Она-заминга, табиатга муносабатидир, десак муболага бўлмайди.

Эслаб ўтиш жойизки, табиат, моддий борлиқ ҳам, маънавий моҳият ҳам бир манбага — Ҳаллоқи оламнинг қудратига туташади, ўшанинг ҳосиласидир. Ҳаётда асли жуда оз миқдорни ташкил этувчи даҳрийларгина ҳақдирлар, иложий қудратга ишонган дунё аҳлининг кўпчилиги эса янглишади, деган ақида нималарга олиб келганини кўрдик. Кўпчиликнинг зиддига иш қилиш эмас, кўпчиликни тушунишга интилиш хайрли амал эканлигига иқрор бўлиш пайтимиз келди. Зотан, улуғ аждодларимиз шу йўлдан боргандар, миллий маънавиятимиз шуни тақозо этади. Аждодларимиз ақли ва салоҳиятига бовар қилсак, улар бу дунёни “суврат” деб, “мажоз” деб, “кўзгу” деб атайдилар. Дарҳақиқат, инсон дастлаб кўз очгач, дунёга, атроф-табиатга кўзгудек муносабатда бўлади, ундан ўзини излайди, ўзини табиат орқали англаб етишга интилади. Худди ана шу даврдан миллий маънавият шакллана бошлайди. Ҳар бир элат, ҳар бир ҳалқ доимий истиқомат қиласиган макон ўзга ўлкалардан нимаси биландир фарқ қиласи, ажралиб туради. Туркий элат яшаган табиат шароити, албатта, тарихда доимо бир тусда бўлмаган, туркий қавмлар Волга ва Ока бўйлари, Шимолий Кавказ, Босфор кўрфази қирғоқлари ва Онадўлида, Эрондаги Ур-

мия кўли ва Кавказ ортидаги Кубо водийси, Хурросон ва Туроннинг обод воҳалари, Тангритоғ этаклари, Иртиш ва Энасойни ўраб турган қуюқ ўрмонлар бағрида, Ўрхун ва Ёйиқ дарёларидан сув ичган дашту далаларда ҳаёт кечиргандар. Аммо Фарбий Мўгулистондан Азов денизигача, Ўрол тоғларидан Шимолий Афғонистонгача чўзилган улуг бир сарҳалнинг кўпчилик қисмида қўёш нури мўл, Аллоҳнинг оби раҳмати танқисрок, яйловлар беҳудуд, табиий ўрмонлар сийракроқ, чўл ва саҳролар бепоён, водий ва воҳалар ноёброқ, тоғлар баланд, аммо абадий музиклар камроқ сақлангандир. Шулар барчаси бир бўлиб инсоннинг табиатга муносабатида ўзига хос қадриятлар тизимини шакллантирган. Аждодларимиз оби ҳаёт аталмиш сувни, бизни бокувчи она-замин тупроғини, қўёш ва унинг инсон қўлига ўрганган парчаси — оловни муқаддас санаб эъзозлагандар. Сабаби, худди шу табиатнинг асос унсурлари инсон ҳаётини таъминловчи бош омиллар эканлиги неча минг йиллик ҳаёт тажрибасидан уларга аён бўлган.

Демак, инсон табиат, атроф-муҳитни тушунишга интилиш ва у билан амалий муносабатларга киришиш жараёнида ўз моддийлигини таъминлаб ва ўзлигини таниб борар экан, инсон ва табиат орасидаги муносабатларнинг маънавий жиҳатлари ҳақида сўз юритиш ўринлидир.

Инсон ўзликни англаш жараёнида маънавий камолотга эришади. Исломгача башарият эришган маънавий мувозанат асотир тафаккур даражасида бўлди. Асотир идроки илмий идроқдан жиддий фарқ қиласи. Инсоннинг табиат билан дастлабки муносабатлари фаол моддий муносабатлар бўлиб, яхлит асотир тафаккур тизими ушбу муносабатларнинг неча минг йиллик тажрибasi натижасида шаклланди. Бу тизим “Авесто” китобида, Геродотнинг “Тарих”идаги маълумотларда, қадим туркий битикларда, ҳалқ яратган оғзаки адабиёт намуналари, мақол ва маталларда ўз ифодасини топган.

“Авесто” китобида табиатга муносабат икки жиҳати билан намоён бўлади. Бири — табиат унсурларини муқаддаслаштириш, иккинчиси — инсоннинг табиат билан моддий яратувчилик муносабатларини муқаддаслаштириш. Масалан, Ардвисурага бағишлиланган бешинчи яштда сув улуғланади, унинг дон ундириши, чорва ташналигини қондириши, инсон бойлигига барака келтириб, мулкини кўпайтириши,

ўлкаларни гуллаб-яшнатиши тилга олинади. Аммо бу сув мавхум тушунча шаклида эмас, тўлиб оқаётган улкан дарё тимсолида намоён бўлади. Заратуштра макони қадим Хоразм эканини ёдга олсак, кут-барака манбаи ҳисобланган бу азим дарё Амударё (Жайхун, Ўкўз дарёси, "Авесто"даги номланиши "Дойтия")дир.

"Авесто" матнлари мураккаб мазмунга эга. Биргина ушбу алқов (яшт) мазмунини тўлиқ олиб таҳлил эта бошлаганда неча қабат мазмунлар силсиласи очила бошлайди. Биз фақат энг қадими мазмун қабатига нигоҳ ташлаб ўтдик. Умуман, "Авесто" мазмунини инсон маънавий такомили нуқтаи назаридан таҳлил этиш ниҳоятда қизиқарли холосаларга имкон бериши шубҳасиз.

Геродотнинг "Тарих" асаридаги қадим асотирларни туркӣ битиклар билан қиёсий ўрганиш осмон, ер ва инсон муносабатлари тарзида акс этган "табиат (ер) — инсон — маънавият (осмон)" уйғунлигини аждодларимиз қандай ҳис этганлигидан хабар беради.

*"Юзада кўк тангри
Остиди қора ер қилинди,
Иккиси аро киши ўғли қилинди".*

деб бошланади Култегин катта битиги.¹²⁴ "Ирқ битик"да ҳам инсон ўз тақдирини табиат кўзгусидан қидиради.

Исломгача туркӣ битикларда миллий тафаккур, юононларда мантиқий тафаккур шакллана бошлади. Аммо исломгача шаклланган фалсафий тафаккур таркибида асотир тафаккур унсурлари кучли таъсир қудратини сақлаб қолгани ўша давр матнларида очиқ намоён бўлади (масалан, Платоннинг "идеялар дунёси", ёки "Авесто" даги турли моддий ҳодисалар моҳияти билан боғлиқ "илоҳа"лар).

4. Ислом даврига келиб инсоннинг табиатта муносабатида янги босқич бошланди. Куръони каримнинг нозил бўлиши асотир тафаккурга охирги ҳал қилувчи зарба бўлди. Одам Ато авлодлари ер юзига халифалик масъулияти билан яратилгандиклари ҳақида аниқ хабар берилди. Бу инсон тафаккурининг янги ривожланиш даражасига мувофиқ келувчи маънавий вазифа бўлиб, энди фақат яратувчилик меҳнати билан фахрланиш, ер, сув, оловни эъзозлаш кифоя қилмас эди.

Ислом миңтақа маданиятида аста-секинлик билан инсон онгидаги асотир тафаккур унсурлари илмий ва бадий тафаккур қудрати билан сиқиб чиқарилди. Асотир тафаккур ўрнини илмий тафаккур мустаҳкам ва асосли эгаллай бошлаганилиги сабабли энди атроф-воқелик билан муносабатларни ҳам илмий асосга қўймоқ тақозо этиларди. Бу масъулиятни тўқис-тугал англаб етиш осонликча кечгани йўқ. Бу даврдаги инсоннинг табиатта муносабатида бир неча йўналишни тилга олиб ўтиш лозим.

Биринчиси, тавҳид таълимотидан келиб чиқсан ҳолда инсон ўзини табиатнинг узвий бир қисми сифатида англаб етиши бўлиб, бу ҳолат тафсилотларининг таҳлили асосан ислом маърифатчилиги вакиллари томонидан амалга оширилди.

Иккинчиси, инсоннинг ер юзида халифалиги, яъни инсоннинг табиат соҳиби эканлиги масаласи. Бу масала мулк муносабатлари билан боғлиқ равишда ислом даврида асосан фикр илми алломаларининг дикқат марказида бўлди. Ерга, сувга, маъданларга инсоннинг мулкий муносабатлари даражаси бу йўналишдаги муҳим муаммолардан бўлиб, вақф масаласида бевосита маънавият ва иқтисод нисбатига оид масалаларга туташиб кетади.

Куръони каримнинг “Мулк” сураси шундай бошланади: “Таборак-ал-лази би-ядиҳи-л-мулк ва ҳува ало кулли шайъин қодийр” (Абдулазиз Мансур таржимаси: “(Мутлоқ) ҳукмронлик “қўли”да бўлган зот – Аллоҳ баракотли (буюк)дир ва У ҳар нарсага қодирдир”). Бу ягона Аллоҳнинг сифатидир. Бутун борлиқни у вужудга келтирган, демак, борлиқ унинг тасарруфидадир. Инсон эса – унинг ер юзидаги халифаси. Ҳар бир инсоннинг моддий борлиқни тасарруф этиш ҳуқуқи ушбу мантиқ асосида белгиланади. Адолат ҳар бир шахснинг унга Аллоҳ ато этган қудрати ва салоҳиятига яраша, меҳнатига лойиқ мулк эгаси бўла олиш ҳуқуқидадир. Инсон ўзи яратмаган, ўзи яратадиган нарсаларга мутлақ эгалик қилиши жоизми? Албатта, унинг меҳнати ва салоҳияти билан яратилган нарсалар унинг инон-ихтиёридан ташқари ўзгалир тасарруфига зўрлик ёки тазиيқ билан ўтказилиши адолатсизликдир. Табиий бойликлар эса Яратганинг мулки, муқаддас мулк. Ер, сув, қазилма бойликлар, табиий ўрмон ва ҳоказолар Халлоқи олам томонидан ўша заминда яшовчи

аҳоли фойдаланиши учун яратилган бўлиб, давлат қонунлари ва халқаро келишувлар асосида тасарруф этилмоғи лозим. Табиатни ўзбошимчалик, зўравонлик ва тазийқ йўли билан инсон эҳтиёжига мослашга уриниш ўта хавфли та-мойилдир.

Табиий муҳитга авайлаб-эъзозлаб муносабатда бўлиш, ер, сув, ҳаво поклиги фақат биз учун, бутунги авлод учунгина эмас, неча минг йиллик келгуси авлодлар учун ҳам аталган эканлигини ниҳоятда ҳүшёрик билан ёдда тутиш, демакки, ўта қатъий қоидалар билан муҳофаза қилиш лозимлиги миллий маънавиятимизнинг табаррук анъаналари-дандир. Ердан, сувдан оқилона фойдаланиш зарур — маълум ҳудуд ёки дарё, сой, кўл, денгиз хусусий мулк бўлиши, яъни тўлиғича якка бир шахс инон-ихтиёрига ўтиб, ободу вайронлиги унинг иродаси, хоҳишига мутлақ боғлиқ бўлиб қолиши Борлиқ ҳақиқатига зиддир. Ҳатто давлат ёки умум-халқ мулки деб ҳисобланиши ҳам — шартли ҳолат. Шу маънода-ки, ҳеч бир давлат, ҳеч бир халқ ўз келажак авлодини, келажак инсониятни Аллоҳ яратган табиий имкониятлардан маҳрум этишга ҳаққи йўқ. Ҳар ким бир нарсани яратса, ўша унинг мулки бўлсин — хоҳласа сотсин, хоҳласа бузиб ташласин. Аммо шундай деймизу, бу қоида ҳатто буюк истеъодлар қудрати билан яратилган бойликларга ҳам тўлиқ дахлдор эмас. Чунки истеъод Аллоҳ инъом этган неъматдир, демак, бу истеъод меваси ҳам ўз қиймати, аҳамиятига кўра камида умуммиллий, кўп ҳолларда умумбашарий мулкка айланади. Демак, на уни яратган инсон, на бошқалар бу мулкка шикаст етказишга ҳуқуқли бўлмай қолади. Истеъодд эгасининг башарият олдида, Аллоҳ олдида алоҳида маънавий масъулияти мавжуд. У ўз истеъодини Аллоҳнинг неъмати сифатида қадрлаши, уни ботил хаёллар ихтиёрига бериб кўймаслиги, беписанд муносабатда бўлмаслиги керак. Ҳар ким ўзидаги яширин истеъодни излаши, топиши, тарбиялаб камолга етказиши, миллат ва башарият маънавий равнақи учун ҳисса бўлиб кўшиладиган воқеъ бойликка айлантириши вожибдир. Истеъодд эгаси эл эъзозига лойиқ. Ўз истеъодларининг қадрига етмаган халқ эса, шубҳасиз, та-наззулга юз тутгади.

Учинчи муҳим жиҳат — инсоннинг табиат олдидаги масъулияти ва табиатга меҳр масаласи бўлиб, бу муаммо “Авес-

то”да асотир даражасида ҳал қилинган бўлса, ислом даврига келиб кўпроқ бадиий тафаккур ихтиёрига ўтди ва “мажоз тариқи” босқичида мукаммал ҳал қилинди. Янги давр Европасида, айниқса, марксистлар тафаккурида, илм ва имон, ақл ва туйғу, мулк ва меҳнат, моддият ва маънавият аро зиддият, кураш етакчи ўрин эгаллаб, фақатгина ижтимоий тараққиётни инқилоблар орқали амалга ошириш эмас, балки табиатни ҳам ўзбошимчалик, зўравонлик ва тазиик йўли билан инсон эҳтиёжига мослаш ҳаракати расм бўлди. Ислом минтақасида алломаларимиз уйғунлик ва яратувчиликни биринчи ўринга қўйиб, ўзни ва ўзгани тушунишга интилиш, жумладан, табиат ва инсон муносабатларини асл мөҳиятига мувофиқ англаб етиб, шунга яраша муомалани шакллантиришга интидиilar.

Навоий наздида табиатнинг бирор унсурига онгли равишда зарар етказиш Аллоҳга хиёнат даражасида тушунилар эди. Шу маънода Ватанга хиёнат ҳам фақат жанг пайтида душман тарафга ўтиб кетиш эмас, биринчи навбатда, Онер, сув, ҳаво, тупроқни қадр этмаслик, уларни булғаш, миллат мулкига зиён етказиш, авлодлар ҳаққига хиёнат қилишда деб англанган. Миллий маънавиятимиз учун табиатга муносабатда Янги даврга ўтиш босқичининг Навоийдан кейинги ривожини назарий жиҳатдан Бедил меросидан ва амалиётда Миллий Уйғониш намоёндалари фаолиятидан қидириш мақсадга мувофиқ бўлса керак. Мана шу табаррук таълимлар бугуннимиз учун ҳам маънавий тарбиянинг ибтидолари ҳисобланмоғи керак. Шундагина Ватан обод, Инсон руҳи пок ва баркамол бўла бориши мумкин.

Таянч иборалар: Аксиология — қадриятшунослик, қадр тушунчаси, қадриятлар тизими, Инсон руҳининг Борлик ҳақиқати билан уйғунлашув босқичлари — мураккаб ички мундарижали маънавий тимсол-тушунчалар, Ватан меҳри — олий қадрият, тасаввуф шайхлари наздида рух учун бадан — Ватан, Ватан туйғуси — шахс маънавияти шаклланишининг ибтидоси, инсоннинг ўзи яшаб турган моддий маконга маънавий муносабати, “Ўзбекистон — Ватаним маним”, Ватан ва миллат туйғуси, Ватанга муҳаббат миллат манфаатларига садоқатдан бошланади, инсон ва табиат орасидаги муносабатларнинг маънавий жиҳатлари, инсон учун табиат

— кўзгу, туркий қавмлар яшаган диёр, инсоннинг моддий борлиқни тасарруф этиш ҳукуқи, Ватанни пок сақлаш масъулияти, авлодларга озод ва обод Ватанни мерос қолдириш, Она-ер, сув, ҳаво, тупроқни булғаш — авлодлар ҳаққига хиёнат.

Тавсия этилувчи ва фойдаланилган адабиётлар рўйхати:

Асосий адабиёт:

1. Куръони карим (Абдулазиз Мансур таржимаси). Т., 2001
2. Ином Бухорий. Жомеъ ас-саҳиҳ. 1—4-жиллар, Т., 1990—1995.
3. Каримов И. А. Озод ва обод Ватан, эркин ва фаровон ҳаёт — пировард мақсадимиз. 8-жилд. Т. —“Ўзбекистон” — 2000, с. 59—67.
4. Каримов И. А. Истиқдол ва маънавият. Т., 1994.
5. Каримов И. А. Маънавий юксалиш йўлида. Т., 1998.
6. Каримов И. А. Ўзбекистон: миллий истиқдол, иқтисод, сиёсат, мафкура. 1-жилд. Т. —“Ўзбекистон” — 1996, с. 104—139.
7. Каримов И. А. Биздан озод ва обод Ватан қолсин. 2-жилд. Т. —“Ўзбекистон” — 1996, с. 37—38.
8. Каримов И. А. Ватан саждағоҳ каби муқаддасдир. 3-жилд. Т. —“Ўзбекистон” — 1996, с. 74—85.
9. Иброҳимов А., Султонов Х., Жўраев А. Ватан туйфуси. Т., 1996.
10. Мусурмонова О. Маънавий қадриятлар ва ёшлар тарбияси. Т., 1996.
11. Шайхова Х., Назаров К. Умуминсоний қадриятлар ва маънавий камолот. Т., 1992.

Кўшимча адабиёт:

12. Ўлмас обидалар. Т., 1989.
13. Қаюмов А. Қадимият обидалари. Т., 1972.
14. Геродот. История. Л., 1972.
15. Жалолов А. Мустақиллик масъулияти. Т., 1994.
16. Ватан саодати. Т., 1998.
17. Содикова Т. Мехр қолур. Т., 1997.

18. Туленов Ж. Қадриятлар фалсафаси. Т., 1998.
19. Имомназаров М. С. Миллий маънавиятимиз назария-сига чизгилар. Т., 1998.

17-маъруза. ИНСОН ВА ШАХС

ДАРС РЕЖАСИ:

1. Инсон қадри ва Шахс масъулияти.
2. Ирсият, руҳият, маънавият. Инсон табиати ва Аллоҳнинг инояллари.
3. Одоб, ахлоқ, маънавият. Маънавий тарбия восита ва усуллари погонадорлиги.
4. Шахснинг иқтисодий мустақиллик масъулияти. Оила маънавий муҳити. Шахс, миллат, башарият.

1. Инсон ва маймун орасида қандай фарқ бор? Марксизм асосчилари таҳминий мулоҳазаларга таяниб, маймунни бевосита инсонга аждод қилиб кўрсатдилар. Бу фараз на мантиқий, на илмий-амалий ишончли далиллар топмади. Аммо шундай бўлса ҳам биз Аллоҳнинг бу икки маҳлуқи орасида муайян нисбат бор деб ўйлаймиз. Маймун Аллоҳнинг халифаси бўлмиш Инсонга ибрат учун яратилган. Дарҳақиқат, улар — ўхшаш. Қўл, оёқ, бош... Тирик маймунлар жуссаси ҳам, икки оёғда юра олиши ҳам инсонга монанд. Фақат маймун ҳар қандай ҳайвонот дунёсининг вакили каби инстинктга бўйсуниб, ўйсиз яшайди. Мен бу дунёга нима вазифа билан келдим, деб ўзига-ўзи савол бермайди. Унда ор-номус, ҳаё-андиша, имон-диёнат йўқ. Бу нарсаларни ҳеч ким маймундан кутмайди ҳам. Халқимиз тақлидчини бежиз маймунга ўхшатмайди. Чунки ҳар бир Инсон ўз мустақил тафаккури, маънавияти, имони ва иродаси билан, яратувчилиги ва масъулияти билан Шахсdir. Эчкида соқол бўлгани ёки тўти гапиргани билан инсон бўлиб қолмайди.

Ҳар бир Инсон зотида «билқувва» (яъни потенция дараҷасида) маънавий камолот имкони бор. Аслида Инсон, бизнинг мавзу нуқтаи назаридан, маънавий камолот имкониятига эга бўлган моддий мавжудотдир. Инсоннинг ижтимоий мавжудот эканлиги ҳам унинг маънавий камолот имконига эга эканлигидан келиб чиқади. Бу – умуман инсон моҳияти.

Шахс – ўз маънавий камолот имкониятларини юзага чиқара бошлаган инсон. Бу ҳодиса – ўзликни англаш деб айтилади. Демак, Шахс – ўзлигини англай бошлаган инсон, дейиш ҳам мумкин.

Хукуқшунослар тилида “жисмоний шахс” ва “хукуқий (юридик) шахс” тушунчалари мавжуд. Худди шунга монанд маънавият нуқтаи назаридан ҳам шахс тушунчаси икки ҳолатни кўзда тутади. Биринчиси, биз ҳар бир инсонга шахс сифатида ёндошувимиз зарурати. Чунки ҳар бир инсоннинг шахс бўлиш имконияти бор. Бу имконият унга яралишдан Халлоқи олам томонидан берилган. Шундан келиб чиқиб, биз ҳар бир инсонга Шахс деб қарашимиз жоиз, зоҳирий кўз билан боқиб, ундан хатолар излашимиз, унда маънавий ноқислик кўришимиз Инсон одобига, маънавият талабларига хилофдир. Баъзан дилидаги яширин хазинани неча йиллар Инсон ўзи билмайди, унга ташқаридан кўз ташлаб, биз қайдан биламиз. Айни шу ўринда қадр тушунчасига тўхталиб ўтиш жоиз.

Қадр ўзликни англаш жараёнида пайдо бўлади. «Мен Аллоҳ томонидан ер юзида халифа этиб яратилганин», деб ўзликни англаб етиш – ўз қадрини тўғри баҳолашнинг пойдеворидир. Аллоҳга ишонган одам Тангрининг ваҳийсига ҳам ишонади, демак, юқоридаги сўзларни ҳақиқат деб қабул қиласди. Иккинчидан, ўз қадрини англаб етиш баробарида инсон ўзга инсонлар ҳам ер юзида халифа эканлигига имон келтириб, уларнинг ҳам қадрини ўзидан кам билмайди. Учинчидан, у Аллоҳ яратган барча мавжудотнинг айни Ҳаққа тегишли эканлигини англаб етгани учун қадр қиласди, бехудага бирор нарсани зое қилишни ўзига эп кўрмайди.

Ҳар бир инсон ўз қадрини умумий бир тарзда эмас, муайян ва аниқ ўлчовларда англаб етмоғи керак. Ҳақиқий Шахс даражасига етишган инсон ўз қадрини, шу билан бирга ёруғ оламдаги барча ашё ва мавжудотлар қадрини муайян даражада англаб етган, шу асосда жамиятнинг фаол аъзосига айланган инсон бўлади. Қадр тушунчаси маърифатнинг турли босқичларида турли даражада муайянлашиб боради. У имон, илм ва амал даражаларида англаб етилиши мумкин. Борлиқ ҳақиқатига ўз нисбатини тўғри англаб етмаган ва комил эътиқод ҳосил этмаган инсон ҳануз ғофилдир. Имон даражасида барча мавжудот қадри Аллоҳ инъоми сифатида,

барча инсон қадри имкон (потенция) даражасида намоён бўлса, илм даражаси ҳар бир муайян инсон ва ашё қадри ҳақида аниқ билимлар ҳосил қилиш билан боғлиқ бўлади. Ўзлигини англаш даражаси, Борлиқнинг моҳиятини англаш йўлидаги ижтиҳоди ва амалий фаоллиги билан боғлиқ ра-вишда инсоннинг инсондан фарқи, ҳар бир инсоннинг ке-чаги ҳолатидан бугунги ҳолати орасидаги фарқ доимий ўзга-риб боради. Учинчи, энг юксак ва масъулиятли даража, — амал. Бу жуда қийин савдо. Билиш ва амал қилиш орасида яна неча қайта илмга қайтилади, қайта таҳтил этилади, ҳар сафар чукурроқ англаб етиб борилади. Ва амал риёзатини чекишида меҳргина кўмак бера олади. Меҳрсиз на имон ба-кувват бўлади, на амал риёзатига инсон бўй беради.

Аммо инсоннинг фазилатларига қараб (имон-эътиқоди, илми, амалий кўникмалари, ахлоқий сифатлари ва ҳоказо-ларга кўра) қадрланиши ўз-ўзидан моддий эмас, маънавий кўринишда бўлади. Моддий қадрланиш эса илмнинг амалга татбиқ этилиши билан боғлиқ. Инсон ўз имкониятларини амалга татбиқ этишдан аввал ўз қадрини илм босқичида англаб етиши лозим. Бу билим амалий фаолиятда икки шар-тта риоя этишини тақозо этади. Биринчи шарт —инсон ўз қадрига номуносиб ишни ўзига раво кўрмаслиги керак, яъни ўз илм савияси, имони, жамиятдаги мавқеига номувофиқ амални содир этмаслиги керак. Иккинчиси — инсон ҳеч ким билан ўз қадрига нолойиқ шароитларга рози бўлиб битим тузмаслиги керак, кенгроқ маънода олганда, ўзганинг унга нисбатан нолойиқ хатти-ҳаракатлар содир этишига йўл кўймаслиги лозим.

Инсон ўзи ва ўзга қадрини таққослаб ўзаро муомалалар-га киришганда, маънавиятдан сиёсатга ўтилади. Инсон ўз моддий табиатини ҳам ҳисобга олиб, ўзгалар билан муносабатта киришувида иқтисодий муносабатлар юзага келади. Аммо, билиб қўйиш керакки, инсон иқтисодий, сиёсий ва маънавий майдонда доимо бир хил қадр топа бермайди. Ин-сон маънавий камолотини белгиловчи омиллардан бири унинг ушбу уч йўналишда ўз қадрини уйғун сақлай билиши билан ҳам белгиланади. Маънавий камолотни фақат маънавият ўйна-лишда ўз қадрини юксалтира билиш деб тасаввур этиш — бир ёқламаликдир.

Борлиқ ўзи тавҳидни (ягоналикни) тақозо этади. Бу яго-

налиқда энг ибтидоий маконда силжиш ҳаракатидан энг олий маърифат йўлларигача бир пайтниң ўзида мавжуд. Фақат инсоний мантиқнинг муайян даражада чекли эканлиги боис, биз тасаввур этган замон ва маконда ҳар бир нарса-ҳодисанинг ҳар бир ҳолати камолотнинг муайян босқичи доирасида тасаввур қилинади.

Аллоҳнинг барча китобларида уқдирилган, аждодларимиз асрлар давомида англаб етган ва имон келтирган Борлик ҳақиқати Тавҳид ҳақиқатидир. «Тавҳид» сўзининг маъноси ягоналик ва яхлитлик, яъни миллий маънавиятимиз талқинига кўра, дунёдаги жонли ва жонсиз, ҳаракатда ва сокинликда кўринган, ўтмиш, бугун ва келажакка оид нарса ва ҳодисаларнинг ўзаро узвий боғлиқлиги, ягона манба ва маншага оидлиги, уйғунлиги ва яхлитлигидир. Бу моҳият аждодларимиз меросида «ваҳдатда касрат, касратда ваҳдат» (бирликда кўплик, кўпликда бирлик) жумласида ифодаланади. Тавҳид ҳақиқатининг моҳияти шундаки, Борлиқнинг ҳар бир узви, қисми, зарраси ўзгалари билан боғлиқ, ўзаро алоқадордир. Шу сабабли Борлиқдаги ҳар бир зарра ўзгариши бугун Борлиқни ўзгартиради, ҳар бир заррадаги ўзгариш эса, ўз навбатида, бутун борлиқдаги ўзгаришдан келиб чиқади. Бу умумжаҳоний қонуният аро Инсон зотига алоҳида имтиёз ато этилган — унинг иродаси эркин, унга онгли ва ихтиёрий ҳаракат қилиш имкони берилган. Демак, онгли ва хур зот сифатида Инсон ҳар бир қадами учун бутун Борлик олдида масъул, ҳар бир хатти-ҳаракатига Аллоҳ олдида жавоб беради.

Маънавият шу сабабли ҳам аввало масъулиятдир.

Аллоҳ мўминга беш вақт намозни фарз қилган. Бу инсоннинг ўзи учундир, Ҳаллоқи оламнинг бизнинг ибодатимизга эҳтиёжи йўқ. Мўмин киши беш вақт намозда руҳан покланади, маънавият нуқтаи назаридан, намоз ҳар бир мусулмоннинг ўз қилган ишлари, қўйган қадамлари учун ягона Аллоҳ олдида сарҳисобидир. Ҳар бир саждага бош қўйган инсон Ҳақ олдида юзма-юз туриб, бугун мен Борлик ҳақиқати олдидаги масъулиятимни қандай адо этдим, деб ўз кўнгли олдида ҳисоб беради, сабаби, унинг кўнгли ягона Ҳақнинг маконидир.

Ўзбекистон Республикасининг Президенти ўз мавқеи ва мақомидан келиб чиқиб, доимо бир нарсани бизга — юрт-

дошларига таъкидлашдан чарчамайди. Ҳар бир инсон «ўз мустақил фикрига, сабит эътиқодига, ўзи таяниб яшайдиган ҳаётий-миллий қадриятларга, шаклланган дунёқарашиб мустаҳкам иродага», яъни бир сўз билан айтсак, мустақил маънавиятига эга бўлмоғи керак.¹²⁵

Маънавият инсоннинг ҳар бир хатти-ҳаракатида ўз ифодасини топади. Унинг яшаш тарзи, қилган ишлари, яратган асари, меҳнатининг натижалари атроф-воқеликка муносабати — барча-барчаси инсон маънавиятининг кўзгусидир. Олимнинг кашфиёти, шоирнинг шеъри, бастакорнинг мусиқаси маънавий дунё даракчилиари. Аммо дид бўлмаса, идрок ва билим етишмаса, уларни сезиб олиш, англаб етиш мушкул. Демак, ўзганинг маънавий камолот даражасини ҳис қилиш учун ўзингда ҳам етарли савия, баркамоллик бўлмоғи зарур.

2. Мустақил шахс — маънавий камолотнинг муайян даражасига етишган инсондир. Маънавий камолотнинг чегараси йўқ. Шу сабабли унинг муайян даражаси деганда нимани тушунмоқ керак? Бу йўналишда бирор аниқликка эришиш учун сухбатни инсон табиати ва унга маънавиятнинг нисбати мавзусидан бошламоқ мақбул кўринади.

Гўдакликдан ўсмириликка ўтишда инсон руҳининг мустақил «мен»лиги шаклланар экан, унда ўз моддий мавжудлигига нисбатан масъулият ҳисси пайдо бўлади. Шу даврда у изланади, «Мен кимман?» деган савол уни қийнайди. Бу саволга инсоният тарихида турли жавоблар мавжуд. Масалан, даҳрий-материалист айтади: «Сен бошқа барча жонзотлар янглиғ биологик мавжудотсан, еб-ичиб, уйланиб, ўзингдан зурриёт қолдириб, бу дунёдан тугал ўтиб кетасан, Шу сабаб — дунёдан оладиганингни олиб қол, баҳт — оний лаззатдадир». Марксист айтади: «Сен ёки пролетариатсан — дунёдаги барча ўзинг сингари йўқсиллар билан бирлашиб, хусусий мулкка қарши аёвсиз кураш олиб борсанг — авлодларинг коммунизмда яшайди, ёки сен буржуя синфи вакилисан, феодал сингари, қулдор сингари тарихан ўткинчисан, агар ихтиёрий равишда ўзлигиндан кечмасанг, аёвсиз синфий курашда йўқ қилинасан». Динни зоҳирий талқин этувчи айтади: «Сен Аллоҳнинг бир ожиз бандасисан, Яратгандан кўрқ, унга ибодат қил, жаннатта тушасан». Бошқа турли талқинлар ҳам кўп. Умумлаштириб айтсак, бу борада ҳар бир инсоннинг ўз қараши бор дейиш ҳам мумкин.

Тавҳид имони асосида шаклланган миллий маънавиятимиз учун аёвсиз «қарама-қаршилик» ва улар орасидаги «муросасиз кураш» тушунчалари моҳияттан ётдир. Жумладан, шахс ва жамият, миллат ва башарият манфаатлари биз учун ўзаро зид эмас, балки уйғун ва моҳиятига кўра бир-бирига мувоғиқ бўлиб, уларни зидлаштириш қандайdir ёвуз кучларнинг қабиҳ найранглари эмас, балки кўпроқ ҳодисаларни фақат ташқаридан, юзаки бир тарзда кўриб, улар моҳиятидаги ўзаро туташликни пайқамай шошқалоқ хулосалар чиқариш натижасидир. Асли воқелик, Моний тасаввур қилганидек, эзгулик ва ёвузликнинг мутлақ кураши асосига қурилган эмас, биз дуч келган зиддиятларнинг аксарияти эса, агар чуқурроқ таҳлил этилса, ягона Аллоҳ ҳақиқатини инсонлар ноқис тушунганлиги, охиригача мулоҳаза юритишга тобу тоқати етмаслиги, жиддий риёзат чекишга бўйни ёр бермай, муаммоларни енгил-елпи зоҳирий ҳал қилиб ўтиб кетишга мойиллиги туфайли юзага келиши маълум бўлади.

Инсоннинг яралиши ҳақида, унинг табиатидаги азалий мураккабликни изоҳлаб, Алишер Навоий ёзади:

... Ўйлаким душман яротиб ўтқа сув,
Ерни ҳам түфроққа айлаб адув.
Сунъидин кўргилки мундоқ тўрт зид,
Бўлуб инсон хилқатида муттаҳид...¹²⁶

(Мазмуни: Ўйлаб қара, Халлоқи олам сувни оловга душман қилиб яратди, шамолни ҳам тупроққа ёв қилди, аммо яратувчининг қудратини кўргилки, ана шу бир-бирига зид тўрт унсур инсон вужудида бир бутун бўлиб бирлашди.)

Бу ерда моддий дунёнинг, табиатнинг асосий тўрт унсури (элементи), уларнинг бир-бирига зидлиги ва инсон жисми ушбу кўпкүтбли зиддият ҳолатидаги унсурларнинг ўзаро уйғунлашувидан вужудга келгани ҳақида таъкидланиши бежиз эмас.

“Зубдат ул-ҳақойиқ” рисоласида Азизуддин Насафий шу ҳақиқатни илмий тил билан баён қилган. У ўзидан олдин ўтган алломалар фикрини умумлаштириб, инсон мизожини белгиловчи тўрт моддани табиатнинг тўрт унсури билан мувоғиқлиги ҳақида ёзади. Унинг фикрича ўт (савдо) — тупроқ мизожига, балғам — сув мизожига, қон — ҳаво мизо-

жига ва сафро — олов мизожига мувофиқ келади. Мълумки, инсон озиқланади ва озуқа унинг танасига ҳазм бўлиб, инсон жисман ўсади. Ўсиш хусусияти туфайли инсон жонсиз табиат, яъни маъданлардан фарқ қиласди. Ана шу ўсишни бошқарувчи механизмни “Зубдат ул-ҳақойик” муаллифи ўсимлик руҳи деб атайди. Ўсимлик руҳи жонли табиатдаги турли кўкатлар, дараҳтлар ва инсон учун умумийдир. Дараҳтлар ўсади, аммо мустақил равишда ўз маконини тез ўзгартира олмайди, бошқа жонзотлар билан фаол мулоқотга кирмайди. Бу хусусиятлар энди ҳайвонга хос бўлиб, шу сабабли инсондаги сезгиларни — кўриш, эшитиш, таъм билиш, ҳид ажратиш, бадани билан сезиш хусусиятлари ҳайвон руҳига оид ҳисобланади. Сезги органлари ҳайвон руҳини қўзғотади. У туфайли инсонда манфаатдорлик ва ҳузурланишга интилиш, зарар ва хатарга қарши қўзғалиш пайдо бўлади. Насафий улардан биринчисини ҳирс (нафс), иккинчисини ғазаб қуввати деб атайди.¹²⁷ Булар ҳайвонларнинг ҳаёт фаолиятида етакчи ўрин эгалловчи хислатлардир. Бугунги кун Европа фани уларни инстинкт деб атайди. Демак, шахсий фойдани ва заарни билиб, биринчисига табиий интилиш ва иккинчисига қаршилик қўрсатиш ҳали инсонликдан дарак эмас, балки инсоннинг ҳайвонлар билан умумий томони экан.

Тараққиётнинг материалистик талқинида механик ҳаракат, физиковий ўзгаришлар, кимёвий жараёнлар заминида биологик ҳаёт вужудга келиши таъкидланади. Ўсимликлар ва жонзотлар қатори инсон ҳам биологик мавжудот сифатида тан олинади. Аммо ушбу биологик мавжудот жамоа бўлиб яшаш хусусиятига эга ва шу сабабли у бир пайтнинг ўзида ижтимоий мавжудот ҳамдир. Гёё ушбу мантиқда ҳеч баҳсга ўрин қолгани йўқдек. Аммо бир савол борки, унга материализмда ҳеч қачон қониқарли жавоб топилмайди: «Нега материя ҳаракатланади ва нега айни камолотга интилади, боргани сари мураккаб жараёнларга киришиб, бир босқичдан иккинчи босқичга ўтиб, юксалиб боради? Юксалиб қаергача боради ўзи?» Ана шу саволларга Тавҳид таълимоти мұкаммал жавоб беради. Юксалишнинг сири бу ёруғ оламнинг яралиши билан боғлиқ. Олам яралишидан мақсад ўзи юксалишдир.

Насафий мулоҳазаларини кузатишда давом этамиз. Ҳайвон руҳи фақат атроф-воқеликдаги аниқ (конкрет) нарса-

ҳодисаларни идрок этади, уларнинг ўзига кўриниб турган фойда-заарини англайди. Инсон руҳи эса моддий муайян нарсаларни ҳам, улар ортидаги умумийликни ҳам англаб ета олади. Ушбу хусусияти туфайли у имон, эътиқод эгаси бўла олади, иродасини эркин идора эта олади, онгли равишда риёзат чекишига қодир, Борлиқ моҳиятини англаб етишга, яъни маърифатга ва меҳрга қодир. Инсонда тақвадор бўлиш, нарсалар моҳиятини англаб етубчи олим бўлиш, ориф ва ҳатто валий даражасига етиб қаромат кўрсатиш имкони ҳам мавжуддир. Ҳақ таоло набий ва расул (пайғамбар)ларни инсон зотидан танлади, уларни илоҳий ҳақиқатта дохил бўлиш даражасигача мушарраф этди.

Инсон аталган мавжудот учун ирсият белгиси ҳам бегона эмас. Унинг руҳияти икки асосда шаклланади. Бири — ирсият ва иккинчиси ижтимоий таъсир ва тарбия. Европа илмида ирсият фани бугунги кунда юксак ривожланиш нуқтасига кўтарилган, шу сабабли биз бу соҳага кўп ҳам дахл қилимаганимиз маъқул. Аммо миллий маънавиятимизга оид бир ҳикмат бор-ки, уни эслаб ўтмасак, маънавият ҳақида мулоҳазаларимиз мукаммал бўлмайди. “Ҳаромдан ҳазар” дейди ҳалқимиз. Ҳар бир инсон бу синов дунёсида ҳалолга интилиб, ҳаромдан четланиб яшашга уринмоғи лозим. Бу маънавият қоидасининг ирсиятга икки жиҳатдан бевосита алоқаси бор.

Биринчиси шуки, эр киши аҳли оиласини, фарзандларини ҳалол қасб билан едириб-ичираяптими ёки ҳаром-ҳаришдан ҳазар қилмасликка ўргатаяптими? Ҳаромдан бўлган ҳар нарса ҳаромга тортади. Инсоннинг хулқига ҳаром аралашса, унда ҳаром ишларга мойиллик уйғонади. Демак, фарзандини ҳалол ризқ билан боқмаган киши унинг маънавий камолини ҳам хатар остига кўяди. Ирсият бузилади.

Мусулмонлар учун бир қатор моддий ва ғайри моддий тақиқлар мавжуд, яъни уларга баъзи таом, ичимлик, гапсўз, хатти-ҳаракатлар ҳаром қилинган. Қуръонда аниқ айтилган истеъмол учун ҳаром ҳисобланувчи нарсалар шахс маънавиятига ҳам бевосита, ҳам билвосита таъсир қиласи. Масалан, маст қилувчи ичимликлар инсон маънавиятига ҳам бевосита уларни ичган пайтнинг ўзида салбий таъсир ўтказиб, турли ғайри ахлоқий оқибатларга олиб келиши мумкин. Бундан ташқари, ва энг хавфлиси, келажакда ичувчи-

нинг фарзандлари ирсиятида жиддий қусурлар шакланишига сабаб бўлиб, зурриётини баҳтиқаро этиши, жамиятнинг маънавий ҳаётига ҳам заар келтириши мумкин.

Биз ичкилик, тўнғиз гўшти сингари таомлардан ўзини тиймаганларни қоралаймиз. Аммо баъзан мусулмонлик дъяво қилган ҳолда Аллоҳ китобида рўйи рост тақиқ этилган кўп хатти-ҳаракатлардан ўзимизни тиймаймиз. Жумладан, ёлғон сўзлаш, фийбат, тухмат, ўзга ҳаққига хиёнат, тамаъгирилик, кибру ҳаво, турли маънавий бузилишлар исломда ва миллий маънавиятимиз анъанасида кескин қораланиб келинишига қарамай, кечаги кунимиизда, очиғи, одатий кўникмаларга айланиб қолаётган эди ва бугун ҳам улардан батамом фориғ бўла олганимиз йўқ. Энг ачинарлиси, биз уларга шунчалик кўникиб қолганмиз-ки, ўзимиз қилмаган тақдирда ҳам ўзгалар қилмишига муроса билан қараймиз. Асли биз бепарво қарайдиган бундай иллатлардан сақланиш ҳар бир инсон учун маънавий нуқтаи назардан баъзи моддий тақиқлардан муҳимроқдир (ўз вақтида Исо алайҳиссалом ҳам буни таъкид этган эдилар). Айниқса, порахўрлик ва зинокорлик энг хавфли ва ашаддий фасод бўлиб, инсон маънавиятини бутқул хароб этувчи омиллардандир. Баъзилар қонунга чап бера олса, кўнгли хотиржам бўлади. Аммо фосиқ киши ўз қилмишларини Ҳақдан ва ҳалқдан яшира оладими?

Иккинчи жиддий муаммо никоҳнинг муқаддаслиги ма-саласига доир. Маълумки, исломда зино, яъни эркак-аёлнинг никоҳсиз қўшилуви энг оғир гуноҳлардан (гуноҳи ка-бираплардан) ҳисобланади. Бунинг сабаби, эркак ва аёл табиатидаги зотий фарқлар билан изоҳланади. Ҳаётда эр киши табиатан эркинроқ яратилган. Шу сабабли унинг маънавий масъулияти ҳам жиддийроқ. Эркак ва аёлнинг бирга яашашга аҳдлашуви, кўпчилик ҳалқлар одатига кўра, жумладан, исломда ҳам гувоҳлар иштирокида Аллоҳнинг номи билан расмийлаштирилади ва тўй берив элга овоза қилинади. Чунки расмий никоҳсиз дунёга келган бола кўпинча жамиятда ўз муносиб ўрнини топмайди, ўзини маънавий камситилган ҳис қиласи. Бу номукаммаллик туйфуси унинг хотирида жамиятга зид иш тутиш тамойилини пайдо қилиши мумкин. Бадий адабиётда ҳам бунга талай мисоллар мавжуд. Агар бундай шахслар кўпайса, жамият ҳаёти издан чиқиш хавфи туғилади. Шу сабабли ҳар бир инсон келгуси авлодлар ҳаққи

ўз ҳаётини аввалбошдан тўғри изга солишни режалаштиромги ва бу йўлда масъулият билан иш тутмоғи лозим. Жаҳоннинг баъзи мамлакатларида никоҳ масаласига муносабат ўзгариб бормоқда. Инсоннинг жисмоний ва маънавий балоғати орасидаги нисбат билан боғлиқ бу муаммони аҳли башар жиддий ўйлаб кўрмоғи жоиздир.

Аллоҳ инсонни ўзининг эрка бандаси, халифаси — яъни бу дунёдаги ўринбосари қилиб яратган экан, унга жуда кўп иноятлар ато этган. Масалан, ирова эркинлиги. Инсон ҳайвонликка қараб юрадими ёки олий маънавият сари интиладими — ўзи танлаб олади, бирор уни мажбур қилмайди.

Иккинчи бир имконият — илм, дунёни билиш қобилияти. “Қисаси Рабгузий”да баён қилинишича, Одам яралишида фаришталар Азозилнинг сўзига кириб, Одамни гийбат қиласидилар. Шунда Аллоҳ таоло Одамга “Асмо” илмини ўргатиб, сўнг фаришталарга қатор нарсаларни кўрсатади ва “ушбу нарсаларни отини билсангиз айтинг”, деб мурожаат қиласиди. Фаришталар, “биз буларни билмаймиз”, деб ожиз қоладилар. Шунда Одамга буйруқ бўлади, у кўрсатилган нарсаларни бирма-бир “бу тош, бу сув, бу дарахт” деб дона-дона айтиб беради. Аллома юртдошимиз ёзади: “Хитоб келди: “Эй фаришталар, сизларга айтмадимму ман билганни сизлар билмассиз деб. Эмди сизга маълум бўлдиким, Одам олим туур, сиз обидсиз. Менинг ҳазратимда минг обиддан бир олим фозилроқ туур. Қайда обид эрса, олимга хизмат қилмоқ керак. Ул маҳдум бўлсун, сизлар ходим бўлунг. Ул масжид бўлсин, сизлар сожид бўлунг. Одамга сажда қилинг”.¹²⁸ Шундай қилиб Рабгузий Куръони карим оятларига таянган ҳолда, инсоннинг улуғлиги унинг дунёни билиш қобилиятида, илмида деб хуроса қиласиди.

Аллоҳнинг яна бир инояти — инсон руҳининг баъзога дахлдорлигидир. Барча жонзорот ўлгач, тупроққа қоришиб кетади. Инсон танаси ҳам шу жумладан. Аммо инсон руҳи абадиятга дахлдор. Чунки инсонда яратувчилик қобилияти бор. У моддий ва маънавий бойликлар яратади. Шу билан ўзини абадиятга дахлдор этади. Инсон ўзининг жисмоний ўлимани билади. Баъзи калтафаҳам моддиянчилар унинг жисмоний ўлимани руҳият учун ҳам сўнгги нуқта деб тушунадилар. Ваҳоланки, ушбу талқин инсонни ҳайвон билан тенглаштирувчи, уни алоҳида моҳият сифатида инкор қилувчи

бадбин ёндошувдир. Инсон маънавияти физиологик эҳтиёжлар даражасидаги нарса эмас. Инсон ўз жисмоний ўлими-ни, бу имтиҳон дунёсига фақат бир марта келишини билиш баробарида, руҳнинг абадиятга дахлдор эканини ҳам ҳис қиласар экан, унда маънавий камолот истаги пайдо бўлади. Ана шу имкон, яъни алоҳида шахснинг маънавий камолот имкони инсон учун Аллоҳнинг энг улуғ иноятидир. Ушбу имкон туфайли инсоният ўзгача бир эзгу олам — Маънавият оламига дахлдор бўлади ва унинг руҳи мангулик касб этади.

Тавҳид моҳиятини англаб етган инсон қалбida улуғ бир туйғу — меҳр туйғуси уйғонади ва унинг бутун борлигини чулғаб олади. Меҳр туйғуси санаб ўтилган уч буюк имконни ўзаро уйғунликда бирлаштириб, инсон кўнглини, Навоий ибораси билан айтганда, “ҳақиқат асрорининг ганжинаси” га айлантиради. Зоро, бу уйғунликсиз Маънавият олами зухур этмайди.

3. Биз болага одоб ўргатамиз. “Қани амакингта бир салом бергин”, деймиз. Одоб маънавиятимизнинг либосидир. Баъзи ҳолатларда либосга қаттиқ эътибор берилади. Масалан, дипломатия одобининг ўз қонун-қоидалари бор. Баъзан эса маънавият фидойилари умуман либосга эътибор бермайдилар. Тасаввуфнинг маломатия тариқида ҳатто ички кибрни енгиш, риё (иккиюзламачилик, мунофиқлик)дан қочиш учун ташқи одобга зид ишлар қилганлар. Нотаниш инсон биринчи бўлиб, қадди-қомати, ҳусни, кийиниши ва одоби билан диққатимизни тортади. “Вой, анови кишининг қўполлигиги-ни, кийган кийими ҳам бир аҳвол экан”, дейишади расида қизлар бир-бирига шивирлашиб. Ёки навқирон йигитлар ўтиб кетаётган гўзал чеҳрага маҳлиё бўлишади. Унинг сарв қомати, дид билан кийиниши, лола юз, сунбул сочлари, хумор кўзу қуюқ кипприк, ҳилол қошлари нигоҳимизни яшнатади. Агар бунга ҳаё ва андиша ҳам қўшилса, кўнгилни тамом забт этди, деяверинг.

Инсонни таниш одобдан бошланса, у билан мулоқот давомида ахлоқий хислатларини била борасиз. Ваъдага вафо қиладими, дўстга садоқати қандай, ҳиммати ва саҳовати, журъати ва шижоати, ўқтамлиги ва орияти — барча ахлоқий фазилатлари бирма-бир кўз олдингизда намоён бўла боради.

Бу фазилатлар мажмуи замирида эса яхлит шахс маънавияти нурланади.

Ахлоқ маънавиятга нисбатан сурат, ташқи жиҳат бўлса, одоб ўз навбатида ахлоқий фазилатларнинг юзага чиқишидир. Шу сабабли инсонни англаб етиш одобдан ахлоққа, ахлоқдан маънавиятга қараб теранлашиб боради. Аммо шу билан бирга ахлоқ одобга нисбатан, маънавият эса ахлоққа нисбатан кенг қамровли моҳиятлардир. Инсон одоби унинг барча ахлоқий фазилатларини намоён эта олмаганидек, шахснинг барча ахлоқий сифатларини бир ерга жам этганда ҳам барибир, унинг маънавий дунёсини тўлиқ қамраб олган бўлмайсиз. Асли маънавият Ҳақ нурининг кўнгил кўзгусида акс этиши бўлганлигидан муайян маънода кўнгил эгасининг ўзига ҳам охиригача маълум эмасдир, гайбга тугашдир. Алломалар инсон кўнглини тилсим атайдилар. Кўнгил кўзгусидаги маънавият нури туфайли ҳар бир инсон ўзи сеҳрли тилсимга айланади, моҳиятан чексизлик касб этади.

Алишер Навоийнинг “Лисон ут-тайр” асаридан юқорида бир парча келтирган эдик. Энди унинг давомига эътибор қаратамиз:

“... Офаринишин қилиб инсон ғараз,
Они айлаб халқ ичинда беэваз.
Кўнглин онинг маҳзани ирфон қилиб,
Ул тилислм ичра ўзин пинҳон қилиб.
Рўзи маҳфий ганж ўлуб бу турфа жисм,
Сунъидин ул ганж ҳифзига тилислм.
Ҳам тилислм ул маҳзан узра, ҳам амин,
Офарин сунъунгга, эй жон офарин.
Айлаганда розининг ганжини арз,
Не само айлаб қабул, они не арз,
Гайри инсонким қилиб они қабул...”²⁹

(Мазмуни: Бутун оламни яратишдан мақсад Инсон бўлиб, у ҳамма мавжудот ичида тенги йўқдир. Унинг кўнгли Ирфон хазинаси бўлди ва бу тилсим ичида Ҳақ ўзини яширди. Шундай қилиб, бу ажойиб жисм, яъни инсон вужуди маҳфий хазина сирини ўзида яширган ва ул хазинани сақловчи тилсимдир. Инсон ҳам бағрига хазина яширган тилсим, ҳам ул хазинанинг посбони, ишончли эҳтиётловчисидир.

Эй инсонга жон бахш этувчи, бундай яратган мўъжизангга оғаринлар бўлсин! Ҳақ ўз сирининг хазинасини таклиф этганда, на ер, на осмон уни қабул этишга ботинмадилар, фақат инсонгина уни қабул этди...)

Демак, инсон кўнгли ирфон хазинаси, Ҳақ сирини ўзида яширган тилсим экан. Инсон шу сабабли буюkdir. Ирфон Ҳақ сирини қалб билан англаб етиш бўлиб, унга эришган шахс Ориф дейилади. Ҳақ сири Тавҳид маърифатидир. Тавҳид — ягоналик, яъни бутун борлиқнинг ягона, яхлит моҳияти. Бу олий ҳақиқатни бутун кўлами ва теранлиги билан тушуниб етиш осон эмас. Бунинг учун инсон атрофвоқелик, табиатга, ўзга инсонлар, башариятга, Ватан ва миллиатга, ота-она, фарзанд, дўстга нисбатан ҳукуқ ва бурчларини мукаммал англаб етмоғи, ўзининг ички қудрати ва салоҳияти, руҳияти, ирода ва ҳимматини қалбан ҳис қилмоғи зарур. Ҳар бир инсон бу ёруғ оламга, бу синов майдонига бир олий вазифа билан келган. Ўша асл вазифаси нима эканини топа билмаса, тушуниб етмаса, бу дунёдан нотамом ўтиб кетмоғи мумкин.

*Дунёдан нотамом ўтмоқ баайни,
Этрур ҳаммомдин нопок чиқмоқ*

—

деб огоҳлантиради улуғ шоир.

Руҳ тарбияси ва унинг ирсиятта таъсири ҳақида аждодларимиз кўп ибратли китоблар қолдирганлар. Жумладан, XIII асрда яшаб ўтган Шайх Нажмиддин Кубронинг истеъоддли муриди Нажмиддин Доя қаламига мансуб “Мирсад ул-ибод мин ал-мабда илал-маод” (Аллоҳ бандаларининг бошлангичдан тугалланишгача бўлган ҳаёт йўли) рисоласида руҳшунослик ва инсон маънавий такомили ҳақида муфассал таҳлил ва мулоҳазалар мавжуд. Бу китобнинг миллиат маънавий такомилига таъсирини билган Хоразм хони Муҳаммад Раҳимхон Соний (Феруз) XIX асрда маҳсус топшириқ бераби уни форс тилидан ўзбекчага ўгиртирган ва китобат этирган. Рисоланинг биринчи боби — дебоча, 5 фаслдан иборат иккинчи боби эса инсон руҳининг табиати, руҳ ва тан нисбати каби масалаларга оид бўлиб, моҳиятан руҳшуносликка муқаддимадир. Китобнинг энг асосий қисми — учинчи боб — 20 фаслни ўз ичига олади. Унда инсон тарбияси-

нинг асосий масалалари қамраб олинган. Олимнинг фикрига кўра, энг аввало, инсон танасини тўғри тарбияламоги лозим. Муаллиф танани руҳнинг филофи (қолипи) деб ҳисоблайди. Уни пок тутмоқ, ҳалол меҳнатга, тўғри турмуш тарзига одатлантироқ лозим. Иккинчи навбатда, руҳиятни (кўнгилни) покламоқ талаб этилади. Унинг биринчи босқичи, Доянинг тасаввурига кўра, шариат босқичидир. Уни темир маъдани (рудаси) дан соф темир моддасини ажратиб олиш жараёнига қиёслаш мумкин. Иккинчи босқич, яъни пўлат эритиш, ундан кўзгу ясаш, тоблаш ва сайқаллаш ишлари моҳир усталарнинг зукко маҳоратини талаб этади. Шу сабабли ўтмишда бу юмушлар тариқат сулукларида, улуғ шайхлар назоратида амалга оширилган. Тариқат, яъни маънавий камолот йўли, инсон нафсига қайта ишлов бериб, уни аввал мумдек юмшатиб, кўнгил (дил) ойнасини бунёд этувчи оловли кўргага ўхшатилади. Кўнгил кўзгусига шундай сайқал бериш лозимки, у ўзида илоҳий нурни акслантириб, ой сингари ўзи ҳам атрофга нур тарата бошласин. Албатта, ҳар бир инсон мустақил ва самимий равишда бутун вужуди билан Борлик ҳақиқати сари интилмас экан, ҳеч қандай маънавий камолотга эришиб бўлмайди. Маърифат жараёни руҳиятда кечади, ташқи воситалар бир кўмак, холос.

4. Шахс маънавиятининг турли қирралари бор. Уларнинг ҳар бири хусусида алоҳида тўхталиш, алоҳида таҳлил зарур. Аммо бу мавзуларни бир китобда қамраб олиш имкондан ташқари, зеро шахс маънавиятининг муфассал таҳлили катта-катта рисолаларни талаб этади. Биз бу ўринда, ҳам намуна сифатида, ҳам бугунги шароитда ниҳоят дараҷада долзарблигини назарда тутиб, фақат бир муаммога тўхталиб ўтамиш. Шахс маънавиятининг бош белгиси, илгари ҳам айтиб ўтганимиз, масъулият туйғусидир. Масъулият туйғусининг турли жиҳатлари, даражалари мавжуд. Уларнинг энг асосийси ва бугунги кун воқелигига энг муҳими, назаримизда, Шахснинг иқтисодий мустақиллик масъулиятидир.

Ўзликинг англашнинг поғоналари бор. Шахснинг ўзлигини англаши унинг ўз инсонлик моҳиятини англай бориши билан белгиланади. Инсон моддий вужуд экан, аввало, ўзининг моддий маконсиз мавжуд бўла олмаслигини англаб етса ва унга нисбатан кўнглида масъулият уйғонса, ушбу масъу-

лият маънавият аталмиш ботиний қувватга дастлабки туташувни ҳосил қиласди. Инсонни Шахсга айлантирувчи маънавий камолотнинг биринчи поғонаси шудир. Айни шу поғонада Ватан туйғуси шаклланади. Биз бу ҳақда олдинги маърузада батафсил гапирдик.

Шахснинг моддий вужуд эканлиги, ундан шу моддий вужудни ҳимоялаш, тирик сақлаш, яъни ўз мавжудлигини таъминлаш эҳтиёжини пайдо қиласди. Инсон — ҳайвон эмас, аммо фаришта ҳам эмас. Унга фақат биологик мавжудот деб қараш етарли бўлмаса-да, аммо моддий мавжудлигини таъминлаш эҳтиёжи ва ўзидан сўнг зурриёт қолдириш вазифаси ҳар бир инсонда мавжуд эканлигини ҳам инкор этиб бўлмайди. Инсон ўз моддий мавжудлигини умр бўйи, узлуксиз таъминлаб боришга мажбур, бусиз у ўзга ҳеч қандай вазифани бажара олиш имконини топмайди. Аҳли башар наслининг ворисийлигини таъминлаш ҳам инсон бўйнидаги қарздир.

Маълумки, бу икки эҳтиёж бошқа жонзорларда — ўсимлик ва ҳайвонларда ҳам мавжуд. Улар ҳам ўз моддий мавжудлигини таъминлаб, ўзидан қейин насл қолдиришга уринади. Зоҳирбин моддииончи худди ана шу ўхшашликка асосланиб муайян хулосалар ҳосил қиласди. Аммо имон эгаси учун бу ўринда инсон ва ўзга моддий мавжудотлар орасида жiddий фарқ кўзга ташланади. Ҳайвон топганини ейди. Унинг учун «ўзга ҳаққига хиёнат», «ҳалол» ва «ҳаром» тушунчалири йўқ. Ўзлигини англаб етган, Ҳақни таниган инсон эса ҳалол меҳнат билан ризқи рўз яратади. У хоҳ деҳқон, хоҳ косиб, хоҳ тижоратчи-тадбиркор бўлсин, тириклик йўлида уринар экан, бир ўзи ва аҳли оиласигагина эмас, бутун жамият, ўзи сингари барча инсонларга манфаат келтиради, ҳалол меҳнати натижасига кўра эзгулик йўлида риёзат чекади. Агар ҳар бир ҳайвон зоти ўзи учун буюрилган доирада кўқатлар ёки ўзга жониворларни тутиб еб, ўз нафсини қондирса, инсон, биринчи навбатда, яратувчи. У ер ҳайдаб, уруғ тикади, ниҳолни парваришилаб, ҳосил ундириб, ризқини меҳнати билан ҳалоллаб истеъмол қиласди. Агар инсон ушбу энг биринчи вазифасини юксак мавқеига мувофиқ бажармаса, фақат роҳатини ўйлаб, ҳар қандай йўл билан бўлсин, нафсини қондириш пайида бўлса, у тезда ҳайвондан ҳам тубанлашиб кетиши ҳеч гап эмас. Барча маҳлукот Аллоҳ бу-

юрганини бажаради, бунга шак йўқ. Аммо ҳайвонот ва на-
ботот оламида ҳар бир жинс ва тур Ҳақ томонидан қатъий
белгиланган вазифасини оғишмай бажарса, инсон ирода эр-
кинлиги туфайли ҳаётдаги вазифасини имон-эътиқодидан
келиб чиқиб ўзи ихтиёрий белгилайди. Айни шу ирода эр-
кинлиги инсондан ўз хатти ҳаракатига онгли ёндошувни
тақозо қиласи. Ўзлигини англашга уринмаса, нафсиға эрк
берса, бани одам учун нафақат мечкай, ароқхўр ва наша-
ванд, балки ўғри ва муттаҳам-каззоб, фоҳиша ва қотилга
айланиш хавфи доим таҳдид солиб туради. Шундай разолат-
лардан инсонни ҳаё ва андиша, инсоф ва ор-номус сингари
соғ инсоний хислатлар сақлайди, имон-эътиқод нури уни
солиҳлар йўлига ундейди.

Демак, барча жонзорлардан фарқли равишида инсоннинг
ҳар бир қадами маънавий ўлчамларда баҳоланади. Унинг мод-
дий эҳтиёж ва интилишларининг ҳам маънавий мезонлари
мавжуд бўлиб, моддий ҳаётни давом эттириш мақсадида
ейдиган бир бурда нони ҳам «ҳалол-ҳаром»лик жиҳатидан
баҳо олади ва тақдирiga таъсир кўрсатади.

Баҳовуддин Нақшбанд ҳазратлари Пайғамбаримизнинг
қуйидаги ҳадисларига кўп ишора этмишлар: «Ал-ибодату
ашарату ажзоин, тисъатун минҳо талаб-ул-ҳалоли ва жузъун
воҳидун минҳо соир-ул-ибодоти», яъни «ибодат ўн қисм-
дур, унинг ўндан тўққизи ҳалол ризқ топиш ҳаракатида,
бир қисми эса бошқа ибодатлардадир». ¹³⁰ Демак, ҳалол ризқ
йўлида уриниш Аллоҳга қулчиликнинг, Ҳақ йўлидаги ибо-
датнинг асосий қисмини ташкил этар экан.

Ҳар бир инсон зиммасида иқтисодий мустақиллик масъ-
улияти бор. Ҳеч ким ўзга бир киши мени боқиши (иқтисод-
ий жиҳатдан таъминлаши) керак деб ҳисоблаши керак эмас.
Лекин бунинг баъзи шартлари ҳам мавжуд. Ҳар бир инсон
ўз иқтисодий мустақиллигини таъминлаши учун, мулкни
эркин тасарруф этиш имкониятига эга бўлиши керак. Совет
даврида хусусий мулк ҳуқуқининг йўқ қилиниши айнан
ана шу имкониятдан инсонларни маҳрум этди ва натижада
ҳар бир инсоннинг мустақил Шахс бўлиб шаклланиши учун
энг муҳим омил бўлган иқтисодий мустақиллик масъулияти
туйфуси қаттиқ зарбага учради. Мулкни эркин тасарруф қилиш
ҳуқуқидан ажralган инсон шахс сифатида шаклланишининг
acosий заминини қўлдан берган, фазода муаллақ қолган мав-

жудот аҳволига тушган эди. Мустақиллик бизни шундай хатарли ҳолатдан олиб чиқиб кетди.

| Ҳар бир эр киши ўз оиласини (рафиқаси, балоғат ёшига етмаган фарзандлари, кекса ота-оналари, баъзан ёш укасингиллари ёки бошқа яқин қариндошларини) иқтисодий жиҳатдан таъминлаш ҳаракатида бўлмоғи керак. Бироқ, оила аъзолари ўз бокувчисини ошиқча харажатларга мажбур қиласниклари ҳам талаб этилади.

Совет даврида бизда эркак ва аёл тенг ҳуқуқлиги мавжуд деб жаҳонга жар солдик. Асли шу тўғрими? Қонун олдидаги ҳақ-ҳуқуқ нуқтаи назаридан тўғри. Аммо тенг ҳуқуқлилик ҳар жиҳатдан жўн талқин этса бўладиган тенглик эмас. Аёл ва эркакни Аллоҳ таоло кўп жиҳатдан фарқли қилиб яратган. Шу сабабли жўн талқин этиладиган “тенглик” кўп ўринда аёлнинг зарарига ишлайди.

Аёлнинг моҳияти меҳрга оид, аёл руҳи ва жисми меҳр билан йўғрилган. Шу сабабли табиатан фарзанднинг онада ҳақи кўп. Онасиз фарзандни тасаввур этиб бўлмайди. Гўдак то ўсмир ёшига етгунча онанинг етовида бўлади. Ҳатто 5-6 ёшли боланинг ҳам тилини тушуниб, кўнглини ола биладиган, гўдак учун ҳар жиҳатдан она ўрнини боса оладиган оталар ҳаётда унча кўп учрамайди. Эркак — кўчанинг одами. Уларда одатан ҳис-туйғудан кўра ақл-идрок, мантиқий тафаккур кучлироқ. Ўғил бола ўсмир бўлиб, ўзлигини таний бошлагач, отага интилиши кучаяди.

Аёл аввало она, уй бекаси, меҳрибон ҳамшира, эгачи-сингил, жонсарак бузи, яъни меҳр чашмасидир. Уйнинг саришталиги ундан, эркакнинг кўнгил хотиржамлиги, фарзанд кўзининг нури аёл туфайлидир.

Аммо 70 йиллик советларча “тенглик” даврида аёл шахтёр бўлди, механизатор бўлди, йўл қурувчи, бетон қуювчи бўлди, жазира маҳалла саронда пахта чопиқ қилди, той-той пахтани терди, ташиди,чувиди. Отилиб чиққанлари. ҳақини таниганлари пионерликдан комсомолга, комсомолдан партияга ўтиб, кўл силтаб эркакларга ваъз ўқиди. Аммо аёлликдан уларни бирор озод қилмади, илло, Аллоҳ буюрганини бандаси бекор қила олмайди, уй бекалигини, оналигини, ошпазлиги, кирчилигини “иккинчи смена” да бажарди. Эркак — аёл “тенглиги” шу эдими?

Аммо фалокатнинг асоси бунда эмас. Аёлни ўзига “тенг”

билган эркак “ола хуржун”нинг оғирроқ қисмини аёлга юклашни машқ қила бошлади. Оиланинг иқтисодий, молиявий таъминотининг “төнг” ярмини аёлга юклашни ўзига эп кўришга ўрганди.

Ахир Аллоҳ эр кишини беҳуда “салти-сувой” қилиб қўйилтими? Аёл фарзандларини эплаб, хонадон саришталигини таъминласа, эр киши кўчадан топиб-тутиб келишни бўйнига олиши лозим эмасми? Инсон туғилиб вояга етгач, балоғат ёшидан биринчи навбатда ўзининг иқтисодий мустақиллик масъулиятини бўйнига олмоғи, эр киши оила курса, аҳли аёли, норасида фарзандлари таъминотини ташкил этмоғи — ҳам қарзу ҳам фарз эмасми? Баъзи хотини, боласини бозорга чиқариб қўйганлар балки ночордир, аммо танижони соғ бўлса, бутун имкониятларини ишга солиб, ўзини бу шармандалиқдан кутқармоқнинг астойдил ҳаракатига тушмоғи керак эмасми?

Ким “хотин киши ишламасин” деса бекор айтиби. Рафбат бўлса, истеъдод бўлса ишласин, элга нафи тегсин. Аммо аёл кишининг ишлаши, пул топиши ихтиёрий бўлмоғи керак, эрнинг масъулиятызлиги натижаси эмас. Яна бир айбимиз — ўғил фарзандимиз ўттизга кирса ҳам “бала” деб қараймиз. Бу ҳам янги “ўзбекчилик” касалликларидан, аммо “миллий маънавият” га бундай “эркалик”ларнинг алоқаси йўқ.

Бозор иқтисоди фарзандларимизни эрта улгайтира бошлади. Бунга минг шукrona айтсан арзийди. Албатта, сигарет, сақич, “муздек айрон” сотиш нуқтаи назаридан эмас. Балки ўз келгуси ҳаётини тўғри қуришга масъуллик ҳисси теранлашаётгани кўзни қувонтиради.

Аёл кишининг масъулияти эса, биринчи навбатда, унинг иффатида, ҳаёсида, саришталигига, ҳаётдаги ўз вазифасини чуқур тушуниб, унга мувофиқ йўл танлаши, ўзини фарзанд тарбиясига, бекаликка, оналикка тўғри тайёрлаб боришида кўриниади.

Аёлларимиз ўта истеъдодли. Уларни қадрлашимиз, истеъдоди камол топишига имкон яратишимиз лозим. Аммо “олаҳуржун”ни, марҳамат қилиб, ўз елкангизга олинг, омон бўлгур алп йигитлар!

Аммо оила иқтисодини таъминлаш ҳали камоли маънавият эмас. Маънавият — аҳли оилани ҳалол ризқ билан бо-

қишда. Демак, тақвонинг бошланиши ҳалол ризқдан. Агар инсон беш вақт намозни кандо қилмаса, рўза тутса, закот берса, ҳаж зиёратига ҳам етишса-ю, ризқига ҳаром аралаштиrsa, киши ҳаққига хиёнат қилиса, бирорни алдаб пул топса, тамагирлик билан қун ўтказса — натижа маълум. Алишер Навоий “Насойим ул-маҳабба...” асарида ёд этган аксари машойихлар луқма ҳалоллигига алоҳида аҳамият берганлар, тер тўкиб касби кор қилиб, ўз майшатларини таъминлаганлар. Афсуски, 70 йил давомида ҳалол меҳнат қилганлар эмас, “йўлинни топганлар” айшини сурди ва инсонлар онгида бу вазият жуда оғир асорат қолдирди. Ҳаромдан қўрқмайдиган одам жамият учун хавфли одамдир. Ҳаромдан қўрқмаслик ёки жаҳолат, ёки мунофиқликдир.

Инсон иқтисодий мустақиллик масъулиятини ҳис қилмаса, ҳалол ризқ изламаса, ундаги қолган барча яхши ҳулқлар, гўзал одоб ўз тароватини, самимиятини, қийматини йўқотади. Аммо инсон топганини уйига ташигани билан маънавий юксаклик касб этмаслиги аниқ. Ҳар ишда меъёр тузук. Ўзидан, аҳли оиласидан ортириб, миллат хизматини гарданга олиш чинакам мардоналиқ белгисидир. Фақат бир шарти бор. Мен миллатга хизмат қилаяпман, менинг тирикчилигимни давлат таъминлаб қўйсин, деб даъво қилиш, ҳатто кўнгилдан ўтказиш маънавий ожизликка ишорадир. Аҳли оиласага, бола-чақа, ота-онага, миллатта, башариятта хизмат холис ва самимий бўлади. Ўтмиш алломалар ибрати, боболар васияти бу!

Таянч иборалар: Инсон ва маймун орасидаги фарқ, маънавий камолот имконига эга бўлган моддий мавжудот, ҳар бир инсонга Шахс сифатида ёндошув зарурати, ўзликни англаб етиш — ўз қадрини тўғри баҳолай билиш, инсоннинг инсондан фарқи, илм ва амал, маънавий қадрланиш ва моддий қадрланиш, ўз қадрига номуносиб ишни ўзига раво кўрмаслик, Тавҳид ҳақиқати, Инсоннинг ирова эркинлиги, ибодат — руҳий покланиш, инсон маънавиятининг кўзгуси, маънавий дунё даракчилари, эзгулик ва ёвзлик кураши — инсоннинг жаҳолати, руҳнинг даражалари — “ўсимлик руҳи”, “ҳайвон руҳи”, “инсон руҳи”, ирсият ва ижтимоий таъсир, “ҳаромдан ҳазар”, никоҳнинг муқаддаслиги, “одам олим турур”, инсон руҳининг бақога даҳидорлиги, одоб — маънавиятнинг либоси, ахлоқий фазилатлар

замири — маънавият нури, инсон кўнгли Ҳақ сирини ўзида яширган тилсум, “дунёдан нотамом ўтмоқ”, Нажмиддин Доя руҳ тарбияси хусусида, шахс маънавиятигининг турли қирралари, инсоннинг ўзи ва аҳли оиласи олдидағи иқтисодий мустақиллик масъулияти, ҳалол меҳнат — ризқи рӯз воситаси, эзгулик йўлида риёзат, моддий эҳтиёж ва интилишларнинг маънавий мезонлари, мулкни эркин тасарруф қилиш ҳукуқи, аёлнинг моҳияти меҳрга оид, эркак — кўчанинг одами, бозор иқтисоди ва фарзандлар тарбияси, миллат хизматини гарданга олиш — мардоналик белгиси.

Тавсия этилувчи ва фойдаланилган адабиётлар рўйхати:

Асосий адабиёт:

1. Қуръони карим (Абдулазиз Мансур таржимаси). Т., 2001.
2. Имом Бухорий. Жомеъ ас-саҳиҳ. 1—4-жиллар, Т., 1990—1995.
3. Ўзбекистон Республикаси Конституцияси. Т., 1992.
4. Каримов И. А. Озод ва обод Ватан, эркин ва фаровон ҳаёт — пировард мақсадимиз. 8-жилд. Т. — “Ўзбекистон” — 2000, с. 3—17, 72—82, 405—441.
5. Каримов И. А. Истиқдол ва маънавият. Т., 1994.
6. Каримов И. А. Маънавий юксалиш йўлида. Т., 1998.
7. Каримов И. А. Ўзбекистон: миллий истиқдол, иқтисод, сиёsat, мафкура. 1-жилд. Т. — “Ўзбекистон” — 1996, с. 76—103, 360—362.
8. Каримов И. А. Бунёдкорлик йўлидан. 4-жилд. Т. — “Ўзбекистон” — 1996, с. 39—55, 156—187.
9. Каримов И. А. Янгича фикрлаш ва ишлаш — давр талиби. 5-жилд Т. — “Ўзбекистон” — 1997, с. 166—191, 207—217.
10. Соглом авлод орзуси. Т., 1998.
11. Маънавият — масъуллик. 1-китоб (Маънавият нашрлари. Республика «Маънавият ва маърифат» жамоатчилик маркази). Т., 1997.
12. Алишер Навоий. Лисон ут-тайр. Т., 1991.
13. Рабгузий. Қисаси Рабгузий. Т., 1990.
14. Комилов Н. Тасаввуф. Биринчи китоб. Т., 1996.

15. Содиқова Т. Мехр қолур. Т. 1997.

Кўшимча адабиёт:

16. Одобнома. Т., 1992.
17. Оила ахлоқи ва одоби. Т., 1995.
18. Азизиддин Насафий. Зубдатул-ҳақойиқ. Т., 1995.
19. Усманов Р. Саодатнома. Т., 1995.
20. Файбуллоҳ ас-Салом. Эй умри азиз. Т., 1997.
21. Файбуллоҳ ас-Салом. Эзгуликка чоғлан, одамзод. Т., 1997.
22. Саттор М. Ўзбек удумлари. Т., 1993.
23. Идибеков Н. Этика Насриддина Туси в свете его теории свободы воли. Душ., 1987.
24. Эркаев А. Маънавият — миллат нишони. Т., 1997.
25. Юсупов Э. Инсон камолотининг маънавий асослари. Т., 1998.
26. Бобомуродов А. Йислом одоби ва маданияти. 1995.
27. Очилов С. Мустақиллик маънавияти ва тарбия асослари. Т., 1995.
28. Столovich А. М. Жизнь, творчество, человек. М., 1985.
29. Садриддин Салим Бухорий. Дилда ёр. Т., 1993.
30. Имомназаров М. С. Миллий маънавиятимизнинг та-комил босқичлари. Т., 1996.
31. Имомназаров М. С. Миллий маънавиятимиз назария-сига чизгилар. Т., 1998.

18-маъруза. ШАХС ВА МИЛЛАТ

ДАРС РЕЖАСИ:

1. Шахснинг миллат олдидаги масъулияти.
2. Ижтимоий фаоллик — маънавият белгиси.
3. Шахс эрки ва қонун устиворлиги.
4. “Ҳақ сўзни беркитманг”.

1. “Қачон халқ бўласан, эй сен, оломон!” деб ҳайқирган эди ичи куйиб кетган шоир халқимиз мажбурий манқуртлаштирилган бир даврда. Элат миллат бўлиши учун, мавхум қиёфали “оломон” асл маънодаги “халқ” қа (“будун”га) айланиши учун, аввало ушбу мамлакатнинг ҳар бир фуқароси

Шахсга, мустақил маънавият эгасига айланиши керак. Ватансиз Шахс бўлмаганидек, инсон Шахс бўлиб етишмагунча, элат миллатга, оломон халқа айланмайди. Шу сабабли миллат ҳақида гапиришдан аввал Шахс ким деган саволга дастлабки жавобларни излаш зарур бўлди.

Маънавият инсон руҳидаги Борлик ҳақиқати билан уйғунлик экан, демак, биргина Шахс миллат ҳақида ўйлай бошласа – миллатнинг шаклана бошлагани шудир. Билка хоқон, Култегинлар руҳидан нималар кечгани бугун бизга Йўллуғ тигин тошга битиб қолдирган ёзувлардан маълум. Миллатнинг улуғ шоири “турк будуни”нинг тақдири ҳақида дилдан қуюниб, авлодларга васият қолдиргани миллатнинг ўша даврлардан шаклланганлигининг ишончли далили эмасми?

Шахс ва миллат маънавияти бири бирини тақозо этувчи ҳодисалар. Ҳар бир шахс “ўзини халқининг бир зарраси деб сезгандагина, у ҳақда ўйлаб, меҳнат қилиб яшагандагина маънавият билан туташади”, дейди Президент.¹³¹ Бошқача қилиб айтганда, шахс маънавияти воқеликда миллат маънавиятидан айру, ундан ташқарида бўлмайди. Ҳар бир алоҳида шахс ўз мустақил маънавий дунёсига эга, миллат маънавияти эса, мутлақ маънода ушбу миллатга мансуб барча шахслар маънавияти асосида асрлар, балки минг йиллар давомида шаклланиб боради. Шу билан бирга, воқеан ҳар бир шахс маънавиятининг шаклланувида миллат маънавиятининг таъсири етакчи мавқе эгаллайди. Миллат ўз маънавий бойлиги ни қанча унутса, келаётган авлод шу даражада манқуртлашади, ўзлигини танимайдиган даражага келади. Миллий маънавиятнинг келажак авлодларга тўлақонли, мукаммал етказилиши учун бош омил миллатнинг сиёсий ва иқтисодий мустақиллигидир. Миллатнинг йўлбошчилари – унинг сиёсий, иқтисодий, маънавий соҳадаги етакчилари руҳиятида уйғун баркамоллик, Ватан ва халқ олдидаги масъулият ҳисси қай даражада эканлиги ҳам кўп нарсани белгилайди. Миллатнинг ўзлигини таниши унинг умумбашарий миқёсда ўз ўрнини, мақом ва мавқеини, бурч ва масъулиятини қанчалик англаб етиши билан боғлиқ. Ҳар бир шахснинг, элат ва миллатнинг Ҳақ олдида масъулияти бордир, умумбашарий миқёсда вазифаси ва мақоми мавжуддир. Миллат ўзлигини англаб етмаган бўлса, у ҳали миллат эмас, маънавий

танаzzулга юз тутса, миллат сифатида ўзлигини бой бера бошлайди.

Маънавият дунёсида яратувчилик учун эрк лозим. Қулликдан, қарамлиқдан озод бўлиш руҳ эркинлигидан бошланади. Руҳ эркинлиги эса ўзликни англашдан келиб чиқади. Инсон том маъноси билан шахс аталмоғи учун мустақил маънавиятга, яъни ўзи эркин белгилаб олган мустақил камолот йўлига эга бўлмоғи керак. Аммо шу билан бирга дунёда ҳеч бир инсон ёлғиз ўзи мавжуд эмаслиги ҳам ҳақиқат. У табиат билан, ўзга инсонлар билан, Борлиқ ҳақиқати билан чексиз боғланувчи ҳалқалар орқали туташ. Шу сабабли шахс мустақиллиги ва эркинлигини бурч билан уйғунлаштирумай, ҳар қандай мутлақлаштиришга уриниш гумроҳликка олиб борувчи йўлдир.

Ҳар бир инсоннинг табиатда ҳам, жамиятда ҳам ўз муайян ўрни, шунга яраша вазифаси бор. Фақат инсонга уларни танлашда маълум эркинлик берилган. Ирода эркинлиги ана шу ўз йўлини ўзи танлай олиш ва ўз маънавий дунёсини мустақил яратা билиш имконида намоён бўлади.

Ҳар бир инсоннинг мустақил маънавий дунёси нисбий тушунчадир. У ҳар бир оиланинг ўз яшаш жойи, хонадони ёки қўргони бўлгани кабидир. Бу қўргон ичida ҳам ҳамма жойдаги каби ҳаво, сув, инсонлар, емиш ва жиҳозлар мавжуд. Аммо уларнинг жойлашуви, таомнинг тайёрланиши, ўзаро муносабат ва бошқаларда ўзига хослик, бошқа хонадонларга ўхшамаган жойлари бор. Бир хонадонда оддийроқ, одмироқ жиҳозлар кўрсангиз, бошқасида сифатлироқ, ноёброқ ёки гаройиброк жиҳозга кўзингиз тушади.

Хонадон ва қўргонлар маҳалла ва мавзеларни, улар ўз навбатида катта бир шаҳарни ташкил қилганидек, турли шахслар маънавияти ўзаро уюшиб муайян тоифалар маънавиятини, булар охир бориб миллат маънавий дунёсини ташкил этади.

Давлат ва миллат тушунчалари бир-бири билан боғлиқ. Буни ҳамма билади. Аммо ҳеч бир давлатда ягона миллат яшамайди. Шу сабабли давлат ва миллатнинг ўзаро боғлиқлиги доимий нисбийдир. Шу нисбийликда давлат мустақиллиги кўпроқ иқтисодий омил билан, миллат мустақиллиги маънавий омил билан туташдир. Мустақил маънавият мил-

лат мустақиллигини, мустақил иқтисод эса давлат мустақиллигини таъмин этувчи кучдир.

Миллат маънавияти бир кунда, бир йилда, ҳатто бир асрда ҳам тугал яралмайди, тугал йўқ бўлиши ҳам қийин. Агар алоҳида фавқулодда чоралар кўрилмаса. Шу сабабли сиёсий мустақилликнинг бой берилиши бирданига миллатнинг йўқ бўлишига олиб келмайди. Аммо шундай хавф мавжуд, муайян шароитларда баъзан ўта жиддий хавф туғилиши бегумон. Ўзбек миллати кейинги бир асрдан ошиқ вақт ичига худди шундай жиддий хатар тазиқида яшади. Яратганга беадад шукурлар бўлсинки, ушбу таҳлика бошимиздан ариди.

Ўзбек маънавияти ниҳоятда теран томирларга эга. Биз кўпинча тил туташлигидан келиб чиқиб, ўзимизни туркий миллат деб атаймиз. Бу — тўғри. Аммо биз маънавиятилиз илдизларини фақат турк тилидаги манбалардан қидирсанак, ўзимизни ўзимиз ниҳоятда камбағаллаштириб қўйган, кемтик бир меросга даъво қилган бўлур эдик. Бу борада биз буюк аждодларимиздан ибрат олсак арзиди.

Халқимизнинг буюк алломалари Ал-Бухорий, Ал-Хоразмий, Ал-Фарғоний, Ал-Форобий кабилар араб дунёсинг илм марказларида таълим олиб, узоқ вақт ўша ерларда араб тилида ижод этишган. Уларни кечагина фаразли кутқуларга учиб, бирини қозоқ, бирини тожик, бирини ўзбек деб талашиб юрдик. Ваҳоланки, араблар булар бизнинг алломаларимиз, деб ҳурмат қилса, эроний халқлар ўз маънавиятига эш билади, шу билан бирга барча туркий халклар ҳам уларни ўзинники деса тўла ҳақлидир.

Мозийда ислом маданияти доимо ягона минтаقا маданияти бўлиб келган, Ҳирот ва Ҳамадон, Бағдод ва Бухоро, Миср ва Кошфар, Булғор ва Хоразм илм ва маданиятда бирбирларидан айру яшамаганлар. Узоқ Испаниядан Шарқий Туркистонгача, Волга бўйи ўлкаларидан Шимолий Ҳиндистон диёригача турли халқ ва элатлар ягона маънавият оламидан баҳраманд бўлганлар.

Ўзбек миллий маънавияти ҳудудсиз уммонга туташган бир баҳрdir. Хоразмда туркий салтанат бўлмиш хоразмшоҳлар саройида хизмат қилган Рашидиддин Ватвот ўзининг XII асрда ёзилган “Хадойиқ ас-сехр фи-дақоиқ аш-шеър” (Шеърият назокатларининг сехри боғлари) асарида шеърий

санъат ҳақида гапириб, аввал Куръондан ва Расулуллоҳ ҳадисларидан, сўнг машҳур араб шоирларидан, шундан кейинги на форс шеъриятидан намуналар келтиради. Алишер Навоий эса ўз устоз ва салафлари қаторида Лутфий ва Насимиylар билан бир қаторда Саноий ва Низомий, Саъдий ва Амир Хусрав, Мавлавий ва Аттор, Ҳофиз ва Жомийларни тенг ёд этади. Тасаввуфнинг тариқатлари ҳақида ёзганда туркистонлик яссавия ва нақшбандия билан бир қаторда ҳиндистонлик чиштия тариқати намояндаларини ҳам бирма-бир тилга олиб ўтади, қадим Юноннинг буюк ҳакимларини Куръонда қайд этилган пайғамбарлар билан бир китобда йўқлади. Демак, биз ҳам бошқача йўл тутсак, мақсадга эриша олмаймиз.

Асли башарият маънавий олами турли минтақа маънавиятларининг уйғун ҳамкорлигидан вужудга келар экан, ислом ва насоро дунёси, ҳинд ва хитой маънавияти ўзаро яқинлашувдан фақат ютади. Аммо ягона тил, ягона мафкуранинг зўрлик асосидаги тазиқи ўрнатилса, у — ёмон. Тақдир экан, сobiқ СССР аталган ҳудудда турли ҳалқлар зиёлилари бир тилдан фойдаланиб, 70 йил ҳамкорлик қилишган бўлса, бунинг эвазига яралган бойлик ушбу ҳалқларнинг маълум даражада умумий мероси ҳамдир. Бугун биз буни инкор қиласак, фойда қилмаймиз, фақат тўқ мағизларни пучидан, пуфлаб шиширилган мафкура оқовасидан ажратиб ола билмоқ зарур. Қолаверса, бугун биз билан елқадош турган юртимизнинг ўзга тилли зиёлилари ҳам миллий маънавиятимизга ҳисса қўшишлари табиий. Фақат бир меросни иккинчи меросга зид қўймаслик лозим.

Хуллас, ўзбекнинг миллий маънавияти неча минг йиллик тарих ва мураккаб тақдирга эга бўлган, турли ҳалқ ва минтақа маданиятларига эш бўлиб келган гўзал ва рангоранг дунё бўлиб, унинг таркибидан не-не буюк шахсларнинг маънавият оламлари жой олган.

Яна бир ҳақиқатни унутмайлик. Анъанага қўра қадимдан Мовароуннахрда турли сиёсий-худудий бирликлар (давлатлар) доимо қўпмиллатли бўлган. Аввал Турон, кейинча Туркистон аталган ўлқада фақат туркий қавмлар эмас, турли эроний тилларда гаплашувчи қабилалар, юнонлар, ҳиндлар, араблар, мўғуллар ва ҳоказо ҳалқларнинг вакиллари истиқомат қилиб келишган. Минтақамиз ҳалқлари доимо

ўзаро хурмат-эҳтиром билан тинч-тотувлик, иттифоқликада яшаб келишган, ўзаро келин олиб, қиз беришган. Сиёсий ҳокимият учун кураш фақат сулолалар аро мавжуд бўлиб, миллий зиддиятлар бизнинг халқларимиз учун умуман бегона бўлган. Бу анъана бугун ҳам биз учун қадрли бўлиб, давлатимиз сиёсатида ўз аксини топмоқда. Ватан хавфсизлигини кенг маънода тушуниш, унга таҳдид этиши мумкин бўлган асосий хавфлар ва уларни бартараф этиш йўллари Президентимизнинг китобларида мукаммал таҳлил этиб берилган.

Бугунги мустақил Ўзбекистон халқи турли тилда гаплашувчи, турли диний эътиқод, турли маънавий қиёфа, тарихий ўтмишга эга бўлган инсонларни ягона Ватанда бирлашувидан ташкил топгандир. Уларнинг аксарият кўпчилиги азалдан ушбу заминда яшаган элатлар намояндаси бўлса, баъзилари ўзга ўлкалардан турли сабаблар билан, турли тарихий шароитда бу юртга келиб ўрнашиб қолгандирлар. Албатта, аксарият фуқароларимиз ўзбек тилини ўз она тили деб билади, шу сабабли бу тил давлат тили, турли элат вакиллари аро расмий мулоқот воситаси ҳисобланади. Бу дунё амалиётида қабул қилинган табиий ҳол. Масалан, Америка Кўшма Штатларида ҳабаш ҳам бор, ўзбек ҳам, поляк ва украин ҳам етарли. Аммо барчалари ўз уйида қандай тилда гаплашишларидан қатъи назар, бу мамлакатда расмий мулоқот учун инглиз тили қабул қилинган. Буни ҳеч ким ўз инсоний ҳукуқларининг қандайдир тарзда чекланиши деб билмайди. “Миллий” сифати бугунги кунда икки маънода қўлланилади, бири – тил, тарих, маънавий қиёфа умумийлиги асосида ягона миллатга мансуб деб ҳисобланувчи инсонлар гуруҳига нисбатан бўлса, иккинчиси, ягона давлатга бирлашган муайян мамлакатнинг барча фуқаролари бирлашмасига оид нарса-ҳодисаларга нисбатан ишлатилади. Масалан, миллий бойлик, миллий манфаатлар, ялпи миллий маҳсулот ва ҳ. к. сингари. Биз ҳар бир инсонни Шахс деб қарашимиз лозим, деб айтдик, чунки унга шундай имкон берилган. Худди шу тарзда биз ҳар бир Ўзбекистон фуқаросини ягона Ўзбекистон халқининг таркибида деб ёндошмомиз зарур. Чунки Ўзбекистон фуқаролигини ихтиёрий равишда қабул қилган ҳар бир шахс онгли равишда ўзини Россия ёки Тожикистон, Корея ёки Арманистон мамлака-

тига тааллуқли деб эмас, айни Ўзбекистон диёрига мансуб билмоқда, ҳар бир ўзбекистонлик бу билан фахрланиши керак. Сайдилар пайғамбар авлоди, хўжалар саҳобалар зурриётлариридир. Аммо бугун барчаси ўзини араб эмас, ўзбек деб англайди. Демак, улар ўзбек миллатига тегишли. Қадим хоразмликлар, Суғдиёна ёки Парканда аҳли қайси тилда гаплашган бўлмасин, бугун уларни биз — ўзбеклар ўз аждодларимиз деб биламиз. Шундай экан, бугунги мустақил ўлканинг ҳар бир фуқароси Ўзбекистон аталмиш Ватан олдида, миллат ва ҳалқ олдида масъуллариди.

2. Маянавият имон, илм, риёзат, меҳр билан бўлади. Аммо у, аввало, масъулиятдир. Илм ва имон инсонга масъулият юкини юклайди, уни риёзат ва меҳр билан умр довонларидан елкалаб ўтилади. Инсон Шахс бўлиб шакланар экан, йилма-йил ўзлигини англаб боради, бу ўзликни англаш давомида маънавий камолот поғоналари бўйлаб юксалади.

Кўпчилик инсонлар онгли умрининг ўндан тўққизи ризқи рўз ҳаракати, оила парвариши билан ўтади. Аммо инсоннинг бу ёруғ дунёдаги вазифалари фақат шундан иборат десак, етарли бўлмас.

Буюк аждодимиз Абу Наср Форобий «Фозил шаҳар аҳлининг қарашлари» китобининг 26-бобида ёзади: «Ўз табиатига кўра ҳар бир инсон шундай тузилганки, у ўз мавжудлигини таъминлаш ва комил мартабага эришиш учун жуда кўп нарсаларга эҳтиёжи бор. Бу нарсаларни унинг бир ўзи ҳосил қила олмайди ва уларга эришиш учун муайян бир кишилик жамоасига эҳтиёж сезади. Бу жамоанинг ҳар бир аъзоси ўзига ва ўзгаларга зарур бўлган бирор-бир маҳсулот, ашё ёки хизматни таъминлайди ва натижада ҳар бир кишининг эҳтиёжлари тўлиқ қондирилиш имкони пайдо бўлади».¹³² Шу маънода бундай жамоанинг ҳар бир аъзоси бир-бирига нисбатан бурчлидир. Агар бундай жамоада ҳар бир инсон Ҳақ олдиаги масъулиятини тўғри англаб, камолот сари ўзи интилар экан, ўзгаларнинг ҳам худди шундай интилишига кўмақдош бўлишга астойдил уринса, натижада «фозил шаҳар» (жамият, миллат, мамлакат) вужудга келади.

Ҳар бир инсон бу ёруғ оламда ҳалол-пок умр кечириши учун атроф воқелик, яъни ижтимоий муҳит нисбатан мувофиқроқ ёки номувофиқроқ бўлиши мумкин. Ҳалол ризқ

топиш, ўзи ва оиласи иқтисодий мустақиллигини таъминлаш инсоннинг Шахс сифатидаги энг биринчи вазифаси бўлса, унинг иккинчи муҳим вазифаси ўзи яшаб турган ижтимоий ҳаётни такомиллаштириш ишида иштирок этишдир. Ижтимоий ҳаёт бугунги шароитда ягона давлат ҳудудида кўпчилик томонидан қабул қилинган ўз қонун-қоидала-рига эга. Ана шу муайян мамлакатнинг ижтимоий-сиёсий ҳаётида умуммиллий фаровонлик ва юксалиши йўлида фаол иштирок этиш вазифасини фуқаролик масъулияти дейиш мумкин.

Одатда кўпчилик ҳалол ризқ топиш ва оила ташвишларини ҳал қилиш вазифасини ўз гарданида деб билади. Аммо фуқаролик масъулиятига кўп ҳам эътибор бермайди. Диний ибора ишлатсак, гўё фуқаролик масъулияти «фарзи кифоя»га ўхшаб қабул қилинади. Кимdir жамият камолоти учун бош қотирайтими, демак, бизга иш қолгани йўқ, деб ҳисобланади. Давлат бошлиғи (у шоҳми, султонми, президентми — қатъи назар), вазирлар, турли даража амалдорлар, қозилар (судьялар), яъни давлат ва жамият ишларини бажариш бевосита мансаб вазифасига кирувчи шахсларга жамиятни такомиллаштириш масъулияти ҳам тўлиқ юклаб қўйилади-да, жамиятнинг бошқа аъзолари «ўз бола-чақа ташвиши, рўзгор ғамида» юраверадилар. Бу ҳам бир жамият. Аммо фуқаролари руҳида ижтимоий фаоллик, масъулият бўлмаса, бу жамиятнинг комиллик даражаси на Форобий орзу қилган «фозил одамлар шаҳри» ва на бугунги идеал «фуқаролар жамияти» талабларига мутлақо жавоб бермайди. Бундай жамиятда сайловлар ўтказилиши, парламент ташкил топиши, давлат ва ҳукуматнинг турли даража арбоблари сайлаб қўйилиши мумкин. Аммо бундай жамиятнинг оддий сайловчиси сайловда номзоди қўйилган бир неча арбобдан қайсиси ўзи даъво этаётган ўринга энг муносиб эканлиги ҳақида воқе-лика мос ва мантиқий далилланган ўз холосасига эга бўлмайди. Демак, бундай шароитда давлатнинг масъул мақомларига ким сайланиб қолиши кўпинча тасодиф орқали ҳал қилинади, турли сиёсий ўйинлар туфайли юз бериши ҳам мумкин.

Агар Аллоҳнинг инояти билан яхши ва муносиб киши сайловда ютиб кетса, халқнинг омади, аммо шундай бўлмаса-чи? Яна кўпчилик «ўз бола-чақаси ғамидан, турмуш таш-

вишидан» бўлагини ўйламаган инсонлар бошларига кулфат тушса, у ёки бу амалдорнинг «адолатсизлигидан» шикоят қиласидилар, замондан, раҳбарлардан нолийдилар, кимлардандир нажот кутадилар. «Мен шу кунгача фақат ўзимни ўйладим-ку, жамият қаёққа кетаётгани билан бир пуллик ишим бўлмади-ку, энди бирор мени ўйлаши керак деб даъво қилишга нима ҳаққим бор?» деб ўзига савол бермайди.

Балки бизнинг охирги 5 аср давомида бошимизга тушган савдоларнинг сабаби ҳам айни шу ҳолатда яшириндир. Маҳдуми Аъзам — Мовароуннаҳр тасаввуфининг сўнгти улуғ назариётчиси — суфийнинг, яъни маънавий етук кишининг сиёсатга фаол аралашувини жоиз топган эди. Аммо, назаримда, XVII—XVIII асрларда, яъни Европа ва Америка халқлари ижтимоий-сиёсий соҳада фаоллашуви астойдил авжланган даврда бизнинг халқларимиз кўпчилиги — хунук ибора бўлса ҳам балки қўллаш керакдир — «ижтимоий-сиёсий танбаллик»ка, ҳаракатсизликка берилдилар. Аниқроғи, ижтимоий камолот йўлларида сусткашлиқ кўрсатдилар. Натижа маълум. Шу сабабли ҳар бир Ўзбекистон фуқаросининг Юрт мустақиллигини мустаҳкамлаш, миллат тақдирига күюнчаклик билан муносабатда бўлишига эришиш орзусида тиниб-тинчимаган Президентимиз ҳар бир маъруза, ҳар бир суҳбатида бизни фаолликка, ижтимоий фидокорликка унди.

Яна Устоди сонийга мурожаат этамиз: «Инсонлари ҳақиқий саодатга эришиш йўлида бир-бирига ёрдам бериш учун бирлашган шаҳар — фозил шаҳардир ва саодатга эришиш мақсадида бир-бирига ёрдам берувчи инсонлар жамоаси — фозил жамоадир. Барча шаҳарлари саодатли бўлиш йўлида бир-биридан ёрдамини аямагувчи халқ (миллат) — фозил халқ, фазилатли миллатдир. Шундай равиш билан агар бутун олам аҳли бир-бирига саодат йўлида холис кўмаклашувга тайёр бўлса, курраи замин фозил инсонлар маконига айланади».¹³³ Ушбу фуқаролик масъулиятини тўлиқ англаб етмас эканмиз, бизнинг Шахс сифатидаги маънавий камолотимиз ҳам тугаллик касб этмайди.

3. Фуқаролик масъулияти нима? деган саволга энг умумий тарзда ижтимоий ҳаётни такомиллаштириш жараёнида иштирок этиш вазифаси деб жавоб бердик.

Энди ушбу масалани муфассалроқ кўриб чиқайлик.

Аввало, қайси касбда бўлмасин ризқини ҳалол топиб ейиш ҳаракатида бўлмаган одам ижтимоий ҳаётни такомиллаштириш эмас, уни бузишга, издан чиқаришга «ҳисса» кўшади. Шу сабабли ҳам ҳалол ризқ топиш шахс маънавиятининг ҳам, фуқаролик масъулиятининг ҳам пойдеворини ташкил этади.

Иккинчидан, қонунларга тўлиқ риоя этиш. Бунинг учун, аввало, мамлакат қонунларини яхши билиш талаб этилади. Ўзи қонунга риоя этишни лозим билмаган одам бошқалардан адолат умид қилишга ҳақлими? Аслини олганда, «мен бугун қонунларга риоя қилсан, эртага бирваракай ҳамма нарса яхши бўлиб кетади», деб ўйлаш воқеликни жуда жўн тушуниш бўлар эди. Аммо бир нарса аниқ: агар ҳар бир фуқаро «фақат мен қонунга риоя қилишим шартми, аввал бошқалардан бўлсин», деб мулоҳаза юритса, юргда ҳеч қачон барқарорлик, ижтимоий хавфсизлик, балки, умуман, оддий яшаш имкони ҳам бўлмайди. Жамиятда аксарият кўпчилик қонунларга риоя қилган жойдагина муайян ривожланиш, такомил умиди бўлиши мумкин.

Баъзан, зоҳирий назарда, қонунга сўзсиз риоя этиш шахсий ва оилавий манфаатларга зид кўриниши мумкин. Шу асосда баъзи «диалектик тафаккур муҳлислари» шахс ва жамият манфаатлари орасидаги зиддиятлар муаммосини олга суришади. Асли бундай ёндошув мутлақо ноўрин ва беасос. Чунки жамият манфаатларига зид бўлган ҳар қандай хатти-ҳаракат асл моҳиятида ҳар бир алоҳида шахс манфаатига ҳам зид бўлиб чиқади ва, билъакс, ҳар бир шахс манфаатларига зид нарса охир-оқибат жамият манфаатларига ҳам зиддир. «Айшни нодон суриб, кулфатни доно тортадур», деган машҳур сатрлар фозил шаҳар қонуниятлари эмас, жоҳил шаҳар бошбошдоқлиги асосида яшовчи жамиятта тааллуклидир. Но-дон одамгина мен қонунга риоя қилсан зарап кўраман, деб мулоҳаза қилиши мумкин. Чунки нодон одамнинг энг асосий хислати бошқаларни ўзидан кўра аҳмоқроқ деб ўйлашида на-моён бўлади. У мен бошқаларни алдаб, ўз ишимни битириб кета оламан, деб хаёл қиласди. Жоҳил жамиятда икки нодон бирлашиб, қолганларни алдаб кетиш режасини тузишади. Қолганларнинг кўпчилиги уларнинг иши битганини кўриб, ўзларининг тўғри хатти-ҳаракатларини «нодонлик» ва қонун бузувчиларнинг жиноягини «ишбилармонлик», деб ўйлай

бошлашса, тез кунда «жоҳил шаҳар» разолат ва бадбаҳтлик шаҳрига айланади. Бундай жамиятда барча бадбаҳт ва ожиз бўлиб, бир-бирини айблашдан боши чиқмайди, бу билан иш ўнгланиш ўрнига баттар хароблашади.

Совет давлатида коммунистик идеологиянинг тотал ҳукмронилиги сабабли амалда 250 млн. аҳоли устидан якка бир шахс — КПСС бош секретарининг мутлақ ҳокимлиги вужудга келган бўлиб, адолат тарозуси фақат ўша лавозимни эгаллаган одамнинг қўлида ҳисобланарди. У қандай ҳукм қилса, шу — охирги ва мутлақ ҳақиқат деб қабул қилинishiдан ўзга чора йўқ эди. Шу сабабли ҳамма жабр кўрганлар ёки бирор имтиёздан умидвор бўлганлар КПСС Марказий Комитетига, шахсан бош котиб Фалончиевга мурожаат қилиш учун интилар эдилар. Бу буюк аллома назаридаги «адашганлар шаҳри»нинг яққол намунасиdir. Охири бориб бундай «адашганлар шаҳри» ҳам разолат ва бадбаҳтлар шаҳрига айланиши ва ҳалокатта юз тутиши амалда ўз тарихий исботини топди.

Аслида адолат ҳар бир инсоннинг қалбida бўлади. Ҳар бир фуқаро аввало адолатни ўз кўнглидан ахтариши керак. Агар жамиятдаги ҳар бир адолатсизлик сабабини қидирган фуқаро биринчи навбатда ўз виждонига, қалбига мурожаат қилса, ўзи дуч келган адолатсизлик илдизини аввало ўзидан қидирса, адолатни қарор топтириш учун курашни ўз камчиликларини тузатишдан бошлаш лозим деб ҳисобласа — фуқаро масъулияти айни шу дақиқадан унинг руҳида уйғонган бўлади.

Қонунга риоя қилиш бу йўлдаги дастлабки қадамдир. Тан олиш керак, ҳалқимизнинг кўпчилигига фозил шаҳар аҳолисининг дастлабки икки муҳим сифати — ҳалол ризқ топиш учун интилиш ва қонунларга риоя этиш, улардан бош товламаслик хислатлари мавжуд. Булар шу даражада муҳим фазилатлар-ки, жамият барқарорлиги, миллат ҳамжиҳатлиги, давлат хавфсизлиги кўп жиҳатдан шу икки хислатнинг жамият аъзолари хатти-ҳаракатида устиворлиги билан боғлиқдир. Ammo бу даражада тўхтаб қолиш фозил жамият учун етарли эмас. Жамият ҳаёти фақат адолат асосида қурилиши мумкин. Бошқача ҳолатда жамият иложсиз ҳалокатта маҳкум. Ammo адолат масаласида ажаб бир муаммо мав-

жуд. Юзаки қараганда ҳамма адолат тарафдори, адолатсизликка барча қарши. Шундай экан, нега жамиятда адолатсизлик юз беради? Масаланинг бир нозик жиҳати бор. Адолат тарозуси ҳар бир инсоннинг барча фазилат ва нуқсонларини, истеъод ва камчиликларини аниқ «вазнини» белгилаб, ўшангя яраша ҳар бир шахснинг ижтимоий қийматини ўлчайди ва баҳолайди. Яна бунинг устига унга мавжуд ютуқ ва камчиликларига яраша ажрини ажратиб беради. Яъни фақат инсонга маънавий баҳо берибгина қўя қолмай, унга умунижтимоий моддий неъматлардан ҳам ўз «вазнига» яраша улуш белгилайди. Бунда шахснинг ўзи ўзига берган баҳоси эмас, жамиятга етказган нафи ҳисобга олинади. Ана шу ерда зоҳирний зиддият юзага чиқади. Жоҳил одам ҳар вақт ўзини энг оқил, энг истеъодли, умунижтимоий бойликтан энг катта ҳиссага ҳақдор, деб билади. Бунга ҳозирги замон ижтимоий тафаккурида кенг урф бўлган қатор тушунчалар моҳиятини тушуниб-тушумай ғализ талқин қилиш оқибатлари ҳам бальзан таъсир кўрсатади. Масалан, «гуманизм» ва «ижтимоий адолат» тушунчаларини боқимандалик кайфиятларида, «демократия»ни шахсий масъулиятсизликка баҳона сифатида ўз фойдасига буриб сафсатабозликка айлантиришга уриниш ҳолатлари, «эътиқод» туйғусидан ақидапарастлик руҳидаги даъволар учун фойдаланиш, қон-қариндошлик меҳрини ўзгалилар зарарига суистеъмол қилиш ҳаракатлари жамиятда у ёки бу даражада кузатиладиган ҳолатлар бўлиб, бундай таъмойилларнинг авж олиши жамиятни айни «жоҳиллар шахри»га айлантирувчи омиллар.

Ҳар бир инсон ўз хос табиати йўналишида истеъод эгаси қилиб яратилган. Агар у ўзлигини англашга уринса, ўзига энг мувофиқ истеъод йўналишини албатта топади. Фақат жамият муайян ақидани зўрлик билан унга сингитишга уринмаса бўлди. Бунинг учун мустақил Ўзбекистон асосий қонунида аниқ кафолатлар белгиланган. Бирор бир диний ёхуд фалсафий ақида асосида Ўзбекистон фуқароларига муайян имтиёз ёки чеклашлар жорий қилиниши мумкин эмас.

Инсон ўзлигини қанча барвақтроқ англаб етса, жамиятда шунча тез ўз ҳақиқий ўрнини топиб олади ва ҳаётини тўғри изга сола билади. Бунинг учун ота-она, жамиятдаги мутасадди шахслар кўмаклашувлари табиий. Барча маҳлу-

қотнинг тақдири Аллоҳ таоло иродасидан ташқари эмас. Аммо инсон ер юзидаги гуноҳ ва савоблари учун Яратган олдида масъул экан, демак, синов майдони бўлмиш бу ёруғ дунёда муайян маънода ўз тақдирини ўзи белгилайди. Инсоннинг ирода эркинлиги шу ерда. Агар жамиятда ўз ўрнини вақтида тўғри белгилай олса, бу дунёсини ҳам, у дунёсини ҳам обод қиласди, агар ўз тақдирига беписандлик билан ёндошса, ўзини ҳар икки дунёда хароб қиласди. Миллий маънавиятимизнинг хос фазилатларидан бўлмиш Аллоҳга таваккул эса ҳаёт ма-шаққатларини сабр-бардош билан енгиб ўтишга ҳозирликни билдиради, фаолиятсизликни, фикрий танбалликни эмас.

Ҳар бир инсон баҳтга интилади. Бунинг устига эртага эмас, шу бугундан бошлаб баҳтли яшашни хоҳлайди. Бу истагига дабдурустдан эриша олмагач, айбор қидиради. Ана шунда унинг олдида икки йўл намоён бўлади: бири бошига тушган ҳаёт синовлари учун кимни бўлмасин бирорни айбдор деб билиш, яъни айбни ўзидан ташқаридан қидириш; иккincinnisi. ишлари юришмаётганлик сабабларини ўз камчиликларидан деб билиб, сабр-тоқат ва матонат билан уларни тузатишга, ҳаётини яхши томонга ўнглашга ўзини сафарбар этиш.

Маълумки, биринчи йўл охир натижада фақат вазиятни мураккаблаштиришга олиб келади, иккincinni йўлгина инсонни ижобий ютуқларни қўлга киритишига сабаб бўлиши мумкин. Тўғри баъзи одам уруш-жанжал билан ҳам бир нарсаларга эришаман деб ўйлади. Аммо бу йўл билан қўлга киритилган биргина «ютуқ» ўз орқасидан минг касофату кулфатни бошлаб келиши ҳеч гап эмас. Чунки ёмонлик йўлидан яхшиликка эришиб бўлади деб тасаввур этиш, ўта хавфли ва ҳалокатли хом хаёлдир. Инқилоб йўли билан гўё «катта ютуқ»ларни қўлга киритган большевиклар охир натижада ўзлари бир-бирларини қириб битирдилар ва башарият бошига ҳам не кулфатларни келтирдилар. Шундай экан, ҳар ким жамиятни камчиликлардан халос этмоқчи бўлса, аввал ўз айбу хатоларини ўнглашдан бошласин, жамият камолотини орзу қилса, ўз маънавий камолоти йўлида жидду жаҳд кўрсатсан. Чунки жамият шахслардан ташкил топади ва ушбу шахсларнинг маънавий қиёфаси умумжамоанинг маънавий ҳолатини белгилайди.

Албатта, бу қоида жуда умумий ва жўн кўринади. Ҳаёт эса мураккаб. Ҳаётда ўзи ҳеч ҳаракат қилмай, фақат бирорларни айблаб ўтираверадиган одам деярли учрамайди. Одамлар бор — ўта ҳаракатчан, бошқаларнинг айбу хатосини кўрсатиш баробарида ўзлари ҳам жамиятга наф етказиш учун муайян ижобий ишларни бажариб борадилар. Бошқа бир тоифа кўп ҳам ўзгаларни айбламайди, ўз ҳаётий қийинчиликларига кўпроқ ўзини сабабчи деб билади, аммо барибир ўргангандан ҳаёт тарзини кескин ўзгартирмайди, на ташқи шароитни, на ўз ахволини ўнглаш учун фаол ҳаракаттага киришмайди. Орада яна неча тоифа бор. Бироқ шу нарса аниқки, таъсир акс таъсир кўрсатади, хайриҳоҳлик яхшиликка элтади, душманлик курашни кучайтиради. Кураш эса бузғунчиликдир. Албатта шаҳар марказида бир беўхшов иморат ҳуснбузардек туриб қолган бўлса, уни бузиб ташлаб ўрнига яхши бир бино тиклагимиз келади. Аммо бузишга киришишдан илгари обдон ўйлаб, чамалаб, кенгашиб кўрмоқ зарар қилмайди, балки озгина таъмир билан шу иморатнинг ўзига ҳусн киритиш мумкиндир. Қолаверса, бизнинг дишимиз, гўзаллик ва уйғунылик хусусидаги тасаввуримиз мукаммалми?

4. Инсон — «хом сут эмган банда» сифатида ҳеч қачон камчиликлардан холи бўлмайди. Демак, «мен ўзим мукаммал эмасман-ку», деган андиша билан жамиятда бирор камчилик кузатсан ёки бизга шундай туюлса, фикримизни очик баён қилишдан тийилганимиз маъқулми ёки бирор чора кўриш керакми? Бирор ўзга шахснинг айбу хатосини кўргудек бўлсан, уни қандай билдириш лозим? Ёки мен аввал ўз хатоларимни ўнглашим керак, деб индамай ўтиб кета бериш керакми?

Фарбда сўз эркинлиги масаласига алоҳида эътибор қаратилади. Масала, дарҳақиқат, муҳим. Аммо бир жиҳати бор. Агар сўз эркинлиги ҳуқуқидан бирорни кўпчилик орасида обрўйини тўкиш, изза қилиш, ҳатто турли миш-мишлар тарқатиш билан одамлар орасида шубҳа-гумонлар туғдириш учун фойдаланилса-чи? Тўғри, ҳар ким ўз обрўйини ҳимоя қилиши учун суд бор, адвокатлар хизматидан фойдаланиш мумкин. Ривожланган мамлакатларда бу каби воситалар кенг кўлланилади. Аммо маънавий омилнинг ўрнини улар боса олармикин?

Тавҳид маънавиятида сўз эркинлиги муаммоси бикр ҳал қилинган. Аллоҳнинг китобида бу ҳақда аниқ кўрсатмалар мавжуд. «Бақара» сурасининг 42-оятида «Ҳақни ноҳақлик билан қориширмангиз ҳамда билатуриб ҳақиқатни яширмангиз», дейилган. Куръон оятларининг тафсирини ҳар давр ва замон кишилари ўз тушунчалари ва ўша давр шарт-шаротидан келиб чиқиб талқин қилганлар. Миллий маънавиятимиз нуқтаи назаридан ёндошсак, Ҳақ Аллоҳ таолонинг ҳақиқатидир ва ундан ҳар қандай чекиниш ноҳақлик, ўзига ёки ўзгага зулм бўлади. Ҳаққа қандай етишиш мумкинлиги ва бу ҳақиқатдан узоқлаштирувчи омиллар нималардан иборат эканлиги тасаввуф таълимотида мукаммал шарҳ этилган. Суфийларнинг минг йиллик ирфоний тажрибасини бир жумла билан ифода этилса, Ҳақ сўз — холислик ва хайриҳоҳлик билан, ягона Аллоҳ ризолиги йўлида айтилган сўз, ноҳақ сўз эса, ҳар қандай гараз, худбин ният аралашган сўз бўлиб, гийбатга, душманликка, гаразли амалларга олиб келади. Гаразли ниятда ҳатто бировга ширин сўз айтилса ҳам, у аччиқ мева беради. Умуман инсонга эмас, иллатга қарши кайфиятда бўлиш хайрлидир. Инсонни унга ёпишган иллатлардан фарқ қилиш керак. Инсонни ердаги халифа деб қабул қилиб, унга ярашмаган, кўнгил кўзгусини хира тортириб турган чангубордан покланишига кўмак етказувчи хайриҳоҳлик билан йўғрилган маслаҳатлар бериш, яхши муносабат билан унинг қалбida эзгулик сари интилиш туғдиришга уринмоқ айни савобдир. Ҳар қандай ғазаб билан, тоқатсизлик билан айтилган гап эса акс таъсир туғдиради, душманлик кўзғатади, зоро ёмон кайфият яхшилик сари элтмайди.

Аммо ҳақ сўзни хайриҳоҳлик билан айтиш ҳали барча ишни ўнгловчи восита эмас. Жамиятга наф етказишининг энг муҳим ва энг унумли йўли -- муайян камчиликларни фазилатларга ўгиришнининг амалий воситаларини қидириб топиш ва уни амалга татбиқ этишлар.

Президент ижобий (фойда келтирувчи) муҳолифат (конструктивная оппозиция) деганда айни ана шу йўналишда натижали юмушларга қўл урганларни назарда тутади. Мақсад нима ўзи -- жамият камолотини таъминлашми ёки барқарорликни издан чиқаришми? Ҳамма гап шунда. Ижтимоий фаол Шахс ўзининг ҳар бир қўймоқчи бўлган қадамини

келажак натижаси ҳақида жиддий ўйлаб қўрмоги дуруст. Қадамни қўйгач, оқибатга қараб яна бир карра ўзи учун хулоса чиқарса — янада яхши.

Ҳар бир инсон зоти маънавий қиёфаси туфайли шахсдир. Ҳайвон ўлгач, тупроққа айланади, инсонни эса унинг маънавияти бақога элтади. Миллат ҳам шундай. Бугунги мустақиллик шароитида юргбошимизнинг миллий маънавиятга айрича эътибори шу сабаблидир. Аммо ҳақиқий озод фуқаролар жамияти ташкил топиши учун миллатнинг ҳар бир аъзоси, шу азиз Ватаннинг ҳар бир фуқароси ўзлигини англаб етишга интилмоғи, ўз улуғ мақомига муносиб амал қилмоғи тақозо этилади. Ўзбекистоннинг буюк келажаги масъулияти ҳар биримизнинг зиммамиздадир.

Таянич иборалар: “Халқ” ва “оломон”, элат ва миллат, Шахс — мустақил маънавият эгаси, шахс маънавияти миллат маънавиятидан айру эмас, ҳар бир шахс маънавиятининг шаклланувида миллат маънавиятининг таъсири, миллатнинг умумбашарий миқёсдаги мавқеи ва мақоми, бурч ва вазифалари, миллатнинг Ҳақ олдида масъулияти, шахс эркинликлари ва бурчлари мутаносиблиги, ҳар бир инсоннинг мустақил маънавий дунёси, миллатнинг маънавий мустақиллиги, ҳудудсиз уммонга туташган баҳр, миллатнинг бағрикенглиги, “миллий” сифатининг икки маъноси, “фозил шаҳар аҳли”, фуқаролик масъулияти, «ижтимоий-сиёсий танбаллик», миллат тақдирига куюнчаклик, ижтимоий ҳётни такомиллаштириш жараёнида иштирок этиш, қонунларга риоя этиш зарурати, шахс ва жамият манфаатлари орасидаги зиддиятлар муаммоси, «жоҳиллар шаҳри», разолат ва бадбаҳтлик шаҳри, «адашганлар шаҳри», ҳар бир инсон баҳтга интилади, ёмонлик йўли билан яхшиликка эришиб бўлмайди, тавҳид маънавиятида сўз эркинлиги, «Ҳақни ноҳақлик билан қориштирманг», “билатуриб ҳақиқатни яширманг”, Ҳаққа етишиш йўллари ва ҳақиқатдан узоқлаштирувчи омиллар, инсонга эмас, иллатга қарши кайфиётда бўлиш, қалбда эзгулик сари интилиш уйғотиш, камчиликларни фазилатларга ўтиришнинг амалий воситалари, Ўзбекистоннинг буюк келажаги масъулияти.

Тавсия этилувчи ва фойдаланилган адабиётлар рўйхати:

Асосий адабиёт:

1. Куръони карим (Абдулазиз Мансур таржимаси). Т., 2001
2. Ўзбекистон Республикаси Конституцияси. Т., 1992.
3. Каримов И. А. Озод ва обод Ватан, эркин ва фаровон ҳаёт – пировард мақсадимиз. 8-жилд. Т. – “Ўзбекистон” – 2000, с. 319–329, 442–461.
4. Каримов И. А. Биз келажагимизни ўз қўлимиз билан қурамиз. 7-жилд. Т. – “Ўзбекистон” – 1999, с. 293–312, 355–369, 405–406.
5. Каримов И. А. Ўзбекистон: миллий истиқдол, иқтисод, сиёсат, мафкура. 1-жилд. Т. – “Ўзбекистон” – 1996, с. 76–85.
6. Каримов И. А. Биздан озод ва обод Ватан қолсин. 2-жилд. Т. – “Ўзбекистон” – 1996, с. 58–70, 249–264.
7. Каримов И. А. Ватан саждагоҳ каби муқаддасдир. 3-жилд. Т. – “Ўзбекистон” – 1996, с. 3–54.
8. Каримов И. А. . Хавфсизлик ва барқарор тараққиёт йўлида. 6-жилд. Т. – “Ўзбекистон” – 1998, с. 25–30, 318–320.
9. Ал-Фараби. Философские трактаты. Алма-Ата, 1972.
10. Имомназаров М. С. Миллий маънавиятимиз назария-сига чизгилар. Т., 1998.

Кўшимча адабиёт:

11. Фоғуров И. Миллатнинг биллурланиши. Т., 1995.
12. Имомназаров М. Шахс маънавияти ва фуқаро масъулияти // “Халқ сўзи” газ., №10, 15 янв. 1999.
13. Имомназаров М. Шахс маънавияти ва қонун устуворлиги // “Халқ сўзи” газ., №24, 5 фев. 1999.
14. Ватан ва миллат муқаддасдир. Т., 1996.
15. Янги Ўзбекистоннинг 7 зафарли йили. Т., 1999
16. Абдураҳмонов Ф. Мустақиллик ва миллий манфаатлар. Т., 1994.
17. Мустақиллик: изоҳли илмий-оммабоп луғат. Т., 1998
18. Қорабоев У. Миллатнинг камолоти. // “Мулоқот” жур. №2, 1999

19-маъруза. АДОЛАТ – ИЖТИМОИЙ ҲАЁТДА МАЊНАВИЯТНИНГ НАМОЁН БЎЛИШИ

ДАРС РЕЖАСИ:

1. Адолат муаммоси. Сиёсат ва ахлоқ.
2. Қадр тушунчасининг сиёсатдаги инъикоси.
3. Миллий мањнавиятимизда халқ ҳокимиятчилиги масаси.
4. Қонун ҳукмронлиги — сиёсатдаги мањнавият.

1. Адолат муаммоси доимо инсониятнинг диққат марказида бўлиб келган. Бу тушунча сиёсатшунослик фанининг бош мавзуларидан бири эканлиги яхши маълум. Аммо адолат аввало мањнавий қадриятдир. У аслида мањнавиятнинг ижтимоий ҳаётдаги зуҳуридир. Бунга буюк аждодларимизнинг кўп асрлик мероси гувоҳ. Албатта, ижтимоий ҳаётда адолатнинг қай даражада барқарор бўлиши башарият мањнавий такомилининг турли даврларида, турли минтақаларда турлича омилларга боғлиқ бўлган. Масалан, ибтидоий жамоа одами ўз уруфи ва қабиласи кўламида фикр юритган бўлса, қадим Юнонистонда бошқачароқ, Ўрта аср христиан дунёсида бир хил, ислом минтақасида ўзгача бир тусда талқин этилган. Адолат муаммосининг яна бир мураккаблиги у турли соҳаларга татбиқ этилганда турлича талқин этилади. Масалан, миллий (аниқроғи, миллатлар аро) адолат, диний (динлар аро, турли дин вакиллари аро, турли диний тизимлар нуқтаи назаридан) адолат, иқтисодий адолат, ижтимоий (яъни турли ижтимоий тоифалар аро) адолат, қозиликдаги (икки даъволашувчи шахс аро) адолат ва ҳ. к. Буларнинг ҳар бирида адолат тимсоли ўзига хос тарзда тасаввур этилади. Қазоватда, мисол учун, Европа анъанасига кўра у икки паллали тарозу шаклида тасаввур қилинган. Икки томон даъволашганда, қатъий ҳукм чиқариш учун, балки ноилож тарозунинг бир палласига тош қўйишга тўғри келар. Аммо ижтимоий адолат мезони бугунги кун воқелигига унчалик жўн тасаввурларга мувофиқ келмаслигини тушуниб етмоғимиз зарур. Миллий мањнавиятимизнинг минг йиллик тажрибаси, ҳаёт мантиқи, башарият фикри етишган илфор тамойиллар бизни шунга унданмоқда.

Фикрни ойдинлаштириш учун ташбеҳни бадиият дунё-

сидан бошласак. Маълумки, ҳар бир санъат ўз имкон доирасида ҳаёт ҳақиқатини акс эттиришга уринади. Янги-янги тасвир воситалари топилган сари воқеликни бадиий идрок этишимиз ҳам такомиллашиб боради. Санъат турлари ичидаги тарихан энг янгилари бўлмиш кино ва телекўрсатувлар ўз имкониятлари билан ҳаётни асл мураккаблигига ёрқин идрок этиш имконини бера олганлиги туфайли XX аср авлодининг энг севимли томошасига айланди. Дастлаб экранда воқелик фақат оқ ва қора бўёқлар зидлашувида ифодаланар эди. Ўша пайтларда бизга ҳаётни фақат “бизниклар” ва “душманлар” (“қизиллар” ва “оқлар”, “советлар” ва “фашистлар”, “мехнаткашлар” ва “эзувчилар”) аро кураш сифатида кўрсатишди. Дунёнинг ҳолати гўё зулмат ва нур, “социализм” ва “капитализм”, “прогрессив” ва “реакцион” кучларга тақсимланган ҳолда намоён этилди.

Аста-секин ҳаётимизга рангли фильмлар, рангли телевизор кириб кела бошлади. Атроф-воқеликнинг турфа жилоларга бой эканлиги жаҳоннамода рўйи-рост кўринди. Аммо то 90-йиллар бошланишигача дунё ўзгарса ҳам, сабиқ СССРнинг ҳукмрон мафкураси ўзгармади: воқеликнинг моҳиятини изоҳлашда асл ҳақиқат битта — Маркс таълимоти, қолган барча нуқтаи назарлар ё номукаммал, ёки ҳақиқатга зид, яъни реакцион деб қарааш давом этди. Шунга биноан дунё ҳам икки кутбли талқин этилди. Ҳаёт икки ўзаро зид кучнинг муросасиз курашидан иборат деб уқдириш давом этди. Бу курашда ҳар бир инсон жабҳанинг ё у тарафида, яъни “душман”, “бегона”, ё бу тарафида, яъни, “дўст”, “ўзимизники” бўлиши шарт эди. Бундай ёндошув қанчаканча бегуноҳ жонларни қурбон этганлиги, не-не эзгу нијатларни барбод айлагани ҳозир ҳеч кимга сир эмас.

Аллоҳга беадад шукрлар бўлсин-ким, бундай алаҳсираш, ваҳшатли босинқиравиз учун ўтмиш бўлиб қолди. Мустақиллик шарофатидан дунёга очиқ кўз билан қарааш имкониятини қўлга киритдик. Энди билсак, дунё кўп кутбли экан, ҳаёт мураккаб, кўп қиррали тизимдан иборат экан. Келажак ҳам муросасиз кураш, зидлашув билан эмас, яратувчилик меҳнати, дўстлик ва инсонларнинг ўзаро бир-бирини тушунишга интилиши билан файзли бўлар экан. Ҳатто бир миллатнинг хавфсизлигини таъмин этиш, жамият барқарорлиги ва ижтимоий тараққиёт кафолатлари ҳам бир эмас, икки

эмас, турли омилларнинг ўзаро уйғунлиги билан боғлиқ экан. Дастлабки маърузаларда бу ҳақда батафсил тўхтаб ўтилди. Бу маъруза эса мишлий маънавиятимизнинг асосий қадриягларидан бўлмишadolat ҳодисасининг ижтимоий ҳаётда ўзлигини қандай намоён этиши хусусидадир.

Адолат маънавиятнинг инсонлар аро муносабатларда намоён бўлишидир. Маънавият нуқтаи назаридан инсонларнинг бир-бири билан ҳар қандай муносабати сиёсат соҳасига оидdir. Дарҳақиқат, кенг маънода, инсоннинг уйда аҳли оиласи билан қилган муомаласи ҳам, кўчада таниш-нотаниш, қариндош-бегоналар билан қилган муомаласи ҳам, иш юзасидан ҳамкаслари, бошлиқлари, ходимлари ва мижозлар билан қилган муомаласи ҳам сиёсат. Аммо “авом” наздида давлат миқёсидаги сиёсат “катта сиёсат” деб ҳисобланиб, катта сиёсат билан катталар шуғулланади, биз кичик одамларга бундай катта доирадаги сиёсатга аралашиб жоиз эмас, деган мазмундаги қараш анча кенг тарқалган.

Инсонлар бир-бири билан қандайдир бир шаклдаги макбул муносабатларга киришга маҳкум экан, демак инсон ҳаёти сиёсатсиз бўлмайди. Фақат бугунги сиёсатшунослар “катта сиёсат”, яъни давлат ва фуқаро ёки давлатлараро миқёсдаги сиёсатга асосий эътибор қаратишади. Ваҳоланки, қадим дунё алломалари асарларида ахлоқ ва сиёсат бир-биридан ажралмас ҳодисалар сифатида қаралар эди.

Бизнинг назаримизда, сиёсат ва ахлоқ бир тизимга бирлашмас экан, барча учун “катта сиёсат” ҳам “кичик сиёсат” каби бевосита таалуқли ҳисобланмас экан, жамиятдаadolat ва ижтимоий уйғунлик амалда барқарор бўлмайди. Албатта, уларнинг бир-биридан фарқи ҳам йўқ эмас. Масалан, сиёсий муносабатлар расмий қабул қилинган қонунлар доирасида олиб борилади, бу қонунлар мажбурий ижро этилади. Ахлоқ қоидалари, маълум маънода, ихтиёрий. Яъни, сиёсат қонунларини бу ёруғ дунёда инсонлар аро муносабатда фарз десак, ахлоқ қоидаларини суннатга қиёс қилиш мумкин. Аллоҳнинг фарзлари илоҳий китоб оятлари орқали аён этилган, инсонлар эса ўзаро муносабатларини ўз ақл-идрокларига таяниб ишлаб чиқадилар. Шу сабабли Аллоҳ фарзлари абадий ва мутлақ бўлиб, уларнинг юзасидан охирги ҳукм қиёмат кунидир. Одамлар ўрнатган қонун-қоидалар уларнинг маънавий такомил даражасига боғлиқ бўлиб, ҳар за-

моннинг, ҳар мамлакатнинг ўз қонунлари бор ва улар ўзгариб, мукаммаллашиб боради.

2. Олдинги маърузаларда улуф қадриятлар – Ватан ва Миллат ҳақида, инсон қадри хусусида гапириб ўтилди. Дарҳақиқат, қадр биринчи навбатда маънавият соҳасига оид тушунча, чунки Халлоқи оламнинг бирлиги ва борлигини тан олмаган одам на ўз қадрини билади, на ўзга мавжудотлар қадрига етади. Шу билан бирга маънавият, иқтисод, сиёсат йўналишларининг мураккаб кесишувида «Адолат» тимсол-тушунчаси шаклланар экан, айни қадр тушунчаси бу соҳаларни бир-бирига боғлаб турувчи марказий нуқта сифатида ўзлигини намоён этади.

Қадр тушунчаси иқтисодда қийматга айланса, сиёсат соҳасига татбиқ этилганда мавқе ва мақом қиёфасини касб этади. Бу масала миллий маънавиятимизда аллақачон англаб этилган ва унинг ечими ҳам берилган. Сиёсатдаги хукуқ, бурч, имтиёз ҳодисаларининг тагзаминида айни шу инсонларнинг бир-бирига нисбатан мавқе ва мақоми масаласи жой олгандир.

Аллоҳ Одамни ер юзида халифа қилиб яратган. Аҳли башардан ҳар бир фарднинг (алоҳида инсоннинг) қадри ҳам, хукуқ ва масъулияtlари ҳам унинг айни шу мақоми билан белгиланади. Аслида яратилишдан инсонларнинг бир-бирига нисбатан хукуқлари ҳам, бурчлари ҳам азал ва абад тенгdir. Фақат турли инсонларда ўзлигини англаш даражаси ҳар хил. Илоҳий китобларда инсонга ер юзидаги ижтимоий тартибларни қандай белгилаш юзасидан қатъий хукмлар эълон қилинмаган, сиёсат соҳасида инсон иродаси тўлиқ эркин-дир. Ер юзида зулм салтанати барқарор бўладими, адолат устиворлигими — инсоннинг ўзига боғлик. Аллоҳнинг имтиҳони — бу. Аммо Яратган Парвардигорнинг ваъдаси аниқ: ким ўз умрида бир мисқол савоб қилса ҳам ажрини олади, бир ботмон гуноҳ қилса ҳам.

Адолат тимсол-тушунчаси худди ана шу синов майдонида инсон ҳаётининг турли соҳаларини ўзаро мувозанатлаб туради. Миллий маънавиятимиз такомилида бу тушунчага муносабат қандай шаклланиб борган, яъни адолат мезони қандай талқин этилган? Суҳбатимиз мавзуи шу ҳақда.

Буюк аждодларимиз давлат, жамият, маънавият масалаларининг ўзаро уйгунилигига доимо катта аҳамият бериб кел-

ганлар. Бу масала “Авесто” китобида ҳам кенг ўрин олган. Аммо туркий битиклар, Форобий мероси, “Кутадгу билиг” каби қомусий ёдгорликларда бу муаммо ҳар бири ўз даври учун бутун ички мураккаблиги билан очиб ва ечиб берилган. Улар нисбатан батафсил ўрганилган ва ҳозир алоҳида тўхтаб ўтиш имкони ҳам йўқлиги сабабли биз фақат муаммонинг энг муҳим ўринларига қисқача тўхтаб ўтамиз, холос.

Маълумки, инсон жамоа бўлиб яшайди. Ислом минтақа маданиятининг буюк назариётчиларидан, XIV асрнинг йирик файласуф-тариҳчиси ва сиёsatшуноси, Амир Темурга замондош ва сухбатдош бўлган Ибн Халдун (1332—1406) инсон жамоаларини икки тоифа ёки босқичга ажратади. Биринчиси — ибтидоий жамоа, яъни уруғ ва қабила жамоаси бўлиб, бунда инсонларнинг бир жамоага уюшуви қон-қардошлик муносабатларига асосланган бўлади. Бу даврда аксарият инсонлар ўзлигини фақат ўз жамоаси, нари борса, қабила ва элати миқёсида англаб етган. Шу сабабли ўзи билан наслий қон-қариндошлик муносабатларида бўлмаган ёхуд шунга тенг битимлар ҳосил қilmagan begona жамоа, уруғ ва элат вакилини нафақат қабиладошлари билан тенг санамаган, балки унинг инсон даражасидаги қадрини ҳам идрок этмаган. Қадим жоҳилия арабларининг ҳаётидан хабар берувчи маңбалар, масалан, «Айёми араб»да тасвирланган қабилалар орасидаги аёвсиз жанг жадаллар, ўзга қабила аъзолари мулкини торож қилиб, аёллари, болаларини кул-чўрига айлантириб, шунинг ҳисобидан қабиладошларига зиёфат беришлар одатий ҳол ҳисобланиб, яна бундай бедодликларнинг «қаҳрамонлик» сифатида шеъриятда васф этилиши каби ҳолатлар бунга далил бўла олади.

Маънавий камолотнинг юқорироқ босқичига кўтарилиган инсонлар учун хос бўлган иккинчи босқичдаги жамоани алломаларимиз «шаҳар жамоаси» деб атаганлар. Асли бу тушунча фақат «шаҳар» эмас, «давлат» маъносини ҳам билдирган. Юнонларнинг «полис» сўзи бугун биз тушунган «шаҳар»ни эмас, Афина, Спарта каби шаҳар-давлатларни англатганлигини дунё тарихидан биламиз. Инсонлар жамиятида илк давлатнинг пайдо бўлиши асл ибтидода шаҳарлар шаклланиши билан боғлиқ. Шу сабабли юнонлардаги «полис» (шаҳар) сўзидан Европа минтақасида «политика» (сиёsat, яъни инсонлар аро муомала тартиб-қоидалари) тушунчаси

шаклланган бўлса, ислом дунёсида арабча «мадина» (шаҳар) сўзидан «маданият» тушунчаси шаклланди. Бу тушунчалар келиб чиқиши моҳиятига кўра туташ эканлиги шундан ҳам майдум.

Илк шаҳарларда уруг ўрнига маҳалла, қабила ўрнига элат шаклана бошлади. Аммо ибтидоий жамоадан ўсиб чиққани сабабли, унда қабилачилик даврининг кўп хурофотлари сақланиб қолган эди. Масалан, ўзларини юксак маданият эгаси деб билган қадим юнонлар ўзга халқларга паст назар билан қараб, асло уларни ўз миллатдошлари даражасида кўрмас эдилар. Уларни ўлдириш, ерларини босиб олиш, мулкларини ўзлаштириш жиноят эмас, балки жасорат намунаси сифатида қабул қилинарди. Ҳатто қадим Юнон элининг энг улуғ алломаси Аристотель ҳам барча ҳуқуқ ва имтиёзларни фақат ўз халқига — юнонларга лозим кўрган, дунёдаги ўзга элат вакилларига “варвар” (ёввойи) деб қараб, уларга фақат қулликни раво билган. Юнон демократияси худди шу дунёқарашга мувофиқ бўлиб, фақат озод эллинларга таалуқли эди, қуллар бу демократиядан ташқари ҳисобланарди.

Шундай вазиятда енгилган қабила вакилини қатл этмай, кул сифатида сақлаб қолиш голиблар назарида балки мағлубга нисбатан ҳиммат кўрсатиш деб баҳолангандир. Кулдорлик тартиб-қоидалари илк империячилик даври маҳсали бўлиб, ибтидоий уруг-жамоа асосида пайдо бўлган илк шаҳар-давлатлардан баъзиларининг ўзгалари устидан қурдат касб этиши билан боғлиқ. Бу даврда аҳли башар муайян даражада ривожланган маданият босқичига эришган бўлсада, аксари ят халқлар онгига ҳануз асотир тафаккур ҳукмрон эди.

Асотир тафаккур Борлиқ моҳиятини идрок этишга дастлабки уриниш бўлиб, унда аксарият инсонлар мавхум тушунчаларни моддий воқелик нарса-ҳодисаларидан ажратиб тасаввур қила олмайдилар. Мушрикликнинг келиб чиқиши ҳам инсон онги ривожининг айни шу даражаси билан боғлиқ. Исломгача ҳукмрон бўлган жоҳилия даври деганда ҳам инсон онгининг асотир тафаккур даражасидаги ҳолати назарда тутилади.

Ибтидоий жамоа инсон ҳаётининг иқтисод, сиёsat, маннавият каби турли соҳаларини бир-биридан ажралмаган ҳолда тасаввур этган, ҳаётий таомил, ҳуқуқ ва ахлоқ, дин ва эътиқод бир-биридан алоҳида, мустақил ҳолда мавжуд бўлган эмас.

Шундай шароитда сиёсий ҳукмронлик, иқтисодий мулкка эзалик, маънавий қудрат бир-бири билан чатишиб, бир соҳада қудратли бўлган инсон бошқа соҳаларни ҳам тасарруф этишга интилар эди. Сиёсий ҳукмронлик қўлида бўлган одам маънавий, иқтисодий соҳаларда ҳам ўз қудратини ёйишга ҳаракат қиласи ёки иқтисодий қудрат — мулк эгаси сиёсий, маънавий соҳаларга ҳам даъво қила бошларди.

Империялар даврида қабилалар ва шаҳар-давлатлар ароҳокимият учун курашлар авж олиб, унда ғолиб чиққан сулола атроф-воқеликни, табиат унсурларини ва моддий бойликларни қандай тасарруф этса, ўзга қабила, уруғ, жамоа вакиллари бўлмиш инсонларни ҳам шундай тасарруф этишга уринди. Натижада “мулк” тушунчаси сиёсат йўналишига ҳам кириб келди, у нафақат ер-сув, ҳайвонот ва буюмларга, балки енгилган уруғ, қабила, элат вакилларига нисбатан ҳам қўлланила бошланди. Юрт мулк аталди, ҳукмдор малик бўлди.

“Авесто” китоби мазмунида асотир тафаккур кенг миқёсда ўзлигини зоҳир этган. Жумладан, ҳукмдорлик ҳуқуқининг белгиланишида “фарр” (“Авесто” тилида “хвар-но”) принципи қонуний асос сифатида қабул қилинган. Унинг маъноси шуки, олий дунёвий ҳокимият сулоланинг бир вакилидан иккинчисига ўтишида муайян илоҳий белги содир бўлади, яъни муайян бир жонивор, қуш ёки ёғду шуъласи ҳукмдорликка танланган кишини ажратиб кўрсатали. Халқимиз орасида тарқалган “фалончининг бошига баҳт қуши кўнипти”, ибораси ушбу қадим анъананинг изларига шора этади. “Харр” одатда ҳукмдор сулола вакиллари билан боғлиқ тасаввур этилган. Эрондаги Аҳмонийлар, Сосонийлар даврида ушбу принципга изчил риоя этилган.

Олий илоҳий ҳукмдор номидан юртни бошқарувчи “фарр” эгаси — монарх (шоҳаншоҳ, қирол, халифа, султон, малик) статуси минтақада шундай пайдо бўлди. У мутлақ ҳукмдор бўлиб, фақат Тангри ҳукмларига итоат қиласи. Жоҳилия даврида “фарр” соҳибининг ҳукми мутлақ бўлиб, унга ҳеч ким эътиroz билдиришга ҳаққи бўлмаган. “Халқ ҳукми”, “халқ иродаси” деган тушунчалар у давр учун буткул нотаниш эди. Демак, жоҳилия даврида барча инсонлар ғенг қадр топган эмас эди.

Бу тартиб-қоидаларнинг жиддий ўзгариши Исо алай-

ҳиссалом даъвати билан бошланди, дейиш мумкин. Исо алай-ҳиссаломгача юборилган пайғамбарлар ҳар бири бир қавмга Аллоҳ ҳақиқатидан хабар берган бўлсалар, Руҳуллоҳ барча инсониятга тегишли Ҳақиқат хабарини келтирди. У биринчи бўлиб, барча инсонлар ягона Тангри олдида тенг, ўзаро оғанини, опа-сингил, биродар деб, Аллоҳ ҳукмини эълон қилди. Аммо бу Олий ҳақиқат осонликча қабул қилингани йўқ. Аввало, бундай улуғ хабарни берган пайғамбарни сиёсий ҳукмронликни кўлдан беришни истамаган юнон ҳукмдорлари ва яҳудий уламолари бирлашиб, чормихга ҳукм этдилар. Кейинчалик ҳам, Исо даъвати илк черков оталари талқинида ўзгаришга учраб, адолатли жамият ердан осмонга кўчирилди, инсон руҳининг озодлиги эса черков ҳукмларига боғланиб қолди. Бутун Ўрта асрларда хос ва авом, зодагон ва фуқаро орасидаги реал фарқ сақланиб қолаберди. Европада черков ва феодаллар ўзаро зиддиятларидан қутула олмаган бўлсалар ҳам, авомга нисбатан имтиёзларини сақлаб қолдилар. “Ўрта асрлар” деган тушунча бехуда эмас, бу давр инсоният учун Қадим дунёдан Янги тафаккурга ўтиш босқичидир.

VII асрга келиб, Мұхаммад (С.А.В.)га нозил этилган Қуръони карим ояларида ниҳоят узил-кесил ҳақ ботилдан жудо этилди, инсонлар ягона Аллоҳнинг ер юзидағи халифалари экани очиқ-оидин баён этилди. Халқ ҳокимияти, озод фуқаролар жамиятиятига таянувчи тузумнинг умумбашарий маънавий асослари, шундай қилиб, Тавҳид таълимотида мужассам бўлди.

3. Миллий маънавиятимизда халқ ҳокимииятчилигига муносабат масаласи ниҳоятда муҳим, ҳам ўта мураккаб. Манбалар аҳволи, уларни ўрганиш даражаси, талқинлар ва умуман қамров масаласи бир кишига бениҳоя оғирлик қиласи. Келгусида бу йўналишда жиддий тадқиқотлар талаб этилади, ҳозирча бор маълумотларга таяниб, масаланинг фақат бир-икки жиҳатига ишора этиб ўтиш билан чекланамиз.

Пайғамбаримиз даврларидан бошлаб исломда мусулмонлар жамоаси маъносини билдирувчи “умма” тушунчаси шаклланди. Унинг ҳеч бир аъзоси Аллоҳ олдида ўзгалардан ортиқ имтиёзга эга эмас эди. Албатта, “умма”нинг моҳияти бир кунда, бир йилда, ҳатто бир асрда тўлиқ англаб этилгани йўқ. Унинг маъноси аста-секин теранлашиб, маънавий ва

сиёсий ҳаётдаги қатор ўзгаришлар натижасида VIII аср иккинчи ярми — IX аср бошларида миңтақада ягона маданият шаклланди. Миңтақадаги уч буюк миллат — араб, форс, турк халқларининг орасида сабит мувозанат қарор топди.

Ислом ҳуқуқшунослари мусулмон жамиятини бошқариш асосларини ишлаб чиқа бошладилар. XI асрнинг буюк сиёсатшуноси Абулҳасан Али ибн Мұхаммад ал-Мавардий (974—1058) машҳур “Ал-аҳқом ас-сүлтония” (Хукмдорлик қонунлари) китобида ҳукмдор ва мусулмон жамоаси орасида ижтимоий шартнома (акд) асосини ишлаб чиқди. Қуръони каримда инсонларнинг энг муҳтаралари энг тақвадорларидир, деган ҳукм бор. Шундан келиб чиқиб, юрт ҳукмдорининг тайинланишида ислом жамоасининг мўътабар кишилари — мужтаҳид фақиҳлар, уламолар ва олий мартабали аёнларнинг мулоҳазалари инобатта олинган. Ҳукмдорлар, одатда, муҳим қарорлар қабул қилиш олдидан юртнинг йирик уламо ва фақиҳлари, обрўли аъёнларни йиғиб маслаҳат солардилар.

Аббосийлар халифалиги то мўгуллар босқинига қадар, расман бўлса ҳам, ушбу қоидага мувофиқ амал қилган. Халиф тирик чоғида ўзига ворис тайинламоқчи бўлса ҳам, ушбу мўътабар жамоа розилигини олиши зарур бўлган. Агар юрт ҳукмдори ўз вазифасига муносиб иш олиб бормаса, мусулмон жамоаси уни ўз мавқеига нолойиклиги ҳақида холоса бериш ҳуқуқига эга бўлиб, муаммони қандай ҳал қилиш тартиблари ҳам ҳуқуқшунослик илмида батафсил ишлаб чиқилган эди. Қоидага кўра ислом дунёсида ҳукмдор фақат ижро ҳокимиятини бошқариб боради, қонун ишлаб чиқиш эса, мужтаҳид фақиҳлар вазифаси ҳисобланган. Судлов ҳокимияти мустақил равишда юрт қозилари томонидан амалга оширилган.

Ибн Халдун ўзидан олдинги қонуншуносларнинг қарашларини ривожлантириб, бир қатор янги мулоҳазаларни баён қилди. У диний ва дунёвий ҳокимиятни бир-биридан фарқлаш ва ажратиш тарафдори бўлиб, давлат бошқаришни дунёвий ҳокимият сифатида талқин қиласди. Ибн Халдун, шунингдек, ҳукмдор фақат арабларнинг қурайш қабиласидан бўлиши керак, деган хурофотни ҳам кескин рад этди.

Давлатни қандай асосларда идора этиш масаласида фақат мусулмон ҳуқуқшунослари, фиқҳ уламоларигина эмас,

ислом маърифатчилигининг бошқа йўналиш вакиллари ҳам жиддий мулоҳазалар баён этганлар. Жумладан, Форобий “Фозил шаҳар одамларининг қарашлари” рисоласида давлат ҳукмдори қандай фазилатларга эга бўлиши ва қандай талабларга жавоб бериши лозим эканлигини батафсил таҳдил этиб берган. Ботинийлар ва мутакаллимларнинг ҳам бу хусусдаги ўзига хос қарашлари маълум. “Қобуснома”, “Сиёсатнома”, “Ахлоқи Муҳсиний” каби дидактик рисолалар, XI аср туркӣ шеъриятнинг юксак намунаси бўлмиш “Кутадғу биллиг” ижтимоий-фалсафий достонида давлатни бошқариш, турли ижтимоий тоифаларнинг ўзаро муносабатлари ва жамиятдаги мавқелари хусусида муфассал таҳдил ва хulosалар мавжуд.

Алишер Навоийнинг “Лисон ут-тайр” асарида асосий воқеалар “Кушлар ижтимои ва тақдим ва таъхир учун бирбири била низоъи” деб аталувчи боб билан бошланади. Бу асарда, шундай қилиб, қадр тушунчасининг сиёсатда (яъни инсонлар аро муносабатларда) намоён бўлиш шакли — мавқе ва мақом масаласи бош мавзу қилиб олинган ва бу муаммо маънавий заминда мукаммал ечиб берилган.

VIII—XV асрлар миллий маънавиятимизнинг умумбашарий миқёсга юксалиш даври бўлиб, бу даврда миллатимиз ўзини башариятнинг узвий бир қисми сифатида англаб етди. Бу даврда юртимизнинг улуғ алиомалари илоҳий китобнинг асосий гояси — тавҳид таълимотини борган сари теранроқ ва мукаммалроқ талқин қилиб бориш орқали Янги давр қадриятларини биринчи бўлиб идрок этиш даражасига етишдилар ва фаҳр билан айтиш мумкинки, Европадаги кейинги беш асрлик ижтимоий тараққиёт йўлини бевосита олдиндан башорат эта билдилар.

Аммо биз учун аламли бўлса ҳам, воқеликни тан олмомиз керак, ислом минтақасида Ҳақиқат тантанаси маънавиятда қолди, сиёсатга тугал кўчмади. Афсус ва надоматлар бўлсинки, Европа ислом маънавий қудратидан туртки олиб, фаол ижтимоий ўзгаришларни амалга оширишга киришганди, бизнинг минтақа орқада қола бошлади, сиёсат соҳасидағи хурофий тамойилларни ўз вақтида ва дадил енгигб ўта олмай аросатга тушиб қолди. Кейинчалик ушбу аросат ҳолати минг йилдан ошиқ дунёning катта қисмини бемалол идора қилиб келган туркӣ халқларни қарамлик вазиятига тушиб қолишига сабабчи бўлди.

Ижтимоий муносабатларда ҳақиқатнинг воқе, очиқ-ойдин тантанаси Европа минтақасида бошланди. Қадим Юнонда мушриклик тафаккури қаъридан Аристотель фалсафаси ўсиб чиққанидек, Ўрта асрлар феодал бошбошдоқлиги зулматидан “халқ ҳокимияти” тушунчаси ўсиб чиқди.

Тавҳид таълимотининг Алишер Навоий “қушлар тили” билан ифода этган фалсафий-маънавий талқини Европада амалий ҳаракатга айланиб, аввал диний тафаккурда (Реформация), кейинча бориб сиёсий тафаккурда (Нидерландия ва Англия буржуа инқилоблари) тўлиқ янгиланишга олиб келди. Тан олиш керак, Европада бу янгича сиёсий тафаккур ғалабаси осонликча бўлмади, балки миллионлаб инсонларнинг қонлари ва жонлари эвазига таъминланди.

Қирол ҳукмронлиги фояси баронлар ёки буржуа ҳукмронлиги фояси билан эмас, “халқ ҳокимияти” фояси билан алмашди. Бу Куръони каримда ҳидоят этилган бани башарнинг “ер юзида халифалиги” фоясига энг мувофиқ сиёсий тафаккур йўналиши эди.

Охирги пайтда ислом дини номидан ўз гаразли манфатларини кўзлаб “фатво” чиқарувчи бир гурӯҳ бузгунчилар “демократия — куфр низоми” деб даъво қўймоқдалар. Мазкур гурӯҳнинг яна бир иддаоси ер юзидаги барча мусулмонларнинг ягона диний-сиёсий раҳбари — “халифа” бўлиши керак, деб қилаётган даъволари дидир. Бундай гаразли даъволарга узил-кесил жавоб бериш учун яна бир марта ислом ўтиқодининг бош манбаи бўлмиш Куръони карим оятларига мурожаат этиш лозим бўлади. Чунки бошқа барча манбалар, жумладан, Расулулоҳ ҳадислари ҳам Аллоҳнинг оятларига мувофиқ бўлган тақдирдагина “саҳиҳ” (яъни, ҳақиқатга мувофиқ) деб тан олинади. Қолаверса, Куръони каримдан ўзга жамийки манбалар, жумладан, тафсир ва таъвиллар ҳам, инсонлар томонидан ижод этилгани сабабли маълум даражада ўз замонаси ва ўзи яратилган муҳитдаги мавжуд тасаввурларни акс эттиради.

Мустақил Ўзбекистон Республикаси Конституциясининг биринчи бўлим, иккинчи боб, 7-моддасида аниқ қилиб “Халқ давлат ҳокимиятининг бирдан-бир манбаидир” деб ёзиб қўйилипти.¹³⁴ Айни шу принцип “халқ ҳокимиятчилиги” (демократия) тушунчасининг бош ва асосий маъносидир.

Ислом ва демократияни бир-бирига зид қўймоқчи бўла-

ётганларнинг асосий даъвоси давлат ҳокимиятининг манбай масаласига оид бўлиб, уларнинг айтишича, ҳокимият манбай халқ эмас, балки ягона Аллоҳдир. Унинг ҳукми эса илоҳий ваҳий бўлмиш Куръони каримда ифодаланганд. Биз ҳам бир мусулмон фарзанди сифатида илоҳий ваҳийни тан оламиз ва шундан келиб чиқиб айни “халқ ҳокимиятчилиги” хусусида Аллоҳнинг каломини тушуниб етишга ҳаракат қилалими. Мавжуд тафсирлар икки муҳим асосни, албатта, ҳисобга олади. Бири – асбоби нузул, яъни у ёки бу оятнинг нозил бўлиш вақти билан боғлиқ муайян тарихий вазият, иккинчisi – ўша давр тилининг ўзига хос жиҳатлари. Бу – тафсиршуносликда кенг маълум бўлган қатъий талаблар. Аммо Куръон оятларининг мўъжизавийлиги шундаки – уларда бир пайтнинг ўзида ҳам Пайғамбаримиз замонидаги муайян тарихий ҳодисага муносабат ошкор этилади, ҳам инсонларни Ҳақ йўл (“сирот ул-мустаким”)га ҳидоят этувчи боқий ҳақиқатлар тизими ўзлигини кўрсатади. Фақат ушбу тизим инсонларга биратўла бутун борлиги билан намоён бўлади, дейиш қўйин. Улуғларимиз қалбини “ҳақиқат асрорининг ганжинаси” деб атаган инсон маънавий камолот пиллапояларидан юксалиб борар экан, ўзлигини танигани сари Ҳақ каломининг боқий мўъжизаларида ҳам кун сайин теранроқ маъноларни кашф этиб бора беради.

Куръони каримнинг “Бақара” сураси 30-оятида шундай дейилади (Абдулазиз Мансур таржимасига кўра): — “Эсланг, (Эй, Мұхаммад), Раббингиз фаришталарга: “Мен ерда халифа (Одам) яратмоқчиман”, деганида (улар) айтдилар: “Унда (Ерда) бузғунчилик қиласидиган, (ноҳақ равища) қонлар тўқадиган кимсани яратмоқчимисан? Ҳолбуки, биз Сенга ҳамдинг билан тасбеҳлар айтамиз ва Сени муқаддас деб биламиз”. (Аллоҳ) айтди: “Мен сизлар билмаган нарсанни биламан”.

Ушбу оят маъносини чуқурроқ англаб этиш учун биз “халифа” сўзининг маъно мундарижасига эътибор қаратишимииз лозим. Албатта, тафсирларда бу сўзнинг қайси оядда келишига қараб турли талқинлари учрайди. Аммо Куръони каримда бир неча бор қайтарилувчи иборалар маъноси ўзаро қиёслаб ўрганилса, бу такрорларнинг ҳикмати янада ойдинлашиб бораверади.

Куръони карим матнида “халафа” феъл ўзаги билан боғ-

лиқ турли сўзлар 125 мартадан ортиқ учраши аниқланган. Шундан “халифа” сўзи ва унинг кўплиқдаги шакллари жами 9 марта (“халифатан” — 2 марта, “халоифа” — 4 марта, “хулафо” — 3 марта) учрайди. Диққатга сазовор жойи шундаки, бу ҳолатлардан 6 ўринда “ер юзидаги халифа” ёки “ер юзидаги халифалар” мазмунини англатувчи бирикмалар ишлатилган (“халифатан фил-арз” — 2 марта: “Бақара” сураси, 30-оят, “Сод” сураси, 26-оят; “халоифа фил-арз” — 2 марта: “Юнус” сураси, 14-оят, “Малоика” ёки “Фотир” сураси, 39-оят; “халоифа-л-арз” — 1 марта: “Анъом” сураси, 165-оят; “хулафо-ал-арз” — 1 марта: “Намл” сураси, 62-оят). Бундан ташқари “Нур” сураси 55-оятида, “Аъроф” сураси 129-оятида “йастахлифу” феъл шакли ҳам айни шу “фил-арз” бирикмаси билан юқоридагиларга мувофиқ маънени ифодалаб келган.

Ўзбек ва рус тилига қилинган қатор таржималарда бу ҳолатларни “халифа”, “ўринбосар”, “наместник”, “преемник”, “наследник” сўзлари билан англатишга уринилган. Аммо агар қиёслаб кўрилса, юқорида кўрсатилган оятларнинг барчасида ягона маъно — “ер юзида халифа” ёки “ер юзида халифалар”, (русчада — “наместник на земле” или “наместники на земле”) мазмуни қандайдир бир ягона “халифа” ҳақида эмас, балки бани башарнинг барчаси, яъни гамоми инсониятни назарда тутиб ишлатилаётганига амин бўламиз. Гапимиз ишонарли бўлиши учун яна 2 мисол келтирамиз:

“Анъом” сураси, 165-оят:

“У сизларни ернинг халифалари қилиб қўйган ва ато тан (неъмат)ларида сизларни синаш учун баъзиларингизни баъзиларингиздан (юқори) даражаларга кўтарган зотдир...”

“Фотир” (Малоика) сураси, 39-оят:

“У сизларни ерда халифа қилиб қўйган зотдир. Бас ким коғир бўлса, унинг куфри фақат ўзининг зарарига бўлур...”

“Халифа” сўзи бу жумлаларда дини, миллати, ижтимоий аҳволидан қатъий назар барча инсон зотига нисбатан қўллаётгани, уларнинг ҳар бири бу дунёда муваққатан, яъни инсониятнинг ер юзидаги ҳаёти давомида Аллоҳ томонидан (синов учун, имтиҳон қилиб кўриш учун) моддий борлиқка “иш бошқарувчи вакил”, оддийроқ қилиб айтилса, “ноиб” (“наместник”) қилиб қўйилганлигини англатиб келмоқда.

Демак, ҳар бир инсон Аллоҳ томонидан бу ёруғ дунёга халифа (наместник) қилиб яратилган. Бу ваколат, биринчидан, инсонга ёр юзидағи ҳаёті давомида тұлиқ ирода эркинлиги, жумладан, ўз ҳаётини сиёсий жиҳатдан ҳам ўзи маңқул топған тарзда ташкил этиш эркинлигини беради. Иккінчи жиҳатдан, бу имкониятларнинг бани башарга Аллоҳ тарафидан имтиҳон, синов учун берилгандырылғанлығы ҳар бир инсон шахсига ўз ҳаётини түгри ташкил этиш борасида жиддий масъулият юклайди. Ким бу ваколатдан масъулиятни ҳис қылған ҳолда, түғри фойдаланади, ким масъулиятсизлик билан бузғунчилікка, фасодға, куфрға берилади — ўз ақл-иродасига bogliq, унинг мукофоти ёки жазосини эса ягона Аллоҳ беради (хоҳласа — бу дунёда, хоҳласа — охиратда).

Бу ерда алоҳида бир инсоннинг барча мұйымнлар устидан “халифа” бўлиши кераклиги масаласи умуман йўқ. Қолаверса, бундай “ваколат”ни унга ким беради? Аллоҳдан ваҳий келиши “хотимат-ун-наби” бўлмиш Мұҳаммад (С.А.В.) даврларида тугалланган бўлса. Маълум бўладики, бундай даъволар, умуман, Аллоҳнинг китоби ва Пайғамбар ҳадисларига зид ва уларнинг фаразли талқинлари асосида сунъий тўқиб чиқарилгандир.

Инсонларнинг (қандайдир у ёки бу муайян шахснинг эмас, барча инсонларнинг) “ер юзида халифалар” қилиб яратилгандырылған уларнинг бу ваколати доирасида тенг ҳуқуқи эканликларини, демакки, сиёсатда “халқ ҳокимиятчилиги” ислом арқонларига энг мувофиқ тамойил эканлигини англатади ва, демак, экстремистик кайфиятдаги бузғунчиларнинг “халифалик” ҳақидағи барча даъволари жаҳолат ёки фараздан бошқа нарса эмаслиги маълум бўлади.

Назарий жиҳатдан олганда, сиёсатдаги диний фундаментализм тоялари илоҳий ваҳийнинг асл моҳиятига эмас, балки бугунги кун воқеилигидан бутқул бошқача давларда яшаган инсонларнинг ўша тарихий шароит доирасида туриб, Аллоҳ китобидаги мазмунларни ўз шароитларига татбиқан амалга оширган талқин ва тафсирларига таяниш натижасида келиб чиқади. Ўтмиш алломаларининг бу борадаги изланишларини ислом маънавиятининг такомил босқичлари доирасида тарихий изчилликда мукаммал ўрганиб чиқиш алоҳида қизиқарли ва кенг кўламли мавзу бўлиб, ўз навбатида ён

авлод маънавий камолотини шакллантиришда самарали на-
тижжаларга олиб келиши мумкин.

4. Сиёсатга маънавият нуқтаи назаридан ёндошганда икки
муҳим муаммо биринчи навбатда кўзга ташланади. Бирин-
чиси — ҳокимият манбаи масаласи, иккинчиси — инсонлар
ва ижтимоий тоифаларнинг жамиятдаги ўзаро муносабати
асослари. Ҳар икки масала бир-бири билан бевосита боғлик
ва туташи, шу сабабли ҳам кўпгина алломаларимиз уларни
бирга олиб қараганлар. Шу билан бирга уларнинг мустақил-
лиги ҳам доим сезилиб туради.

Биз биринчи масалани кўриб чиқдик. Энди иккинчиси-
га ўтсак. Инсонларнинг жамиятдаги ўзаро муносабатларида
асосий масала мавқе ва мақом масаласи эканлиги айтилди.
Бу масаладаги баҳсни ҳал қилиш учун холис бир ҳакамга
эҳтиёж туғилади. Ибтидоий одамларнинг катта бир оила
шаклида биргаликда турмуш кечирган уруғ-жамоаси аъзол-
лари орасида ички уйғунликни таъминлаш кўп мураккаб
юмуш эмас эди. Ҳали Ашшурбанипал қонунлари яратил-
гунча бўлган замонларда қабила бошлиғи ёки бош коҳин
осонлик билан оддий жамоа аъзолари орасидаги муомалада
мувозанатни таъминлаши мумкин эди. Ибтидоий жамоадан
илк шаҳар жамоасига ўтиш билан инсонлар орасидаги муо-
малалар ҳам мураккаблашиб, бора-бора погонадорлик касб
ятиб борди. Жамият мураккаблашган сари унинг бошқарув
изими ҳам мукаммаллашиб боришига эҳтиёж ошади. Айни
шу тизимдан давлат келиб чиқади. Қадимги даврда давлат
бошлиғи мутлақ ҳукмдор бўлиб, фақат Тангри ҳукмларига
итоат қиласарди. Бу тузум аста-секин ривожланиб, юртни бо-
шқаришни енгиллаштирувчи қонунлар шаклланди. Аста-се-
кин инсонлар қонунларга итоат этишни ўрганди. Кейинча-
ик қонунлар умумийлиги имтиёзли тоифаларга барҳам бе-
риш эвазига кучайиб бориб, ҳукмдорнинг ҳам қудратини
чекловчи конституцион монархия (машрутия низоми) пай-
ло бўлди.

Ва ниҳоят бизнинг даврга келиб, исломий тавҳид таъли-
мотини сиёсатга тўлиқ ва мукаммал жорий қилувчи халқ
ҳокимиятчилиги тузуми жаҳонда етакчи мавқе эгаллай бош-
тади. Халқ ҳокимиятчилиги тузумида барча фуқаро қонун
олдида тенг бўлиб, уларнинг ўзаро муносабатларини қонун-
тар тартибга солиб туради. Бундай шароитда давлат идораси-

нинг барча даражалари ўз қонунлари билан белгиланган ва-
колат доирасида фаолият олиб боради. Халқ ҳокимиятчили-
гининг энг юксак босқичи фуқаролар жамияти ёки Форо-
бий ибораси билан айтганда “Фозил шаҳар”, аниқроғи, му-
каммал сиёсий маданиятга эришган жамият бўлади. Унда
қонун устиворлиги етакчи тамойилдир. Бундай жамиятда
хуқуқий маданиятни ошириш мақсадида барча фуқаролар
учун хуқуқ таълими жорий этилади.

Агар жамиятни бир шахс (қирол, султон, шоҳ) бошқарса, у муайян қонунларга таяниб, муайян шахсларни маш-
варатта жалб қилиб, мустақил қарор қабул қила беради. Аммо
халқ ҳокимиятчилигига ижтимоий адолат амалга қандай
жорий қилинади? Уруғ, жамоа, ҳатто илк шаҳар-давлат худу-
дидага агар жамоанинг умумий йифини имкон доирасида (илк
шаҳар аҳолиси кўпли билан бир неча минг оиласдан ташкил
топган) бўлса, ҳозирги даврда ҳатто бир туман (шаҳар ту-
мани) аҳолисини ҳам бир ерга йигиб бўлмайди. Демак, “халқ
ҳокимияти” аслида қонун хукмронлиги маъносини ифода
этади. Чунки бир мамлакатнинг миллионлаб фуқароси бир-
галашиб ҳокимиятни идора этиши фақат пухта ўйланган
қонунлар асосида юзага чиқиши мумкин. Қирол ва султон-
лар даврида ҳам қонунлар бўлган. Аммо бу қонунлар мутлақ
хукмдорнинг идора усулини енгиллаштириш вазифасини
бажарган. “Халқ ҳокимияти” даврида эса давлат бошлиғи-
нинг фаолияти ҳам қонунлар орқали халқ томонидан назо-
рат этилади ва йўналтирилади. Қонунларни ишлаб чиқиш ва
қабул қилиш сайлаб кўйилган халқ вакиллари уҳдасида бўла-
ди. Шу сабабли демократик тузумнинг биринчи шарти қазо-
ват (суд ҳокимияти), ижро ҳокимияти ва қонун чиқарувчи
ҳокимиятнинг бир-биридан мустақиллиги бўлиб чиқади.

Бизнинг миллий маънавиятимизда хуқуқ илми “фиқҳ“
дейилган ва ислом таълимоти асосида Ўрга асрларда (айниқ-
са, IX—XII асрларда) ниҳоятда юксалиб, ривож олган. Му-
ҳаммад аш-Шайбондан Бурҳониддин Марғинонийгача бўлган
даврни ислом минтақасида фиқҳ илмининг “олтин даври”
деб баҳолаш мумкин. Ушбу давр охирги 70 йил давомида
“совет хуқуқшунослиги” томонидан мутлақо инкор этилди,
аммо ислом олами учун бу қимматли мерос доимо дастуру-
ламал бўлиб келган, бугун эса яна янгидан долзарблик касб
этмоқда. Тан олиш керакки, ислом минтақасида доимо ҳоки-

мият тақсимоти ўзига хос тарзда амалда бўлган. Бунда ижроия ҳокимияти дунёвий ҳукмдор ва унинг девони қўлида, судлов ишлари шариат қозилари тасарруфида, маҳаллий бошқарув демократик тамойилларга асосланган маҳалла оқсоқоллари ва маҳалла кенгаши шаклида, қонун чиқариш эса фақиҳ ва муфтийлар томонидан амалга оширилган. Мусулмон фақиҳ ва муфтийлари Аллоҳ ва уламолар олдида ўзини масъул сезган, шоҳ ва сultonларга мутлақо қарамлиги бўлмаган. Улар Аллоҳнинг қаломи ва пайғамбар ҳадисларига, буюк алломаларнинг тадқиқотларига, роъй ва қиёсга таянганлар, уламолар жамоасининг умумий нуқтаи назарини (ижмоъ) ҳисобга олиб, мустақил ҳукм чиқаргандар.

Қонун сиёsatдаги маънавиятдир. Чунки қонун ҳамма учун баробар ҳуқуқ ва масъулият юклайди ва инсонлар аро муомала меъерини таъминлашга хизмат қиласди. Якка шахс иродасининг устиворлигидан қонун устиворлиги томон мойиллик кучайган сари сиёsatда маънавиятнинг аҳамияти ҳам ошиб боради. Албатта, якка шахс адолатли бўлиши, Аллоҳ йўлида, Ҳақ йўлида событилик кўrsatiши ҳам мумкин ва бунга тарихда мисоллар бор. Аммо алоҳида инсон ақли ҳам, маънавий камолоти ҳам мутлақ эмас, ноқислигидан кафолат йўқ. Демак, адолатни таъминлашнинг энг ишончли усули — давр руҳига мувофиқ мукаммал қонунлар ишлаб чиқиши ва қонун устиворлигини таъминлашдир.

Қонун адолат тарозусидир. Унинг вазифаси — ижтимоий мўътадилликни сақлаш. Асосий қонун, яъни конституция мамлакатда узоқ муддат ижтимоий барқарорликни таъминлашнинг мустаҳкам пойdevori бўлмоғи кўзда тутилади. Шу сабабли унинг ҳар бир моддаси ихчам, лўнда ва пухта, яъни ҳар жиҳатдан мўътадил бўлиши, шу билан бирга Асосий қонуннинг барча модда ва қисмлари бир-бирига нисбатан тўғри мувозанатда туриши мақсадга мувофиқдир. Юргимизнинг ҳар бир фуқароси Ўзбекистон конституциясини синчилаб ўрганар экан, унинг барча жиҳатлардан юқоридаги талабларга мувофиқ равищда тузиб чиқилганига амин бўлади. Мустақил Ўзбекистонимизнинг ривожига хизмат қилувчи Олий мажлисимиznинг қонун чиқариш фаолиятига ушбу Асосий қонун мана неча йилдирки, мустаҳкам замин бўлиб келмоқда.

Қонунлар ҳалқ сайлаган вакиллар томонидан ишлаб чи-

қиласи ва қабул қилинади. Қонунлар тизимининг яратилиши ва жамиятни бошқаришдаги уларнинг алоҳида аҳамияти қонуншунослик фани ва шу соҳа мутахассисларига эҳтиёж туғдиради. Фуқаролик жамиятида қонун асосан ҳар бир шахснинг давлат ва жамиятга нисбатан ҳуқуқларини ва ўз на-вбатида давлат органларининг ҳар бир фуқарога нисбатан ҳуқуқларини белгилайди. Ҳуқуқ органлари ҳар бир шахснинг қонун томонидан берилган ҳуқуқларини ҳимоя қиласи. Шу сабабли қонуншунос мутахассислар ва ҳуқуқ органлари ходимлари ҳуқуқшунос деб, фан эса ҳуқуқшунослик деб аталиб келинмоқда. Юрист асли қонуншуносdir. Юрис-пруденцияни эса қонуншунослик илми, дейиш мумкин.

Ҳуқуқ ва маънавият икки ёндош соҳа бўлиб, бир-бирига доимо таъсир кўрсатиб туради. Уларнинг туташув ўринлари бениҳоя кўп. Қонун ва маънавиятнинг энг умумий томони ҳар иккисининг ҳам асоси мувозанат, уйғунликда эканлигидир. Қонун жамиятдаги турли ижтимоий тоифалар ва фуқаролар аро мувозанат ва уйғунликни, маънавият эса инсон руҳидаги уйғунликни белгилайди, фарқи шундаки, қонуннинг мукаммаллиги уни қабул қилган инсонларнинг маънавий даражаси билан боғлиқ, яъни инсонларнинг маънавий такомил даражаси охир-оқибат қонунлар мукаммалигини таъминловчи омил бўлади. Аммо масаланинг нозик томонлари ҳам бор. Агар Аллоҳ иноят этса, давлат раҳбарининг ўз мақоми олдидаги масъулияти ва умумхалқ маънавиятидаги ижобий тамойил ўзаро мувофиқ келиб бирор жамиятда, жаҳондаги алоҳида бир давлатда башарият маънавий такомили даражасидаги қонун қабул қилиниши мумкин. Аммо унинг воқеъ ҳаётга татбиқ этилиши яна, барибир, масъул ижрочиларнинг маънавий салоҳияти ва миллатнинг онгли фаоллик даражасига боғлиқ бўлиб қолади. Шу сабабли қонун мукаммаллиги билан ижро мувофиқлиги орасида анчагина муаммолар, жумладан, маънавий тарбияга доир муаммолар мавжуд. Мукаммал қонун қабул қилиниши учун давлат раҳбарининг идроки ва маълумоти, маслаҳатчилар донолиги ва умумжаҳон ижобий тажрибаси мавжудлиги ёнига умумхалқ сайлаб қўйган вакилларнинг аксарият хайриҳоҳлиги қўшилса кифоя. Аммо уни тушуниб етиб, моҳиятига мувофиқ ижро этиш учун қўшимча бир қатор омиллар тақозо этилади. Масалан, аввало, қонун ижрочиси ҳалол-

пок инсон бўлиши, қолаверса, ақли, билими, салоҳияти ўзи эгаллаб турган мақомга мувофиқ бўлиши, табиатан ғайратли ва шижоатли, ташаббускор ва ҳушёр бўлмоғи лозим. Агар ўнта ҳалол ва уддабурро ижрочига битта ландовур ёки товламачи тўғри келиб қолса ҳам иш мураккаблашади. Олтита комил инсонга тўртта муттаҳам тўғри келса-чи? Унда жамиятнинг аҳволи қандай кечади?

Бундай нохуш ҳолатларни бартараф қилишнинг ягона йўли ҳалқ ҳокимиятилиги (демократия) ва эркин фуқаролар жамиятини шакллантириб боришидир. Аввало, Аллоҳ қўлласин. Аммо “ҳаракатда баракат”, деган нақл бежиз эмас. Эзгулик йўлидаги астойдил ҳаракатни Аллоҳ ҳам қўллашига умид боғласак, адашмаймиз.

Қисқаси, давлат сиёсати икки йўналишда намоён бўлади: 1) якка шахс иродаси; 2) қонун ҳукми. Аҳли башарнинг сиёсат соҳасидаги такомили биринчи йўналиш етакчилигидан иккинчи йўналиш қудратининг юксалиши сари кетмоқда ва шу сабабли борган сари ҳуқуқ ва қонунчилик соҳасининг аҳамияти ошиб бориши қузатилмоқда.

Бугунги кунда миллатни ниҳоятда умидвор қиласидиган, қувонтирадиган, қўнгилга ишонч бағишлайдиган нарса — 1) Мустақил Конституциямизнинг ушбу маънавиятимиз қувватига жавоб бера оладиган даражада мукаммал эканлиги, 2) Юртбошимизнинг фикрий қўлами ва дадиллиги, 3) ҳалқимизнинг Мустақил Ватан келажаги йўлидаги буюк жиҳод амалида бардош ва қатъиятидир.

Олдимизда улуғ ва эзгу мақсад — ҳар бир инсоннинг ўз ички имкониятлари, турфа иқтидори ва салоҳиятини намоён қилишга, фаровон ва ўз қадрига муносиб турмуш кечиришига барча шароит муҳайё бўлган, қонун устиворлигига, барча тоифаларнинг ўзаро тенг ҳамкорлиги ва баҳамжиҳат фаоллигига асосланган ҳур ва озод жамият қуриш, жаҳон ҳамжамиятида ўз муносиб ўрнини эгаллаб турган мустақил давлат, илғор миллат сифатида башарият тараққиётига ҳисса қўшиш вазифаси турипти.

Президентнинг “Ўзбекистон XXI аср бўсағасида. . . ” китобида ёзилганидек, “шу улуғ мақсад йўлида турган муаммолар ва таҳдиуларни аниқ тушуниш жамиятни бирлаштиради, жисплаштиради, ҳар бир кишига ўзининг масъулиятини, ўз ўлкаси, жонажон Ватанининг тарихи ва ҳаётидаги

мураккаб воқеаларга дахлдорлигини пухта ўйлаш, янада чукурроқ англаш имконини беради".¹³⁵

Таянч иборалар: Адолат — маънавиятнинг ижтимоий ҳаётдаги зуҳури, адолат муаммосининг мураккаблиги, ижтимоий адолат мезони, дунёнинг икки қутбли талқини, инсон ҳаётида сиёсат ва ахлоқ нисбати, мавқе ва мақом, Аллоҳнинг имтиҳони, Ибн Халдун инсон жамоаларининг икки тоифаси ҳақида, қабилачилик даврининг хурофотлари, "фарр" принципи, барча инсонлар ягона Тангри олдида тенг, "Ал-аҳком ас-султония", ҳукмдор ва мусулмон жамоаси орасида ижтимоий шартнома (акд) асослари, ислом дунёсида ижро ҳокимияти, қонун ишлаб чиқиш ва судлов ҳокимиятининг нисбий мустақиллиги, Ибн Халдун — диний ва дунёвий ҳокимият нисбати ҳақида, "Қутадғу билиг" турли ижтимоий тоифаларнинг ўзаро муносабатлари ҳусусида, "Лисон ут-тайр"да (ижтимоий) "тақдим ва таъхир" муаммоси, Европада янгича сиёсий тафаккур ғалабаси, Ҳақ қаломининг боқий мўъжизалари, миллий маънавиятимиз анъана-ларида ҳалқ ҳокимиятчилигига муносабат, тавҳид таълимости ва сиёсатдаги хурофотлар, қонун устиворлиги — сиёсатда маънавиятнинг ғалабаси, ижтимоий мўътадилликни сақлаш масъулияти, ҳуқуқ ва маънавиятнинг туташув ўринлари, эркин фуқаролар жамияти, якка шахс иродаси, қонун ҳукми, Ватан тақдирига дахлдорлик.

Тавсия этилувчи ва фойдаланилган адабиётлар рўйхати:

Асосий адабиёт:

1. Қуръони карим (Абдулазиз Мансур таржимаси). Т., 2001.
2. Ўзбекистон Республикаси Конституцияси. Т., 1992.
2. Каримов И. А. Биз келажагимизни ўз қўнимиз билан курамиз. 7-жилд. Т. — "Ўзбекистон" — 1999, с. 209—257.
3. Каримов И. А. Ўзбекистон: миллий истиқбол, иқтисод, сиёсат, мафкура. 1-жилд. Т. — "Ўзбекистон" — 1996, с. 178—186.
4. Каримов И. А. Ватан саждагоҳ каби муқаддасдир. 3-жилд. Т. — "Ўзбекистон" — 1996, с. 3—21.

5. Каримов И. А. Янгича фикрлаш ва ишлаш – давр талиби. 5-жилд Т. — “Ўзбекистон” — 1997, с. 175—180, 282—285.
6. Каримов И. А. . Хавфсизлик ва барқарор тараққиёт йўлида. 6-жилд. Т. — “Ўзбекистон”— 1998, с. 25—30.
7. Иброҳимов А., Султонов Х., Жўраев А. Ватан туйғуси. Т., 1996.
9. Маънавият — масъуллик. 1-китоб (Маънавият нашрлари. Республика «Маънавият ва маърифат» маркази). Т., 1997. Т., 1997.
10. Маънавиятнинг ойдин йўли. 2-китоб (Маънавият нашрлари. Республика «Маънавият ва маърифат» жамоатчилик маркази). Т., 1997.
11. И момназаров М. С. Миллий маънавиятимиз назария-сига чизгилар. Т., 1998.

Қўшимча адабиёт:

12. Низомулмулк. Сиёсанома ёки Сияр ул-мулук. Т., 1997.
13. Бобоев Ҳ., Норматов К. Миллий давлатчилик ҳақида. Т., 1999.
14. Усмонов К., Фаниев Д. Ўзбекистон мустақил тараққиёт йўлида. Т., 1994.
15. Азизхўжаев А. Давлатчилик ва маънавият. Т., 1997
16. Религия и демократия: На пути к свободе совести. М., 1993.
17. Арипов М. К. Социальная утопия как течение общественно философской мысли в Средней Азии. Т., 1989.
18. Ахмедов А. Социальная доктрина ислама. М., 1982.
19. Холбеков А. Ж. Шарқ ва Фарб мутафаккирларининг социологик таълимоти. Т., 1996.

20-маъруза. БОЗОР ИҚТИСОДИ ВА МАЪНАВИЯТ

ДАРС РЕЖАСИ:

1. Маънавий меросимизда бозор иқтисодига муносабат.
2. Бозор ва маънавият.
3. Маънавият ва бозор.
4. Тадбиркор маънавияти.

1. Инсон фаришта эмас. У моддий вужуд сифатида яратилган. Шундай экан, унинг инкор этиб бўлмайдиган моддий эҳтиёжлари атроф-табиат ва ўзга мавжудотлар билан доимий амалий муносабатларни тақозо қиласди. Иқтисод айни шу инсон жисмининг моддий воқелик билан амалий муносабатларига оидdir. Инсоннинг табиатга муносабати иқтисоднинг асосини ташкил этади, дедик, аммо бугунги кунда ҳар бир инсон ўз моддий эҳтиёжларини қондириш учун фақат табиат билан эмас, балки ўзга инсонлар билан ҳам турли муносабатларга киришади. Бундай муносабатларни, мақсад йўналишидан келиб чиқиб, иқтисодий муносабатлар деб атаемиз. Уларнинг тагзаминида мулк тушунчаси, талаб ва таклиф нисбати асосий нуқталардан ҳисобланади.

Инсонлар жамоасида иқтисодий муносабатларнинг турли даража ва йўналишларини кузатиш мумкин:

1. Агар моддий эҳтиёжларни қондиришда ҳар бир инсон табиат билан бевосита амалий муносабатга киришиб, ўз ақли, малакаси, меҳнати воситасида ризқ топса, бу ибтидоий (натурал) хўжалик бўлади. Ҳаётда бундай хўжалик усули соғ ҳолда жуда кам учрайди, фақат бадиий адабиётдаги Ҳайй ибн Яқзон, Робинзон Крузо фаолиятлари унинг яқъол на-мунасирир. Одатда ибтидоий хўжалик камида оила миқёсида фаолият олиб боради.

2. Агар ҳар бир мустақил хўжалик бир турда ёки йўналишда маҳсулот ишлаб чиқариб, сўнг бозорда уни бошқа маҳсулотларга алмашса, ибтидоий бозор иқтисоди вужудга келади.

3. Агар барча мулк давлатга қарашли бўлиб, барча ишлаб чиқариш ва тақсимот давлат ихтиёрида бўлса, тотал (ялпи) давлат иқтисоди вужудга келади. Бу жуда қадим утопия (хом хаёл) асосида собиқ СССР да зўрлик билан шакллантирилган ва зўрлик билан ушлаб турилган иқтисодий тузум 70 йил ичига бутқул яроқсизлигини исбот қиласди.

4. Бугунги кунда бутун дунёда етакчи мавқеда бўлган ривожланган бозор иқтисоди тизими юқоридаги жўн шакллардан фарқ қилиб, мураккаб кўринишга эга. Жаҳондаги иқтисодга оид илмлар асосан ана шу ривожланган бозор иқтисодига тааллуқли муаммолар билан шуғулланади.

Ҳақиқий бозор иқтисодийadolatdir. Чунки унда ҳеч ким ўз қарашларини бирорвга зўрлик билан ўтказа олмайди.

Буржуа синфининг диктатураси (мутлақ истибоди) ҳақиқий бозор эмас, балки иқтисодий зўравонликдир. “Ёввойи бозор” (“дикий капитализм”) мутлақо орзу қиласидан нарса эмас. У ҳам инсоният учун бир синов босқичидир.

Инсониятнинг катта бир қисмини 70 йил давомида “социалистик умумхалқ мулки”га садоқат руҳида “қайта тарбия қилишга” уринишган бўлишларига қарамай, ўзбек халқи, ўлкамиз халқлари бозорни унутмади, чунки бозор муносабатлари миллий маънавиятимизнинг неча минг йиллик қадриятларидан бўлиб келган.

Бозор инсонни ўз-ўзини қадрлашга ўргатади, муомала одобига ўргатади, ўзга меҳнатининг қадрига етишга ўргатади. Бизга яқингача “таълим” берганларидек, бозор товламачилар, “спекулянтлар” макони эмас, балки ибрат ва тарбия мактабидир. Бозор айланган киши она-ер, табиатимиз саховатини кўриб, Ватанга меҳр туйғулари қалбини тўлдиради. Албатта, буни ҳис этиш учун ҳам инсон маънавий камолотининг маълум даражаси талаб этилади. Деҳқоннинг, ҳунар эгасининг меҳнати ва бардошига, маҳорати ва дидига бозор айланганда, бир яхши нарса харид этганда баҳо берамиз, тасанно айтамиз. Дидсизлик, укувсизлик, ўз ишига эътиборсизлик бозорда дарҳол ўзини ошкор этади. Демак, бозор ва маънавият асло зид тушунчалар эмас. Биз бозор иқтисодига асосланган жамият қурмоқчи эканмиз, айни ўз миллий анъана ва қадриятларимизга қайтган бўламиз, келажак сари уларга таяниб олға силжиймиз. Албатта, бу янги тизим шундайича олдинги асрларни қайтариш бўлмайди, XX асрнинг жаҳон тараққиёти эришган барча ютуқларидан ижодий фойдаланилади, аммо ҳеч бир ўринда кўр-кўрана нусха кўчириш наф келтирмаслигини ҳам унутмаслик лозим.

Бу мавзуда ҳам қадр масаласига яна бир қайтишга тўғри келади. Қадр тушунчаси иқтисод йўналишида қиймат, баҳо тарзида намоён бўлиб, соф иқтисодий мазмун касб этади. Бу ерда энди ҳар бир инсоннинг салоҳияти, истеъоди, малака ва укувлари, билими ўз муайян ва аниқ қийматига эга бўлади. Инсон ўз яратувчилик меҳнатининг натижасига қараб, у яратган моддий ёки маънавий бойлик ўзгалар учун қанчалик муҳим ва зарур эканлиги, қанчалик сифатли ва замон талабларига жавоб бера олиши, бошқа турли жиҳатлари асосида муайян даромадга эга бўлади, жамиятда муайян обруй,

эҳтиромга, муайян мавқе ва мақомга сазовор бўлади. Шундай қилиб, иқтисод соҳасида моддий қадрланиш доимо инсон имкониятларининг амалга қандай татбиқ этилиши билан боғлиқ.

2. Энди бозор ва маънавият нисбатининг ўзаро боғлиқ икки алоҳида жиҳатини кўриб чиқайлик. Биринчisi – бозор маънавияти масаласи. Биз бозор маънавияти деганда, биринчи навбатда, инсоф ва диёнатни инсонлар кўнглида қайта уйғотиш заруратини англаймиз. Инсоф ва диёнат, ҳалоллик, харидорга муносабатда самимийлик ва ҳилм (юмшоқ муомала, ҳалимлик) харидор кўнглини топишга интилиш, унинг эҳтиёжларини тушуниш – тадбиркор сармоясига Аллоҳнинг баракатини ёғдирувчи маънавий фазилатлардир. Харидор ҳаққига хиёнат, товламачилик – ҳеч қачон бозорга аралашган одамга омад келтирган эмас. Буни бизнинг аждодларимиз яхши билганлар.

Бугунги жаҳон бозорининг муҳим жиҳати – унинг илмий асосга кўйилганлигидир. Маркетинг фани, яъни бозорни ўрганиш илми илгари асосан савдогар ё косибининг фаросатига боғлиқ бўлган бўлса, бугун жиддий тадқиқотлар асосига таянмоқда. Илгари бир минтақани қамраган бўлса, бугун жаҳон миқёсида яхлит фикрлашни тақозо қилмоқда. Демак, бозор ва маънавият турли нуқталарда тулашув ҳосил қилмоқда. Уларнинг бири эътиқод бўлса, иккинчisi – илм. Яна бири фаросат бўлса, бошқаси – инсонни тушуниш. Бизга марксизм олабўжи қилиб кўрсатган тузум бугунги кун нуқтаи назаридан ёндошганда – ахлатхона. Ҳар соҳада ҳам чиқиндиilar бўлади, шу жумладан, бозорда ҳам. Ўша барча чиқиндини бир жойга уйиб ташласа, ифлос ва кўримсиз бир уюм ҳосил бўлади, ана шуни бизга капитализм деб рўбарў қилиб келишди. Ваҳоланки, “социализм” деб аталаған тоталитар тузумдаги қабоҳатлардан ташкил толған бутун бошли “архипелаг” лар мавжуд бўйганлиги энди кўпчиликка маълум бўлиб қолди.

Дастлабки “капитализм”да баъзилар начор яшаган бўлса, “коммунизмнинг биринчи босқичи”да миллионлаб бегуноҳ одамлар очлиқдан қирилиб кетди. Ёлғон foяллар учун ука акани ўлдиргани, бола отасини сотгани алоҳида масала. Аслини олганда на “капитализм”, на “социализм” инсониятга баҳт келтирмайди. Асосий масала инсон маънавиятида. Чун-

ки маънавият аввало меъёр, уйғунликни таъминлайди. Хусусий мулкнинг ягона ҳукмронлиги ҳам, унинг буткул тақиқланиши ҳам меъёрнинг бузилишига олиб келади, демак, ҳаётдаги уйғунликни бузади. Бугунги бозор эътиқод. илм, риёзат, меҳр уйғунлиги томон кетмоқда. Эътиқод бозорда инсоф кўринишида намоён бўлади. “Теша бўлмагин, арпа бўлгин”, — дейди Амир Ҳусрав. Чунки теша доим ўзи томонга чопади, пайрача фақат чопаётган киши тарафга тўпланади. Арпа икки тарафга бориб келади, қилиқ ҳам икки тарафга баробар тўкилади. “Қарс икки қўлдан чиқади”, — дейди халқимиз. “Фақат ўзим бўлай”, деган одам узоққа бормайди. “Инсоф сари барака” — маънавиятини йўқотмаган миллатнинг бозоридаги бош қонундир.

Бугунги кунда биз баъзи жойлардаги каби бир қирдан иккинчи қирга сакрашга уринмай, инсоф ва диёнатни сақлаган ҳолда, қадим миллий анъаналаримизнинг энг илфор жиҳатларига таяниб, фаросатли, инсофли, илмий асосга қўйилган, жаҳондаги энг илфор тамойилларга мувофиқ келувчи бозор иқтисоди сари интилиб бораётирмиз. Албатта, хатолар ҳам кўп, аммо беайб парвардигор дейдилар, ният холис бўлса, натижка ёмон бўлмас.

3. Маънавиятнинг бозори борми? Йўқ. Чунки бозор инсонлар аро иқтисодий муомала майдони, иқтисод эса маънавиятга эмас, моддиятга алоқадор ҳодиса. Аммо инсон моддий вужуд экан, унинг маънавияти ҳам моддий воқеликда ўзлигини намоён этиши табиий. Бу — маданиятдир. Маданият — инсон маънавиятининг моддий воқелик шаклида намоён бўлиши. Демак, маънавият ва бозор муносабатларининг иккинчи муҳим жиҳати маданият ва бозор нисбати тариқасида бугуннинг энг долзарб муаммоларидан бўлиб турилти. Маданият ўз-ўзича олиб қаралмайди, у кимгадир нима учундир керак. Масалан, шуролар тузумида “социалистик маданият” деган тушунча бўларди. Бу коммунистик партия ва унинг мутлақ ҳукмронлигини таъминлашга хизмат қилган “совет давлати” учун керак бўлган “маданият” эди. “Социалистик маданият” тоталитар тузум “қадрият” ларини инсонлар онтига сингдиришга йўналтирилган эди. “Буржуа маданияти” эса хусусий мулк эгалари учун қадрли бўлган тимсолларни ишгари суради.

Дунёда ижтимоий тоифалар кўп. Ҳар бири ўзи қадрли

деб билган нарсаларни, ўз манфаати учун хизмат қилувчи
фояларни ҳимоя қиласди. Аммо ҳақиқий маданиятни ўзлигидан
кешиб қўйган, холис Аллоҳ берган истеъодони унинг
розилиги йўлида юзага чиқаришни ўзига бурч деб билган
инсонлар яратади.

Ҳақиқий маданият намунасидан маънавият нури ёғилиб
туради. Чунки истеъодоли шахснинг қалбидаги нур унинг
асарига кўчади. Бундай асарлар инсониятнинг боқий мулки-
дир. Аммо инсон моддий, бу дунё моддий воқелик, шундай
экан, истеъодоли инсонларнинг ҳам рўзгори, оддий инсон-
га яраша турмуш ташвишлари бор. Маданият бозори энг му-
раккаб воқелиkdir. Бозор иқтисодининг ибтидоий босқич-
ларида бу бозор буткул пароканда шаклда бўлади, унда но-
қислик комиллик баҳосида, юксак истеъодод бир қоп сомон
баҳосида кетиши мумкин.

Аммо бу бозорнинг ноқислиги ибтидоийлиги белгиси-
дир, бозор иқтисоди ривожлангани сари маданиятнинг ба-
ҳоси ошиб, маънавиятнинг мавқеи юксалиб бора беради. Бугун
жаҳоннинг юксак ривожланган мамлакатларида илм, ах-
борот, сифат кўрсаткичлари (масалан, дизайн) жумладан,
озиқ-овқат сифати, борган сари юқори баҳоланмоқда. Ин-
сонни тушуниш эндиги инсоният ривожининг белгиловчи
омилига айланиб бораётгани бунга далиллар.

Демак, маънавиятга, маданиятга эътибор бозор иқтисо-
дининг бугунги жаҳон талаблари даражасига кўтарилиб бо-
ришида етакчи кўрсаткичлардан ҳисобланади. Аммо масала-
нинг иккинчи жиҳати ҳам бор. Биз — маънавият ва мадани-
ят соҳасининг одамлари, ўзини зиёли санаб юрганлар ҳам
эски ақидалардан, кўнилмалардан иложи борича тезроқ фо-
риғ бўлишимиз, Аллоҳ берган фаросатимизни ишга солиб,
ўз соҳамизда мантиқли тадбирлар ишлаб чиқишимиз керак.
Агар қўлимиздан келмаса, олимлигимиз, устозлигимиз
ҳақидаги даъволарни йиғиштирайлик ва бошқа касбнинг
бошини тутайлик. Аммо олим ва устоз бўлиш ниятимиз бўлса,
ҳақиқий олим, ҳақиқий устоз бўлайлик, яъни қилаётган
ишимиз, гапираётган гапимиз бугунги воқеликка қанчалик
мувофиқ экани устида ўйлаб кўриб, эл тилаган ишни қилай-
лик. Ўзимиз ўрганганд “эски пластинка”ни қайта-қайта ай-
лантира бермайлик. “Социализм” йўқ, унинг талаблари бу-
гун бекор бўлди. Бугуннинг талаблари қандай? Шу саволни

ўз олдимизга қўйиб, бир танамизга ўйлаб кўрайлик. Қисқа-си, бу ерда фаросат масаласига аҳамият бериш зарур бўлади. Тадбиркорга фаросат керак, лекин бугунги маънавият ва маданият соҳаси ходимларига ўн карра фаросат лозим. Ўз ҳолимизни тўғри идрок этиб, ўзгани ҳам тушунишга интилиб, воқелик ҳақида тўғри тасаввур ҳосил қилас эканмиз, ўзимизга ҳам, жамиятга ҳам, миллатга ҳам тайинли фойдамиз тегмайди. Бозор иқтисоди инсонни ўйлашга, фаросатини ишлатишга мажбур қилиши билан қўмматлидир.

4. Ҳар бир инсонга ризқни Аллоҳ беради. Мусулмон фарзанди комил ишонч билан буни тасдиқлар экан, ҳеч қачон бу эътиқодини фаолиятсизликка даъват маъносидаги талқин этмайди, балки «ҳаракатда баракат» деб ҳалол ризқ умидидаги бирор-бир фойдали машғулотнинг бошини тутади. Дехқон ерга ишлов бериб, ризқ йўлин очса, хунар аҳли инсонлар корига яратувчи бир буюм яратади. Муаллим ёш авлодни илим нуридан баҳраманд этса, тадқиқотчи ўз кашфиётлари билан жамият тараққиётига хизмат қиласди. Санъаткор эл дилига ҳузур бахш этиб, уни яхшилик сари йўналтиришга интилади. Хуллас, ҳар тоифанинг жамият ривожига кўшадиган ўз ҳиссаси бор, бу унинг инсонлар аро мавқеини ҳам белгилайди. Биз шу ижтимоий тоифалардан бирининг фаолиятини маънавият нуқтаи назаридан кузатиб, унинг ҳаётдаги мавқеи ҳақида мулоҳаза билдиromoқчимиз.

Коммунистик ғоянинг энг катта камчилиги — турли ижтимоий тоифалар табиатидаги ўзига хосликларни англашиб этишга ҳафсала қиласди, муракқаб воқеликни фақат мулкчилик ва меҳнатга муносабат доирасида тор талқин этганлиги бўлди. Мудқка муносабати қандай — яъни хусусий мулки борми, йўқми? Меҳнатга муносабати қандай — яъни давлатнинг моддий бойлигини яратиш жараённида бевосита қатнашадими, йўқми? Коммунистлар учун асосий масала шундан иборат бўлди. Хусусий мулк эгаси бўлиш — салбий жиҳат, моддий бойлик яратишда бевосита қатнашиш — ижобий жиҳат сифатида баҳоланди. Мутлақо хусусий мулки бўлмаган, аммо бевосита жисмоний меҳнат қилиб, моддий бойлик яратишда иштирок этган тоифа — ишчилар энг ижобий, энг илфор синф деб; жисмоний меҳнатда бевосита иштирок этмаган, аммо хусусий мулк эгаси бўлган тоифа — буржуазия — энг салбий, энг реакцион синф, “экспулата-

тор”, “капиталист” деб баҳоланди. Жамиятдаги ўзга тоифалар ушбу икки “антагоноистик”, яъни умуман бир-бири билан муросага келиши мумкин бўлмаган зид қутблар орасига жойлаштирилди. “Жоҳийлар” талқинида, буржуазиянинг феодализм тартибларини йўқ қилишдаги хизматлари тан олинган бўлса ҳам, гражданлик жамиятида ўзига яраша ижобий мавқеи, ўрни мавжудлиги ҳақида чуқур мулоҳаза юритилмади.

Хўш, совет идеологиясида «капиталист», «эксплуататор», яъни эзувчи синф деб қаралган буржуа, ёки бугунги кун атамасидаги тадбиркор ким?

Аллоҳ бани башарга “ер юзида халифалик” масъулиятини юклар экан, унга ўз мутлақ сифатларига мувофиқ қатор фазилатлар бахшида этган. Албатта инсон фоний, унинг қудрати, фазилатлари ҳам тўқис эмас, нокомил ва ўткинчи. Аммо инсон фазилатларида маънавият нури зоҳирдир. Бу нур унга боқий дунё билан туташлик имконини беради. Аллоҳнинг инсонга энг буюк инояти ҳам шунда. Ана шу фазилатларнинг энг аввалида инсоннинг яратувчилиги туради. Яратувчилик фазилати инсонга Аллоҳ насиб этган ризқини кўлга киритиши учун бир восита бўлиб хизмат қиласи. Инсон ўз ақли, малакаси, меҳнати, касб-кори воситасида ризқини териб ейди. Аммо восита инсоннинг ўзидагина эмас, ундан ташқарида ҳам бўлиши мумкин. Асли инсонлар жамоаси ҳам иқтисодий эҳтиёжларини қондиришда, ҳам маънавий камолотга эришиш йўлида бир-бирлари билан ҳамкорлик натижасида ташкил топади. Бугунги ривожланган бозор иқтисоди тизимиға хос хусусиятлардан бири шуки, унда нафақат алмашув жараёни, балки бевосита ишлаб чиқариш ҳам моддий маҳсулот яратувчилар ва истеъмолчилардан ташқари қатор воситачилар тоифаси мавжуд бўлишини тақозо қиласи. Улар моддий яратувчилик ва истеъмол жараёнининг ташкилий такомиллашуви ва сифат жиҳатидан юксалишида муҳим ўрин тутадилар. Алмашувдаги воситачи тадбиркор қадимдан бизда савдогар қиёфасида мавжуд бўлса, ишлаб чиқаришни ташкил этувчи тадбиркор илгари нисбатан камроқ урф бўлган тоифа вакилидир.

Амир Хусрав ўз вақтида султонлар, яъни ҳукмдорларнинг қўл остидагиларга нисбатан ҳиммат-саҳоватини назарда тутиб, «сенинг ўз ходимларингга қилаётган иноятларинг

тарновдан тушаётган ёмғир суви кабидир», деган эди. Аллоҳ марҳамати билан осмондан оби раҳмат ёғади, у, масалан, томда тўпланиб, тарнов орқали ерга шовуллаб тўкилади, тарнов остига пақир қўйиб, бир зумда керакли сувни йиғиб олиш мумкин, аммо ҳеч ким бу сувни тарнов менга берди, демайди, тарновни бир восита деб ҳисоблайди.

Ҳозирги замонда тадбиркор фаолиятини маълум маънода шунга ўхшатиш мумкин. Чунки у ҳам муайян корхонани ташкил этиб, унда турли ихтисосдаги одамларни ёллаб ишлатиб, уларга маош бериб, тирикчилик ўтказишига ёрдамлашар экан, Аллоҳ юборган ризқни одамларга етказища бир восита вазифасини ўтайди. Бугунги кун жамиятида юзлаб ихтисос эгалари борки, уларга кимдир иш жойи тайинлаб, ўз малака ва билимларини намоён этишга шароит яратмаса, улар на жамиятга фойда етказа олади, на ўз оиласлари таъминотини эглайди. Тадбиркор айни шу муаммони ҳал қилувчи инсондир. У жамият учун зарур бўлган бир буюмни ишлаб чиқиш ёки бир хизматни бажаришга қаратилган муайян амалий тизимни вужудга келтириб, уни ҳаракатга солади. Бунинг учун маблағ топади, бино ажратади, асбобускуна ўрнатади, хомашё, зарурий ёрдамчи воситалар билан таъминлаб, тайёр иш ўринлари ҳосил қиласди. Натижада ҳам эҳтиёжмандларнинг иши битади, ҳам инсонлар турмуш кешириш учун воситага эга бўладилар. Албатта, тадбиркор ҳам орада беҳуда овора бўлиб қола бермайди, у ўзи ташкил этган ишнинг унумига қараб, муайян моддий манфаатларни қўлга киритади. Хуллас, тадбиркор ўз фаолияти билан жамиятга ҳар томонлама наф етказиб, унинг такомилига ҳисса қўшади. Агар сиёсий арбоб, давлат хизматчиси жамият ҳаётининг сиёсий жиҳатдан мустаҳкамлануви ва ривожига улуш қўшса, тадбиркор жамият ҳаётида иқтисодий соҳанинг ташкилотчисидир. У бевосита яратувчилик меҳнати билан шуғулланмаса ҳам, ана шу яратувчилик меҳнати билан шуғулланувчиларга шароит тайёрлаб беради ва улар яратган нарсаларнинг ўзаро алмашинувини таъминлайди.

Илм ва инсоф, риёзат ва фаросат бугунги кун тадбиркорларининг асосий маънавий фазилатлари бўлиши лозим. Тадбиркорнинг бош фазилати — фаросат. Фаросат бўлмаса тадбиркорликка уриниш беҳуда оворагарчиликдир. Фаросат нима? Фаросат, аввало, ўзингни англаш, ўз ҳолингни тўғри

идрок этишдир. Иккинчидан, ўзгани тушуниш, ўзгаларнинг эҳтиёжи, хоҳиши, имкони ҳақида тўғри тасаввур ҳосил қила билишдир. Қолаверса, фаросат — воқеликни аслига мувофиқ идрок этиш, унга тўғри муносабат ҳосил қила билмоқлиқ, нафақат тушуниш, балки воқелик талабига мувофиқ тадбир ишлаб чиқиш ва уни ҳаётга татбиқ эта билиш ҳамдир. Бу фаросатнинг амалий тарафини баъзан алоҳида ном билан уддабуронлик ёки тадбиркорлик ҳам дейишади. Бизда “уддабурон” сўзи бироз салбий муносабатга ишора этади. Дарҳақиқат, устомонлик ва уддабуронликнинг яқинлашиб кетган ўринлари йўқ эмас. Аммо фаросат етишмаган жойда уддабуронлик бирорни алдаб ўтиш йўлини излай бошласа, ундан товламачиликнинг ҳиди кела бошлайди. Бундай устомонлик жиноят сари етакловчи тамойил бўлиб, сармояни хатарга кўйишдан бошқа натижা бермайди. Устомонлик — шайтон васвасасидир, фаросат — Аллоҳнинг инояти. Шайтон васвасаси 1—2 марта омад келтириб, инсоннинг кўзини шира бостиради, сўнг уни ҳалокатга етаклайди. Фаросат инсонга доимий ободлик келтиради.

Тадбиркорнинг фазилат ва қусурлари унинг келиб чиқиши билан боғлиқ. Бугунги юксак ривожланган бозор иқтисади тизими асрлар давомида мукаммаллашиб борган ибтидоий бозор хўжалигидан ўсиб чиққанидек, шунга яраша бугунги тадбиркорнинг хислатлари ҳам ибтидоий товар ишлаб чиқарувчининг сифатларини муайян миқёсда ва тадрижийлика акс эттиради. Маълумки, хунар аҳлининг икки қиёфаси бор: бири жамият учун зарур ашёни яратишда наимён бўлса, иккинчиси ясаган буюмини бозорда пуллашда кўринади. Агар косибининг яратувчилиги фақат моддий эҳтиёжларни қондириш учун заруратан ижро этилса ва у ўз инсонлик моҳиятини, бинобарин, Ҳақни англаб етмаган бўлса, уни бозор фойда излашга ўргатади, олибсотарликка, ўзгларнинг соддалиги ва ҳалоллигидан фойдаланиб, имкон борича ўз ўчогига кул тортишга одатлантиради.

Навоий ҳақиқий савдогарни (тижорат аҳли) олиб сотарлардан фарқ қиласади. Савдогар ҳалол ризқ топаман деб узоқ, мashaққатли йўлларни босиб ўтади, яъни у инсон жамоалиари аро иқтисодий муносабатларнинг ташкилотчисидир. Бир юртдаги маълум ашёларнинг ортиқча серобгарчилиги ва қадрисизлиги олдини олиб, ўзга юртдаги камёбгарчиликка бар-

ҳам беради, иқтисодий мувозанатни таъминлайди. Бу касбнинг ўзига яраша қийинчилеклари ва завқлари бор. Аммо тожир бошида “бирни юз қилиш савдоси ва бўзни шойига айлантириш таманноси”¹³⁶ бор. Шаҳар олибсотарларида эса ушбу хирс бутқул инсоф ўрнини эгаллаб олган. Демак, ҳунарманд яратувчилигини унутса ва савдогар ўз ижтимоий вазифасини адо қиласа, ҳар иккиси ҳам бозор товламачи-сига айланади.

Янги даврга келиб ҳунарманд ва савдогар янги жиҳатлар касб этди ва сармоядор билан ишчига айланди. Ишни ташкил этиш сармоя эгасининг вазифаси, тайёр иш куролстарида тайёр хомашёни қайта ишлаш ишчининг вазифаси бўлиб қолди. Албатта, XIX аср Европасидаги собиқ савдогар ҳануз “бирни юз қилиш” кайфиятини сақлаб қолган ва ишчига оз ҳақ бериб, ўзи кўп фойда олиш ҳаракатидан қайтмаган эди. Аммо ишчилар ҳам бу даврда аста-секин ўз ҳақларини таниб, бирлаша бошладилар ва сармоя эгасининг худбинлигига қарши ўз кураш усувларини ишлаб чиқдилар.

Асли бозор муносабатлари ҳукмонлиги ҳам инсониятнинг камолот сари интилишида бир босқич, яъни жамиятни ташкил этишда ҳарбий ва сиёсий зўрлик ишлатиш усулидан иқтисодий муносабатлар йўлига ўтиш босқичидир. Бозор ҳар бир инсонни ҳушёрликка, фурсатни беҳуда ўтказмасликка ўргатади. Аммо агар жамиятдаги турли тоифалар ўзлигини англаб етмаган бўлсалар, бозор корчалонларининг танҳо ҳукмонлиги инсониятни разолатдан кутқармайди, табиатни эса ҳалокат сари элтиши мумкин. Буни унумаслигимиз керак. Шу жиҳатдан қараганда, аждодларимиз бизга қолдирган табаррук мерос — футувва ахлоқи — яратувчилик меҳнатини руҳий камолот билан уйғунлаштириб, инсон табиатидаги моддий ва маънавий жиҳатлар мавзунлигини таъминлашга қаратилгани билан ибратга сазовордир.

Манфаатлар тўқнашуви, рақобат бозор иқтисоди учун хос нарса. Аммо рақобатни курашдан фарқлаш керак. Агар рақобатни кураш деб тущуниб, уни фақат рақибни молиявий синдириш йўлларини излаш сифатида талқин этилса, тадбиркорларнинг рақобати бир-бирига зиён етказиш, ишидан ишкал чиқаришга қаратилса, бундай ёндошув низо ва бузғунчиликка, миллат ва жамиятнинг зарарига қараб юради. Агар рақобат деганда бир-биридан сифатлироқ, харидор-

гирроқ, ўзгалар молидан арzonроқ, инсон эҳтиёжига яроқлироқ буюм, маҳсулот чиқариш орқали бозорда олдинги ўринларни эгаллашга интилиш, бунинг учун янги технологиялар, унумли иш усусларини излаш йўлидан бориш тушиунилса, яъни у ижобий ва ижодий йўналиш касб этса, жамият фаровонлиги, инсон камолотига хизмат қиласди. Биз мусулмон фарзандимиз, Аллоҳнинг адолатига имонимиз комил. Ҳар ким экканини ўради, бирорвга қилинадиган яхшилик ҳам, ёмонлик ҳам бир кун албатта инсоннинг ўзига қайтади, деб ишонамиз. Бирор фойда кўриши учун, албатта, иккинчи одам зарар кўриши шарт эмас. Бизда ҳозир шундай тадбиркорлар етишиб чиқмоқдаларки, улар ақли, салоҳияти, меҳнати билан ўзига ҳам, бошқаларга ҳам манфаат келтирмоқдалар.

Тадбиркор маънавияти ҳақида айтилганларга ҳуроса қилалиган бўлсан, икки маънавий тушунчанинг етакчи ўрин тутиши маълум бўлади. Буларнинг бири «фаросат» бўлса, иккичиси “қадр”. Келтирилган мулоҳазаларни умумлаштириб, айтилса, фаросат — воқеликни аслига мувофиқ идрок этиб, унга тўғри муносабат ҳосил қила билмоқ, шу билан бирга воқелик талабига мувофиқ тадбир ишлаб чиқиб, уни ҳаётга татбиқ эта билишdir.

Инсон ўз қадрини иқтисодий майдонда ўлчар экан, талаб ва таклиф уйғунлигини ҳисобга олмоғига тўғри келади. Унинг илми, малакаси ким учун ва қай даражада зарур — мана шу масала унинг иқтисодий майдондаги қадрини белгилайди. Тадбиркорнинг фаросати ёруғ оламдаги ҳар бир инсон, ашё ва мавжудотлар қадрини, жумладан, ўзи ва ўзгалир қадрини, амалий шароитда, муайян макон ва замонда аниқ ўлчовларда англаб ета билиши, шунга мувофиқ тадбирлар тизими ишлаб чиқиб, уни ҳаётга татбиқ эта билишда намоён бўлади. Шу қобилиятни ақл ва билим биланми, табиий салоҳият туфайлими амалда исбот эта олган одам ҳақиқий тадбиркордир, ва шу йўл билан жамиятга нафи теккан одамнинг нони ҳалол, амали хайрлидир.

Таянч иборалар: Инсоннинг моддий эҳтиёжлари, инсон жисмининг моддий воқелик билан амалий муносабатлари, мулк ҳуқуқининг маънавий аҳамияти, иқтисодий муносабатларнинг даража ва йўналишлари: ибтидоий бозор иқти-

соди, тотал давлат иқтисоди, ривожланган бозор иқтисоди, бозор — иқтисодий адолатдир, қадр масаласи, иқтисод соҳасида моддий қадрланиш, инсон имкониятларининг қиймати, бозор маънавияти, инсоф ва диёнатни инсонлар кўнглида қайта уйғотиш зарурати, бозорни ўрганиш илми, маданият ва бозор нисбати, маданият бозори, инсонни тушуниш — иқтисодий ривожланишнинг белгиловчи омили, зиёлиниң тадбиркорлиги, тадбиркорнинг ҳаётдаги мавқеи ва жамият тараққиётидаги ҳиссаси, мулкка ва меҳнатга муносабат, моддий маҳсулот яратувчилар ва истеъмолчилар орасида воситачилик, моддий яратувчилик ва истеъмол жараёнининг ташкилий такомиллаштириш ва сифат жиҳатидан юксалтириш масъулияти, иқтисодий соҳанинг ташкилотчиси, тадбиркорнинг бош фазилати — фаросат, улдабуронлик ва устомонлик, хунар аҳлиниң икки қиёфаси, Навоий тижорат аҳли ҳақида, манфаатлар тўқнашуви, рақобатда янги технологиялар, унумли иш усусларини излаш йўлидан бориш, жамиятта нафи теккан одамнинг нони ҳалол, амали хайрли.

Тавсия этилувчи ва фойдаланилган адабиётлар рўйхати:

Асосий адабиёт:

1. Ўзбекистон Республикаси Конституцияси. Т., 1992.
2. Каримов И. А. Озод ва обод Ватан, эркин ва фаровон хаёт — пировард мақсадимиз. 8-жилд. Т. — “Ўзбекистон” — 2000, с. 39—58, 330—351, 376—404.
3. Каримов И. А. Биз келажагимизни ўз қўлимиз билан курамиз. 7-жилд. Т. — “Ўзбекистон” — 1999, с. 370—404.
4. Каримов И. А. Ўзбекистон: миллий истиқдол, иқтисод, сиёсат, мафкура. 1-жилд. Т. — “Ўзбекистон” — 1996, с. 274—359.
5. Каримов И. А. Биздан озод ва обод Ватан қолсин. 2-жилд. Т. — “Ўзбекистон” — 1996, с. 3—28.
6. Каримов И. А. Ватан саждагоҳ каби муқаддасдир. 3-жилд. Т. — “Ўзбекистон” — 1996, с. 175—366.
7. Каримов И. А. Янгича фикрлаш ва ишлаш — даврталашиби. 5-жилд. Т. — “Ўзбекистон” — 1997, с. 332—338.

8. Каримов И. А. . Хавфсизлик ва барқарор тараққиёт йўлида. 6-жилд. Т. — “Ўзбекистон” — 1998, с. 314—317.
9. Алишер Навоий. Муқаммал асарлар тўплами. 14-жилд, Т., 1998.
10. Абу Райҳон Беруний. Қадимги халқлардан қолган ёдгорликлар. Танланган асарлар. I том. Т., “Фан”, 1968.

Кўшимча адабиёт:

11. Имомназаров М. С. Миллий маънавиятимиз назария-сига чизгилар. Т., 1998.
12. Турон Усмон. Туркий халқлар мағқураси. Т., 1995.
13. Қодиров А. Маънавиятнинг иқтисодий тамойиллари. Т., 1999
14. Соибназаров И. Бозор иқтисодиёти ва шахс камолоти. Т., 1996.
15. Файбуллоҳ ас-Салом. Эзгуликка чоғлан, одамзод. Т., 1997.
16. Жумабоев Й. Ж. Тадбиркорлик ва маънавий камолот. “Иқтисод ва ҳисобот” 1996, 3-сон.
17. Аминов Б., Шодиев М., Расулов Т. Шарқона бозор фазилатлари. Т., 1996
18. Нуруллоҳон хожи Абдуллоҳон ўғли. Савдо гарнинг 101 сири. Т., 1995
19. Имомназаров М. Тадбиркор маънавияти ёхуд қадр ва фаросат ҳақида // “Жамият ва бошқарув” жур., №4, 2000.

21-маъруза. ФУҚАРОЛАР ЖАМИЯТИ

ДАРС РЕЖАСИ:

1. Уйғун фуқаролар жамиятининг маънавий асослари.
2. Ижтимоий тоифалар табиати ва маънавияти:
 - а) Навоий нигоҳида деҳқон ва дарвеш;
 - б) аҳли футувва ва ёлланма ишчилар;
3. Зиёли масъулияти.
4. Раҳбар маънавияти.

1. Халқ ҳокимиятчилигига асосланган озод жамиятнинг ҳаётга тўлақонли жорий бўлиши учун 3 талаб бажарилиши

зарур. Биринчиси, барча фуқароларнинг сиёсий жиҳатдан тенг ҳуқуқли эканлиги тан олиниши, иккинчиси, барча фуқароларнинг қонунларга итоат этишни ўз бурчи деб билиши ва учинчиси, барча фуқароларнинг ижтимоий ҳаётга фаол ва масъулиятли ёндошуви. Бунга қўшимча яна икки масала бор. Биринчиси иқтисодий сиёсатга оид бўлиб, мулк ҳуқуқи масаласидир. Инсонлар аро иқтисодий муносабатларда бозор иқтисоди тамойиллари жорий бўлиши учун ҳар бир инсон ўзи яратган ёки қонуний ўзлаштирган мулкини эркин тасарруф қилиш ва мулк шаклларини эркин танлаш ҳуқуқига эта бўлиши керак. Бу санаб ўтилган масалалар бар-каси олдинги маъruzalarda батафсил кўриб чиқилди.

Энди охирги ва энг муҳим масала ижтимоий уйғунлик муаммоси бўлиб, бусиз олдинги санаб ўтилган масалаларнинг ҳеч бири тугат ва мукаммал ҳал бўлмайди. Маъruzani аждодлар меросига мурожаатдан бошлаган мақбул.

Яқингача марксистлар бизни ишонтиromoқчи бўлдиларки, гўё Карл Марксгacha ҳеч ким башариятнинг тарихий тараққиёти қонуниятларини илмий изоҳлаб бера олган эмас. Ваҳоланки, аждодларимиз — буюк ислом мутаффакирлари бу соҳада жиддий ютуқларни қўлга киритган эдилар. Жумладан, Форобийнинг «Фозил шаҳар одамларининг қараашлари» асаридаги инсонлар жамоасининг келиб чиқиши ҳақида буғунги кунимиз учун ҳам ўз қийматини йўқотмаган мулҳазаларни эслаш мумкин. Бу ҳақда олдинги маъruzalarda ҳам тўхталган эдик. Аллома ижтимоий ҳодисаларни бевоста инсон табиатидан келиб чиқиб изоҳлар экан, буғунги кунда биз фуқаролар жамияти деб атаётган ўз орзусидаги «фозил шаҳар»ни шундай таъриф қиласди: «Фозил шаҳар» мукаммал ва соғлом баданга ўхшайди, унинг барча аъзолари тирик вужуд унсурларидек тўлақонли ҳаёт кечиришда бир-бирларига кўмаклашиб баҳамжиҳат фаолият олиб борадилар. Бадандаги турли аъзолар ўз табиати ва хислатларига кўра бир-биридан фарқ қилганидек, шаҳар жамоаси аъзолари ҳам табиатан ўзаро бир хил эмаслар ва шунга мувофиқ жамоадаги мавқелари ҳам турличадир». ¹³⁷

Буюк алломанинг бу қараашлари кейинчалик Ибн Халдуннинг «Китоб-ал-умран» асарида ўз ривожини топиб, та-риҳда биринчи марта инсониятнинг тарихий-ижтимоий та-комил жараёни ва унинг босқичлари ҳакидаги таълимотга,

яъни башарият тарихининг ривожланиш назариясига айлантирилди. Ибн Халдун инсонлар жамоасининг шаклланиши ва ривожида икки йирик босқични ажратиб кўрсатди. Уларнинг биринчисини ибтидоий жамоа ва иккинчисини шаҳар жамоаси деб номлади.

Аждодларимиз ўз асарларида давлатнинг турли шаклларини тасвирлаб, унинг асосий вазифаси инсонларни баҳтсаодатта олиб борища деб талқин этдилар. Бу жиҳатдан XI аср туркий шеъриятнинг буюк намояндаси Юсуф Хос Ҳожибнинг “Қутадгу билиг” ижтимоий-фалсафий достони алоҳида эътиборга лойиқ. Унда давлатни бошқариш, турли ижтимоий тоифаларнинг ўзаро муносабатлари ва жамиятдаги мавқелари хусусида муфассал таҳлил ва хуносалар юксак бадиий шаклда ифодалаб берилган.

Юсуф Хос Ҳожиб асарини ислом маънавиятининг бадиий-фалсафий, ижтимоий-ахлоқий қомуси деб бемалол таърифлаш мумкин. Фирдавсий “Шоҳнома”да минтақа ҳалқарининг ўтмиш тарихини бадиий акс эттирган бўлса, “Қутадгу билиг” достони ислом даври ижтимоий воқелигининг бадиий-фалсафий таҳлил ва талқинини ўзида мужассам этган. Бехуда эмаски, шоирнинг ўзи китоби ҳақида гапириб, унинг “Адаб ул-мулук” (Хукмдорлар одоби) ва “Ойин ул-мамлакат” (Мамлакатни идора этиш қоидалари) номлари остида ҳам шуҳрат топганини таъкидлайди. Асарнинг асосий қаҳрамонлари ўша давр жамияти бош тимсолларининг рамзий ифодаси бўлиб гавдаланади. Улардан биринчиси Адолат — у бош ҳукмдор, исми — Кунтуғди, у қуёшдек барчага баробар нур таратади. Иккинчи тимсол — Кут ёки Давлат бўлиб, бу тушунча ички мазмунига кўра Бойлик, Барака, Омад, Бахт, Кудрат маъноларини ўзида жамлаган, унинг исми Ойтўлди, у ҳукмдорнинг таянчи, унинг белига қувват, кўзига нур, мулкига фаровонлик бахш этувчи бош маслаҳатчи ва нозир. Аммо Ойтўлдининг умри фоний. Давлат, Бахт, Омад каби нарсалар пойдор эмас. Осмондаги Ой янглиф гоҳ тўлиб балқийди, гоҳ Ҳилол сингари нозиклашиб, қувватдан кетади, орада кўринмай қолиши ҳам мумкин. Дарҳақиқат, Ойтўлди асар давомида хасталаниб вафот этади. Унинг ўрнига ўғли Ўѓдулмиш ўринбосар, ҳукмдорнинг яқин маслаҳатчиси бўлиб қолади. Ўѓдулмиш Ақл ва Билим рамзи (Ўг — қадим туркийда “ақл”, “билим” маъноларини бера-

ди). Агар Бойлик, Омад, Бахт ўткинчи бўлса, киши қўлида доимий турмаса, Ақл ва Билим уларнинг ўрнини боса олади. Китобнинг асл номи — “Қутадғу билиг” (Бахт келтирувчи билим) — асарнинг бош тимсоли, энг асосий қаҳрамони Ўгдулмиш, яъни Ақл ва Билим эканлигига ишора қилиб туради. Асаддаги тўртинчи тимсол — қаноат. Агар инсонда, жамиятда қаноат бўлмаса, унинг барча фазилатлари бир пул, оқибати аянчли. Қаноатнинг исми Ўзгурмиш бўлиб, у Ойтўлдининг, яъни Бахт ва Давлатнинг, Ўгдулмишнинг, яъни Ақл ва Билимнинг қариндошидир. Аммо Ойтўлди қариндошини эсламайди, Бахт ва Омад қаноатни хотирга келтирмайди. Ҳукмдорга (шоир ҳукмдорни Элиг деб атайди), қариндоши Ўзгурмиш ҳақида Ўгдулмиш эслатади, яъни Адолат Ақл ёрдамида Қаноатдан хабар топади ва унинг суҳбатини истайди. Ўзгурмиш билан бўлган суҳбатлар таъсирида Ўгдулмишнинг ҳам руҳида ўзгаришлар юз беради. У маълум вақт тавба-тазарруга берилиб, моддий дунё ташвишларидан ўзини олиб қочишга интилади. Аммо Ўзгурмиш ва Кунтўлди уни бу ниятдан қайтарадилар, эл-юрт ташвиши билан яшашга ундейдилар. Ўзгурмиш орқали Юсуф Хос Ҳожиб тасаввуф таълимотига ўз муносабатини билдиради. Тасаввуф, тақво, зоҳидлик ва факр шоир наздида Қаноатнинг тимсоли. Адолат Қаноатсиз бўлмайди. Ҳукмдор сўфийнинг, зоҳиднинг суҳбатидан баҳраманд бўлиб туриши керак. Суфий ҳукмдорни қидириб келмайди, ҳукмдор уни ўзи қидириши, суҳбатига интиқ бўлиши керак. Кунтуғди Ўгдулмишни мактуб билан Ўзгурмиш олдига уч марта жўнатади. Шоир фикрича, агар ҳукмдор эътибор кўрсатса ва майл билдирса, суфий унинг суҳбатидан бош тортиши яхши эмас. Аммо Ўзгурмиш сарой аъёнига айланмайди, маълум вақт Элиг билан фикр алмашиб, яна ўз кулбасига қайтади. Қаноат Оқибатни ўйлаш билан бўлади, у инсонга Офият (руҳий осойишталик, қониқиц) келтиради. Шоир уларни маъно дош тушунчалар сифатида талқин этади.

Юсуф Хос Ҳожиб тасаввуф ғояларига, ҳақиқий тақво эгаларига юксак эҳтиром билан муносабатда бўлади, аммо жамият, халқ баҳти учун, Адолат тантанаси учун ўз умрини бағишлилаганлар унинг энг суюкли қаҳрамонларидир. Асар охирида Ўзгурмиш ҳам бу фоний дунёни тарк этади. Кун-

түгдиган Ўгдулмиш — Адолат ва Ақл шоир бадиий оламида бокий қоладилар.

Илоҳий китоблар орқали инсониятга аён этилган тавҳид ҳақиқати тасаввуф таълимоти туфайли инсон руҳининг мулкига айланди. Буюк суфий шайхлари аввало инсонга ўзлигини англаб етишни ўргатдилар. Тасаввуф тарихий такомил жараёнида турли босқичларни босиб ўтиб, XIV аср Нақшбандия тариқати тимсолида яна соликни халқа, ҳаётга қайтарди, фақат энди суфий ўзлигини, Ҳақни англаб етган, дилини худбинлик зангидан поклаб, “Ҳақиқат асрорининг ганжинаси” га айлантирган ҳолда ҳаётга қайтиб келди. У энди ўз шахсий манфаатлари учун эмас, балки Ҳақ учун, холис Аллоҳ йўлида моддий ҳаёт воқелигига фаол қатнаша бошлади. Абдураҳмон Жомий, Хожа Аҳрор Валий, Маҳдуми Аъзам каби улуғ сўфий шайхлари сиёсий ва ижтимоий ҳаётда юксак мавқе касб этдилар. Маҳдуми Аъзам сиёсатга оид қатор рисолалар яратди.

Туркий тилдаги мумтоз адабиёт ижтимоий масалаларга доимо жиддий эътибор бериб келган. Биз тошбитиклар ва Юсуф Хос Ҳожиб асаридан буни яхши биламиз. Аммо Низомий “Хамса” сидан бошланган бадиий тафаккурнинг мураккаб изланишлари ижтимоий мавзуни — давлат, жамият ва шахс маънавияти орасидаги уйғунлик масаласини бениҳоя теран таҳлил қилиб беради ва бу таҳлил Алишер Навоий ижодига келиб айтиш мумкинки, бир миллат ёки минтақа эмас, хатто жаҳон аҳли маънавияти ривожида буткул янги, юксак камолот босқичини мукаммал намоён қилди. Навоийнинг бутун мероси — девонларидаги фазал, қитъа, қасида, таржеъбанд ва соқийномалар, достонлари ва насрий асарлари, илмий ижоди — барчаси яхлит бир манзара — Навоий давридан бир неча асрлар кейин — бизнинг замонамиизда воқеликка айланиши мумкин бўлган Янги бир ижтимоий — маънавий уйғунликдан башорат қиласиди. Қонун устуворлигига асосланган, ҳақиқий фуқаролар жамияти деса арзийдиган, том маънода ижтимоий адолат ва халқ ҳокимияти амал қилаётган, давлат, жамият, халқ маънавиятининг юксак уйғунлиги асослари бундан 500 йил илгари шу даражажа ёрқин тасаввур этилгани ва бадиий ифодалаб берилгани инсонни ҳайратга солмай иложи йўқ. Бизнинг миллий маънавиятимиз шу даражада улуф ва қимматли — буюк аждодлари-

миз маънавияти ҳануз бугунги кунимиздан олдинда, келажагимизни ёритиб турипти. Биз фақат ўз бегоналашув ҳолатимизни енгиги ўта олсак, бас.

Навоий яратган уйғун жамият манзараси қандай белгиларга эга?

Аввало, бу манзара хаёлий (утопик) эмас, воқеъ асосга кирилган манзарадир. Иккинчидан, бу манзара моддий тенглик ва беҳисоб тўкинчилик ҳолати эмас, маънавий воқееликдир. Учинчидан, Навоий яратган ижтимоий-маънавий уйғунлик манзараси зўрлик, муайян кичик бир гуруҳнинг зўравонлиги йўли билан жорий этилган мажбурий тенглик жамоаси эмас, умумбашариятнинг чексиз адашувлар, оғир мashaққат ва изтироблар аро неча асрлар давомида аста-секин ва ихтиёрий эришган маънавий камолот ҳолатидир. Унда ҳали ҳам адашувлар, қийинчиликлар, изтироблар, йўқотишлар бўлиши мумкин, аммо баҳамжиҳатлик, инсоннинг бир-бирини тушунишга интилиши охир-натижада голиб чиқиш эҳтимоли кенгайган, шунга мувофиқ маънавий муҳит шаклланган. Бу жамиятда мулқдор ҳам бор, мулксиз ҳам, аммо ҳар иккови ҳам ўз ихтиёри билан ушбу ҳолатни касб ўтсан.

Бу жамиятнинг ҳар бир аъзоси ўзлигини англааб етган, ўз мавқеига эга: давлат арбоби ҳам, олим ҳам, деҳқон ҳам, савдогар ҳам; гўдак ҳам, кекса ҳам; эркак ҳам, аёл ҳам. Ҳеч ким бир-бирига ҳасад қилмайди, кўлидан келмаган юмушга лаъво қилмайди, ўз юкини бошқага ағдармайди, кўтара олмайдиган юкни елкага олишга беҳуда уринмайди.

Чунки инсонларда борлиқнинг Олий Ҳақиқатини тушуниш бор, унга чексиз интилиш бор, нафақат ақл, балки бутун вужуд билан, бутун эҳтирос билан англааб етилган имон, эътиқод бор. Бу эътиқод барчада бир хил тусда эмас, яъни ягона мафкуранинг ялпи ҳукмронлиги тарзида эмас, балки ўзаро меҳр, бир-бирини тушуниш ва Ҳаққа интишицдаги самимият заминида шакллангандир. Риоя, андиша, меҳр-оқибат, ҳилм (муомалада ҳалимлик), сабр-тоқат ва Олий Ҳақиқат олдидаги масъулият ҳисси ушбу эътиқоднинг меваларидир. Бу жамият кишилари гўзалликка интилалилар, аммо покликка хиёнат этмайдилар; фидоийликка улар қодир, аммо мутаассиблик уларга бегона; ҳар бир кишига юксак эҳтиром билан ёндошадилар, аммо ҳеч кимга тилё-

ламалик қилмайдилар; ҳар бир шахс ўз қадрини билади, аммо такаббурликни билмайди; улар ҳар бири ўз эътиқодига содик, аммо бировни нодон деб ўйламайди, улар қалбидага эҳтирос жўш уради, аммо улар эҳтиросларнинг қули эмас; улар ақлли, аммо маккорликдан ор қиласидилар. Бундай хислатларни чексиз санашиб мумкин, аммо Навоий яратган бу манзарани яққол кўриш учун нима талаб этилади, шоир ўзи бу даражада башоратга қандай эриша олган? — деган савол туғилиши мумкин. Сабаби битта — барча салафлари сингари Алишер Навоий ҳам ўзидан олдин яратилган буюк маънавий меросни имкони даражасида мукаммал ўзлаштирган, фақат ақли билан эмас, бутун вужуди, борлиги билан, меҳру самимияти билан ўзлаштирган, бут имон, эътиқод билан Ҳақиқатни излаган ва Ҳақиқат унга юз очган. Бу Аллоҳнинг инояти инсоннинг самимияти, ўзлигини англашга чексиз интилиши туфайлидир. Кимки ихлос билан, имон ва эътиқод билан, эзгу ният билан миллий ва умумбашарий маънавий меросни ўрганишга, унинг мағзини англаб етишга уринса, иншооллоҳ, унга ҳам Ҳақиқат жамоли насиб бўлгусидир.

2. Қарама-қаршиликлар бирлиги ва курашини воқелик моҳиятининг ўзак қонуни сифатида идрок этилиши барча нарса-ҳодисалар моҳиятини жуфтликда кўриб, уларни албатта бир-бири билан чексиз кураш ҳолатида тасаввур қилишга олиб келади. Назарияда албатта зид томонлар бир — бирини тақозо қилиши тан олинади, аммо инсон фаол зот, у бир ишни бошласа, ниҳоясига етказмай қўймайди: ҳаётнинг моҳияти курашми — демак, курашни бошлаб, охиригача олиб бориш керак, яъни муҳолифни буткул маҳв этиш (йўқ қилиб ташлаш) керак. Агар муҳолиф томон курашни ҳаётнинг моҳияти деб билмаса, бадтар бўлсин, уни енгиш қайтага осонроқ. Нега Россияда буржуазия енгилди, чунки ҳеч қайси “капиталист” ёки, ҳатто, “феодал” ишчи ёки деҳқонни буткул йўқ қилиб ташлаш керак деб ҳисобламайди, аммо ишчи назарida (аниқроғи, марксизм кўзи билан қараганда) “капиталист”лар синфи умуман жамият учун бефойда унсур, уни қанча тез йўқ қилиб ташланса, шунча тез “коммунизм” қурилади. Негадир ҳаёт бу фаразларни тасдиқламади, фақат инсон қони дарё-дарё бўлиб оққани қолди.

Фуқаролар жамиятининг асосий хусусияти — ижтимоий

уйғунликдир. Ижтимоий уйғунлик эса инсонларнинг бир-бирини тушуниши билан бўлади. Коммунистик ғояннинг энг катта камчилиги ҳам турли ижтимоий тоифалар табиатидаги ўзига хосликларни англаб етишга ҳафсала қилмай, мураккаб воқеликни фақат икки синф орасидаги аёвсиз кураш сифатида талқин этганлиги бўлди. Масалан, Лениннинг энг кўп ғазабига икки тоифа: интеллигенция ва деҳқонлар дучор бўлишгани кўпчиликка маълум. Деҳқон меҳнаткашлиги учун табиатан ишчига иттифоқдош деб қаралса ҳам, унинг хусусий мулкка мойиллиги “доҳий” нинг кўп ғазабини қўзгатар эди. Бу “қусур”га барҳам бериш учун “садик шогирд” (Сталин) томонидан ялни коллективизация ўтказилди, натижада деҳқонлар тўлиқ тоталитар давлат асоратига тушди. Бунинг хulosаси дунёнинг олтидан бир қисмини эгаллаган давлатда асосий озиқ-овқат маҳсулотлари четдан нақд валютага сотиб олинишига ўтиш бўлди. Зиё аҳлини ҳам большевиклар тоталитар тузумнинг итоаткор хизматчилариға айлантирилар.

Марксистлар ўзларидан олдин ўтган барча инсонларни, улар қанчалик улуғ бўлмасин, барибир дунёқарashi чекланган деб ҳисоблаб келдилар. Совет даврида ўтмиш алломаларнинг бутун “хизмати” келажакда яратилажак “диалектик материализм” назариясига қанчалик мувофиқ фикр юритганликлари билан белгиланди. Агар номувофиқ бўлса, демак, “реакцион”. Улар назарida, ўтмишнинг энг “прогрессив” алломалари ҳам, айниқса Шарқдан бўлса, “синфлар курашининг” моҳиятига етиб бормаган. Жумладан, “социалистик реализм” назарийётчилари Алишер Навоий тафаккурини ҳам бу қусурдан холи эмас, деб ҳисоблашган. У “золим подшоҳлар” ва “риёкор шайхлар” ни қоралагани — ниҳоятда “прогрессив” ҳодиса саналса-да, аммо жамиятдаги икки муҳолиф синф, дейлик, феодаллар ва деҳқонлар орасидаги “муросасиз зиддият”ни тўғри очиб бера олмагани — буюк шоир тафаккуридаги ноқислик сифатида баҳоланганд. Аслида ақдимизни пешлаб, инсонлар жамиятини Юсуф Хос Ҳожиб, Алишер Навоий каби буюк алломаларимиз тушунганидек тушунсан экан эди — аллақачонлар кўп муаммоларимиз ечилган бўйлур эди. Буюк аждодларимизнинг маънавий мероси туганмас хазинадир. Уларда нафақат бир инсон, балки бутун инсоният ўтмиши, бугуни ва келажаги яхлит намоён бўлган.

Алишер Навоийнинг “Лисон ут-тайр”, “Маҳбуб ул-қулуб” асарларига мурожаат қилсак, бунга яққол ишонч ҳосил қиласмиш.

Асли ҳаётда синфлар эмас, турли ижтимоий тоифалар мавжуд. Уларнинг ҳар бири жамиятда ўз аниқ мақом ва мавқеига эга. Шунга яраша ҳар бирининг ўз табиати, эҳтиёжлари, бурч ва вазифалари, ўз маънавий олами мавжуд.

“Лисон ут-тайр” бадиий асар, шу сабабли ундаги фоя илмий таҳдил эмас, рамзий ишоралар воситасида баён этилган. Ўттиз қуш (Симурғ) тимсоли жамиятдаги ижтимоий тоифаларнинг кўплиги ва ранг-баранглигига ишора. Улар барчаси бир бўлиб, яхлит воқеликни ташкил этади. Навоий “Маҳбуб ул-қулуб” да бу қарашни бевосита, очиқ ижтимоий таҳдил орқали ифодалаган. Унда ўша давр жамиятига хос қирқ тоифага таъриф берилади ва уларнинг турли жиҳатлари мукаммал тавсифланади. Ҳар бирининг табиатидаги фазилат ва қусурлар холис очиб ташланади.

а) Инсон аввало яратувчиидир. Бу унга Аллоҳ томонидан инъом этилган мумтоз фазилат. Албатта, инсоннинг яратувчилиги нисбий, нотўқис ва иккиламчилик хусусиятларига эга. Шу билан бирга бу фазилат чексиз такомиллашиб бориш тамойилидан ҳам фориғ эмас. Инсоннинг яратувчилиги икки йўналишда зоҳир бўлади — бири инсонлар эҳтиёжи учун зарур моддий неъматлар ҳосил қилиш, иккинчиси — инсонлар қалбига маънавий зиё таратиш, уларни боқий дунё билан тулашув ҳосил қилишига кўмаклашиш. Ҳар икки яратувчилик фаолияти ҳам Аллоҳ инояти билан амалга ошади, аммо бу йўлда инсонларнинг ўзлари бир-бирига восита этиб қўйилгандирлар. Навоий асарига назар солайлик. Шоир наzdida, инсон яратувчилигининг ибтидоси зироатдадир. “Маҳбуб ул-қулуб”нинг бош ва суюкли қаҳрамонлари. бизнинг тасаввуримизга кўра, шоҳ ва султонлар, мунахжим ва воизлар эмас, балки деҳқон ва дарвешдир: “Деҳқонки, дону сочар, ерни ёрмоқ била ризқ йўлин очар...”¹³⁸ Дунёга дил кўзи билан қарашни ўрганган шоир деҳқонни Одам Атога, ўзгаларни унинг қарамогидаги фарзандларга ўхшатади, оламнинг ободлигини деҳқон мөҳнатидан деб ҳисоблайди. Табиатдаги жуда кўп жонзотлар ҳам деҳқон мөҳнати самараларидан баҳраманд бўладилар. Чорвадор ва боғбон ҳам асли шу тоифадан. Шоир таъкидича, улар жамиятдаги асосий яра-

түвчи кучдир. Бу тоифанинг яна бир буюк фазилати — инсонлар ва табиат орасидаги мувозанатни сақлашда кўринади.

Қадим аждодларимизнинг “Авесто” китобида табаррук ҳисобланган замин аёлга қиёс этилади, уни эркалаш, парвариш этиш улуғ ва муқаддас юмуш сифатида дехқон зими масига юкланди. Аждодларимиз ўзлигини танигандан бошлиб ер, сув ва оловни улуғлаганлар ва дастлабки иккисини пок сақлаш, эзгу ниятларда истифода этиш дехқон учун ҳам ҳуқуқ, ҳам масъулият санаалган.

Мутафаккир адид жамиятдаги яна бир тоифага — дарвешларга ҳам алоҳида меҳр кўргазган. Афсуски, мустақилликкача ўтган 70 йил давомида Навоий асарларидағи айрим мағкурачиларга маъқул келмаган жиҳатлар кўплаб нашрлардан аёвсиз қирқиб ташланарди. Жумладан, “Дарвешлар зикрида” деб номланган 1-бўлимнинг 40-фасли ҳам шоирнинг 15-жилдли “Асарлар” тўпламидан “тушиб” қолган. Ҳолбуки, Навоий бу тоифа мисолида ҳақиқий зиёли қиёфасини яратади. Ҳақиқий зиёли, яъни дарвеш элга фақат маърифат, илим нурини тарқатиш билан кифояланмайди, инсонлар дилига поклик, меҳр-оқибат, эзгуликка интиқлик, ўз-ўзини англаш туйғуларини сингдиради: “Ичи таши билан мувофик, балки ариғроқ (покроқ), ботини зоҳир била мусовий (тeng мувозанатда), балки ёруғроқ. . . ” Албатта, моддий ва маънавий қиёфа доим мутаносиб бўлавермайди. “Дарвеш тўни йиртуқ, андоқ турур ким, ганж (хазина) макони бузуқ”.¹³⁹

Форобий, Беруний, Ибн Синонлар ҳукмдорни файласуф бўлишга даъват қилган бўлсалар, Навоий ўз асарларида Ҳусайн Бойқарони “дарвеш-шоҳ” бўлишга ундалган. Ўша замонда дарвешлар деганда кўпроқ сўфийлар, тасаввуф аҳли тушунилган. Уларнинг яратувчилиги, аввало руҳий огоҳлик, маънавий поклик тимсолларини ўзликларида тирик тажассум этишлари билан боғлиқ бўлган. Шу боис улар — маъно (яъни, Ҳақ моҳиятидан огоҳликка интилиш) ва сафо (покликка, маънавий қусурларни енгиб ўтишга жаҳд қилиш) аҳли сифатида улуғланганлар. Алишер Навоийнинг асл дарвешлар — маъно ва сафо, зиё ва ишқ аҳли — ҳақидаги мукаммал китоби “Насоим ул-муҳаббат мин шамоим ул-футувват”дир. Мустақиллик шарофати билан бу китоб ҳам ниҳоят тўлиқ нашр этилди.

Дехқон ва зиёлидан ташқари яна иккиси асосий ижтимо-

ий тоифа мавжуд бўлиб, улар ҳам жамият учун зарурийдир. Бири — барча ижтимоий соҳалардаги ташкил этувчилар, иккинчиси — косиб-ҳунармандлар, яъни саноат маҳсулотлари ишлаб чиқарувчилардир. Ташкил этувчилар гуруҳи ўз табиатига кўра, то қадим дунёдаги қабила бошлиғидан тортиб, ўрта асрлардаги шоҳ ва сultonлар, янги даврдаги буржуа синфигача кўпинча ҳукмронлик мавқеини эгаллаб келганилар. Навоий бу табақа вакилларини биринчи бўлиб тарьифлади: сultonлар, беклар, ноиблар, вазирлар, садрлар, шайхул-ислом ва қозилар, лашкарбоши ва ясовуллар. . . Буларнинг аксарияти мутафаккир шоирнинг аччиқ гиналарига сазовор бўлади. Уларсиз жамият тўқис эмас, аммо уларнинг “ташкил этиш” усуслари давр тақозоси ва ҳукмронликнинг мураккаб ботиний қонуниятлари таъсирида ўта жоҳил ва аёвсиз шаклларда намоён бўлар ва шу сабабли Навоий сингари орифлар ва меҳр аҳли дилида изтироблар уйғотар эди.

Адид асарида “бозор косиблари” ва ўзга ҳунар аҳлини ҳам аямайди. “Бозорда савдогар косиб — тенгрига хоин ва ваъдага козиб (ёлғончи). Бирга арзирни юзга сотмоқдин ала-рға минг мубоҳот, мингга тегарни юзга олмоқдин аларға йўқ зарра ўёт. Ростлиқ била савдо аларға зиёнкорлиқ ва ваъдага вафо аларға бадкирдорлиқ...”¹⁴⁰ Кўриниб турибдикি, Навоий косибни бозорда, иқтисодий муомалада тасвири этмоқда. Бу ерда у хусусий мулкчи, ушбу ҳолатда унинг савдогардан, сармоясини кўпайтириш фамида юрган корчалон (бизнесмен)дан фарқи йўқдир. Ҳунар аҳлининг деҳқондан фарқи — у яратувчи сифатида она-табиатдан узилиб қолганлигидир. У табиат билан эмас, бозор билан боғлиқ, бозорда ҳамма нарса нисбий — ё сен алдайсан, ё сени алдайдилар. Деҳқон эса табиат билан мулоқотда, табиатни алдаб бўлмайди, охир-оқибат ўзинг алданиб қоласан. Бу билимни деҳқон ва чорвадор минг йиллик амалий тажрибаси билан чукур ўзлаштирган.

Яратувчи косиб, ҳунар аҳли ўз пухта маънавий асосини ишлаб чиқмаган, инсонлик моҳиятини англаб етмаган бўлса, оддий бозор товламачиси даражасига тушиб қолиши ёки хонавайрон бўлиши ҳеч гап эмас. Сабаби — инсон табиати ҳам барча воқелик ҳодисалари сингари ўз ички зиддиятига эгадир. У бир тарафдан ҳайвонот оламига, иккинчи томондан Ҳаққа, борлиқнинг маънавий моҳиятига тугашдир. “Лисон

ут-тайр”да таъкидланишича, инсон жисмида тўрт бир-бира гига зид моддий унсур бирлашган, дили эса ҳақиқат асрорининг ганжинасиdir. Ҳайвонларнинг ҳар қандай тоифаси, аввало қориннинг қули, қолаверса ўз наслидан авлод қолдириш вазифасини, табиат буюрган вазифани бажарадилар, яна бир-бира гига емиш бўладилар. Инсонда ҳам ҳайвонларда бўлган барча табиий эҳтиёжлар мавжуд. Агар инсон ўз ақлини маърифат зиёси билан ёритмаса, яратувчилик вазифасини адо этишга онгли муносабатда бўлиб, астойдил шуғулланмаса, дилида ўзгаларга меҳр-шафқат туйгуси ёлқинланмаса, у ҳам икки оёқли маҳлуқ қориннинг қули бўлиб қолаверади.

Инсонга ақл Ҳақни таниш учун берилган. Агар ақл вазифасидан адашса, дорилик учун мўлжалланган жавҳардан заҳар сифатида фойдаланиш каби ҳолат вужудга келади. Саҳар вазифасини бажара бошлаган ақл қудрати бутун инсониятни заҳарлашга қодирдир. Ўтмиш “лисон ул-ғайб” эгаларининг асосий фаолият мазмуни ушбу фалокатнинг олдини олишга қаратилган эди.

б) Собиқ шўролар даврида биз соғ материализм ва жанговар атеизм позицияларида событқадамлик кўрсатиб, аждодларимиз меросидан ҳам даҳрийлик унсурларини қидирар эдик. Мўлжалимизга бир оз мос келадиган фикр ё жумла топсанак, уни ҳар томонлама кўз-кўз қиласдик. Борди-ю, аксинча бўлса, уларни оммавий нашрлардан тушириб қолдирар, мураккаб ўринларни кўриб-кўрмасликка олиб ўтиб кетар эдик. Мустақиллик шарофати туфайли исломга умумий қайтиш жараёни ривож олиб, биз ҳам буюк аждодларимиз асарларидаги динга алоқадор ўринларга айрича аҳамият бера бошладик. Ўтмиш алломалар учун ўз-ўзидан табиий бўлган эътиқодли мусулмон бўлган, Аллоҳга муножот этган”, деб таъкидлаш бугун бизга фахр туйгуси баҳш эта бошлади. Тасаввуфни улуғлаш, барча ўтмиш алломаларимизнинг мутасаввиғ эканлигига эътибор қаратиш ҳам ушбу жараённинг узвий қисмидир. Ҳар ишда меъёр тузук. Инсон табиати фагат руҳий дунёдан иборат бўлмагани сабабли, у агар тўлиқ моддий дунё эҳтиёжларини рад этса, ё бу фоний дунёни тарк этмоғи, ё иккιюзламачиликни, яъни риёкорликни касб этмоғи лозим. Аҳли футувва ушбу зиддиятни енгиб ўта ол-

ган жамоадир. Футувва маънавиятини ўзлаштирган киши амалда яратувчи ва руҳиятда дарвешдир. Унинг ахлоқий жиҳатдан сифати — жавонмардлик, яъни саховатлилик, олий-ҳимматлик, камтаринлик, тўғрисўзлик, мардлик каби хислатларнинг узвий яхлитликда намоён бўлишидир. “Бу гуруҳ меҳнат билан топган нонини бойлик деб билгай”, деб ёзади Унсуралмаолий Кайковус.

Алишер Навоийнинг “Насойим ул-маҳаббат мин шамойим ул-футувват” асарида тилга олинган машойих ва авлиёнинг ҳаёт тарзидаги асосий хусусиятлардан аввали уларнинг ҳар бири бир касб билан машғул бўлиб, ҳалол меҳнатлари ҳисобига рўзгор тебратишларидир: Абу Сайд Харроҳ — этикдўз, Муҳаммад Саккок — пичоқчи, Абу Ҳафз Ҳаддод — темирчи, Абулабbos Омилий — қассоб, Иброҳим Ожирий — фишт қуювчи, яна бирлари ҳаммол, бошқалари нажкор, ҳеч бўлмаса, ўтин ташувчи ва ҳоказо.¹⁴¹

Пролетар диктатураси зўрликка зўрлик билан жавоб берувчи куч сифатида пайдо бўлди. Йўқсиллар янги жамият барпо этиш йўлидаги асосий тўсиқ эзувчилар синфи ва хусусий мулк муносабатлари деб билдилар ва уларнинг йўқ қилиниши барча мушқулни ҳал қиласди, деб ўйладилар. XIX аср Европасида ушбу кайфиятларни акс эттирувчи қатор назариялар пайдо бўлиб, уларнинг авж нуқтаси Карл Маркс ва Фридрих Энгельс қарашларида намоён бўлди. Россияда бу қарашларнинг оддий саводсиз ялангоёқ (пролетар) онгига қандай талқин топиши мумкинлигини буюк истеъдод ва фожеъ тақдир эгаси Андрей Платонов “Чевенгур” романида бадиий ифодалаб берди. Асан қаҳрамони Чепурний йўқсиллар курмоқчи бўлаётган “адолатли” жамоанинг асосий хусусиятини аниқ ифодалайди: “Чевенгур мулк йифмайди, у мулкни йўқ қиласди”. Улар ташкил этган коммунанинг таянч ғояси: “Йўқсиллар бошқа синфларсиз ёлғиз яшаса, коммунизм ўз-ўзидан пайдо бўлди”.¹⁴² Бу жуда хавфли хаёлпастлик эди, шунинг учун Платонов сингари софдил ва андишли санъаткорлар уни алоҳида бўрттириб акс эттирдилар. Афсуски, уларга қулоқ соладиган одам бўлмади. Сталин диктатураси пролетар диктатурасининг қонуний ҳосилласи эди. Биз бутун бир ижтимоий гуруҳ хатосини бир ёки бир неча шахс бўйнига юклашимиз асло инсофдан ҳам, адолатдан ҳам эмас ва бу ўтмиш тажрибасидан тўғри хulosалар

чиқаришимизга ёрдам бермайди. В. И. Ленин йўл қўйилган хатони вақтида сезиб қолиб муайян чегарада ислоҳ киритишга ҳаракат қилган бўлса ҳам, улар танланган йўлнинг умумий мантиқи буни кўтармади: кўпчилик большевик арбоблар зўрликни ва бутун жамиятни пролетарлаштиришни янги жамият қуришнинг ўзак омиллари ҳисоблар эдилар. Бухарин ёзади: “Пролетарча мажбур қилиш (пролетарское принуждение) ўзининг барча шаклларида — оммавий отиб ташлашлардан тортиб, мажбурий меҳнатгача (трудовая повинность) — қанчалик ақлга хилоф кўринимасин, барибир капитализм даврида шаклланган инсон ашёсидан (человеческий материал) коммунистик инсониятни барпо этишнинг асл усулидир”. Тоталитар тузумнинг сўнгги даврида баъзилар Сталинга Бухаринни қарама-қарши қўймоқчи бўлишди. Балки, уларнинг бири маккорроқ ва иккинчиси самимириоқ бўлгандир ва шу сабабдан жабр кўргандир. Аммо танланган йўл моҳиятда бир эди, буни эътироф этмоқ керак. Марксистлар ёлланма ишчининг меҳнаткаш-яратувчи эканлиги, уюшган ва жанговар синф эканини доим таъкидлаб, шу асосда уни “энг илғор синф” атаб, деҳқонга ҳам, зиёлига ҳам ўрнак қилиб кўрсатиб келишди. “Совет” ҳукумати бу билан ҳам чекланмай, миллионлаб деҳқонларни амалда қишлоқ хўжалиги ишчиларига айлантириди. Барча зиёлиларни давлат хизматчисига, умумдавлат машинасининг муруввати ва фидиракчаларига айлантириди. 30-йиллардаги зўраки колективлаштиришдан сўнг ялпи пролетарлаштирилган жамият социализм деб эълон қилинди, барча “шаккоклар” ёки шундай гумон қилинганлар, том маънода қириб ташланди. Аслида эса ўшанда ижтимоий адолат тимсоли ҳисобланган тузумнинг зидди қурилган эди.

Ишчининг ихтиёри ўзида эмас. Мажбуран пролетарлаштирилган барча мамлакатларда шундай бўлиши табиий. Ҳатто давлат хизматчисининг ҳам аҳволи шу, чунки у юқоридан туширилган буйруқни бажаради. Агар виждони буюргандек иш олиб бормоқчи бўлса, ютқазади, чунки маош виждон ўлчовлари асосида тўланмайди. Ишчига ҳам онг ўлчови билан ҳақ берилмайди — неча милтиқ ёки бомба ясаганига қараб маош белгиланади. Энди давлат хизматчиси, ижодкор зиёли, деҳқон — барчasi ягона пролетар идеологияси, ягона пролетар сиёсати, ягона пролетар иқтисодий тизимига

бўйсуниши зарурий ва мажбурий бўлган жамиятни ўзингиз тасаввур қилиб кўраверинг.

“Совет” даврида доимо коммунистик партия ишчилар, дэҳқонлар ва зиёлиларнинг муштарак манфаатларини ҳимоя қиласди, деб даъво қилиб келинди. Ҳатто охирги XXVIII съезд дастурий баёнотида ҳам бу қайд этилган эди. Асли на назарий, на амалий жиҳатдан бу даъво тўғри эмас эди. Коммунистик партия эътиқоди ва амалий йўналишига кўра (фоянинг амалдаги ҳосиласи бўлмиш тоталитар тузум ва риёкор партноменклатурани эмас, соф фоявий йўналишни назарда тутган тақдирда ҳам) ишчилар синфининг муайян қисми — йўқсил ёлланма меҳнатчилар ва социал ҳимояга муҳтож бўлган кишилар манфаатини ифодалаб, ўз назариясида уларнинг радикал қарашларини ифода этади. Бугунги янгиланаётган Россияда ҳануз йўқсил ва муҳтожлар етарли, шу сабабли у ерда коммунистик партия ҳозиргача ижтимоий мавқенини ва омманинг муайян қисми орасидаги таъсирини сақлаб келмоқда. Вазиятнинг мураккаблиги шундаки, Россия воқеалигидаги ҳозирги оғир аҳволнинг асли сабабчиси коммунистик партиянинг собиқ яккаҳокимлиги бўлган ҳолда, бунгунки коммунистлар яна ўзларини халқ манфаатлари ҳимоячиси қилиб кўрсатишга уринмоқдалар. Албаттa, ишчилар — меҳнаткаш синф, шу сабабли унинг илфори (соф фоя дарајасида олганда) бошқа меҳнаткаш гуруҳлар манфаатини ҳам маълум даражада, яъни йўқсил ёлланма меҳнатчилар манфаатига мос келган ҳолларда ифодалаши мумкин. Мос келмаган ўринларда-чи? Шўролар ҳокимиятининг бутун тарихи давомида дэҳқонлар ва зиёлилар ҳар доим камситилиб ва тазиик остида қолиб келдилар. “Коллективлаштириш”да неча миллионлаб дэҳқон очликдан ўлди, хонавайрон бўлди, чунки улар ёлланма ишчи эмас, хусусий мулкчи эдилар. Октябр тўйнаришидан кейинги 70 йил ичидан неча юз минглаб зиёлилар “халқ душмани” тамфаси билан қатл этилдилар, миллионлаб авахта ва сургунларда жафо чекиб, яна қанчалари ватангадо бўлдилар. Бу жараён 1917 йилдан 1987 йилгacha тўхтовсиз давом этиб келди ва унинг асоратлари собиқ СССР худудида, айниқса, Россиянинг ўзида, ҳануз сезилиб келмоқда.

Хуллас, миллатлар йўқ бўлмаганидек, турли ижтимоий тоифалар ҳам ҳаётда йўқ бўлиб кетмас экан. Уларни расман

бекор қилиш мумкин, тақиқлаш мумкин, қириб ташлаш мумкин. Аммо улар бошқа бир қиёфада яна пайдо бўлаверади, фақат беҳуда қурбонлар кўпаяди, жамият ривожида оғишлар юз беради, нотўғри шакллар (мугантлар) яралиши мумкин. Бундай хавфли ва қонли “тажриба”лардан инсоният наф кўрмаслиги аниқ бўлди. Танҳо бир синф, танҳо бир дунёқарашиб, танҳо бир эътиқоднинг яккаҳокимлигини ҳар қандай усул билан таъминлашга уриниш ниҳоятда мудҳиш, аммо, шукурлар бўлсинки, воқелиқда имкондан ташқари хаёл экан, инсоният бу тажрибани ҳам бир бўлса-да, бошидан ўтказди. Инсониятнинг ўз-ўзини англаб етишида балки бу ҳам зарурий босқич бўлгандир. Алишер Навоий “Маърифат водийси васфида” ёзади:

*Водиедур, юз туман минг онда йўл,
Ул бу бир келмай, онингдекким бу ул...
Юз туман раҳрав кўрарсен беқарор,
Ҳар бири бир йўлни айлаб ихтиёр...
Бу они тутмай мусаллам, ул муни,
Ҳар бир ўздин ўзга кўрмай ул муни...¹⁴³*

Ҳақиқат ягона, аммо унга элтувчи йўллар ҳад-худудсиз. Биз инсонлар энди маълум даражада камолга эришганимизни намоён этайлик: ҳар қайси инсон, ҳар қайси тоифа ўз йўналиш, ўз дунёқарашида имони собит бўлсин, бироқ шу билан бирга унинг йўлидан юрмаган, унинг кўзи билан дунёга қарамаган кишиларни душман деб ҳисобламасин, уларни ҳам тушунишни, ҳеч бўлмаганда тоқат қилишни ўргансин. Аллоҳга минг шукурки, миллий маънавиятимиз анъаналарида бу удум ҳам мавжуд.

Дунё ранг-баранг. Ундаги ҳар жисм, ҳар ҳодиса, ҳар шахс, ҳар гуруҳ ўз мустақил суврат ва сийратини намоён этади ва бу дунё гўзаллигининг заминидир. Бу хуснни, тароватни, моҳиятни кўра билмоқ инсон учун баҳтдир.

Ўзбек эли тоифалар, ижтимоий гуруҳлар нисбатида дехқонни мўътабар тутмоғи тарих ва макон тақозосидир. Шоҳ ва дарвешни тенг тутмоқ ҳам аждодларимизнинг табаррук анъанаси бўлиб келган. Иқтисодда бозор муносабатларига ўтиб бормоқдамиз. Бечора ишчи коммунистик гоядан баҳт қидириб кулфатга, ҳурлик истаб қулликка дуч келди. Чунки иж-

тимоий тоифаларни бири – прогрессив, бири – “реакцион” деб баҳолаш, айниқса, зўрлик билан тадбиркорлар тоифасини йўқ қилишга уриниш ишчига ҳам манфаат келтирмади. Фарб жамиятларида ҳар ким ўз фойдасини ўйлашидан умум манфаати шаклланиб бормоқда. Тадбиркор фаросат ишлатиб, даромад олса, ош бўлсин, иктиносид ташкилотчилиари саъй-ҳаракатларига яраша ҳосилга, ҳурматга эга бўлсинлар. Бугунги мустақил Ўзбекистонда тадбиркор ҳам, зиёли ҳам ўз илгорини, мустақил сиёсий намояндасини шакллантириб, ҳукуқларини мустақил ҳимоя қилиш томон бормоқдалар. Деҳқон аҳли ҳам бугунги кун талабларига мувофиқ тадбиркорлик хислатларини касб этиб бормоқда. Ижод кишилари мустақил ўюшмаларини ўзлари бошқарib боришга ўрганмоқдалар. Фақат аҳли футувва анъаналарини унутмайлик, ўтмиш боболаримиз васиятини ёдда тутайлик.

Жамиятимиз турли тоифалар, турли диний эътиқод вакиллари, турли ёшдаги, турли қизиқишлиарга эга бўлган инсонлардан иборат. Аммо Ўзбекистон ягона ва кимки ўз келажаги, ўз тақдирини ушбу Ватан билан боғлаган экан, мамлакатимизнинг юксалиши, эл фаровонлигининг ошиши барчамиз учун, ҳар бир фуқаро учун шахсий ютуқдир. Зиёлиларимиз, турли раҳбарлик бўғинида сидқидил жон куйдираётгандар ушбу фикрни ёшу қари онгига сингдириб бормоги ҳам фарз, ҳам қарз.

3. Ўзбекнинг сўзи чиройли. Зиёли. Рус тилида “интеллигент” дейилганда, кўпроқ ўша шахснинг билим доираси, тафаккури, қолаверса, маданийлик даражаси назарда тутилади. Зоро “интеллигент” атамаси “интеллект”, яъни ақл билан боғлиқ ва, демакки, аслида ўзбекларнинг “оқил”, “акл эгаси” деган сўzlари билан муқобилдир. Аммо чинакам зиёли фақат ақл ва билим эмас, қалб ва эҳтирос эгаси ҳам бўлмоғи зарур.

У ориф ва ошиқ бўлсагина бутун вужуди, хатти-ҳаракати, ижодий фаолияти билан атроф-мухитга зиё, эзгу нур тарата олади. Зиёли – теран ақл ва ҳассос қалб эгаси – Маърифат ва Муҳаббат ёғдуларининг сарчашмасидир. Биз 70 йиллик йўқсиллар истибоди давомида мураккаб ички қурилиши инсонлар жамоасини зўрлик билан жўнлаштиридик, моҳиятган сийқалаштиридик. Савдогарни йўқотиб, ўрнига олибсотарни шакллантиридик, косиб-хунармандни фабрика-

заводнинг безабон қулига, “парраги” ва “винти” га айлантиридик, эркин саноатчи ўрнига қофозбозликни дўндириб, йўқни оғизда йўндирувчи лўттибоз “раҳбар”лар силсиласини вужудга келтирдик. Бизнинг жамиятимиз расман уч ижтимоий гурухдан иборат бўлиб қолди: ишчи, деҳқон, “хизматчи”. Яъни зиёли асл мавқенини йўқотиб, таҳдид ва тазиик остида мажбуран пролетар диктатурасининг “хизматчи”сига айлантирилди. У энди “халқ номидан” ўз ҳушига келганини амалга оширувчи мустабид давлатнинг дастёри, удайчиси, малайи бўлишга маҳкум этилди. Бу “тақдирга” ўзи “тушуниб” бўйинсунмаганлар отилди, кесилди, томири қутилилди. Ва зиёлисини йўқотган халқ аста-секин манқуртга айланна борди. Хизматчининг бош хусусияти — хўжайнининг ҳар қандай буйругини қулоқ қоқмай, дўндириб бажаришида. Шунда у намунали хизматчи бўлади. Ўзининг кўнглига келганини қиладиган хизматчининг кимга кераги бор?

Зиёли эса...

Дарвое, зиёли халққа хизмат қилиши керак, деган ақида томир-томиримизга сингиб кетган. Дарҳақиқат шундайми? Халқ ўзи ким? Мустақилликкача 70-йиллик “жонажон” совет ҳукумати, “доно” партия кўрсатган йўлдан оғишмай қадам ташлашни билдирамасмиди — “халққа хизмат” дегани?

Собиқ “совет мафкураси” руҳида тарбияланганлар онтига номақбул эшитилса ҳам, очиқ айтадиган пайт келди — зиёли аввало Ҳаққа, Олий Ҳақиқатга хизмат қилиши керак. Агар у Олий Ҳақиқатга интилмаса, халққа ҳам нафи тегиши қийин. Бирор-бир маҳлуққа қилинган хизмат эса халққа хизмат саналмайди, хоҳ тўғри маънода бўлсин, хоҳ мажозай.

Зиёли Ҳақиқатни севиши, ёниқ дил билан тинимсиз унга талпиниши, унинг хаёли билан яшамоги лозим. Шундагина ўзидан зиё таратиб, инсонлар йўлини ёрита олади.

Баъзи ўқиганлар бу сўзларни муболага деб билар, “жа ошириб юборибди-ку” дер. Асли ундей эмас. Форобий ва Ибн ал-Арабий ҳаётда яшаб ўтмаганми? Алишер Навоий хаёлимиздаги шахсми? Албатта, булар — ниҳоятда буюк сиймолар. Аммо кўнглига Зиё аҳлидан ақалли бир учқун сачраган инсон ўзига қулоқ солиб кўрсин — сира юраги орзиқиб улуг бир моҳият сари интилмаганмикан? Олий бир Ҳақиқатни

изламаганмикан? Агар бундай хаёл кўнгил кўчасидан лоақал бир марта ўтмаган бўлса — у суймасдан уйланган аёлини уйда беҳуда банди қилиб ўтирмасин, бошқа касб қилисин, Зиёлиман, демасин. Олий маълумотли бўлса — минг раҳмат, тирикчилигига яратсин, аммо кун кечиришнинг бошқа йўлини қидирсинг, иш билармон бўлар, малакали ишчи бўлар, хизматчи бўлса ҳам ихтиёри.

Зиёли бу — врач, муҳандис, муаллим, тадқиқотчи, тарбиячи, ер илмининг билимдони. Агар унинг қалбидан Ҳақ жой олмаган бўлса, Ҳақиқатга меҳри товланиб турмаса, у bemорга шифо ато эта олмайди, мурғак ақлга билим зиёсини сингдира олмайди, одоб бера олмайди. Унинг муҳандислиги ҳам бир пул, ерни эса у ўлдиради. Олий Ҳақиқатни изламай туриб кичик ҳақиқатларни топиб бўлмайди, чунки Ҳақиқат — битта, биз эса унинг баъзи жузъий қирраларинигина пайқай оламиз, агар астойдил асл Ҳақиқатни қидирсак.

Араблар “қидирган — топади” дейишади. Пулни қидирган врач уни топади. Аммо ундан bemор шифо топиши даргумон. Агар шифокор ўз йўлидан бориб Ҳақиқатни қидирса, у жуда кўп эҳтиёжмандларга нафи тегиши мумкин. Шоир ёки олим турли унвонларни алвон усувлар билан қўлга киритиши мумкин, аммо Ҳақиқатга ташналик бўлмаса, улар ёзган жилд-жилд китоблар фақат қофоз исрофгарчилигига олиб келади, холос.

Асли бу гаплар — маълум гаплар. Аммо яқин ўтмишдаги чалкаш замонда турли ёлғонлар билан қоришиб кетганлигидан бугун аллақачон аён бўлган ҳақиқатларни яна ойдинлаштириб олиш эҳтиёжи сезилмоқда.

Зиёли — маънавиятли инсондир. Шу нуқтаи назардан ҳар қандай касб эгаси, барча тоифа вакиллари зиё эгаси бўлиши мумкин. Ҳатто хат-саводи бор-йўқлиги ҳам муҳим эмас. Маълумки ҳазрати Расулуллоҳ хат-савод соҳиби бўлмаганлар. Неъмат Аминовнинг падари бузруквори — оддий темирчи касби билан юрга танилган ёзувчи-ўғлига кўп ўринда ибрат бўлиб келган. Баъзан оддий деҳқон учун маълум бўлган сир-синоат олий маълумотли агроном тасаввуридан ташқари бўлади. Маънавий камолот йўли ҳеч бир одам боласига, ҳеч бир тоифа намоёндасига қатағон этилган эмас. Шундай экан, маънавият зиёси билан қалби нурланган ҳар бир инсонни зиёли дейиш мумкиндай кўринади. Ҳақиқатан

ҳам ҳаётда ҳеч бир тоифа қатыйй ўзгармас гурухни ташкил этмайди, сафлар доим ўзгариб туради. Инсонларнинг табиати, маънавий қиёфаси ва касби доим ҳам ўзаро мувофиқ келавермаслиги маълум, ҳаёт мураккаб. Бироқ, барибир, ҳар бир шахс ҳар бир тоифа вакили бошқа тоифага ўтиб кетиши осонликча кечмайди ва йўқотишларсиз бўлмайди. Масалан, юксак маънавиятли деҳқон ёки хунарманд зиёли тоифасига ўз-ўзидан ўтиб қолиши қийин. Зиёли — олим, ориф, устоз-муаллим. Албатта, барча олий маълумот ҳақидаги дипломга эга бўлган кишини зиёли деябериш ҳақиқатда ўзини оқламаслиги мумкин. Аммо тадқиқотчи ёки муаллим бўлиш учун табиий истеъоддининг ўзи кифоя қилмайди, муайян билимлар мажмуини ўзлаштириш талаб этилади. Масалан, деҳқон ёки хунарманд сифатида юксак маънавий фазилатлар эгаси бўлган одам муаллимлик ёки тадқиқотчиликка даъво қилабошласа, бунда ўтиш жараёни осон кечмайди. Ҳаётда шундай ҳодисалар кузатилганки, яхши педагог ёки олим ўз соҳасида сал юқори лавозимга кўтарилиши билан маънавий қусурлар пайдо қила бошлайди. Олим ёки устоз сифатида ҳамма унга ҳавас билан қараган бўлса, раҳбар сифатида одамларда норозилик уйғонишига сабаб бўлади. Ёки жуда яхши хонанда тадқиқотчилик даъвоси билан чиқиб, мутахассисларнинг энсасини қотириши мумкин. Бундай ҳолатлар ҳаётда кўп учрайди. Қисқаси, ҳар бир инсоннинг маънавияти унинг табиати, касби, ижтимоий мавқеи билан бевосита боғлиқ ва шу маънода бетакрордир. Инсон ўз табиий камолотида ёши ўтган сари улғайиб, ўзгариб борганидек, ўз касб соҳасини, йўналишини ўзgartирмоқчи бўлса, бунинг учун муайян тайёргарлик кўрмоғи, янгидан янги сифатлар, фазилатлар касб этиб бормоғи тақозо этилади. Инсон тугилгандан улуғ аллома ёки мумтоз адига айланниб қолмайди. У оддий ишчи ёки деҳқон сифатида ҳаёт йўлини бошлиши мумкин. Агар ёши улғайган сари ўзида истеъод, ички кувват ва интилиш сезса, илмий ёки бадиий ижод йўлига астасекин ўтиб боради. Аммо ҳар қанча қобилият бўлмасин, бугунги ишчи эртага жиддий тадқиқотчига ёки деҳқон бир йўла мумтоз адига айланниб қолиши қийин. Бунинг учун муайян билимлар, кўнилмалар ҳосил қилиш, шунга яраша муайян фазилатлар соҳибига айланиш талаб этилади. Бу оддий жараён эмас.

Шундай экан, зиёли тоифаси умуман маънавият эгасини эмас, одатда ҳаётнинг муайян соҳасига бевосита алоқадор ижтимоий гуруҳни билдиради, десак маъқулроқдир.

Улар моҳиятан ҳаётда етакчи, таъбир жоиз бўлса, ҳодий вазифасини ўтайдилар. Бунинг учун муайян ирсий қобилият, табиий мойиллик, истеъдод лозим. “Совет” даврида русча машхур ибора пайдо бўлган: “Незаменимых людей нет”. Бу мутлақо нотўғри фикр, бу фикр ҳаётни конвейер тасмаси сифатида тасаввур қилишга асосланган, ҳаётда ўзлигини топмаган, бани одам хилқатини асли моҳиятида англамаган одамларнинг қараши. Ҳаётда ҳеч бир инсон ўзгасининг ўрнини тўлиқ боса олмайди. Ҳар бир инсоннинг ҳаётдан кўз юмиши маънавият ўтчовларида инсоният учун мутлақ йўқотиш бўлади. Зиёлиларга нисбатан бу мумтозлик хислати айниқса хосдир.

Президентимизнинг зиёлиларни эъзозлаш ҳақидаги қарашлари шу жиҳатдан ниҳоятда муҳим аҳамиятта эга. Юртбошимиз, айниқса, замонимизнинг аллома шоириFaфур Фулом таваллудининг 90 йиллигини нишонлаш оқшомида сўзлаган самимий нутқида бу масалага алоҳида урғу берган эди. Ижод аҳлига лозим шароитни яратиб бериш “буюк давлатнинг асосий талабларидан” ва “давлатнинг ўзини дунёга машхур қилишнинг асосий шарти” деб қаттиқ таъкидланди бу маърузада.¹⁴⁴ И. А. Каримовнинг қатор маърузалари мазмунида яна бир мулоҳаза англашилиб туради.

“Халқни алдаб бўлмайди”, — дейди Президент, халқнинг назаридан қолиш эса ўзлигини билган одамга ўлим билан баробардир. Ҳар бир ишда ташаббускор, ғайратли шахслар ютиб кетади. Аммо дилда имон бўлса. Ҳазрати Баҳовуддин Нақшбанднинг машхур ҳикмати баъзан бир ёқдама талқин этилади. “Дил ба ёру даст ба кор” деганда ҳар икки жиҳат, яъни “ёр” ҳам муҳим, “кор” ҳам муҳим, ташаббускор бўлгин, қуруқ зоҳид бўлма, элга фойда етказгувчи касб эгаси бўл, деган даъват қанча муҳим бўлса, бир ишга қўл урганда, бир амалий ниятга қасд этганда, кўнгилда Аллоҳни сақла, ҳақиқат ва инсоф мезонларидан бир баҳя ҳам чекинишга ўзингга изн берма, деган йўриқ ҳам шунчалар эътиборлидир. Бирини қўйиб, бирига ружу этилса, меъёр бузилади ва инсон тўғри йўлдан у ёки бу тарафга тойиб кета бошлайди. Агар шу одам раҳбар бўлса, ўз орқасидан яна кўпларни ҳалокат сари етаклаши турган гап.

Аммо зиёлилар аталмиш жамиятдаги катта бир тоифа учун бу қусурлардан сақланиш ниҳоятда долзарб масаладир. Чунки зиёлилар халқнинг раҳнамолари, етакчилари. Улар кўпчиликни бир йўлга бошлашга қодир одамлар. Демак, улар йўл қўйган хато бир ўзлари ёки оила аъзолари, шогирдлари, фарзандларигина эмас, халқнинг кўпчилик қисмини йўлдан озириши, адаштириши мумкин.

Зиёлининг ёлғони оддий ёлғон эмас, ижтимоий ёлғон, халқни гумроҳликка бошловчи ёлғондир. Зиёлининг ўз вижонига хиёнати Ҳақиқатга хиёнатидир. Зиёлининг гумроҳлиги унинг хиёнатидан ҳам, ёлғонидан ҳам бадтардир, унинг чаласаводлиги халқни жаҳолатга етакловчи йўлдир.

Зиёлининг мулкка муносабати, унинг моддий таъминоти масаласи алоҳида таҳлилни талаб қиласди. Зиёли агар бир пайтнинг ўзида иш билармон ҳам бўла олса, қандини урсин. Аммо бундай қобилият бўлмаса-чи? Фақат бир нарса аниқ — Ҳақиқатни қидирган Зиёлисини кундалик қорин тўйдириш ташвишларига банд қилиб қўйган жамият манқуртликка маҳкумдир, хоҳ пролетар истибоди аталсин, хоҳ бозор иқтисоди. Дарвоҷе ушбу муаммонинг қандай ҳал қилиниши ҳам яна зиёли тоифасининг ўзига боғлиқ. Бу муаммонинг баъзи долзарб жиҳатлари ҳақида юқорида “Маънавият ва бозор” мавзуси муносабати билан бироз тўхтаб ўтилди.

Маркс ҳам олим сифатида интеллигенция тоифасига мансуб эди. Аммо давр руҳига берилиб, даҳриёна йўналишда қарама-қаршиликлар орасидаги аёвсиз кураш гоясини тараққиётнинг асоси деб исбот этишга уринди ва натижада, биринчи навбатда, зиёлилар тоифаси манфаатларини зарба остига қўйди. Чунки зиёлининг бош фазилати кураш эмас, Ҳақни излаш, Ҳақиқатни англаб этишга, Борлиқни, жумладан, инсонни тушунишга уриниш. Кураш — ҳарбийлар иши, курол билан иш кўрувчилар шиори, у бузгунчилик сари йўналгандир, ҳар ҳолда файласуф учун мос иш эмас. Зиёли инсониятни бирлаштирувчи кучдир, инсонларни қарама-қарши қутбларга бўлиб ташлаш гоясини олға сурган ақл эгаси — таназзулга юз тутган бемор жамиятнинг руҳияти адашган фарзанди бўлиш мумкин, холос, асл маънодаги зиёли эмас.

4. Инсоният сулолалар аро тахт талашувлар, диний нифоқлар, мафкуравий жанжаллар, ижтимоий инқилоблардан

чарчади, тўйди. Курраи замин даҳшатли ялпи қирғин қуролларига тўлиб кетди. XX аср иккинчи ярмидан бошлаб, жаҳон ҳамжамияти ўзаро душманлик йўлидан муроса ва ҳамкорлик йўлига ўта бошлади. Бирлашган миллатлар ташкилотининг халқаро нуфузи ўсиб бормоқда. Коммунистлар яқин ўтмишда бу ташкилот аъзоларини ҳам икки қутбга бўлиб ташлашга уриндилар, аммо натижа улар кутгандек бўлмади. Ривожланган мамлакатларда аста-секин олий раҳбарлик лавозимлари ҳарбийлар қўлидан интеллигенция тоифаси вакилларига ўтиб борди. Дунёдаги қатор илғор мамлакатларда (жумладан, Ўзбекистонда ҳам) мудофаа вазири касби ҳарбий бўлмаган кишилардан тайинланмоқда. Бу жуда ижобий тамойил сифатида баҳоланмоғи керак. XXI аср жамияти, иншооллоҳ, инсонни тушуниш, муроса, аҳиллик ва ҳамжиҳатликка таянган жамият бўлса, инсонлар, ижтимоий тоифалар аро муомалада қаҳр эмас, меҳр йўналиши устунлик қиласа.

Башарият ҳаётида илм ва ижоднинг мавқеи ошиб борган сари, зиёли тоифасининг сафлари: кундан-кун кенгайгани сайин, ижтимоий ҳаётда ҳам куч ўрнини ақл, зуғум ўрнини фаросат эгаллаб бораверади. Сиёsat майдонида авторитар ва тоталитар тузумлар касодга учраб, қонун устиворлиги, халқ ҳокимияти ва фуқаролар жамияти қудрат касб этиб борар экан, халқ йўлбошчиларига, раҳбар ходимларга бўлган талаблар ҳам ўзгариб бораверади.

Миллий маънавиятимизнинг қадим удумига қўра раҳбарнинг, юрт бошқарувчининг энг асосий фазилати — адолат саналган. Бугун ҳам шундай. Аммо бугунги давримизда адолат тушунчалик илгариги тасаввурлардан анча фарқ қилади. Бугун воқеан адолатли бўлиш учун бир гурух инсонлар жамоасини бошқариб боришни зиммасига олган одамдан кўп нарса талаб этилади.

Яқин ўтмишда, халқимиз ўзининг неча минг йиллик миллий маънавий меросидан бегоналаштирилиб, файриинсоний даражада ақидапарастлик жаҳолатига ботган ёт мафкурага зуғум билан қул қилдирилган даврда, зиёли ва раҳбар ходимдан илм, иқтидор, ташаббускорлик ва маънавий камолот эмас, юқоридан туширилган ҳар қандай кўрсатмани сўzsиз бажариш, халқни қуллик итоатида тутиш талаб этиларди. Назарий билимлар даҳриёна ақидабозлик ва турли

ижтимоий тоифаларни бир-бирига қарши қўйишдан нари ўтмасди. Бунинг натижасида халқ йўлбошчилари, ташаббускор раҳбарлар ўрнини ўзлигини мутлақо танимайдиган, миллий гуурурни хиёнат деб тушунадиган, ўз тилини, халқ дилидаги юксак эътиқодни менсимайдиган манқурт тоифа эгаллаган, ҳассос лавозимларга асосан шундай шахслар тайинланиб келган эди. Халқни сиёсий ва иқтисодий қарамликда сақлаб туриш учун, маънавиятини буткул йўқотиш учун ўша давр ҳукмдорларига шундай тоифа хизматчилар керак эди.

Мустақиллик шарофати билан юртимизда вазият тамомила ўзгарди. Мустақил Ўзбекистон Президенти олиб бораётган сиёsat, айниқса унинг халқ маънавиятини юксалтириш йўлидаги алоҳида хизматлари китобнинг биринчи қисмида анча батафсил баён этилди. Раҳбарлик масъулияти ҳақида ҳам гапириб ўтилди.

Аммо юртни бошқариш, халқ осойишталиги, турмуш фаровонлигини таъминлаш учун фақат олий раҳбариятнинг саъй-ҳаракатлари камлик қиласди. Президентнинг қатор нутқларида, айниқса, Давлат ва жамият қурилиши Академияси очилишида сўзлаган маърузаларида ўрта даражали раҳбар ходимларга бўлган эҳтиёж, фидоий ва тажрибали ташкилотчиларнинг камлиги, эски тузум етиштирган кадрларнинг аксарияти бугунги кун учун яроқсизлиги таъкид этилиб, мустақил юртни турли даражада ва йўналишларда бошқариб бора олиш учун биринчи навбатда нималар талаб этилиши батафсил баён этилган. Биз бу ерда уларни такрорлаб ўтирамаймиз.

Бугунги ҳассос шароитда юрт мустақиллигини мустаҳкамлаш, ислоҳотларни ҳаётга самарали жорий этиш, буюк келажакни яқинлаштириш учун бел боғлаб ишга киришган раҳбар ходимлар маънавияти қандай бўлиши кераклиги ҳақида, албатта, маҳсус тадқиқотлар ўтказилади. Ҳозирча эса биз асосий мақсаддан чалғимаслик учун бир-икки енгил чизгилар билан кифояланамиз.

Жамиятдаги ўзга тоифаларга нисбатан зиёлиниг юки оғир. Аммо 4 та одамга раҳбарлик масъулиятини зиммасига олган кишига янада оғирроқдир. Зиёли олим бўлса, масалан, ҳаётни илмий асосда тадқиқ этади, шу асосда тавсиялар беради. Шоир ёки адаб бўлса, воқеликнинг муайян қир-

раларини бадий тимсолларда акс эттириб, ибрат йўли билан одамларга ижобий таъсир этишга уринади. Муаллим сабоқ беради. Аммо раҳбар қўл остидагилар тақдири учун масъулдир, уларни муайян йўлдан етаклаб, муайян амалий натижаларга эриширишни зиммасига олган. Агар йўл тўғри танланиб, натижа режага мувофиқ чиқса — барча жамоанинг ютуғи, аммо шундай бўлмаса-чи? Инсонлар умри, уларнинг ақлий ва жисмоний қуввати, улар эришиши керак бўлган натижага кўз тикиб кутганлар умиди, қанча оила, ўғил-қиз, ота-оналар орзу-армони қаршисида қандай жавоб бериш мумкин, қандай бош кўтариб юриш мумкин? Раҳбарлик — оғир савдо, мушкул юмуш.

Бугун бевосита давлат раҳбари, юртбошимиз халқ маънавиятини ҳар томонлама юксалтиришга, маънавий меросимиз ва миллий қадрияtlаримизни бутун кўлами ва викори билан тиклашга мунтазам жон кўйдириб келмоқда. Бу ҳақда қатор фармонлар содир этилиб, маҳсус тузилмалар ташкил этилмоқда, кўплаб маблағ ажратилмоқда.

Мустақиллик шарофати билан миллий маънавиятни ривожлантириш давлат сиёsatининг устивор йўналиши дараҷасига кўтарилди. Бундай шароитда раҳбар маънавияти ҳам устивор маъно касб этади. Чунки маънавият — раҳбарнинг жамият, халқ ва миллат олдидаги ички қоим масъулиятини таъминловчи энг бош омил, таянч нуқтадир. Маънавий огоҳ ва баркамол бўлмаган инсондан Ватани ва халқига холис бир яхшилик умид қилиш қийин.

Маънавият — ўзликни англашдир. Раҳбарлик масъулиятини тўлақонли ҳис қилиш ва бу залворли юкни елкага олишга маънан тайёр бўлиш учун кўп жиҳатдан баркамол инсон бўлиш тақозо этилади. Бунинг учун нафақат малака ва иқтидор, нафақат ҳар томонлама чукур иқтисодий, ҳуқуқий, сиёсий билимлар, балки биринчи навбатда юксак маънавий камолот ва огоҳлик талаб этилади. Маънавий огоҳлик эса ўзликни англаш, ўзини ва ўзгани тушуниш, Борлиқ Ҳақиқатини англаб этиб, ўз руҳиятини Борлиқнинг улуғ Ҳақиқати билан уйғунлаштира олишни тақозо этади. Ушбу китобнинг асосий мақсади ҳам имкон даражасида шу йўлда интилганларга кўмак етказишдир. Албатта, ҳар бир инсоннинг маънавий камолоти, аввало, Аллоҳ баракати ва, қолаверса, ўз ички интилиши, қалб риёзати билан амалга ошади.

Таянч иборалар: Фозил жамиятнинг уч шарти, ижтимоий уйғунлик муаммоси, Форобий ва Ибн Халдун ижтимоий такомил жараёни ҳақида, Юсуф Ҳос Ҳожибда ижтимоий воқеликнинг бадиий-фалсафий таҳлили, “Адаб ул-мулук”, “Ойин ул-мамлакат”, бош тимсоллар – Адолат ва Қурдат, Ақл ва Қаноат, суфий шайхларнинг сиёсий ва ижтимоий ҳаётдаги мавқеи, Навоий яратган уйғун жамият манзараси-нинг белгилари, маънавий воқелик, “Лисон ут-тайр” ва “Маҳбуб ул-қулуб”да ижтимоий тоифалар таҳлили, дәхқон ва дарвеш, меҳр аҳли дилидаги изтироблар, футувва аҳли, қориннинг қули, йўқсиллар истибоди ва унинг оқибатла-ри, “энг илғор синф”, зиёли ва хизматчи, шўролар ҳоки-миятининг дәхқонлар ва зиёлиларга муносабати, мудҳиш ва қонли “тажриба”лар, Ҳақиқат ягона, аммо унга элтувчи йўллар ҳад-худудсиз, шоҳ ва дарвешни тенг тутмоқ — мил-лий маънавиятимиз анъанаси, ҳақиқат ва инсоф мезонла-ри, зиёлиниң бош фазилати, бемор жамиятнинг руҳияти адашган фарзанди, ўзаро душманлик йўлидан муроса ва ҳам-корлик йўлига, башарият келажаги — муроса ва аҳилликда, раҳбарнинг энг асосий фазилати — адолат, манқурт тоифа, раҳбарлик — мушкул юмуш, таянч нуқта — маънавий ка-молот ва огоҳлик, қалб риёзати.

Тавсия этилувчи ва фойдаланилган адабиётлар рўйхати:

Асосий адабиёт:

1. Қуръони карим (Абдулазиз Мансур таржимаси). Т., 2001.
2. Ўзбекистон Республикаси Конституцияси. Т., 1992.
3. Имом Бухорий. Жомеъ ас-саҳиҳ. 1—4-жиллар, Т., 1990—1995.
4. Каримов И.А. Озод ва обод Ватан, эркин ва фаровон ҳаёт — пировард мақсадимиз. 8-жилд. Т. — “Ўзбекистон” — 2000, с. 272—291.
5. Каримов И.А. Биз келажагимизни ўз қўлимиз билан қурамиз. 7-жилд. Т. — “Ўзбекистон” — 1999, с. 355—369.
6. Каримов И.А. Истиқбол ва маънавият. Т., 1994.

7. Каримов И.А. Мънавий юксалиш йўлида. Т., 1998.
8. Каримов И.А. Ўзбекистон: миллий истиқлол, иқтисод, сиёсат, мафқура. 1-жилд. Т. — “Ўзбекистон” — 1996, с. 36—85, 187—189, 240—246.
9. Каримов И.А. Биздан озод ва обод Ватан қолсин. 2-жилд. Т. — “Ўзбекистон”— 1996, с. 67—69, 119—121, 202—206.
10. Каримов И.А. Ватан саждагоҳ каби муқаддасдир. 3-жилд. Т. — “Ўзбекистон”— 1996, с. 3—54.
11. Каримов И.А. Бунёдкорлик йўлидан. 4-жилд. Т. -“Ўзбекистон”—1996, с. 39—55.
12. Каримов И. А. Янгича фикрлаш ва ишлаш – давр талаби. 5-жилд Т. — “Ўзбекистон” — 1997, с. 286—304.
13. Каримов И.А. Хавфсизлик ва барқарор тараққиёт йўлида. 6-жилд. Т. — “Ўзбекистон”— 1998, с. 25—30, 262—267, 321—323.
14. Ал-Фараби. Философские трактаты. Алма-Ата, 1972.
15. Алишер Навоий. Муқаммал асарлар тўплами. 14-жилд, Т., 1998.
16. Алишер Навоий. Муқаммал асарлар тўплами. 15-жилд, Т., 1999.
17. Алишер Навоий. Лисон ут-тайр. Т., 1993.

Қўшимча адабиёт:

18. Форобий. Фозил одамлар шаҳри. Т., 1993.
19. Низомулмулк. Сиёсатнома ёки Сияр ул-мулук. Т., 1997.
20. Сулаймонова Ф. Шарқ ва Farb. Т., 1993.
21. Жўраев. Тарих фалсафаси. Т., 1999.
22. Арипов М. К. Социальная утопия как течение общественно философской мысли в Средней Азии. Т., 1989.
23. Мўминов И. М. Таңланган асарлар. 1-том. Т., 1969.
24. Юсуф Хос Ҳожиб. Кутадгу билик. Т., 1971..
25. Рабғузий. Қисаси Рабғузий. Т., 1990.
26. Давлат, жамият, оила ва ёшлар тарбияси муаммолари. Т.,1997
27. Имомназаров М. С. Миллий мънавиятимиз назария-сига чизгилар. Т., 1998.

22-маъруза. ҲАҚИҚАТ ВА БАШПАРИЯТ

ДАРС РЕЖАСИ:

1. Ҳақиқат нима? Турли миллатлар маънавияти ягона Борлиқ ҳақиқатининг жилолари сифатида.
2. Тафаккур турлари ва маънавият:
 - а) мантикий тафаккур.
 - б) санъат, адабиёт, маънавият.
 - в) ҳалқ ижоди ва маънавият.
 - г) маросимлар маънавияти
3. Тақдир ва тадбир. Миллий маънавиятимизда «аҳли қабул» ва «аҳли рад» тушунчалари.

1. Энг масъулиятли мавзуга етиб келдик. Олдинги бобларда маънавиятга турли таърифлар берилди. Аввало, маънавият инсонни жамики бошқа мавжудотлардан ажратиб турувчи моҳият бўлиб, инсон — табиатнинг, барча тирик мавжудотнинг гултожи, дейилганда унинг ушбу хислати, яъни, юксак маънавият эгаси бўла олиш имкони назарда тутилганdir. Бу имконни бошқа жонзотларда кўрмаймиз. Агар ҳайвонот дунёсини фақат моддий ҳаётга тегишли, фаришталар эса соғ маънавий хилқатлар деб тасаввур қилинса, одам боласида моддият ҳам, маънавият ҳам мавжуддир. Маънавият Инсон қалбидаги илоҳий нур, Олий ҳақиқат нури бўлиб, шу сабабдан буюк бобокалонларимиз инсон қалбини “Ҳақиқат асрорининг ганжинаси” деб атаганлар. Ҳақ асрори эса шундай сеҳрли тилсимки, уни тугал ечишга аҳли башар қурдати етмайди. Зотан, ҳеч бир одам боласи “уни инсон даражасига кўтарадиган асосларнинг асосини ўз ақли билан том маънода қамрай олмайди”¹⁴⁵.

Маънавият ўзликни англашdir, деб ҳам кўрдик. Инсон нафақат ўзгани, балки ўз моҳиятини ҳам ҳеч қачон охиригача англаб ета олмайди. Аммо ўзликни англашга интилмаган инсон ҳам ҳеч қачон ҳақиқий Шахс бўлиб етишмайди. Инсон маънавияти туфайли ғайбга туташdir. У Ҳақдан ибтидо олган ва интиҳода ҳам Ҳаққа бориб туташади. Инсонлар ақли ҳам, руҳияти ҳам турли қусурлардан, адашувлардан, баъзан хатто шайтоний васвасалардан холи эмас. Инсон, барибир, моддий. Унинг моддий моҳияти зиддиятлардан холи эмас. Унда нафс бор, ғафлат ва шаҳват, кибр ва ҳасад

бор. Маънавиятни шуларга аралаштириб юборсак, ўзимизни ҳам, ўзгаларни ҳам чалғитиб қўямиз. Маънавият инсон руҳида Олий ҳақиқат билан уйғунликни таъминлаб турувчи илоҳий файздир. У ҳар кимга бир хил даражада насиб эта бермайди. Нопоклик, фараз инсондан илоҳий файзни қочиради. Бундай инсон қалбини аввал губор, бора-бора зулмат қоплаб боради. Нопоклик ва фараз йўлининг ниҳояси аянчлидир.

Ҳақиқат — чексиз. Қуръони каримнинг “Бақара” сурасидаги “Оят ал-курси” номи билан машҳур бўлган 255-оят ниҳоятда эл ичидаги мўътабар тутилади. Сабаби, унда Аллоҳ ҳақиқатига жуда ихчам, аммо мукаммал ишора мавжуддир. “Аллоҳ — ундан ўзга илоҳ йўқдир” деб бошланувчи ушбу оятнинг фақат икки жумласини эслайлик: “Осмонлар ва Ердаги (барча) нарсалар Уникидир”..., “Унинг курсийси Осмонлар ва Ердан (ҳам) кенглик қилур”, деб ўгиради уларни муҳтарам таржимон.

Миллий маънавиятимизда Борлик ҳақиқати Тавҳид эътиқодида ифодаланади. Барча буюк аждодларимиз ана шу улуғ Ҳақиқатни тушуниш учун интилиб яшаганлар ва ҳар ким ўз ҳоли даражасида уни тавсиф ва талқин этишга уринган. Назаримизда, Алишер Навоийнинг “Лисон ут-тайр” достонида ушбу талқин энг мукаммал суратда ифода этилган. Биз ундан бир ривоятнинг насрый баёнини келтириш билан чекланимиз. Шоир “Маърифат водийси” таърифини бергач, уни изоҳлаш учун Саноийдан бир ривоят келтиради:

“Эшит, бунга ушбу можаро жуда муносаб мисол бўла олади. Нақл қилишларича, бир гуруҳ кўрлар тўдаси бир сабаб билан: мусофирик ёки асирик туфайли Ҳиндистонга бориб қолишибди. Сўнгра фалакнинг гардиши билан улар ўз юргига қайтиб келишибди. Бу ерда улардан бир киши : “Филини кўрдиларингизми?” — деб сўрабди. Улар: “Ҳа”, — деб жавоб берибдилар. “Кўрган бўлсангиз, далил келтиринг”, — дебди бояги киши.

Улар аслида филни кўрмаган, у ҳақда ҳатто яхши сўраб ҳам олмаган эдилар. Ҳар бири филнинг бир аъзосини пайпастлаб, ундан билим ҳосил қилиб олган эди. Шу сабабли филнинг қўлларини ушлаган киши фил сутунга ўхшар экан, деса, қорнини пайпастлаган, йўқ, у бесутун, деди. Хартумини ушлаган, фил аждаҳога ўхшаш бир нарса экан, деса,

тишларини баён қилувчи киши эса, фил иккита суюқдан иборат, деди. Қўйругидан хабар берган киши филни осилиб турган илонга қиёс этди. Қўли билан филнинг бошини пай-паслаган киши уни бир чўққининг тумшуғи деб шарҳ қилди. Филнинг қулоғига қўл етказган киши уни қимирлаб турган икки елпигич экан, деди. Уларнинг барчаси шу тариқа кўрлик юзасидан турли сўзлар айтдилар. Гарчи улар айтган сўзларнинг барчаси тўғри бўлса-да, уларнинг ҳаммаси нуқсонли эди, уларда тартиб мавжуд эмас эди.

Шунинг учун ҳам филбонлик соҳасида устод ҳисобланган етук файласуф, ўзи ҳинд наслидан бўлган киши, улар айтган сўзларни тинглаб, нақл қилганларга таъна сўз айтмади ва шундай деди:

— Ҳар бир киши фил ҳақида ўзи билгандарини айтиб, у ҳақда нишон берди. Улар бир-бирларига зид фикр айтган бўлсалар-да, кечираплидир. Чунки уларнинг ҳар бири ўз билганича сўз айтди, аммо улардан ҳеч бири филни кўрган эмас эди. Лекин улар айтган бу сифатларнинг барчаси бир ерга жамъ қилинса, улардан фил ҳақида муайян тасаввур ҳосил бўлади.

Узоқни кўрувчи кишига бу жуда яқин бўлгани учун у ҳеч иккимасдан кўрлар айтган барча сўзларни чин деб баҳолади”.¹⁴⁶

Юқоридаги оятда яна ишора қилинади:” (Одамлар) Унинг илмидан фақат (У) истаганича ўзлаштиурлар.” Демак, ҳар бир инсоннинг билимлари чегарали. Шу сабабли Борлиқ ҳақиқатини англаш етиш учун аввало инсонлар бир-бирига эътибор қилиши, бир-бирини тушунишга интилиши лозим. Табиатни, ундаги ҳар бир заррани, майсанни, тирик жонни тушунишга интилиб яшамоқ, доим ўзгани тушунишга интилмоқ — маънавият йўли шудир.

Суфийлар айтадики, Ҳаққа етишиш учун ўзлигинги англаш етмоғинг лозим. “Мажоз тариқи” намояндалари қўшимча қиласидилар: ”Тўғри. Аммо инсон ўзлигини англаш етиши учун ҳам, аввало, ўзгаларни тушунишга интилмоғи керак бўлади. ” Ҳар бир одам боласининг Ҳаққа нисбати унинг ўзгаларга нисбати билан белгиланади, шунинг учун ҳам ҳар бир шахс маънавияти бетакрор ва ўзига хосдир. Демак, ушбу шахслар маънавияти мажмуидан иборат бўлган миллат маънавияти ҳам бетакрор ва яхлит ҳодисадир.

Турли миллатлар маънавиятиниң ўзаро нисбати ҳам турли шахслар нисбати қабидир, дейиш мумкин. Чунки турли миллатлар турлича шароитда истиқомат қиласидилар, ўзига хос тарихий тараққиёт йўлини босиб ўтганлар. Шу сабабли ягона ҳақиқатни идрок этишда бир-бирларидан фарқ қиласидилар. Шундай экан, бир миллат вакили аввало ўз миллий маънавиятини англаб етишга ҳаракат қилишдан бошлагани ақлга мувофиқдир. Зеро, ўзининг кимлигини тушуниб етмаган миллат ўзгани тушуниши эҳтимолдан узоқ. Фақат турли ҳалқ вакиллари ўз миллий маънавиятлари хусусида бир хулосага келгач, уларни ўзаро қиёслаш имкони пайдо бўлади.

Инсоннинг дунёни, ҳақиқатни англаб етиш жараёнига хос бўлган тарихий такомил жараёни турли миқёсда: 1) умуминсоният ривожида, 2) инсонлар жамоасининг турли замоний ва маконий бирлашмалари доирасида, 3) ҳар фард инсон умри давомида рўй беради. Буларнинг ҳар бири ўз навбатида бошқаси билан мураккаб боғланиш, туташув ҳосил қиласдан иложи йўқ. Демакки, агар бирор ҳодиса ҳақида мулоҳаза юритишга, унинг моҳиятини жиддий англаб етишга қасд қилинса, уни атроф-воқелик, ўзи мансуб бўлган умумий ва хусусий ҳодисалар силсиласида олиб қаралмоғи, макон ва замонидан узиб олмай идрок этилмоғи асли ҳақиқатни, яъни ўша ҳодиса моҳиятини тўғри ёритишга ёрдам бериши мумкин.

Маънавият илмдан ҳам, мантиқий тафаккурдан ҳам қамрови кенгроқдир. Билимни инсон ҳам ҳаётдан, ҳам китоблардан ўрганади. Аммо ҳаётни, инсонни, илмни англаб етиш учун, аввало, унга меҳр билан, бегараз, ”холисанлиллоҳ“ ёндошмоқ зарур. Олдинги маърузаларимизда Ватан ва табиат, шахс ва миллат, дин ва маданият, сиёсат ва иқтисод, қонун ва адолат хусусида, уларнинг маънавиятга нисбати ҳақида мулоҳазалар юритдик. Булар барчаси ягона Ҳақиқатнинг турли қирраларидир. Ягона минтақа маданияти унинг таркибига кирган ҳар бир ҳалқнинг ўз маънавий қиёфасини йўқотишига олиб келгани йўқ, балки уни ўзаро бойитди ва мукаммаллаштируди. Бу ягона минтақа маданиятини бирлаштириб турган ички бош маънавий омил тавҳид эътиқодини борган сари теранроқ ва мукаммалроқ тушунишга интилиш эди.

2. Борлиқ ҳақиқати — макон ва замонда ҳудудсиздир. Уни инсон онги яхлит қамрай олмайди. Шу сабабли аҳли

башар ҳақиқатни идрок этишнинг турли йўлларини қидиради. Бунинг илк намунаси асотир тафаккурдир. Биз бу масалани олдинроқ, алоҳида маърузада кўриб чиқсан эдик.

Ҳақиқат борлиқ янглиғ мураккаб, ранго-рангдир. Ҳар бир инсон уни маълум нисбийликдагина англаб этишга қодир. Бунинг устига турли даврлардаги одамларнинг тафаккур даражаси турлича. Асотир тафаккури, илмий тафаккур, ирфоний тафаккур...

Асотир тафаккур моҳиятни бирор муайян ашё ёки ҳодиса билан боғлаб тасаввур этишга уринишидир. Бундай ҳолат Тавротда Мусо Тур тоғига кетганда яхудийларнинг ўзларига тилла бузоқ ясад олиб, ўшанга сиғинишгани тасвирида ёрқин намоён бўлган. Тарихда бундай мисоллар жуда кўп. Кейинчалик мантиқий тафаккур ривож олгач, у билан ҳамзамон бадиий тафаккур ҳам шаклланди.

А) Мантиқий тафаккур, илм инсон маънавиятида жуда муҳим ўрин тутади. Янги давргача илм кўпроқ ҳаётий кузатишларнинг соғ мантиқий таҳлилига таянган, маҳсус тажрибалар кам ўтказилган. XV асрдан Европада маҳсус илмий асослардаги тажрибага ихлос ва эътибор кучайди.

Мантиқий тафаккур ҳаётни, атроф-воқеликдаги нарса-ҳодисаларнинг бир-бирига муносабатини идрок этиш, тушуниб этишда ниҳоятда катта аҳамиятга эга бўлиб, аждодларимиз бу ҳақиқатни IX—X асрлардаёқ теран англаб етгандар. Сунна давридаёқ мўътазила йўналиши намояндалари Аллоҳнинг ягоналиги ва адолатини мантиқий далиллаш йўлларини қидира бошладилар. Ушбу интилиш натижаси ўла-роқ Калом илми шаклланди. Ботинийлар ҳам Қуръон оятлари таъвилини мантиқ қонуниятлари билан мувофиқ олиб боришига интилдилар. Аста-секин калом илмининг ашъария ва мотуридия йўналишлари шаклланди. Улар билан бир пайдада соғ ислом машҳоийун фалсафаси ва мантиқ илми кенг тараққий эта бошлади. Ислом қонуншунослиги, яъни фикҳ илми ҳам доимо мантиқ қоидаларидан кенг истифода этиб келди. Илmlар таснифи билан шуғулланган кўпчилик алломаларимиз аниқ фанлар (риёзиёт, ҳандаса) ва табиий фанлар (физика, минерология, кимё ва ҳоказолар)га фалсафанинг таркибий қисми сифатида қарадилар.

Мантиқий тафаккур инсонни фикрлаш маданиятига ўргатади. Башарият маънавий такомили тарихида мантиқий

тафаккурнинг энг буюк хизмати инсон онгидағи асотир тафаккур асоратларини енгиб ўтишда намоён бўлди. Юнонда шаклланган мантиқ илми улуғ файласуфлар тафаккурини чархлаб, аста-секинлик билан ўша даврнинг ҳукмрон тасаввури — мушрикликни (Европа илмидаги политеизм деб юритилади) енгиб ўта бошлиди. Юнон донишмандлари Борлиқнинг ягона моҳиятини қидириб, уни гоҳ сув, гоҳ олов, гоҳ тупроқ, гоҳ “атом” тушунчалари билан боғладилар. Бу жараён Аристотель фалсафасида ўзининг ниҳоий чўққисига эришиди ва шу сабабли кейинча уни “Биринчи муаллим” деб улуғлай бошлиашди. Мантиқ илми асотир тафаккур ва унинг эътиқоддаги асорати — мушрикликни шубҳа остига олишда етакчи аҳамиятга эга бўлганлигидан ислом минтақа маданиятида жиддий эҳтиромга сазовор бўлди. Ал-Киндий, Ал-Форобий, Абу Али ибн Сино, Ибн Туфайл, Ибн Рӯшд каби улуғ файласуфлар бу тафаккур тарзини юксак даражада ривожлантирилар. Улар мероси Европа Уйғонишига ҳал қиувучи туртки берди. Мантиқий тафаккур фалсафий ва илмий тафаккурнинг асосини ташкил қиласи, шу сабабли ёшларга “Мантиқ илми” дан сабоқ бермоқ ниҳоятда муҳимдир. Айниқса, бугунги кунда ахборот тизимлари ва компютер илми ҳаётимизга кириб келган чоғда бу илмнинг ўта зарурати сезилмоқда.

Аммо мантиқий тафаккур асло Борлиқ ҳақиқатини англаб етишнинг ягона йўли эмас. Масалан, тасаввуф ирфони мутлақо ўзига хос тафаккур тарзи бўлиб, мантиқий тафаккур воситасида уни англаб етиш мушкул. Мантиқ фақат ақдига таянса, ирфон соликнинг бутун ақдий ва руҳий қувватини сафарбар этади.

Миллий маънавиятимиз анъанасида илм ва имон бирбиридан жудо эмас. Бир-бирига зид ҳам эмас. Алишер Навоий “Насойим ул-маҳабба мин шамойим ул-футувва” китобида шайх Абубакр Тоҳир Абхарий ҳақида шундай ривоят келтиради: “Андин сўрдилар-ки, ҳақиқат недур? Дедиким, барчаси илмдир. Дедилар: илм недир? Дедиким, барчаси ҳақиқатдур”.¹⁴⁷ “Илм” сўзи асли Қуръони каримда 750 мартадан ортиқ ишлатилган “алима” феълы ўзагидан ясалган исм-сўз бўлиб, ўзбек тилидаги “билим” сўзининг маъносини англатади.

Эътиқод ва илм аро фарқли жиҳатлар ҳам йўқ эмас. Эъти-

қод ҳаётга яхлит ёндошади. Илм эса доимо ҳаётнинг у ёки бу алоҳида ҳодисасини ўрганади. Илм — макон ва замонда чексиз, бир киши ҳатто муайян бир соҳада ҳам ҳеч қачон барча билимни тўлиқ камрай олмайди. Ҳозирги замон илми икки устунга таянади, бири тажриба ва бири мантиқий тафakkur қонунлари.

Илова:

БИЛИМ ТУРЛАРИ ҲАҚИДА

(Тадқиқотчи Ҳ. Хидиралиев билан ҳамкорликда тузилган)

Куръон оятлари мазмунидан келиб чиқадиган бўлсак, билим (яъни илм), аввало, 2 турга ажралади:

1) Илоҳий билим — фақат Аллоҳга тегишли бўлган чексиз-чегарасиз, азалий ва абадий билим бўлиб, инсонларга у ваҳий сифатида пайғамбарлар орқали нозил этилади. Уни инсон имон билан қабул қиласи, рад қилиш ҳам, исбот қилиш ҳам инсон қудратида эмас. Лекин, барибир, бу — билим. Унда рамзлар ҳам бор, аниқ ҳукмлар ҳам бор, ишоралар ҳам бор, аниқ хабарлар ҳам бор. Бу — инсонлар ўз қудрати билан била олмайдиган билим. Бу билим маънавиятга оид;

2) инсоний билимлар инсоннинг ер юзида халифалик мақомидан келиб чиқсан ҳолда унга яратилишидан берилган тафakkur ва таҳлил қобилияти туфайли ҳосил қилинади.

Ҳар икки билимнинг асл маңбай Аллоҳ таоло қудрати билан боғлиқдир. Ҳар икки илмнинг фарқи шундаки, илоҳий илм мутлақ ҳақиқатнинг инсон тили билан ифодаланиши бўлса, инсоний билим нисбий, яъни номукаммал ва адашувлардан холи бўлмаган билимдир. Инсоний билимнинг нисбийлиги, инсоннинг ер юзида халифалиги уни Аллоҳ томонидан синаш, имтиҳон этиш мақсадини назарда тутилганлиги билан боғлиқдир.

Инсон билимининг нисбийлиги, биринчидан, инсоннинг Борлиқ ҳақиқатини илғаши нотўлиқ, яъни нисбий эканлиги билан боғлиқ. Ҳар бир инсон алоҳида олганда Борлиқ ҳақиқатини тўлиқ камраб олиш қудратига эга эмас. Бу қуд-

рат фақат Аллоҳга хосдир. Инсон агар ўз тафаккур қудратининг айни шу чекланганлигини доимо назардан қочирмай турса, унинг адашув эҳтимоли камроқ бўлади. Аммо, агар кибрга берилса, “мен биламан, ўзгалар эса адашади” деб ўйласа, унда унинг билими ботил билимга айлана бошлади. Иккинчидан, бу нисбийлик, адашувга мойиллик, унинг ақлига нафс аталувчи шайтоннинг доимо таъсир қилиб туриши билан ҳам боғлик.

Инсоний билимлар ва илоҳий китоблар орқали етиб келган билимлар аро уйғунлик масаласида баъзи нозик жиҳатлар мавжудлигини ҳам назардан қочирмаслик керак. Аввалио, ваҳий орқали келган билим адашувлардан холи мутлақ билим ҳисобланади. Шу сабабли у инсоний билимларнинг барча туридан устун қўйилиши лозим. Аммо илоҳий китоблар инсоний тил билан баён қилинганлиги сабабли, инсонлар томонидан турлича талқин этилиши мумкин. Шу сабабли илоҳий оятларнинг турли инсоний талқинлари бири иккincinnисидан мутлақо устун қўйилиши ҳам жоиз эмас. Бу ерда яна инсоний тафаккур ва таҳлил, аждодларнинг турли талқинлари, ўзаро қиёслашларга эҳтиёж туғилади.

Инсонга таҳлил ва тафаккур қобилияти берилганлиги — Аллоҳнинг буюк иноятидир. Ушбу инъом доимо Ҳақ йўлида истифода этилиши зарур. Демак, фақат ўзи таҳлил ва тафаккур билан эришган билимларига ишониб қолмай, ўзгалар билимини ҳам эътиборга олмоқ, ўзи ва ўзгалар билимини холис қиёслаб, ўз ҳавойи-нафсидан Ҳақ билими, яъни ҳақиқатни устун қўя билмоқ керак.

3) Билимнинг яна бир тури ирфоний билим бўлиб, унга ҳам илоҳий илҳом билан эришилади. Аммо у бошдан оёқ рамз ва ибратлар орқали берилади, унда аниқ ҳукмлар ҳам, аниқ хабарлар ҳам йўқ. Ирфоний билимларни ҳақиқат эканлигини исбот қилиш мумкин эмас, уларни аммо инобатга олмаслик ҳам адашувга олиб келиши мумкин.

Инсоний билимлар бир нечта турга бўлинади:

а) ўзга инсонлардан етиб келган билимлар, яъни нақлий билимлар;

б) инсон ўз тафаккури билан етишган билимлар, яъни ақлий билимлар.

Инсоннинг ўзи мустақил эришган билимлари яна бир нечта турга бўлинади:

1) ҳаётни кузатиб ва таҳлил этиб ҳосил қилинган билимлар;

2) мантиқий билим, яъни билган нарсаларини ўзаро фикрий қиёслаш ва таҳлил қилиш орқали ҳосил қилинган билимлар;

3) амалий фаолият жараёнида ва ёки ўрганиш билан ҳосил қилинган малака ва кўнималар шаклидаги билим.

Ушбу барча билим турларининг ўзаро мувозанатда сақланиши ниҳоятда муҳимdir. Яъни, биринчидан, мантиқий тафаккур натижасида эришилган назарий билим ва инсоннинг амалий фаолият жараёнида ҳосил бўлган амалий малака ва кўнималари ўзаро уйғунликда олиб қаралиши мақсадга мувофиқ бўлса, иккинчидан, инсоннинг ўзи эришган ва ўзгалар ҳосил қилган билимлари ҳам уйғунлаштирилмоғи зарур.

Ўзгалар билими деганда яна икки гуруҳ билим назарда тутилади:

а) сизнинг атрофингиздаги, сиз билан жонли мулоқотга кириши мумкин бўлган инсонлар билими;

б) ўтмиш аждодлар ва бутун инсониятдан манбалар орқали етиб келган билим;

Бу билим ҳам икки турга бўлинади:

а) ёзма матн ҳолидаги билимлар;

в) турли ашёларда муҳрланган амалий билим натижалари;

Бу икки билимни англаб етиш йўллари ҳам ўзига хос бўлади.

Демак, ҳар бир инсон ўзининг назарий ва амалий билимларини, ўзи ва ўзгалар ҳосил қилган билимларни, ўтмиш аждодлар ва замондошлар билимларини, илоҳий китобларда ҳидоят учун берилган билимлар билан инсон тафаккури ҳосил қилган билимларни қиёслаб ва ўзаро уйғунлаштиришга ҳаракат қилиб борса, унинг адашув эҳтимоли камаяди ва бунда билимлар ишончлироқ бўла боради.

Ақлий билимлар 2 хил йўналишда ҳосил қилинади:

а) мантиқий тафаккур орқали, б) моделлаштириш орқали.

Моделлаштириш – а) қиёсий (яъни ўхшатиш орқали), б) рамзий-мажозий, в) илмий-мантиқий тушунчаларга таянган ҳолда амалга оширилиши мумкин. Моделлар икки турга

бўлинади: 1) рамзларга таянган модель 2) мавхум атамаларга таянган модель. Бадий адабиёт асосан рамзий-мажозий модельлаштиришга таянади. Илмий адабиёт учун рамзий модель биринчи босқич вазифасини ўтайди. Мавхум атамаларга таянган иккинчи модель кўпроқ фалсафий тизимларга хосдир.

Тажрибавий билимга ҳам 2 йўл билан эришилади:

а) ҳаёт тажрибаси орқали, б) маҳсус тажрибалар туфайли.

Яна бир бўлинишини эслаб ўтиш жоиз:

1) аниқ ва табиий фанлар. Булар инсоннинг моддий эҳтиёжларини таъминлашга қаратилган, уларни аниқ билиш мумкин ва керак, тахминийлик бу ерда тахмин даражасида қолади. Бу билим билан на илоҳий, на ирфоний билимларни ҳосил қилиб бўлмайди, моддий воқеликдан ташқари чиқмоқчи бўлинса, тажовуз бўлади, адашувга олиб келади, гайри илмга айланади.

2) ижтимоий-сиёсий, аникроғи инсонлар аро муносабатларга оид билимлар. Буларда бир натижага эришиш учун ҳам илоҳий, ҳам ирфоний, ҳам ақлий, ҳам нақлий билимларга таяниб иш юритиш керак бўлади. Бирортаси ҳисобга олинмаса, хатога йўл қўйиш эҳтимоли кўпаяди.

Б) Маънавий тарбиянинг воситалари фақат ақл эмас, балки ибрат, иродат, меҳр ҳамдир. Миллий маънавиятимизда шулар барчаси мужассам. Ундан ташқари миллий маънавиятимизнинг таркибий қисмларида калом илми, тасаввух тариқатлари ва ирфони, ботиния каби ўзига хос йўналишлар мавжуд-ки, Европа илми ўзи уларни Шарқдан ўзлаштиромоқда.

Нафосат уйғунликка асосланади, шу сабабли маънавий тарбиянинг энг таъсирчан воситасидир. Унинг устига бадий асарлар инсонга ҳам ибрат, ҳам ақл, тафаккур, ҳам туйғу, ҳис-ҳаяжон, ҳам тимсоллар воситасида таъсир этишга уринади.

Бақо – чексиз, мутлақ ҳақиқат эса — файб. Демак, илм уни охиригача англаб ета олмайди. Илм мажоз (метафора)-дан бошланади. Санъат эса тўлиғича мажозга қурилади. Илм ҳеч қачон Борлиқ ҳақиқатининг охирига ета олмайди. Мумтоз санъат асари эса Борлиқ ҳақиқати ҳақида уйғун тасаввур бера олади. Асли шунга эриша олмаса, у мумтоз санъат эмас. Илмий истеъдод ва бадий истеъдод бошқа-бошқа нарса-

лар, аммо улуг санъаткорлар ва буюк алломалар фақат бир томонлама истеъдод эгалари бўлишган эмас.

Агар мантиқий тафаккур ҳар бир нарса-ҳодисани қисмларга ажратиб илмий тушунчалар ёрдамида таҳлил қилишга уринса, бадиий тафаккур воқеликни яхлит уйғунликда идрок этишга уринади. Бунинг учун турли рамзлар, тимсоллар, ишора ва ташбех (ўхшатиш)лардан фойдаланади. Бадиий тил рамзу ишоралар тилидир. Агар илм тилини мутахассисларгина тушунса, бадиий ижод маҳсулі кўпчиликка тақдим этилади. Бадиий тафаккур яратган дунё санъат дунёсиdir. Илм фақат инсон ақлига мурожаат қиласа, ҳақиқий санъат асари инсоннинг ҳам ақли, ҳам туйғуларини жунбушга келтиради. Шу сабабдан санъатнинг илмдан қамрови кенгроқидир. Санъаткор файласуф сингари воқеликни илмий изоҳлашга уринмайди, балки унинг муайян талқинини яратиб, уни ўзгalarга беихтиёр юқтириш йўлидан боради. Санъатнинг таъсир кучи ундаги тимсолий тафаккур қудратидандир.

Асотир (миф) билан бадиий асарнинг умумий томони — улар ҳар иккиси ҳам моҳиятни ҳаётий ёки хаёлий тимсоллар асосида англатишга уринадилар, фарқ қилувчи томони — асотирни ўз даврининг одами ҳақиқат деб қабул қиласи, санъат асарини эса инсонлар мутлақ ҳақиқат деб ўйламайди, балки ибрат мактаби сифатида тушунади. Қадим элатлар маълум муддат турли санамлар қудратига ишонганлар ва уларга топинганлар. Зевс, Аполлон, Афродита каби Олимп тоғида абадий яшайди деб тасаввур қилинган санамлар шарафига юнонлар ибодатхоналар қуриб, қурбонликлар келтирсанлар. Бадиий тимсол ҳақиқатни ўзила тўлиқ ифодалашга даъво қилмайди, фақат унга ишора қиласи. Атторнинг “Мантиқ ут-тайр”, Навоийнинг “Лисон ут-тайр” асаридаги жаҳон қушларининг афсонавий ҳукмдори Симурғ фақат бадиий тимсол, Ҳақиқат сирларига ишорадир. Фарҳод ва Ширин, Лайли ва Мажнун каби қаҳрамонлар ҳам шоир кўнглидаги муайян тасаввурларга ишора қиласи, достонларнинг бадиий мазмуни шоирнинг Борлиқ ҳақиқати ҳақидаги фикру ўйларига бизни ошно этади.

Санъат, жумладан, бадиий адабиёт ўзликни англаb етишнинг мустақил бир йўлидир. Санъат аслида ёш боланинг ўйинидан келиб чиққан нарса. Ўйин — Борлиқ ҳақиқатини ама-

лий англаб етиш – ўзлаштиришнинг илк кўриниши. Ёш бола Борлиқни англаб етиш учун ҳаётий жараёнларни ўйинда моделлаштиради.

Санъат турлари беҳисоб, уларнинг ҳар бири воқеликда мавжуд муайян имкондан фойдаланади. Ҳайкалтарош тошни “жонлантиради”, мусаввир ранглар товланишини ишга солади, мусиқа санъати қадимгилар ишончига кўра, инсон туйғуларига бевосита коинот уйғуналигини олиб кирувчи восита ҳисобланади. Аммо бадиий тафаккурнинг энг қудратли ва имкониятлари чексиз воситаси, назаримизда, бадиий сўздир.

Инсон хатти-ҳаракат, имо-ишора билан ҳам кўп нарсани тушунтира олади. Аммо барибир сўз, инсон нутқи ахборот алмашувининг бош воситасидир. Санъатни ҳам аҳли башарнинг ўзига хос ахборот алмашув воситаларидан бири деб қарасак, сўз санъати ушбу бадиият дунёсида алоҳида мавқега эгадир.

Адабиёт инсон тафаккурининг, маънавиятининг асоси ва бош озиғидир. Чунки унда ҳаёт акс этади. Аммо ўз ҳолича, кўзгудагидек эмас, балки муаллиф мақсадига бўйсунниб, унинг нигоҳи орқали сизга кўринади. Адабий асар кўз олдингиздан кечачётган айқаш-уйқаш ҳодисалар гирдобини маълум маъно тизимиға жойлаб, ундан сизнинг кўзингизга, онгингизга маъно, мазмун чиқариб беради.

Эндиғина ҳарфни ҳарфга уриштириб китоб ўқишига ўрганган беш-етти ёшли бола теварак-атрофдаги ҳаётни қандай таҳлил қилиб, тўғри хulosалар чиқара олади? Бунинг учун унга ким ёрдам беради? Албатта, биринчи навбатда, она ва отаси, опа-акалари, тарбиячилари, атроф-муҳитдаги инсонлар таъсири бўлади. Бироқ ушбу инсонлар кўрсатадиган таъсир, улар гапирадиган гаплар ўз навбатида уларнинг онг ва савия даражасига, уларнинг ўзи ҳаётни қандай тушунишига боғлиқ. Китоб эса, агар арзигулик китоб бўлса, маълум маънода, умумбашарият тажрибаси асосида ёзилган, ҳаётнинг бир қиррасини бола учун тушунарли усуlda умумбашарият маънавий олами кўзгуси орқали хайрли бир ният сари йўналтириб акс эттирган бўлади. Мана шу маънода адабиётни инсон маънавий дунёсининг шаклланишидаги илк ва озиқ восита дея оламиз. Фалсафий ва илмий дунё даҳолари ҳам одатан бадиий адабиёт йўргагида вояга етадилар.

Адабиёт ҳақида ёшлигидан китобга меҳри тушган, кигоб ичидаги одамгина гапиришга ҳақли бўлса керак. Кейинча катта бўлиб, сабаби тирикчилик, адабиётшуносликка қўл урган кишиларнинг сўзлари бу даргоҳ учун бегона сўзлардир. Улар ё ўзгалардан кўчирма қиладилар, ё чинакам адабиёт учун ёт бўлган қарашларни унга тиркамоқчи бўладилар. Бу ишларни кўра била туриб қиладиларми, ё кўркўронами, бунисининг охир-натижа учун унчалик аҳамияти йўқ.

Ёшлигидан китоб ўқишига ўргангандан одам одатда фалсафий, сиёсий, диний адабиётдан бошламайди, аввал бадиий адабиёт намуналари билан танишади. Агар бошқа бирор тур адабиёт қўлига тушганда ҳам, табиий-ки, бола тафаккури билан уни тушунишга қодир бўлмайди. Бадиий асар ундаи эмас, у етти яшардан етмиш яшаргача ҳаммага тушунарли, ҳамма ҳам ундан ўз фаҳм — фаросатига лойиқ бир ҳисса чиқара олади. Адабиёт — ибрат мактаби, меҳр парваришидир. Мумтоз адабиёт Борлиқ ҳақиқатининг ботиний жиҳатини зоҳирий тимсоллар воситасида мажозий баён этиш қудратига эга.

Санъатни, жумладан, адабиётни ўйинга қиёс қилдик. Шу маънода санъат ва адабиёт инсониятнинг болалик одатидан ривожланиб чиққан. Бола ўйнайди, ўйин орқали бола ҳаётни ўрганади. Адабиёт ҳам ўйнаб туриб ўргатади, унинг тимсоллари ҳаёт ибратларидир. Боланинг ўйини — беғараз. Катталарнинг ўйинига доимо фараз хавф солиб туради. Адабиёт ҳам шундай. Адиб ва шоир беғараз бўлса, у ҳаёт ҳақиқатини уйғун акс эттира олади. Аммо фараз аралашса, фаразли адабиёт вужудга келади. Фаразли адабиёт инсон дилига зулмат келтиради, руҳини тумланлаширади, ақлинни адаштиради. Мумтоз адабиёт беғараздир.

Адабиёт инсон руҳини Борлиқ ҳақиқати билан уйғунлаширишга интилувчи асосий воситаларданцdir. Мустақилликкача бўлган даврда илмий талқиқотлар ва дарслкларда XII—XV асрлар ўзбек адабиётидаги яхлит жараённи «дунёвий адабиёт» деб номланган тараққийпарвар йўналиш; «диний-мистик» ва «феодал-сарой» адабиётлари деб тамға босилган «реакцион» оқимларга ажратиб, уларни бир-бирига кескин қарши қўйиб келинганлиги ҳаммамизга маълум. Аммо бу атамалар давр балий тафаккури моҳиятини унинг асо-

сий бадиий мезонлар силсиласига мос ҳолда очиб берса олмади. Чунки улар аслида марксистик мафкура нуқтаи назарини ифодалаб, ушбу мафкура тарғиботчисининг дунёни идрок этиш меъёрларини ўтмиш аждодлар меросига жиддий таҳрирсиз татбиқ этишга асосланган. Шундай ёндошиш оқибатида, масалан, Алишер Навоий бадиий тафаккур олами ўз яхлитлигига тўғри талқинини топмади, сунъий равишда турли усувлар, турли услубларнинг қовушмаган йигиндисига «айланиб қолди». Натижада, шоир асарларини кенг китобхонга тақдим этиш жараёнида унинг ижодидаги баъзи жиҳатлар, боб ва қисмлар «ошиқча», «кераксиз» ҳисобланиб, тушириб қолдирилди. Масалан, «Ҳайрат ул-аброр»нинг китобхон кўзидан «яшириб» қолинган кириш боблари ва биринчи, иккинчи мақолатларида нафақат ёлғиз бу асар, балки бутун «Ҳамса», демаккӣ, шоир ижодининг асосий моҳиятини, ундаги такомил босқичлари силсиласини тўғри тушуниб олиш учун калит мавжуд эди. Уларни оммавий нашрларда қисқартириб ташлаб қолдириш билан улуғ шоир ижодининг асос моҳиятини тўғри англаш йўлига мутлақо оқлаб бўлмайдиган фовлар ташланди.

Алишер Навоийнинг дунёни бадиий идрок этиши ўзига хос мураккаб жиҳатларга эга. Агар биз унинг бадиий тафаккур моҳиятини давр истилоҳ ва тушунчаларига таянган ҳолда, уларнинг ички мазмунини тўғри тушуниб этишга жиддий интилиб, талқин ва таъриф этмасак, ўзимиз ўйлаб топган, бутунги кунга хос ёки ўзга маданият анъаналарига мосланган атамалар билан ифодалашга уринсак, улуғ даҳо қарашларини маълум даражада жўнлаштириб тушуна бошлаймиз, натижада ўз маънавий уфқларимизни муайян қолиллар доирасида чеклаб қўйиш хавфига рўбарў бўламиз. Шу сабабли Навоий фикрларини унинг ўз истилоҳларида англаб этишга уринганимиз хайрлидир.

Мавжуд адабиётшунослик фани адабиётнинг шаклини ўрганади, мазмуний моҳиятини жиддий ўрганмайди. Адабиётшунослик бадиий адабиётни ўйин сифатида ўрганади, яъни ундаги ўйин қоидаларини таҳдил этади. Албатта, адабий асар мазмунини тўғри тушунишимиз учун ундаги “ўйин қоидаларини”, яъни шаклий, услубий ўзига хосликларни тўғри англашимиз керак. Аммо, барибир, бадиий тафаккур қонуниятларини билиш, шакл ва услубни фарқлаш ҳали асар

мазмунини тўлиқ, аслига мувофиқ тушуниб етиш дегани эмас. Чунки адабиётдан ҳар бир шахс ўз ҳаётий тажрибаси, дунёқараши, тафаккур даражасига кўра, қисқаси, ўзига яраша ибрат олади. Мумтоз ўзбек адабиётини шеъриятсиз тасаввур қилиб бўлмайди. Чунки ўзбек тилида етиб келган маънавий меросимизнинг 80 фоизини шеърият ташкил этади. Она заминимизга ислом дини билан бирга араб тили ва шеърият илми ҳам кириб келди. Мадрасаларда Қуръони карим, тафсир, ҳадис илми, араб тили сарфу наҳви билан бир қаторда шеър илми – (аруз) назарияси – қонун-қоидалари ҳам ўқитиб, ёдлатилар эди. Ёд олиш эса ақлни пешлатиб чиниктирас, тинқилаштирас, тафаккурни чуқурлаштириб ойдинлаштирас ва фасоҳат билан сўзлашга асос бўларди. Қомусий олимларимизнинг деярли барчалари шеърият билан ошно бўлиб, ё шеърий қасида битганлар, ё шеърият назарияси арузга оид асарлар яратганлар. Буюк аждодларимиз адабиётшунослик фанини мустақил назарий тизим даражасига кўтарганлар.

Маълумки, ҳар бир минтақа маданиятининг ўз мезонлари бор. Улар ўша минтақа халқлари маънавий такомили жараёнида, узоқ йиллик тарихий тажриба асосида шаклланади. Жумладан, ислом минтақа адабиётининг ривожланиши мобайнида унинг ўзига хос назарий асослари ҳам яратилди. Бу анъанага мувофиқ бизда адабиёт назариясига оид бир қатор илmlар вужудга келди. Жумладан, аruz илми, қофия илми, бадиий санъатлар назарияси (илми бадеъ), илми баён, илми маъоний ва ҳ. к. Ислом минтақасида дастлаб бу илм йўналишлари араб тилидаги адабиёт тажрибасига таянган бўлса, кўп ўтмай бошқа халқлар ҳам бу соҳага ўз ҳиссаларини қўша бошлидилар. Бу ҳақдаги маълумотлар илmlар таснифига оид турли қомусий китоблар мундарижасидан жой олган.

В) Албатта барча маънавий бойликни халқ яратади. Аммо Европа илмида мумтоз (классик) санъат ва халқ ижоди (фольклор)ни фарқлаш удум бўлган. Бунинг маълум асослари ҳам бор.

Ўрта асрларда мумтоз санъат намуналари кўпроқ ҳукмдорлар ёки йирик зодагонлар, кейинча, бизнинг минтақада, тасаввув сулуклари доирасида яратилган. Аммо оддий меҳнаткаш косиблар, шаҳар аҳли, дехқонлар орасида ҳам ўзига хос санъат турлари, йўналишлари вужудга келган

бўлиб, уларни бир неча тоифага ажратиш мумкин. Биринчи йўналиш сўз санъатига оид бўлиб, халқ достонлари, термалар, турли маросим қўшиқлари, халқ қиссалари, эртаклар, афсоналар, топишмоқлар, маталлар, мақоллар ва ҳоказоларни ўз ичига олади. Буларнинг кўпчилиги халқ орасида оғзаки ижро этилган. Аммо халқ китоблари шаклида кўлёзма ҳолида тарқалган достон ва қиссалар ҳам кўп.

Иккинчи йўналиш — ижрочилик ёки халқ театри шаклида — муқаллидлик, масхабабоз-қизиқчилик, асқиябозлик, ҳофизлик, раққослик санъати, қўғирчоқ ўйинлар, дорбозлик, турли спорт ўйинлари. сеҳгарлик (кўзбойлогчилик) ва бошқалар бўлиб, булардан айниқса баҳшилар, қиссаҳонлар ижросида мусиқа, ижро ва сўз санъати чатишиб кетган.

Учинчи йўналиш-халқ амалий санъати деган умумий ном остида бирлаштиrsa бўладиган кулолчилик, мисгарлик, кандалкорлик, ёғоч ўймакорлиги, деворий нақш ишлаш, ганчкорлик, зардўзлик, каштачилик, заргарлик ва бошқа қатор санъат турлари бўлиб, уларнинг ўзига хос умумий томони бундай санъат асарларининг кўпчилиги инсон турмушида муайян амалий вазифа ҳам бажаришга мўлжалланган бўлишидадир. Халқ амалий санъати усталарининг кўпчилиги атоқли косиб-хунармандлар саналади. Бу санъатларнинг ўзига хос сир-асори, маҳорат мактаби устоз-шогирдлик шаклида асрдан-асрга ўтиб келган.

Халқ ижоди намуналари одатда турли тоифалар дид-фаросатини чархлашга, уларнинг маънавий камолотини юксалтиришга, улarda назокат, нафосат туйгуларини тарбиялашга хизмат қилади, дунёни уйғун идрок этишга ёрдам беради.

Халқ ижоди, аникрофи, халқ санъати — биз одатда унинг муаллифи халқ леб ҳисоблаймиз. Жумладан, баҳшилар ижодини оғзаки адабиётга мансуб биламиз. Аммо бундай хуласалар анча нисбий. Масалан, Эргаш Жуманбулбул — мадраса кўрган шоир, кўп асарларини ёзма ҳолда ижод этган. Асли Фозил Йўлдош, Эргаш Жуманбулбул, Ислом шоир, Пўлкан ва бошқалардан ёзиб олинган қатор достонлар ўз мазманий салмоғи ва маҳорат даражасига кўра, чинакам мумтоз асарлар даражасидадир, аммо улар ўз услугубий йўналишига кўра Навоий, Машраб, Нодира шеъриятидан кескин фарқ этади. Меъморларимиз, ганчкор ва ўймакорларимиз, наққош, кан-

дакор ва заргарларимиз, кошинкор ва мусаввирларимиз яратган асарлар ҳар бири жаҳон аҳлини ҳануз ҳайратга солиб келаётган мўъжизалар эмасми? Қодиржон Ҳайдаров, Уста Ширин каби ўймакор ва ганчкорлар, Тўйчи Ҳофиз ва Юсуф қизиқ Шакаржоновлар ҳақли равишда ҳалқ санъатининг буюк намояндалари ҳисобланади. Уларнинг ижоди, яратган асарлари қўпи мумтоз санъат даражасидadir. Албатта, ҳалқ ижоди алоҳида соҳа. Аммо миллий мумтоз санъатларимизни ҳалқ ижоди билан қиёслаб кўрган одам улар орасидаги мурраккаб нисбатларни жиҳдий ўрганиш зарурлиги сезмай иложи йўқ.

Муайян асарни муайян шахс яратади. Аммо бизнинг минтақа анъанасида муаллифлик мутлақ тушунча эмас. Бизда ҳар бир муаллиф мутлақо янгича услугуб, янги йўналиш, янги мавзу ва янги қаҳрамонлар яратишга ортиқча уринмайди. Китобхон ҳам ундан буни кутмайди. Амир Хусрав 9 та достон ёзган. Ундан 4 таси мутлақо мустақил мавзуларда яратилган. Аммо кўпчилик минтақа ҳалқлари орасида бу буюк ҳинд шоири Низомийга жавобан ёзилган “Ҳамса” муаллифи сифатида шуҳрат қозонди, унинг мустақил мавзудаги асарлари унчалик эл оғзига тушмади. Улардан фақат бири – “Дўвалрони ва Хизрхон” машҳур бўлди – сабаби, қаҳрамонлари янги бўлса ҳам, мавзу йўналиши анъанавий (Фарҳод ва Ширин”, “Лайли ва Мажнун”. “Вомиқ ва Узро” каби ишқий мавзуда) эди. Анъанавийлик, албатта мумтоз адабиётда ўзига хос шаклда, ҳалқ адабиётида – бошқачароқ наамоён бўлади. Аммо улар орасида зиддият, ўтиб бўлмас жарлик йўқ. Бу ердаги асосий фарқлар муаллиф қайси доира, қайси тоифага мансублиги, асар кимга мўлжаллаб яратилганлиги ва қай даражада теранлиги, қандай шароитда ижро этилиши ва бошқа омилларга боғлиқ. Масалан, тасаввуф шеърияти. Яссавий мактабида яратилган ҳикматлар кўп жиҳатдан мумтоз шеърият намуналаридан кўра ҳалқ шеъриятига яқин туради. Сўфи Оллоёр ҳам, Машраб ҳам тасаввуф адабиёти вакиллари. Аммо Машраб шеърияти билан Сўфи Оллоёр назми орасида Борлиқ моҳиятини англаб етиш, мазмуний теранликда жуда сезиларли фарқ бор. Биз ҳар иккисининг меросини ҳам ёзма адабиётга тааллуқли деб биламиз. Аслида Машраб кўпроқ фил-бадиҳа, оғзаки ижод этган. Шунга қарамай, унинг ижоди мумтоз шеърият саналади,

Сўфи Оллоёр ижоди ҳақида бундай қатъий хукм чиқариш қийин.

Г) Халқ бадиий тафаккурининг анъанавийлик энг кучли намоён бўладиган, энг кам ўзгаришга учрайдиган шакли халқ урф-одатлари ва маросимларидир. Маросимлар масаласида биз учун муҳим жиҳат халқ онгидаги асотир унсурлари ва бадиий тафаккур нисбати бўлиб, баъзи тадқиқотларда халқ асотирлари ва асотир маросимлар билан халқ ижоди (яъни халқ санъаткорлиги)ни аралаштириб юбориш ҳолатлари учрамоқда. Албатта, халқ ижоди асотир (миф) ва маросимларга яқин туради, хатто маросим фольклори деган алоҳида тушунча бор, дарҳақиқат, халқ маросимларида бадиий ижод унсурлари учрайди. Аммо асотир бошқа, маросим бошқа, халқ бадиий ижоди яна алоҳида ҳодисалардир. Уларни бир-биридан фарқламоқ лозим. Бадиий ижод — ўйин, у шартли, рамзий ва тимсолийдир. Асотирда ҳам рамз бор, шартлилик, тимсолийлик мавжуд. Аммо асотир ўйин эмас, у жиддий нарса, асотир билан ҳазиллашиб бўлмайди. Халқ маросимлари икки тоифага бўлинади: бири — асотир маросимлар (мифологик ритуаллар), иккинчиси — анъанавий урф-одатлар, кўпроқ этикетга оид маросимлар, эл орасида қабул қилинган расм-русумлар. Албатта, келиб чиқишига кўра, бу икки тур маросимлар орасида боғланиш бўлиши мумкин, аммо уларнинг турмушдаги вазифаси (функционал йўналиши) жиддий фарқ қиласи. Асотир маросим, масалан, ўзбеклардаги ёмғир чақириш нияти билан боғлиқ “Суст хотин” (ёки “Сув хотин”) маросими ўз даврида дехқон учун ҳаёт-мамот масаласи бўлган ва бунинг бадиий ижодга алоқаси йўқ. Ҳозир уни халқ томошаси сифатида бадиийлаштириб ижро этилса, мақсад бутқул ўзгаради. Бадиий ижод ибратга асосланади, асосан тарбиявий мақсадни кўзлайди, асотир маросим эса бевосита амалий натижалар кутиш билан боғлиқ.

Даволаш билан боғлиқ маросимлар — кинна, кўчириқ (бадик), авраш кабилар ҳам асотир маросимга оидdir. Улардан ҳам мақсад — амалий, яъни bemорга шифо баҳш этишdir. Бундай маросимларнинг ўз матнлари ҳам бор, уларнинг бадиийлик даражаси ҳар хил — аммо бадиийлик бу матнлар учун қўшимча таъсир қуввати нуқтаи назаридан эътиборга олинади, холос. Ибрат вазифаси бу ҳолатларда мавжуд эмас.

Албатта, уларни ҳам ҳалқ ижоди сифатида ўрганиш мумкин, аммо асл моҳият бошқа эканлиги ёдда турмоғи зарур.

Баъзан никоҳ маросимлари, мотам маросимларида ҳам асотир унсурлари учраб туради. Аммо ҳалқ орасида бугунги кунда мавжуд бўлган кўп маросимлар ва улар билан боғлиқ матнлар эстетик тарбия воситасига айлангандир. Уларни шу жиҳатдан нақш (орнамент) санъатига қиёс этиш мумкин. Биз уйларимизни турли нақш-тасвиirlар билан безаган сингари ҳаётимиздаги турли ўзгариш воқеа-ҳодисаларни ҳам миллий урф-одатлар, маросимлар билан бойитиб, уларнинг аҳамиятини таъкид этамиз, турли рамзу ишоралар билан тарбиявий куч бағишлишга интиламиз. Катталар ёшларга сўз билан, рамзий хатти-ҳаракатлар билан таълим беришга, ўйин билан ўргатишга уринадилар. “Ўйин билан ўргатиш” айни бадиийликдир, “адабиёт” сўзининг ўзагида “адаб” ётганидек, бугунги турли миллий маросимларимиз замирида яхшилик ибрати яшириндир. Маросимларимиз маънавияти айни шу эзгулик ибратида, шу жиҳати бўлмаса, қолганларининг деярли маънавиятга алоқаси йўқ.

3. Қуръони каримнинг “Нур” сураси 35-оятида “Аллоҳ осмонлар ва ернинг “нури”дир”, деб ҳидоят этилган. Кимнинг дил кўзгуси ушбу нур ила мунаvvар этилган бўлса, ўша инсон маънавиятлидир. Бир содда моддиюнчи “Маънавият инсон қалбida акс этган илоҳий нурдир” деган таърифни маҳкам ушлаб “маънавият — нур” бўладиган бўлса, “нур” моддий нарса, демак, маънавият ҳам моддий экан, деб туриб олса нима бўлади? Инсон тили ва тафаккурининг ожизлиги шундай ўринларда билинади. Ахир, илоҳий китобнинг юқорида келтирилган жумлалари Аллоҳ ҳақиқатига ишора, рамз-ку!

“Нур” бу ўринда илмий атама эмас, рамзий тимсол. Аллоҳ ҳақиқати беҳудуд, инсон онги ва тасаввурлари эса чекли. Шу сабабли, Тавҳид ҳақиқатига фақат ишора қилиш мумкин, таъриф бериб бўлмайди. Инсон илми чекловчи илмдир. Ҳақ илми — чегарасиз. Шундай экан, биз ожиз бандалар маънавият назарияси ҳақида нима ҳам дея олардик? Фақат баязи нисбатлар, рамз ва ишоралар билан чекланишга тўғри келади.

Маъно Аллоҳга тегишилидир. Борлиқнинг маъноси Аллоҳ ҳақиқатидан ўзга эмасдир. Уни Ҳақ дерлар. Маънавият эса

инсон кўнглида Ҳақ нурининг акс этишидир. Шу сабабли маънавият Борлиқ янглиф бепоён. Инсон ақли бу бепоёнликни қамраб ола биладими? Даҳриёна тафаккурнинг энг ожиз томони шуки, инсон ақлининг ноқислиги аниқ-равшан бўла туриб, такаббурликка берилади, “дунёга ёлғиз ўзим хўжайинман” демоқчи бўлади. Биз инсонларнинг дахрийлигимиз ҳам, бутпастлигимиз ҳам ақлимизнинг ноқислиги, тахайюлимизнинг ожизлигидандир.

Юқорида бошланиши эсга олинган оят хулосасида “Аллоҳ ўзининг (бу) нурига ўзи хоҳлаган кишиларни ҳидоят қилур” деб иноят этилган. Демак, ихтиёр Ўзида, бизда эмас. Буни тақдир дейдилар. Инсон зотининг барча хатти-ҳаракати эса тадбир холос. Тадбир амалга оширилади, аммо мақсад қўлга кирадими, йўқми, инсон олдиндан башорат эта олмайди. Нима қилиш керак? Нажот қаерда?

Алишер Навоийнинг буюк “Хамса”си ибрат ва ишоратлар қомусидир. Унинг биринчи достони “Ҳайрат ул-аброр” нинг биринчи боби (“совет” даврида бу боб кўпчилик нашрларда тушириб қолдирилган) “Бисмиллоҳир раҳмонир раҳим” илоҳий калимасининг мажозий шарҳига бағишлиланган. Унда бу табаррук калиманинг ҳар бир ҳарфига икки карра бадиий шарҳ берилган. Нега икки карра? Чунки биринчи шарҳ — “аҳли қабул” учун, иккинчиси “аҳли рад” учун.

*“Қилгувчи бу бодия қатъига майл,
Аҳли қабулу рад эрур икки хайл”.*¹⁴⁸

Инсон учун имтиҳон майдони бўлмиш бу дунё ҳаётига қадам қўйган ҳар бир шахс ўзига икки йўлдан бирини танлайди — инсоф ва диёнат, сабр ва ризолик, ҳалоллик ва меҳр йўлини ёки норизолик ва бадбинлик, хиёнат ва худбинлик, ҳаром ва қаҳр йўлини. Бири — адолат ва нурга, иккинчиси — залолат ва зулматга бошлайди. Ҳар биримизнинг Аллоҳдан тилагимиз саодатманд тақдир эрур. Аммо зулму зулмат сари қадам босиб, келажакдан яна нуру ёғду умид этсак, ўзимиз ҳаётда хиёнат ва каззобликни шиор қилиб, Аллоҳдан раҳмату шафоат кутсак, Яратганинг адолатига шак келтирган, ҳатто туҳмат этган бўлмаймизми?

Инсон ўз тақдирини олдиндан билмайди. Шундай экан,

ким “аҳли қабул” бўлса, ўзгаларга меҳру савобни раво кўрса, ҳаётга яхшилик умиди билан қараса, эл-юрт олдида, инсонлар олдида, Ҳақ олдида ўзини масъул билиб, шунга мувофиқ фаолият кўрсатса, унинг тақдиди ҳам хайрли тадбирига мувофиқ бўлиб чиқса, не ажаб.

Агар ким ҳаётдан, ўзгалардан доим норизо бўлса, дилини худбинлик чирки қошлиб, бирорвага яхшилик раво кўришга оғриниб турса, ўзбекнинг аччиқ маталига биноан “келтир менга, йўқдир сенга” шиорини байроқ қилиб, фақат ўз нафсини кўзласа, инсоф ва диёнатни ёлғон ва хиёнатга тамом алмаштириб олган бўлса, унинг барча тадбирлари охири бориб пуч бўлиб чиқса, ишонгандлари саробга айланса, ушбу тақдиди ниятига, тадбирига яраша бўлмайдими?

Яна бир мулоҳаза:

Агар бу дунёда қылган гуноҳларингиз, йўл қўйган хатоларингиз учун шу дунёда жазо олсангиз, ажрини тортсангиз, Аллоҳга минг шукр этинг-ки, ўзи сизга иноят этипти, сиздан раҳматини дариф тутмапти. Аммо гуноҳ устига гуноҳ, хиёнат устига хиёнат, ёвузлик устига ёвузликни кимки қалаштириб ташлаётган бўлса-ю, ишлари кундан-кунга “ривож олиб”, омади “олға босиб” кетаётгандек кўринса, ундей зулмат бандаси Аллоҳдан кўрксин, тақдиди олдида титроққа тушсин-ки, Ҳақ ундан тамом юз ўгирган, охирати буткул куйиб кетмаганимкан? Инсон умид билан яшайди. Аммо ўз умидига мувофиқ яшаса, эзгулик сари йўналган тадбирни ният қилса ва шу йўлда событқадам бўлса, иншолоҳ, зарар кўрмагай. Яна Аллоҳ билгувчироқдир.

Валлоҳ аълам биссавоб.

Таянч иборалар: Ҳақ асрори — сеҳрли тилсим, инсон маънавияти файбга туташ, инсон ақли ҳам, руҳияти ҳам адашувлардан холи эмас, кўрлар тўдаси ва фил ҳақида ривоят, ўзгани тушунишга интилмоқ — маънавият йўли, турли миллатлар маънавиятининг ўзаро нисбати, ягона Ҳақиқатнинг турли қирралари, Борлиқ ҳақиқати — макон ва замонда худудсиз, фикрлаш маданияти, “ҳақиқат барчаси илмдир”, мантиқий тафаккур қонунлари, илоҳий билим ва инсоний билимлар, ирфоний билим, нақлий билимлар ва ақлий билимлар, Борлиқни моделлаштириш, тажрибавий билим, инсоннинг моддий эҳтиёжларини таъминлашга қаратилган

билимлар, ижтимоий-сиёсий билимлар, маънавий тарбия воситалари, бадиий тафаккур — Борлиқ ҳақиқати ҳақида уйғун тасаввур ҳосил қилиш воситаси, адабиёт инсон тафаккури ва маънавиятининг бош озиги, ибрат мактаби, меҳр парвариши, Алишер Навоий бадиий тафаккур олами талқинлари, маънавий уфқуларимизни муайян қолиллар доирасида чекланиб қолиш хавфи, ҳар бир минтақа маданиятининг ўз мезонлари, мумтоз санъат ва халқ ижоди, маросим қўшиклари, халқ китоблари, халқ тамошалари, халқ амалий санъати, устоз-шогирдлик анъаналари — маҳорат мактаби, минтақамиз анъанасида муаллифлик тушунчасининг нисбийлиги, халқ маросимларида бадиий ижод унсурлари, халқ маросимларининг икки тоифаси, маросим ва нақш (орнамент) санъати, яхшилик ибрати, “нур” — рамзий тимсол, маъно Аллоҳга тегишли, тақдир ва тадбир, Борлиқ ҳақиқатига ёндошув: “аҳли қабул” ва “аҳли рад”.

Тавсия этилувчи ва фойдаланилган адабиётлар рўйхати:

Асосий адабиёт:

1. Қуръони карим (Абдулазиз Мансур таржимаси). Т., 2001.
2. Ином Бухорий. Жомеъ ас-саҳиҳ. 1—4-жиллар, Т., 1990—1995.
3. Каримов И. А. Озод ва обод Ватан, эркин ва фаровон ҳаёт — пиравард мақсадимиз. 8-жилд. Т. — “Ўзбекистон” — 2000, с. 68—71.
4. Каримов И. А. Биз келажагимизни ўз қўлимиз билан қурамиз. 7-жилд. Т. — “Ўзбекистон” — 1999, с. 236—247.
5. Каримов И.А. Истиқдол ва маънавият. Т., 1994.
6. Каримов И.А. Маънавий юксалиш йўлида. Т., 1998.
7. Каримов И.А. Ўзбекистон: миллий истиқдол, иқтисод, сиёsat, мафкура. 1-жилд. Т. — “Ўзбекистон” — 1996, с. 76—85.
8. Каримов И. А. Биздан озод ва обод Ватан қолсин. 2-жилд. Т. — “Ўзбекистон” — 1996, с. 76—82, 249—264.
9. Каримов И. А. Ватан саждагоҳ каби муқаддасдир. 3-жилд. Т. — “Ўзбекистон” — 1996, с. 3—12, 60—69.
10. Каримов И. А. Бунёдкорлик йўлидан. 4-жилд. Т. -“Ўзбекистон” — 1996, с. 85—91, 117—131.

11. Алишер Навоий. Лисон ут-тайр. Т., 1991.
12. Алишер Навоий. Асарлар. 15-жилд, Т., 1968.
13. Азизиддин Насафий. Зубдатул-ҳақойиқ. Т., 1995.
14. Иброҳимов А., Султонов Х., Жўраев А. Ватан туйғуси. Т., 1996.
15. Маънавият — масъулиқ. 1-китоб (Маънавият нашрлари. Республика «Маънавият ва маърифат» маркази). Т., 1997. Т., 1997.
16. Маънавиятнинг ойдин йўли. 2-китоб (Маънавият нашрлари. Республика «Маънавият ва маърифат» жамоатчилик маркази). Т., 1997.

Кўшимча адабиёт:

17. Усманов Р. Саодатнома. Т., 1995.
18. Файбуллоҳ ас-Салом. Эй умри азиз. Т., 1997.
19. Файбуллоҳ ас-Салом. Эзгуликка чоғлан, одамзод. Т., 1997.
20. Саттор М. Ўзбек удумлари. Т., 1993.
21. Давлат, жамият, оила ва ёшлар тарбияси муаммолари. Т., 1997
22. Имомназаров М. С. Миллий маънавиятимизнинг та-комил босқичлари. Т., 1996.
23. Имомназаров М. С. Миллий маънавиятимиз назария-сига чизгилар. Т., 1998.

ИЗОХЛАР

¹ Куръони карим. Т., 2001. (Иқтибослар Абдулазиз Мансур таржимаси асосида берилди. Фақат баъзи маҳсус эслатилган ўринларда ушбу таржимадан четга чиқилди.)

² И. Каримов. Ўзбекистон: миллий истиқол, иқтисод, сиёсат, мафкура. 1-жилд, Т. — “Ўзбекистон” — 1996, с. 245 (Кейинги саҳифаларда шу китоб қисқартирилган ҳолда — И. Каримов. Асарлар. 1-жилд — деб саҳифаси билан кўрсатилади. И. Каримов асарларининг бошқа жиллари ҳам шу тартибда берилади)

³ И. Каримов. Ватан саждагоҳ каби муқаддасдир. 3-жилд, Т. — “Ўзбекистон” — 1996, с. 7.

⁴ И. Каримов. Асарлар. 1-жилд, с. 359.

⁵ И. Каримов. Истиқол ва маънавият. Т. — “Ўзбекистон” — 1994, с. 65.

⁶ И. Каримов. Асарлар. 1-жилд, с. 76—85.

⁷ И. Каримов. Асарлар. 3-жилд, с. 6.

⁸ Ўша китоб, с. 33—42.

⁹ Ўша китоб, с. 34.

¹⁰ Ўша китоб, с. 7.

¹¹ И. Каримов. Маънавий юксалиш йўлида. Т. -“Ўзбекистон”-1998 (И. Каримов. На пути духовного Возрождения. Т. -“Ўзбекистон”-1997).

¹² И. Каримов. Биз келажагимизни ўз қўлимиз билан курамиз. 7-жилд. Т. -“Ўзбекистон” — 1999, с. 89.

¹³ И. Каримов. Озод ва обод Ватан, эркин ва фаровон ҳаёт — пировард мақсадимиз. 8-жилд. Т. — “Ўзбекистон” — 2000, с. 495—496.

¹⁴ И. Каримов. Асарлар. 1-жилд, с. 107.

¹⁵ Ўша китоб, с. 107.

¹⁶ Ўзбекистон Конституцияси, Т. — “Ўзбекистон” — 1992, с. 11.

¹⁷ И. Каримов. Асарлар. 8-жилд, с. 467.

¹⁸ Ўша китоб, с. 467.

- ¹⁹ Ўша китоб, с. 502.
- ²⁰ И. Каримов. Биздан озод ва обод Ватан қолсин. 2-жилд. Т. — “Ўзбекистон” — 1996, с. 260.
- ²¹ И. Каримов. Асарлар. 8-жилд, с. 466.
- ²² И. Каримов. Асарлар. 2-жилд, с. 3.
- ²³ И. Каримов. Асарлар. 1-жилд, с. 277.
- ²⁴ И. Каримов. Асарлар, 2-жилд, с. 13.
- ²⁵ И. Каримов. Ўша китоб, с. 93—94.
- ²⁶ И. Каримов. Хавфсиэлик ва барқарор тараққиёт йўлида. 6-жилд. Т. — “Ўзбекистон”— 1998, с. 31.
- ²⁷ И. Каримов. Асарлар. 6-жилд, с. 41.
- ²⁸ И. Каримов. Бунёдкорлик йўлидан. 4-жилд. Т. — “Ўзбекистон” — 1996, с. 62.
- ²⁹ И. Каримов. Ўша китоб, с. 62.
- ³⁰ И. Каримов. Ўша китоб, с. 61.
- ³¹ И. Каримов. Ўша китоб, с. 80.
- ³² И. Каримов. Ўша китоб, с. 69.
- ³³ Ўша китоб, с. 204.
- ³⁴ Ислом Каримов. Асарлар. 3-жилд, с. 354.
- ³⁵ Э. Юсупов. Инсон камолотининг маънавий асослари. Т. -“Университет”-1998, с. 5.
- ³⁶ И. Каримов. Асарлар. 1-жилд, с. 81.
- ³⁷ И. Каримов. Асарлар. 7-жилд, с. 381.
- ³⁸ И. Каримов. Асарлар. 1-жилд, с. 81.
- ³⁹ И. Каримов. Асарлар. 3-жилд, с. 35.
- ⁴⁰ И. Каримов. Асарлар. 1-жилд, с. 76.
- ⁴¹ И. Каримов. Асарлар. 7-жилд, с. 381.
- ⁴² И. Каримов. Асарлар. 1-жилд, с. 26.
- ⁴³ И. Каримов. Асарлар. 7-жилд, с. 352.
- ⁴⁴ И. Каримов. Ўша китоб, с. 350.
- ⁴⁵ И. Каримов. Асарлар. 3-жилд, с. 41.
- ⁴⁶ И. Каримов. Асарлар. 7-жилд, с. 352.
- ⁴⁷ И. Каримов. Ўша китоб, с. 351.
- ⁴⁸ И. Каримов. Асарлар. 4-жилд, с. 79.
- ⁴⁹ И. Каримов. Асарлар. 3-жилд, с. 40.
- ⁵⁰ Алишер Навоий. Лисон ут-тайр. Т. 1991, с. 191.
- ⁵¹ Амир Хусрау Дихлави. Ширин и Хусрау. М. — “Наука” — 1979, с. 40.

⁵² Ислам Каримов. Истиқлол ва маънавият. Т. -“Ўзбекистон” — 1994, с. 65—66.

⁵³ Ўша китоб, с. 100.

⁵⁴ пухта, мукаммал, губор тегмаган.

⁵⁵ Қимматбаҳо металларнинг саралигини аниқловчи минерал жисм “маҳақ тоши” деб аталади.

⁵⁶ И. Каримов. Асарлар. 4-жилд, с. 332.

⁵⁷ И. Каримов. Асарлар. 1-жилд, с. 12.

⁵⁸ И. Каримов. Асарлар. 8-жилд, с. 504—505.

⁵⁹ Ж. Туленов, З. Фофуров. Фалсафа. Т. — “Ўқитувчи” — 1997, с. 133—134.

⁶⁰ Ўша китоб, с. 134.

⁶¹ Азизуддин Насафий. Зубдат ул-ҳақойиқ. Т. — “Камалак” — 1995, с. 40.

⁶² И. Каримов. Асарлар. 7-жилд, с. 381.

⁶³ Алишер Навоий. Мукаммал асарлар тўплами. 8-жилд. Т. — “Фан” — 1991, с. 125.

⁶⁴ Брагинский И. С. Из истории таджикской и персидской литературы. М. — “Наука” — 1972, с. 50-51

⁶⁵ А. Қаюмов. Қадимият обидалари. Т. 1972, с. 134 (Матн таржимаси баъзи ўзгаришлар билан берилмоқда)

⁶⁶ Ўша китоб, с. 137

⁶⁷ Ўша китоб, с. 139-140

⁶⁸ Ал-Бухорий. Ҳадис (“Ал-жомиъ ас-саҳиҳ“). 3-жилд. Т., 1995, с. 421.

⁶⁹ Адаб Аҳмад Юғнакийнинг яшаган даври ҳақида фанда баҳсли фикрлар мавжуд. Аммо биз бу борада Навоий келтирган нақлни рад этишга арзигулик жиддий далил-исботни учратмадик.

⁷⁰ Григорян С. Н. Из истории философии Средней Азии и Ирана. М. -“Наука”-1960, с. 217 (Ғаззолийнинг ҳар бир гурӯҳга берган қисқача таърифларини тушириб қолдирилган — муаллифлар)

⁷¹ Морочник С. Б., Розенфельд Б. А. Омар Хайям. Поэт, мыслитель, ученый. Сталинабад, 1957, с. 207-208

⁷² Серебряков С. Б. Трактат Ибн Сины (Авиценны) о любви. Тбилиси, 1976, с. 47-68

⁷³ Абу Хамид ал-Газали. Воскрешение наук о вере. М. -“Наука”-1980, с. 238.

* Фаззолий қараашларининг миңтақа маънавиятида бурилиш нуқтаси бўлганлиги жаҳон тадқиқотчиларининг ишларида ҳам алоҳида қайд этилади. Масалан: Г. Э. Фон Грюнебаум, “Классический ислам”, М., 1988, с. 146-147; Дж. С. Тримингэм, “Суфийские ордена в исламе”, М., 1989, с. 21; “Ислам”, Энциклопедический словарь, М., 1991, с. 229

⁷⁴ Абул Муҳсин Муҳаммад Боқир ибн Муҳаммад Али. Баҳоуддин Балогардон (Мақомоти Хожа Баҳоуддин Накшбанд). Т. — “Ёзувчи” — 1993, с. 47

⁷⁵ Ўша китоб, с. 38

⁷⁶ Олимнинг “Мирсад ул-ибод мин ал-мабдаъ илал-маод” асари форс тилида ёзилган бўлиб, XIX асрда Хоразмда Муҳаммад Раҳимхон II (Фируз) топшириғига биноан ўзбек тилига ўтирилганлиги маълум. Ушбу асар қўлёзмалари ЎзФА Абу Райхон Беруний номидаги Шарқшунослик институтида сақланади. Эронда бу асар нашр этилган, аммо бизда бу асар ҳақида ҳануз маҳсус тадқиқотлар ҳам, асар таржималари ҳам эълон қилинмаган. Фақат “Соғлом авлод учун” журнали 1996 йил 1-сонида Нажмиддин Доя ҳақида дастлабки мақола эълон қилинди (с. 40-43)

⁷⁷ Алишер Навоий. Муқаммал асарлар тўплами. 14-жилд. Т. -“Фан”-1998, с. 24

⁷⁸ Ўша китоб, с. 25

⁷⁹ Алишер Навоий. Асарлар. 13-жилд. Т., 1966, с. 191

⁸⁰ Бертельс. Б. Э. Ибранные труды. Низами и Фузули. М. -“Наука”-1962, с. 174.

⁸¹ Ўша асар с. 177.

⁸² Ситтайи Фаридиддин Аттор (ЎзФА Шарқшунослик институти қўлёзмалар хазинаси, инвентар №813), 17а-варап.

⁸³ Алишер Навоий. Асарлар. 15-жилд. Т., 1968, с. 166

⁸⁴ Алишер Навоий. Ҳамса. Т., 1960, с. 447

⁸⁵ Ўша асар. С. 219

⁸⁶ Алишер Навоий. Асарлар. 13-жилд. Т., 1966 с. 42

⁸⁷ Алишер Навоий. Маҳбуб ул-қулуб, Т., 1983, с. 51-52

⁸⁸ Алишер Навоий. Асарлар 13-ж., с. 42.

⁸⁹ Алишер Навоий. Маҳбуб ул-қулуб, с. 52

⁹⁰ Алишер Навоий. Асарлар, 14-жилд. 1967, с. 46-47

⁹¹ Алишер Навоий. Муқаммал асарлар тўплами., 14-ж. Т., 1998, с. 70

⁹² Алишер Навоий. Маҳбуб ул-қулуб. 1983, с. 54. (Ушбу учинчи ишқ таърифи мустақил қарамлик даврида оммавий нашрларда тушириб қолдирдилар ва фақат араб ёзуvida бо- силган йифма нусхадагина мавжуд. Биз уни тушунарли бўли- ши учун фақат насрий баёнда ифода этдик — муаллифлар.)

⁹³ Алишер Навоий. Муқаммал асарлар тўплами. 6-ж. Т. 1990, с. 512—513.

⁹⁴ Алишер Навоий. Муқаммал асарлар тўплами. 15-ж. Т., 1999, с. 116.

⁹⁵ Алишер Навоий. Муқаммал асарлар тўплами. 1-ж. Т., 1987, с. 29.

⁹⁶ Ўша китоб, с. 601

⁹⁷ Ўша китоб, с. 602

⁹⁸ Ўша китоб, с. 603

⁹⁹ Низомий Ганҷавий. Куллиёт. 5-жилд. Душанбе — “Ир- фон” — 1984, с. 256

¹⁰⁰ Ўша китоб, с. 281

¹⁰¹ Амир Хусрау Дихлави. Ширин и Хусрау. М. — “Наука” — 1979, с. 40

¹⁰² Ўша китоб, с. 40

¹⁰³ Амир Хусрави Дехлави. Дувалроний ва Хизрхон. Душанбе — “Дониш” — 1975, с. 224

¹⁰⁴ Алишер Навоий. Муқаммал асарлар тўплами. 11-жилд. Т. — “Фан” — 1993, с. 34-39

¹⁰⁵ Алишер Навоий. Муқаммал асарлар тўплами. 7-ж. Т., 1991, с. 11

¹⁰⁶ Ўша китоб, с. 15

¹⁰⁷ Ўша китоб, с. 100

¹⁰⁸ Ўша китоб, с. 100-101

¹⁰⁹ Ўша китоб, с. 118-120

¹¹⁰ А. Қаюмов. “Садди Искандарий”. Т., 1975, с. 49-56

¹¹¹ Алишер Навоий. Муқаммал асарлар тўплами. 16-жилд. Т. -“Фан”-2000, с. 26

¹¹² Бертельс Е. Э. Избранные труды. Суфизм и суфийская литература. М. — “Наука” — 1965, с. 419

¹¹³ Алишер Навоий. Лисон ут-тайр. Т., 1991, с. 83.

¹¹⁴ Ситтаи Фаририддин Аттор (қўлёзма), 72 б-варақ.

¹¹⁵ Ўша китоб, с. 238

¹¹⁶ Ўша китоб, с. 238

¹¹⁷ Бертельс Е. Э. Избранные труды. Навои и Джами. М., 1965, с. 447-449

¹¹⁸ Алишер Навоий. Хазойин ул-маоний, 3-жилд. Т., 1960, с. 621

* Ибн Рўшд номи лотинча таржималарда Аверроэс бўлиб жаранглаган.

¹¹⁹ Ўзбек адабиёти тарихи. III-жилд. Т. — “Фан” — 1978, с. 224

¹²⁰ Ўша китоб, с. 222

¹²¹ Ўша китоб, с. 228

¹²² Ш. Ризаев. Жадид драмаси. Т., 1997, с. 46 (Ушбу мавзу матни Ш. Ризаев китоби материаллари асосида тайёрланди)

¹²³ Алишер Навоий. Лисон ут-тайр. Т., 1991, с. 198

¹²⁴ А. Қаюмов. Қадимият обидалари. Т. 1972, с. 139

¹²⁵ Ислом Каримов. Асарлар. 7-жилд, с. 86

¹²⁶ Алишер Навоий. Лисон ут-тайр. Т., 1991 с. 19 (Насрий баён муаллифи Ш. Шарипов)

¹²⁷ Азизиддин Насафий. Зубдатул ҳақойиқ. Т. — “Камалак” — 1995, с. 36

¹²⁸ Рабғузий, Қисаси Рабғузий, 1-китоб, Т. — “Ёзувчи” — 1990, с. 20

¹²⁹ Алишер Навоий. Лисон ут-тайр. Т., 1991, с. 19.

¹³⁰ Муҳаммад Боқир. Баҳовуддин Балогардон (Мақомоти Хожа Баҳоуддин Нақшбанд). Т. — “Ёзувчи” — 1993, с. 55

¹³¹ Ислом Каримов. Асарлар. 1-жилд, с. 81

¹³² Ал-Фараби. Философские трактаты. Алма-ата, 1972, с. 303 (Ўзбекча нашрда айни шу боб ва яна бир қатор боблар тушиб қолган).

¹³³ Ал-Фараби. Философские трактаты. Алма-ата, 1972, с. 305

¹³⁴ Ўзбекистон конституцияси. Т. 1992, с. 10

¹³⁵ И.А.Каримов. Асарлар. 6-жилд. Т., 1998, с.261.

¹³⁶ Алишер Навоий. Муқаммал асарлар тўплами. 14-жилд, 1998, с. 34

¹³⁷ Ал-Фараби. Философские трактаты. Алма-ата, 1972, с. 305-306

¹³⁸ Алишер Навоий. Муқаммал асарлар тўплами. 14-ж., Т. 1998, с. 37

¹³⁹ Алишер Навоий. Ўша китоб, с. 46

¹⁴⁰ Алишер Навоий, Ўша китоб, с. 35

¹⁴¹ Алишер Навоий. Муқаммал асарлар тўплами. 15-жилд, с. 68

¹⁴² А. Платонов. Чевенгур. М., 1991, с. 274.

¹⁴³ Алишер Навоий. Лисон ут-тайр, с. 198

¹⁴⁴ Ислам Каримов. Истиқдол ва маънавият. Т. — “Ўзбекистон” — 1994, с. 112

¹⁴⁵ И. Каримов. Асарлар. 1-жилд, с. 81

¹⁴⁶ Алишер Навоий. Лисон ут-тайр. Т., 1991, с. 402 (насрый байён муаллифи Ш. Шарипов)

¹⁴⁷ Алишер Навоий. Асарлар. 15-жилд. 1968, с. 96

¹⁴⁸ Алишер Навоий. Муқаммал асарлар тўплами. 7-жилд. Т., 1991, с. 12

Жадваллар

1. МАЪНДИЯТ НИМА?

(Маънавиятнинг турли нуқтаи назардан таърифлари)

A) Маънавият – иқтидор, яратувчилик қуввати сифатида (И.А.Каримов таърифи)	<i>“Маънавият – Инсоннинг, Халқнинг, Жамиятнинг, Давлатнинг куч-қудратидир.”</i>
Б) Маънавиятнинг қудратини изоҳловчи таъриф (И.А. Каримов таърифи)	<i>“Маънавият... — инсонни руҳий покланиш ва юксалишига даъват этадиган, инсон ички оламини бойитадиган, унинг имон-иродасини, эътиқодини мустаҳкамладиган, виждонини уйютадиган қудратли ботиний куч...”</i>
В) Маънавий камолотга жараён сифатида ёндошув (Пайғамбаримизнинг “Ўзини англаб етган Роббини англаб етади” ҳадисларига мувофиқ)	<i>Маънавият – ўзликни аглаш.</i>
Г) Маънавиятнинг аждодларимиз меросида акс этган рамзий (тасаввуфий) таърифи	<i>Маънавият – Ҳақиқат нурининг инсон ҷалбида акс этиши.</i>
Д) Маънавиятнинг илмий таърифи (маънавият – маърифат йўлларининг ниҳоий ҳулосаси сифатида)	<i>Маънавият – инсон руҳидаги Борлиқ ҳақиқати билан уйғуллик.</i>
Е) Маънавиятга диний нуқтаи назардан берилган таъриф	<i>Маънавият – дунёвий ва ухравий мақсадларнинг уйғуллиги.</i>

**2. ШАХС МАЊНАВИЯТИНИНГ ТАКОМИЛ
БОСҚИЧЛАРИ ЁКИ МАЃРИФАТ ЙЎЛЛАРИ:**

Ибрат,

Илм,

Риёзат,

Мехр

**3. ҲАҚИҚАТНИ АНГЛАБ ЕТИШ БОСҚИЧЛАРИ
ЁКИ БОШ МАЊНАВИЙ ҚАДРИЯТЛАР:**

Ватан,

Шахс,

Миллат,

Адолат,

Ҳақиқат

4. ИСЛОМГАЧА МИЛЛИЙ МАЬНАВИЯТИМИЗ ТАКОМИЛИ

Босқичлар	Тарихий давр	Асосий маънавий қадриятлар
I	Ибтидоий жамоа	a) Тупроқ, сув, оловнинг эъзозланиши; б) Яратувчилик меҳнатининг эъзозланиши;
II	Илк шаҳар жамоаси	Илм ва имон уйғунлигининг шаклланиши
III	Буюк давлатлар (империя)	Миллат, миллий адабий тил ва миллий давлатнинг шаклланиши

5. ИСЛОМ МИНТАҚА МАДАНИЯТИ ДАВРИДА МИЛЛИЙ МАЬНАВИЯТИМИЗ ТАКОМИЛИ

Миллий маънавиятимиз ривожининг тарихий босқичлари	Тарихий давр	Шахс ва миллат маънавиятининг такомил босқичлари ёки маърифат йўллари
I Сунна	VIII—IX асрлар	Ибрат
II Ислом маърифатчилиги	X—XI асрлар	Илм
III Тасаввуф тариқатлари ёхуд Ирфон	XII—XIII асрлар	Риёзат
IV “Мажоз тариқи”	XIV—XV асрлар	Мехр

МУНДАРИЖА

I КИСМ. МУСТАҚИЛЛИК МАЪНАВИЯТИ

1-маъруза. Истиқлол ва маънавият	5
1. Инсон ҳаётининг маъноси (муқаддима ўрнида)	5
2. Мустақиллик масъулияти. Миллий мустақиллик шароитида маънавият масалаларининг долзарблашуви ва бунинг сабаблари	7
3. Инсонлар онгидаги эски мафкура асоратларидан қутулиш муаммоси ва янгича тафаккур зарурати	9
4. Ўзбекистон Президенти И. А. Каримовнинг маънавият масалаларига алоҳида эътибори	11
2-маъруза. Миллий ғоя, мафкура, маънавият	16
1. Миллий ғоя, мафкура, маънавият. Уларнинг ўзаро нисбати	16
2. Миллий маънавият назариясини шакллантиришнинг умум-методологик асослари:	20
а) Кўп қутбли дунё	22
б) Инсон – дунё меҳвари	23
в) Иқтисод, сиёsat, маънавият. Инсон ва жамият ҳаётида уларнинг ўзаро нисбати	27
3-маъруза. Маънавият – ботиний қудрат	32
1. Инсон ҳаётида маънавиятнинг ўрни ва аҳамияти. Фано ва бақо	32
2. Маънавиятнинг турли таърифлари. Уларнинг ўзаро нисбати	34
3. Шахс маънавияти ва миллий маънавият нисбати. Миллий ўзликни англаш	38
4. Мустақил Ўзбекистонни ривожлантиришнинг маънавий-ахлоқий негизлари	40
4-маъруза. Дин ва маънавият	43
1. Мустақиллик шароитида динга муносабатнинг тубдан ўзгариши	43

2. Диний ақидапарастлик ва экстремизм — диний қадрият ларнинг тоталитаризм тафаккури руҳидаги баразли талқиини сифатида	45
3. Дин ва маънавият. Умумий ва фарқли жиҳатлар	47
4. Ёш авлодни миллий маънавиятимиз анъаналари руҳида тарбиялаш — улар онгини турли баразли «оқимлар» тарьиридан ҳимоялашнинг энг самарали йўли	52

5-маъруза. Умуминсоний қадриятлар ва миллий маънавиятимизнинг уйгунилиги 56

1. Миллий маънавиятимизнинг теран томирлари	56
2. Мустақиллик даврида аждодларимиз маънавий меросига муносабатнинг тубдан янгиланиши	59
3. Умуминсоний қадриятлар қандай шаклланади?	62
4. Миллий маънавиятимизнинг умуминсоний моҳияти	64

6-маъруза. «Миллий маънавият асослари» фани ижтимоий ва маънавиятга алоқадор фанлар тизимида 69

1. Ижтимоий фанлар методологияси хусусида	69
2. Маънавият ва фалсафа	72
3. «Миллий маънавият асослари» фанининг «Руҳшунослик» (Психология), «Ахлоқшунослик» (Этика), «Маданиятшунослик» (Культурология), «Нафосатшунослик» (Эстетика), «Тарбияшунослик» (Педагогика) каби инсон ва жамият ҳаётини ўрганувчи турли фанларга нисбати	78
4. «Миллий маънавият асослари» фанини ўрганиши ва ўқитиш услублари	89

II ҚИСМ. ШАХС ВА МИЛЛАТ МАЪНАВИЙ КАМОЛОТИ

7-маъруза. Миллий маънавиятимизнинг такомил босқичлари ва маърифат йўллари. Исломгача миллий маънавиятимиз такомили 96

1. Миллий маънавиятимиз тарихий такомилини даврлаштириш муаммолари	96
2. Исломгача маънавият. Ўлкамизда ибтидоий жамоалар ва инсон маънавиятининг илк шаклланиш жараёни	100
Илова: «Авесто» китоби ва «Мазда ясна» эътиқоди	103
3. Илк шаҳар жамоаси маънавияти. Илм ва имон нисбати	115
4. Туркий тошбитиклар маънавияти. Миллат ва миллий давлатнинг шаклланиши, миллатнинг ўз-ўзини англаб етиши	118

8-маъруза. Ислом минтақа маданияти доирасида миллий маънавиятимизнинг такомили. Ислом минтақа маънавиятида Сунна босқичи	126
1. Маънавий янгиланиш зарурати ва Тавҳид эътиқодининг шаклланиши	126
2. VIII—IX асрларда ислом минтақа маданиятининг шаклланиши	131
3. Ҳадис илми ва мазҳаблар. Имоми Аъзам ва Имом Бухорий	133
4. Шариат ва ислом ахлоқи. Минтақа маънавиятида Расулуллоҳ ибрати	136
5. IX асрда илм ва маданият. Туркӣ тилда исломий шеърият	137
9-маъруза. Ислом маърифатчилиги босқичи	142
1. Мантиқий тафаккур эҳтиёжи	142
2. Борлиқ ҳақиқатини англаб етишнинг турли йўналишлари:	145
а) Калом илмининг ривожланиши ва Мотуридий меросининг аҳамияти	147
б) ботиния таълимоти ва «Ихвон ус-сафо» энциклопедияси	151
в) фалсафа йўналиши: устози соний Форобийнинг жамият ҳақидаги қарашлари	152
г) тасаввуф илмининг шаклланиши	155
3. X—XI асрлар ислом минтақасида илм ва маданият ривожининг юксак босқичига кўтарилиши	161
10-маъруза. Тасаввуф тариқатлари ва Ирфон босқичи	165
1. Зоҳидлик, ошиқлик ва орифлик. Ибн Сино ва Фаззолий «Ишқ» ҳақида	166
2. Тасаввуф назарияси ва Ибн ал-Арабий мероси. Тасаввуф тариқатларининг шаклланиши	168
3. Туркистанда тасаввуф. Яссавия ва Кубравия. Баҳоуддин Нақибанд ва тасаввуф ирфонининг камоли	170
4. Илм ва ирфон. Нафс тарбияси ва риёзат маърифати ..	172
11-маъруза. Ислом минтақа маънавиятида «Мажоз тариқи» босқичи	180
1. Бадиий адабиётнинг минтақа маданиятида тутган ўрни	180
2. Минтақа адабиёти Алишер Навоий талқинида	183
3. Бадиий тафаккур тариқлари — дунёни идрок этиш ва уни ижодий акслантиришнинг ўзига хос йўллари	

сифатида	186
✓ 4. Алишер Навоий «мажоз ишқи» ҳақида	190
✓ 5. Ислом мінтақа мәданияти ривожида аждодларимиз ярат- ган мероснинг ўрни	203
12-маъруза. Алишер Навоий маънавияти	207
1. Минтақа мәданиятида туркӣ шеъриятнинг ривожи ..	207
2. «Бадойиъ үл-бидоя»да тавҳид фояси	209
3. Ҳамсачилик анъаналарининг шаклланиши ва туркӣ «Ҳам- са»нинг моҳияти	214
4. Навоий ва Аттор. «Лисон ут-тайр» маънавияти	226
13-маъруза. Янги даврда миллӣ маънавиятимиз такомили муаммолари	237
1. Алишер Навоий ижодида янги давр маънавиятига пойде- вор қўйилиши. Янги даврнинг маънавий моҳияти	237
✓ 2. Ислом мінтақа маънавиятининг Европа мәданиятига таъ- сири	243
3. XVI—XX асрлар миллӣ маънавиятимиз такомилининг икки босқичи	244
4. «Миллӣ изтироб» шеърияти. Турди ва Машраб	246
14-маъруза. Миллӣ уйғониш ва большевизм қатағон- лари	251
1. Янги давр зиддиятлари ва сиёсий қарамликнинг маънавий сабаблари	251
✓ 2. Миллӣ уйғониш ва Янги давр маърифатчилиги	254
✓ 3. Большевизм қатағонлари ва миллӣ зиёлилар тақдири	257
✓ 4. «Совет даври» ўзбек зиёлилар томонидан яратилган маъ- навий меросга муносабат	259
15-маъруза. Шахс ва миллат маънавий камолотининг уйғулиги	263
1. Маънавият ва маърифат	263
2. Исломгача маънавият – асотир тафаккурдан миллӣ ўзликни англаш сари	265
✓ 3. Ислом мінтақа мәданияти доирасида миллӣ маънавия- тимиз такомили ва маърифат йўллари:	267
а) Сунна босқичи – Ибрат маърифати	267
б) Ислом маърифатчилиги босқичи – Илм маъри- фати	269
в) Тасаввуф тариқатлари босқичи – Риёзат маъри- фати	270

г) «Мажоз тариқи» босқичи – Мехр маърифати	271
4. Янги даврда миллий маънавиятимиз такомилининг бош муаммоси – сиёсий ва маънавий тараққиёт уйғунлиги масаласи. «Хавос» ва «авом» маънавияти	274
ІІІ ҚИСМ. ИНСОН РУҲИННИНГ БОРЛИҚ ҲАҚИҚАТИ БИЛАН УЙҒУНЛАШУВИ ЁКИ ОЛИЙ МАЪНАВИЙ ҚАДРИЯТЛАР	
16-маъруза. Борлиқ ҳақиқати ва маънавий қадриятлар. Ватан туйғуси	281
1. Олий маънавий қадриятлар — Ватан, Шахс, Миллат, Адолат, Ҳақиқат — Инсон руҳининг Борлиқ ҳақиқати билан уйғунлашув босқичлари сифатида	281
2. Ватан туйғуси — Олий қадрият. Миллий маънавиятимизда «Ватан» тимсол-тушунчасининг маъно жилолари	285
3. Инсоннинг моддий борлиққа маънавий муносабати. Экологик муаммоларнинг ҳал этилишида маънавият омили	288
4. Табиатта мулкий муносабат. Унинг маънавий жиҳатлари	291
17-маъруза. Инсон ва Шахс	296
1. Инсон қадри ва Шахс масъулияти	296
2. Ирсият, руҳият, маънавият. Инсон табиати ва Аллоҳнинг иноятлари	300
3. Одоб, ахлоқ, маънавият. Маънавий тарбия восита ва усуллари погонадорлиги	306
4. Шахснинг иқтисодий мустақиллик масъулияти. Оила маънавий мұхити. Шахс, миллат, башарият	309
18-маъруза. Шахс ва Миллат	316
1. Фуқаролик миллат олдидағи масъулиятдир	316
2. Ижтимоий фаоллик — маънавият белгиси	322
3. Шахс әрки ва қонун устиворлиги	324
4. «Ҳақ сүзни беркитманг”	329
19-маъруза. Адолат — ижтимоий ҳаётда маънавиятнинг намоён бўлиши	333
1. Адолат муаммоси. Сиёсат ва ахлоқ	333
2. Қадр тушунчасининг сиёсатдаги инъикоси	336
3. Миллий маънавиятимизда халқ ҳокимиятчилиги масала-си	340

4. Қонун ҳукмронлиги — сиёсатдаги маънавият	347
20-маъруза. Бозор иқтисоди ва маънавият	353
1. Маънавий меросимиизда бозор иқтисодига муносабат .	354
2. Бозор ва маънавият	356
3. Маънавият ва бозор	357
4. Тадбиркор маънавияти	359
21-маъруза. Фуқаролар жамияти	366
1. Уйгун фуқаролар жамиятининг маънавий асослари ...	366
2. Ижтимоий тоифалар табиати ва маънавияти	372
а) Навоий нигоҳида дәхқон ва дарвеш	374
б) Аҳли футувва ва ёлланма ишчилар	377
3. Зиёли масъулияти	382
4. Раҳбар маънавияти	387
22-маъруза. Ҳақиқат ва башарият	393
1. Ҳақиқат нима? Турли миллатлар маънавияти ягона Бор- лик ҳақиқатининг жилолари сифатида	393
2. Тафаккур турлари ва маънавият	396
а) Мантиқий тафаккур	397
Илова: Билим турлари ҳақида	399
б) Санъат, адабиёт, маънавият	402
в) Ҳалқ ижоди ва маънавият	407
г) Маросимлар маънавияти	410
3. Тақдир ва тадбир. Миллий маънавиятимизда «аҳли қабул» ва «аҳли рад» тушунчалари	411

ИМОМНАЗАРОВ М., ЭШМУҲАМЕДОВА М.

Миллий маънавиятимиз асослари: (Олий ўқув юртлари учун маъруза матнлари)// Таҳрир ҳайъати: Ҳ.С.Кароматов, Н.Иброҳимов ва б.; -Т.: «Тошкент ислом университети», 2001.- 432 б.-(Мустақил Ўзбекистон Республикасининг ўн йиллик тўйига бағищланади).

Сарлавҳада: ЎзР Вазирлар Маҳкамаси. Тошкент ислом университети.
I. Муаллифдош.

ББК 66.3(5Y)+71.04(5Y)

Китоб Тошкент ислом университети услубий кенгаши ҳамда Республика «Маънавият ва маърифат» марказида экспертизадан ўтиб, ижобий холоса олган ва Ўзбекистон Республикаси Вазирлар Маҳкамаси ижтимоий комплекси раҳбари котибиияти томонидан олий ўқув юртлари учун маъруза матнлари сифатида нашрга тавсия этилган.

**Муҳаммаджон ИМОМНАЗАРОВ,
Марямхон ЭШМУҲАМЕДОВА**

МИЛЛИЙ МАЪНАВИЯТИМИЗ АОССЛАРИ

(Олий ўқув юртлари учун маъруза матнлари)

**«Тошкент ислом университети»
Тошкент – 2001**

Муҳаррир *А.Зиёдов*
Бадиий муҳаррир *Ш.Хасанов*
Техник муҳаррир *Ж.Бекиева*
Мусаҳҳих *Ф.Исмоилова*

Теришга берилди 10.07.2001. Босишга рухсат этилди 08.08.2001. Бинчими 84x108'/32. «Таймс» гарнитураси. Офсет босма усулида босилди.

Шартли босма табори 22,7. Нашириёт-хисоб табори 23,0.
Адали 2000 нусха. Баҳоси шартнома асосида. Буюртма № 2328

«Тошкент ислом университети» нашриёти.
Тошкент. 700011. А.Қодирий кӯчаси, 11.
Шартнома №07-31-01

«Шарқ» нашриёт-матбия акциядорлик
компанияси босмахонаси.
700083, Тошкент шаҳри, Буюк Турон кӯчаси, 41-үй.